

তাবিঈদের জীবনকথা

[তৃতীয় খণ্ড]

ড. মুহাম্মদ আবদুল মারুদ

তাবিউদ্দের জীবনকথা

[৩য় খণ্ড]

ড. মুহাম্মদ আবদুল মারুদ
প্রফেসর ও চেয়ারম্যান
আরবী বিভাগ
ঢাকা বিশ্ববিদ্যালয়

বাংলাদেশ ইসলামিক সেন্টার
ঢাকা

প্রকাশক
এ.কে.এম. নাজির আহমদ
পরিচালক

বাংলাদেশ ইসলামিক সেন্টার

প্রধান কার্যালয় :

২৩০ নিউ এলিফ্যান্ট রোড, ঢাকা-১২০৫

ফোন : ৮৬২৭০৮৬, ফ্যাক্স : ৯৬৬০৬৪৭

সেল্স এণ্ড সার্কুলেশান :

কাটাবন মসজিদ ক্যাম্পাস, ঢাকা-১০০০

ফোন : ৮৬২৭০৮৭, ০১৭৩২৯৫৩৬৭০



গ্রন্থকার কর্তৃক সর্বস্বত্ত্ব সংরক্ষিত

ISBN : 984-842-015-0 Set

প্রথম প্রকাশ
জুলাই : ২০০৮
রজব : ১৪২৯
শ্রাবণ : ১৪১৫

মুদ্রণ
আলফালাহ প্রিন্টিং প্রেস
মগবাজার, ঢাকা।

বিনিময় : দুইশত টাকা

Tabieeder JibonKatha (Vol. III)

Written by Dr Muhammad Abdul Mabud and Published by AKM Nazir Ahmad Director Bangladesh Islamic Centre Head Office 230 New Elephant Road Dhaka-1205 Sales and Circulation Katabon Masjid Campus Dhaka-1000 1st Edition July 2008 Price Taka 200.00 only.

بسم الله الرحمن الرحيم

ভূমিকা

আল-হামদু লিল্লাহ। আল্লাহর রাকুল ‘আলামীনের অশেষ রহমতে “তাবি’ঈদের জীবনকথা” বইটির ত্যও খও প্রকাশিত হতে যাচ্ছে। এর ২য় খও প্রকাশিত হবার পর আমি বিভিন্ন কাজে জড়িয়ে পড়ি, তাই এ কাজ যথারীতি চালিয়ে যেতে পারিনি। তবুও মাঝে মধ্যে সময় বের করে এ কাজও অব্যাহত রাখি। এর মধ্যে “সুন্নাতু রাসূলিল্লাহ” (সাল্লাল্লাহু আলাইহি ওয়াসাল্লাম) শীর্ষক বইটির রচনার কাজও শেষ করি এবং তা বাংলাদেশ ইসলামিক সেন্টার কর্তৃক প্রকাশিত হয়। এসব কারণে “তাবি’ঈদের জীবনকথা” ত্যও খও শেষ করতে বিলম্ব হয়। অবশেষে তা প্রকাশিত হচ্ছে, এজন্য আল্লাহর রাকুল ‘আলামীনের অশেষ শুকরিয়া জ্ঞাপন করছি।

ত্যও খও মোট একচল্লিশ (৪১) জন মহান তাবি’ঈর জীবনকথা এসেছে। তাঁরা সকলে উঁচু স্তরের সাহাবায়ে কিরামের (রা) বিশিষ্ট ছাত্র। তাঁরা তাঁদের মহান শিক্ষকদের নিকট থেকে রাসূলুল্লাহর (সাল্লাল্লাহু আলাইহি ওয়াসাল্লাম) জীবন, কর্ম ও আদর্শ বিষয়ক অর্জিত জ্ঞান পরবর্তী প্রজন্ম “তাবি’ তাবি’ঈন”-এর নিকট পৌছে দিয়ে গেছেন। তাই কুরআন ও সুন্নাহ বিষয়ে কোন কিছু পড়াশোনা ও আলোচনা করতে গেলে এ গ্রন্থে আলোচিত ব্যক্তিদের নাম বার বার ঘুরে-ফিরে আসে। আমরা যখন আসহাবে রাসূল (সা) ও তাবি’ঈদের জীবনকথা রচনার পরিকল্পনা করি তখন সিদ্ধান্ত ছিল অতি সংক্ষেপে তাঁদের পরিচয় মানুষের নিকট তুলে ধরবো। আমাদের সেই সিদ্ধান্ত অনুযায়ী ত্যও খওরে কাজটি ও সম্পন্ন করেছি।

আমার এ লেখালেখির পিছনে যিনি আমাকে সবচেয়ে বেশি সহযোগিতা করেন তিনি বাংলাদেশ ইসলামিক সেন্টারের পরিচালক অধ্যাপক এ কে এম নাজির আহমদ। তাঁর তাকীদ না থাকলে আমি হয়তো এতদূর এগুতে পারতাম না। আল্লাহ তাঁকে এর প্রতিদান দিন।

এ বইটির পাঠক-পাঠিকাদের নিকট আমার অনুরোধ, তাঁরা যেন এর ভুল-ক্রটি আমার দৃষ্টিগোচর করেন। পরিশেষে আল্লাহর রাকুল ‘আলামীনের নিকট আমার একান্ত কামনা, তিনি যেন আমাদের সকলকে তার মর্জিত মত কাজ করার তাওফীক দান করেন।

জুন ৩০, ২০০৮

মুহাম্মদ আবদুল মাবুদ
আরবী বিভাগ
ঢাকা বিশ্ববিদ্যালয়

সূচীপত্র

ভূমিকা ॥

- ১। মুহাম্মাদ ইবন আল-হানাফিয়া (রহ) ॥ ৭
- ২। যাইনুল 'আবিদীন 'আলী ইবন হুসাইন (রা) ॥ ৪০
- ৩। 'আমর ইবন দীনার (রহ) ॥ ৬৪
- ৪। রাবী'আ ইবন ফাররখ আর-রায় (রহ) ॥ ৬৯
- ৫। ইয়াহইয়া ইবন সাইদ (রহ) ॥ ৮৪
- ৬। ইসমা'সেল ইবন আবী খালিদ আল-আহমাসী (রহ) ॥ ৯০
- ৭। 'ইকরিমা মাওলা 'আবদিল্লাহ ইবন 'আবাস (রা) ॥ ৯৪
- ৮। 'আবদুল্লাহ ইবন 'আওন (রহ) ॥ ১০৭
- ৯। ইয়াস ইবন মু'আবিয়া (রহ) ॥ ১১৩
- ১০। কাসিম ইবন মুহাম্মাদ ইবন আবু বকর (রা) ॥ ১২৭
- ১১। ইয়াহইয়া ইবন ইয়া'মার আল-বাসরী (রহ) ॥ ১৩৭
- ১২। আইউব ইবন আবী তামীমা আস-সাখতিয়ানী (রহ) ॥ ১৪০
- ১৩। জাবির ইবন যায়দ (রহ) ॥ ১৪৭
- ১৪। আল-আসওয়াদ ইবন ইয়ায়ীদ (রহ) ॥ ১৫২
- ১৫। আবু সালামা ইবন 'আবদির রহমান (রা) ॥ ১৫৬
- ১৬। কাতাদা ইবন দি'আমা আস-সাদূসী (রহ) ॥ ১৫৯
- ১৭। ওয়াহাব ইবন মুনাব্বিহ (রহ) ॥ ১৬৪
- ১৮। মুহাম্মাদ ইবন ইসহাক (রহ) ॥ ১৭৪
- ১৯। মুজাহিদ ইবন জাবর (রহ) ॥ ১৮৮
- ২০। মুহাম্মাদ ইবন 'আলী ইবন হুসায়ন আল-বাকির (রহ) ॥ ১৯২
- ২১। মাকহুল আদ-দিমাশকী (রহ) ॥ ১৯৬
- ২২। মুহাম্মাদ ইবন আল-মুনকাদির (রহ) ॥ ২০১
- ২৩। মুসলিম ইবন ইয়াসার (রহ) ॥ ২০৫
- ২৪। মিস'আর ইবন কিদাম (রহ) ॥ ২০৮

- ২৫। মুতারুরিফ ইবন 'আবদিল্লাহ ইবন আশ-শিখ্যীর (রহ) ॥ ২১৩
- ২৬। মায়মূন ইবন মিহরান (রহ) ॥ ২১৮
- ২৭। খারিজা ইবন যায়দ (রহ) ॥ ২২৮
- ২৮। খালিদ ইবন মা'দান (রহ) ॥ ২৩০
- ২৯। আবু বুরদা ইবন আবী মূসা আল-আশ'আরী (রা) ॥ ২৩২
- ৩০। কা'ব আল-আহবার (রহ) ॥ ২৩৫
- ৩১। আবু 'উছমান আন-নাহদী (রহ) ॥ ২৩৯
- ৩২। ইউনুস ইবন 'উবায়দ (রহ) ॥ ২৪২
- ৩৩। সুলায়মান ইবন ইয়াসার আল-হিলালী (রহ) ॥ ২৪৬
- ৩৪। আবুল 'আলিয়া রিয়াহী (রহ) ॥ ২৪৯
- ৩৫। আবু ইদরীস আল-খাওলানী (রহ) ॥ ২৫৭
- ৩৬। আবু কিলাবা জারমী (রহ) ॥ ২৬০
- ৩৭। ইয়ায়ীদ ইবন আবী হাবীব (রহ) ॥ ২৬৫
- ৩৮। আবু ওয়াইল শাকীক ইবন সালামা (রহ) ॥ ২৬৮
- ৩৯। জা'ফর ইবন মুহাম্মাদ আস-সাদিক (রহ) ॥ ২৭৪
- ৪০। মুহাম্মাদ ইবন ওয়াসি' আল-আয়দী (রহ) ॥ ২৮০
- ৪১। হিশাম ইবন 'উরওয়া (রহ) ॥ ২৮৯
- ৪২। আবু বাকর ইবন 'আবদির রহমান (রা) ॥ ২৯২
- ৪৩। গ্রহপঞ্জী ॥ ২৯৫

মুহাম্মাদ ইবন আল-হানাফিয়া (রহ)

মুহাম্মাদ (রহ)-এর ডাকনাম আবুল কাসিম। পিতা হ্যরত 'আলী ইবন আবী তালিব (রা)। হ্যরত হাসান ও হ্সাইন (রা)-এর বৈমাত্রেয় ভাই। হ্যরত 'আলী (রা) নবী-দুহিতা হ্যরত ফাতিমার (রা) ইনতিকালের পর কয়েকটি বিয়ে করেন। সেই বেগমদের একজন ছিলেন খাওলা^১ রাসূলে কারীমের (সা) জীবনের শেষ দিকে একদিন 'আলী (রা) তাঁর সাথে বসে আছেন। এক পর্যায়ে তিনি বলেন :

ইয়া রাসূলুল্লাহ! আপনার উষ্মাতের পর যদি আমার কোন পুত্র সন্তান হয় তাহলে আমি কি আপনার নামে তার নাম এবং আপনার উপনামে তার উপনাম রাখতে পারবো? রাসূল (সা) বললেন : হ্যাঁ, পারবে।^২

সময় গড়িয়ে চললো। একদিন রাসূল (সা) দুনিয়া থেকে বিদায় নিলেন এবং তার মাত্র ছয় মাস পর হাসান-হ্সাইনের (রা) মা নবী-দুহিতা ফাতিমা (রা) পিতাকে অনুসরণ করে দুনিয়া থেকে চলে গেলেন। অতঃপর 'আলী (রা) তাঁর জীবনের এক পর্যায়ে আরবের বানু হানীফা গোত্রে বৈবাহিক সম্পর্ক স্থাপন করেন। তিনি এ গোত্রের জা'ফার ইবন কায়স আল-হানাফিয়ার কন্যা খাওলাকে বিয়ে করেন। এই খাওলার গর্ভে জন্মগ্রহণ করে এক পুত্র সন্তান। রাসূলুল্লাহর (সা) পূর্ব অনুমতির ভিত্তিতে পিতা 'আলী (রা) সন্তানের নাম মুহাম্মাদ ও ডাকনাম আবুল কাসিম রাখেন। তবে মানুষ ফাতিমাতুয় যাহুরার দুই ছেলে হাসান ও হ্সাইন (রা) থেকে তাঁকে পার্থক্য করার জন্য ডাকতে থাকে মুহাম্মাদ ইবন আল-হানাফিয়া অর্থাৎ হানীফা বংশীয় মহিলার গর্ভজাত সন্তান মুহাম্মাদ। অতঃপর ইতিহাসে তিনি এ নামে পরিচিতি লাভ করেন।^৩

নাম ও কুনিয়াত নিয়ে ঝগড়া

একবার 'আলী ও তালহার (রা) মধ্যে উত্তে বাক্য বিনিময় হয়। এক পর্যায়ে তালহা 'আলীকে লক্ষ্য করে বলেন : না, আপনি রাসূলুল্লাহর (সা) উপর দুঃসাহস দেখিয়েছেন। নিজের ছেলের নাম ও উপনাম রাসূলুল্লাহর (সা) নামে রেখেছেন। অথচ রাসূল (সা) তাঁর পরে উষ্মাতের কেউ যেন এমনটি (এক সাথে নাম ও উপনাম) না করে সে ব্যাপারে সুস্পষ্টভাবে বলে গেছেন। জবাবে 'আলী বলেন : আল্লাহ ও তাঁর রাসূলের বিরুদ্ধাচরণ করাই হলো দুঃসাহস অথচ আমি তো তেমন কিছু করিনি। তারপর তিনি কুরাইশ গোত্রের কয়েক ব্যক্তিকে ডেকে বলেন : তোমরা কোন কথার সাক্ষ্য দিবে? তাঁর

১. আল-আ'লাম-৬/২৭০

২. আত-তাবাকাত-৫/৯২

৩. আল-আ'লাম-৬/২৭০; সুওয়ার্কন মিন হায়াত আত-তাবি'ঈন-২৬৬

বললেন : আমরা সাক্ষ্য দিব যে, তিনি (রাসূল সা.) বলেছেন : আমার পরে অতি শীঘ্র তোমার একটি ছেলের জন্ম হবে এবং তুমি আমার নামে ও উপনামে তার নাম ও উপনাম রাখবে। আমার পরে আমার উশ্মাতের আর কারো জন্য এমনটি করা হালাল (সঙ্গত) হবে না।^৪

তবে হ্যরত খাওলার (রহ) বংশের ব্যাপারে ইতিহাসবিদদের মতভেদ আছে। অনেকে তাঁকে ইয়ামাম'র যুদ্ধ বন্দীদের একজন বলে উল্লেখ করেছেন।^৫ আবার অনেকে বলেছেন, তিনি সিঙ্গু বংশোদ্ধৃত। কেউ কেউ তাঁকে বানু হানীফার দাসী বলেছেন।^৬ সঠিক এটাই যে, তিনি বানু হানীফার এক সন্তান ঘরের কন্যা ছিলেন। মুহাম্মাদ ইবন হানাফিয়ার জন্মের সময় সম্পর্কেও কিছুটা মতপার্থক্য আছে। একটি মতে দ্বিতীয় খলীফা হ্যরত 'উমার ফারকের (রা) খিলাফতের শেষের দিকে মাত্র দুই বছর বাকী থাকতে তাঁর জন্ম হয়। এই হিসেবে হিজরী ২১ সনের শেষ অথবা ২২ সনের প্রথম দিক হবে।^৭ অন্য একটি মতে খলীফা হ্যরত আবু বাকর সিন্দীকের (রা) খিলাফতকালের একেবারে শেষ দিকে তাঁর জন্ম হয়।^৮

মুহাম্মাদ তাঁর মহান পিতার তত্ত্বাবধানে বেড়ে ওঠেন। শিক্ষা-দীক্ষা, ইবাদাত-বন্দেগীর নিয়ম-কানুন ও পার্থিব ভোগ-বিলাস বিমুখ জীবন-যাপনের নিয়ম-পদ্ধতি তাঁর কাছ থেকেই লাভ করেন। সেই সাথে পৈত্রিক সূত্রে লাভ করেন শক্তি, সাহস, বীরত্ব এবং অতুলনীয় বাণিজ্য ও ভাষা দক্ষতা। পিতার প্রত্যক্ষ নজরদারিতে শৈশবেই তিনি একদিকে হয়ে ওঠেন একজন দক্ষ অশ্বারোহী যোদ্ধা এবং অন্যদিকে রাতের অন্ধকারে যখন পৃথিবীর মানুষ সুমিয়ে থাকে তখন হয়ে যান দুনিয়া বিরাগী একজন সাধক ও তাপস।

তাঁর শৈশবকালীন জীবনের কথা তেমন কিছু জানা যায় না। উটের যুদ্ধ থেকে তাঁকে দৃশ্যপটে দেখা যায়। এ সময় তাঁর বয়স খুব টেনে-টুনেও পনের/ষেল বছরের বেশি হবে না। পিতার সাথে তিনি যুদ্ধে যান এবং পিতা তাঁর হাতে সামরিক পতাকা তুলে দেন। আদ-দায়নাওয়ারী বলেন :^৯ “‘আলী (রা) আক্রমণের নির্দেশ দিলেন। তখন তাঁর ডান ভাগের দায়িত্বে ছিলেন আল-আশতার এবং বাম ভাগের দায়িত্বে ছিলেন ‘আমার ইবন ইয়াসির (রা)। আর ‘আলীর (রা) বাহিনীর সবচেয়ে বড় বাণাটি ছিল মুহাম্মাদ ইবন আল-হানাফিয়ার হাতে।’” এরপর থেকে তিনি পিতার সাথে সকল অভিযানে অংশ নেন। যুদ্ধের ময়দানে পিতা তাঁর কাঁধে এত কঠিন দায়িত্ব অর্পণ করেন যা তাঁর অন্য দুই

৪. আত-তাবাকাত-৫/৯২

৫. তাহ্যীব আত-তাহ্যীব-৯/৩৯৫

৬. আত-তাবাকাত-৫/৯১; তাবি'ঈন-৮০৫

৭. ওয়াফাইয়াতুল আ'য়ান-১/৪৫০

৮. সুওয়ারুন মিন হায়াত আত-তাবি'ঈন-২৬৭

৯. আল-আখবার আত-তিওয়াল-১৪৮

সৎ ভাই হাসান-হ্সাইনের (রা) উপর করেননি। তিনি অত্যন্ত দৃঢ়তা, শক্তি ও সাহসের সাথে নিজের উপর অর্পিত দায়িত্ব পালন করেন। একবার তাঁকে প্রশ্ন করা হলো : আপনার পিতা আপনাকে যেরূপ কঠিন বিপদ-আপদের মুখে ঠেলে দেন তেমন তো আপনার অন্য দুই ভাই হাসান-হ্সাইনকে দেন না- এর কারণ কি? বললেন : আমার অন্য দুই ভাই হলেন আমার পিতার দুই চোখের মত, আর আমি হলাম তাঁর দুই হাতের মত। তিনি তাঁর দুই হাত দ্বারা দুই চোখের নিরাপত্তা নিশ্চিত করেন।^{১০}

উটের যুদ্ধ

এ যুদ্ধের প্রাথমিক প্রস্তুতি ও ব্যবস্থাপনার পর ‘আলী (রা) মুহাম্মাদকে সামনে এগোনোর নির্দেশ দেন। তিনি পতাকা হাতে নিয়ে নির্ভীকচিত্তে নির্দেশ পালন করে সামনে এগিয়ে যান। বসরাবাসীরা তাঁর প্রতি বর্ণ ও তরবারি তাক করে ধরে। তখন তিনি একজন তরুণ। সামনে এগোবার সাহস হারিয়ে ফেলেন। ‘আলী (রা) তাঁর হাত থেকে পতাকা নিয়ে নিজেই শক্ত বাহিনীকে আক্রমণ করেন। সহযোগী যোদ্ধারাও তাঁকে সহযোগিতা করেন। এরপর উভয়পক্ষের মধ্যে তুমুল যুদ্ধ শুরু হয়ে যায়। এরপর ‘আলী (রা) আবার মুহাম্মাদের হাতে পতাকা তুলে দেন।^{১১}

উটের যুদ্ধের এ ঘটনা মুহাম্মাদ আল-হানফিয়া নিজেই বর্ণনা করেছেন এভাবে : যখন আমাদের সৈনিকরা কাতারবন্দী হলো তখন আমার আবু পতাকা আমার হাতে তুলে দিলেন। তারপর দু’বাহিনী মুখোমুখী হয়ে পরস্পরের দিকে অগ্রসর হলো। আবু যখন আমার মধ্যে কিছুটা ভীতির ভাব লক্ষ্য করলেন তখন তিনি আমার হাত থেকে পতাকা নিয়ে যুদ্ধ শুরু করে দিলেন। আমিও এগিয়ে গিয়ে এক বসরী সৈনিকের উপর আক্রমণ চালাই। সে আহত অবস্থায় চিংকার করে বলতে থাকে আমি আবু তালিবের ধর্মতের উপর আছি। আমি তার কথা শুনে পরবর্তী আঘাত থেকে বিরত থাকি। তারা পরাজিত হওয়ার পর আবু ঘোষণা দিলেন, কেউ আহতদের হত্যা করবে না এবং রণক্ষেত্র থেকে পলায়নপর কারো পিছু ধাওয়া করবে না। যুদ্ধ শেষে প্রতিপক্ষ যে সকল ঘোড়া ও অঙ্গ-শস্ত্র ব্যবহার করেছিল তা আমার আবু গনীমাতের মাল (যুদ্ধলক্ষ সম্পদ) হিসেবে সৈনিকদের মধ্যে যথারীতি বণ্টন করে দেন।^{১২}

সিফ্ফীন যুদ্ধ

এ যুদ্ধ হয় ‘আলী (রা) ও মু’আবিয়ার (রা) মধ্যে। উটের যুদ্ধের পর পরই সিফ্ফীন যুদ্ধের প্রস্তুতি শুরু হয়ে যায়। প্রথম থেকে শেষ পর্যন্ত মুহাম্মাদ ইবন আল-হানফিয়া এ যুদ্ধে তাঁর পিতার সাথে ছিলেন। সিফ্ফীন যুদ্ধের সূচনা পর্ব তিনি এভাবে বর্ণনা করেছেন : আমার আবু মু’আবিয়া (রা) ও শামবাসীদের সাথে যুদ্ধের কথা ভাবতেন

১০. ওয়াফাইয়াত আল-আ’য়ান-১/৪৪৯; সুওয়ারুন মিন হায়াত আত-তাবি’ঈন-২৬৮

১১. আল-আখবার আত-তিওয়াল-১৪৮-১৪৯; তাবি’ঈন-৪০৬

১২. আত-তাবাকাত-৫/৯৩

এবং ঝাঙা তৈরি করে এই বলে কসম খেতেন যে, যুদ্ধের ময়দান ছাড়া এ ঝাঙা খুলবো না। কিন্তু তাঁর সহচরগণ তাঁর সাথে দিমত পোষণ করে যুদ্ধের ব্যাপারে টালবাহানা করতেন। তাদের বিরোধিতা দেখে তিনি শেষ পর্যন্ত ঝাঙা খুলে ফেলে কসমের কাফ্ফারা আদায় করতেন। এভাবে তিনি চারবার ঝাঙা বেঁধে আবার তা খুলে কাফ্ফারা আদায় করেন। ব্যাপারটি আমার মনোপৃষ্ঠঃ হলো না। আমি মিসওয়ার ইবন মাখরামাকে বললাম, আপনি আমার আবাকে জিজ্ঞেস করছেন না কেন, এ অবস্থায় তিনি কোথায় যাওয়ার সিদ্ধান্ত নিচ্ছেন? আল্লাহর কসম! আমি এই লোকদের দ্বারা উপকার লাভের কোন আশা দেখছি না। মিসওয়ার বললেন, তিনি যা করার সিদ্ধান্ত নিয়েছেন তা করেই ছাড়বেন। আমি তাঁর সাথে কথা বলেছি। তিনি যাত্রার চূড়ান্ত সিদ্ধান্ত নিয়ে ফেলেছেন।^{১৩}

যুদ্ধ যখন কোনভাবে এড়ানো গেল না এবং ‘আলী (রা) সিফ্ফীনের পথে যাও করলেন তখন মুহাম্মাদও তাঁর সঙ্গী হলেন। ‘আলী উটের যুদ্ধের মত সিফ্ফীন যুদ্ধের ঝাঙাও তাঁর হাতে তুলে দেন।^{১৪} এ যুদ্ধের ধারাবাহিকতা অনেক দিন যাবত বিদ্যমান ছিল। প্রথম দিকে বেশ কিছু দিন ধরে সম্মিলিতভাবে চূড়ান্ত যুদ্ধের পরিবর্তে উভয় পক্ষের একজন অথবা দু’জন করে ময়দানে এসে দ্বন্দ্ব যুদ্ধে লিপ্ত হতো। একদিন মুহাম্মাদ ইবন আল-হানাফিয়া একজনকে সংগে নিয়ে ময়দানে উপস্থিত হন। শারী সৈনিকদের মধ্য থেকে উবাইদুল্লাহ ইবন উমার মুকাবিলা করার জন্য এগিয়ে আসে এবং হংকার ছেড়ে মুহাম্মাদ ইবন আল-হানাফিয়াকে ঘোড়ার পিঠ থেকে নামার আহ্বান জানায়। দু’জনই ঘোড়ার পিঠ থেকে নেমে পড়ে। ‘আলী (রা) এ দৃশ্য দেখে সামনে এগিয়ে গিয়ে মুহাম্মাদের পাশে দাঁড়ান। তিনি নিজের ঘোড়ার লাগামটি তার হাতে দিয়ে বলেন: এটি ধর। তারপর তিনি নিজে ‘উবাইদুল্লাহর মুকাবিলার জন্য সামনে এগিয়ে যান। ‘আলীকে (রা) দেখে ‘উবাইদুল্লাহ একথা বলতে বলতে দূরে সরে যায়।^{১৫}

مالي في مبارزتك من حاجة، إنما أردت ابنك.

“আমি আপনার সঙ্গে নয়, বরং আপনার ছেলের সঙ্গে লড়তে চাই!” উবাইদুল্লাহর চলে যাওয়ার পর মুহাম্মাদ ইবন আল-হানাফিয়া পিতাকে বলেন, যদি আপনি আমাকে তার সাথে লড়ার সুযোগ দিতেন তাহলে আমার বিশ্বাস আমি তাকে হত্যা করতে পারতাম। ‘আলী (রা) বলেন, আমারও তো সেই রকম বিশ্বাসই ছিল। তবে বিপদ থেকে মুক্ত ছিলে না। আমার ভয় হচ্ছিল, তোমার জীবন বিপন্ন হয়ে না পড়ে। এরপর উভয় পক্ষের অশ্বারোহী ঘোড়াগণ দুপুর পর্যন্ত লড়তে থাকে; কিন্তু কোন পক্ষ অপর পক্ষকে পরাভূত করতে পারলো না।

এক পর্যায়ে ‘আলী (রা) একটি শারী দলের দিকে অগ্রসর হওয়ার জন্য তাঁকে নির্দেশ

১৩. প্রাণক্ষণ

১৪. প্রাণক্ষণ

১৫. আল-আখবার আত-তিওয়াল-১৭৫-১৭৬

দেন। তাঁকে একথাও বলেন যে, তাদের বক্ষে বর্ণিত করার পর হাত চালানো থেকে বিরত থাকবে। অর্থাৎ তরবারি ধারা তাদেরকে হত্যা করবে না। আমার পরবর্তী নির্দেশের অপেক্ষা করবে। তিনি পিতার এ আদেশ মেনে চলেন। ‘আলী (রা) আরেকটি দলকে তাঁর সাহায্যের জন্য পাঠান। তারা মুহাম্মাদ ইবন আল-হানাফিয়ার নেতৃত্বে শামী সৈন্যদেরকে আক্রমণ করে তাড়িয়ে দেন।’^{১৬}

সিফ্ফীন যুদ্ধের অনেক সঞ্চটময় পর্যায়ে মুহাম্মাদ ইবন আল-হানাফিয়া তাঁর অন্য দুই সৎ ভাই হাসান ও হ্সাইনের (রা) সাথে কাঁধে কাঁধ মিলিয়ে তাঁদের মহান পিতার নিরাপত্তা নিশ্চিত করেন। ‘আলীর (রা) প্রতি যখন চারিদিক থেকে বৃষ্টির মত তীর-বর্ষা নিষ্কেপ করা হচ্ছিল তখন মুহাম্মাদ তাঁর দুই ভাইয়ের সাথে নিজেদের দেহকে ঢাল হিসেবে ব্যবহার করে তাঁকে অক্ষত রাখেন। যায়দ ইবন ওয়াহাব বলেন :^{১৭}

فإني لأنظر إلى على، وهو يمر نحو ربعة ومعه بنوه : الحسن والحسين و Mohammad، وإن النبل ليمر بين أذنيه وعاتقه وبنوه يقونه بأنفسهم.

‘আমি ‘আলীর প্রতি তাকিয়ে দেখছি, তিনি রাবী‘আর দিকে যাচ্ছেন, আর তাঁর সাথে চলছেন তিন ছেলে হাসান, হ্সাইন ও মুহাম্মাদ, তীর-বর্ষা তাঁর দু’কান ও কাঁধের পাশ দিয়ে উড়ে যাচ্ছে, আর তাঁর ছেলেরা নিজেদের দেহ দিয়ে তাঁর নিরাপত্তা নিশ্চিত করছে।’

পূর্বেই উল্লেখ করা হয়েছে যে, যখন তিনি সিফ্ফীন যুদ্ধে যোগদান করেন তখন সদ্য কৈশর অতিক্রম করে যৌবনে পা রেখেছেন। তাই এ যুদ্ধের ভয়াবহতা তাঁর অন্তরে ভীষণ প্রভাব ফেলে। তিনি পরবর্তীতে সারা জীবন যুদ্ধ ও রক্তপাত এড়িয়ে চলেন। এ সম্পর্কে তাঁর নিজের একটি বর্ণনা নিম্নরূপ :

আমরা সিফ্ফীনে গেলাম এবং মু’আবিয়ার বাহিনীর সাথে যুদ্ধে লিঙ্গ হলাম। যুদ্ধের ভয়াবহতা দেখে আমার ধারণা হলো, আমাদের এবং তাদের কেউ আর বেঁচে থাকবে না। বিষয়টি আমি খুব বড় মনে করলাম এবং আমার কাছে খুব দুঃখজনক মনে হলো। এসব যখন আমি ভাবছি, তখন শুনতে পেলাম কেউ যেন আমার পিছন থেকে চিন্কার করে বলছে :

“ওহে মুসলিম জনমঙ্গলী! আল্লাহকে ভয় কর, আল্লাহকে ভয় কর। ওহে জনমঙ্গলী! নারী ও শিশুদের রক্ষা করবে কে? কে রক্ষা করবে দীন-ধর্ম ও ইজত-আবরু? কে লড়বে রোমান ও দায়লাম বাহিনীর বিরুদ্ধে? ওহে মুসলিম জনমঙ্গলী! আল্লাহকে ভয় কর, আল্লাহকে ভয় কর!”

এরপর আমি প্রতিজ্ঞা করি, আজকের দিনের পর আর কোন মুসলিমের বিরুদ্ধে তরবারি উঠাবো না।

১৬. আল-কামিল ফী আত-তারীখ-৩/২৬২

১৭. আল-আখবার আত-তিওয়াল-১৮২

মুহাম্মাদ ইবন আল-হানাফিয়া সম্পর্কে হযরত ‘আলীর (রা) অস্তিম উপদেশ সিফ্ফীন যুদ্ধের অল্প কিছুদিন পর হযরত ‘আলী (রা) গুণ্ঠ ঘাতকের হাতে শাহাদাত বরণ করেন। শেষ নিঃশ্঵াস ত্যাগের পূর্বে তিনি হাসান, হসাইন ও মুহাম্মাদকে উপদেশ দান করেন।

আল-মাস‘উদী হযরত ‘আলীর (রা) সেই অস্তিম উপদেশ বর্ণনা করেছেন এভাবে :^{১৮}

ثم دعا الحسن والحسين، فقال لهما : أوصيكم بتقوى الله وحده ولا تبغيا الدنيا وإن
بغتكم، ولا تأسفا على شيئا منها، قولا الحق وارحاما اليتيم، وأعينا الضعيف،
وكوننا للظالم خصماء وللمظلوم عوناً، ولا تأخذكم في الله لومة لائم.

“অতঃপর তিনি হাসান ও হসাইনকে (রা) ডেকে বলেন : আমি তোমাদের দু’জনকে এক আল্লাহকে ভয় করার উপদেশ দিচ্ছি। দুনিয়া তোমাদের প্রত্যাশী হলেও তোমরা তার প্রত্যাশী হবে না, দুনিয়ার কোন কিছু না পেলে তার জন্য আফসোস করবে না, সর্বদা সত্য বলবে, ইয়াতীমের প্রতি দয়া করবে, দুর্বলকে সাহায্য করবে, যালিমের বিরুদ্ধে কৃথে দাঁড়াবে, মাযলূমের প্রতি সাহায্যের হাত বাড়িয়ে দেবে এবং আল্লাহর আদেশ-নিষেধ পালনের ব্যাপারে কোন নিন্দুকের নিন্দার পরোয়া করবে না।”

তারপর তিনি মুহাম্মাদ ইবন আল-হানাফিয়ার দিকে তাকিয়ে তাঁকে লক্ষ্য করে বলেন :
هل سمعت ما أوصيت به أخيك.

“আমি তোমার দুই ভাইকে যে উপদেশ দিয়েছি তা কি শুনেছো?” তিনি হাঁ সূচক জবাব দিলে ‘আলী (রা) বলেন :

أوصيك بمثله، وأوصيك بتوقر أخيك وتزيين أمرهما، ولا تقطععنَّ أمرًا دونهما.

“আমি তোমাকেও অনুরূপ উপদেশ দিচ্ছি। আরো উপদেশ দিচ্ছি, তোমার দুই ভাইকে সমান করবে, তাদের কাজে সমর্থন দেবে এবং তাদের সাথে পরামর্শ ছাড়া কোন কাজ করবে না।”

তিনি আবার হাসান-হসাইনের (রা) দিকে মুখ ফিরিয়ে বলেন :

أوصيكم بما به، فإنه سيفكم وإن أبيكم، فاكربوه وأعرفوا حقه.

“তোমাদের দু’জনকে আমি তার ব্যাপারে উপদেশ দিচ্ছি। সে তোমাদের দু’জনের অসি এবং তোমাদের পিতার সন্তান। তাঁকে ভালোবাসবে এবং তার অধিকারের প্রতি সচেতন থাকবে।”

হযরত হাসান ও হসাইন (রা) দু’জনই তাঁদের ছোট ভাইয়ের প্রতি পিতার উপদেশের কথা স্মরণ রাখেন এবং কোন অবস্থাতেই তার প্রতি তাঁদের দায়িত্বের কথা বিশ্বৃত

১৮. মুরজ আয়-যাহাব-১/৩৪১

হননি। হ্যরত হাসান (রা) মদীনায় অসুস্থ হয়ে পড়েন। রোগের তীব্রতা বৃদ্ধি পেতে থাকে। মুহাম্মাদ ইবন আল-হানাফিয়া তখন মদীনার বাইরে তাঁর খামারে অবস্থান করছিলেন। তাঁকে ডেকে পাঠানো হলো। তিনি এসে হ্যরত হাসানের (রা) ডান পাশে বসেন এবং হ্যরত হুসাইন (রা) বসেন বাম পাশে। হ্যরত হাসান (রা) চোখ মেলে তাঁদের দিকে তাকান। তারপর সহোদর ভাই হুসাইনকে (রা) লক্ষ্য করে বলেন :^{১৯}

يا أخي أوصيك بمحمد أخيك خيراً، فإنه جلده ما بين العينين.

“আমি তোমাকে তোমার ছোট ভাই মুহাম্মাদের সাথে সদাচরণের উপদেশ দিছি। সে আমাদের দু চোখের মধ্যবর্তী স্থানের ত্বকের মত অতি প্রিয়। অনুরূপভাবে তিনি মুহাম্মাদকে বলেন, “আমি তোমাকেও বলছি, প্রয়োজনের সময় হুসাইনের (রা) পাশে থেকে তাঁকে সাহায্য করবে।”

ইতিহাস সাক্ষ্য দেয় যে, তাদের তিনি ভাইয়ের মধ্যে গভীর মিল-মুহাব্বাত ছিল। একবার কী যেন একটা কারণে মুহাম্মাদ ও হাসানের (রা) মধ্যে একটু ভুল বুঝাবুঝির সৃষ্টি হয় এবং বড় ভাই হাসান একটু বিরক্ত হন। ছোট ভাই একটু ভেবে-চিন্তে ছেটে একটা চিঠিতে বড় ভাইকে লিখলেন : আল্লাহ আপনাকে আমার চাহিতে বেশি মর্যাদাবান করেছেন। আপনার মা আল্লাহর রাসূল মুহাম্মাদ ইবন ‘আবদিল্লাহর (সা) কন্যা ফাতিমা (রা)। আর আমার মা বানু হানীফার একজন মহিলা। আপনার নানা রাসূলুল্লাহ (সা)। আর আমার নানা জা’ফার ইবন কায়স।

অতএব, আমার এ পত্র আপনার হাতে পৌছানোর সাথে সাথে আমার নিকট এসে আমার সাথে একটা মীমাংসা করুন, যাতে সর্বক্ষেত্রে আমার উপর আপনার মর্যাদা অক্ষুণ্ণ থাকে। পত্রটি হ্যরত হাসানের (রা) হাতে পৌছা মাত্র তিনি ছেটে ভাই মুহাম্মাদের বাড়ীতে ছুটে যান এবং তার সাথে আপোষ করে নেন।^{২০}

আমীর মু’আবিয়ার (রা) হাতে বাই’আত

হ্যরত ‘আলীর (রা) শাহাদাতের পর গোটা খিলাফতের কর্তৃত হ্যরত মু’আবিয়ার (রা) হাতে চলে আসে। মুহাম্মাদ ইবন আল-হানাফিয়া ইসলাম ও মুসলিম উম্মাহর মান-মর্যাদা ও ঐক্য-সংহতির কথা চিন্তা করে হ্যরত মু’আবিয়ার (রা) খিলাফতকে মেনে নিয়ে তাঁর হাতে বাই’আত করেন। তিনি যে সততা ও আন্তরিকতার সাথে বাই’আত করেছেন হ্যরত মু’আবিয়া (রা) তা বুঝতে পারেন। তাঁর পক্ষ থেকে যে কোন রকম বিরোধিতা হবে না সে ব্যাপারে তিনি নিশ্চিত হলেন। আর তাই তিনি অত্যন্ত সন্তুষ্টিতে মুহাম্মাদকে তাঁর সাক্ষাতের জন্য আমন্ত্রণ জোনান। সে আমন্ত্রণে সাড়া দিয়ে তিনি বিভিন্ন কারণে একাধিকবার দিমাশকে গিয়ে মু’আবিয়ার (রা) সাথে সাক্ষাৎ করেন।^{২১}

১৯. আল-আখবার আত-তিওয়াল-২২১

২০. সুওয়ারুন মিন হায়াত-আত-তাবি’ঈন-২৬৫

২১. প্রাণ্তক

ইয়াযীদকে খলীফা মেনে নেওয়ার ব্যাপারে হ্যরত হসাইন (রা)-কে পরামর্শ

হ্যরত হাসান (রা)-এর পরে মুহাম্মাদ ইবন আল-হানাফিয়া হ্যরত হসাইনকে (রা) নিজের বড় ভাই বলে মানতেন। একজন বিশ্বস্ত ও নিষ্ঠাবান ভাই হিসেবে তাঁর সকল বিপদ-আপদ ও সমস্যার ক্ষেত্রে সব সময় তাঁর পাশে অবস্থান করেন। হ্যরত মু'আবিয়ার (রা) ওফাতের পরে ইয়াযীদের নির্দেশে মদীনার গভর্নর ওয়ালীদ হ্যরত হসাইনকে (রা) ইয়াযীদের প্রতি বাই'আতের আহ্বান জানায়। তিনি সে ব্যাপারে সিদ্ধান্ত নিতে দ্বিধা-দ্বন্দ্বের আবর্তে পড়ে যান এবং এক পর্যায়ে মদীনা ত্যাগের সিদ্ধান্ত নেন। তখন মুহাম্মাদ ইবন হানাফিয়া বিনীতভাবে তাঁকে বলেন : ভাই! আপনি আমার সর্বাধিক প্রিয় ব্যক্তিত্ব। এ পৃথিবীতে এমন দ্বিতীয় কোন ব্যক্তি নেই, আপনার চেয়ে আমি যার হিতাকাঙ্ক্ষী। আমার পরামর্শ হলো যতটুকু সম্ভব এ মুহূর্তে আপনি ইয়াযীদের প্রতি বাই'আত থেকে দূরে থাকুন এবং মদীনা ছেড়ে অন্য কোথাও যাওয়ার পরিকল্পনা ত্যাগ করুন। এখানে অবস্থান করেই বিভিন্ন অঞ্চলে গোপনে দৃত পাঠিয়ে মানুষকে আপনার খিলাফতের প্রতি সমর্থনের আহ্বান জানান। যদি তারা আপনার প্রতি বাই'আত করে তাহলে তা হবে আমাদের জন্য বিজয়, আর যদি তারা আপনাকে বাদ দিয়ে অন্য কোন মুসলিমের ব্যাপারে একমত হয়ে যায় তাহলে তাতে আপনার ধর্ম ও বুদ্ধিমত্তায় কোন ঘাটতি হবে না। আপনার সম্মান ও মর্যাদার উপরও তার কোন প্রভাব পড়বে না। অন্যদিকে যদি আপনি কোন নির্দিষ্ট শহর অথবা নির্দিষ্ট কোন স্থানে যান তাহলে আমার আশংকা হয়, সেখানকার মানুষ দু'দলে বিভক্ত হয়ে যাবে। একদল আপনার পক্ষ নেবে, কিন্তু অন্য দল হবে আপনার প্রতিপক্ষ। তারপর তাদের মধ্যে হবে বাগড়া ও মারামারি। মাঝখানে পড়ে আপনি হবেন তাদের তীর-বর্ষার লক্ষ্যবস্তু। অবস্থা যদি এমন পর্যায়ে যায় তাহলে সে ক্ষেত্রে বৎশ মর্যাদা ও ব্যক্তিগত গুণ-বৈশিষ্ট্যের দিক দিয়ে এই উম্মাতের সর্বাধিক সম্মানিত ব্যক্তিটি সবচেয়ে বেশি হেয় ও অপমানিত হবেন এবং তখন তাঁর রক্ত হবে সবচেয়ে সস্তা বস্তু।

মুহাম্মাদ ইবন আল-হানাফিয়ার এ পরামর্শ শুনে ইয়াম হসাইন (রা) বলেন, তাহলে আমি কোথায় যাব? মুহাম্মাদ বললেন : মকায় চলে যান। সেখানে যদি আপনি নিশ্চিন্তে ও নিরাপদে থাকতে পারেন তাহলে নিশ্চয়ই কোন একটি পথ বেরিয়ে আসবে। আর যদি অবস্থা খারাপ হয় তাহলে মর্মভূমি ও পাহাড়ী অঞ্চলে চলে যাবেন। যতদিন খিলাফতের ব্যাপারে চূড়ান্ত কোন সিদ্ধান্ত না নেবেন ততদিন এক শহর থেকে অন্য শহরে ঘুরতে থাকবেন। এই ঘোরাঘুরির মধ্যে আপনি কোন একটি মত ও সিদ্ধান্তে উপনীত হবেন। কারণ, আপনি যখন কোন অবস্থার মুখোমুখী হন তখন আপনার সিদ্ধান্তই হয় সঠিক এবং কাজেও হয়ে উঠেন সতর্ক। একথা শুনে হ্যরত হসাইন (রা) বলেন, তুমি খুব আবেগধর্মী উপদেশ দিয়েছো। আমি আশা করি তোমার মত সঠিক হবে।^{১২}

১২. আল-কামিল ফী আত-তারীখ-২/১৫২

হ্যরত হুসাইন (রা) একটি সীমা পর্যন্ত তাঁর পরমার্শ মত কাজও করেন। তিনি মদীনা থেকে মক্কা চলে যান। পরে কৃফাবাসীদের আমত্রণে সেখান থেকে কৃফার দিকে রওয়ানা হন। আল্লাহর ইচ্ছা ছিল ভিন্ন। তাই পথিমধ্যে কারবালায় হুদয়বিদারক শাহাদাতের ঘটনাটি ঘটে। মুহাম্মাদ ইবন আল-হানাফিয়া এই ঘটনায় তাঁর সাথে ছিলেন না।^{২৩}

মুখতার ইবন আবী ‘উবায়দ আছ-ছাকাফীর বিদ্রোহ এবং মুহাম্মাদ ইবন আল-হানাফিয়ার সমর্থন

হ্যরত ইমাম হুসাইনের (রা) শাহাদাতের পর বানু উমাইয়্যাদের বিপরীতে হ্যরত আবদুল্লাহ ইবন আয়-যুবাইর (রা) খিলাফতের দাবী নিয়ে মাথা তুলে দাঁড়ান। এ নিয়ে উভয়ের মধ্যে অনেকগুলো বছর দ্বন্দ্ব-সংঘাত চলতে থাকে। এ সময় বানু ছাকাফীর মুখতার ইবন ‘উবায়দ আবদুল্লাহ ইবন আয়-যুবাইরের পক্ষে অবলম্বন করেন। আসলে মুখতার ছিলেন একজন অখ্যাত-অজ্ঞাত ব্যক্তি। কোন এক অপরাধের কারণে এক সময় সে বানু উমাইয়্যাদের হাতে শাস্তি ও ভোগ করেছিলেন। পার্থিব সুযোগ-সুবিধা ও কর্তৃতু লাভের উদ্দেশ্যেই মূলত তাঁর পক্ষে এসে দাঁড়ান এবং কিছু দিন তাঁর পাশে ছিলেন। কিন্তু যখন বুৰালেন এখানে তাঁর উদ্দেশ্য পূরণ হবার নয় তখন তিনি নিজেই ভাগ্য পরীক্ষার সিদ্ধান্ত নেয়। কিন্তু তার মত একজন অতি সাধারণ মানুষের পক্ষে কারো সাহায্য ছাড়া সফল হওয়া একেবারেই অসম্ভব ছিল, এজন্য সে হ্যরত হুসাইনের (রা) রক্তের প্রতিশোধ গ্রহণের দাবীর আশ্রয় নেন। যেহেতু ঘটনাটি ছিল অতি সাম্প্রতিক সময়ের এবং বহু মুসলিম বেদনাহতও ছিলেন। এজন্য বহু সরল মুসলিম তার প্রতারণার জালে আবদ্ধ হন। ইমাম হুসাইনের (রা) রক্তের বদলার শ্রোগানের সাথে সাথে তিনি ইমাম হুসাইনের (রা) স্ত্রীভিক্ষ হ্যরত ইমাম যাইনুল ‘আবিদীনের (রহ) নিকট বহু হাদিয়া-তোহফা পাঠিয়ে তাঁর সাহায্য-সহযোগিতা কামনা করে এই বলে যে, আপনি আমাদের ইমাম। আমাদের থেকে বাই‘আত গ্রহণ করে আপনি আমাদের নেতৃত্ব গ্রহণ করুন। কিন্তু হ্যরত যাইনুল ‘আবিদীন (রহ) তার স্বরূপ সম্পর্কে অবহিত ছিলেন। এ কারণে তিনি তার প্রতারণার ফাঁদে ধরা দেননি। অত্যন্ত অবজ্ঞার সাথে তার প্রস্তাব প্রত্যাখ্যান করেন। শুধু তাই নয় বরং মসজিদে নববীতে দাঁড়িয়ে প্রকাশ্যে জনগণের সামনে তার মিথ্যা, প্রতারণা ও পাপাচারের বর্ণনা দিয়ে বলেন, এ ব্যক্তি শুধুমাত্র মানুষকে ধোকা দেওয়ার জন্য আহলে বায়ত (নবী পরিবার)-কে ঢাল হিসেবে ব্যবহার করতে চাচ্ছে। তার কথা ও বাস্তবতার কোন মিল নেই।

এটা ছিল সেই সময়ের ঘটনা যখন বাই‘আতের বিষয়টি নিয়ে ‘আবদুল্লাহ ইবন আয়-যুবাইর (রা) ও মুহাম্মাদ ইবন আল-হানাফিয়ার (রহ) মধ্যে সম্পর্কের দারুণ অবনতি ঘটেছিল। মুখতার এই সুযোগের সন্দ্যবহার করেন। তিনি ইমাম যাইনুল ‘আবিদীনের

২৩. তাবিউন্ন-৪১০

নিকট থেকে হতাশ হয়ে মুহাম্মদ ইবন আল-হানাফিয়ার নিকট যান। একথা ইমাম যাইনুল ‘আবিদীন জানতে পেরে তাঁকে এই বলে সতর্ক করেন যে, আহলি বায়তের প্রতি মুখ্যতারের ভালোবাসার দাবী শুধুমাত্র মানুষকে তার প্রতি আকৃষ্ট করার জন্য। আসলে তার মুখের কথা, বাস্তবে তা ঠিক নয়। বরং সে আহলি বায়তের একজন দুশ্মন। আমার মত আপনারও উচিত হবে তার গোপন উদ্দেশ্য প্রকাশ করে দেওয়া। মুহাম্মদ ইবন আল-হানাফিয়া বিষয়টি নিয়ে হ্যারত ‘আবদুল্লাহ ইবন ‘আবাসের (রা) সাথে আলোচনা করেন। তিনি সে সময় ‘আবদুল্লাহ ইবন আয়-যুবাইরের (রা) দিক থেকে ভীষণ চাপ ও ভয়-ভীতির মধ্যে ছিলেন। এজন্য তিনি মুহাম্মদ ইবন আল-হানাফিয়াকে বলেন, এ ব্যাপারে তুমি যাইনুল ‘আবিদীনের পরামর্শে কান দেবে না।^{১৪}

মুহাম্মদ ইবন আল-হানাফিয়াও মুখ্যতারকে একজন ভালো মানুষ মনে করতেন না এবং মুখ্যতারের উপর তাঁর মোটেও আস্থা ছিল না। কিন্তু যেহেতু ‘আবদুল্লাহ ইবন যুবাইর (রা) মুহাম্মদকে বাই‘আতের জন্য প্রবল চাপ সৃষ্টি করছিলেন, এ কারণে তিনি বাধ্য হয়ে তাঁর হাত থেকে বাঁচার জন্য মুখ্যতারকে সমর্থন ও সাহায্য-সহযোগিতা এবং তার অভিভাবকত্ত গ্রহণের জন্য অঙ্গীকারাবদ্ধ হন।^{১৫}

আহলি বায়তের (নবী বংশ) সমর্থকদের মূল কেন্দ্র ছিল ইরাক। এ কারণে মুহাম্মদ ইবন আল-হানাফিয়াকে অভিভাবক হিসেবে পাওয়ার পর মুখ্যতার তাঁর অনুমতি নিয়ে ইরাক যাত্রা করে। যেহেতু তার উপর মুহাম্মদের মোটেও আস্থা ছিল না এবং তাকে একজন ভালো মানুষ বলেও মনে করতেন না, এ কারণে তিনি নিজের একান্ত বিশ্বাসভাজন ব্যক্তি ‘আবদুল্লাহ ইবন কামিল আল-হামাদানীকে তার সঙ্গে যাওয়ার নির্দেশ দেন। যাত্রার আগে তিনি গোপনে তাকে বলে দেন, মুখ্যতার তেমন আস্থাভাজন ব্যক্তি নয়। এ কারণে তার সম্পর্কে সতর্ক থাকবে। ইবন যুবাইর (রা) এ সকল কর্মকাণ্ডের কথা অবহিত ছিলেন না। তিনি তখনও মুখ্যতারকে নিজের একজন হিতাকাঞ্জকী মনে করছিলেন।

এই সুযোগ গ্রহণ করে মুখ্যতার তাঁর নিকট গিয়ে বললেন, মক্কায় আমার অবস্থান করার চেয়ে ইরাকে থাকা আপনার জন্য বেশি কল্যাণকর হবে। এ কারণে আমি সেখানে যাচ্ছি। ইবন যুবাইর (রা) সম্প্রস্তুতিতে তাঁকে অনুমতি দিলেন। মুখ্যতার ‘আবদুল্লাহ ইবন কামিলকে সঙ্গে নিয়ে ইরাক যাত্রা করলেন। ‘উয়াইব নামক স্থানে এক ব্যক্তির সাথে সাক্ষাৎ হয়। মুখ্যতার তাকে জিজেরেস করেন, ইরাকে মানুষের মনোভাব কি? সে বলে, তাদের অবস্থা কাণ্ডারীবিহীন জাহাজের মত দোদুল্যমান। মুখ্যতার বললো, আমি হবো তাদের কাণ্ডারী, তাদেরকে সঠিকভাবে চালাবো।^{১৬}

আহলি বায়ত তথা নবী বংশ-প্রেমিক লোকের সংখ্যা সবচেয়ে বেশি ছিল কৃফায়। এ কারণে মুখ্যতার সোজা কৃফায় যান এবং নিজেকে মুহাম্মদ ইবন আল-হানাফিয়ার

২৪. মুরজ আয়-যাহাব-১/৩৬৬

২৫. আত-তাবাকাত-৫/৯৮

২৬. প্রাণক্ষু

প্রতিনিধি ও মুখ্যপাত্র হিসেবে পরিচয় দিয়ে তাঁর তাকওয়া-পরহেযগারীর প্রচার এবং সেই সাথে ইবন যুবাইরের (রা) বিন্দা ও সমালোচনা করতে আরম্ভ করেন। তিনি বলতে থাকেন, ইবন যুবাইর (রা) হিলেন প্রকৃতপক্ষে মুহাম্মাদ ইবন আল-হানাফিয়্যার একজন কর্মী। প্রথম দিকে তিনি তাঁর জন্য কাজ করেন, কিন্তু পরে নিজেই ক্ষমতা ও কর্তৃত্ব হাতিয়ে নেন। এজনা মুহাম্মাদ ইবন আল-হানাফিয়্যা তাঁর প্রতিনিধি হিসেবে আমাকে পাঠিয়েছেন। তাঁর নিজ হাতে ও কলমে লেখা প্রত্যয়ন পত্রও আমার সঙ্গে আছে। যাদের উপর তাঁর আস্থা ও বিশ্বাস হতো তিনি তাদেরকে প্রত্যয়ন পত্রটি পাঠ করে শুনিয়ে দিতেন। মোটকথা, তাঁর এই চালাকির কারণে বহু নবী বংশ-প্রেমিক মানুষ তাঁর প্রতারণার জালে আবদ্ধ হয়ে পড়ে। অচিরেই বিরাট একটি দল গোপনে তাঁর হাতে বাই'আত করে। তবে কিছু লোকের সন্দেহ হয়। তারা মুক্তায় মুহাম্মাদ ইবন আল-হানাফিয়্যার নিকট যায় এবং তাঁর নিকট মুখ্যতারের কথা কত্তুকু সত্য তা জানতে চায়। তিনি মুখ্যতারের দাবী সরাসরি স্বীকার বা অস্বীকার করতে পারছিলেন না। স্বীকার এজন্য করতে পারেননি যে, মুখ্যতারের কথায় অনেক অতিরিক্ত তথ্য মিথ্যাও ছিল। অন্যদিকে অস্বীকার করতে পারেননি এজন্য যে, তিনি তো মুখ্যতারের অভিভাবকত্ব গ্রহণ করেছিলেন। তবে তার সততা ও সত্যবাদিতায় তাঁর মোটেও আস্থা ছিল না। এ কারণে তিনি তাদেরকে এভাবে জবাব দেন :^{১১}

نَحْنُ حِيثُ تَرُونَ مُحْتَسِبُونَ وَمَا أَحَبُّ أَنْ لِي سُلْطَانُ الدُّنْيَا بِقَتْلٍ مُؤْمِنٍ بِغَيْرِ
حَقٍّ وَلَوْدَدْتُ أَنَّ اللَّهَ انتَصِرَنَا بِمَنْ شَاءَ مِنْ خَلْقِهِ، فَاحذِرُوا الْكَذَابِينَ وَانظُرُوا
لِأَنفُسِكُمْ وَدِينِكُمْ.

“আপনারা তো দেখছেন আমরা আহলি বায়ত ধৈর্যশীল ও কৃতজ্ঞ মানুষ হিসেবে বসে আছি। আমি অন্যায়ভাবে কোন মুসলিমের রক্ত ঝরিয়ে রাষ্ট্র ক্ষমতার অধিকারী হতে চাই না। তবে আমরা এ পদস্থ করি যে, আল্লাহ তাঁর যে বান্দা দ্বারা আমাদের সাহায্য করতে চান, করুন। অবশ্য তোমরা মিথ্যাবাদীদের থেকে সতর্ক থাকবে, তাদের প্রতারণা থেকে নিজেদের জীবন ও ধর্ম রক্ষা করবে।” একথা শুনে সেই লোকগুলো ইরাকে ফিরে যায়। কৃফায় তখন ইবরাহীম ইবন আশতার নাখান্দি ছিলেন একজন প্রভাবশালী আহলি বায়ত প্রেমিক ব্যক্তি। মুখ্যতার তাঁকে মুহাম্মাদ ইবন আল-হানাফিয়্যার একটি জাল চিঠি দেখিয়ে নিজের দলে ভিড়িয়ে নেন। মুখ্যতার সেই কাজটি সম্পন্ন করেন এভাবে : তিনি মুহাম্মাদ ইবন আল-হানাফিয়্যার নামে ও ভাষায় ইবরাহীম আল-আশতারকে একটি চিঠি লেখেন। তারপর সেই চিঠিটি নিয়ে কৃফায় ইবরাহীমের সাথে পূর্ব অনুমতি নিয়ে সাক্ষাৎ করেন। সংগে তাঁর অনুসারীদের আরো অনেকে ছিল। তারা ইবরাহীমের নিকট মুখ্যতারের পরিচয় দিতে গিলে বলে; তিনি মুহাম্মাদুর রাসূলুল্লাহর (সা) পরিবার-পরিজনের বিশ্বাসভাজন

ব্যক্তি। মুখতার ছিলেন একজন তুখোড় বক্তা। তিনি উপস্থিত লোকদের লক্ষ্য করে বলেন : ২৪

إنكم أهل بيت قد أكرمكم الله بنصره آل محمد، وقد ركب منهم ما قد علمت، وحرموا ومنعوا حقهم وصاروا إلى مارأيت، وقد كتب إليك المدى كتاباً وهؤلاء الشهداء عليه.

“আপনারা আহলি বায়তের লোক। মুহাম্মদের পরিবার-পরিজনের সাহায্যের দ্বারা আল্লাহ আপনাদেরকে সম্মানিত করেছেন। আপনারা জানেন, তাদের প্রতি কেমন আচরণ করা হয়েছে। তাদের অধিকার থেকে বঞ্চিত করা হয়েছে। তাদের যে অবস্থা হয়েছে তা আপনি দেখছেন। মাহনী আপনাকে একটি চিঠি লিখেছেন এবং এরা হলো তার সাক্ষী।”
অতঃপর সেখানে উপস্থিত ইয়ারীদ ইবন আনাস আল-আসাদী, আল-আহমার ইবন শুমাইত আল-বাজলী, ‘আবদুল্লাহ ইবন কামিল আশ শাকিরী ও আবু উমারা কায়সান সমবেত কঠে বলে :

نشهد أن هذا كتابه قد شهدناه حين دفعه إليه.

“আমরা সাক্ষ্য দিচ্ছি এটা তাঁর (মুহাম্মদ ইবন আল-হানফিয়ার) চিঠি। এ চিঠি তাঁর (মুখতারের) হাতে অর্পণ করার সময় আমরা উপস্থিত ছিলাম।”

ইবরাহীম চিঠি নিয়ে পাঠ করে প্রতিক্রিয়া ব্যক্ত করেন এভাবে : ২৫

أنا أول من يجيب وقد أمرنا بطاعتك وموازرتك.

“আমি হবো প্রথম সাড়ানকারী ব্যক্তি। আমাদেরকে আপনার সাহায্য ও সহযোগিতার নির্দেশ দেওয়া হয়েছে।

কৃফা দখল ও ইমাম হসাইনের (রা) হত্যাকারীদের হত্যা

ইবরাহীম নাথা'ঈর সমর্থন ও সহযোগিতায় মুখতারের শক্তি অনেক বৃদ্ধি পায়। তিনি এবার প্রকাশ্যে শক্তি পরীক্ষায় অবর্তীর্ণ হন। ইবন যুবাইরের (রা) পুলিশ অফিসার ইয়াস ইবন নাদার কিছুটা বিধি-নিমেধ ও কঠোরতা আরোপ করলে ইবরাহীম ইবন আশতার তাঁকে হত্যা করেন। ‘আবদুল্লাহ ইবন মুতী’, যিনি ইবন যুবাইরের (রা) পক্ষ থেকে কৃফার ওয়ালী ছিলেন, মুখতারের বিদ্রোহযুদ্ধক আচরণ দমনের চেষ্টা করে ব্যর্থ হন। মুখতার ও ইবরাহীম সম্পর্কিতভাবে ইবন মুতী’কে পরাজিত করেন। ইবন মুতী‘ তাঁদের হাত থেকে নিজের প্রাণ ডিক্ষা নিয়ে কৃফা ত্যাগ করেন। অতঃপর সেখানে মুখতারের শাসন ও কর্তৃত্ব প্রতিষ্ঠিত হয়।^{১০}

২৪. প্রাপ্তু

২৫. প্রাপ্তু

৩০. আল-আখবার আত-তিওয়াল-২৫৭-৩০০; তাবি'ইন-৪১৩

কৃফায় কর্তৃতু প্রতিষ্ঠার পর মুখতারের শক্তি অনেক বৃদ্ধি পায়। এখন তার ক্ষমতার দাপট দেখানোর সুযোগ সৃষ্টি হয়। সুতরাং তিনি হযরত হসাইনের (রা) হত্যাকারীদের এবং তাদের সহযোগীদেরকে নির্মূল করা আরম্ভ করেন। অল্প দিনের মধ্যেই তাদের হত্যা অভিযান শেষ করেন।

উবাইদুল্লাহ ইবন যিয়াদের মাথা কেটে মুহাম্মাদ ইবন আল-হানাফিয়া ও ইয়াম যাইনুল আবিদীনের (রহ) নিকট পাঠান। মুখতারের ধোঁকা ও প্রতারণা সম্পর্কে অবহিত ধাকা সত্ত্বেও কাজটি এমন ছিল যে, তাঁরা আবেগাপূর্ণ না হয়ে পারেননি। অবলীলাক্রমে তাঁদের অনেকের মুখ থেকে এ কাজের জন্য প্রশংসামূলক বাক্য উচ্চারিত হয়। তবে একথা সত্য যে, মুখতারের এ প্রতিশোধমূলক হত্যাযজ্ঞকে মুহাম্মাদ ইবন আল-হানাফিয়া মোটেও সমর্থন করেননি। ইবন সাদ বলেন :^১

وكان ابن الحنفية يكره أمر المختار وما يبلغه عنه ولا يحب كثيرا مما يأتي به.

“ইবনুল হানাফিয়া মুখতারের কর্মকাণ্ড এবং তাঁর সম্পর্কে যে সকল খবর আসতো তা মোটেও পছন্দ করতেন না।”

যাই হোক, হসাইন (রা) হত্যাকারীদের নির্মূল করার পর মুখতার মুহাম্মাদ ইবন আল-হানাফিয়াকে এ চিঠিটি পাঠান :^২

من المختار بن أبي عبيد الطالب بثأر محمد، أما بعد فإن الله تبارك وتعالى لم ينتقم من قوم حتى يعذر إليهم، وإن الله قد أهلك الفسقة وأشياع الفسقة وقد بقيت بقايا أرجو أن يلحق الله أخرهم بأولهم.

“মুহাম্মাদের (সা) পরিবার-পরিজনের পক্ষ থেকে প্রতিশোধ গ্রহণের দাবীদার মুখতার ইবন আবী উবায়দ। আল্লাহ কোন জাতি বা সম্প্রদায় থেকে বদলা নেন না যতক্ষণ না তাদের কৈফিয়াত শেষ হয়ে যায়। আল্লাহ সকল পাপাচারী, পাপাচারীদের অনুসারীদের ধ্বংস করেছেন, আর যা অবশিষ্ট আছে আশা করি আল্লাহ তাদের সর্বশেষ ব্যক্তিকে সর্বপ্রথম ব্যক্তির সাথে মিলিত করবেন।”

ইবন আল-হানাফিয়াকে আটক ও মৃত্যি

আবদুল্লাহ ইবন আয়-যুবাইর (রা) প্রথম দিকে নিজের বাই‘আতের জন্য ইবন আল-হানাফিয়ার উপর তেমন চাপ প্রয়োগ করেননি। কিন্তু যখন কৃফাসহ অন্য কিছু স্থানে মুখতারের কর্তৃতু প্রতিষ্ঠিত হয় এবং তাঁর শক্তি বৃদ্ধির সাথে সাথে ইরাকে মুহাম্মাদ ইবন আল-হানাফিয়ার বাই‘আত গ্রহণকারীর সংখ্যা দিন দিন বৃদ্ধি পেতে থাকে তখন ইবন আয়-যুবাইর (রা) তাঁর দিক থেকে হৃষ্কি অনুভব করতে থাকেন। আর তখন থেকেই

৩১. আত-তাবাকাত-৫/১০০

৩২. প্রাগুক্ত

তিনি ইবন আল-হানাফিয়া ও ‘আবদুল্লাহ ইবন আল-‘আবাসের (রা) উপর নিজের বাই‘আতের জন্য প্রবল চাপ প্রয়োগ করতে আরম্ভ করেন। কিন্তু তাঁরা বাই‘আত করতে রাজী হননি। অবশেষে তাঁদেরকে তাদের পরিবার-পরিজনসহ একটি উপত্যকায় নজরবন্দী করা হয়। একটি বর্ণনা মতে ইবন আল-হানাফিয়াকে যমযম কৃপের নিকটে চার দেওয়ালের মধ্যে বন্দী করে তার পাশে জ্বালানী কাঠের স্তূপ করা হয়। তারপর ইবন সাদের বর্ণনা মতে ইবন আয়-যুবাইর (রা) তাদেরকে ধর্মক দেন এ ভাষায় : ৩৩

وَاللَّهُ لَتَبَاعِنَ أَوْ لَا حَرْفَنَكْ بِالنَّارِ فَخَافُوا عَلَىٰ أَنفُسِهِمْ .

“আল্লাহর কসম! তোমরা অবশ্যই বাই‘আত করবে অথবা আমি অবশ্যই তোমাদের পুড়িয়ে মারব। ফলে তাঁরা প্রাণের আশংকা করেন।”

হ্যাকি দেওয়া হয় যে, যদি তিনি বাই‘আত না করেন তাহলে তাতে আশুন লাগিয়ে দেওয়া হবে। এমন এক নাজুক অবস্থায় তিনি সুলাইম আবু‘আমির মারফত ‘আবদুল্লাহ ইবন ‘আবাসের (রা) নিকট তাঁর করণীয় কী সে সম্পর্কে জানতে চান। তিনি বলে পাঠান যে, কঙ্কনো আনুগত্য স্বীকার করবে না, নিজের সিদ্ধান্তে অটল থাকবে। কিন্তু মুক্তায় অবস্থান করে বাই‘আতের অস্থীকৃতির উপর অটল থাকা অসম্ভব ছিল। এ কারণে তিনি মুক্তা ছেড়ে কৃফা যাওয়ার সিদ্ধান্ত নিলেন। মুখ্যতার এ সিদ্ধান্তের কথা জানতে পেরে মোটেই খুশী হতে পারলেন না। কারণ, ইবন আল-হানাফিয়া ইরাক পৌছালে তাঁর অস্তিত্ব বিলীন হয়ে যাবে। মূলতঃ মুখ্যতার তো ইবন আল-হানাফিয়ার নামটিই কেবল ব্যবহার করতে চেয়েছেন। তাই তিনি তাঁর কৃফা আগমন ঠেকানোর জন্য কৃফাবাসীদেরকে বলতে শুরু করেন যে, ‘মেহেদীর আলামত হলো, যখন তিনি তোমাদের এখানে আসবেন তখন এক ব্যক্তি তাঁকে বাজারের মধ্যে তরবারি দিয়ে আঘাত করবে, কিন্তু তাতে মেহেদী মোটেই আহত বা ব্যথা পাবেন না। মুহাম্মাদ ইবন আল-হানাফিয়া নিজের সম্পর্কে প্রচারিত এই অলৌকিক ক্ষমতার কথা জানতে পেরে কৃফা যাওয়ার সিদ্ধান্ত ত্যাগ করেন। তিনি আবু‘তুফাইল ‘আমির ইবন ওয়াছিলার মাধ্যমে সীয় ইরাকী অনুসারীদের নিকট নিজের অসহায় অবস্থার কথা জানিয়ে দেন। ‘আমির ইরাক পৌছে তথাকার অধিবাসীদের নিকট ইবন আল-হানাফিয়ার বিস্তারিত অবস্থা তুলে ধরেন। অতঃপর মুহাম্মাদ ইবন আল-হানাফিয়াকে মুক্ত করার জন্য মুখ্যতার ‘আবু‘আবদুল্লাহ আল-জাদীনীর নেতৃত্বে চার হাজার সৈন্যের একটি বাহিনী পাঠান। যাত্রাকালে তিনি আবু‘আবদুল্লাহকে বলেন, যদি বানু হাশিম জীবিত থাকে তাহলে তাদেরকে সব ধরনের সহযোগিতা এবং তাদের আদেশ-নিষেধ মান্য করবে। আর যদি তাদেরকে হত্যা করা হয়ে থাকে তাহলে যেভাবে সম্ভব আলে যুবাইর তথা মুবাইর বৎশের লোকদেরকে খতম করে ফেলবে।

‘আবদুল্লাহ ইবন আয়-যুবাইরের (রা) মধ্যে মুখ্যতারের এই চৌকষ বাহিনীর প্রতিরোধ

করার শক্তি ছিল না। এ কারণে একটি বর্ণনা মতে, তিনি মুখতারের বাহিনী মক্ষা পৌছার পূর্বে দারুন নাদওয়া-তে গিয়ে অবস্থান নেন। তবে অপর একটি বর্ণনায় এসেছে যে, তিনি কাঁবার গিলাফের তলে আশ্রয় নেন। এদিকে ইরাকী বাহিনী মক্ষা পৌছে জালানী কাঠের স্তুপের মধ্য থেকে ইবন আল-হানাফিয়া ও ইবন ‘আবাসকে উদ্ধার করে। এর মধ্যে ইবন আয-যুবাইরের লোকজন মক্ষায় এসে যায়। তবে কোন সংঘাত-সংঘর্ষ হয়নি। ইরাকীদের পক্ষ থেকে আবু ‘আবদুল্লাহ আল-জাদালী ইবনুল হানাফিয়া ও ইবন ‘আবাসকে (রা) বলেন, আপনারা অনুমতি দিলে আমরা ইবন আয-যুবাইরকে হত্যা করে মানুষকে এই আপদ থেকে মুক্তি দিতে পারি। কিন্তু ইবন ‘আবাস (রা) বলেন, না, তাঁকে হত্যা করা যাবে না। কারণ আল্লাহ এই শহরে প্রাণী হত্যা হারাম ঘোষণা করেছেন। কেবল নবী কারীমের (সা) সমানে কয়েক ঘণ্টার জন্য এ নিষেধাজ্ঞা রহিত করা হয়। অন্যথায় না তাঁর পূর্বে অন্য কারো জন্য, আর না তাঁর পরে কখনো রহিত হয়েছে। যতটুকু হয়েছে, তাই যথেষ্ট। তোমরা আমাদেরকে মুক্ত করে নিয়ে যাও। অতঃপর ইরাকী সৈনিকরা তাঁদেরকে মুক্ত করে মিনায় নিয়ে যায়। কয়েক দিন তাঁরা সেখানে অবস্থান করে ইবন আয-যুবাইরের হাত থেকে বাঁচার জন্য তায়িফ চলে যান। সেখানে হজ পর্যন্ত অবস্থান করেন।^{৩৪}

হিজরী ৬৮ সনে হ্যরত ‘আবদুল্লাহ ইবন ‘আবাস (রা) তায়িফে ইনতিকাল করেন। মুহাম্মদ ইবন আল-হানাফিয়া তাঁর জানায়ার নামায পড়ান।

আমীরুল হজ্জ

তখন সময়টি ছিল আত্মকলহ ও গৃহ বিবাদের। কমপক্ষে চার ব্যক্তি খিলাফাতের দাবীদার ছিলেন। সুতরাং সেই বছর চারজন আমীরের নেতৃত্বে হজ্জ অনুষ্ঠান সম্পন্ন হয়। মুহাম্মদ ইবন আল-হানাফিয়া তায়িফবাসীদের সংগে, ‘আবদুল্লাহ ইবন আয-যুবাইর (রা) তাঁর অনুসারীদের সংগে, নাজদা ইবন ‘আমির হাজরী খারজীদের সংগে এবং বানু উমাইয়ারা শামবাসীদের সংগে হজ্জ আদায়ের জন্য মক্ষায় আসে। চারটি চরম প্রতিদ্বন্দ্বী দলের একত্র সমাবেশ মোটেই বিপদমুক্ত ছিল না। মক্ষার পবিত্র হারামে যে কোন সময় সংঘাত-সংঘর্ষের প্রবল সম্ভাবনা ছিল। বিষয়টি উপলব্ধি করে মুহাম্মদ ইবন যুবাইর ইবন মুত’ইম (আবদুল্লাহ ইবন আয-যুবাইরের ভাই নন, বরং ভিন্ন ব্যক্তি) স্বউদ্যোগে চারটি দলের প্রত্যেক নেতার নিকট যান এবং তাঁদেরকে সংযম ও ধৈর্য ধারণের উপদেশ দেন। প্রথমে তিনি মুহাম্মদ ইবন আল-হানাফিয়ার নিকট যান এবং তাঁকে বলেন: ‘আবুল কাসিম! আল্লাহকে ভয় করুন। আমরা এখন পবিত্র শহরে পবিত্র স্থানে অবস্থান করছি। হাজীগণ কাঁবা ঘরে আল্লাহর প্রতিনিধি ও মেহমানবৰূপ। এজন্য তাঁদের হজ বিনষ্ট করবেন না।’ জবাবে ইবন আল-হানাফিয়া বলেন: আল্লাহর কসম! আমিও এটা চাই না। আমি কোন মুসলিমকে বাইতুল্লাহ-তে আসতে বাধা দিব না এবং আমার দলের

কোন হাজীও তা করবে না। তবে আমি আত্মরক্ষার জন্য যা করার তা করবো। আর কেবল তখনই আমি খিলাফাতের দাবী করবো যখন দু'জন মানুষও আমার দাবীর বিরোধিতা করবে না। আমার দিক থেকে নিশ্চিতে থাকুন। আমাকে বাদ দিয়ে আপনি বরং ‘আবদুল্লাহ ইবন আয়-যুবাইর (রা) ও নাজদা হারুরীর নিকট যান এবং তাঁদের সাথে কথা বলুন। অতঃপর মুহাম্মাদ ইবন যুবাইর যান ‘আবদুল্লাহ ইবন আয়-যুবাইরের (রা) নিকট এবং ইবন আল-হানাফিয়াকে যে কথা বলেছিলেন তাঁকেও একই কথা বলেন। ‘আবদুল্লাহ ইবন যুবাইর (রা) তাঁবাব দেন : ‘আমার খিলাফাতের ব্যাপারে মুসলিমদের ইজমা’ (ঐকমত্য) হয়ে গেছে। সকলে আমার বাই‘আত করেছে। কেবল এই লোকগুলো (বানূ হাশিম) আমার বিরোধিতা করছে।’ মুহাম্মাদ ইবন যুবাইর বললেন, যা কিছুই হোক, এ সময় আপনার হাত নিয়ন্ত্রণে রাখা উচিত হবে। তিনি বলেন, ঠিক আছে, আমি আপনার কথা মত কাজ করবো। এরপর মুহাম্মাদ ইবন যুবাইর গেলেন নাজদা হারুরীর নিকট। নাজদা বললেন, আমরা সংঘাতের সূচনা করবো না। তবে যারা আমাদের সংগে লড়বে আমরা তার মুকাবিলা করবো। সবশেষে তিনি গেলেন বানূ উমাইয়্যাদের নিকট। তারা বললো, আমরা তো আমাদের পতাকার নিকট অবস্থান করছি। কেউ আগ বাড়িয়ে আমাদের সাথে সংঘর্ষে না জড়ালে আমরা আগে কাউকে আক্রমণ করবো না। মুহাম্মাদ ইবন যুবাইর বলেন, এই চারটি দলের পতাকার মধ্যে ইবন আল-হানাফিয়ার পতাকাটি ছিল সবচেয়ে বেশি নিরাপদ ও প্রশান্ত। এভাবে মুহাম্মাদ ইবন যুবাইরের চেষ্টায় সে যাত্রায় একটা রক্তক্ষয়ী সংঘাত থেকে মুসলিম উম্মাহ রক্ষা পায়। এ বছর মুহাম্মাদ ইবন আল-হানাফিয়া তাঁর চার হাজার সঙ্গী-সাথীসহ হজ্জ আদায় করেন।^{৩৫}

মুখতারের সমাপ্তি এবং মুহাম্মাদ ইবন আল-হানাফিয়ার নিকট ‘আবদুল্লাহ ইবন আয়-যুবাইরের (রা) প্রস্তাব

হিজরী ৬৮ সনে ‘আবদুল্লাহ ইবন আয়-যুবাইরের (রা) ভাই মুস‘আব ইবন আয়-যুবাইর (রা) বড় বড় কয়েকটি যুদ্ধের মাধ্যমে মুখতারের হত্যা ও তাঁর শক্তি চূর্ণ-বিচূর্ণ করে দেন। এ সকল যুদ্ধের সাথে মুহাম্মাদ ইবন আল-হানাফিয়ার কোন সম্পর্ক অথবা এর পিছনে কোন প্রকার ভূমিকা ছিল না।

মুখতারের পরিসমাপ্তির পর মুহাম্মাদ ইবন আল-হানাফিয়া একেবারেই অসহায় হয়ে পড়েন। তাঁকে সাহায্য করার জন্য এগিয়ে আসবে এমন আর কেউ ছিল না। এ কারণে ‘আবদুল্লাহ ইবন আয়-যুবাইর (রা) আবাব তাঁর নিকট বাই‘আতের তাকীদ দিতে আরম্ভ করেন এবং নিজের ভাই ‘উরওয়াকে তাঁর নিকট পাঠান। তিনি মুহাম্মাদ ইবন আল-হানাফিয়াকে এই বার্তা পৌছে দেন যে, “আমার বাই‘আত না করা পর্যন্ত আমি আপনাকে ছাড়ছি না। যদি বাই‘আত না করেন তাহলে আবাব নজরবন্দী করবো। যে ভয়ংকর মিথ্যাবাদীর সাহায্য ও সহযোগিতার উপর আপনার আশা-ভরসা ছিল আল্লাহ

৩৫. প্রাগৃক-৫/১০৩-১০৪

তাঁকে ধ্বংস করেছেন। এখন ইরাকসহ গোটা আরব আমার খিলাফাতের ব্যাপারে একমত হয়েছে। এ কারণে আপনিও আমার বাই'আত করুন। অন্যথায় যুদ্ধের জন্য প্রস্তুত হোন।”

ইবন আল-হানাফিয়া এই হুমকিমূলক বার্তা ধৈর্যসহকারে শোনেন। তারপর বলেন, ‘আপনার ভাই ‘আবদুল্লাহ ইবন আয়-যুবাইর (রা) সম্পর্ক ছিল এবং সত্যকে তুচ্ছ জ্ঞান করার ব্যাপারে খুবই তাড়াহড়োকারী, আর সেই সাথে আল্লাহর শাস্তির ব্যাপারেও দারুণ উদাসীন। তিনি মনে করেন, দুনিয়াতে চিরকাল থাকবেন, এই কিছুদিন পূর্বেও যখন মুখ্তার তাঁর সহযোগী ছিল, তিনি আমার চেয়েও মুখ্তার ও তাঁর কর্মকাণ্ডের বেশি স্বীকৃতি দানকারী ছিলেন। আল্লাহর কসম! আমি মুখ্তারকে না আমার আহ্বানকারী নিয়োগ করেছি, আর না তাকে সহযোগী হিসেবে গ্রহণ করেছি। এই তো কিছুদিন আগের কথা, সে তো আমার চেয়েও ‘আবদুল্লাহর (রা) বেশি অনুগত এবং অনুসারী ছিল। সে যদি মিথ্যাবাদী হয় তাহলে বহু দিন যাবত তো তিনি এই ভয়ংকর মিথ্যাবাদীকে নিজের সংগে রেখেছিলেন। আর যদি সে মিথ্যাবাদী না হয় তাহলে আমার চেয়েও ‘আবদুল্লাহর (রা) তা বেশি জানা থাকার কথা। আমি ‘আবদুল্লাহর (রা) প্রতিপক্ষ নই। যদি তাই হতাম তাহলে তাঁর কাছাকাছি থাকতাম না, যারা আমাকে আমন্ত্রণ জানাচ্ছে তাদের কাছে চলে যেতাম। কিন্তু আমি কারো আমন্ত্রণ গ্রহণ করিনি। আপনার ভাইয়ের আরেকজন প্রতিদ্বন্দ্বী হলেন ‘আবদুল মালিক ইবন মারওয়ান। তিনিও আপনার ভাইয়ের মত দুনিয়ার প্রত্যাশী। তিনি তাঁর শক্তি ও ক্ষমতাবলে আপনার ভাইয়ের ঘাড় চেপে ধরেছে। আমার মনে হচ্ছে আপনার ভাইয়ের নৈকট্যের চেয়ে ‘আবদুল মালিকের নৈকট্য আমার জন্য স্বত্ত্বকর। ‘আবদুল মালিক পত্র মারফত আমাকে তাঁর কাছে চলে যাওয়ার আহ্বান জানিয়েছেন।’

উরওয়া প্রশ্ন করলেন : তাহলে সেখানে চলে যাচ্ছেন না কেন? জবাবে ইবন আল-হানাফিয়া বলেন : খুব শীঘ্র এ ব্যাপারে আমি আল্লাহর নিকট ইসতিখারা (সঠিক ও মঙ্গলজনক সিদ্ধান্ত গ্রহণের জন্য আল্লাহর নিকট দু'আ) করবো। আমার এখান থেকে চলে যাওয়া আপনার ভাইয়ের পছন্দ হবে এবং এতে তিনি খুশী হবেন। ‘উরওয়া বলেন : আমি আপনার বক্তব্য আমার ভাইকে জানাবো।

এই আলোচনার পর ‘উরওয়া ফিরে গেলেন। ইবন আল-হানাফিয়ার সমর্থক কিছু লোক উরওয়াকে হত্যা করতে চায়। কিন্তু তিনি তাদেরকে শক্তভাবে বাধা দেন। এ কারণে উরওয়া সহীহ-সালামতে ফিরে যাওয়াতে তারা ভীষণ নাখোশ হয়। তারা ইবন আল-হানাফিয়াকে বলে : যদি আপনি আমাদের কথা শুনতেন তাহলে আমরা তার ঘাড় থেকে মাথা বিছিন্ন করে ফেলতাম। ইবন আল-হানাফিয়া বলেন : কোন অপরাধে তোমরা তাঁকে হত্যা করতে? তিনি শুধু তাঁর ভাইয়ের দৃত হিসেবে এসেছিলেন এবং আমাদের যিম্মায় ও নিরাপত্তায় ছিলেন। আমাদের মধ্যে আলোচনা হয়েছে এবং আলোচনার পর আমরা তাঁকে তাঁর ভাইয়ের নিকট ফেরত পাঠিয়েছি। তোমরা যে কথা বলছো তা তো প্রতারণা। আর প্রতারণার মধ্যে কোন কল্যাণ নেই। যদি আমি তোমাদের কথামত কাজ

করতাম তাহলে মক্কায় রক্ত ঝরতো । আর এই ব্যাপারে তোমরা আমার চিন্তাধারা সম্পর্কে অবহিত আছো । যদি সকল মুসলিম আমার খিলাফাতের ব্যাপারে একমত হয়ে যায় এবং একজন মাত্র মানুষ ভিন্নমত পোষণ করে তাহলেও আমি ঐ লোকটির সাথে যুদ্ধ করা সঙ্গত মনে করবো না ।”

‘উরওয়া ফিরে গেলেন এবং ভাইকে ইবন আল-হানাফিয়ার বক্তব্য শোনালেন । সেই সাথে এ পরামর্শও দিলেন যে, আপনি তাঁর সঙ্গে আর বিবাদ না করে তাঁকে মুক্ত করে দিন । তিনি আমাদের এখান থেকে যেখানে ইচ্ছা দূরে কোথাও চলে যাক । ‘আবদুল মালিক তাঁর থেকে বাই‘আত না নিয়ে তাঁকে শামে থাকতেই দেবে না । আর যতক্ষণ পর্যন্ত সকল মুসলিম ‘আবদুল মালিকের খিলাফাতের ব্যাপারে একমত না হবে ততক্ষণ তিনিও তাঁর বাই‘আত করবেন না । এমতাবস্থায় ‘আবদুল মালিক তাঁকে হত্যা অথবা কারারূদ্ধ করবে । আর এতে আপনার উদ্দেশ্য তার দ্বারা পূর্ণ হবে । তাতে আপনি দায়মুক্ত থাকবেন । ‘আবদুল্লাহ ইবন আয়-যুবাইর (রা) তাঁর ভাইয়ের এ উপদেশ গ্রহণ করেন এবং ইবন আল-হানাফিয়ার সাথে আর কোন বিবাদে গেলেন না ।’^{৫৬}

‘আবদুল মালিকের আমন্ত্রণ এবং ইবন আল-হানাফিয়ার শাম গমন ও প্রত্যাবর্তন ‘আবদুল্লাহ ইবন আয়-যুবাইরকে (রা) প্রতিহত করার উদ্দেশ্যে ‘আবদুল মালিক মুহাম্মাদ ইবন আল-হানাফিয়ার সমর্থন লাভের আশায় বহুদিন আগে থেকে তাঁকে শামে চলে আসার আমন্ত্রণ জানিয়ে আসছিলেন । মুহাম্মাদ ইবন আল-হানাফিয়ার নিকট থেকে ‘উরওয়ার ফিরে যারওয়ার পর ‘আবদুল মালিক ইবন আল-হানাফিয়াকে আরেকটি পত্র পাঠান । পত্রটি নিম্নরূপ :^{৫৭}

إنه قد بلغنى أن بن الزبير قد ضيق عليك وقطع رحمك واستخف بحقك حتى
تباعيه فقد نظرت لنفسك ودينك وأنت أعرف به حيث فعلت ما فعلت، وهذا
الشام فانزل منه حيث شئت فحن مكرموك وواصلوا رحمك وعافو حرقك.

“আমি জেনেছি, আপনার বাই‘আত আদায়ের জন্য ‘আবদুল্লাহ ইবন আয়-যুবাইর (রা) বেপরোয়া হয়ে উঠেছেন, আপনার সাথে সম্পর্ক ছিন্ন করেছেন, আপনার সম্মান ও অধিকার ভুলৃষ্টি করেছেন । আপনি যা কিছু করেছেন তা আপনার জীবন ও দীনের প্রতি লক্ষ্য রেখে করেছেন । এই শাম আপনার সেবার জন্য প্রস্তুত । এখানে আপনি যেখানে ইচ্ছা অবস্থান করতে পারবেন । আমরা আপনার সব ধরনের নিরাপত্তা, সম্মান ও অধিকার রক্ষার ব্যবস্থা করবো ।”

আগে থেকেই মুহাম্মাদ ইবন আল-হানাফিয়া মক্কা থেকে বের হওয়ার পথ খুঁজছিলেন । তাই এই চিঠি পেয়ে তিনি শামের উদ্দেশ্যে যাত্রা করেন । প্রথমে আয়লায় পৌছেন ।

৩৬. প্রাণক্ষেত্র-৫/১০৫-১০৬: তাবিউদ্দেন-৪১৭-৪১৯

৩৬. প্রাণক্ষেত্র-৫/১০৭

তথাকার অধিবাসীরা তাঁর সকল সহযাত্রীসহ তাঁকে উষ্ণ অভ্যর্থনা জানায়। তাঁর প্রতি দারুণ বিনয়, ভক্তি ও শুদ্ধা প্রদর্শন করে। অত্যন্ত সম্মানের সাথে তিনি সেখানে অবস্থান করতে থাকেন। দু'চার দিনের মধ্যেই তিনি সেখানে “আমর বিল মা'রফ ও নাহি 'আনিল মুনকার” (সৎ কাজের আদেশ ও অসৎ কাজের নিষেধ)-এর কাজ শুরু করেন। তিনি মানুষকে বলতে থাকেন, তাঁর অনুসারীদের উপর এবং তাঁর উপস্থিতিতে যেন কেউ কারো উপর যুলম না করে। মুহাম্মাদ ইবন আল-হানাফিয়্যার আয়লায় উপস্থিতি ও জনপ্রিয়তার কথা ‘আবদুল মালিক জানতে পেরে শংকিত হলেন। তিনি তাঁর বিশেষ উপদেষ্টা কুবায়সা ইবন যুওয়াইব ও রাও'উ ইবন যানবা’ জুয়ামীর সাথে বিষয়টি নিয়ে আলোচনা করেন। তারা বলেন, তাঁর বাই'আত গ্রহণ ছাড়া তাঁকে এত নিকটে অবস্থান করার অনুমতি দেওয়া ঠিক হবে না। হয় তিনি বাই'আত করবেন, না হয় তাঁকে আবার হিজায়ে পাঠিয়ে দিন।

উপরোক্ত পরামর্শের ভিত্তিতে ‘আবদুল মালিক মুহাম্মাদ ইবন আল-হানাফিয়্যাকে লেখেন :^{৩৮}

إنك قدّمت بلادى فنزلت فى طرف منها، وهذه الحرب بينى وبين بن الزبير كما
تعلم، وأنت لك ذكر ومكان، وقد رأيت أن لا تقيم فى سلطانى إلا أن تباع لى، فإن
باعتنى فخذ السفن التى قدّمت علينا من القلزم وهى مائة مركب فهى لك وما
فيها، ولك ألف ألف درهم أجعل لك منها خمسين إلف وألف إلف وخمسين إلف
ألف أتيتك مع ما أردت من فريضة لك ولولدك ولقراتبك ومواليك ومن معك، وإن
أبيت فتحول عن بلدى إلى موضع.

“আপনি আমার দেশের একটি কোণে এসে অবস্থান নিয়েছেন। আপনি জানেন এখন আমার ও ইবন আয-যুবাইরের (রা) মধ্যে যুদ্ধাবস্থা বিরাজ করছে। আপনি একজন বিশেষ মর্যাদার আসনে অধিষ্ঠিত ব্যক্তি। এ কারণে আমার ক্ষমতাধীন দেশে আমার বাই'আত ছাড়া আপনার অবস্থান আমার স্বার্থের পরিপন্থী। যদি আপনি বাই'আত করতে ইচ্ছুক হন তাহলে লোহিত সাগরে যে একশো জাহাজ ভর্তি দ্রব্যসামগ্রী এসেছে তা সবই এবং সেই সাথে আরো বিশ লাখ দিরহাম আপনাকে উপহার হিসেবে দেওয়া হবে। তার মধ্যে পাঁচ লাখ এক্সুণি দেওয়া হবে এবং পনেরো লাখ পরে পাঠানো হবে। এছাড়া আপনি যে পরিমাণ নির্ধারণ করবেন সেই অনুযায়ী আপনার নিকট আত্মীয়, দাস-দাসী এবং আপনার সংগী-সাথীদের ভাতা প্রদান করা হবে। আর যদি আপনি বাই'আত না করেন তাহলে এই মুহূর্তে আমার দেশ ছেড়ে আমার সীমানার বাইরে চলে যান।”

জবাবে মুহাম্মাদ ইবন আল-হানাফিয়্যা লিখলেন :^{৩৯}

৩৮. প্রাগুক

৩৯. প্রাগুক-৫/১০৮

بسم الله الرحمن الرحيم، من محمد بن على إلى عبد الملك بن مروان، سلام عليك،
فإنني أحمد إليك الذي لا إله إلا هو، أما بعد فقد عرفت رأيي في هذا الأمر قديماً،
وإنني لست أسفه على أحد، والله لو إجتمع هذه الأمة علىٰ إلا أهل الزرقاء ما
قاتلتهم أبداً ولا اعتزلتهم حتى يجتمعوا. نزلت مكة فراراً مما كان بالدينة فجاورت
بن الزبير فأساء جواري وأراد مني أن أبايعه فأبى ذلك حتى يجتمع الناس عليك
أو عليه، ثم أدخل فيما دخل الناس فأكون كرجل منهم، ثم كتبت إلى تدعوني إلى
ما قبلك فأقبلت سائراً فنزلت في طرف من أطرافك، والله ما عندي خلاف ومعي
 أصحابي فقلنا بلاد رخيصة الأسعار وندنو من جوارك وتعرض صلتك. فكتبت بما
كتبت به ونحن منصرفون عنك إن شاء الله.

“বিসমিল্লাহির রাহমানির রাহীম। মুহাম্মাদ ইবন ‘আলীর পক্ষ থেকে ‘আবদুল মালিকের প্রতি সালাম। সেই আল্লাহর প্রশংসা যিনি ছাড়া আর কোন ইলাহ নেই। অতঃপর এই যে, খিলাফাতের ব্যাপারে আমার চিন্তাধারা সম্পর্কে আপনি পূর্বেই অবহিত আছেন। এ ব্যাপারে আমি কাউকে বোকা বানিয়ে ধোকা দিই না। আল্লাহর কসম! যদি গোটা মুসলিম উম্মাহ আমার খিলাফাতের ব্যাপারে একমত হয়ে যায় এবং কেবল যারকা’ বাসীরা দ্বিমত পোষণ করে তাহলেও তাদের সংগে সংঘাতে যাব না। তাদেরকে ছেড়ে বিছিন্নও হয়ে যাব না, যতক্ষণ না তারা ঐকমত্যে আসে। মদীনায় অস্ত্রিভার কারণে মক্কায় চলে এসেছিলাম এবং ‘আবদুল্লাহ ইবন আয়-মুবাইরের নিকটে অবস্থান করছিলাম। কিন্তু তিনি আমার সাথে সদাচরণ করেননি, আমার থেকে বাই‘আত নিতে চেয়েছেন, কিন্তু অস্থীকার করেছি। বলেছি, যতক্ষণ আপনার ও তাঁর মধ্যেকার বিরোধে মুসলিম উম্মাহ কোন ঐকমত্যে না পৌছবে ততক্ষণ আমি বাই‘আত করবো না। তারা যে সিদ্ধান্ত নিবে, আমিও তাদের সাথে থাকবো। এই অবস্থা এবং এমন টানাপোড়নের মধ্যে আপনি আমাকে এখানে আসার আমন্ত্রণ জানিয়েছেন। আমি সে আমন্ত্রণে সাড়া দিয়ে আপনার ক্ষমতাধীন দেশের একটি কোণায় এসে অবস্থান নিয়েছি। আল্লাহর কসম! আমার মধ্যে প্রতিদ্বন্দ্বিতার কোন ইচ্ছা নেই। আমার সকল লোকজন আমার সংগেই ছিল। দেখলাম এ স্থানটি নিরিবিলি জীবন যাপনের জন্য উপযুক্ত। তাই মনে করলাম, ভালো হলো, আপনার নিকটে থেকে আপনার সাথে সম্পর্কের দ্বারা উপকৃত হবো। কিন্তু এখন আপনি যা লেখার তা লিখছেন। এ কারণে, ইনশাআল্লাহ আমরা আবার ফিরে যাব।”

এই জবাবী পত্রটি পাঠিয়ে মুহাম্মাদ ইবন আল-হানাফিয়া নিজের সাত হাজার সঙ্গীর সামনে নিম্নের এই ভাষণটি দান করেন :^{৪০}

الله ولی الأمور كله وحاكمها، ماشاء الله كان وما لا يشاء لم يكن، كل ما هو آت قريب، عجلتم بالأمر قبل نزوله ، والذى نفسى بيده إن فى أصلابكم لمن يقاتل مع آل محمد ما يخفى على أهل الشرك أمر آل محمد وأمر آل محمد مستآخر. والذى نفس محمد بيده ليعودن فيكم كما بدأ الحمد لله الذى حقن دماءكم وأحرز دينكم!

من أحب منكم أن يأتي مأمنه إلى بلده آمنا محفوظا فلينفعل.

“আল্লাহ সকল কাজ ও বিষয়ের অভিভাবক ও নিয়ন্ত্রক। তিনি যা চান তাই হয়, আর যা না চান তা হয় না। যা কিছু হওয়ার তা অবশ্যই হবে। আপনারা খিলাফাতের ব্যাপারে সময়ের পূর্বেই খুব তাড়াহড়ো করেছেন। সেই সত্ত্বার শপথ যাঁর হাতে আমার জীবন! আমাদের পশ্চাতে এমন সব জীবন উৎসর্গকারী মানুষ আছে যারা মুহাম্মাদ (সা)-এর বংশধরদের সাহায্যের জন্য যুদ্ধ করবে। মুহাম্মাদ (সা)-এর বংশধরদের অধিকার অংশীবাদীদের জন্য ঢাকা থাকবে না। দেরীতে হলেও পূরণ হবে। সেই সত্ত্বার শপথ যাঁর হাতের মুঠোয় আমার জীবন! যেভাবে এ খিলাফাত তোমাদের মধ্যে ছিল, একদিন আবার তোমাদের মধ্যে ফিরে আসবে। সেই আল্লাহর শোকর যিনি আপনাদের জীবন বাঁচিয়েছেন এবং আপনাদের দীনের হিফায়াত করেছেন। আপনাদের মধ্যে যারা নিরাপদ ও নির্বিশ্বে নিজ নিজ শহর ও আবাসস্থলে ফিরে যেতে পারবেন বলে মনে করেন, তারা যেতে পারেন।”

এই অনুমতির পর মুহাম্মাদ ইবন আল-হানফিয়ার অধিকাংশ সঙ্গী চলে যায়। সাত হাজারে মধ্যে মাত্র নয় শো থেকে যায়। তাদেরকে সংগে নিয়ে তিনি মক্কায় ফিরে যান।^{৪১} আয়লা থেকে ফিরে আসার পর মুহাম্মাদ ইবন আল-হানফিয়ার অবস্থা সম্পর্কে দুটি বর্ণনা পাওয়া যায়। একটি বর্ণনা এ রকম যে, তখন ছিল হজ্জের মওসুম। এ কারণে তিনি ‘উমরার নিয়াতে ইহরাম বাঁধেন এবং কুরবানীর পশু সংগে নিয়ে সোজা মক্কায় পৌছেন। কিন্তু যখন হারামে প্রবেশ করতে যাবেন তখন ‘আবদুল্লাহ ইবন আয়-যুবাইরের (রা) অশ্বারোহী সৈনিকরা বাধা দেয়। তিনি ইবন আয়-যুবাইরের (রা) নিকট এ বাত্তা পাঠান যে, আমি মক্কা থেকে যাওয়ার সময়ও যুদ্ধের উদ্দেশ্যে বের হইনি এবং এখন ফেরার পরেও সে ইচ্ছা নেই। এ কারণে আমাদের পথ ছেড়ে দিন, আমরা বাইতুল্লাহ-তে যেয়ে হজ্জের অনুষ্ঠানে পালন করি। হজ্জ আদায়ের পর আমরা এখান থেকে চলে যাব। কিন্তু ইবন আয়-যুবাইর (রা) তাঁকে বায়তুল্লাহ-য় যাওয়ার অনুমতি দেননি। তাই তিনি কুরবানীর পশুসহ মদীনায় চলে যান এবং সেখানে অবস্থান করতে থাকেন।

অন্য একটি বর্ণনায় এসেছে যে, তিনি মক্কায় পৌছে তাঁর মিনার শিবিরে অবস্থান নেন।

৪১. প্রাঞ্জল-৫/১০৯

দু'দিন পরেই ইবন আয়-যুবাইর (রা) তাঁকে এ বার্তা পাঠান যে, এখান থেকে সরে যান, আমাদের কাছাকাছি থাকবেন না। এ বার্তা পেয়ে মুহাম্মাদ ইবন আল-হানাফিয়া মন্তব্য করেন : 'যতক্ষণ আল্লাহ আমাদের জন্য কোন উপায় বের করে না দেন ততক্ষণ আমরা ইচ্ছায় হোক বা অনিচ্ছায় হোক ধৈর্যধারণ করবো। আল্লাহর কসম! আমি এখনো পর্যন্ত তরবারি উঠানের ইচ্ছা করিনি। যদি আমি তরবারি উঠানাম তাহলে আমি একা হলেও এবং তাঁর সাথে তাঁর পুরো দল থাকলেও তিনি এভাবে আমার সাথে খেলতে পারতেন না। কিন্তু আমি তরবারি উঠানে চাই না। ইবন আয়-যুবাইর (রা) প্রতিবেশীকে দুঃখ দান থেকে বিরত হবেন না।'" এরপর তিনি তায়িফ চলে যান। এর কয়েক মাস পরেই হিজরী ৭২ সনে যুল কাঁদা মাসে হাজ্জাজ ইবন ইউসুফ মক্কা অবরোধ করে এবং ইবন আয়-যুবাইরকে তাঁর সঙ্গী-সাথীসহ নির্মভাবে হত্যা করে ।^{৪২}

আরেকটি বর্ণনা এ রকমও আছে যে, হাজ্জাজ কর্তৃক 'আবদুল্লাহ ইবন আয়-যুবাইর (রা) অবরুদ্ধ থাকা অবস্থায় মুহাম্মাদ ইবন আল-হানাফিয়া মক্কাতেই ছিলেন। হাজ্জাজ তাঁর কাছেও 'আবদুল মালিকের বাই'আতের জন্য বার্তা পাঠায়। জবাবে তিনি হাজ্জাজকে বলে পাঠান : আমার মক্কায় অবস্থান, তায়িফ ও শাম সফরের অবস্থা আপনার জানা আছে। সব রকমের কষ্ট আমি এজন্য সহ্য করছি যে, আমি ততক্ষণ পর্যন্ত কারো হাতে বাই'আত করতে চাই না যতক্ষণ প্রতিদ্বন্দ্বীদের কোন একজনের ব্যাপারে জনগণ ঐকমত্যে না পৌছে। আমার মধ্যে বিরুদ্ধাচরণের কোন প্রেরণা নেই। কিন্তু আমি যখন দেখেছি খিলাফাতের ব্যাপারে মানুষের মধ্যে মত পার্থক্য আছে তখন সিদ্ধান্ত নিয়েছি যতক্ষণ সকলে কোন একজনের ব্যাপারে একমত না হবে ততক্ষণ এই বিষয় থেকে দূরে থাকবো। আল্লাহর এই শহরে, যার সম্মান ও মর্যাদা সর্বোচ্চ ও সর্বাধিক, যেখানে একটি পাখীও নিরাপদ, সেখানে আমি আশ্রয় নিয়েছি। ইবন আয়-যুবাইর (রা) আমার সাথে সদাচরণ করেননি, তাই আমি শামে চলে যাই। কিন্তু সেখানে 'আবদুল মালিকও আমার নৈকট্য চাননি। এ কারণে আমি আবার মক্কার হারামে চলে এসেছি। এখন যদি ইবন আয়-যুবাইর (রা) নিহত হন এবং 'আবদুল মালিকের খিলাফাতের ব্যাপারে সকল মুসলমান একমত হয়ে যায় তাহলে আমি আপনার হাতে বাই'আত করে নিব। কিন্তু হাজ্জাজ বাই'আতের ব্যাপারে অপেক্ষা করতে মোটেই রাজী ছিলেন না। তিনি বার বার চাপ প্রয়োগ করতে থাকেন, আর ইবন আল-হানাফিয়াও কোন না কোনভাবে এড়িয়ে যেতে থাকেন। অবশেষে 'আবদুল্লাহ ইবন আয়-যুবাইর (রা) নিহত হলেন। মুহাম্মাদ ইবন আল-হানাফিয়ার ছেলে হাসান বলেন :

لم يباع أبي الحجاج.

“আমার পিতা হাজ্জাজের বাই'আত করেননি।”^{৪৩}

৪২. প্রাগুক

৪৩. প্রাগুক--৫/১১০

‘আবদুল মালিকের অনুকূলে বাই‘আত

‘আবদুল্লাহ ইবন আয়-যুবাইর (রা) নিহত হওয়ার পর ‘আবদুল মালিক হাজাজকে লিখলেন যে, “মুহাম্মাদ ইবন আল-হানফিয়ার মধ্যে বিরোধিতার কোন মানসিকতা নেই। তাই আশা করা যায় এখন তিনি তোমার কাছে এসে বাই‘আত করে নিবেন। তাঁর সাথে নষ্ট ব্যবহার কর।” মুহাম্মাদ ইবন আল-হানফিয়া নিজেও প্রথম থেকে বলে আসছিলেন যে, যখন কোন এক ব্যক্তির ব্যাপারে মুসলমানদের ঐকমত্য হয়ে যাবে তখন আমি তাঁকে মেনে নিব। অতএব ‘আবদুল মালিকের ব্যাপারে সকলে একমত হওয়ার পর যখন প্রথ্যাত সাহাবী হয়রত ‘আবদুল্লাহ ইবন ‘উমার (রা) তাঁর বাই‘আত করেন তখন তিনি মুহাম্মাদ ইবন আল-হানফিয়াকে বলেন, এখন তো বিষয়টি আর অবীমাংসিত নয়। সুতরাং আপনিও বাই‘আত করে নিন। পূর্বেই এ ব্যাপারে তিনি সিদ্ধান্তে এসে গিয়েছিলেন, তাই এখন হাজাজের হাতে বাই‘আত করে খলীফা ‘আবদুল মালিককে নিম্নের পত্রটি লেখেন :⁸⁸

بِسْمِ اللَّهِ الرَّحْمَنِ الرَّحِيمِ لِعَبْدِ اللَّهِ عَبْدِ الْمَلِكِ أَمِيرِ الْمُؤْمِنِينَ مِنْ مُحَمَّدِ بْنِ عَلَىٰ أَمَّا بَعْدُ فَإِنِّي لَا رَأَيْتُ الْأُمَّةَ قَدْ اخْتَلَفَتْ إِذْ تَرَكُوكُمْ، فَلَمَّا أَفْضَى هَذَا الْأَمْرُ إِلَيْكُمْ وَبِإِيْمَانِكُمْ النَّاسُ كَنْتُ كَرْجُلًا مِنْهُمْ أَدْخَلْتُ فِي صَالِحٍ مَا دَخَلُوا فِيهِ، فَقَدْ بَاعِتُكُمْ وَبَاعِتُ الْحَجَاجَ لَكَ بَعْثَتْ إِلَيْكُمْ بِبَيْعِنِي، وَرَأَيْتُ النَّاسَ قَدْ اجْتَمَعُوا عَلَيْكُمْ، وَنَحْنُ نَحْبُ أَنْ تَؤْمِنُنَا وَتَعْطِينَا مِيثَاقًا عَلَى الْوَفَاءِ فَإِنَّ الْعَذْرَ لَا خَيْرُ فِيهِ، فَإِنْ أَبَيْتُ فَإِنَّ أَرْضَ اللَّهِ وَاسِعَةٌ.

“অতঃপর এই যে, সেই সময় যখন উম্মাতের মধ্যে খলীফার ব্যাপারে মত বিরোধ ছিল, আমি মানুষের থেকে দূরে ছিলাম। এখন, যখন আপনি খিলাফাত পেয়ে গেছেন এবং মুসলমানরাও আপনার বাই‘আত করেছে, তখন আমিও এই দলে মিশে গেলাম। তারা যে কল্যাণের মধ্যে প্রবেশ করেছে আমিও তাতে প্রবেশ করলাম। আমি হাজাজের হাতে আপনার বাই‘আত করেছি এবং এখন এই লিখিত বাই‘আত আপনাকে পাঠাচ্ছি। কারণ, আপনার খিলাফাতের ব্যাপারে মুসলমানদের ইজয়া’ হয়ে গেছে। এখন আমি চাই, আপনি মানুষকে নিরাপত্তা ও অঙ্গীকার প্রণের আশ্বাস দিন। প্রতারণার মধ্যে কোন কল্যাণ নেই। আর যদি এখনো আপনার মধ্যে দ্বিধা-সংশয় থাকে, অথবা থাকে অস্বীকৃতি, তাহলে জেনে রাখুন আল্লাহর এই যমীন খুবই প্রশংসন্ত।”

এ পত্র পাওয়ার পর ‘আবদুল মালিক তাঁর বিশেষ উপদেষ্টা কুবায়সা ইবন যুওয়াইব ও রাও‘উ ইবন যানবা‘ জুয়ামীর সংগে পরামর্শ করেন। তাঁরা বলেন : ‘মুহাম্মাদ ইবন আল-

88. প্রাঞ্জলি-৫/১১১

হানাফিয়ার উপর আজও আপনার কোন নিয়ন্ত্রণ নেই। তিনি যখন ইচ্ছা তখন সংযোত-সংবর্ষ বাঁধিয়ে দিয়ে বিপর্যয় সৃষ্টি করতে পারেন। এমতাবস্থায় তিনি যখন আপনার খিলাফত মেনে নিয়ে বাই'আত করেছেন, তখন আমাদের পরামর্শ হলো, আপনি এক্ষুণি তাঁকে জান-মালের নিরাপত্তার অঙ্গীকার পত্র লিখে পাঠিয়ে দিন। সেই সাথে তাঁর সংগী-সাথীদের ব্যাপারেও তাঁর অঙ্গীকার আদায় করে নিন। তাঁদের এ পরামর্শের পর ‘আবদুল মালিক যে পত্রটি লেখেন তা নিম্নরূপ :

“এখন আপনি আমার নিকট একজন প্রশংসা পাওয়ারযোগ্য, সবচেয়ে বেশি প্রিয় এবং ইবন আয়-মুবাইরের (রা) চেয়েও অধিকতর নিকটতম ব্যক্তিত্ব। এ কারণে আমি আল্লাহ ও তাঁর রাসূলকে হাজির-নাজির জেনে অঙ্গীকার করছি যে, আপনাকে এবং আপনার সংগী-সাথীদের কাউকে এমন আচরণ ও কর্মের দ্বারা অস্ত্রির করা হবে না যা আপনি মোটেই পছন্দ করেন না। আপনি আপনার নিজ শহরে ফিরে যান এবং যেখানে ইচ্ছা নিষিদ্ধে ও নিরাপদে অবস্থান করুন। আমি যতদিন জীবিত থাকবো আপনার এই প্রীতি ও শুভেচ্ছার কথা ভুলবো না এবং আপনাকে সাহায্যের ব্যাপারে কোন রকম কার্পণ্য করবো না।” এই পত্রের সাথে হাজ্জাজকেও একটি পত্র লেখেন। তাতে তিনি হাজ্জাজকে ইবন আল-হানাফিয়ার সাথে সদাচরণের এবং তাঁর সম্মান ও মর্যাদার প্রতি লক্ষ্য রাখার নির্দেশ দেন। এই আনন্দদায়ক সংক্ষি ও সমরোতার পর মুহাম্মাদ ইবন আল-হানাফিয়া মদীনায় ফিরে যান এবং শাস্তি ও নিরাপত্তার সাথে সেখানে বসবাসের সুযোগ লাভ করেন।^{৪৫}

শাম গমন ও ‘আবদুল মালিকের সদাচরণ

কয়েক বছর পর মুহাম্মাদ ইবন আল-হানাফিয়া ‘আবদুল মালিকের সাক্ষাৎ কামনা করে একটি পত্র লেখেন। তিনি সানন্দে তা মঞ্জুর করেন। সুতরাং মুহাম্মাদ ইবন আল-হানাফিয়া হিজরী ৭৮ সনে শাম সফর করেন। ‘আবদুল মালিক হষ্টচিত্তে তাঁকে স্বাগতম জানান এবং তাঁর প্রতি যথাযথ সম্মান প্রদর্শনপূর্বক স্থীয় মহলে তাঁর থাকার ব্যবস্থা করেন। তাঁর সঙ্গী-সাথীদের আতিথেয়তার জন্য শাহী ভাণ্ডারের দ্বার উন্মুক্ত করে দেন। এক মাসেরও কিছু বেশি সময় তিনি দিমাশকে অবস্থান করেন। এ সময়ে মাঝে মাঝে তিনি ‘আবদুল মালিকের সাথে মিলিত হতেন। দরবারে প্রবেশের ক্ষেত্রে শাহী খানানের লোকদের পরেই ছিল তাঁর স্থান। একদিন নিরিবিলিতে তিনি ‘আবদুল মালিককে তাঁর মোটা অংকের ঝণের কথা বলেন। ‘আবদুল মালিক তা পরিশোধের প্রতিশ্রুতি দেন এবং তাঁর আরো কোন প্রয়োজন আছে কিনা তা জানতে চান। তিনি ঝণ পরিশোধ, আরো কিছু প্রয়োজন এবং নিজের সন্তানাদি, সঙ্গী-সাথী, চাকর-বাকর ও দাস-দাসীদের ভাতা নির্ধারণের কথাও তাঁকে বলেন। ‘আবদুল মালিক দাস-দাসীদের ভাতা ছাড়া অন্য সকল প্রয়োজন ও দাবী পূরণ করেন। তারপর তাঁর একান্ত পীড়াপীড়িতে দাস-দাসীদের ভাতাও

৪৫. থাওকু; তাবিসৈন-৪২৪

নির্ধারণ করেন। তবে তাদের পরিমাণ কম রাখেন। শেষ পর্যন্ত ইবন আল-হানাফিয়্যার অত্যধিক চাপে ‘আবদুল মালিক তাদেরও ভাতা বাড়িয়ে দেন। তিনি তাঁর সকল দারী ও প্রয়োজন পূরণের প্রতিশ্রুতি আদায় করে মদীনায় ফেরেন। মৃত্যু পর্যন্ত খলীফা ‘আবদুল মালিকের সাথে তাঁর এ সম্পর্ক অটুট ছিল।

মৃত্যু

মুহাম্মাদ ইবন আল-হানাফিয়্যার মৃত্যু সন ও স্থান নিয়ে বিস্তর মত পার্থক্য আছে। সঠিক মতে তিনি হিজরী ৮১, খ্স্টার্ড ৭০০ সনে মদীনায় ইনতিকাল করেন এবং বাকী‘গোরস্তানে দাফন করা হয়। একথাও বর্ণিত হয়েছে যে, তিনি ইবন আয়-যুবাইরের হাত থেকে বাঁচার জন্য কৃফায় পালিয়ে যান এবং সেখানেই ইনতিকাল করেন। তবে শী‘আদের একটি উপদল কায়সানিয়া মনে করে, তিনি জীবিত আছেন, মৃত্যু বরণ করেননি।^{৪৬}

পূর্ববর্তী বর্ণনার উপর একটি পর্যালোচনা

পূর্বে যা কিছু উপস্থাপন করা হয়েছে তা কেবল ইতিহাসের আলোকে তাঁর জীবনের ঘটনাগুলো তুলে ধরা হয়েছে। কোন রকম পর্যালোচনা করা হয়নি। কিন্তু এমন অনেক ঘটনা ও বিষয় আছে যা পর্যালোচনা ও ব্যাখ্যা-বিশ্লেষণ সাপেক্ষে। অন্যথায় পূর্বে উল্লেখিত ঘটনাবলীর অনেকটা ইবন আল-হানাফিয়্যার জীবন চিত্রকে প্রশংসিত করে তুলেছে। এখানে কয়েকটি ঘটনার কিছু ব্যাখ্যা-বিশ্লেষণ অতি সংক্ষেপে তুলে ধরা হলো।

হ্যারত ইমাম হুসাইনের (রা) প্রকৃত উত্তরাধিকারী ছিলেন হ্যারত ইমাম যাইনুল ‘আবিদীন (রহ)। কিন্তু তিনি তাঁর পিতার শাহাদাতের পর পার্থিব ভোগ-বিলাস ও চাকচিক্যের প্রতি সম্পূর্ণ উদাসীন হয়ে পড়েন এবং ইমামত ও খিলাফাতের বিবাদ থেকে নিজেকে সংযতে সম্পূর্ণ দূরে রাখেন। ‘আলীর (রা) অনুসারীরা তাঁকে বহু ক্ষেত্রে টেনে আনতে চায়। কিন্তু তিনি এতো দৃঢ় ভারাক্রান্ত ছিলেন যে কারো কোন আহ্বানে কখনো ঘরের বাইরে পা রাখেননি। তাঁর থেকে হতাশ হয়ে ‘আলীর (রা) অনুসারীরা ইবন আল-হানাফিয়্যার কাঁধে এই কঠিন দায়িত্বের বোঝা চাপিয়ে দেয়। এ কারণে খিলাফাত, ইমামত, আহলি বাযত ও গায়র আহলি বাযতের প্রশ্ন এবং এর থেকে উত্তর বিভিন্ন ‘আকীদা, চিন্তা-ভাবনা ও মাসয়ালা ইবন আল-হানাফিয়্যার ব্যক্তি সন্তার সাথে সম্পৃক্ত হয়ে গেছে। আর এরই ধারাবাহিকতায় ইবন আল-হানাফিয়্যা এমন কিছু কাজ করেছেন এবং এমন কিছু ‘আকীদা ও চিন্তা-ভাবনা তাঁর প্রতি আরোপ করা হয়েছে যা প্রকৃতপক্ষে তাঁর নয়। এসব বিষয় পর্যালোচনা ও ব্যাখ্যা-বিশ্লেষণ করার প্রয়োজন আছে।

শী‘আ আন্দোলন এবং আহলি বাযত ও গায়র আহলি বাযত (নবী পরিবার-নবী পরিবারের বাইরের লোক) ইত্যাদি বিষয়ের ভিত্তি পুরোটাই প্রচার-প্রোপাগান্ডার উপর। এই দল নিজেদের আন্দোলন এবং উদ্দেশ্য সফল করার জন্য এমন বহু ‘আকীদা ও চিন্তা আহলি বাযতের প্রতি আরোপ করেছে। এ কারণে তিনি খিলাফাতের প্রতি দারুণ লোভী

৪৬. আত-তাবাকাত-৫/১১২; আল-আ’লাম-৬/২৭০; তাহ্যীব আত-তাহ্যীব-৯/৩১৯

বলে চিত্রিত হয়েছেন। এর মধ্যে কিছু চিন্তা এমন আছে যা নিতান্তই বিভ্রান্তিকর, যা মানুষকে গোমরাহীর দিকে নিয়ে যায়। এসব কথা ও চিন্তা যদি ঐ সকল মহান ব্যক্তির জীবন্ধশায় প্রকাশ পেত অথবা তাঁরা যদি অবগত হতেন তাহলে তার উত্তাপক ও প্রচারকদেরকে নিজেদের দল থেকে বের করে দিতেন।

এতে কোন সন্দেহ নেই যে, “ইসলামী খিলাফাত” যখন পার্থিব অন্যসব রাষ্ট্র ব্যবস্থার রূপ ধারণ করে তখন আহলি বায়তের মধ্যে খিলাফাত লাভ করার প্রেরণা অবশ্যই সৃষ্টি হয়েছে। অনেকাংশে তা সঠিকও ছিল। কারণ ইসলামী খিলাফাত ততক্ষণ পর্যন্ত আল্লাহ ও তাঁর রাসূলের প্রতিনিধিত্বমূলক রাষ্ট্র ব্যবস্থা যতক্ষণ গণতান্ত্রিক পদ্ধতির উপর থাকে। ঠিক তেমনি তা গণতান্ত্রিক হবে যখন তা খিলাফাত থাকে। ব্যক্তি ও বংশগত রাষ্ট্র ব্যবস্থার রূপ লাভ করার পর তার দীনী অবস্থান আর অবশিষ্ট থাকে না। সে সময় যদি ইসলামী রাষ্ট্র ব্যবস্থার প্রতিষ্ঠাতার উত্তরাধিকারীদের অন্তরে তা লাভ করার প্রেরণা সৃষ্টি হয়, অথবা কোন দল তাদের সাহায্যের জন্য উঠে দাঁড়ায় তাহলে তা দোষের কিছু হতে পারে না। কিন্তু আহলি বায়তের প্রেমিক ও সমর্থক বলে দাবীদারগণ ভাস্ত ‘আকীদা বিশ্বাস আবিষ্কার করে ঐসব মহান ব্যক্তির প্রতি আরোপ করেছে। আসলে তারা ঐসব কথা ও বিশ্বাস থেকে সম্পূর্ণ পবিত্র।

মুহাম্মাদ ইবন আল-হানাফিয়া ছিলেন এমন একজন মহান তাওহীদবাদীর ('আলী রা.) বংশধর যিনি তাঁর নিজের সম্পর্কে ভাস্ত বিশ্বাস পোষকারীদেরকে জীবন্ত অবস্থায় আগুনে জ্বালিয়ে দেন। এ কারণে ভাস্ত বিশ্বাস দ্বারা তিনি কলুষিত হতেই পারেন না। এ ধরনের ভাস্ত কথা-বার্তা ও চিন্তা-ভাবনার কথা যখন তাঁর কানে আসতো, তিনি তা শক্তভাবে অস্বীকার করতেন। একবার তিনি জানতে পারলেন, মুখতারের অনুসারীরা প্রচার করছে যে, ইবন আল-হানাফিয়ার নিকট কুরআন ছাড়াও অন্তরঙ্গ জ্ঞানের একটি অংশ আছে। একথা শুনে তিনি বিশেষভাবে একটি ভাষণ দেন। তিনি বলেন : “আল্লাহর কসম! এই গ্রন্থ ছাড়া অর্থাৎ কুরআন ছাড়া উত্তরাধিকার হিসেবে আমরা রাসূলল্লাহ (সা) থেকে আর কোন জ্ঞান পাইনি।”

তাঁর প্রতি শ্রদ্ধাশীল অনেকে তাঁকে মাহদী বলে সালাম করতো। বলতো : সালামুন 'আলাইকা ইয়া মাহদী! জবাবে তিনি বলতেন, এই অর্থে আমি অবশ্যই মাহদী যে, আমি মানুষকে ভালো ও কল্যাণের পথ দেখাই। কিন্তু আমার নাম আল্লাহর নবীর নামে এবং আমার কুনিয়াত বা উপনাম নবীর কুনিয়াতের উপরে। এ কারণে তোমরা যখন সালাম করবে তখন মাহদীর পরিবর্তে বলবে : আস-সালামু 'আলাইকা ইয়া মুহাম্মাদ, অথবা আস-সালামু 'আলাইকা ইয়া আবাল কসিম।

সাধারণ মানুষ কুরাইশ বংশের দু'টি শাখা-বানূ হাশিম ও বানূ উমাইয়ার মর্যাদা পূজা-উপাসনার সীমা পর্যন্ত পৌছে দিয়েছিল। একটির ভিত্তি ছিল পার্থিব ক্ষমতা ও প্রতিপত্তি এবং অন্যটির ছিল দীনী নেতৃত্ব ও কর্তৃত্ব। মুহাম্মাদ ইবন আল-হানাফিয়া এটাকে খুবই অপছন্দ করতেন। তিনি বলতেন :

أهل بيتهن من العرب يتخذهم الناس أنداداً من دون الله، نحن وبنو عمنا هؤلاء يعني بنى أمية.

“আমাদের কুরাইশ গোত্রের দু'টি শাখা— আমরা আহলি বায়ত ও বানূ উমাইয়াকে আল্লাহর সমকক্ষ বানিয়ে ফেলা হয়েছে।”

কোন কোন উপদল ‘আলীকে (রা) আল্লাহর সমকক্ষ বানিয়ে দেয়। কিন্তু ইবন আল-হানাফিয়া তাঁকে একজন আল্লাহর বান্দা হিসেবেই দেখতেন। তিনি বলতেন :

ما أشهد على أحد بالنجاة ولأنه من أهل الجنة بعد رسول الله صلى الله عليه وسلم، ولا على أبي ولدتي. قال فنظر القوم إليه، قال : من كان في الناس مثل على سبق له كذا سبق له كذا؟

“আমি রাসূলুল্লাহর (সা) পরে কোন মানুষের নাজাত ও তার জান্নাতী হওয়ার নিশ্চিত সাক্ষ্য দিতে পারিনে। এমনকি আমার পিতা ‘আলী (রা) সম্পর্কেও, যিনি আমাকে জন্ম দিয়েছেন, নিশ্চিতভাবে বলতে পারিনে তিনি জান্নাতী।”^{৮৭}

মুখতার আছ-ছাকাফীর পৃষ্ঠপোষকতার কারণ

একথা দৃঢ়তার সাথে বলা যায় যে, মুহাম্মাদ ইবন আল-হানাফিয়ার ‘আকীদা বিশুদ্ধ ইসলামী ‘আকীদার পরিপন্থী ছিল না। মুখতার আছ-ছাকাফীর প্রতারণার ফাঁদে আটকে যাওয়া বাহ্যত অগ্রহণযোগ্য মনে হয়। কিন্তু এটা ছিল মানব স্বত্বাবের দর্বী। হযরত মু'আবিয়া (রা) আজীবন আহলি বায়তের অধিকার ও মর্যাদার প্রতি সচেতন ছিলেন। কিন্তু তাঁর পরে ইয়ামীদ থেকে নিয়ে ‘আবদুল মালিকের সময় পর্যন্ত এই পরিবারের মহান ব্যক্তিবর্গের সাথে উমাইয়া খলীফাগণ যে আচরণ করেছেন তা খুবই নিষ্ঠুর ও অবমাননাকর। ইমাম হুসাইন (রা) ও নবী পরিবারের সকল সদস্যকে নির্মমভাবে শহীদ করা হয়, যা গোটা উমাইয়া শাসনের উপর এমন কলঙ্ক লেপন করেছে যা মোটেই উঠার নয়। এ অবস্থায় কেবল মুহাম্মাদ ইবন আল-হানাফিয়া নন, বরং বানূ হাশিমের সকল সদস্যের অন্তর উমাইয়াদের উপর ভীষণ বিশুরু হয়ে পড়ে। এছাড়া ‘আবদুল্লাহ ইবন আয়-যুবাইরের (রা) ভীতি তাদের মাথার উপর চেপে বসেছিল। এমতাবস্থায় মুখতার ইয়াম হসাইনের রক্তের বদলা নেওয়ার দাবী নিয়ে মাথা তুলে দাঁড়ান এবং হসাইনের (রা) হত্যাকারীদের তন্ম তন্ম করে খুঁজে বের করে হত্যা করেন। তিনি বানূ উমাইয়া ও ‘আবদুল্লাহ ইবন আয়-যুবাইরের (রা) মুকাবিলা করার জন্য মুহাম্মাদ ইবন আল-হানাফিয়াকে পৃষ্ঠপোষক হিসেবে গ্রহণ করেন। এরূপ অবস্থায় যদি মুহাম্মাদ ইবন আল-হানাফিয়া মানব স্বত্বাব অনুযায়ী অথবা অন্য কোন কল্যাণ চিন্তায় তাঁর দ্বারা প্রভাবিত

৮৭. আত-তাবাকাত-৫/৯৪; তাবিঁইন-৪২৮

হয়ে থাকেন তাতে তেমন দোষের কিছু আছে বলে মনে হয় না। তারপরেও তিনি মুখ্যতারকে কখনো বিশ্বাস করেননি। তাঁকে কার্যসিদ্ধির একটি হাতিয়ারের বেশি কিছু ভাবেননি। আমাদের পূর্ববর্তী আলোচনায় এসেছে যে, যখন মুখ্যতার মুহাম্মদ ইবন আল-হানাফিয়ার নিকট ইরাক যাওয়ার অনুমতি চান তখন তিনি অনুমতি দেন। তবে তাঁর প্রতি বিশ্বাস না থাকায় ‘আবদুল্লাহ ইবন কামিল হামাদানীকে তাঁর সাথে দিয়ে দেন। তাকে একথাও বলে দেন যে, মুখ্যতার তেমন আঙ্গুভাজন ব্যক্তি নয়। অতএব তার বাপারে সতর্ক থাকবে। অথবা যখন ‘আবদুল্লাহ ইবন আয়-যুবাইরের (রা) পক্ষ থেকে তাঁর ভাই ‘উরওয়া আসেন মুহাম্মদ ইবন আল-হানাফিয়ার নিকট বার্তা নিয়ে তখন তিনি ‘উরওয়াকে বলেন, আমি না মুখ্যতারকে আমার প্রচারক হিসেবে গ্রহণ করেছিলাম, না সাহায্যকারী হিসেবে, অথবা যখন মুখ্যতারের কথা ও বক্তৃ-ভাষণে কিছু ইরাকীর সন্দেহ হয় এবং তারা তাঁর কথার সত্যতা যাঁচাইয়ের জন্য মুহাম্মদ ইবন আল-হানাফিয়ার নিকট যায় তখন তিনি তাদেরকে বলেন : এটা আমরা পছন্দ করি যে, আল্লাহ তার যে বান্দা দ্বারা চেয়েছেন, আমাদের সাহায্য করেছেন। তবে তোমরা অবশ্যই মিথ্যাবাদীদের থেকে সতর্ক থাকবে এবং তাদের থেকে নিজেদের জীবন ও নিজেদের দীনের হিফায়াত করবে।^{৪৮}

তবে মুহাম্মদ ইবন আল-হানাফিয়ার মধ্যে গোত্রীয় টান ও খিলাফাত লাভের সহজাত প্রবণতা অবশ্যই ছিল। আর এই প্রবণতাকে উসকে দেওয়ার পিছনে কাজ করে বানু উমাইয়াদের লাগামহীন আচরণ ও স্বৈরাচারী কর্মপদ্ধতি। ‘আবদুল্লাহ ইবন আয়-যুবাইর (রা) ও ‘আবদুল মালিকের মধ্যে দ্঵ন্দ্ব এবং মুহাম্মদ ইবন আল-হানাফিয়ার উপর ‘আবদুল্লাহর (রা) বাড়ীবাড়িমূলক শক্তি প্রয়োগ এই প্রবণতাকে আরো শক্ত ও চাঙ্গা করে দেয়। কিন্তু তার জন্য বাস্তবে তিনি কোন চেষ্টা করেননি। বরং সব সময় একথাই বলতে থাকেন যে, আমি খিলাফাত অবশ্যই চাই। তবে তা এ অবস্থায় যে, তাতে একজন মুসলমানও ভিন্নমত পোষণ করবে না। উমাইয়াদের বিপরীতে তাঁর এ অবস্থান কোনভাবেই অসঙ্গত ও অযৌক্তিক বলা যাবে না।

মুহাম্মদ ইবন আল-হানাফিয়ার অনুসারী একটি দল

যদিও মুহাম্মদ ইবন আল-হানাফিয়া শী‘আ সম্প্রদায়ের “ইছনা ‘আশরিয়া” উপ-দলের ইমাম নন এবং তাঁদের সকল ইমাম নবী দুর্ভিতা হয়রত ফাতিমার (রা) বংশধর, তথাপি শী‘আদের একটি উপ-দল হয়রত হসাইনের (রা) পরে তাঁকেই ইমাম বলে মানে। এই দলটির নাম “কায়সানিয়া”। তারা বিশ্বাস করে মুহাম্মদ ইবন আল-হানাফিয়া মৃত্যু বরণ করেননি, বরং তিনি তাঁর চল্লিশজন ভক্ত-অনুসারীসহ মদীনা থেকে সাত দিনের দূরত্বে “রিদাবী” পাহাড়ে গমন করেন এবং এখনো সেখানে বিদ্যমান আছেন। একটি বাঘ ও একটি চিতা তাঁদেরকে পাহারা দিচ্ছে এবং তাঁদের পিপাসা নিবৃত্তির জন্য একটি মধু ও

৪৮. প্রাঞ্জক-৫/৯৯, ১০৬

একটি পানির ঝর্ণা প্রবাহমান আছে। এই নির্জন স্থানে আল্লাহর তাঁদের খাদ্য সরবরাহ করেন। একদিন তিনি এ পৃথিবীতে ফিরে আসবেন এবং আদল-ইনসাফে পূর্ণ করে দেবেন। মুহাম্মাদ ইবন আল-হানাফিয়ার পরে তাঁর পুত্র ‘আবদুল্লাহ তাঁর স্থলাভিষিক্ত হন।^{৪৯}

এই “কায়সানিয়া” সম্প্রদায়ের জন্ম কৃফায় মুখতার আচ-ছাকাফীর পৃষ্ঠপোষকতায়। তাদের বিশ্বাসের মূল কথা হলো, পিতা ‘আলীর (রা) পরে মুহাম্মাদ ইবন আল-হানাফিয়া হলেন ইমাম। তাদের বিশ্বাস মতে তাদের ইমামগণ আল্লাহর জ্ঞানের অধিকারী হন, তাই ইবন আল-হানাফিয়াও এ জ্ঞানের অধিকারী ছিলেন। তাঁর দু’ভাই আল-হাসান ও আল-হসাইন (রা) তাঁকে গৃহ রহস্যের জ্ঞান দেন এবং ব্যাখ্যা ও বাতিলী জ্ঞানও দান করেন।^{৫০} তাদের একটি শাখা বিশ্বাস করে যে, ‘আলী, আল-হাসান ও আল-হসাইন (রা) ও ইবন আল-হানাফিয়া (রহ) সকলে নবী। তারা জন্মাত্তরবাদে বিশ্বাস করে। সুতরাং ইবন আল-হানাফিয়া আবার পৃথিবীতে ফিরে আসবেন। তবে তাদের মধ্যে এ ব্যাপারে মত পার্থক্য আছে যে, তিনি পিতা ‘আলীর (রা) মৃত্যুর পর সরাসরি উত্তরাধিকার সূত্রে ইমাম হন, না তাঁর দু’ভাই আল-হাসান ও আল-হসাইনের (রা) মাধ্যমে হন? আবু মুহাম্মাদ আল-হাসান ইবন মুসা আন-নাওবাখতী (২৩২/৮১৭) বলেন :^{৫১}

وفرق قالت بإمامية محمد بن الحنفية، لأنه كان صاحب رأيه أبيه يوم البصرة دون أخيه، وداعي (المختار) أن محمد بن الحنفية أمره بذلك وأنه الإمام بعد أبيه، وكان يقول إن محمد بن الحنفية وصى على بن أبي طالب، وأنه الإمام المختار قيمة وعامله.

“কয়েকটি উপদেশ মুহাম্মাদ ইবন আল-হানাফিয়ার ইমামতের কথা বলে। কারণ বসরার যুদ্ধের দিন (উট্টের যুদ্ধ) তাঁর দু’ভাই নন, তিনিই তাঁর পিতার বাণিজ্য ছিলেন। আল-মুখতার দাবী করেন, তিনি যে তাঁর পিতার পরে ইমাম, সে কথা বলতে তিনি তাকে আদেশ করেছেন। আল-মুখতার একথাও বলতেন যে, মুহাম্মাদ ইবন আল-হানাফিয়া ‘আলী (রা) ইবন আবী তালিবের অঙ্গি, তাঁর নির্বাচিত ইমাম, দায়িত্বশীল ও শাসক।”

আশ-শাহরাতানী বলেন, প্রাচীন পারস্যের অগ্নি উপাসক, ভারতবর্ষের ব্রাক্ষণ্যবাদ, প্রাচীন কালের দার্শনিক ও মৃত্তি পূজকদের চিন্তা দর্শনের উপর ভিত্তি করে কায়সানিয়ারা তাদের মতবাদ প্রতিষ্ঠা করে।^{৫২}

৪৯. ওয়াফাইয়াত আল-আ’য়ান-১/৪৫; ড. হাসান ইবরাহীম হাসান, তারীখ আল-ইসলাম-১/৪০৫

৫০. আশ-শাহরাতানী, কিতাব আল-মিলাল ওয়া আন-নিহাল-২/১৯৬-১৯৮

৫১. কিতাবু ফিরাক আশ-শী’আ-২০-২১

৫২. আল-মিলাল ওয়া আন-নিহাল-২০২

জ্ঞান ও বিজ্ঞতা

মুহাম্মাদ ইবন আল-হানাফিয়া ছিলেন হ্যরত ‘আলীর (রা) মত জ্ঞানের সাগরতুল্য পিতার সন্তান। এ কারণে উত্তরাধিকার সূত্রে জ্ঞানের ঐশ্বর্য লাভ করেন। ইবন সা’দ লিখেছেন :^{৫৩}

“তিনি একজন বড় জ্ঞানী ব্যক্তি ছিলেন।” ইবন হিবান তাঁকে তাঁর বৎশের শ্রেষ্ঠ জ্ঞানী ব্যক্তিদের মধ্যে গণ্য করেছেন।^{৫৪}

কিন্তু তাঁর জ্ঞানের বিস্তারিত বিবরণ কোন গ্রন্থে পাওয়া যায় না। তিনি বলতেন :^{৫৫}

الحسن والحسين أفضل مني وأنا أعلم منها.

“হাসান ও হৃসাইন আমার চেয়ে উত্তম। তবে আমি তাঁদের চেয়ে বেশি জানি।”

হাদীস

হাদীসের জ্ঞান তিনি লাভ করেন তাঁর সমানিত পিতা ‘আলীর (রা) নিকট থেকে। তাছাড়া আর যাঁদের নিকট থেকে এ জ্ঞান অর্জন করেন তাঁরা হলেন : ‘উসমান ইবন ‘আফফান, ‘আম্মার ইবন ইয়াসির, মু’আবিয়া ইবন আবী সুফিয়ান, আবু হুরাইরা ও ‘আবদুল্লাহ ইবন আল-‘আবাস (রা)। অনেক মুহাদ্দিষ্যের মতে তাঁর সূত্রে বর্ণিত হ্যরত ‘আলীর (রা) হাদীছগলির সনদই সর্বাধিক শক্তিশালী।^{৫৬}

তাঁর ছাত্র-শিষ্যের পরিধি অনেক বিস্তৃত। তাঁর চার পুত্র : ইবরাহীম, হাসান, ‘আবদুল্লাহ ও ‘আওন; ভাতিজা মুহাম্মাদ ইবন ‘উমার ইবন ‘আলী (রা), ভাইয়ের পৌত্র মুহাম্মাদ ইবন ‘আলী ইবন হাসান (রা), ভাগিনা ‘আবদুল্লাহ ইবন মুহাম্মাদ ইবন ‘আকিল এবং অন্যদের মধ্যে ‘আতা’ ইবন আবী রাবাহ, মিনহাল ইবন ‘আমর, মুহাম্মাদ ইবন কায়স ইবন মাখরামা, মুনফির ইবন ইয়া’লা, মুহাম্মাদ ইবন বাশীর হামাদানী, সালিম ইবন আবী আল-জা’দ ও ‘আমর ইবন দীনার তাঁর জ্ঞান ভাণ্ডার থেকে উদারভাবে প্রহ্ল করেন।^{৫৭}

মূল্যবান উক্তি

তাঁর কিছু মূল্যবান উক্তি সূক্ষ্ম ভাব সমৃদ্ধ ও শিক্ষাপ্রদ। তিনি বলতেন : “যার অন্তর তার নিজের দৃষ্টিতে সমানিত তার দৃষ্টিতে দুনিয়ার কোন মূল্যই থাকে না। যে ব্যক্তি তার জীবন যাপনে সঙ্গীদের সাথে মানিয়ে চলতে পারে না সে বুদ্ধিমান নয়। আল্লাহ জান্নাতকে তোমাদের প্রাণের বিনিময়ে নির্ধারণ করেছেন। সুতরাং অন্য কোন

৫৩. আত-তাবাকাত-৫/৯৪

৫৪. তাহ্যীব আত-তাহ্যীব-৯/৩১৬

৫৫. আল-আ’লাম-৬/২৭০

৫৬. তাহ্যীব আত-তাহ্যীব-৯/৩১৫

৫৭. প্রাণক্ষণ; ড. হাসান ইবরাহীম হাসান-১/২৫৩

কিছুর বিনিময়ে তা বিক্রি করো না। যে কাজ আল্লাহর সম্মতির জন্য করা হয় না তা ব্যর্থ হয়ে যায়।”^{৫৮}

ইবাদাত-বন্দেগী

তিনি যেমন একজন বড় মাপের ‘আলিম ছিলেন তেমনি ছিলেন একজন বড় ‘আবিদ ব্যক্তি। দুনিয়ার ভোগ-বিলাসের প্রতি ছিলেন একেবারেই উদাসীন। ইবনুল ইমাদ আল-হামলী লিখেছেন, তিনি ‘ইলম ও ইবাদাত দুটিতেই ছিলেন চূড়ান্ত পর্যায়ের মানুষ।’^{৫৯}

মায়ের খিদমত

তিনি মায়ের খিদমতে ছিলেন নিবেদিতপ্রাণ। নিজ হাতে তাঁর চুলে খিজাব লাগাতেন, চিরকুনী করতেন ও খোপা বাঁধতেন। একদিন ঘর থেকে বেরিয়ে মানুষের সামনে এলে দেখা গেল তাঁর হাতে মেহেদীর ছাপ। একজনের প্রশ্নের জবাবে তিনি বললেন, আমি মায়ের চুলে খিজাব লাগাচ্ছিলাম।^{৬০}

দৈহিক শক্তি ও সাহস

আসাদুল্লাহ আল-গালিব ‘আলীর (রা) যথার্থ উত্তরাধিকারী ছিলেন তিনি। ইলমের সাথে শক্তি ও সাহসও উত্তরাধিকার সূত্রে লাভ করেন। এত শক্তিশালী ছিলেন যে, লৌহ বর্ম দু'হাতে ধরে ফেঁড়ে ফেলতেন। হযরত ‘আলীর (রা) একটি বর্ম একটু লম্বা ছিল। একদিন তিনি বর্মটি মুহাম্মাদ ইবন আল-হানফিয়্যার হাতে দিয়ে দেখিয়ে দেন যে, এই বেশি অংশটুকু কম করে দাও। তিনি এক হাতে বর্মটি ধরে অন্য হাতে বেশি অংশটুকু ধরে এক টানে দুটুকরো করে ফেলেন। দৈহিক শক্তিতে ‘আবদুল্লাহ ইবন আয-যুবাইর (রা) ছিলেন তাঁর প্রতিপক্ষ। একথা তাঁর সামনে কেউ উঠালে তিনি রাগে কাঁপতে থাকতেন। আল্লামা যিরিক্লী তাঁর শক্তি ও সাহসের কথা বলেছেন এভাবে :^{৬১}

أحد الأبطال الأشداء في صدر الإسلام.

“ইসলামের প্রাথমিক যুগের একজন শক্তি-কঠিন বীর।”

أخبار قوته وشجاعته كثيرة.

“তাঁর শক্তি ও বীরত্বের কাহিনী অনেক।”

একবার রোমান সত্রাট খলীফা হযরত মু’আবিয়াকে (রা) লিখলেন, আমাদের এখানকার রাজা-বাদশারা বিভিন্ন জিনিস আদান-প্রদান করেন এবং প্রত্যেকে তার নিজ নিজ দেশের অভিনব ও বিস্ময়কর জিনিস পাঠিয়ে অন্যকে অভিভূত ও বিস্মিত করে থাকেন এবং

৫৮. মুখতাসার সাফওয়াতিস সাফওয়া-১৩২

৫৯. শায়ারাত আয-যাহাব-১/৮৯

৬০. আত-তাবানাত-৫/৮৮

৬১. আল-আ’লাম-৬/২৭০

গৌরব বোধও করেন। আপনার অনুমতি পেলে আমরাও তেমন আদান-প্রদান করতে পারি। হ্যরত মু'আবিয়া (রা) সম্মতি জানিয়ে তাঁকে তেমন কিছু পাঠানোর অনুমতি দেন। রোমান স্মার্ট বিশ্বয়কর দু'জন পুরুষ মানুষ মু'আবিয়ার (রা) নিকট পাঠান। তাদের একজন ছিল অত্যধিক লম্বা ও অত্যধিক মোটা। যেন জঙ্গলের কোন সুউচ্চ বৃক্ষ অথবা বিশাল আকৃতির কোন অট্টালিকা।

অন্যজন ছিল অত্যধিক শক্তিশালী এবং পাথরের মত শক্ত ও কঠিন। যেন একটা হিংস্র জন্ম। তাদের সাথে পাঠানো একটি পত্রে তিনি বলেন, আপনার সাম্রাজ্যে লম্বায় ও শক্তিতে এ দু'ব্যক্তির সমকক্ষ কেউ আছে কি? মু'আবিয়া (রা) 'আমর ইবন আল-'আসকে (রা) বললেন : লম্বায় তার মত একজনকে পেয়েছি, বরং তার চেয়ে একটু বেশি লম্বা হবে। আর সে হলো কায়স ইবন সা'দ ইবন উবাদা। তবে শক্তিমান ব্যক্তিটির ব্যাপারে আমি আপনার মতামত কামনা করছি।

'আমর বললেন : এই ব্যাপারটির জন্য দু'জন উপযুক্ত মানুষ আছেন। তবে দু'জনই এখন আপনার থেকে দূরে আছেন। তাঁরা হলেন 'আবদুল্লাহ ইবন যুবাইর ও মুহাম্মাদ ইবন আল-হানাফিয়া (রা)।

মু'আবিয়া (রা) বললেন : মুহাম্মাদ ইবন আল-হানাফিয়া দূরে নয়, কাছেই আছেন।

'আমর বললেন : আপনি কি মনে করেন তাঁর মত মর্যাদাবান ব্যক্তি এভাবে প্রকাশে মানুষের সামনে একজন রোমানের সাথে প্রতিদ্বন্দ্বিতা করতে রাজী হবেন? মু'আবিয়া (রা) বললেন : তিনি যদি দেখেন এতে ইসলামের মর্যাদা বৃদ্ধি পাবে তাহলে শুধু এতটুকু নয়, বরং এর চেয়ে বেশি করবেন।

হ্যরত মু'আবিয়া (রা) কায়স ইবন সা'দ ও মুহাম্মাদ উপরকে ঢেকে পাঠালেন। তাঁরা উপস্থিত হলেন। বৈঠক বসলো। এক পর্যায়ে কায়স ইবন সা'দ তাঁর একটি পায়জামা বিরাট বপুধারী রোমান পালোয়ানের দিকে ছুঁড়ে দিয়ে সেটি তাকে পরতে বলেন। রোমান পালোয়ান সেটি পরলে তার বুকের উপরি ভাগ পর্যন্ত পৌঁছে। এ অবস্থা দেখে উপস্থিত লোকেরা হাসিতে ফেটে পড়ে।

অন্যদিকে মুহাম্মাদ ইবন আল-হানাফিয়া দোভাষীকে বললেন : আপনি রোমান পালোয়ানকে বলুন, সে ইচ্ছা করলে বসে থেকে আমার দিকে একটি হাত বাড়িয়ে দিক এবং আমি দাঁড়িয়ে তাকে উঠানোর চেষ্টা করি। হয় আমি তাকে টেনে তুলবো, অথবা সে আমাকে টেনে বসিয়ে দেবে। অথবা এর বিপরীতটাও হতে পারে অর্থাৎ আমি বসে থাকবো, আর সে দাঁড়িয়ে আমাকে উঠানোর চেষ্টা করবে। রোমান পালোয়ান বসে থাকতে চাইলো। মুহাম্মাদ ইবন আল-হানাফিয়া একটানে তাকে দাঁড়িয়ে দিলেন। রোমান ব্যক্তি মুহাম্মাদকে বসাতে ব্যর্থ হলো। এতে তার আত্মর্যাদাবোধে আঘাত লাগলো। সে এবার দাঁড়িয়ে মুহাম্মাদকে বসা অবস্থা থেকে উঠাতে চাইলো। মুহাম্মাদ বসলেন এবং রোমান লোকটির হাত ধরে এমন জোরে টান দিলেন যে, মনে হলো তার হাতটি কাঁধ থেকে বিছিন হয়ে যাবে। তিনি তাকে মাটিতে বসিয়ে দিলেন।^{৬২}

৬২. ওয়াফায়াত আল-আয়ান-১/৪৪৯; সুওয়ারুন মিন হায়াত আত-তাবি'স্ন-২৭৪

এভাবে বিশাল দেহের অধিকারী-পালোয়ানদ্বয় শোচনীয়ভাবে পরাজিত হয়ে দেশে ফিরে গেল।

অবয়ব-আকৃতি ও পোশাক-পরিচ্ছদ

তিনি মধ্যমাকৃতির ছিলেন। শেষ বয়সে মাথার চুল সাদা হয়ে গিয়েছিল। চুলে মেহেদীর খিজাৰ লাগাতেন। “খুয়” নামক এক প্রকার বস্ত্র ব্যবহার করতেন। মাথায় কালো পাগড়ী ধারণ করতেন এবং হাতে আংটি পরতেন। আবু ইদুরীস একদিন তাঁকে খিজাৰ লাগানো অবস্থায় দেখে প্রশ্ন করেন : আপনার পিতা ‘আলী (রা) কি খিজাৰ লাগাতেন? বলেন : না। তবে আমি এটা করি স্ত্রীদের নিকট যুক্ত হিসেবে প্রকাশ করার জন্য।^{৬৩}

স্ত্রী ও সন্তান-সন্ততি

তিনি একাধিক বিয়ে করেন। সেই স্ত্রী ও দাসীদের গর্ভে জন্ম নেয়া বহু সন্তানের জনক তিনি। সন্তানদের বিস্তারিত বিবরণ নিম্নরূপ : ১. আবু হাশিম, ২. ‘আবদুল্লাহ, ৩. হাময়া, ৪. ‘আলী, ৫. জা’ফার আল-আকবর- এ পাঁচজন একজন দাসীর গর্ভের সন্তান। ৬. হাসান- কায়স ইবন মাখরামা ইবন আল-মুত্তালিবের কন্যা জামাল-এর গর্ভজাত। ৭. ইবরাহীম- মুসরিফা ইবন ‘আব্বাদ ইবন শায়বান-এর গর্ভজাত। ৮. কাসিম, ৯. ‘আবদুর রহমান- এ দু’জন বারো বিনত ‘আবদির রহমান ইবন হারিছ আল-মুত্তালিবীর গর্ভজাত। ১০. জা’ফার আল-আসগার, ১১. ‘আওন, ১২. ‘আবদুল্লাহ আল-আসগার- এ তিনজন হযরত জা’ফার ইবন আবী তালিবের পৌত্রী উম্মু কুলছুমের গর্ভজাত এবং ১৩. ‘আবদুল্লাহ ও ১৪. রুকাইয়া- এ দু’জন একজন দাসীর গর্ভের সন্তান।^{৬৪}

ইবন সা’দ তাঁর সন্তানদের পরিচয় দান করতে গিয়ে বলেন :^{৬৫}

والحسن بن محمد، وكان من طفقاء بنى هاشم وأهل العقل منهم وهو أول من تكلم
في الإر جاء.

“মুহাম্মাদ ইবন আল-হানাফিয়ার ছেলে আল-হাসান ছিলেন বানু হাশিমের সুরসিক ও বৃদ্ধিমান ব্যক্তিবর্গের অন্যতম। তিনি ‘ইরজা’ মতবাদের প্রথম প্রবক্তা।”

৬৩. আত-তাবাকাত-৫/১১৪

৬৪. ওয়াফায়াত আল-আ’য়ান-১/৪৫৩

৬৫. আত-তাবাকাত-৫/৯২

যাইনুল ‘আবিদীন ‘আলী ইবন হ্সাইন (রা)

হযরত ‘আলী ইবন হ্�সাইনের (রা) ‘কুনিয়াত’ বা ডাকনাম আবুল হাসান এবং ‘লকব’ বা উপাধি যাইনুল ‘আবিদীন। হযরত রাসূলে কারীমের (সা) অত্যন্ত আদরের দৌহিত্র হযরত হ্সাইনের (রা) কনিষ্ঠ পুত্র এই ‘আলী। কারবালায় নবুওয়াতী উদ্যান তচনছ হওয়ার পর এই একটি মাত্র ফুল অবশিষ্ট ছিল যার মাধ্যমে দুনিয়াতে সাইয়িদ বংশের সুগন্ধি ছড়িয়ে পড়ে এবং হযরত হ্সাইনের (রা) নাম বিদ্যমান থাকে। তাঁর পিতৃকুলের শাজারা-ই-নসব (বংশধারা) সূর্যের চেয়েও উজ্জ্বল এবং চন্দ্রের চেয়েও দীক্ষিমান। তবে মাত্রকুলের শাজারা-ই-নসবের ব্যাপারে কিঞ্চিৎ মত পার্থক্য আছে। সর্বাধিক প্রসিদ্ধ মতে তিনি ছিলেন পারস্যের শেষ সন্মাট ইয়ায়দাগুরদের দৌহিত্র।

বিষয়টি এভাবে বর্ণিত হয়েছে যে, যখন ইসলামের দ্বিতীয় খলীফা হযরত ‘উমারের (রা) খিলাফতকালে ইয়ায়দাগুরদের পরাজয় হয় তখন আরো যুদ্ধ বন্দীদের সাথে তাঁর তিনি মেয়েও বন্দী হয়। হযরত ‘উমার (রা) অন্যান্য বন্দীদের মতো তাদেরকেও বিক্রির নির্দেশ দেন। কিন্তু হযরত ‘আলী (রা) খলীফার সাথে দ্বিতীয় পোষণ করে বলেন, এই তিনি শাহবাদীর সাথে অন্য সাধারণ মানুষের কল্যানের সাথে যে আচরণ করা হয়, তেমন করা সঙ্গত হবে না। তিনি প্রস্তাব দেন তাদের মূল্য নির্ধারণ করা হোক এবং সেই মূল্যে যে কিনতে চায়, কিনে নিবে। সম্ভবতঃ হযরত ‘আলী (রা) হযরত রাসূলে কারীমের (সা) একটি হাদীছের ভিত্তিতে এমন কথা বলেন। হাদীছটি এই : لَرْحَمُوا عَزِيزٌ قَوْمٌ - “কোন কাওম বা জাতির সম্মানিত ব্যক্তি হেয় ও অপমানিত হলে তোমরা তার প্রতি দয়া দেখাবে।” ‘উমার (রা) ‘আলীর (রা) প্রস্তাবে রাজী হন। তিনি শাহবাদীর একটা দাম নির্ধারণ করা হয় এবং তিনজনকেই ‘আলী (রা) নিজে ত্রয় করেন। অতঃপর একজনকে হযরত আবু বকরের (রা) ছেলে মুহাম্মাদকে, আরেকজনকে হযরত ‘উমারের (রা) ছেলে হযরত ‘আবদুল্লাহকে (রা) এবং তৃতীয়জনকে নিজের ছেলে হযরত হ্সাইনকে (রা) দান করেন। এই তিনি শাহবাদীর গর্ভে জন্মগ্রহণ করেন যথাক্রমে হযরত কাসিম ইবন মুহাম্মাদ, হযরত সালিম ইবন ‘আবদিল্লাহ (রা) ও হযরত ‘আলী ইবন হ্সাইন (রা)।

ইবন কৃতাইবা (মৃত্যু ২৭৬ হি) যাইনুল ‘আবিদীনের মা’কে সিদ্ধুর এবং আল-ইয়া‘কুবী কাবুলের মেয়ে এবং তার নাম সুলাফা অথবা গাযালা বলে উল্লেখ করেছেন।^১ ইবন সাদ গাযালা নামটিকেই গ্রহণ করেছেন। তিনি কোন বংশধারা উল্লেখ করেননি। তবে ইয়ায়দাগুরদের শাহী বংশধারার প্রতি ইঙ্গিত করেছেন। ইবন কৃতাইবার বর্ণনাটি বিভিন্ন

১. তারীখ আল-ইয়া‘কুবী-২/৩০৩

২. ইবন কৃতাইবা, আল মা‘আরিফ-৫৪

দিক দিয়ে অগ্রহণযোগ্য বলে বিবেচনা করেছেন অনেকে। আল্লামা শিবলী নুর্মানী (রহ) বিষয়টি গভীরভাবে পর্যালোচনা করে তাঁর বর্ণনাটি ভিত্তিহীন বলে মত দিয়েছেন। তবে এসব বর্ণনা দ্বারা একথাটি স্পষ্ট হয় যে, তিনি কোন অনারব মহিলা ছিলেন।^৩ আল-ইয়া'কূবী তার মায়ের নাম “হারার” বলেছেন। ইয়াবদাগুরদের যে কন্যাটিকে হ্যারত রাসূলে কারীমের (সা) দৌহিত্র হ্যারত হ্সাইন ইবন ‘আলীর (রা) হাতে সমার্পণ করা হয় তার ফার্সী নাম ছিল “شَاهِ زَيْنَ شَاهِ يَهْنَانَا”।^৪ দাসী হিসাবে হ্যারত হ্সাইনের সাথে যুক্ত হওয়ার পর তিনি ইসলাম গ্রহণ করেন এবং একজন নিষ্ঠাবতী মুসলমানে পরিণত হন। পৌত্রিক জীবনের সকল সম্পর্ক জীবন থেকে মুছে ফেলেন। এমনকি “শাহে যিনানা” (নারীদের রাণী) নামটি পরিত্যাগ করে “غَلَّ - গাযালা” নাম ধারণ করেন। হ্যারত হ্সাইন (রা) তাকে দাসত্ব থেকে মুক্তি দেন এবং পরবর্তীতে উভয়ের সম্মতিতে বিবাহ বন্ধনে আবদ্ধ হন। এভাবে গাযালা একজন চমৎকার স্বামী লাভ করেন। অল্পদিনের মধ্যে তিনি এক পুত্র সন্তানের মা হন এবং পিতা-মাতা তাঁদের শিশু সন্তানের নাম রাখেন তার মহান দাদা ‘আলী ইবন আবী তালিবের (রা) নামে ‘আলী ইবন আল হ্সাইন (রা)। সন্তান প্রসবের পর মা “গাযালা” জুরে আক্রান্ত হন এবং তাতেই ইনতিকাল করেন। শিশু আলী মায়ের আদর ও মেহ-মহতা থেকে চিরদিনের জন্য বঞ্চিত হন। একজন দাসী তাঁকে মাতৃ স্নেহে লালন-পালন করেন। জীবনে তাকেই তিনি মা বলে জানেন।

একটু বুদ্ধি হলে তাঁকে শিক্ষার প্রতি মনোযোগী করে তোলা হয়। এ ব্যাপারে তাঁর মধ্যে প্রচণ্ড আগ্রহও লক্ষ্য করা যায়। তাঁর প্রথম শিক্ষালয়টি ছিল নিজ গৃহ। তেমনি প্রথম ও প্রধান শিক্ষক ছিলেন তাঁর মহান পিতা হ্যারত হ্সাইন ইবন ‘আলী (রা)। তাঁর দ্বিতীয় শিক্ষালয়টি ছিল মদীনার পবিত্র মাসজিদে নববী। এই মাসজিদ তখন সব সময় জীবিত সাহাবা ও বড় বড় তাবিঈন কিরামের (রহ) পদচারণায় মুখর থাকতো। তাঁরা মাসজিদের এখানে ওখানে হালকা করে সাহাবায়ে কিরামের (রা) সন্তানদেরকে কুরআন শিখাতেন, ইসলামী বিধি-বিধানের তত্ত্বজ্ঞান দান করতেন, তাঁদেরকে রাসূলুল্লাহর (সা) হাদীছ, সীরাত ও যুদ্ধ-বিঘ্নের কাহিনী শোনাতেন এবং সেই সাথে আরবী কবিতা ও ভাষা সাহিত্যের জ্ঞানও দান করতেন। সাথে সাথে তাঁরা তাঁদের অন্তরে আল্লাহর ভালোবাসা, ভয়-ভীতির বীজও রোপন করতেন। এভাবে তাঁরা সত্য-সঠিক পথের অনুসারী বা ‘আমল ‘আলিমে পরিণত হতেন।

‘আলী ইবন হ্সাইনের (রা) মন মস্তিষ্কে আল কুরআন বিষয়টি যেভাবে স্থান পায় সেভাবে শিক্ষার অন্য কোন বিষয় স্থান পায়নি। সেই শৈশব থেকে আল কুরআনের ভয়-ভীতি ও আয়াবের আয়াত পাঠ করে তার দেহে আবেগ অনুভূতি যেভাবে আন্দোলিত হতো তেমন আর কোন ব্যাপারে হতো না। জান্নাতের বর্ণনা সম্পর্কে আয়াত পাঠের সময় এতই আবেগ আপুত হয়ে পড়তেন যে, কল্পনায় যেন জান্নাতে পৌছে যেতেন। আর জাহানামের

৩. তারীখ আল-ইয়া'কূবী-২/৩০৩; তাবিঈন-২৯৩

বর্ণনা বিধৃত কোন আয়াত শোনার সাথে সাথে তিনি এমনভাবে দীর্ঘশ্বাস ছাড়তেন যেন তার অভ্যন্তরে জাহানামের আগুন দাউ দাউ করে জুলছে।^৪

জন্ম

হ্যরত যাইনুল আবিদীন (রহ) হিজরী ৩৮ সনে জন্মগ্রহণ করেন।^৫ তাঁর মহান দাদা হ্যরত ‘আলীর (রা) সময়কালে তিনি নিতান্ত একটি শিশু ছিলেন। এজন্য এ সময়ের কোন ঘটনায় তাঁর উপস্থিতি আশা করা যায় না। একটু বোধ-বুদ্ধির বয়স হলে কারবালার সেই বিষাদময় ঘটনা প্রত্যক্ষ করেন। এই সফরে তিনি তাঁর মহান পিতার সঙ্গে ছিলেন। তখন তাঁর বয়স বিশের কিছু বেশী।^৬ তবে অসুস্থতার কারণে প্রত্যক্ষ যুদ্ধে অংশ গ্রহণ করতে পারেননি। হ্যরত আল হুসাইনের (রা) শাহাদতের পর শামার যী আল-জাওশান তাঁকেও হত্যা করতে উদ্যত হয়। কিন্তু তার এক সঙ্গীর অন্তরে আল্লাহ দয়া ও করুণার সৃষ্টি করেন। তিনি বলেন : সুবহানাল্লাহ! এই অসুস্থ নওজোয়ান, যে যুদ্ধেও কোন রকম ভূমিকা রাখেনি, তাকে আমরা হত্যা করতে পারি না। এর মধ্যে ‘আমর ইবন সাদ’ এসে পৌছেন। তিনি অসুস্থ ব্যক্তি ও মহিলাদের সাথে কোন রকম অসদাচরণ করা থেকে শামবাসীদেরকে বিরত রাখেন।^৭

কারারুদ্ধ

কারবালায় ইয়ায়ীদ বাহিনীর এক শার্ষী সৈনিক যে আহলি বাইত তথা নবী পরিবারের প্রতি ছিল শুন্দাশীল, সে যাইনুল আবিদীনকে গোপন করে ফেলে। সে ভীষণ আত্মরিকতার সাথে তাঁর সেবা করতো। লোকটি তাঁকে এতো পরিমাণ ভালোবাসতো যে, যখন তাঁর কাছে যেত কাঁদতে কাঁদতে যেত, আর ফেরার সময় কাঁদতে কাঁদতে ফিরতো। লোকটির এমন ভদ্র আচরণে তিনি দারুণ মুক্ষ হন। কিন্তু অল্লাদিনের মধ্যে সাধারণ শামবাসীদের মতো অর্থ-সম্পদের লোভে তার ভক্তি ও ভালোবাসা নির্মমতার রূপ ধারণ করে। ‘উবাইদুল্লাহ ইবন যিয়াদ যাইনুল আবিদীনকে ধরিয়ে দেওয়ার জন্য তিনি শো দীনার পুরক্ষার ঘোষণা করে। এই তিনি শো দীনারের লোভে লোকটি যাইনুল আবিদীনকে বেঁধে ইবন যিয়াদের লোকদের হাতে তুলে দেয়।^৮

উবাইদুল্লাহ ইবন যিয়াদের সৎগো আলোচনা

গ্রেফতার হওয়ার পর হ্যরত আল হুসাইনের (রা) সঙ্গী অন্য বন্দীদের সাথে তাঁকেও ইবন যিয়াদের সামনে হাজির করা হয়। তারপর দুইজনের মধ্যে নিম্নোক্ত কথোপকথন হয় :

৪. সুওয়ারুন মিন হায়াত আত-তাবিঁসৈন : ৩৩৯-৩৪১

৫. ওয়াফাইয়াতুল আইয়ান-১/৩২১

৬. তায়কিরাতুল হফ্ফাজ-১/৭৫

৭. তাবাকাত-৫/১৫৭

৮. প্রাণ্ডু

ইবন যিয়াদ : তোমার নাম কি?

যাইনুল 'আবিদীন : 'আলী

'আলী নামটি শুনে ইবন যিয়াদ বললো : আল্লাহ কি 'আলীকে হত্যা করেনি? তিনি চুপ থাকলেন, ইবন যিয়াদ একটু ধমকের সুরে বললো : আমার প্রশ্নের জবাব দিচ্ছো না কেন?

- আমার আরেকটি ভাইয়ের নাম 'আলী ছিল। মানুষ তাঁকে হত্যা করেছে।

ইবন যিয়াদ : মানুষ নয়, বরং আল্লাহ তাঁকে হত্যা করেছে।

ইমাম যাইনুল 'আবিদীন চুপ থাকলেন। ইবন যিয়াদ একই কথা আবারো বললো। এবার যাইনুল 'আবিদীন নিম্নের আয়াত দুটি তিলাওয়াত করেন :

اللَّهُ يَتَوَفَّى الْأَنفُسَ حِينَ مَوْتِهَا وَالَّتِي لَمْ تَمُوتْ فِيْ مَنَامِهَا.

وَمَا كَانَ لِنَفْسٍ أَنْ تَمُوتَ إِلَّا بِإِذْنِ اللَّهِ كِتَابًا مُّؤْجَلاً.

"আল্লাহই প্রাণ হরণ করেন জীবসমূহের তাদের মৃত্যুর সময় এবং যাদের মৃত্যু হয়নি তাদের প্রাণও নিদ্রার সময়।"

"আল্লাহর অনুমতি ব্যতীত কারো মৃত্যু হতে পারে না, যেহেতু তার মেয়াদ অবধারিত।"

এ জবাব শুনে ইবন যিয়াদ বললো, তুমিও ঐসব লোকদের মতো। তারপর সে যাইনুল 'আবিদীনকে হত্যার নির্দেশ দেয়। তখন তিনি ইবন যিয়াদের নিকট জানতে চান : এই মহিলাদেরকে কার দায়িত্বে অর্পণ করবে? যাইনুল 'আবিদীনের ফুফু হযরত যায়নাব এই মারাত্তক অন্যায় নির্দেশ শুনে বিচলিত হয়ে পড়েন। তিনি যাইনুল 'আবিদীনের গা ঘেঁষে দাঁড়িয়ে ইবন যিয়াদকে লক্ষ্য করে বলেন, যদি তাকে হত্যা করতে চাও তাহলে তার সাথে আমাকেও হত্যা কর। তবে ইমাম যাইনুল 'আবিদীনের উপর ভীতি ও শক্তার কোন চিহ্ন দেখা গেল না। তিনি অত্যস্ত স্থির চিঠ্ঠে নির্ভীকভাবে বললেন, "আমাকে যদি হত্যা করতেই হয় তাহলে এসব মহিলাদের সঙ্গে কমপক্ষে এমন একজন লোক দাও যে তাঁদেরকে নিরাপত্তার সাথে স্বদেশে পৌছে দেবে।" তাঁর এমন দৃঢ়তা লক্ষ্য করে ইবন যিয়াদ তাঁর মুখের দিকে তাকিয়ে দেখতে থাকে। ইতোমধ্যে আল্লাহ ইবন যিয়াদের অন্তরে দয়া ও করুণা সৃষ্টি করেন। অতঃপর সে আহ্লি বাইতের অসহায় নারী-শিশুদের সঙ্গে থাকার জন্য ইমাম যাইনুল 'আবিদীনকে ছেড়ে দেয়।^{১০}

শামে উপস্থিতি ও ইয়ায়ীদের সাথে আলোচনা

ইবন যিয়াদ আহ্লি বাইত (রা) তথা নবী পরিবারের জীবিত সদস্যদেরকে দিমাশ্কে

৯. সূরা আয়-যুমার-৪২; সূরা আলে 'ইমরান-১৪৫

১০. তাৰাকাত-৫/১৫৭; আল-বিদায়া ওয়ান নিহায়া-৪/৭০-৭১

ইয়ায়ীদের নিকট পাঠিয়ে দেয় : তাঁদেরকে ইয়ায়ীদের সামনে হাজির করা হয় । তিনি ইমাম আল হসাইনের (রা) হন্দু মাথা দেখে যাইনুল ‘আবিদীনকে বলেন, ‘আলী! যা কিছু তুমি দেখছো তা সবই তোমার পিতার কর্মফল । তিনি আমার সাথে সম্পর্ক ছিল করেছেন, আমার অধিকারের ব্যাপারে উদাসীনতা দেখিয়েছেন এবং রাষ্ট্র ক্ষমতা নিয়ে ঝগড়া করেছেন ।

জবাবে ইমাম যাইনুল ‘আবিদীন (রা) নিম্নের আয়াতটি পাঠ করেন :^{১১}

مَا أَصَابَ مِنْ مُصِيبَةٍ فِي الْأَرْضِ وَلَا فِي أَنْفُسِكُمْ إِلَّا فِي كِتَابٍ مِنْ قَبْلِ أَنْ تُبَرَّأُهَا. إِنَّ
ذَلِكَ عَلَى اللَّهِ يَسِيرٌ.

“পৃথিবীতে অথবা ব্যক্তিগতভাবে তোমাদের উপর যে বিপর্যয় আসে আমি তা সংঘটিত করবার পূর্বেই তা লিপিবদ্ধ থাকে । আল্লাহর পক্ষে ইহা খুবই সহজ ।”

পশেই বসা ছিল ইয়ায়ীদের ছেলে খালিদ । তিনি তাকে লক্ষ্য করে বলেন, খালিদ তুমি এর জবাব দাও । কিন্তু সে জবাব দিতে পারলো না । তখন ইয়ায়ীদ বললেন, তুমি এ আয়াতটি পড় :^{১২}

وَمَا أَصَابَكُمْ مِنْ مُصِيبَةٍ فِيمَا كَسَبْتُ أَيْدِيْكُمْ وَيَعْفُوا عَنْ كَثِيرٍ.

“তোমাদের যে বিপদ-আপন ঘটে তা তো তোমাদের কৃত কর্মের ফল এবং তোমাদের অনেক অপরাধ তো তিনি ক্ষমা করে দেন ।”

এই বৈঠকে জনৈক শামী ব্যক্তি অভিযত ব্যক্ত করে যে, এসব কয়েদী আমাদের জন্য হালাল । হ্যরত যাইনুল ‘আবিদীন (রহ) বললেন, তুমি মিথ্যা বলছো । তুমি যদি মারাও যাও তবুও তোমার জন্য হালাল নয় । যতক্ষণ তুমি আমাদের দীন-ধর্ম থেকে বেরিয়ে না যাও । ইসলাম প্রতিষ্ঠিত থাকা অবস্থায় কোন মুসলমান বন্দী নারী কোন মুসলমানের জন্য হালাল নয় । ইয়ায়ীদ উক্ত শামী ব্যক্তিকে ধমক দিয়ে বসিয়ে দেন ।^{১৩}

ইয়ায়ীদ আহ্লি বাইতের সাথে সাক্ষাতের পর তাঁদেরকে শাহী মহল “সার্রা”তে থাকার ব্যবস্থা করেন । এসব সম্মানিত মহিলাগণ তাঁর আঙীয়া ছিলেন । এ কারণে তিনি দিন পর্যন্ত ইয়ায়ীদের শাহী মহলে শোক ও মাতম বিরাজ করে । যতদিন তাঁরা সেখানে ছিলেন ইয়ায়ীদ তাঁদের সাথে অত্যন্ত ভদ্র ব্যবহার করেন । যাইনুল ‘আবিদীনকে সংগে নিয়ে একই দস্তরখানে বসে আহার করতেন ।^{১৪}

মদীনায় প্রত্যাবর্তন এবং ইয়ায়ীদের অঙ্গীকার

ইয়ায়ীদের শাহী মহলে কিছুদিন থাকার পর যখন আহ্লি বাইত কিছুটা সুস্থ ও স্বাভাবিক

১১. সূরা আল-হাদীদ-২২

১২. সূরা আশ-শূরা-৩০

১৩. তারীখ আত-তাবারী-৭/৩৭৬

১৪. প্রাণক

হলেন তখন ইয়াযীদ একদিন যাইনুল 'আবিদীনকে বললেন, "তোমরা যদি আমাদের সঙ্গে এখানে থাকতে চাও, থাকতে পার। আমি আত্মিয়তার সম্পর্ক অটুট রাখবো, তোমাদের সকল অধিকার পূরণ করবো। আর ফিরে যেতে চাইলে যেতে পার। আমি তোমাদের সংগে ভালো আচরণ করতে থাকবো।" যাইনুল 'আবিদীন (রহ) ফিরে যাওয়ার ইচ্ছা ব্যক্ত করেন।"^{১৫}

তাঁদের ইচ্ছা অনুযায়ী ইয়াযীদ তাঁদেরকে সরকারী সৈন্যদের তত্ত্বাবধানে নিরাপদে মদীনায় পাঠিয়ে দেন। বিদায় বেলা তিনি যাইনুল 'আবিদীনকে বলেন : "ইবন মারজানার উপর আল্লাহর অভিশাপ! আমি যদি উপস্থিত থাকতাম তাহলে আল হ্�সাইন (রা) যে দাবী করতেন, মেনে নিতাম। এভাবে তাঁর প্রাণ হরণ করতাম না। তাতে আমার নিজের ও আমার সন্তানদের জীবন চলে গেলেও পরোয়া করতাম না। যাই হোক, আল্লাহর যা ইচ্ছা তাই হয়েছে। আগামীতে যখনই তোমাদের কোন কিছুর প্রয়োজন হবে সংগে সংগে আমাকে লিখে জানাবে।"^{১৬}

মদীনায় অবস্থান এবং নির্জনতা অবলম্বন

আপনজনদের শাহাদাত বরণ, বাড়ী-ঘরের বিধিষ্ঠ অবস্থা এবং নিজের অসহায়ত্ব যাইনুল 'আবিদীনের অস্তরকে এমন চূর্ণ-বিচূর্ণ করে দেয় যে, মদীনায় ফেরার পর তিনি একেবারেই নির্জনতা অবলম্বন করেন এবং পরবর্তী কোন ধরনের আন্দোলনে অংশ গ্রহণ থেকে বিরত থাকেন। যে কোন ধরনের বিশৃঙ্খলামূলক কর্মকাণ্ড থেকে নিজেকে দূরে সরিয়ে রাখেন। ইয়াযীদও সব সময় তাঁর প্রয়োজন ও সুখ-সুবিধার প্রতি সজাগ দৃষ্টি রাখতেন।

'আবদুল্লাহ ইবন যুবাইরের (রা) বিদ্রোহ এবং যাইনুল 'আবিদীনের সম্পর্কহীনতা
হ্যরত ইমাম আল হ্�সাইনের (রা) শাহাদাত বরণের পর হ্যরত 'আবদুল্লাহ ইবন যুবাইর (রা) ইয়াযীদের বিরুদ্ধে বিদ্রোহ ঘোষণা করেন। হিজায়ের অধিবাসীরা তাঁর আনুগত্যের বাই'আত করে। মক্কা ও মদীনাবাসীরা এই দুই স্থান থেকে উমাইয়াদের নিয়োগকৃত কর্মকর্তাদের তাড়িয়ে দেয়। ইয়াযীদ হারামাইনের অধিবাসীদেরকে সতর্ককরণের জন্য মুসলিম ইবন 'উকবার নেতৃত্বে একদল দুঃসাহসী সৈন্য পাঠান। যাইনুল 'আবিদীনকে (রহ) কোন রকম বিরুদ্ধ না করার জন্য বাহিনীর অধিনায়ককে তিনি সতর্ক করে দেন। মদীনাবাসীরা প্রতিরোধ করার চেষ্টা করে ব্যর্থ হয়। মদীনায় অসংখ্য মানুষ মারা যায়, ইয়াযীদের বাহিনী কয়েকদিন ধরে মদীনায় লুটতরাজ চালায়। এই যুদ্ধে যাইনুল 'আবিদীন (রহ) ও তাঁর ঘনিষ্ঠজনেরা কোন রকম অংশগ্রহণ থেকে বিরত থাকেন। তাঁরা মদীনা ছেড়ে 'আকীকে চলে যান। মদীনাতুর রাসূলকে বিরাগভূমিতে পরিণত করে

১৫. তাবাকাত-৫/১৫৭

১৬. আত-তাবারী-৭/৩৭৯

মুসলিম^{১৭} ইবন ‘উকবা ‘আকীকে যায়। খোজ নিয়ে জানতে পারে যে, যাইনুল ‘আবিদীন (রহ) সেখানে আছেন। যাইনুল ‘আবিদীনও মুসলিমের উপস্থিতির খবর পেয়ে নিজেই তার সাথে সাক্ষাতের জন্য যান। সংগে নিয়ে যান চাচাতো ভাই আবু হাশিম ‘আবদুল্লাহ ও হাসান ইবন মুহাম্মাদ ইবন হানাফিয়্যাকে। মুসলিম অত্যন্ত সম্মান ও শৃঙ্খাভরে তাঁর সাথে মিলিত হয়। তাঁকে নিজের পাশে বসিয়ে কুশল জিভেস করার পর বলে, “আমীরুল মু’মিনীন আমাকে আপনার সাথে সদাচরণের নির্দেশ দিয়েছিলেন।” জবাবে যাইনুল ‘আবিদীন (রহ) বলেন, “আবু’হ তাঁকে ভালো প্রতিদান দিন।” মুসলিম তাঁর সংগের ছেলে দুইটির পরিচয় জিভেস করে। যাইনুল ‘আবিদীন (রহ) বলেন, “তাঁরা আমার চাচাতো ভাই।” তাদের সাথে মিলিত হতে পেরে মুসলিম সন্তোষ প্রকাশ করে। এই আনন্দদায়ক সাক্ষাৎকারের পর যাইনুল ‘আবিদীন (রহ) ফিরে যান।

মুখ্যতার আছ-ছাকাফীর বিদ্রোহ এবং যাইনুল ‘আবিদীনের সম্পর্কহীনতা

এ সময় উচ্চাভিলাষী ও পাপাচারী মুখ্যতার আছ-ছাকাফী রাষ্ট্র ক্ষমতা লাভের উদ্দেশ্যে আহ্লি বাইতের প্রতি ভালোবাসার নামে হযরত আল হসাইনের (রা) রক্তের প্রতিশোধ নেওয়ার আহ্বান জানিয়ে মাথা তুলে দাঁড়ায়। হাজার হাজার মানুষ তার আহ্বানে সাড়া দিয়ে তার পাশে এসে দাঁড়ায়। সে তার উদ্দেশ্য হাসিলের জন্য যাইনুল ‘আবিদীনের নিকট থেকে বাই’আত গ্রহণ করুন।” কিন্তু তার আসল উদ্দেশ্য যাইনুল ‘আবিদীনের জানা ছিল। এ কারণে তিনি তার এ আবেদন প্রত্যাখ্যান করেন। তিনি সোজা মাসজিদে নববীতে গিয়ে এই মুখ্যতারের বিকৃতি, পাপাচার ও নাস্তিকতার রাজ-রহস্য ফাঁস করে দেন। তিনি জনগণকে লক্ষ্য করে বলেন : সে শুধু মানুষকে ধোঁকা দেওয়ার জন্য আহ্লি বাইতকে সামনে নিয়ে এসেছে। কারো তার ধোঁকায় পড়া উচিত হবে না। তাঁর কাছ থেকে হতাশ হয়ে মুখ্যতার এবার মুহাম্মাদ ইবন হানাফিয়্যার নিকট ধর্ণা দেয়। তিনি তার ধোঁকার জালে আটকা পড়েন। যাইনুল ‘আবিদীন তাঁকে সতর্ক করে বলেন, “আহ্লি বাইতের প্রতি ভালোবাসা- এ তার মুখের কথা, অন্তরের কথা নয়। আহ্লি বাইতকে ধাঁরা ভালোবাসেন তাদেরকে আকৃষ্ট করার জন্য এ তার মিথ্যা প্লাগান। আসলে আহ্লি বাইতের ভালোবাসার সাথে তার কোন সম্পর্ক নেই; বরং সে আহ্লি বাইতের একজন দুশ্মন। তাই আমার মতো আপনারও উচিত হবে তার রহস্য ফাঁস করে দেওয়া।” মুহাম্মাদ ইবন হানাফিয়্য বিষয়টি নিয়ে হযরত ‘আবদুল্লাহ ইবনুল ‘আবাসের (রা) সংগে আলোচনা করলেন। যেহেতু কারবালার হৃদয় বিদারক ঘটনায় মুসলিম বিশ্বের সকল আহ্লি বাইত-প্রেমিক, বিশেষতঃ বানু হাশিমের অন্তর থেকে তখনও রক্ত ঝরছিল, তাই ইবনুল ‘আবাস (রা) মুখ্যতারের সহযোগী হলেন এবং ইবন হানাফিয়্যাকে যাইনুল ‘আবিদীনের কথা মানতে নিষেধ করলেন।^{১৮}

১৭. ইবন সা’দের তাবাকাতে নামটি মুসরিফ ইবন ‘উকরা এসেছে।

১৮. মাসউদী, মুরাজ আখ-যাহাব-২/৪৭৯-৪৮০

এরপর বানু উমাইয়া ও ‘আবদুল্লাহ ইবন যুবাইরের (রা) সাথে অনেকগুলো বড় বড় যুদ্ধ হয়। ইমাম যাইনুল ‘আবিদীন সকল দ্বন্দ্ব-সংঘাত থেকে দূরে থাকেন। মুখ্তার মিহত হওয়ার পরও তিনি তাকে অভিশাপ দিতেন। আবু জা’ফর বর্ণনা করেছেন, “আলী ইবনুল হসাইন কার্বার দরজায় দাঁড়িয়ে মুখ্তারকে অভিশাপ দিতেন।” জনৈক ব্যক্তি একদিন বললো, “আপনি এমন এক ব্যক্তিকে অভিশাপ দিচ্ছেন যে আপনার খান্দানের ভালোবাসায় জীবন দান করেছে।” তিনি বললেন : “সে ছিল মিথ্যাবাদী, আল্লাহ ও রাসূলের (সা) প্রতি মিথ্যা আরোপ করতো।”^{১৯}

একটি বর্ণনায় জানা যায়, তাঁর এমন নির্জনতা অবলম্বন এবং সবকিছু এড়িয়ে চলা সত্ত্বেও প্রথম দিকে খলীফা ‘আবদুল মালিক তাঁর দিক থেকে খিলাফতের দাবী নিয়ে মাথা তুলে দাঁড়ানোর আশঙ্কা করতেন। তাই তিনি তাঁকে শামে চলে যেতে বাধ্য করেন। ইমাম যুহরী (রহ) তাঁর পক্ষ থেকে ‘আবদুল মালিকের নিকট সাফাই পেশ করে বলেন, “যাইনুল ‘আবিদীনের ব্যাপারে আপনার ধারণা অমূলক। রাত-দিন তিনি কেবল নিজেকে নিয়ে এবং আল্লাহর ইবাদতে মশগুল থাকেন। তিনি কোন বাগড়া-বিবাদে জড়াবেন না।” যুহরীর এই সুপারিশের ভিত্তিতে তাঁকে মুক্তি দেওয়া হয়।^{২০}

সম্বৃতঃ এটা ‘আবদুল মালিকের খিলাফতের দায়িত্ব লাভের প্রথম দিকের ঘটনা। পরবর্তীকালে দুইজনের মধ্যে ভালো সম্পর্ক গড়ে উঠেছিল। মারওয়ান ও ‘আবদুল মালিক উভয়ে তাঁকে খুব সমীহ করতেন। ইমাম যুহরী বলেন, “যাইনুল ‘আবিদীন তাঁর খান্দানের মধ্যে সবচেয়ে বেশী সদাচারী ও অনুগত ছিলেন। মারওয়ান ও ‘আবদুল মালিক উভয়ে আহ্লি বাইতের মধ্যে তাঁকেই বেশী ভালোবাসতেন।”^{২১}

মৃত্যু

তাঁর মৃত্যু সন নিয়ে বেশ মতপার্থক্য আছে। আল্লামা যাহাবী হিজরী ৯৪ সনের রাবী’উল আওয়াল মাসের কথা বলেছেন। আল-ইয়া’কুবা হিজরী ৯৯ মতান্তরে ১০০ সনের কথা উল্লেখ করেছেন। মৃত্যুকালে তাঁর বয়স হয়েছিল আটান্ন (৫৮) বছর। মদীনায় ইন্তিকাল করেন এবং আল-বাকী‘ গোরন্তানে চাচা হ্যরত আল হাসান (রা) ও দাদা হ্যরত ‘আকবাসের (রা) পাশে তাঁকে দাফন করা হয়।^{২২}

মহত্ত্ব ও মর্যাদা

তিনি যে খান্দানের সভান ছিলেন সেটি ছিল দীনী ‘ইল্ম তথা ধর্মীয় জ্ঞানের উৎসস্থল। তাঁর মহান দাদা ছিলেন ‘ইল্ম ও ‘আমল (জ্ঞান ও কর্ম)-এর “মাজমা আল-বাহরাইন” তথা দুই সাগরের সঙ্গমস্থল। এ কারণে ‘ইল্ম ছিল তাঁর ঘরের সম্পদ। কিন্তু পারিপার্শ্বিক

১৯. তাবাকাত-৫/১৫৮

২০. মুখ্তাসার সাফওয়াতিস সাফওয়াহ-১৩৫

২১. তাফকিরাতুল হফফাজ-১/৭৫

২২. আল-ইয়া’কুবী, তারীখ-২/৩০৩; ইবন খালিকান, ওয়াফইয়াত আল-আ’ইয়ান-১/৩২১

অবস্থা দৃষ্টে মনে হয় কারবালার মর্মন্ত্রিদ ঘটনায় তিনি এমন ভগ্ন হন্দয় এবং দুনিয়ার সকল জিনিসের প্রতি এমন বিত্ত্ব হয়ে পড়েন যে, জ্ঞান চর্চাও যেন ছেড়ে দিয়েছিলেন। এ কারণে তাঁর জ্ঞানগত যোগ্যতা প্রকাশ হতে পারেনি। তবে জ্ঞানের জগতে তাঁর উচ্চ মর্যাদা সর্বজন স্বীকৃত। ইমাম যুহরী (রহ) বলতেন, “মদীনায় আমি তাঁর চেয়ে শ্রেষ্ঠ আর কাউকে পাইনি।” ইমাম নাওবী (রহ) বলেন, “প্রতিটি জিনিসে তাঁর মর্যাদা ও শ্রেষ্ঠত্বের ব্যাপারে সকলে একমত।”^{২৩}

হাদীছ

বিখ্যাত হাফিজে হাদীছদের মধ্যে যদিও তাঁকে গণ্য করা হয় না তা সত্ত্বেও হাদীছ হিফজ তথা স্মৃতিতে ধারণের ক্ষেত্রে তিনি ছিলেন এক বিশেষ মর্যাদার অধিকারী। ইবন সাদ বলেছেন :^{২৪}

كَانَ ثُقَةً مَأْمُونًا كَثِيرُ الْحَدِيثِ عَالِيًّا رَفِيعًا.

“তিনি ছিলেন বিশ্বস্ত আমানতদার, বল হাদীছের ধারণকারী, অত্যুচ্চ সম্মান ও মর্যাদার অধিকারী।”

হাদীছের জ্ঞান তিনি অর্জন করেন মহান পিতা হ্যরত আল হুসাইন (রা), চাচা হ্যরত আল হাসান (রা), দাদা ইবনুল ‘আরাস (রা), নানী উম্মুল মু’মিনীন ‘আয়িশা (রা), উম্মু সালামা (রা), সফিয়া (রা), রাসুলুল্লাহর (সা) আযাদকৃত দাস আবু রাফি’ (রা), তাঁর ছেলে ‘উবাইদুল্লাহ’ (রা), হ্যরত ‘আয়িশার (রা) দাস যাকওয়ান (রা), আবু হুরাইরা (রা), মিসওয়ার ইবন মাখরামা ও সাঈদ ইবন আল-মুসায়িবের (রহ) নিকট থেকে।^{২৫}

হাদীছ শাস্ত্রে বর্ণনার সনদসমূহের মধ্যে একটি সনদকে ‘সিলসিলাতুর যাহাব’ বা সোনার চেইন বলা হয়। আর সেটা হলো যে সনদের ধারাবাহিকতায় তাঁর মহান দাদা, পিতা ও তিনি আছেন। আবু বকর ইবন শাইবা বলেন, “যুহরীর ঐ সকল বর্ণনা যা ‘আলী ইবনুল হুসাইন’ (যাইনুল ‘আবিদীন), তাঁর মহান পিতা ও দাদার সিলসিলায় বর্ণিত হয়েছে, তাই হলো সর্বাধিক সঠিক ও বিশুদ্ধ সনদ।”^{২৬}

ছাত্র-শিষ্য

তাঁর ছাত্র-শিষ্যের পরিধি অনেক ব্যাপক। তাঁর ছেলেদের মধ্যে মুহাম্মাদ, যায়দ, ‘আবদুল্লাহ ও উমার সর্বাধিক উল্লেখযোগ্য। সাধারণ রাবীদের মধ্যে আবু সালামা ইবন ‘আবদির রহমান, তাউস ইবন কায়সান, ইমাম যুহরী আবুয যানাদ, ‘আসিম ইবন উমার ইবন কাতাদা, ‘আসিম ইবন ‘উবায়দিল্লাহ, কা’কা’ ইবন হাকীম, যায়দ ইবন আসলাম,

২৩. তাহ্যীব আল-আসমা’ ওয়াল লুগাত-১/৩০৪৩

২৪. তাবাকাত-৫/১৬৪

২৫. তাহ্যীব আত-তাহ্যীব-৭/৩০৪; তাযকিরাতুল হফ্ফাজ-১/৭৫

২৬. তাহ্যীব আত-তাহ্যীব-৭/৩০৫

হাকাম ইবন ‘উতবা, হাবীব ইবন আবী ছাবিত, আবুল আসওয়াদ মুহাম্মাদ ইবন ‘আবদির রহমান, মুসলিম আল-বাতীন, ইয়াহইয়া ইবন সাইদ আল-আনসারী, হিশাম ইবন ‘উরওয়া, ‘আলী ইবন যায়দ ইবন জাদ‘আন ও আরো অনেকে।^{১৭}

ফিক্হ

ফিক্হ শাস্ত্রে তাঁর স্থান ছিল অতি উঁচুতে। ইমাম যুহুরী বলতেন, “আমি ‘আলী ইবনুল হসাইনের (রা) চেয়ে বড় কোন ফকীহ দেখিনি।”^{১৮} ফিক্হ শাস্ত্রে তাঁর মনীষার বড় সনদ এই যে, মদীনার বিখ্যাত সাত ফকীহৰ পরেই ছিল তাঁর স্থান।^{১৯}

জ্ঞানগর্ত কথা

তাঁর বিভিন্ন কথা তাঁর জ্ঞানগর্ত পূর্ণতার দর্পণ এবং উপদেশ ও নীতিকথার পাঠ হিসাবে গণ্য করা হয়। তিনি বলতেন, “আমার ঐ দাস্তিক ও অহঙ্কারীদের দেখে বিস্ময় হয় যারা গতকালও ছিল এক ফোটা নিকৃষ্ট পানি এবং আগামীকাল হবে মৃত। আর ঐ ব্যক্তিকে দেখে অবাক হই যে আল্লাহর অস্তিত্বে সন্দেহ পোষণ করে। অথচ তাঁরই সৃষ্টি তার সামনে বিদ্যমান। আর সেই ব্যক্তিকে দেখে আমার বিস্ময় লাগে যে কিয়ামতের দিন দ্বিতীয় বার সৃষ্টির কথা অস্মীকার করে। অথচ প্রথম সৃষ্টি তার সামনে রয়েছে। আর সেই ব্যক্তির জন্য বিস্ময় লাগে যে একটি অস্ত্রায়ী বাসস্থানের জন্য কাজ করে, আর স্থায়ী বাসস্থানকে পরিত্যাগ করে। প্রিয়জনদের হারানোই প্রমাণ করে সে একজন মুসাফির। হে আল্লাহ! আপনি আমার বাহ্যিক অবস্থাকে মানুষের দৃষ্টিতে ভালো দেখিয়ে আমার অভ্যন্তরীণ অবস্থাকে খারাপ করে দেন- এ ব্যাপারে আমি আপনার আশ্রয় প্রার্থনা করি। হে আল্লাহ! যখন আমি কোন খারাপ কাজ করেছি, আপনি আমার সাথে ভালো আচরণ করেছেন। ভবিষ্যতে আমি যদি এমন করি, আপনিও আমার সাথে তেমনই করবেন। কিছু মানুষ ভয়ে আল্লাহর ইবাদাত করে। এ হলো দাসের ইবাদাত। আর কিছু মানুষ জান্মাতের লোভে ইবাদাত করে। এ হলো ব্যবসায়ীদের ইবাদাত। কিছু মানুষ কেবল আল্লাহর প্রতি কৃতজ্ঞতা জ্ঞাপনের জন্য ইবাদাত করে। এটাই হলো মুক্ত-স্বাধীন মানুষের ইবাদাত।”^{২০}

তাঁর ছেলে মুহাম্মাদ বলেন, আমার পিতা আমাকে উপদেশ দিতেন যে, “পাঁচ প্রকার মানুষের সাথে কখনো থাকবে না।” আমি প্রশ্ন করলাম, “তারা কারা?” বললেন, “ফাসিকের (পাপাচারী) সাথে। সে তোমাকে এক লোকমা বরং তার চাইতেও কম মূল্যে বিক্রি করে দেবে।” আমি জানতে চাইলাম, “তার চাইতেও কম কি জিনিস হতে পারে?” বললেন, “এক লোকমার আশা করা, কিন্তু তাও পেল না।” আমি জিজ্ঞেস করলাম :

২৭. প্রাণক্ষেত্র

২৮. তায়কিরাতুল হফফাজ-১/৬৫

২৯. আ’লাম আল-মুওক্কিঁসি-১/২৬

৩০. মুখতাসার সাফওয়াতিস সাফওয়াহ-১৩৩

“ত্বরীয় প্রকার কারা?” বললেন, “বখীল। যে জিনিসটির তোমার বেশী প্রয়োজন হবে সে তোমার নিকট থেকে সেটি দূরে সরিয়ে দেবে।” জিজেস করলাম, “ত্বরীয় প্রকার কারা?” বললেন, “মিথ্যাবাদী। সে মরীচিকার মতো তোমাকে নিকটকে দূর এবং দূরকে নিকটবর্তী করে দেখাবে।” জিজেস করলাম, “চতুর্থ কারা?” বললেন, “নির্বোধ। সে তোমার উপকার করতে চাইবে, কিন্তু উল্লেখ তোমার ক্ষতি করে বসবে।” জিজেস করলাম, “পঞ্চম প্রকার কারা?” বললেন, “আত্মীয়তার সম্পর্ক ছিন্নকারী। আল্লাহর কিতাবে আমি তাকে তিনটি স্থানে অভিশপ্ত পেয়েছি।”

তিনি আরো বলতেন, “ঐ ব্যক্তি কেমন করে তোমার বন্ধু হতে পারে, যদি তুমি তোমার প্রয়োজনের জন্য তার থলি থেকে কিছু নিতে চাও, আর সে খুশী হয়ে না দেয়?”^১

তিনি বলতেন : কিয়ামতের দিন একজন ঘোষক ঘোষণা দিবে— মর্যাদাবান ব্যক্তিগণ ওঠো! কিছু লোক উঠে দাঁড়াবে, তখন তাদেরকে বলা হবে : তোমরা বিনা হিসাবে জান্নাতে চলে যাও। তখন ফেরেশতারা তাদের সামনে এসে দাঁড়িয়ে বলবে : তোমাদের এমন সম্মান ও মর্যাদা কিসের জন্য? তারা বলবে : দুনিয়াতে যখন কেউ আমাদের সাথে মূর্খের মতো আচরণ করেছে, আমরা তখন তাদের সাথে বিচক্ষণ ব্যক্তির মতো আচরণ করেছি। যখন আমরা অত্যাচারিত হয়েছি, ধৈর্য ধারণ করেছি। আমাদেরকে কেউ ব্যথা দিলে আমরা তাকে ক্ষমা করে দিয়েছি। ফেরেশতারা বলবে : তোমরা জান্নাতে প্রবেশ কর, আমলকারীদের জন্য এ অতি উত্তম প্রতিদান। এরপর ঘোষক ঘোষণা দিবে : ধৈর্যশীলগণ ওঠো! কিছুলোক উঠে দাঁড়াবে। তাদেরকে বলা হবে, বিনা হিসাবে তোমরা জান্নাতে চলে যাও। ফেরেশতারা তাদের সামনে এসে বলবে : তোমাদের ধৈর্যের ধরন কেমন ছিল? তারা বলবে : আল্লাহর আনুগত্যের ব্যাপারে আমরা ধৈর্য ধরেছি। তেমনিভাবে আমরা ধৈর্য ধরেছি আল্লাহর অবাধ্যতার ব্যাপারে। তারা বলবে : তোমরা জান্নাতে প্রবেশ কর, আমলকারীদের জন্য এ এক চমৎকার প্রতিদান। এরপর ঘোষক ঘোষণা দিবে : আল্লাহর প্রতিবেশীরা ওঠো! কিছু লোক উঠে দাঁড়াবে। সংখ্যায় এরা হবে সবচেয়ে কম। তাদেরকে বলা হবে : তোমরা কি আল্লাহর প্রতিবেশী হয়েছিলে? তারা বলবে : আল্লাহর ভালোবাসায় আমরা এক সাথে বসতাম, আলোচনা করতাম, দেখা-সাক্ষাৎ করতাম। তারা বলবে : তোমরা জান্নাতে প্রবেশ কর, এ অতি চমৎকার প্রতিদান!

তিনি আরো বলতেন : যারা দীনের বিনিময়ে দুনিয়াকে চায় তারা কতই না খারাপ সম্প্রদায়! আর সেই সম্প্রদায় অতি নিকৃষ্ট যারা কিছু কাজ করে এবং তার দ্বারা দুনিয়া প্রত্যাশা করে।^২

চারিত্রিক গুণাবলী

ঁ তাঁর চরিত্র ছিল একটি আলোকিত প্রদীপের মতো যা থেকে অন্যরা পথ দেখতো। তিনি

৩১. প্রাণক্ষণ

৩২. আল-ইয়া'কুবী, তারীখ-২/৩০৩-৩০৪

ছিলেন হ্যারত রাসূলে কারীমের (সা) স্বভাব-আখলাকের প্রতিচ্ছবি। বানু হাশিম খান্দানে তাঁর চাইতে উত্তম আর কেউ তাঁর সময়ে ছিলেন না।^{৩৩}

আল্লাহ-ভীতি

তাঁর অন্তর সর্বদা আল্লাহ-ভীতিতে পরিপূর্ণ থাকতো। অনেক সময় আল্লাহর ভয়ে অচেতন হয়ে পড়তেন। ইবন ‘উয়াইয়া বলেন, একবার ‘আলী ইবনুল হুসাইন (রা) হজ্জে গেলেন। ইহরাম বেঁধে যখন বাহনের পিঠে উঠে বসলেন তখন আল্লাহর ভয়ে তাঁর সারা দেহ পাপুর্ব হয়ে যায় এবং এমনভাবে কাঁপতে থাকেন যে মুখ থেকে “লাক্বাইক” পর্যন্ত বের হলো না। লোকেরা জিজ্ঞেস করলো, আপনি “লাক্বাইক” উচ্চারণ করছেন না কেন? বললেন : আমার ভয় হচ্ছে এই ভেবে যে, আমি লাক্বাইক বলবো, আর সেদিক থেকে জবাব আসে “লা লাক্বাক”। অর্থাৎ আমি হাজির বলবো, আর জবাবে তিনি না বলেন, তোমার হাজিরা গ্রহণযোগ্য নয়। লোকেরা বললো “লাক্বাইক বলা তো জরুরী। মানুষের চাপাচাপিতে উচ্চারণ করলেন। কিন্তু যেই না মুখ থেকে “লাক্বাইক” বের হলো, অমনি বেহুশ হয়ে বাহনের পিঠ থেকে পড়ে গেলেন। এমনকি যখন জোরে বাতাস বইতো এবং রাতের অঙ্ককার নেমে আসতো তখন আল্লাহর ‘আযাবের ভয়ে তিনি সংজ্ঞা হারিয়ে ফেলতেন।^{৩৪}

ইবাদাত ও আধ্যাত্মিক সাধনা

তাঁর শিরা-উপশিরায় ঐ সকল মহান ব্যক্তির পরিত্র রক্ত বহমান ছিল, অসির নীচেও যাঁদের ইবাদাত-বন্দেগী ছুটতে পারেনি। এ কারণে তিনিও ছিলেন একজন দুনিয়ার প্রতি নিরাসক ‘আবিদ ব্যক্তি। হ্যারত সাঈদ ইবন মুসায়িব (রহ) ছিলেন একজন উঁচু শরের ‘আবিদ ও দুনিয়ার ভোগ-বিলাস বিমুখ ব্যক্তি। তিনি বলতেন : ‘আলী ইবনুল হুসাইনের (রা) চাইতে বেশী আল্লাহ-ভীকু মানুষ আমার দৃষ্টিতে পড়েনি। তাঁর জীবনের একমাত্র কাজ ছিল ইবাদাত। রাত-দিনের বেশীরভাগ সময় তাঁর কাটতো ইবাদাতে। বলা হয়েছে রাত-দিনে এক হাজার রাক‘আত নামায আদায় করতেন। জীবনের শেষ মুহূর্ত পর্যন্ত এই নিয়মের ব্যতিক্রম হয়নি। আর এমন ইবাদাতের কারণেই তাঁর লকব বা উপাধি হয়ে যায় ‘যাইন্ল ‘আবিদীন’ বা ‘আবিদ ব্যক্তিদের সৌন্দর্য ও শোভ। সফর অথবা বাড়ীতে অবস্থান কোন অবস্থায় “কিয়ামুল লাইল” বা রাত্রিকালীন নামায বাদ পড়তো না।^{৩৫}

ইবাদাতে ঐকান্তিকতার অবস্থা এমন ছিল যে, নামাযে তাঁর সারা দেহে কম্পন শুরু হয়ে যেত। ‘আবদুল্লাহ ইবন সালমান বলেন, যখন তিনি নামাযে দাঁড়িয়ে যেতেন তখন তাঁর দেহে কম্পন শুরু হয়ে যেত। লোকেরা জানতে চাইলো আপনার এমন অবস্থা হয় কেন?

৩৩. তাহ্যীবুল আসমা’-১/৩৪৩

৩৪. তাহ্যীব আত-তাহ্যীব-৭/৩০৬

৩৫. আল-ইয়া’কূবী-২/৩০৩; তায়কিরাতুল হফ্ফাজ-১/৬৫ মুখতাসার সাফওয়াতিস সাফওয়াহ-১৩৭

বললেন, তোমরা কি জান আমি কোন সত্তার সামনে দাঁড়াই এবং কার সাথে গোপন কথা বলি? ^{৩৬}

তাঁর এমন আল্লাহ-ভীতি ও ‘ইবাদাত-বন্দেগী দেখে মানুষ তাঁকে “যাইনুল ‘আবিদীন” (ইবাদাতকারীদের শোভা ও সৌন্দর্য) উপাধিতে ভূষিত করে। আর সেই উপাধির তলে তাঁর আসল নামটি হারিয়ে যায়। একাথাইতে দীর্ঘ সিজদায় নিমগ্ন থাকার কারণে মদীনাবাসীরা তাঁকে “সাজাদ” বলে অভিহিত করতো। পরিচ্ছন্ন ও স্বচ্ছ মন এবং অস্তঃকরণের জন্য মানুষ তাঁকে “আয়-যাকী” অভিধায় ভূষিত করে। ^{৩৭}

হ্যরত যাইনুল ‘আবিদীন (রহ) বিখ্যাস করতেন, ‘ইবাদাতের মগ্য তথা সারবস্তু হলো দু’আ। তাই প্রায়ই তিনি কা’বার গিলাফ আঁকড়ে ধরে কায়মনোবাকে আল্লাহ রাবুল ‘আলামীনের দরবারে দু’আ করতে পসন্দ করতেন। এ অবস্থায় বহুবার একাথাইতে নিম্নের কথাগুলো বলতে শোনা গেছে: ^{৩৮}

رَبُّ لَقَدْ أَذْقَنَنِي مِنْ رَحْمَتِكَ مَا أَذْقَنْتَنِي وَأَوْلَيَتْنِي مِنْ إِنْعَامِكَ مَا أَوْلَيَتْنِي فَصَرْتُ أَذْعُوكَ
آمِنًا مِنْ غَيْرِ وَجْلٍ وَأَسْأَلُكَ مَسْتَأْسِسًا مِنْ غَيْرِ حَوْفٍ، رَبُّ إِنِّي أَتَوَسَّلُ إِلَيْكَ تَوَسُّلًا مِنْ
اشْتَدَّتْ فَاقْتَةٌ إِلَى رَحْمَتِكَ وَضَعُفتْ قُوَّتُهُ عَنْ أَدَاءِ حُقُوقِكَ.

فَاقْبِلْ مِنِّي دُعَاءُ الْغَرِيبِ الَّذِي لَا يَجِدُ لِإِنْقَاذِهِ إِلَّا أَنْتَ يَا أَكْرَمَ الْأَكْرَمِينَ.

“প্রভু হে! আপনি আপনার দয়া-অনুগ্রহের স্বাদ যতটুকু গ্রহণ করার তা আমাকে করিয়েছেন এবং যতটুকু দান ও করণ আমার প্রতি করার তা আপনি করেছেন। সুতরাং নিঃসঙ্গ চিন্তে ও নির্ভীকভাবে আপনাকে ডাকতে এবং আপনার নিকট চাইতে পারছি। প্রভু হে! আপনার দয়া-অনুগ্রহের তীব্র মুখাপেক্ষ এবং আপনার অধিকার পূরণে অক্ষম ব্যক্তির বিনয়ের মতো বিনীতভাবে আপনার নিকট প্রার্থনা জানাচ্ছি। আত্মীয়-স্বজন থেকে বহু দূরে পানিতে নিমজ্জন ব্যক্তি, যাকে উদ্ধার করার একমাত্র আপনি ছাড়া আর কেউ নেই, তার দু’আ করুল করার মতো আমার দু’আও আপনি করুল করুন! ইয়া আকরামাল আকরামীন!”

একবার প্রখ্যাত তাবিঁই তাউস ইবন কাইসান (রহ) তাঁকে কা’বার ছায়ায় মৃত্যুর মুখোমুখি ব্যক্তির মতো অস্ত্রিভাবে পায়চারী করতে, অসুস্থ ব্যক্তির মতো কাঁদতে এবং অসহায় আশ্রয় প্রার্থীর মতো প্রার্থনা করতে দেখেন। তিনি অপেক্ষায় থাকেন। তাঁর দু’আ ও কান্না থামলে তাঁর দিকে এগিয়ে গিয়ে বলেন: “হে আল্লাহর রাস্লের (সা) বংশধর! একটু আগের অবস্থায় আমি আপনাকে দেখেছি। অথচ আপনার এমন তিনটি বৈশিষ্ট্য

৩৬. তাৰাকাত-৫/১৬০

৩৭. সুওয়ারুন মিন হায়াত আত-তাৰিঁইন-৩৪২

৩৮. প্রাগুক

আছে যা আপনাকে সকল ভয়-ভীতি থেকে নিরাপত্তা দিবে।” যাইনুল ‘আবিদীন (রহ) প্রশ্ন করলেন :

“তাউস, সেই বৈশিষ্ট্যগুলো কি?”

তাউস : প্রথমটি হলো আপনি রাসূলুল্লাহর (সা) বংশধর। দ্বিতীয়টি হলো, আপনার জন্য আপনার দাদা রাসূলুল্লাহর (সা) সুপারিশ। তৃতীয়টি হলো আল্লাহর রহমত।

যাইনুল ‘আবিদীন বললেন : তাউস! আল্লাহ রাকুল ‘আলামীনের নিম্নের এই বাণীটি শুনার পর থেকে আমি আর রাসূলুল্লাহর (সা) সাথে আমার রক্ত-সম্পর্কের দ্বারা নিরাপত্তাবোধ করি না। আল্লাহ বলেন :^{৭৯}

فَإِذَا نُفِخَ فِي الصُّورِ فَلَا أَنْسَابَ بَيْنَهُمْ يَوْمَئِذٍ وَلَا يَتَسَاءَلُونَ.

“যেদিন শিংগায় ফুঁক দেওয়া হবে সেদিন পরম্পরের মধ্যে আত্মায়তার বন্ধন থাকবে না এবং একে অপরের খৌজ-খবর নিবে না।”

আর আমার দাদার সুপারিশের যে কথা বললেন, সে সম্পর্কে তো আল্লাহ ঘোষণা করেছেন :^{৮০}

وَلَا يَشْفَعُونَ إِلَّا لِمَنْ أَرْتَضَى وَهُمْ مِنْ حَشْيَتِهِ مُشْقَفُونَ.

“তারা সুপারিশ করে শুধু তাদের জন্য যাদের প্রতি তিনি সন্তুষ্ট এবং তারা তাঁর ভয়ে ভীত-সন্তুষ্ট।”

আর আল্লাহ রাকুল ‘আলামীনের রহমত, সে সম্পর্কে তিনিই বলেছেন :^{৮১}

إِنْ رَحْمَةَ اللَّهِ قَرِيبٌ مِنَ الْمُحْسِنِينَ.

“নিচয়ই আল্লাহর অনুগ্রহ সৎকর্মপরায়ণদের নিকটবর্তী।”^{৮২}

তার একগ্রামের অবস্থা এমন ছিল যে, নামায অবস্থায় অন্য কোন কিছুর খবর থাকতো না। একবার যখন সিজদায় ছিলেন তখন পাশেই কোথাও আগুন লাগে। লোকেরা “ইয়া ইবন রাসূলিল্লাহ”- “হে আল্লাহর রাসূলের বংশধর” বলে ডাকতে থাকে, কিন্তু তিনি সিজদা থেকে মাথা তুললেন না। এক পর্যায়ে আগুন নিভে যায়। পরে লোকেরা জিজ্ঞেস করলো : কোন জিনিস আপনাকে আগুনের ব্যাপারে এত উদাসীন করে দিয়েছিল? বললেন : অন্য আগুন। অর্থাৎ জাহানামের আগুন।^{৮৩}

তিনি ও সুলাইমান ইবন ইয়াসার প্রতিদিন মসজিদে নববী ও রাসূলে কারীমের (সা) কবরের মধ্যবর্তী স্থানে অপরাহ্ন বেলা পর্যন্ত হাদীছ চর্চা ও আল্লাহর যিকরে মশগুল

৩৯. সূরা আল-মু’মিনুন-১০১

৪০. সূরা আল-আবিদীন-২৮

৪১. সূরা আল-আ’রাফ-৫৬

৪২. সুওয়ারুন মিন হায়াত আত-তাবি’ঈন : ৩৪৩-৩৪৪

৪৩. মুখতাসার সাফওয়াতিস সাফওয়াহ-১৩৩

থাকতেন। উঠার সময় ‘আবদুল্লাহ ইবন আবী সালামা কুরআনের একটি সূরা শুনাতেন। কুরআন শুনার পর দু’আ করতেন।^{৪৪}

হ্যরত সা’ঈদ ইবন আল-মুসায়িব (রহ) বলেন :^{৪৫}

”মা رأيْتْ قَطْ أَفْسَلَ مِنْ عَلَىَّ بْنَ الْحَسِينِ، وَمَا رَأَيْتَهُ قَطْ إِلَّا مَقْتُّ نَفْسِيِّ، مَا رَأَيْتَهُ صَاحِكًا يَوْمًا قَطْ.“

“আমি ‘আলী ইবন আল-হসাইনের (রা) চাইতে ভালো মানুষ আর কখনো দেখিনি। যখনই তাঁকে দেখেছি, আমি নিজেকে তিরক্ষার করেছি। আমি তাঁকে কোন দিন কখনো হাসতে দেখিনি।”

আবু খালিদ আল-কাবুলী বলেন, আমি ‘আলী ইবন আল-হসাইনকে (রা) বলতে : শুনেছি :^{৪৬}

منْ عَفًّا عَنْ مَحَارِمِ اللَّهِ كَانَ عَابِدًا، وَمَنْ رَضِيَ بِقُسْمِ اللَّهِ كَانَ غَنِيًّا، وَمَنْ أَحْسَنَ مَجَاوِرَةً مِنْ جَاْوِرِهِ كَانَ مُسْلِمًا، وَمَنْ صَاحِبَ النَّاسَ بِمَا يُحِبُّ أَنْ يَصَاحِبُوهُ بِهِ كَانَ عَدْلًاً.

“যে আল্লাহর হারামকৃত জিনিস থেকে সংযত থাকলো, সে-ই ‘আবিদ। আর যে আল্লাহর ভাগ-বণ্টনে ঝুঁশী থাকলো, সেই ধনী। যে তার প্রতিবেশীর সাথে ভালো আচরণ করলো, সে-ই মুসলিম। আর যে কোন ব্যক্তির সাথে উঠা-বসা করে এবং তার কাছ থেকে যেমন আচরণ আশা করে তেমন আচরণ যদি সেও করে তাহলে সে হবে একজন ন্যায়পরায়ণ মানুষ।”

আমর বিল মা’রফ ও নাহি ‘আনিল মুনকার বা সৎ কাজের আদেশ ও অসৎ কাজের নিষেধ

আমর বিল মা’রফ ও নাহি ‘আনিল মুনকারকে এত শুরুত্ব দিতেন যে, এ ব্যাপারে কোন রকম গাফলাতি বা উদাসীনতাকে কিতাবুল্লাহর প্রতি উদাসীনতা বলে গণ্য করতেন। তিনি বলতেন, আমর বিল মা’রফ ও নাহি ‘আনিল মুনকারকে যে ছেড়ে দেয় প্রকৃতপক্ষে সে ঐ ব্যক্তির মতো যে কিতাবুল্লাহকে পিছনে ফেলে রাখে। তবে শর্ত হলো যদি সে নিজের নিরাপত্তার জন্য না ছাড়ে। লোকেরা জানতে চাইলো, নিরাপত্তার অর্থ কি? বললেন, যখন কোন অত্যাচারী ও খোদাদ্রোহী শাসকের বাড়াবাড়ির ভয় হয়।^{৪৭}

৪৪. তাবাকাত-৫/১৬০

৪৫. আল-ইয়া’কুবী, তারীখ-২/৩০৩

৪৬. প্রাণক্ষু

৪৭. তাবাকাত-৫/১৬০

ইনফাক ফী সাবিলিল্লাহ্ বা আল্লাহর পথে অর্থ ব্যয়

আল্লাহ তা'আলা তাঁকে অটেল সম্পদ দান করেছিলেন। তাঁর ছিল একটি লাভজনক ব্যবসা। আর ছিল কৃষি খামার। তাঁর দাসেরা এগুলো পরিচালনা ও দেখাশুনা করতো। এ দু'টি উৎস থেকে তিনি প্রচুর অর্থ আয় করতেন। বিষ্ণু-বৈভব তাঁর মধ্যে কোন রকম গৰ্ব-অহঙ্কার সৃষ্টি করতে পারেনি। তিনি বরং এ সম্পদকে আখিরাতের কামিয়াবীর বাহনে পরিণত করেন। সুতরাং তাঁর এই সম্পদ একজন সৎকর্মশীল বান্দাহর জন্য উৎকৃষ্ট সম্পদে পরিণত হয়। গোপনে মানুষকে দান করা ছিল তাঁর সবচেয়ে প্রিয় কাজ।

ইনফাক ফী সাবিলিল্লাহ্, দানশীলতা এবং সাগরের মতো উদারতা ছিল তাঁর বিশেষ বৈশিষ্ট্য। আল্লাহর রাস্তায় তিনি অকৃপণ হাতে ব্যয় করতেন। ফকীর-মিসকীন ও অভাবীদের অভাব দূর করার জন্য তাঁর দানের হাত সব সময় প্রসারিত থাকতো। মদীনার কত গরীব পরিবার যে তাঁর উদার সাহায্যে জীবন ধারণ করতো তা অজ্ঞাত রয়ে গেছে। কারণ, কেউ কখনো তা জানতে পারেনি। তাঁর মৃত্যুর পর জানা গেছে, গোপনে তিনি এক শো পরিবারের ব্যয়ভার বহন করতেন।^{৪৮}

গোপনীয়তা রক্ষার জন্য তিনি নিজে রাতের অঙ্ককারে ঐ সকল বাড়ীতে গিয়ে দান-সদকা পৌছে দিতেন। মদীনায় তখন এমন অনেক মানুষ ছিল যাদের জীবিকার বাহ্যিক কোন উপায়-উপকরণ ছিল না। তাঁর মৃত্যুর পর জানা যায় যে, তিনি ঐ সকল বাড়ীতে রাতের অঙ্ককারে যেতেন এবং সাহায্য-সামগ্রী দিয়ে আসতেন।

খাদ্য-সামগ্রীর বস্তা নিজের পিঠে উঠিয়ে অভাবীদের গৃহে পৌছে দিতেন। মৃত্যুর পর যখন গোসল দেওয়া হচ্ছিল তখন তাঁর দেহে নীল রংয়ের বড় দাগ দেখা যায়। কারণ অনুসন্ধানে জানা যায় যে, তা ছিল আটার বস্তা বহনের দাগ। সেই আটা তিনি রাতের অঙ্ককারে অভাবী মানুষের বাড়ীতে পৌছে দিতেন। তাঁর মৃত্যুর পর মদীনাবাসীরা বলতো, গোপনে দান-খয়রাত করা যাইনুল ‘আবিদীনের (রহ) রক্তের সাথে ছিল। সাহায্যপ্রার্থীদের তিনি অত্যন্ত সম্মান করতেন, যখন কোন প্রার্থী আসতো তখন তিনি—“আমার পাথেয়কে আখিরাতের দিকে বহনকারী, মারহাবা”— বলে তাকে স্বাগতম জানাতেন। নিজে উঠে গিয়ে প্রার্থীকে সাহায্য দিতেন। বলতেন, দান-খয়রাত প্রার্থীর হাতে পৌছার পূর্বে আল্লাহর হাতে পৌছে যায়।^{৪৯}

জীবনে দুইবার নিজের সকল অর্থ-বিস্তের অর্ধেক করে আল্লাহর রাস্তায় দান করেন। পঞ্চাশ দীনারের একটি পোশাক মাত্র এক মণ্ডসুম পরে বিক্রী করে দিতেন এবং সেই অর্থ দান করতেন।

হালাল রূপী খাওয়ার ব্যাপারে এত গুরুত্ব দিতেন যে, হ্যরত রাসূলে কারীমের (সা) সম্পর্ক অথবা নামের দ্বারা এক দিরহাম পরিমাণও ফায়দা উঠানো পদ্ধতি করতেন না।^{৫০}

৪৮. তাহ্যীব আল-আসমা'-১/৩৪৩

৪৯. আল-ইয়াকুবী-২/৩০৩; মুখতাসার সাফওয়াতিস সাফওয়াহ-১৩৪

৫০. তাবাকাত-৫/১৬০-১৬২

দাস-দাসী মুক্ত করা ছিল তাঁর আরেকটি প্রিয় কাজ। আর এ কাজের জন্য তিনি সেকালে বিশেষ খ্যাতি অর্জন করেন। কোন দাস-দাসীর আচরণে সম্প্রস্ত হলে যেমন তাকে মুক্ত করে দিতেন তেমনি মুক্ত করতেন কারো আচরণে অসম্প্রস্ত হলেও। বর্ণিত আছে যে, তিনি তাঁর জীবনে এক হাজার দাস মুক্ত করেন। এক বছরের অধিক সময় তিনি কোন দাস-দাসীর সেবা গ্রহণ করতেন না। সাধারণতঃ ‘ঈদুল ফিতরের রাতেই অধিক হারে দাস-মুক্তির কাজটি করতেন। এ রাতে তিনি তাদেরকে বলতেন, তোমরা কিবলামুখী হয়ে এ কথাগুলো বলো :

اللَّهُمَّ اغْفِرْ لِعَلَىٰ بْنِ الْحَسِينِ.

“হে আল্লাহ! তুমি ‘আলী ইবন হুসাইনকে (রা) ক্ষমা কর।”

তারপর তাদেরকে প্রচুর অর্থ-সম্পদ দান করে মুক্ত করে দিতেন। এভাবে তারা এক সাথে দুইটি ‘ঈদের আনন্দ উপভোগ করতো।^১

তাঁর একজন দাস বর্ণনা করেছেন। একদিন তিনি আমাকে একটি প্রয়োজনে পাঠালেন। আমার ফিরতে দেরী হলো। এজন্য তিনি আমাকে চাবুক দিয়ে একটি আঘাত করলেন। আমি কেঁদে ফেললাম। তাঁর প্রতি ভীষণ ক্ষুঁক হলাম। কারণ, এর আগে এভাবে আমাকে কেউ কোনদিন মারেনি। আমি তাঁকে বললাম : ‘আলী ইবন হুসাইন! আপনি আল্লাহকে ভয় করুন। আমাকে একটি কাজে পাঠিয়েছেন, আমি সে কাজ করেছি! তারপরও আমাকে মারলেন? আমার এ কথা শুনে তিনি কেঁদে ফেললেন। তারপর বললেন : তুমি এখান থেকে সোজা মসজিদে নববীতে যাবে, দুই রাক‘আত নামায পড়বে, তারপর বলবে : হে আল্লাহ! তুমি ‘আলী ইবন হুসাইনকে ক্ষমা করে দাও। এ কাজ করার পর আল্লাহর ওয়াস্তে তুমি মুক্ত ও স্বাধীন।^২

আমি তাঁর কথা মতো মসজিদে গেলাম এবং তাঁর ক্ষমার জন্য আল্লাহর নিকট দু’আ করলাম। সেখান থেকে আমি যখন তাঁর বাড়ীতে আবার এসেছি তখন আমি একজন মুক্ত ও স্বাধীন মানুষ।^৩

ধৈর্য ও সহনশীলতা

ধৈর্য ও সহনশীলতায় পিতা হ্যরত হুসাইনের (রা) মতই ছিলেন। খিলাফতে রাশিদার পর একমাত্র হ্যরত ‘উমার ইবন ‘আবদিল আয়িয়ের (রহ) স্বল্পকালীন খিলাফতকাল ছাড়া গোটা উমাইয়া শাসনকালটি ছিল বানূ হাশিম, বিশেষতঃ হ্যরত ‘আলী (রা) ও তাঁর বংশধরদের জন্য নানা রকম বিপদ-আপদ এবং লাক্ষণ ও অবমাননার সময়কাল। এ সময়ে রাষ্ট্রীয় পৃষ্ঠপোষকতায় হ্যরত ‘আলীকে (রা) প্রকাশ্যে গালি দেওয়ার রেওয়াজ চালু হয়, তাঁর বংশধরদের হত্যা করা হয় এবং জীবিতদেরকে সর্বদা ভয়-ভীতির মধ্যে

১. সুওয়ারুন মিন হায়াত আত-তাবি'ঈন-৩৪৮

২. প্রাঞ্জলি-৩৪৬

ରାଖା ହ୍ୟ । ଏ କାରଣେ ହ୍ୟରତ ଯାଇନ୍‌ଲୁ ଆବିଦୀନ (ରହ) ସକଳ ପ୍ରକାର ରାଜନୈତିକ କର୍ମକାଣ୍ଡ ଥାକୁ ସମ୍ଭବ ହ୍ୟରାନି ଓ ଅପମାନ-ଲାଞ୍ଛନା ଥିକେ ରକ୍ଷା ପେତେନ ନା । ଅନେକ ସମୟ ବହୁ କଟୁ କଥା, ଅଶ୍ରାବ: ଗାଲି ଓ ଅଶାଲୀନ ମତସ୍ୱ ତାଙ୍କେବେ ଶନତେ ହତୋ । ତିନି ଅତ୍ୟନ୍ତ ଧର୍ମେର ସାଥେ ସବଇ ହଜ୍ୟ କରେ ଫେଲତେନ । ତା'ର ଏହି ସହନଶୀଳତାର ଫଳେ ଯେ ଲୋକଟି ତାଙ୍କେ ଗାଲି ଦିତ ଅନେକ ସମୟ ମେ ଲାଜିତ ହତୋ । ତାଇ ତିନି ସଥିନ ମସଜିଦ ଥିକେ ବେର ହ୍ୟେ ପଥ ଚଲତେନ ତଥିନ ସେଇ ଲୋକଟିଓ ତା'ର ସଙ୍ଗୀ ହତୋ ଏବଂ ଅତ୍ୟନ୍ତ ବିନ୍ୟେର ସାଥେ ବଲତୋ, ଭବିଷ୍ୟତେ ଆମାର ମୁଖ ଥିକେ ଏମନ କଥା ଆପନି ଆର ଶନତେ ପାବେନ ନା ।

ଅନେକ ସମୟ ଏମନେ ହତୋ ଯେ, ବାଜେ କଥା ଯେ ବଲତୋ ତିନି ତାର ପ୍ରତି ମୋଟେଓ ଝକ୍ଷେପ କରତେନ ନା । ଅନେକ ବେଯାଦବ ଓ ବାଚାଲ ଏମନେ ବଲତୋ ଯେ, ଆପନାକେ କ୍ଷୟାପାନୋର ଜନ୍ୟ ଆମି ଏସବ କଥା ବଲାଛି । ଜବାବେ ତିନି ବଲତେନ, ଆମି ଉପେକ୍ଷା କରାଛି ।

ଯଦି କଥିନୋ ଜବାବ ଦିତେନ ତାହଲେ ସେଇ ଅଶୋଭନ ଉତ୍କିକାରୀ ତା ଶୁନେ ଲାଜିତ ହତୋ । ଏକବାର ତିନି ମସଜିଦ ଥିକେ ବେର ହଲେନ, ପଥେ ଏକ ବ୍ୟକ୍ତି ତାଙ୍କେ ଗାଲି ଦିତେ ଶୁରୁ କରଲୋ । ତା'ର ଦାସ ଓ ଚାକର-ବାକରରା ଲୋକଟିର ଦିକେ ଧେଇ ଗେଲ । ତିନି ତାଦେରକେ ଥାମିଯେ ଦିଯେ ଲୋକଟିକେ ଲକ୍ଷ୍ୟ କରେ ବଲଲେନ, ଆମାର ଯେ ସକଳ ଗୁଣ ତୋମାର ଅଜାନା ତା ତୁମି ଯା ବଲଛୋ ତାର ଚାଇତେ ଅନେକ ଭାଲୋ । ତୋମାର କୋନ ପ୍ର୍ୟୋଜନ ଥାକଲେ ବଲ ଆମି ତୋମାକେ ସାହାଯ୍ୟ କରତେ ପାରି । ଏମନ ଜବାବ ଶୁନେ ଲୋକଟି ଭୀଷଣ ଲାଜିତ ହ୍ୟ । ତିନି ନିଜେର ଜାମାଟି ଖୁଲେ ତାକେ ଦାନ କରେନ । ସେଇ ସାଥେ ଏକ ହାଜାର ଦିରହାମଓ ଦେନ । ତା'ର ଏମନ ଆଚରଣେ ଲୋକଟି ଏତଥାନି ମୁହଁ ହ୍ୟ ଯେ, ଏରପର ଥିକେ ସଥିନ ତା'ର ସାଥେ ସାକ୍ଷାତ୍ ହତୋ ଅସଙ୍କୋଚେ ତାର ମୁଖ ଥିକେ ବେରିଯେ ଆସତୋ-

أشهَدُ أنَّكَ مِنْ أَبْنَاءِ الرَّسُولِ صَلَّى اللَّهُ عَلَيْهِ وَسَلَّمَ.

“ଆମି ସାକ୍ଷ୍ୟ ଦିଲ୍ଲି, ଆପନି ରାସୁଲୁଲ୍ଲାହର (ସା) ବଂଶଧର ।”⁵⁷

ଏକବାର ଏକ ବ୍ୟକ୍ତି ତାଙ୍କେ ବଲଲୋ, ଜନେକ ବ୍ୟକ୍ତି ଆପନାର ସମ୍ପର୍କେ ନିନ୍ଦା-ମନ୍ଦ କଥା ବଲେ । ତିନି ଲୋକଟିକେ ସଂଗେ କରେ ସେଇ ବ୍ୟକ୍ତିର ନିକଟ ଗେଲେନ । ଆର ଏହି ଲୋକଟି ମନେ କରଲୋ ଯେ ତିନି ତାକେ ସାହାଯ୍ୟ କରାର ଜନ୍ୟ ସାଥେ ନିଯେଛେନ । ନିନ୍ଦାକାରୀର ନିକଟ ପୌଛେ ତିନି ବଲଲେନ, ଆମାର ସମ୍ପର୍କେ ତୁମି ଯା କିଛୁ ବଲେଛୋ ତା ଯଦି ସତ୍ୟ ଓ ସଠିକ ହ୍ୟ ତାହଲେ ଆଲ୍ଲାହ ଯେନ ଆମାକେ ମାଫ କରେନ । ଆର ଯଦି ମିଥ୍ୟ ହ୍ୟ ତାହଲେ ଆଲ୍ଲାହ ତୋମାକେ କ୍ଷମା କରଣ ।⁵⁸

କ୍ଷମା ଓ ଉପେକ୍ଷା

ତା'ର ଚରମ ଦୁଶମନ, ତା'ର ପ୍ରତି ହିଂସା-ବିଦ୍ରୋହେ ଯାଦେର ଅନ୍ତର ପରିପୂର୍ଣ୍ଣ ଏବଂ ଯାଦେର କାରଣେ ତିନି ଅନେକ ଦୁଃଖ-କଟେର ସମ୍ମୁଖୀନ ହେୟେଛେ, ସୁଯୋଗ ପେଯେଓ ତିନି କୋନ ବଦଳା ନେନି । ମଦୀନାର ଓୟାଲୀ ହିଶାମ ଇବନ ଇସମା'ଇଲ ତାଙ୍କେ ଏବଂ ଗୋଟା ଆହ୍ଲି ବାଇତକେ ନାନାଭାବେ

57. ପ୍ରାଞ୍ଚ : ୩୪୧-୩୪୨

58. ମୁଖଭାସାର ସାଫଓୟାତିସ ସାଫଓୟାହ-୧୩୭

ভীষণ কষ্ট দিত। প্রকাশ্যে হয়রত ‘আলীকে (রা) গালি দিত। তার বিভিন্ন অপকর্মে বিরক্ত হয়ে খলীফা আল-ওয়ালীদ ইবন ‘আবদিল মালিক তাকে অপসারণ করেন এবং নির্দেশ দেন যে, তাকে জনসমাবেশে দাঁড় করিয়ে দেওয়া হোক এবং মানুষ নিজ নিজ বদলা গ্রহণ করুক। হিশাম নিজেই বলেছে আমার সবচাইতে বেশী ভয় ছিল ‘আলী ইবন হুসাইনের (রা) বদলা গ্রহণের। কিন্তু তিনি তাঁর ছেলে ও সমর্থকদের আমার ব্যপারে কোন পদক্ষেপ নিতে বারণ করে দেন। তাঁর ছেলে ‘আবদুল্লাহ বললেন, আল্লাহর কসম! সে আমাদের সাথে খুব খারাপ আচরণ করেছে, আর আমরা এমন একটি সময়ের অপেক্ষায় ছিলাম। তিনি বললেন, আমরা তাঁকে আল্লাহর যিচ্যায় ছেড়ে দিলাম। তাঁর এ কথার পর আর কেউ হিশাম সম্পর্কে একটি কথাও উচ্চারণ করেননি। এতে হিশাম যাইনুল ‘আবিদীনের (রহ) একজন গুণমুক্ত ব্যক্তিতে পরিণত হন।^{১৫}

স্বভাবগতভাবে তিনি খুব নরম মেজায়ের ছিলেন। ঝুঢ়তা ও ঝুক্ষতা তাঁর মধ্যে মোটেও ছিল না। জীব-জন্মকেও কখনো মারা তো দূরের কথা ধ্যক্তও দিতেন না। হিশাম ইবন ‘উরওয়া বলেন, ‘আলী জন্মের পিঠে চড়ে মকায় গিয়ে আবার ফিরে আসতেন। এই দীর্ঘ সফরে কখনো নিজের বাহন জন্মটিকে মারতেন না।

মানুষের প্রীতি ও ভক্তি-শ্রদ্ধা

তাঁর এমন ধৈর্য, সহনশীলতা, ক্ষমা, উদারতা, দয়া ও ন্তরার ফলে মানুষের অন্তরে তাঁর প্রতি ভালোবাসা ও ভক্তি-শ্রদ্ধা স্থায়ী হয়ে যায়। তিনি কোথাও বের হলে তাঁকে পথ ছেড়ে দেওয়ার জন্য মানুষের মধ্যে ব্যক্ততা শুরু হয়ে যেত। এ প্রসঙ্গে খলীফা হিশাম ইবন ‘আবদিল মালিকের সংগে তাঁর একটি ঘটনার উল্লেখ করা যায়। হিশাম ইবন ‘আবদিল মালিক তখনো খিলাফতের মসনদে আসীন হননি। তখন একবার শামের বিশিষ্ট ব্যক্তিবর্গ ও রাষ্ট্রের উচ্চপদস্থ কর্মকর্তাদের সংগে নিয়ে হজ্জে গেলেন। কাঁবার তাওয়াফ শেষ করে হাজরে আসওয়াদ চুম্ব দেওয়ার উদ্দেশ্যে এগিয়ে গেলেন। কিন্তু সেখানে এত ভীড় ছিল যে বহু চেষ্টা করেও সক্ষম হলেন না। বাধ্য হয়ে ইচ্ছা ত্যাগ করলেন।

ভীড়ের দৃশ্য দেখার জন্য নিকটেই তাঁর জন্য একটি চেয়ার পেতে দেওয়া হয়। তিনি বসে বসে ভীড়ের দৃশ্য অবলোকন করছেন। এমন সময় ইমাম যাইনুল ‘আবিদীন আসলেন এবং তাওয়াফ শেষ করে হাজরে আসওয়াদের দিকে এগিয়ে গেলেন। তাঁকে দেখা মাত্র আপনা থেকেই স্থানটি ফাঁকা হয়ে গেল। তিনি অতি সহজেই হাজরে আসওয়াদে চুম্ব দিলেন। এ দৃশ্য দেখে একজন শামী ব্যক্তি হিশামকে জিজেস করলো! এ ব্যক্তি কে যাঁর প্রতি মানুষের অন্তরে এত ভীতি ও শ্রদ্ধা? যাইনুল ‘আবিদীনকে হিশাম ভালোই করে চিনতেন। কিন্তু তিনি তাঁর প্রতি শামবাসীদের উৎসুক্য দূর করার জন্য না চেনার ভান করে বললেন : আমি তাকে চিনি না। পাশেই ছিলেন তৎকালীন ‘আরবের বিখ্যাত কবি ফারায়দাক। তিনি ছিলেন আহলি বাইতের একজন ভক্ত। হিশামের এমন উপেক্ষায় তিনি

আহত হন। বলেন : হিশাম না চিনলেও আমি তাঁকে চিনি। শামের লোকটি জানতে চাইলো, তিনি কে? কবি ফারায়দাক তৎক্ষণিকভাবে হযরত যাইনুল ‘আবিদীনের পরিচয় ও প্রশংসায় একটি কাসীদা রচনা করে ফেলেন। সেই বিখ্যাত কাসীদার কিছু অংশ নিম্নরূপ :^{১৬}

<p>وَالْبَيْتِ يَعْرَفُهُ وَالْحِلْلِ الْحَرَم بِجَدِهِ أَنْبِيَاءُ اللَّهِ قَدْ خَتَمُوا الْعَرَبُ تَعْرِفُ مِنْ أَنْكَرَتْ وَالْعِجْمَ لَوْلَا التَّشَهُّدُ كَانَتْ لَا ذُهْ هُمْ فَمَا يُكَلِّمُ إِلَّا حِينَ يَبْتَسِمُ رَكْنُ الْحَطِيمِ إِذَا مَاجَءَ يَسْتَلِمُ كَالشَّمْسِ تَنْجَابُ عَنْ إِشْرَاقِهَا الظَّلْمُ كُفَّرُ، وَقُرْبَهُمْ مَتْجَرٌ وَمَعْتَصِمٌ.</p>	<p>هَذَا الَّذِي تَعْرِفُ الْبَطْحَاءَ وَطَأَتْهُ هَذَا ابْنُ فَاطِمَةَ إِنْ كَنْتَ جَاهِلَهُ وَلَيْسَ قَوْلُكَ : مَنْ هَذَا؟ بِضَائِرِهِ مَا قَالَ : لَا ، قَطُّ إِلَّا فِي تَشَهِيدِهِ يُعْضَى حَيَاةً وَيُغْضَى مِنْ مَهَابِتِهِ يَكَادُ يُمْسِكُهُ - عِرْفَانُ رَاحَتِهِ يَنْشُقُ ثُوبَ الدِّجَى عَنْ نُورِ غَرَتِهِ مِنْ مَعْشَرِ حُبُّهِمْ دِينُ، وَبُغْضُهُمْ</p>
---	--

“এ সেই ব্যক্তি যাঁর পদচারণা ও পদক্ষেপকে বাতছা উপত্যকা চেনে। মক্কার কা’বা ঘর, হারামের অধিবাসী ও মক্কার বাইরের লোকেরাও চেনে।

তুমি যদিও তাঁকে না জানার ভান করছো, তিনি তো ফাতিমা বিন্ত মুহাম্মাদ (সা)-এর বংশধর। তাঁরই দাদার মাধ্যমে আল্লাহর নবীদের আগমনের ধারা সমাপ্ত হয়েছে।

তোমার এ প্রশ্ন : “এ কে?” – তাঁর কোন ক্ষতি করতে পারবে না। তুমি যাঁকে চেননা বলছো, আরব-আজমের সবাই তাঁকে চেনে।

একমাত্র নামায়ের ভিতরে তাশাহুল্দ-এর মধ্যের “লা” (না) ছাড়া আর কখনো তিনি “লা” বলেন না। যদি তাশাহুল্দ না থাকতো তাহলে তাঁর “লা”ও “না’আম” (হাঁ) হয়ে যেত।

লজ্জা-শরমে তিনি দৃষ্টি অবনত রাখেন এবং মানুষ তাঁর সামনে তাদের দৃষ্টি অবনত রাখে তাঁর প্রতি সীমাহীন শ্রদ্ধা ও সম্মবোধের কারণে। তিনি যখন একটু হাসেন কেবল তখনই কথা বলা যায়।

যখন তিনি হাজরে আসওয়াদ চুম্ব দিতে যান তখন হাতীম (হাজরে আসওয়াদের পাশের কা’বার অংশ বিশেষ)-এর খুঁটি তাঁর হাত চিন্তে পেরে তাঁকে প্রায় আটকে রাখতে চায়।

১৬. ড: উমার ফাররুখ, তারীখ আল-আদাব আল-‘আরাবী-১/৬৬২; সুওয়ারুন মিন হায়াত আত-তাৰিইন : ৩৪৯-৩৫২

তাঁর কপালের দীপ্তিতে অঙ্ককারের পর্দা বিদীর্ণ হয়ে যায়। যেমন সূর্যের আলোতে অঙ্ককার দূর হয়।

তিনি এমন বৎশের যাঁদের ভালোবাসা হলো দীন ও ধর্ম, আর তাঁদের প্রতি ঘৃণা-বিদ্বেষ পোষণ করা কুফরী কাজ। তাঁদের নৈকট্য হলো মুক্তি ও শক্তভাবে আঁকড়ে থাকা।”

কাসীদাটি শুনে হিশাম কবি ফারায়দাকের উপর ভীষণ ক্ষেপে যান এবং তাঁকে কারারঞ্চ করেন। আর এদিকে ইমাম যাইনুল ‘আবিদীন তাঁদের প্রতি ভালোবাসার প্রতিদান হিসাবে ফারায়দাককে বারো হাজার দিরহাম দান করেন। কিন্তু কবি বিনয়ের সাথে সেই অর্থ এই বলে ফেরত দেন যে, আমি কেবল আল্লাহ ও তাঁর রাসূলের (সা) সন্তুষ্টির জন্য মাদাহ বা প্রশংসা করেছি। প্রতিদান বা পুরুক্ষারের লোভে নয়। ইমাম যাইনুল ‘আবিদীন (রহ) আবার সে অর্থ তাঁর নিকট একথা বলে ফেরত পাঠান যে, আমরা আহ্লি বাইত কাউকে কিছু দান করলে তা আর ফেরত নিই না। আল্লাহ তোমার উদ্দেশ্য সম্পর্কে জ্ঞাত আছেন। তিনি তোমাকে আরো প্রতিদান দিবেন। আল্লাহ তোমার এ চেষ্টা করুল করুন। এরপর ফারায়দাক সে অর্থ গ্রহণ করেন।^{৫৭}

গর্ব-অহঙ্কারের প্রতি ঘৃণা

এত উঁচু মর্যাদা ও সম্মানের অধিকারী হওয়া সত্ত্বেও ভীষণ নম্র ও বিনয়ী ছিলেন। গর্ব-অহঙ্কারকে দারুণ ঘৃণা করতেন। বলতেন, আমি গর্বিত-অহঙ্কারী মানুষকে দেখে বিস্মিত হই, গতকাল যে ছিল এক ফোঁটা নিকৃষ্ট পানি এবং আগামীকাল যে মৃতে পরিণত হবে। এমন বিনীতভাবে চলতেন যে, চলার সময় হাত দুঁটি হাঁটুর আগে যেতে পারতো না।^{৫৮}

সাম্য ও সমতা

বংশীয় আভিজ্ঞাত্য দূর করা এবং সাম্য ও সমতার বাস্তব দৃষ্টান্ত স্থাপনের জন্য তিনি নিজের এক মেয়েকে তাঁর এক দাসের সাথে বিয়ে দেন এবং এক দাসীকে দাসত্ব থেকে মুক্তি দিয়ে নিজে তাঁকে বিয়ে করেন। খলীফা ‘আবদুল মালিক একথা অবগত হয়ে একটি চিঠিতে তাঁকে তিরক্ষার করেন। জবাবে তিনি ‘আবদুল মালিককে লেখেন : হ্যরত রাসূলে কারীমের (সা) বাস্তব জীবন তোমাদের জন্য আদর্শ। তিনি হ্যরত সাফিয়া বিন্ত হয়াইকে (রা)- যিনি দাসী ছিলেন, মুক্তি দিয়ে স্বীয় বিবাহ বন্ধনে আবদ্ধ করেন। অন্যদিকে নিজের দাস যায়দ ইবন হারিছাকে (রা) মুক্তি দিয়ে তাঁর সাথে ফুফাতো বোন যায়নাব বিন্ত জাহাশকে (রা) বিয়ে দেন।^{৫৯}

আহ্লি বাইতের ভালোবাসার ক্ষেত্রে মধ্যপন্থার উপদেশ

অনেক আহ্লি বাইতের প্রেমিক বলে দাবীদার তাদের বাড়াবাড়িমূলক আচরণের মাধ্যমে

৫৭. মুখতাসার সাফওয়াতিস সাফওয়াহ-১৩৬

৫৮. প্রাণজ্ঞ

৫৯. তাবাকাত-৫/১৫৯

আহলি বাইতকে ধূলার ধরণী থেকে আকাশের সপ্তর্ষিমণ্ডলে নিয়ে যায়। হযরত ইমাম যাইনুল ‘আবিদীন এ ধরনের ভাস্ত অসংযত প্রেমকে ভীষণ অপসন্দ করতেন। তিনি তাদেরকে এমন কাজ থেকে বিরত রাখার চেষ্টা করতেন। বলতেন : ‘তোমরা ইসলাম নির্ধারিত সীমার মধ্যে আমাদেরকে ভালোবাস। আল্লাহর কসম! তোমরা আমাদের সম্পর্কে এত অতিরিক্ত কথা বলে থাক যা অনেকের নিকট আমাদেরকে অশ্রিয় করে দিয়েছে।’ কখনো বলতেন : “আল্লাহর ওয়াক্তে ইসলাম বিঘোষিত সীমার মধ্যে আমাদেরকে মুহারত কর। তোমাদের মুহারত তো আমাদের গ্লানির কারণ হয়ে দাঁড়িয়েছে।”^{৫০}

তিনজন খলীফায়ে রাশেদা-এর প্রতি সুধারণা

নিজের সত্যপক্ষী পূর্বসূরীদের মত আবু বকর, উমার ও উসমান (রা)- তিনি খলীফার প্রতি ইমাম যাইনুল ‘আবিদীনও সুধারণা পোষণ করতেন। তাঁদের নিন্দা-মন্দ ও সমালোচনা শোনা মোটেই প্রসন্ন করতেন না। কেউ তাঁদের সম্পর্কে কোন অশোভন উক্তি করলে তিনি নিজের বৈঠক থেকে তাঁকে বের করে দিতেন। একবার ইরাক থেকে কয়েক ব্যক্তি তাঁর কাছে আসে। তাদের ধারণা ছিল, তিনিও তাঁদের মত ভাস্ত ধারণা পোষণ করেন। আর তাই তারা তাঁর সামনে তিনি খলীফা সম্পর্কে অশোভন উক্তি করে বসে। তিনি কুরআনের এ আয়াতটি তিলাওয়াত করেন :^{৫১}

لِلْفَقَرَاءِ الْمُهَاجِرِينَ الَّذِينَ أُخْرِجُوا مِنْ دِيَارِهِمْ وَأَمْوَالِهِمْ يَبْتَغُونَ فَضْلًا مِنَ اللَّهِ وَرَضْوَانًا
وَيَنْصُرُونَ اللَّهَ وَرَسُولَهُ أُولَئِكَ هُمُ الصَادُقُونَ.

“এই সম্পদ অভাবগ্রস্ত মুহাজিরদের জন্য যারা নিজেদের ঘরবাড়ী ও সম্পত্তি হতে উৎখাত হয়েছে। তারা আল্লাহর অনুগ্রহ ও সন্তুষ্টি কামনা করে এবং আল্লাহ ও তাঁর রাসূলের সাহায্য করে। তারাই তো সত্যাশ্রয়ী।”

এ আয়াতে মুহাজিরদের মহত্ত্ব ও মর্যাদা বর্ণনা করা হয়েছে। আয়াতটির প্রতি ইঙ্গিত করে তিনি তাদেরকে জিজেস করেন : তোমরা কি প্রথম পর্বের এই মুহাজিরদের অন্তর্ভুক্ত যাদেরকে তাঁদের ঘরবাড়ী থেকে বিতাড়িত করা হয়েছে, নিজেদের ধন-সম্পদ থেকে বঞ্চিত করা হয়েছে, যারা এসব কিছুর বিনিময়ে আল্লাহ ও তাঁর রাসূলের (সা) সন্তুষ্টি কামনা করে এবং তাঁর রাসূলের (সা) সাহায্য করে?

ইরাকীরা বললো! না, আমরা তাঁদের কেউ নই। তারপর ইমাম যাইনুল ‘আবিদীন (রহ) আয়াতটির দ্বিতীয় অংশ পাঠ করলেন :^{৫২}

৬০. প্রাণক্ষেত্র-৫/১৫৮

৬১. সুরা আল-হাশর-৮

৬২. প্রাণক্ষেত্র-৯

وَالَّذِينَ تَبُوُّ الدَّارَ وَالْإِيمَانَ مِنْ قَبْلِهِمْ يُحِبُّونَ مَا هَاجَرَ إِلَيْهِمْ وَلَا يَجِدُونَ فِي صُدُورِهِمْ
حَاجَةً مِمَّا أَوْتُوا وَيُؤْمِرُونَ عَلَى أَنفُسِهِمْ وَلَوْ كَانَ بِهِمْ خَصَاصَةٌ وَمَنْ يُوقَ شُحَّ نَفْسِهِ
فَأُولَئِكَ هُمُ الْمُفْلِحُونَ.

“আর তাদের জন্যও, মুহাজিরদের আগমনের পূর্বে যারা এই নগরীতে বসবাস করেছে ও ইমান এনেছে, তারা মুহাজিরদেরকে ভালোবাসে এবং মুহাজিরদেরকে যা দেওয়া হয়েছে তার জন্য তারা অন্তরে আকাঙ্ক্ষা পোষণ করে না, আর তারা তাঁদেরকে নিজেদের উপর অগ্রাধিকার দেয় নিজেরা অভাবগ্রস্ত হলেও। যাদেরকে অন্তরের কার্পণ্য হতে মুক্ত রাখা হয়েছে, তারাই সফলকাম।”

এ আয়াতে আনসারদের মর্যাদা ও গুণাবলীর প্রতি ইঙ্গিত করা হয়েছে। আয়াতটি তিলাওয়াতের পর তিনি জিঞ্জেস করলেন, তোমরা কি ঐ লোকদের অন্তর্ভুক্ত যাঁরা মুহাজিরদের আগমনের পূর্ব থেকে মদীনায় বসবাস করতেন, তারপর ইমান আনেন এবং যাঁরা হিজরাত করে তাঁদের এখানে আসেন তাঁদেরকে মুহারিত করেন?

ইরাকীরা বললো, আমরা তাঁদেরও অন্তর্ভুক্ত নই। তিনি বললেন : তোমরা নিজেরাই স্বীকার করছো, তোমরা ঐ দুইটি দলের একটিরও অন্তর্ভুক্ত নও। এখন আমি তোমাদেরকে বলছি, তোমরা এই দলটিরও নও যাদের সম্পর্কে আল্লাহ বলেছেন :

وَالَّذِينَ جَاءُوا مِنْ بَعْدِهِمْ يَقُولُونَ رَبَّنَا اغْفِرْنَا وَلَاخْوَانَنَا الَّذِينَ سَبَقُونَا بِالْإِيمَانِ
وَلَا تَجْعَلْ فِي قُلُوبِنَا غَلَّا لِلَّذِينَ امْتُوا رَبَّنَا إِنَّكَ رَءُوفٌ رَّحِيمٌ.

“যারা তাদের পরে এসেছে, তারা বলে, “হে আমাদের প্রতিপালক! আমাদেরকে এবং ইমানে অগ্রণী আমাদের ভাইদেরকে ক্ষমা কর এবং মুমিনদের বিরুদ্ধে আমাদের অন্তরে বিদ্বেষ রেখ না। হে আমাদের প্রতিপালক! তুমি তো দয়ালু, পরম দয়ালু।”

তোমরা যখন এই তিনটি ইসলামী দলের কোন একটির মধ্যেও নেই তখন আল্লাহ তোমাদেরকে ধ্রংস করুন। আমার এখান থেকে বেরিয়ে যাও। হ্যরত উসমান (রা) সম্পর্কে তিনি বলতেন, আল্লাহর কসম! তাঁকে অন্যায়ভাবে শহীদ করা হয়েছে।^{৬৩}

দৈহিক অবয়ব ও আকৃতি

তিনি সুন্দর অবয়ব ও আকৃতির ছিলেন। দেহ থেকে সুগঞ্জি ছড়িয়ে পড়তো। কাঁধ পর্যন্ত বাবরী ছিল। কপালের সিঁথি বেরিয়ে থাকতো। কখনো কালো, আবার কখনো লাল- দুই রকম খিজাবই ব্যবহার করতেন।^{৬৪}

৬৩. মুখতাসার সাফওয়াতিস সাফওয়াহ-১৩৪; তাবাকাত-৫/১৬০

৬৪. তাবাকাত-৫/১৬০

পোশাক-পরিচ্ছন্দ

অতি সুন্দর ও দামী পোশাক পরতেন। জোব্বা ও চাদর ব্যবহার করতেন। একেকটি চাদরের মূল্য পঞ্চাশ দীনার পর্যন্ত হতো। এই দামী দামী চাদরগুলো মাত্র এক মণ্ডসুম ব্যবহার করে বিক্রী করে দিতেন এবং সেই অর্থ গরীব-মিসকীনদের মধ্যে বিলিয়ে দিতেন। শীতকালে শীত প্রধান অঞ্চলের “সুমূর” নামক এক প্রকার জন্মের কোমল পশম বিশিষ্ট চামড়ার পোশাক পরতেন। সাদা, কালো, লাল, হলুদ সকল প্রকার রং তাঁর পসন্দ ছিল। গোলাকৃতির মাথাওয়ালা জুতো পরতেন।^{৬৫}

সুরুচি ও পরিচ্ছন্নতা

সুরুচি ও পরিচ্ছন্নতা ছিল তাঁর স্বত্ত্বাবগত। কোন রকম অপরিচ্ছন্নতা ও নোংরামী মোটেই সহ্য করতে পারতেন না, অনেক জিনিস পসন্দ না হলেও মানুষের কথা চিন্তা করে মেনে নিতেন। আবু জাফার বর্ণনা করেছেন, একবার ‘আলী ইবন হুসাইন (রা) বাইতুল খালা বা পায়খানায় গেলেন। এক ব্যক্তি হাত ধোয়ার পানি নিয়ে দরজায় দাঢ়িয়ে ছিল। পায়খানা থেকে বের হওয়ার পর বললেন : আমি পায়খানার মধ্যে এমন জিনিস দেখেছি যা আমাকে সন্দেহে ফেলে দিয়েছে। জিজ্ঞেস করা হলো : সেই জিনিস কি? বললেন : দেখলাম ময়লার উপর মাছি বসে এবং তা উড়ে এসে মানুষের গায়ে পড়ে। এ কারণে আমি ইচ্ছা করেছিলাম পায়খানায় যাওয়ার জন্য একটি বিশেষ পোশাক তৈরি করবো। কিন্তু পরে চিন্তা করে বললেন, যে জিনিস মানুষের সাধ্যের মধ্যে না হয় তা আমারও করা উচিত হবে না।^{৬৬}

৬৫. প্রাঞ্জল-৫/১৬২

৬৬. প্রাঞ্জল

‘আমর ইবন দীনার (রহ)

হ্যরত ‘আমর ইবন দীনারের (রহ) কুনিয়াত বা ডাকনাম ছিল আবু মুহাম্মদ। বাযান ‘আজমীর আয়াদকৃত দাস ছিলেন। হ্যরত মু’আবিয়ার (রা) খিলাফতকালে হিজরী ৪৫/৪৬ সনে অথবা তার কাছাকাছি সময়ে মক্কায় জন্ম গ্রহণ করেন।^১

তাঁর সম্মান ও মর্যাদা

জ্ঞানের দিক দিয়ে তিনি মক্কার শ্রেষ্ঠ ‘আলিমদের মধ্যে গণ্য ছিলেন। ইমাম আয়-যাহাবী তাঁকে হাদীছের হাফিয়, ইমাম ও মক্কার হারামের ইমাম অভিধায় ভূষিত করেছেন।^২ তিনি বলেন :^৩

أحد الأعلام وشيخ الحرم في زمانه.

-তিনি তাঁর সময়ের অন্যতম শ্রেষ্ঠ জ্ঞানী ব্যক্তিত্ব ও মক্কার হারামের শায়খ তথা সর্বজন প্রদেয় ব্যক্তি।

ইমাম নাওবী (রহ) বলেন, তাঁর মহত্ব, নেতৃত্ব ও বিশ্বস্ততার ব্যাপারে সকলে একমত। তিনি ছিলেন তাবিউন শ্রেণীর ইমাম।^৪ আল-হাকেম তাঁর “আল-মুযাক্কী আল-আখবার” গ্রন্থে বলেছেন :

- تَبَشَّرَ بِكَمَلَةِ الْمُؤْمِنِينَ - - تَبَشَّرَ بِكَمَلَةِ الْمُؤْمِنِينَ -

ইন্মে হাদীছে তাঁর স্থান

তিনি হাদীছের একজন বড় হাফিয় ছিলেন, ইবন সাদ বলেন :^৫

كَانَ عَمِرو ثَقَةً ثَبِيْتاً كَثِيرًا حَدِيثٌ.

-‘আমর ছিলেন বিশ্বস্ত, সুদৃঢ় ও বহু হাদীছ সৃতিতে ধারণ ও বর্ণনাকারী। সাহাবীদের মধ্যে ইবন উমার, ইবন ‘আবাস, ইবন যুবাইর, ‘আবদুল্লাহ ইবন ‘আমর ইবন আল-আস, আবু হুরাইরা, জাবির ইবন ‘আবদিল্লাহ, আবুত তুফায়ল, সায়িব ইবন ইয়ায়ীদ, আনাস ইবন মালিক (রা) প্রমুখের নিকট থেকে তিনি হাদীছ শোনেন। তাবিউন্দের মধ্যে

১. তায়কিরাতুল হফ্ফাজ-১/১১৩; সিয়ারু আ’লাম আন-নুবালা-৫/৩০০; আসরমত তাবিউন-৪৪৭

২. তায়কিরাতুল হফ্ফাজ-১/১১৩

৩. সিয়ারু আ’লাম আন-নুবালা-৫/৩০০

৪. তাহ্যীবুল আসমা’ ওয়াল লুগাত-১/২৭

৫. সিয়ারু আ’লাম আন-নুবালা-৩/৫০০

৬. তাবাকাত-৫/৮৮০

সা'ঈদ ইবন আল-মুসায়িব, সা'ঈদ ইবন আয়-যুবাইর, সালিম ইবন 'আবদিল্লাহ, তাউস, 'আতা, মুহাম্মাদ ইবন 'আলী, মুজাহিদ, আবৃ মুলাইকা, সুলাইমান ইবন ইয়াসার, ওয়াহাব ইবন 'উতবা, যুহুরী, সুফইয়ান ইবন 'উয়ায়না, সুফইয়ান আছ-ছাওরী (রহ) প্রমুখ সহ বিখ্যাত তাবিঈদের বড় একটি দলের নিকট থেকে তিনি হাদীছ শোনেন ও বর্ণনা করেন।^১

হাদীছ শাস্ত্রে তাঁর জ্ঞান ছিল অতি ব্যাপক ও গভীর। সমকালীন আলিমদের সম্মিলিত জ্ঞান তিনি নিজের বুকে ধারণ করেন। বিখ্যাত তাবিঈ তাউস (রহ) তাঁর ছেলেকে বলতেন :^২

إذا قدمت مكة يابني فعليك بعمرو بن دينار، فإن أذنه كانت قيماً للعلماء.

-ছেলে, যখন তুমি মক্কায় যাবে, 'আমর ইবন দীনারের সাথে অবশ্যই সাক্ষাৎ করবে। কারণ, তাঁর কান 'আলিমদের বশীভূত।

তাঁর বর্ণিত হাদীছের স্থান

হাদীছ বিশারদদের নিকট তাঁর বর্ণিত হাদীছের স্থান অনেক উর্ধ্বে। ইমাম যুহুরী বলতেন, আমি উচ্চ মানের হাদীছের ক্ষেত্রে এই শায়খ তথা বিজ্ঞ ব্যক্তির চাইতে আর কাউকে দেখিনি। সুফইয়ান ইবন 'উয়ায়না একবার সা'ঈদকে জিজ্ঞেস করেন, হাদীছের ক্ষেত্রে আপনি সব চাইতে শক্ত ও দৃঢ়পদ কাদেরকে দেখেছেন? বলেন, 'আমর ইবন দীনার ও কাসিম ইবন 'আবদির রহমানকে। ইবন 'উয়ায়না ও 'আমর ইবন জারীর তাঁকে-“বিশ্বস্ত, দৃঢ়পদ, সত্যবাদী ও বহু হাদীছের ধারক”- বলতেন।^৩

রিওয়ায়াত বিল মা'না বা হাদীছের ভাব ও অর্থ বর্ণনা

হাদীছ বর্ণনার ক্ষেত্রে অত্যধিক সতর্কতা অবলম্বন করতেন। তা সত্ত্বেও শ্রুত মূল শব্দসহ হাদীছ বর্ণনা করা জরুরী মনে করতেন না। তিনি নিজের ভাষায় শ্রুত হাদীছের অর্থ ও ভাব বর্ণনা করতেন।^৪ হাদীছ শাস্ত্রে তাঁর অগাধ জ্ঞানের কারণে তিনি এর একজন নির্ভরযোগ্য সূত্রে পরিণত হন। এ শাস্ত্রের আগ্রহী ছাত্ররা মানুষের নিকট জিজ্ঞেস করে করে তাঁর বর্ণিত হাদীছ লিখতেন। সুফইয়ান ইবন 'উয়ায়না বলেন, আইযুব আস-সিখতিয়ানী আমাকে জিজ্ঞেস করতেন, 'আমর ইবন দীনার অমুকের সূত্রে কোন হাদীছ বর্ণনা করেছেন? আমি তাঁকে হাদীছটি বলে দিয়ে জিজ্ঞেস করতাম, আপনি কি হাদীছটি লিখতে চান? বলতেন, হাঁ।^৫

৭. প্রাগৃক্ত; তায়কিরাতুল হফ্ফাজ-১/১১৩

৮. তাবাকাত-৫/৮৭৯; তাহযীব আত-তাহযীব-৮/২৯

৯. তাবাকাত-৫/৮৮০

১০. তাহযীব আত-তাহযীব-৮/৩০

১১. তাবাকাত-৫/৮৮০

তাঁর ছাত্র-শিষ্য

তাঁর ব্যাপক জ্ঞান তাঁর ছাত্র-শিষ্যের গভীরে ভীষণ প্রশংসন করে দেয়। তাঁর সর্বাধিক খ্যাতিমান কয়েকজন ছাত্র হলেন : ইমাম জাফার আস-সাদিক, আবু কাতাদা, মিসওয়ার, ইবন আবী নাজীহ, হাম্মাদ, সুফইয়ান (রহ) ও আয়ো অনেকে।^{১২}

ফিকহ

ফিকহ শাস্ত্রেও তিনি ছিলেন সুপণ্ডিত। কুরআন ও সুন্নাহতে গবেষণা করে বিভিন্ন সমস্যার সমাধান ও আইন-কানুন বের করার ক্ষেত্রে তাঁর ছিল যেমন ইজতিহাদের বিশেষ যোগ্যতা, তেমনি ছিল স্বকীয়তাও। ইমাম নাওবী (রহ) লিখেছেন, তিনি মাযহবপন্থীদের অনুকরণীয় একজন বড় মুজাহিদ ছিলেন।^{১৩} প্রায় তিরিশ বছর যাবত ফাতওয়া দেন। তৎকালীন অনেক বড় বড় আলিম তাঁকে তাউস, ‘আতা ও মুজাহিদের (রহ) মতো শ্রেষ্ঠ আলিমদের উপর প্রাধান্য দিতেন। ইবন আবী দীনার তো তাঁকে উল্লেখিত তিনজনের চাইতেও বড় ফকীহ (ফিকহ বিশারদ) বলতেন।

‘ما رأيت أحداً أفقه من عمرو بن دينار، لاعطاء ولا طاووسا ولا مجاهدا.’^{১৪}

-আমি ‘আমর ইবন দীনারের চাইতে বড় ফকীহ আর কাউকে দেখিনি। ‘আতা, তাউস ও মুজাহিদ কাউকে না।

সুফইয়ান ইবন ‘উয়ায়না বলতেন :^{১৫}

‘ما كان عندنا أحد أفقه من عمرو بن دينار، ولا أعلم ولا أحفظ منه.

-আমাদের দৃষ্টিতে ‘আমর ইবন দীনারের চাইতে বড় ফকীহ, বড় ‘আলিম এবং বড় হাফিয়ে হাদীছ আর কেউ ছিলেন না।

সতর্কতা

অত্যধিক সতর্কতার কারণে তিনি হাদীছ ও ফিকহ সংক্রান্ত মাসআলা-মাসায়িল লেখালেখি পসন্দ করতেন না। বলতেন, মানুষ আমাদেরকে বিভিন্ন প্রশ্ন করে। আমরা তার উত্তর দিলে তারা তা পাথরে খোদাই করার মতো লিখে নেয়। হতে পারে আজ যে সিদ্ধান্ত আমরা দিলাম, আগামীকাল তা প্রত্যাহার করে নিয়ে নতুন সিদ্ধান্তে উপনীত হলাম। তখন পূর্বের ভুল সিদ্ধান্তটি লিখিত থেকে গেল।^{১৬} একবার জনেক ব্যক্তি তাঁকে বললো, সুফইয়ান আপনার নিকট থেকে যা কিছু শোনে তা লিখে রাখে। একথা শুনে

১২. তাহ্যীব আত-তাহ্যীব-৮/৩০

১৩. তাহ্যীবুল আসমা’-১/২৭; তাহ্যীবুত তাহ্যীব-৮/৩০

১৪. তাহ্যীবুল আসমা’-১/২৭

১৫. তাযকিরাতুল হফ্ফাজ-১/১১৩; ‘আসরুত তাবি’ঈন-৪৪৭

১৬. তাবাকাত-৫/৮৮০

তিনি কাঁদতে থাকেন। তারপর বলেন, যে ব্যক্তি আমার কথা লিখে সে আমার প্রতি বড় মূল্য করে।^{১৭} তিনি বলতেন :^{১৮}

أَخْرَجَ عَلَى مِنْ يَكْتُبُ عَنِي، فَمَا كَتَبَتْ عَنْ أَحَدٍ شَيْئًا، كَنْتُ أَحْفَظُ.

—আমার থেকে কেউ কিছু লিখে রাখুক তা আমি পসন্দ করি না। আমি কারো কাছ থেকে কিছু লিখিনি। আমি মুখস্থ করতাম।

একদিন তিনি তাঁর মেধাবী ছাত্র সুফইয়ান ইবন উয়ায়নার দিকে তাকিয়ে মৃদু হাসি দিয়ে বলেন :^{১৯}

مُثْلِكُ حَفَظَتِ الْحَدِيثِ وَكُنْتُ صَغِيرًا.

—আমিও ছোট অবস্থায় তোমার মতো হাদীছ মুখস্থ করেছি।

একবার এক ব্যক্তি কোন একটি জিনিস সম্পর্কে তাঁর নিকট জিজ্ঞেস করে। তিনি কোন জবাব দিলেন না। প্রশ্নকারী বললো, জিনিসটির ব্যাপারে আমার অন্তরে একটু সন্দেহ আছে। এ কারণে আপনার নিকট থেকে একটি জবাব পেতে চাই। তিনি বললেন : আল্লাহর ক্ষম! তোমার অন্তরে আবু কুবায়স পাহাড় পরিমাণ সন্দেহ থাকার পরিবর্তে আমার অন্তরে একটি পশম পরিমাণ সন্দেহ থাকা আমার কাছে বেশী অপসন্দনীয়। অর্থাৎ আমার জবাব দানের পর আমার অন্তরে সামান্য সন্দেহ হোক তার চাইতে তোমার অন্তরে পাহাড় পরিমাণ সন্দেহ বিদ্যমান থাকুক, সেটাই আমার পসন্দ।^{২০}

তাঁর ইবাদাত-বন্দেগী

তিনি একজন ভীষণ 'আবিদ' ব্যক্তি ছিলেন। রাতের বেশীর ভাগ 'ইবাদাত-বন্দেগীতে অতিবাহিত করতেন। সুফইয়ান ইবন উয়ায়না (রহ) বলেন :^{২১}

كَانَ عُمَرُ بْنُ دِينَارَ قَدْ جَرَّأَ اللَّيلَ ثَلَاثَةَ أَجْزَاءَ، ثَلَاثَا يَنَامُ وَثَلَاثَا يَدْرُسُ حَدِيثَهُ وَثَلَاثَا يَصْلِي.

—'আম'র ইবন দীনার রাতকে তিন ভাগে ভাগ করে নিতেন। এক ভাগে ঘুমোতেন, এক ভাগে হাদীছ বর্ণনা করতেন এবং আরেক ভাগ নামাযে অতিবাহিত করতেন।

জামা'আতে নামায আদায়ের প্রতি অত্যধিক গুরুত্ব প্রদান

তিনি জামা'আতে নামায আদায়ের প্রতি এত গুরুত্ব দিতেন যে, বার্ধক্যে যখন শক্তিহীন

১৭. প্রাগুক্ত

১৮. সিয়ারু আ'লাম আন-নুবালা-৫/৩০১

১৯. প্রাগুক্ত-৫/৩০৭

২০. তাবাকাত-৫/৪৮০

২১. সিয়ারু আ'লাম আন-নুবালা-৫/৩০২; তায়কিরাতুল হফ্ফাজ-১/১১৩

হয়ে পড়েন তখনও নিজের বাসস্থান থেকে বেশ দূরে মসজিদেই নামায আদায় করতেন। সুফিইয়ান ইবন উয়ায়না (রহ) বলেন, তিনি জীবনের কোন পর্যায়ে মসজিদে যাওয়া-আসা বন্ধ করেননি। গাধার পিঠে বসিয়ে তাঁকে মসজিদে আনা হতো। বার্ধক্যের একেবারে চূড়ান্ত পর্যায়ে যখন কোন বাহন ছাড়া চলতেই পারতেন না তখন আমি সব সময় তাঁকে মসজিদে যাওয়ার অপেক্ষায় বসে থাকতে দেখতাম। আমার বয়স কম হওয়ার কারণে আমি তাঁকে বাহনের পিঠে উঠিয়ে দিতে পারতাম না। তবে কিছু দিন পর উঠিয়ে দিতে পারতাম। তাঁর বাসস্থান মসজিদ থেকে দূরে ছিল।^{২২}

ইসলামী সেবামূলক কাজের বিনিময়ে কোন কিছু না নেয়া

তিনি সেবামূলক কোন কাজের বিনিময় বা পারিশ্রমিক প্রচণ্ড করা ভালো মনে করতেন না। এ জাতীয় সকল কাজ তিনি আল্লাহর সন্তুষ্টির জন্য করতেন। তৎকালীন খলীফা একবার তাঁর ইচ্ছার কথা এভাবে ব্যক্ত করেন যে, আমি আপনার জন্য ভাতা নির্ধারণ করে দেই, আর আপনি নিশ্চিন্ত মনে ফাতওয়ার দায়িত্বটি পালন করে যান। তিনি এ প্রস্তাবে রাজী হননি। কোন রকম পারিশ্রমিক ছাড়াই পূর্বে যে রকম দায়িত্ব পালন করছিলেন, সেভাবে পালন করতে থাকেন।^{২৩}

আল-ওয়াকিদী বলেছেন, ‘আমর ইবন দীনার হিজরী ১২৬ সনে আশি বছর বয়সে ইনতিকাল করেন।^{২৪}

২২. তাবাকাত-৫/৪৭৯

২৩. প্রাগুক্ত

২৪. তায়কিরাতুল হফ্ফাজ-১/১১৩

রাবী‘আ ইবন ফাররখ আর-রায় (রহ)

হিজরী ৫১ সনের কথা। মুসলিম মুজাহিদ বাহিনী তখন ইসলামের সুমহান বিশ্বাস ও বাণী বহন করে দিক্বিদিক ছড়িয়ে পড়েছে, বিশ্বের নির্যাতিত-নিপীড়িত মানুষের দিকে তাঁদের দয়া ও মমতাভরা হাতটি বাড়িয়ে দিয়েছে। তাঁরা জনপদের পর জনপদে মানুষকে মানুষের দাসত্ব থেকে মুক্ত করে এক আল্লাহর দাসত্বে নিয়ে আসছে। বিজয়ী সেনাপতি, সিজিস্তান বিজয়ী ও খুরাসানের আমীর মহান সাহাবী আর-রাবী‘ইবন যিয়াদ আল-হারিছী (রা) তাঁর বাহিনীসহ রণাঙ্গনে অবস্থান করছেন। সংগে আছেন তাঁর সাহসী দাস ফাররফ।

সিজিস্তান ও তার আশে-পাশের অঞ্চলসমূহ বিজয়ের পর তিনি সিদ্ধান্ত নিলেন ‘সায়হুন’^১ নদী পার হবেন এবং ‘মা ওয়ারা আন-নাহুর’ নামে পরিচিত অঞ্চলে ইসলামী ঝাণ্ডা উড়ত্বান করবেন। অভিযানের তোড়জোড় শুরু করলেন এবং এর জন্য সৈন্য, রসদপত্র, অস্ত্রশস্ত্র যা কিছু প্রয়োজন সংগ্রহ করে প্রস্তুতি গ্রহণ করলেন। এক সময় অভিযান শুরু হলো। ভয়াবহ যুদ্ধের মাধ্যমে শক্রবাহিনীকে পরাজিত করে সামনে এগিয়ে চললেন। অতঃপর মুসলিম বাহিনী নদী পার হলো। তখন তাঁদের সামনে বিশাল তুর্কিস্তান, চীন ও মধ্য এশিয়ার বিস্তীর্ণ অঞ্চল। সায়হুন নদী পার হয়ে নিজেদের অবস্থান একটু শক্ত করে সেনাপতি রাবী‘ ইবন যিয়াদ (রা) নিজে নদীর পানি দ্বারা ওয়ু করেন এবং সৈনিকদেরকেও ওয়ু করতে নির্দেশ দেন। তাঁরপর সকলে এই বিজয় ও সাফল্যের জন্য আল্লাহ রাবুল ‘আলামীনের শুকরিয়া আদায় করেন দু’রাক‘আত নামায আদায়ের মাধ্যমে। উল্লেখ্য যে, সায়হুন নদী পার হওয়ার সময় যে ভয়াবহ যুদ্ধ হয় তাতে সেনাপতির দাস ফাররফ দারুণ সাহস ও বীরত্বের পরিচয় দেন। এতে সেনাপতি রাবী‘ (রা) ভীষণ খুশী হন। নদী পার হওয়ার পর দাসকে পুরস্কৃত করার সিদ্ধান্ত নেন। তাই শোকরানা নামায আদায়ের পর তাঁকে দাসত্ব থেকে মুক্তির ঘোষণা দেন। গনীমাতের মাল (যুদ্ধলক্ষ সম্পদ) থেকে বড় একটি অংশ এবং নিজের সম্পদ থেকেও প্রচুর অর্থ-সম্পদ তাঁকে দান করেন।

এই যুদ্ধের মাত্র দু’বছর পর মহান সেনাপতি রাবী‘ ইবন যিয়াদ (রা) ইনতিকাল করেন। মনীবের মৃত্যুর পর বীর যুবক ফাররফ মদীনায় ফিরে যাওয়ার সিদ্ধান্ত নেন। গনীমাতে তাঁর অংশের বিপুল অর্থ-সম্পদ, আর সেই সাথে মনীবের নিকট থেকে প্রাপ্ত সম্পদ নিয়ে একদিন মদীনার দিকে যাত্রা করেন।

ফাররফ মদীনায় ফিরে আসলেন। তখন তাঁর বয়স প্রায় তিরিশ বছর। তাঁর বীরত্ব ও সাহসিকতার কথা মদীনার অলিতে-গলিতে আলোচিত হচ্ছে। মানুষের মনকাঢ়া চেহারা,

১. সায়হুন একটি বিশাল নদী। সমরকল্পের পরে তুর্কিস্তান সীমান্তে প্রবাহিত।

সুস্থান্ত্র ও পূর্ণ ঘোবনের অধিকারী এক ব্যক্তি তিনি। মদীনায় স্থায়ীভাবে বসবাসের সিদ্ধান্ত নিলেন। এ জন্য একটি বাড়ী বানানো ও বিয়ে করার কথা ভাবলেন। মদীনার মধ্যম ধরনের একটি বাড়ী কিনলেন। তারপর নিজের সমবয়সী শিক্ষিতা, বৃদ্ধিমতী ও দীনদার এক মহিলাকে বিয়ে করলেন।

নতুন বাড়ীতে নব বধূর সাথে অতি সুখেই দিন কাটছিল। আনন্দে পরিপূর্ণ ছিল তাঁদের জীবন। কিন্তু যে যুবক বেড়ে উঠেছে অশ্বের পিঠে ও তরবারির ছায়ায় এবং যার ঘুম ভেঙেছে শক্রের রণ ছুঁকারে, এত আনন্দময় জীবন তাঁর ভালো লাগার কথা নয়। এ জীবন তাঁর সৈনিক জীবনের উপর প্রাধান্য বিস্তার করতে পারলো না। তিনি আবার রণাঙ্গনে ফিরে যাওয়ার জন্য অস্থির হয়ে পড়লেন। জিহাদ ফী সাবিলিল্লাহ ও শাহাদাতের তীব্র বাসনা সব সময় তাঁকে স্ত্রীর ভালোবাসা ও পরিবারের আকর্ষণ ছিন্ন করার জন্য তাগাদা দিতে লাগলো। তাঁকে আরো ব্যাকুল করে তুলতো যখন মদীনার রাস্তা-ঘাটে চলার সময় বিভিন্ন রণাঙ্গনের বিজয়ের খবর তাঁর কানে আসতো।

ফাররুখের মনের অবস্থা যখন এমন পর্যায়ে তখন তিনি এক জুম'আর দিনে মসজিদে নববীতে গেছেন নামায আদায় করতে। খটীব সাহেব মিস্বরে দাঁড়িয়ে খুতবায় জিহাদ ফী সাবিলিল্লাহর গুরুত্বের কথা বলে সকলকে জিহাদে যোগদানের জন্য উৎসাহিত করলেন। সেই সাথে বিভিন্ন রণাঙ্গনে মুসলিম বাহিনীর বিজয়ের কথাও ঘোষণা করলেন। মদীনা থেকে বিভিন্ন রণাঙ্গনগামী বাহিনীসমূহের যে কোন একটিতে নাম নিখানোর সিদ্ধান্ত নিয়ে তিনি ঘরে ফিরে আসলেন। এক সময় সুযোগ মত স্ত্রীকে তাঁর এ সিদ্ধান্তের কথা জানালেন। স্ত্রী বললেন :

-আবু 'আবদির রহমান! আপনি আমাকে এবং আমার গর্ভে আপনার যে সন্তান রয়েছে তাকে কার কাছে রেখে যাচ্ছেন? মদীনায় আপনি একজন বহিরাগত। এখানে আপনার আত্মীয়-স্বজন ও গোত্র-গোষ্ঠীর কেউ নেই।

বললেন : আমি তোমাকে আল্লাহ ও তাঁর রাসূলের হিফায়তেই ছেড়ে যাচ্ছি। গন্মাতের অংশে আমি যে সম্পদ পেয়েছি তার থেকে তিরিশ হাজার দীনার জমা রেখেছি, তা তোমাকে দিয়ে যাচ্ছি। তুমি এ অর্থ সংরক্ষণ করবে, ব্যবসায় খাটিয়ে আরো বৃদ্ধি করবে। আর এর থেকেই তোমার নিজের ও আমাদের সন্তানের জন্য খরচ করতে থাকবে। এর মধ্যে আমি আবার তোমাদের কাছে ফিরে আসবো অথবা আল্লাহ আমাকে শাহাদাত দান করবেন।

এভাবে স্ত্রীকে রাজি করিয়ে তাঁকে আল্লাহ ও রাসূলের হিফায়তে রেখে তিনি ঘর থেকে বেরিয়ে পড়লেন। এদিকে স্বামী বিচ্ছেদ-ব্যথায় কাতর স্ত্রী কিছুদিন পরে চাঁদের মত সুন্দর ফুটফুটে একটি পুত্র সন্তান প্রসব করেন। সন্তান পেয়ে দারুণ খুশী হলেন এবং তার পিতার বিচ্ছেদ-ব্যথা ভুলে গেলেন। তিনি এই শিশু সন্তানের নাম রাখেন 'রাবী'আ'। শৈশবেই তার কথা ও কাজে মেধা ও বৃদ্ধির প্রকাশ ঘটতে থাকে। মা তার শিক্ষার জন্য শিক্ষক নিয়োগ করেন। অন্ন কিছু দিনের মধ্যেই সে লেখা ও পড়ায় দক্ষ

হয়ে ওঠে। এরপর সে কুরআন হিফ্য করে। তাঁর কুরআন তিলাওয়াত হয় অতি চমৎকার। তাঁর তিলাওয়াত শুনে মনে হতো এখনই যেন তা মুহাম্মাদুর রাসূলুল্লাহর (সা) উপর নাখিল হচ্ছে। তিনি রাসূলুল্লাহর (সা) বহু হাদীছও মুখস্থ করেন। আরবী ভাষায় দক্ষতা অর্জন করেন। দীনী ইলমের বিভিন্ন শাখায় বিশেষ বৃৎপত্তি লাভ করেন। মাতার ছেলের সুশিক্ষার জন্য তার পিতার রেখে যাওয়া অর্থ থেকে প্রচুর অর্থ ব্যয় করেন। শিক্ষকদেরকে উচ্চ হারে ভাতা ও মূল্যবান উপহার-উপটোকন দিতেন। শিক্ষার ফ্রেঞ্চে ছেলের কিছু সাফল্য দেখলে তিনি শিক্ষকদেরকেও সেই হারে উপহার দিতেন। এভাবে তিনি স্বামীর অনুপস্থিতিতে অতি যত্নের সাথে ছেলেকে গড়ে তোলেন।

সুশিক্ষা নিয়ে ছেলে বড় হচ্ছে। মা ছেলের পিতার ফিরে আসার প্রতীক্ষায় দিন গুনতে থাকেন। কবে আসবেন তিনি, যখন প্রাণপ্রিয় ছেলেকে তাঁর হাতে তুলে দেবেন। কিন্তু তাঁর এ প্রতীক্ষা দীর্ঘ থেকে দীর্ঘতর হতে থাকে। ফাররুখের ফেরার সময় আর হয় না। এদিকে তাঁর সম্পর্কে নানা কথা শোনা যেতে থাকে। যেমন, অনেকে বলতে থাকে তিনি শক্র বাহিনীর হাতে বন্দী হয়েছেন, আবার কেউ কেউ বলতে থাকে তিনি এখনো জিহাদের ময়দানে আছেন। অন্যদিকে রণাঙ্গন থেকে ফিরে আসা একদল মুজাহিদ বলতে থাকে, তিনি শাহাদাত বরণ করেছেন। যে শাহাদাতের তৈরি বাসনা তিনি আজীবন লালন করেছেন। রাবী'আর মা শেষ কথাটিই বিশ্বাসযোগ্য মনে করেন এবং দুঃখ-বেদনায় ভীষণ কাতর হয়ে পড়েন। তারপর এক সময় স্বাভাবিক হয়ে তাঁর জন্য আল্লাহর দরবারে কায়মনোবাক্যে দু'আ করেন।

রাবী'আ তখন কৈশর পেরিয়ে যৌবনে পা রেখেছেন। তাঁদের শুভাকাঙ্ক্ষীরা তাঁর মাকে বললেন : আল্লাহর ইচ্ছায় রাবী'আ তো এখন বেশ লেখা-পড়া শিখেছে। সে তার সংগীদের ডিঙিয়ে কুরআন হিফ্য করেছে এবং হাদীছও বর্ণনা করা শুরু করেছে। এখন তার কোন একটি পেশা বেছে নিয়ে তাতে দক্ষ হওয়া উচিত হবে। তাহলে কিছু ভালো আয়-রোজগার করতে পারবে এবং আপনারা স্বচ্ছ জীবন ধাপন করতে পারবেন। মা বললেন : আমি আল্লাহর কাছে চাই, তিনি যেন তার জন্য এমন কিছু নির্বাচন করে দেন যাতে তার পার্থিব জীবনে সুন্দর জীবিকা এবং পরকালীন জীবনে সুখ-শান্তির ব্যবস্থা হয়। রাবী'আ নিজের জন্য জ্ঞানচর্চাকে বেছে নিয়েছে। সে সিদ্ধান্ত নিয়েছে, যতদিন বেঁচে থাকবে ততদিন ছাত্র ও শিক্ষক হয়েই থাকবে।

রাবী'আ নিজের জন্য যে পথ বেছে নেন, কোন রকম দ্বিধা-সংশয় ও জড়তা-অলসতা ছাড়াই সেই পথে চলতে থাকেন। মদীনার মসজিদে জ্ঞান চর্চার মজলিস ও আসরসমূহে অংশ গ্রহণ চলতে থাকে অবিচ্ছিন্নভাবে। তখনও যে সকল মহান সাহাবী জীবিত ছিলেন, তাঁদের নিকট, বিশেষতঃ রাসূলুল্লাহর (সা) খাদিম হ্যরত আনাস ইবন মালিকের (রা) আসরে অংশ গ্রহণ করতেন। প্রথম শ্রেণীর মহান তাবিঁঈ, যেমন সাইদ ইবন আল-মুসায়িব, মাকহূল আশ-শামী, সালামা ইবন দীনার (রহ) প্রমুখের দারসের মজলিসেও বসতেন। জ্ঞান চর্চায় তিনি অসাধারণ পরিশ্রম করতে লাগলেন। তাঁর এমন শ্রম ও সাধনা

দেখে অনেকে তাঁর প্রতি দয়া-ও সহানুভূতি প্রকাশ করতো। জবাবে তিনি বলতেন, আমি শিক্ষকদের মুখে শুনেছি :

إِنَّ الْعِلْمَ لَا يُعْطِيْكَ بَعْضُهُ إِلَّا أَعْطَيْتُهُ نَفْسَكَ كُلُّهَا.

“জ্ঞানের কিছু অংশ তোমাকে কেবল তখনই দান করা হবে যখন তুমি তাকে নিজের সবটুকু দান করবে।”

এরপর তাঁর নাম ও খ্যাতি চারিদিকে ছড়িয়ে পড়ে। তাঁর বক্তু-বাক্ষব, ছাত্র ও গুণমুক্তির সংখ্যা দিন দিন বৃদ্ধি পেতে থাকে। অতি অল্পকালের মধ্যে তিনি একজন নেতৃস্থানীয় ব্যক্তিতে পরিণত হন। প্রতিটি দিন তাঁর কাটে একটা নিয়ম ও শৃঙ্খলার মধ্য দিয়ে। দিনের একটি অংশ কাটে বাড়ীতে মায়ের সাথে এবং অপর অংশ কাটে মসজিদে নববীর জ্ঞান চর্চার হালকা ও মজলিসসমূহে। একই নিয়ম ও রীতিতে চলতে থাকেন দিনের পর দিন।

গ্রীষ্মের এক চন্দ্রালোকিত রাতে একজন অশ্঵ারোহী মুজাহিদ মদীনা মুনাওয়ারায় প্রবেশ করলেন। বয়স তাঁর ষাটের দশকের শেষ প্রাপ্তে। তিনি অশ্বের পিঠে বসেই সোজা তাঁর বাড়ীর দিকে যাচ্ছেন। তিনি জানেন না, এত দিন তাঁর বাড়ীটি ঠিক আছে, না কালের করাল গ্রাসে পরিণত হয়েছে। প্রায় তিরিশ বছর পর বা তার কাছাকাছি সময় হবে, তিনি সেই বাড়ী ছেড়ে যান। তিনি চলছেন, আর মনে মনে ভাবছেন তাঁর সেই যুবতী স্ত্রী ও তার গর্ভের সন্তানের কথা। তিনি ভাবছেন, সেই সন্তানটি কি ছেলে হয়েছিল, না মেয়ে? সে কি জীবিত ভূমিষ্ঠ হয়েছিল, না মৃত? জীবিত থাকলে বর্তমানে তার অবস্থা কি? বুখারা, সমরকন্দ ও তার আশে-পাশের অঞ্চলসমূহে জিহাদে যাওয়ার সময় জীবনের প্রথম ভাগে প্রাণ গন্তিমাত্রের যে বিপুল পরিমাণ অর্থ স্ত্রীর হাতে দিয়ে যান, সে কথাও মনে মনে ভাবছেন।

মদীনার রাস্তাঘাট এখনো পূর্বের মত মানুষের চলাচলে সরব। মসজিদে নববীতে সবেমাত্র ইঙ্গার সালাত শেষ হয়েছে। কিন্তু তিনি যাদের পাশ দিয়ে যাচ্ছেন তাদের কেউ তাঁকে চেনে না। কেউ তাঁর পরিচয় জিজেস করছে না, এমনকি তাঁর উন্নত জাতের অশ্বটি ও কাঁধে ঝোলানো তরবারিটির দিকেও তাকাচ্ছে না। তখন ইসলামী বিশ্বের শহরগুলোতে মানুষ সদ্য রণাঙ্গন থেকে আগত মুজাহিদের এমন দৃশ্য দেখতে অভ্যন্ত হয়ে পড়েছিল। কিন্তু এ অশ্বারোহীকে পথচারীরা মোটেই গুরুত্ব না দেওয়ায় তিনি ভীষণ দুঃখ পেলেন। নানা কথা তাঁর মনে উঁকি দিচ্ছে। এভাবে ভাবনার সাগরে ভাসতে ভাসতে হঠাৎ এক সময় তিনি নিজের বাড়ীর সামনে এসে পড়েন। বাড়ীর বাইরের দরজাটি খোলা ছিল। আনন্দের আতিশয্যে ভিতরে প্রবেশের অনুমতি নেওয়ার কথা ভুলে গিয়ে অশ্ব হাঁকিয়ে সোজা বাড়ীর ভিতরের আঙিনায় পৌঁছে যান।

আঙিনায় মানুষের উপস্থিতি বুঝতে পেরে বাড়ীর মালিক দোতলা থেকে উঁকি দিয়ে চাঁদের আলোতে দেখতে পান, একজন সশস্ত্র ব্যক্তি ভিতরে ঢুকে পড়েছে। তিনি মনে করলেন,

হয়তো ডাকাতির উদ্দেশ্যে সে চুকেছে। গৃহ-স্বামীর যুবতী স্ত্রী আগন্তক লোকটির দৃষ্টির আড়ালে দাঁড়িয়ে ব্যাপারটি লক্ষ্য করছেন। গৃহ-স্বামী রাগে-উভেজনায় খালি পেয়ে নীচে নেমে আসেন এবং ছঁকার ছেড়ে বলেন : ‘ওরে আল্লাহর দুশ্মন! রাতের অঙ্ককারে আমার বাড়ীতে ডাকাতি করতে চাস?’ -তিনি লোকটিকে কোন কথা বলার সুযোগ না দিয়ে নিজের আস্তানায় আক্রান্ত বাধের মত তার উপর ঝাপিয়ে পড়েন। দু’জনের ধন্তা-ধন্তি ও হাঁক-ডাকে চারিদিক থেকে প্রতিবেশীরা ছুটে আসে। আগন্তক লোকটিকে তারা ঘিরে ফেলে এবং যুবক গৃহ-স্বামী তাঁকে ধরে বেঁধে ফেলেন। চিংকার করে তিনি বলতে থাকেন : ওহে আল্লাহর দুশ্মন! তোকে আমি ছাড়বো না। তোকে আমি কাজীর নিকট সোপর্দ করবো।

লোকটি বললো : আমি আল্লাহর দুশ্মন নই। আমি কোন অপরাধ করিনি। এতো আমার বাড়ী, এ বাড়ী আমার কেনা। বাড়ীর দরজা খোলা দেখে আমি চুকে পড়েছি। তারপর তিনি উপস্থিত লোকদের দিকে তাকিয়ে বলেন : ভায়েরা! আমার কথা একটু শুনুন! এ বাড়ী আমার, নিজের অর্থে এটি আমি কিনি। ভায়েরা! আমি ফাররুখ। প্রতিবেশীদের মধ্যে এমন কেউ কি জীবিত নেই যে ফাররুখকে চেনে? যে ফাররুখ তিরিশ বছর পূর্বে জিহাদ ফৌ সাবীলিল্লাহর উদ্দেশ্যে চলে গিয়েছিল? গৃহ-স্বামীর মা মুমিয়ে ছিলেন। বাড়ীর আস্তিনায় শোরগোল শুনে তাঁর ঘূম ভেঙ্গে যায়। উপর তলার জানালা দিয়ে তাকিয়ে দেখতে পান, তাঁর স্বামী দাঁড়িয়ে। আনন্দ ও বিস্ময়ে তাঁর কণ্ঠরোধ হবার উপক্রম। মুহূর্তে নিজেকে সামলে নিয়ে চেঁচিয়ে বলে ওঠেন : তাঁকে ছেড়ে দাও। রাবী‘আ! ছেড়ে দাও। আমার ছেলে! ছেড়ে দাও। ইনি তোমার পিতা। আমার প্রতিবেশী ভায়েরা! আল্লাহ আপনাদের প্রতি দয়া ও অনুগ্রহ করুন। আপনারা নিজ নিজ বাড়ীতে ফিরে যান।

তারপর স্বামীকে লক্ষ্য করে বলেন, আবু ‘আবদির রহমান! এতক্ষণ আপনি যার সঙ্গে ধন্তা-ধন্তি করছিলেন, সে আপনার কলিজার টুকরো ছেলে।

কথাগুলো কানে যেতেই ফাররুখ দ্রুত রাবী‘আর দিকে এগিয়ে তাঁকে বুকে জড়িয়ে ধরেন। রাবী‘আও ফাররুখকে জড়িয়ে ধরে তাঁর হাত, মাথা, মুখে ও কাঁধে চুম দিতে থাকেন। প্রতিবেশীরা দাঁড়িয়ে দাঁড়িয়ে পিতা-পুত্রের এ মিলন দৃশ্য অবলোকন করে নিজ নিজ বাড়ীর দিকে চলে গেল।

রাবী‘আর মা নীচে নেমে আসলেন এবং স্বামীকে সালাম করলেন। তিরিশ বছর যাবত যাঁর সংগে কোন যোগাযোগ নেই, তাঁর সাথে যে এই পৃথিবীতে আবার দেখা হবে তা তিনি কখনো ধারণাই করতে পারেননি।

ফাররুখ তাঁর স্ত্রীর পাশে বসলেন। নিজের কথা বলতে লাগলেন, যোগাযোগ বিচ্ছিন্ন হওয়ার কারণও ব্যাখ্যা করলেন। কিন্তু স্ত্রী সেসব কথা শোনার দিকে তেমন মন নেই। স্বামীকে ফিরে পাওয়া ও ছেলের সাথে পিতার সাক্ষাতের সব আনন্দ একটা ভয় স্থান করে দিচ্ছে। তাঁর ভয় হচ্ছে, কখন না জানি তিনি তাঁর রেখে যাওয়া বিপুল অঙ্কের অর্থের কথা জিজেস করে বসেন এবং কোথায় কিভাবে তা খরচ করা হয়েছে তা জানতে চান!

যাবার সময় তিনি বলে যান, হিসেব করে প্রয়োজন মত খরচ করবে। এখন তো সেই অর্থের কিছুই অবশিষ্ট নেই। একথা শোনার পর তাঁর প্রতিক্রিয়া কি হবে এবং তিনি কি তাঁর কথা বিশ্বাস করবেন? তিনি তো সে অর্থ তাঁর ছেলের শিক্ষা ও প্রশিক্ষণের জন্য ব্যয় করেছেন। ছেলের জন্য ব্যয়ের পরিমাণ কি তিরিশ হাজার দীনারে পৌছবে? তিনি কি বিশ্বাস করবেন তাঁর ছেলের হাত বৰ্ষণরত মেঘের চেয়েও উদার? তাঁর ছেলের হাতে একটি দীনার ও দিরহামও থাকে না? গোটা মদীনা জানে, সে তাঁর বন্ধুদের জন্য হাজার হাজার দিরহাম খরচ করে।

রাবী'আর মা যখন এসব চিন্তায় নিমগ্ন তখন পাশে বসা তাঁর স্বামী বললেন : রাবী'আর মা! আমি তোমার জন্য আরো চার হাজার দীনার নিয়ে এসেছি। এখন পূর্বে রেখে যাওয়া দীনারগুলো বের কর এবং তার সাথে এগুলো মিলিয়ে রেখে দাও। তারপর এ অর্থ দিয়ে আমরা একটি বাগিচা অথবা ভূমি ক্রয় করবো। তাতে উৎপাদিত ফসল দ্বারা আমরা আমাদের বাকী জীবন স্বাচ্ছন্দে কাটিয়ে দেব।

রাবী'আর মা কোন উত্তর না দিয়ে চুপ থাকলেন। স্বামী আবার তাগাদা দিয়ে বললেন : ওঠো তো, দেখি সেই অর্থ কোথায় রেখেছো? তার সাথে ইইগুলো মিলিয়ে রাখি। তিনি বললেন : দীনারগুলো যেখানে রাখা উচিত সেখানেই রেখেছি। অল্প কিছুদিন পরেই আমি তা বের করবো ইনশাআল্লাহ।

মুআফ্যিনের আবান ধ্বনি স্বামী-স্তীর কথা বন্ধ করে দিল। ফাররুখ ওয়ু করার জন্য উঠে গেলেন। ওয়ু শেষ করে দ্রুত দরজার দিকে যেতে যেতে বললেন : রাবী'আ কোথায়? বাড়ির সবাই বলে উঠলো : আবানের প্রথম তাকবীর শোনা মাত্র সে মসজিদে চলে গেছে। আপনি জামা'আত পাবেন বলে আমাদের মনে হয় না।

ফাররুখ মসজিদে পৌছে দেখলেন, ইমাম সাহেব এই মাত্র নামায শেষ করেছেন। তিনি একাকী নামায আদায় করেন। তারপর এক পা, দু'পা করে রাসূলে কারীমের (সা) কবর শরীফের দিকে এগিয়ে যান এবং সেখানে কিছুক্ষণ দাঁড়িয়ে দুরুদ ও সালাম পেশ করেন। সেখান থেকে পবিত্র 'রাওজা'র^২ দিকে যান দু'রাক'আত নামায আদায়ের জন্য। এ বাসনা তিনি দীর্ঘকাল চেপে রেখেছেন নিজের অন্তর মাঝে। একটি স্থান বেছে নিয়ে সেখানে দাঁড়িয়ে নামায আদায় করেন, তারপর অন্তর খুলে হাত উঠিয়ে আল্লাহর দরবারে দু'আ করেন।

তিনি মসজিদ থেকে বের হতে যাবেন, তখন দেখলেন মসজিদের আঙিনায় বিশাল এক ইল্মী মজলিস (জ্ঞান চর্চার আসর)। জ্ঞান চর্চার এমন আসর তিনি জীবনে আর কোন দিন দেখেননি। মানুষ শায়খকে কেন্দ্র করে একের পর এক সারি দিয়ে গোলাকৃতিতে বসে আছে। আঙিনায় পা ফেলার জায়গা নেই। চারিদিকে চোখ ঘুরিয়ে দেখেন, সেখানে পাগড়ি পরিহিত অনেক বয়স্ক শায়খ ও বহু সমানিত ব্যক্তিও বসে আছেন। তাঁদের

২. রাসূলুল্লাহর (সা) কবর ও তাঁর মিহরের মধ্যবর্তী স্থান। (সুওরুন মিন হায়াত আত-তাবি'ঈন-১৪৯)

পোশাক দেখেই বুঝা যাচ্ছে তাঁরা সর্বজন শ্রদ্ধেয় ব্যক্তিবর্গ। বহু যুবক হাঁটু গেড়ে বসে আছে, হাতে তাদের কলম। শায়খের মুখ থেকে উচ্চারিত প্রতিটি কথা এমনভাবে লিখে নিচ্ছে যেন ছড়ানো মুক্তো তারা কুড়াচ্ছে। অতি মূল্যবান জিনিস যেভাবে সংরক্ষণ করা হয় সেভাবে তারা তাদের দফতরসমূহে শায়খের বাণী সংরক্ষণ করছে। শায়খ যেখানে বসে আছেন মানুষের দৃষ্টি সেদিকে নিবন্ধ। তারা সকলে নিরব-নিখর। শায়খের থেকে যারা দূরে তাদের নিকট শায়খের বাণী পৌছে দিচ্ছে একটু দূরে দূরে দাঁড়ানো একদল মুবালিগ। তাঁরা শায়খের প্রতিটি কথা ধীরে ধীরে একটি একটি করে বাক্য জোরে জোরে উচ্চারণ করে দূরবর্তীদের নিকট পৌছে দিচ্ছে। ফাররুখ শায়খকে দেখার জন্য চেষ্টা করলেন, কিন্তু সক্ষম হলেন না। কারণ, তাঁর অবস্থান তো মজলিসের শেষ প্রান্তে।

শায়খের চমৎকার বাচনভঙ্গি, অগাধ জ্ঞান ও বিস্ময়কর স্মৃতিশক্তি দেখে তিনি ভীষণ মুঝ। তিনি আরো বিস্মিত তাঁর প্রতি মানুষের বিনয় ও ভক্তি-শ্রদ্ধা দেখে।

অল্প কিছুক্ষণ পর শায়খ তাঁর মজলিস ভেঙ্গে দিয়ে যাওয়ার জন্য উঠে দাঁড়ালেন। শ্রোতারাও উঠে দাঁড়িয়ে হড়মুড় করে তার দিকে এগিয়ে তাঁকে ঘিরে ধরলো। তারপর তারা সকলে শায়খের পিছে পিছে গিয়ে তাঁকে মসজিদের দরজা পর্যন্ত পৌছে দিল।

ফাররুখ তাঁর পাশে বসা লোকটির দিকে তাকিয়ে বললো : অনুগ্রহ করে বলুন তো এ শায়খের পরিচয় কি? লোকটি বিস্ময়ের সুরে বললো : কি ব্যাপার, আপনি কি মদীনায় থাকেন না? বললেন : হাঁ, আমি মদীনায় থাকি। লোকটি বললো : মদীনায় এমন একজনও কি আছে যে, এই শায়খকে চেনে না? ফাররুখ বললেন : আমি যে তাঁকে চিনিনে এজন্য আমাকে ক্ষমা করবেন। আমি প্রায় তিরিশ বছর মদীনার বাইরে ছিলাম। এই গতকাল মাত্র ফিরেছি। লোকটি বললো : ঠিক আছে, আমার কাছে কিছুক্ষণ বসুন, আমি আপনাকে শায়খ সম্পর্কে বলছি। তারপর লোকটি বললো : এই মাত্র যে শায়খের কথা শুনেছেন তিনি নেতৃস্থানীয় তাবি'ঈদের একজন এবং মুসলিম উম্মাহর অন্যতম শ্রেষ্ঠ 'আলিম। তিনি মদীনার মুহাদ্দিছ, ফকীহ এবং ইমাম। যদিও তিনি বয়সে একজন তরুণ।

ফাররুখ বললেন : মাশাআল্লাহ! লা কুওয়াতা ইল্লা বিল্লাহ।

লোকটা বলতে লাগলো : আপনি তো দেখেছেন, তাঁর মজলিসে সমাবেশ ঘটে মালিক ইবন আনাস, আবু হানীফা আন-নু'মান, ইয়াহইয়া ইবন সাঈদ আল-আনসারী, সুফিইয়ান আচ-ছাওরী, 'আবদুর রহমান ইবন 'আমর আল-আওয়া'ঈ, আল-লায়ছ ইবন সাঈদ (রহ) ও আরো অনেকের।

ফাররুখ কিছু বলতে চাইলেন। তবে লোকটি তাঁর কথা শেষ করতে না দিয়ে আবার বলতে লাগলেন : উপরন্তু তিনি একজন উন্নত চরিত্রের নেতৃস্থানীয় ব্যক্তি। দারুণ বিনয় ও দানশীল। মদীনাবাসীরা এমন উদার দানশীল মানুষ খুব কমই দেখেছে। দুনিয়ার ভোগ-ঐশ্বর্যের প্রতি উদাসীনতা এবং পরম আল্লাহ নির্ভরতা তাঁর চরিত্রের একান্ত বৈশিষ্ট্য।

ফাররুখ বললেন : কিন্তু তাঁর নামটি তো বললেন না। লোকটি বললো : ও, হঁ, তাঁর নাম রাবী'আতুর রায়।

ফাররুখ উচ্চারণ করলেন : রাবী'আতুর রায়!

লোকটি বললো : হঁ, তাঁর নাম রাবী'আ। তবে মদীনার 'আলিম ও জ্ঞানী-গুণী ব্যক্তিগণ তাঁর নামের সাথে আর-রায় যোগ করে রাবী'আতুর রায় বলে থাকেন। কারণ, কোন মাসযালায় যখন তারা কুরআন ও সুন্নাহতে সরাসরি কোন সমাধান খুঁজে পান না তখন তাঁরা রাবী'আর শরণাপন্ন হন। তিনি কিয়াসের মাধ্যমে এমন চমৎকার সমাধান দেন যে, সকল শ্রেণীর মানুষ সন্তুষ্ট হয়ে যায়।

ফাররুখ বললেন : কিন্তু আপনি তো তাঁর পিতার নাম বললেন না।

লোকটি বললো : তিনি রাবী'আ ইবন ফাররুখ।

অর্থাৎ তাঁর পিতার নাম ফাররুখ। তবে তাঁর কুনিয়াত বা ডাকনাম আবু 'আবদির রহমান। তাঁর পিতা আল্লাহর রাস্তায় জিহাদের উদ্দেশ্যে মদীনা ত্যাগের পর তাঁর জন্ম হয়। মা-ই তাঁকে লালন-পালন ও লেখাপড়া শেখান। নামাযের কিছুক্ষণ আগে আমি মানুষের মুখে শুনেছি গত রাতে তিনি বাড়ী ফিরেছেন।

এতটুকু শোনার পর ফাররুখের দুঁচোখ থেকে অশ্রু গড়িয়ে পড়ে। লোকটি এর কারণ বুঝতে পারলো না। ফাররুখ বাড়ীর দিকে পা বাঢ়ালেন। বাড়ীতে পৌছার পর রাবী'আর যা তাঁর চোখে পানি দেখে জিজ্ঞেস করেন : রাবী'আর আবু! আপনার কী হয়েছে?

বললেন : আমার কিছুই হয়নি, আমি ভালো আছি। মসজিদে আমার ছেলেকে জ্ঞান ও মর্যাদার যে আসনে আমি দেখেছি, এর আগে তেমন আর কাউকে দেখিনি।

সুযোগ বুঝে এবার রাবী'আর মা বললেন : সেই তিরিশ হাজার দীনার এবং আপনার ছেলের জ্ঞান ও মর্যাদার এই উচ্চাসন লাভ-এর কোনটি আপনার বেশি প্রিয়?

ফাররুখ বললেন : আল্লাহর কসম! দুনিয়ার সকল সম্পদ আমার হাতে থাকার চেয়ে ছেলের এই অবস্থানই আমার বেশি প্রিয়।

রাবী'আর মা বললেন : যে অর্থ আপনি রেখে গিয়েছিলেন তা সবই আমি আপনার এই ছেলের পিছনে ব্যয় করেছি। আমি যা করেছি তাতে কি আপনি খুশী?

বললেন : হঁ, আমি দারুণ খুশী।^৩

রাবী'আর পরিচয়

রাবী'আর ডাকনাম আবু 'উছমান, উপাধি আর-রায়। পিতা আবু 'আবদির রহমান ফাররুখ। তিনি বানু তাইম ইবন আল-জারবাহ-এর দাস ছিলেন। এই দাসের ঘরে জন্ম প্রাপ্ত করে রাবী'আ পরবর্তীকালে জ্ঞানের জগতের উচ্চাসন অলঙ্কৃত করেন। একটি বর্ণনা মতে তাঁর পিতা বানু মাররা গোত্রের আল-হুদাইর শাখার দাস ছিলেন।^৪

৩. প্রাণ্ত-১৩৫-১৫৫; তাহ্যীব আল-কামাল-৬/১৬৪-১৬৫

৪. তাহ্যীব আল-কামাল-৬/১৬৬

তিনি ছিলেন মদীনার একজন অন্যতম শ্রেষ্ঠ ‘আলিম তাবি’ঈ। তাঁর অগাধ পাণ্ডিত্য ও জ্ঞানের গভীরতা ‘আলিম-মুহাদিছগণ কর্তৃক স্বীকৃত ছিল। ইমাম নাওবী (রহ) লিখেছেন, তাঁর মহস্ত, মর্যাদা, জ্ঞান ও বুদ্ধিভূতিক শ্রেষ্ঠতার ব্যাপারে ‘আলিম ও মুহাদিছগণ একমত।^৫ ইমাম আয়-যাহাবী (রহ) বলেন :^৬

কান إماما حافظا فقيها مجتهدا بصيرا بالرأى ولذلك يقال له ربعة الرأى.
“তিনি ছিলেন একাধারে হাদীছের হাফিজ, ফকীহ, মুজতাহিদ এবং বুদ্ধি ও যুক্তি প্রয়োগের ক্ষেত্রে গভীর অন্তর্দৃষ্টির অধিকারী। আর এ কারণে তাঁকে রাবী‘আতুর রায় বা যুক্তিবাদী রাবী‘আ বলা হয়। খতীব আল-বাগদাদী বলেন :^৭

كان فقيها عالما حافظا للفقه والحديث.

“তিনি ছিলেন একজন ফকীহ, ‘আলিম এবং ফিকহ ও হাদীছের হাফিজ।” ইমাম আহমদ ইবন হাস্বল, ‘আবদুল্লাহ আল-ইজলী, আবু হাতিম ও আন-নাসাই তাঁকে “ছিকা” বা বিশ্বস্ত বলেছেন। আর ইয়া‘কুব ইবন শায়বা তাঁকে মদীনার মুফতী ও অত্যন্ত দৃঢ়পদ ব্যক্তি বলেছেন।^৮

শিক্ষা

পিতার রেখে যাওয়া তিরিশ হাজার দীনার রাবী‘আর মা তাঁর ছেলের শিক্ষার পিছনে ব্যয় করেন। তিনি ছিলেন অত্যন্ত মেধাবী। এ কারণে খুব দ্রুত শিক্ষা জীবন শেষ করেন। যৌবনের সূচনাতেই সেকালে প্রচলিত সকল শাস্ত্রে অগাধ জ্ঞানের অধিকারী হন। মাত্র ছাবিশ/সাতাশ বছর বয়সে তাঁর খ্যাতি দূর-দূরান্তে ছড়িয়ে পড়ে। তিনি মানুষের জ্ঞান-পিপাসা নিবারণের উৎসে পরিণত হন।

হাদীছ

হ্যরত রাবী‘আর (রহ) যে খ্যাতি তা প্রধানতঃ তাঁর ফিকহ শাস্ত্রে অতুলনীয় দক্ষতার কারণে। তবে তিনি হাদীছেরও একজন প্রথম শ্রেণীর হাফিজ ছিলেন। তাঁর স্মৃতিতে হাদীছ ধারণের ব্যাপারে সকল ইমাম একমত। আল্লামা ইবন সা‘দ তাঁকে বিশ্বস্ত ও বহু হাদীছের ধারক ও বর্ণনাকারী বলেছেন। খতীব আল-বাগদাদী তাঁকে ফিকহ ও হাদীছের হাফিজ বলেছেন। আল্লামা যাহাবী বলেছেন, তিনি একজন ইমাম ও হাফিজে হাদীছ ছিলেন।^৯ হাদীছ বিষয়ে তাঁর অসামান্য দক্ষতা তার সমকালীনদের নিকট স্বীকৃত ছিল। একবার ‘আবদুল ‘আয়ী ইবন আবী সালামা ইরাক গেলেন। ইরাকীরা তাঁকে বললো,

৫. তাহ্যীব আত-তাহ্যীব-১/১৫৯

৬. তায়কিরাতুল হফফাজ-১/১৫৭

৭. তারীখু বাগদাদ-৮/৪২১; তায়কিরাতুল হফফাজ-১/১৫৭

৮. তাহ্যীব আল-কামাল-৬/১৬৪

৯. তাহ্যীব আত-তাহ্যীব-৩/২৫৮; তায়কিরাতুল হফফাজ-১/১৫৭

আপনি কি রাবী'আ আর-রায় বা যুক্তিবাদী রাবী'আর হাদীছসমূহ শুনেছেন? তিনি বললেন, তোমরা যাকে যুক্তিবাদী রাবী'আ বলছো, আল্লাহর কসম! আমি তাঁর চেয়ে সুন্নাহ বিষয়ে অধিক অভিজ্ঞ আর কাউকে দেখিনি।^{১০} ইবনুল মাজেশুন বলেন :^{১১}

ما رأيت أحداً أحفظ لسنة من ربعة.

'আমি রাবী'আর চেয়ে সুন্নাহ অধিক স্মৃতিতে ধারণকারী আর কাউকে দেখিনি।' বিখ্যাত মুহাদিছ ইয়াহইয়া ইবন সাঈদ ছিলেন রাবী'আর বিশেষ ছাত্র। তিনি তাঁর উস্তাদ রাবী'আর জীবনদৃশ্যায়ই একজন খ্যাতিমান মুহাদিছ হিসেবে স্বীকৃতি লাভ করেন। তিনি স্থীয় উস্তাদের অনুপস্থিতিতে হাদীছের দারস দিতেন।^{১২} এ দ্বারাও অনুমান করা যায় হাদীছ শাস্ত্রে হ্যরত রাবী'আর (রহ) স্থান কী ছিল।

সাহাবায়ে কিরামের (রা) মধ্যে হ্যরত আনাস ইবন মালিক ও সায়িব ইবন ইয়ায়ীদ (রা) এবং তাবি'ঈদের মধ্যে হানজালা ইবন কায়স, মুহাম্মাদ ইবন ইয়াহইয়া, সাঈদ ইবন আল-মুসায়িব, কাসিম ইবন মুহাম্মাদ, ইবন আবী লায়লা, আ'রাজ, মাকহূল, 'আবদুল্লাহ ইবন ইয়ায়ীদ (রহ) প্রমুখ মুহাদিছ থেকে হাদীছের জ্ঞান অর্জন করেন।

অন্যদিকে ইয়াহইয়া ইবন সাঈদ, তাঁর ভাই ইবন 'আবদি রাবিহি, সুলায়মান আত-তায়মী, মালিক, শু'বা, সুফিয়ান ছাওরী, সুফিয়ান ইবন 'উয়াইনা, হামাদ ইবন সালামা, লাইছ আওয়া'ঈ, সুলায়মান ইবন বিলাল, ইসমাঈল ইবন জা'ফার, আনাস ইবন দামরা (রহ) প্রমুখের মত বড় বড় মুহাদিছ তাঁর ছাত্র ছিলেন।^{১৩}

ফিকহ

ফিকহ শাস্ত্রে ছিল হ্যরত রাবী'আর (রহ) বিশেষ ব্যৃৎপত্তি। তিনি ছিলেন এ শাস্ত্রের একজন ইমাম ও মুজতাহিদ এবং খ্যাতিতে তাঁর সমকালীন অন্য সকলকে অতিক্রম করে যান। তাঁর ফিকহ বিষয়ে দক্ষতার ক্ষেত্রে তাঁর স্বত্বাবগত যোগ্যতা তাঁকে বিশেষভাবে সাহায্য করে। তিনি দারুণ মেধাবী ও প্রতিভাবন ছিলেন। ইয়াহইয়া সাঈদ বলেন, আমি তাঁর চেয়ে বেশি সঠিক বুদ্ধির মানুষ আর দেখিনি।^{১৪} এই অসাধারণ মেধা ও বুদ্ধিমত্তা তাঁর মধ্যে ইজতিহাদের যোগ্যতা সৃষ্টি করে দেয়। সুতরাং কিয়াস ও বুদ্ধি প্রয়োগ করে বিভিন্ন মাসয়ালার সমাধান বের করতে পারঙ্গম ছিলেন। এ কারণে তাঁকে যুক্তি ও বুদ্ধিবাদী অভিধায় ভূষিত করা হয়।^{১৫}

ফিকহ শাস্ত্রে এমন দক্ষতার কারণে তৎকালীন জ্ঞানের নগরী মদীনার ইফতার মসনদে আসীন হন। মুস'আব আয়-যুবায়রী বলেন :

১০. তারীখু বাগদাদ-৮/৪২৪; তাহ্যীব আল-কামাল-৬/১৬৬

১১. তায়কিরাতুল হফ্ফাজ-১/১৫৮; সুওয়ারুন মিন হায়াত আত-তাবি'ঈন-১৩৫

১২. তারীখু বাগদাদ-৮/৪২৩

১৩. তাহ্যীব আত-তাহ্যীব-৩/২৫৮; তাহ্যীব আল-কামাল-৬/১৬৬

১৪. তারীখু বাগদাদ-৮/৪২৩; তাবি'ঈন-১২০

১৫. তায়কিরাতুল হফ্ফাজ-১/১৫৭

هو صاحب الفتوى بالمدينة. كان يجلس إليه وجوه الناس.

“তিনি মদীনার একজন যুক্তি ছিলেন। বহু সম্মানীয় ব্যক্তি তাঁর ফাতওয়ার মজলিসে বসতেন।”^{১৬}

আব্বাসীয় খিলাফত প্রতিষ্ঠার পর প্রথম খলীফা আবুল ‘আব্বাস আস-সাফ্ফাহ তাঁকে ডেকে নিয়ে বিচারক হিসেবে নিয়োগ দেন। ইমাম মালিক (রহ) ছিলেন তাঁর বিশেষ ছাত্র। প্রিয় উস্তাদের ইনতিকালের পর তাঁর মৃখ থেকে উচ্চারিত হয় :^{১৭}

ذهبت حلاوة الفقه منذ مات ربعة بن أبي عبد الرحمن.

“এখন ফিক্হর মিষ্ট-মাধুর্য চলে গেল।” ইমাম আ’জম আবু হানীফার (রহ) মত শ্রেষ্ঠ ফকীহ এবং যুক্তি ও কিয়াস প্রয়োগকারী ব্যক্তিও রাবী‘আর মজলিসে হাজির হতেন এবং তাঁর কথা ও সিদ্ধান্তসমূহ বুবার চেষ্টা করতেন।^{১৮}

ফাতওয়া দানে তাঁর সতর্কতা

ইজতিহাদ, যুক্তি ও কিয়াস প্রয়োগে এত ক্ষমতা ও দক্ষতা থাকা সত্ত্বেও কোন মাসয়ালায় যুক্তি ও কিয়াস প্রয়োগের ক্ষেত্রে দারুণ সতর্কতা অবলম্বন করতেন। কোন হাদীছের ভিত্তিতে ছাড়া জবাব দেওয়া মোটেই পছন্দ করতেন না। ‘আবদুল ‘আয়ীয় ইবন আবী সালামা বলেন, তিনি যখন অন্তিম রোগ শয়্যায় তখন আমি একদিন তাঁকে বললাম আমরা আপনার নিকট থেকে বিভিন্ন মাসয়ালার সমাধান পেয়ে থাকি। অনেক সময় এমন হয় যে, মানুষ এমন সব মাসয়ালা জিজ্ঞেস করে যে বিষয়ে আমাদের নিকট কোন হাদীছ থাকে না, আর আমাদের দৃঢ় প্রত্যয় থাকে যে, উক্ত মাসয়ালায় আমাদের সিদ্ধান্ত তাদের সিদ্ধান্ত থেকে উত্তম হবে, এমন অবস্থায় আমরা কি আমাদের বুদ্ধি ও যুক্তির ভিত্তিতে ফাতওয়া দিয়ে দেব? আমার কথা শুনে তিনি অন্যের সাহায্য নিয়ে উঠে বসলেন, তারপর বললেন : ‘আবদুল ‘আয়ীয়, তোমাদের জন্য আফসোস! কোন মাসয়ালায় জ্ঞান ছাড়া জবাব দানের চেয়ে এটাই উত্তম যে তোমরা মূর্খ অবস্থায় মৃত্যু বরণ কর। কথাটি তিনি তিনবার উচ্চারণ করেন।^{১৯}

তাঁর সমকালীন মনীষীদের মূল্যায়ন

হযরত রাবী‘আর (রহ) সমকালীনদের মধ্যে তাঁর জ্ঞানগত শ্রেষ্ঠত্ব স্বীকৃত ছিল। ‘উবায়দুল্লাহ ইবন উমার বলতেন : “রাবী‘আ ছিলেন আমাদের সকল জট উন্মোচনকারী, আমাদের ‘আলিম এবং আমাদের সবার চেয়ে

১৬. প্রাণক্ষেত্র-১/১৫৮; তাহ্যীব আল-কামাল-৬/১৬৬

১৭. তারীখ বাগদাদ-৮/৪২৬; তাহ্যীব আল-কামাল-৬/১৬৭

১৮. প্রাণক্ষেত্র

১৯. তাহ্যীব আত-তাহ্যীব-৩/২৫৯; তাহ্যীব আল-কামাল-৬/১৬৪, টীকা-১

উত্তম।”^{২০} মু’আয ইবন মু’আয বলেন, সাওয়ার ইবন ‘আবদিল্লাহ বলতেন, আমি রাবী’আর চেয়ে বড় কোন ‘আলিমকে দেখিনি। আমি বললাম : হাসান ‘আল-বসরী ও ইবন সীরীনকেও দেখেননি? বললেন : হাসান ও ইবন সীরীনকেও না।^{২১} ইয়াহইয়া ইবন সাইদ বলতেন :^{২২}

ما رأيت أحداً أفطن من ربعة بن عبد الرحمن.

“আমি রাবী’আ ইবন ‘আবদির রহমানের চাইতে বেশি তীক্ষ্ণধী আর কাউকে দেখিনি।”

ইয়াহইয়া ইবন সাইদ যদিও তাঁর অন্যতম সুযোগ্য ছাত্র ছিলেন, তবে বয়সে উভয়ে সমান ছিলেন। তিনিও দারস (পাঠ দান) ও ফাতওয়া দিতেন। তবে রাবী’আর (রহ) উপস্থিতিতে কখনো দারস দিতেন না।^{২৩} সমকালীনদের মধ্যে তাঁর সমর্পণ্যায়ের ব্যক্তিবর্গও ছিলেন। তাঁর শায়খগণও তাঁর অগাধ জ্ঞানের কথা অকপটে স্বীকার করতেন। তাঁর শায়খ কাসিম ইবন মুহাম্মাদ; যখন তাঁকে কোন মাসয়ালা জিজেস করা হতো তখন যদি কুরআন ও হাদীছে তার জবাব পেয়ে যেতেন, নিজেই বলে দিতেন। অন্যথায় প্রশ্নকারীকে রাবী’আর নিকট পাঠিয়ে দিতেন। ইমাম আহমাদ ইবন হাম্বল বলেন, তিনি ছিলেন একজন “ছিকা” বা বিশ্বস্ত বর্ণনাকারী।^{২৪} ইমাম মালিক বলেন : কাসিম ইবন মুহাম্মাদ ও সালিম ইবন ‘আবদিল্লাহর (রহ) মৃত্যুর পর তাঁদের দু’জনের কাজের দায়িত্ব রাবী’আর উপর অর্পিত হয়।^{২৫}

তাঁর দারসের মজলিস

তাঁর দারসের মজলিসে অসংখ্য মানুষের সমাগম হতো। মজলিসটি অত্যন্ত প্রশংসন্ত হতো। তাতে মদীনার বড় বড় ‘আলিম, সরকারী কর্মকর্তা ও অভিজাত শ্রেণীর লোকেরাও শরীক হতেন। ইমাম মালিক, ইয়াহইয়া আনসারী, ইমাম আওয়াঙ্গি, খ’বা (রহ) প্রমুখের মত ব্যক্তিবর্গও সেখান থেকে ফায়দা হাসিল করতেন। খ্তীব আল-বাগদাদী বলেন, একবার গুনে দেখা গেল চাল্লাশজন বড় বড় পাগড়ীধারী ব্যক্তি তাঁর দারসের মজলিসে উপস্থিত আছেন।^{২৬}

তাঁর ভোগ-বিলাস বিমুখ জীবন ও ইবাদাত-বন্দেগী

এত জ্ঞান ও বুদ্ধির সাথে সাথে তিনি একজন বড় ‘আবিদ ও দুনিয়ার ভোগ-বিলাস বিমুখ ব্যক্তি ছিলেন। এ প্রসঙ্গে ‘আবদুর রহমান ইবন যায়দ ইবন আসলাম বলেন :^{২৭}

২০. তারীখু বাগদাদ-৮/৪২৩; তাহ্যীব আল-কামাল-৬/১৬৬

২১. তায়কিরাতুল হফ্ফাজ-১/১৫৭

২২. তাহ্যীব আল-কামাল-৬/১৬৬

২৩. তারীখু বাগদাদ-৮/৪২৩; তাবি’ঈন-১২২

২৪. তাহ্যীব আল-কামাল-৬/১৬৬

২৫. তায়কিরাতুল হফ্ফাজ-১/১৫৮

২৬. তাহ্যীব আত-তাহ্যীব-৩/২৫৯

২৭. তাহ্যীব আল-কামাল-৬/১৬৬; তায়কিরাতুল হফ্ফাজ-১/১৫৭

مکث ربیعہ دھرا طویلا عابدا یصلی اللیل والنهار صاحب عبادۃ ثم نزع ذلك إلى أن
جالس القوم فجالس القاسم فنطق بلب وعقل. وكان القاسم إذ سئل عن شئ ، قال :
سلوا هذا - لربیعہ - قال : فان كان شيئا في كتاب الله أخبرهم به القاسم أولى سنة
نبیه وإلا قال : سلوا هذا لربیعہ - أو سالم.

‘রাবী’আ একটা দীর্ঘ সময় পর্যন্ত ইবাদাত-বন্দেগীতে নিমগ্ন থাকেন। রাত-দিন নামায
পড়তেন। কিন্তু পরে যখন দারসের মজলিসে, বিশেষতঃ কাসিম ইবন মুহাম্মাদের
মজলিসে বসতে লাগলেন তখন যুক্তি ও বুদ্ধির সাথে কথা বলা আরম্ভ করলেন।
কাসিমকে কোন বিষয়ে জিজ্ঞেস করা হলে তিনি বলতেন, এটা রাবী’আকে জিজ্ঞেস কর।
প্রশ্নের জবাবটি যদি কিতাবুল্লাহ অথবা নবীর সুন্নাহতে পাওয়া যেত তাহলে তিনি বলে
দিতেন, অন্যথায় বলতেন, রাবী’আ অথবা সালিমকে জিজ্ঞেস কর।’

ধন-সম্পদের প্রতি নির্মোহ ভাব

তিনি ধন-সম্পদ ও অর্থ-বিত্তের প্রতি দারুণ নির্মোহ স্বভাবের ছিলেন। খলীফা ও ক্ষমতার
অধিকারী ব্যক্তিদের কোন প্রকার দান-অনুগ্রহ গ্রহণ করাও পছন্দ করতেন না। একবার
সম্ভবতঃ বিচারকের দায়িত্ব পালনের ধারাবাহিকতায় খলীফা আবুল ‘আকবাস আস-
সাফ্ফাহ-এর নিকট যান। তিনি তাঁকে সম্মানী হিসেবে কিছু অর্থ দিতে চান। তিনি
বিনয়ের সাথে তা গ্রহণ করতে অস্বীকৃতি জানান। অতঃপর সাফ্ফাহ তাঁকে দাসী দ্রয়
করার নাম করে পাঁচ হাজার দিরহাম দিতে চান, তিনি তাও গ্রহণ করেননি।^{২৮}
অপরদিকে তিনি ছিলেন অত্যন্ত দানশীল। উদার হস্তে দান করতেন। বঙ্গ-বাঙ্গব, তাদের
ছেলে-মেয়ে এবং সাধারণ প্রার্থীদের জন্য তাঁর অর্থ-সম্পদ ছিল নিবেদিত।^{২৯} ইবন
ওয়াহাব বলেন :^{৩০}

إن ربیعة كان من الأجواد أنفق على إخوانه أربعين ألف دینار.

‘রাবী’আ ছিলেন একজন অন্যতম দানশীল ব্যক্তি। বঙ্গ-বাঙ্গব ও আতীয়-স্বজনের জন্য
তিনি চল্লিশ হাজার দীনার ব্যয় করেন।’

বাগ্যিতা

রাবী’আ ছিলেন একজন বাগ্যী ব্যক্তি। চমৎকার প্রাঞ্জল ভাষায় কথা বলতেন। তিনি যখন
কথা বলতেন শ্রোতারা মুক্ত হয়ে শুনতো। কথাও বলতেন বেশি। তিনি বলতেন :^{৩১}

২৮. তারীখু বাগদাদ-৮/৪২৫; ইবন কুতায়বা : আল-মা’আরিফ-২১৭

২৯. তাহ্যীব আল-কামাল-৬/১৬৭; তারীখু বাগদাদ-৮/৪২৪

৩০. তায়কিরাতুল হফ্ফাজ-১/১৫৭

৩১. আল-বায়ান ওয়াত তাবয়ীন-১/১০২

الساكت بين النائم والأخرس.

“চুপচাপ ব্যক্তির অবস্থান ঘূমন্ত ও বোৰা ব্যক্তির মধ্যবর্তী স্থানে।”

তিনি সব সময় কথা বলতেন। একদিন নিজের মজলিসে বসে কথার ফুলবুরি ছড়িয়ে যাচ্ছেন। এমন সময় একজন মরবাসী বেদুইন এসে বসে এবং দীর্ঘক্ষণ চুপচাপ তাঁর মিষ্টি-মধুর কথা শুনতে থাকে। রাবী‘আ বুবলেন, লোকটি তাঁর বাগিতায় জানুগন্ত হয়ে পড়েছে। সেকালে বেদুইনদের অলঙ্কারমণ্ডিত ভাষা- বিশুদ্ধতা সর্বজন স্বীকৃত ছিল। সম্ভবতঃ রাবী‘আ তার মুখ থেকে নিজের ভাষার প্রশংসা শোনার জন্য তাকে প্রশ্ন করেন : তোমাদের নিকট ভাষা-অলঙ্কারের সংজ্ঞা কি? সে জবাব দেয় : অল্প কথায় ভাব প্রকাশ করা। রাবী‘আ আবার তাকে প্রশ্ন করেন : বাগিতার অক্ষমতা কাকে বলে? বেদুইন জবাব দেয় : যাতে আপনি নিজে আক্রান্ত হয়ে পড়েছেন। তার এমন চমৎকার জবাব শুনে রাবী‘আ লজ্জা পেলেন।^{৩২}

আল্লাহ বলেন :^{৩৩}

اللَّهُ الَّذِي خَلَقَ السَّمَاوَاتِ وَالْأَرْضَ وَمَا بَيْنَهُمَا فِي سِتَّةِ أَيَّامٍ ثُمَّ اسْتَوَى
عَلَى الْعَرْشِ.

‘আল্লাহ, যিনি আকাশমণ্ডলী, পৃথিবী এবং এ দু’য়ের অন্তর্বর্তী সমস্ত কিছু সৃষ্টি করেছেন ছয় দিনে। অতঃপর তিনি ‘আরশে সমাসীন হন।’

সেকালে আল্লাহর ‘আরশে সমাসীন হওয়ার বিষয়টি নিয়ে দার্শনিক বিতর্কের সৃষ্টি করা হয়। যেমন, তিনি তাঁর সৃষ্টির মত মুজাস্সাম বা দেহ বিশিষ্ট কিনা, তিনি স্থান-কালের গণিতে আবদ্ধ কিনা ইত্যাদি। এ বিতর্ক পরবর্তীতে অনেক দিন পর্যন্ত চলে। একবার রাবী‘আর (রহ) নিকট আল্লাহর ‘আরশে সমাসীন হওয়ার বিষয়টির ব্যাখ্যা চাওয়া হয়। তিনি বলেন :^{৩৪}

الْإِسْتَوَاءِ غَيْرِ مَجْهُولٍ وَلِكَيْفِ غَيْرِ مَعْقُولٍ وَمَنْ أَنْتَ إِلَّا رَسُولُ الْبَلَاغِ
وَعَلَيْنَا التَّصْدِيقُ.

‘সমাসীন হওয়ার বিষয়টি অজানা নয়, তবে তার প্রকৃতিটা বোধগম্য নয়। আল্লাহর পক্ষ থেকেই রিসালাত হয় এবং রাসূলের দায়িত্ব পৌছানো, আর আমাদের কর্তব্য বিশ্বাস করা।’

৩২. প্রাঞ্জল; ওয়াকায়াত আল-আয়ান-১/১৮৩

৩৩. সূরা আস-সাজদা-৪; আল-ফুরকান-৫৯

৩৪. তায়কিরাতুল হফ্ফাজ-১/১৫৮

মৃত্যু

তাঁর মৃত্যু সন ও স্থান নিয়ে একটু মত পার্থক্য আছে। হাফিজ আবু বাকর ইবন ছাবিত বলেন, প্রথম আববাসীয় খলীফা আবুল ‘আববাস আস-সাফ্ফাহ তাঁকে কাজী হিসেবে নিয়োগ দানের জন্য আল-আনবারে ডেকে পাঠান। তিনি সেখানে যান। তাই বলা হয় তিনি সেখানে মৃত্যু বরণ করেন। ইয়াহইয়া ইবন মাঝেন ও আবু দাউদ আল-আনবারে তাঁর মৃত্যুর কথা বলেছেন। ইবন সাদ বলেন, আল-ওয়াকিদী আমাকে যে তথ্য দিয়েছেন সে মতে তিনি হিজরী ১৩৬ সনে মদীনায় ইনতিকাল করেন। আর তাঁর মৃত্যু সন সম্পর্কে এরূপ কথাই বলেছেন ইবরাহীম ইবন আল-মুনিয়ির, ইয়াহইয়া ইবন বুকাইর, ইয়াহইয়া ইবন মাঝেন ও আরো অনেকে। তবে ইবন হিবান তাঁর ‘আছ-ছিকাত’ গ্রন্থে হিজরী ১৩৩ এবং আল-রাজী ইমাম আল-বুখারীর সূত্রে হিজরী ১৪২ সনে তাঁর মৃত্যুর কথা বলেছেন।^{৩৫}

৩৫. তাহ্যীব আত-তাহ্যীব-৩/২২৪; সাফওয়াতুস সাফওয়া-২/৮৩-৮৬; তাহ্যীব আল-কামাল-৬/১৬৭;
আল-মা'আরিফ-২১৭

ইয়াহইয়া ইবন সাঈদ (রহ)

ইয়াহইয়ার (রহ) পিতার নাম সাঈদ এবং দাদা কায়স (রা) ইবন ‘আমর আল-আনসারী। ডাকনাম আবু সাঈদ।^১ মদীনার বিখ্যাত আনসার গোত্র বানু নাজারের সন্তান। ইবন আল-মাদীনী তাঁর ডাকনাম আবু নাসর বলেছেন।^২ তাঁর দাদা কায়স (রা) ছিলেন একজন বদরী সাহাবী।^৩ ইবন সাঈদ বলেন, তাঁর মা ছিলেন ‘উম্মু ওয়ালাদ’।^৪ উল্লেখ্য যে, মনীবের সন্তান জনুদাত্রী দাসীকে বলে ‘উম্মু ওয়ালাদ’ বা সন্তানের মা। ইসলামী বিধান মতে একুপ দাসীকে বিক্রয় বা অন্য কোনভাবে হত্তাত্ত্ব করা যায় না।

জ্ঞান ও মনীষা

জ্ঞান ও মনীষায় তিনি ছিলেন সমকালীন বিশিষ্ট তাবিঈদের অন্তর্ভুক্ত। তাঁর জ্ঞানের প্রগাঢ়তার ব্যাপারে সকল ইমাম একমত। ইমাম নাওবী (রহ) বলেন, তাঁর বিশ্বস্ততা, প্রেষ্ঠতা এবং ইমাম হওয়ার যোগ্যতার ব্যাপারে সকলের ইজমা‘ বা ঐকমত্য আছে।^৫ ইমাম আয়-যাহাবী (রহ) তাঁকে হাদীছের হাফিজ ও শায়খুল ইসলাম বলে উল্লেখ করেছেন।^৬

হাদীছ

ইয়াহইয়া ইবন সাঈদ (রহ) সেই যুগের একজন মহান ব্যক্তিত্ব যখন সাহাবায়ে কিরামের (রা) পুণ্যময় যুগ শেষ হতে চলেছিল। সাহাবায়ে কিরামের মধ্যে যাঁরা তখনো জীবিত ছিলেন তাঁদের নিকট থেকে জ্ঞান অর্জনের সুযোগ গ্রহণে কোন রকম ক্রটি করেননি। সাহাবা ও উচ্চ স্তরের তাবিঈন কিরামের মধ্যে যাঁদের নিকট থেকে তিনি হাদীছ শোনেন ও যাঁদের সূত্রে বর্ণনা করেন তাঁদের তালিকা অনেক দীর্ঘ। তাঁদের মধ্যে সর্বাধিক খ্যাতিমান কয়েকজন হলেন : আনাস ইবন মালিক (রা), সায়িব ইবন ইয়ায়ীদ (রা), ‘আবদুল্লাহ ইবন ‘আমির ইবন রাবী‘আ, আবু উমামা সাহল ইবন হনায়ফ, সাঈদ ইবন আল-মুসায়িব, কাসিম ইবন মুহাম্মাদ ইবন আবী বাকর আস-সিন্দীক (রা), আবু সালামা ইবন ‘আবদির রহমান, ‘উরওয়া ইবন আয়-যুবায়র (রা) সুলায়মান ইবন ইয়াসার (রহ) প্রমুখ।^৭

-
১. আল-বুখারী, আত-তারীখ আল-কাবীর-৮/২৯৮
 ২. তায়কিরাতুল হফ্ফাজ-১/১৩৭; তাহ্যীব আল-কামাল-১১/১৯৪
 ৩. আত-তারীখ আল-কাবীর-৮/২৯৮
 ৪. তাহ্যীব আল-কামাল-২০/১০৬
 ৫. তাহ্যীব আল-আসমা’ ওয়াল নুগাত-১/১৫৮
 ৬. তায়কিরাতুল হফ্ফাজ-১/৩৬
 ৭. তাহ্যীব আল-কামাল-১১/১৯৪; ২০/১০৩; সিয়ারু আ‘লাম আন-নুবালা’-৫/৮৬৮

উল্লেখিত মহান ব্যক্তিদের উদারতা ইয়াহইয়াকে হাদীছের একজন শ্রেষ্ঠ হাফিজ হিসেবে প্রতিষ্ঠিত করে। ইবন সাঈদ বলেন :

كان ثقة كثير الحديث حجة ثبتا.

“তিনি ছিলেন অতি বিশ্বস্ত বহু হাদীছের ধারক-বাহক, হজ্জাত (দলীল-প্রমাণ) ও দৃঢ়পদ।”^৮ ‘আবদুল্লাহ ইবন আল-মুবারাক (রহ) তাঁকে হাদীছের শ্রেষ্ঠ হাফিজদের মধ্যে গণ্য করতেন। মদীনার দু’ব্যক্তি এমন ছিলেন, যাঁদের দ্বারা মাদীনাতুর রাসূল (রাসূলের নগরী)-এর সকল সুন্নাহ সংরক্ষিত হয়। তাঁদের একজন আয-যুহুরী ও অন্যজন ইয়াহইয়া ইবন সাঈদ। সে সময় যদি এ দু’মনীষীর জন্ম না হতো তাহলে হয়তো বহু সুন্নাহ হারিয়ে যেত।^৯ ইবন ‘উয়ায়না (রহ) বলেন :^{১০}

كان محدثوا الحجاز : ابن شهاب و يحيى بن سعيد و ابن جرير يجيئون بالحديث على وجهه.

“হিজায়ের মুহাদিছ ছিলেন ইবন শিহাব, ইয়াহইয়া ইবন সাঈদ ও ইবন জুরায়জ। তাঁরা প্রত্যক্ষভাবে হাদীছ সংগ্রহ করতেন।” আবদুর রহমান ইবন আবী হাতিম তাঁকে অত্যন্ত বিশ্বস্ত ও ইমাম আয-যুহুরীর সমকক্ষ মনে করতেন।^{১১} সুফিয়ান আছ-ছাওরী (রহ) বলেন : মদীনাবাসীদের নিকট ইয়াহইয়া ইবন সাঈদের স্থান ছিল আয-যুহুরীর উপরে।^{১২} ইয়াহইয়া আল-কাভান বলতেন :^{১৩}

هو مقدم على الزهري، أختلف على الزهري ولم يختلف عليه.

“তিনি (ইয়াহইয়া) আয-যুহুরীর উপর প্রাধান্যপ্রাপ্ত। কারণ, আয-যুহুরীর ব্যাপারে মানুষের মতপার্থক্য আছে, কিন্তু তাঁর ব্যাপারে নেই।”

‘আবদুল্লাহ ইবন আল-মুবারাক (রহ) বলেন, সুফিয়ান আছ-ছাওরী (রহ) বলতেন :^{১৪}

حافظ الناس أربعة : إسماعيل بن أبي خالد و عاصم الأحول و يحيى بن سعيد الأنصاري و عبد الملك بن أبي سليمان.

“মানুষের মধ্যে হাদীছের হাফিজ চারজন : ইসমা’ঈল ইবন আবী খালিদ, ‘আসিম আল-আহওয়াল, ইয়াহইয়া ইবন সাঈদ আল-আনসারী ও ‘আবদুল মালিক ইবন আবী সুলায়মান।” অপর একটি বর্ণনায় তিনজনের কথা এসেছে। তাতে ‘আসিম আল-

৮. তাহ্যীব আল-আসমা’-১/১৭; তায়কিরাতুল হফ্ফাজ-১/১৩৭

৯. সিয়ারু আ’লাম আন-নুবালা’-৫/৪৭৮

১০. আত-তারীখ আল-কাবীর-৮/২৯৮; তাহ্যীব আল-আসমা’-২/১৭

১১. তায়কিরাতুল হফ্ফাজ-১/১৩৭

১২. তাহ্যীব আল-কাভান-২০/১০৭

১৩. প্রাণকু-২০/১০৯; তায়কিরাতুল হফ্ফাজ-১/১৩৭

১৪. তাহ্যীব আল-কাভান-২০/১০৮; সিয়ারু আ’লাম আন-নুবালা’-৫/৪৭২

আহওয়ালের নামটি নেই। ‘আলী আল-মাদীনী বলেন : উচ্চ স্তরের তাবিঁইদের পরে মদীনায় ইবন শিহাব, ইয়াহইয়া ইবন সাইদ, আবুয যানাদ ও বুকাইর ইবন ‘আবদি’র চেয়ে বেশি জানা ব্যক্তি কেউ নেই।’^{১৪}

জারীর ইবন ‘আবদিল হামিদ বলেন : আমি তাঁর চেয়ে বেশি ধীশক্তি সম্পন্ন মানুষ আর দেখিনি।’^{১৫}

ইসমাঈল ইবন ইসহাক আল-কাজী বলেন, আমি ‘আলী ইবন আল-মাদীনীকে একথা বলতে শুনেছি যে, যাঁরা সাহীহ হাদীছের ধারক-বাহক, অতিশয় বিশ্বস্ত এবং যাঁদের বর্ণিত হাদীছ দোষ-ক্রটিমুক্ত তাঁরা হলেন : বসরার আইউব, কুফার মানসূর, মদীনার ইয়াহইয়া ইবন সাইদ এবং মক্হার ‘আমর ইবন দীনার।’^{১৬}

ইমাম আল-বুখারী (রহ) ‘আলী ইবন আল-মাদীনীর সূত্রে বলেন, ইয়াহইয়া ইবন সাইদের বর্ণিত হাদীছের সংখ্যা প্রায় তিনশো (৩০০)।’^{১৭} তবে ইয়ায়ীদ ইবন হারুন বলেন :^{১৮}

حافظت ليحيى بن سعيد ثلاثة آلاف حديث ففرضت فنسنت نصفها.

‘আমি ইয়াহইয়া ইবন সাইদের তিন হাজার হাদীছ মুখস্ত করি। তারপর আমি অসুস্থ হয়ে পড়লে অর্ধেক ভুলে যাই।’

ইমাম আহমাদ ইবন হাম্বল (রহ) বলতেন :^{১৯}

‘ইয়াহইয়া ইবন সাইদ মানুষের মধ্যে সর্বাধিক দৃঢ়পদ নির্ভরযোগ্য ব্যক্তি।’

ছাত্র-শিষ্যবৃন্দ

তাঁর ছাত্র-শিষ্যের পরিধি অনেক বিস্তৃত। তাঁদের মধ্যে সর্বাধিক খ্যাতিমান কয়েকজন হলেন : হিশাম ইবন ‘উরওয়া, হুমায়দ আত-তাবীল, ইয়ায়ীদ ইবন ‘আবদিল্লাহ ইবন উসামা, ইবন জুরায়জ, আল-আওয়াই, মালিক ইবন আনাস, সুফইয়ান আচ-ছাওরী, সুফইয়ান ইবন ‘উয়ায়না, হাম্মাদ, লাইছ, ‘আবদুল্লাহ ইবন আল-মুবারক, শু’বা, ইয়াহইয়া ইবন সাইদ আল-কামাল, ইয়াহইয়া ইবন সাইদ আল-উমাৰী (রহ) প্রমুখ হাদীছ বিশারদ। সকলে তাঁর বিশ্বস্ততা, মনীষা ও জ্ঞানের জগতে নেতৃত্বের কথা বলেছেন।’^{২০} ইমাম আয-যুহুরী, ইবন আবী যিব, শু’বা, মালিক ইবন আনাস, হাম্মাদ,

১৫. প্রাগুক

১৬. তাহ্যীব আল-আসমা’-২/১৭

১৭. তাহ্যীব আল-কামাল-২/১০৮

১৮. প্রাগুক-২০/১০৬

১৯. তায়কিরাতুল হফ্ফাজ-১/১৩৭; সিয়ারু আ’লাম আন-নুবালা’-৫/৮৭৮

২০. তাহ্যীব আল-আসমা’-২/১৭

২১. তাহ্যীব আল-কামাল-২০/১০০-১০৬

সুফইয়ান আছ-ছাওরী, ‘আবদুল ‘আয়ীয আল-মাজিশ্ন, লাইছ ইবন সা’দ, সুফইয়ান ইবন উয়ায়না প্রমুখের মত সর্বজন স্বীকৃত হাদীছ বিশারদ তাঁর সূত্রে হাদীছ বর্ণনা করেছেন।^{২২}

ফিকহ

ফিকহ শাস্ত্রেও তিনি বিশেষ পারদর্শী ছিলেন। হাম্মাদ ইবন যায়দ বলেন, একবার মদীনা থেকে আমাদের নিকট আইউব আস-সাখতিয়ানী আসলেন। আমরা বললাম, মদীনায় আপনি কাকে স্থলাভিষিক্ত করে এসেছেন? বললেন :^{২৩}

ما خلفت بها أحداً أفقه من يحيى بن سعيد الأنصاري.

“ইয়াহইয়া ইবন সাঈদ আল-আনসারীর চেয়ে বড় কোন ফকীহকে আমি মদীনায় স্থলাভিষিক্ত করে আসিনি।”

ফিকহ বিষয়ে তাঁর গভীর জ্ঞানের বড় সনদ এই যে, তিনি মাদীনাত্তুর রাসূলের, যা সেই সময়ে ফকীহদের আকর বলে খ্যাত ছিল, কাজী ছিলেন।^{২৪} মারওয়ান ইবন মুহাম্মাদের সময়ে হজ মওসুমে মক্কার মাসজিদুল হারামে ঘোষক চিত্কার করে ঘোষণা করতো :^{২৫}

لَا يَفْتَحُ الْحَاجُ فِي الْمَسْجِدِ إِلَّا يَحْيَى بْنُ سَعِيدٍ وَعَبْدِ اللَّهِ بْنِ عَمْرٍ وَمَالِكِ بْنِ أَنْسٍ.

“ইয়াহইয়া সাঈদ, ‘আবদুল্লাহ ইবন ‘আমর ও মালিক ইবন আনাস- এ তিনজন ছাড়া আর কেউ হাজীদেরকে ফাতওয়া দিতে পারবে না।” হাম্মাদ আল-‘আজলী বলেন :^{২৬}

كان يحيى بن سعيد رجلاً صالحًا فقيها ثقة.

“ইয়াহইয়া ইবন সাঈদ ছিলেন একজন সত্যনিষ্ঠ, ফকীহ ও বিশ্বস্ত ব্যক্তি।”

কাজীর পদে

প্রথমে তিনি মদীনার কাজী ছিলেন।^{২৭} আক্রাসীয় খিলাফত প্রতিষ্ঠার পর খলীফা আবু জাফার আল-মানসুর তাঁকে ‘কাজী আল-কুজাত’ তথা প্রধান কাজীর সুউচ্চ পদে নিয়োগ দান করেন। মতান্তরে তাঁকে হাশিমিয়ার কাজী নিয়োগ করা হয়। একথাও বর্ণিত আছে যে, বাগদাদের কাজীর পদেও তিনি নিয়োগ লাভ করেন।^{২৮}

বিভিন্ন বিষয়ে মুক্তী ও জ্ঞানী ব্যক্তিদের ভিন্ন ভিন্ন দৃষ্টিভঙ্গি ও মতপার্থক্যের ব্যাপারে তিনি ছিলেন অত্যন্ত উদার ও সহনশীল। তিনি বলতেন :^{২৯}

২২. সিয়ারুল আলাম আন-নুবালা'-৫/৪৬৯

২৩. তাহ্যীব আল-কামাল-২০/১০৭; তাহ্যীব আল-আসমা'-২/১৭

২৪. তায়কিরাতুল হফ্ফাজ-১/১৩৭

২৫. সিয়ারুল আলাম আন-নুবালা'-৫/৪৭৮

২৬. প্রাণক

২৭. আত-তারীখ আল-কাবীর-৮/২৯৮

২৮. তাহ্যীব আল-কামাল-২০/১০২; তাহ্যীব আল-আসমা'-১/১৫৩

২৯. তায়কিরাতুল হফ্ফাজ-১/১৩৯

أهل العلم أهل توسيعة، وما برح المفتون يختلفون فيحلل هذا ويحرّم هذا، فلا يعيّب على هذا ولا هذا على هذا.

“জ্ঞানী ব্যক্তিরা অত্যন্ত উদার ও প্রশংসন্ত মনের মানুষ। বিভিন্ন মাসয়ালায় মুফতীদের সব সময় মতপার্থক্য হয়ে থাকে। একজন এটাকে হালাল বললে অন্যজন হারাম বলেন। তবে কেউ কারো প্রতি কখনো দোষারোপ করেন না।” বর্তমানকালে ইসলামী ব্যক্তিত্বদের মধ্যে সামান্য বিষয় নিয়ে মতপার্থক্যের কারণে যখন একজন আরেকজনকে হেয় ও তুচ্ছ প্রতিপন্ন করার জন্য উঠেপড়ে লেগে যান তখন ইয়াহইয়া ইবন সাঈদের উপরোক্ত কথাটি সকলের জন্য শিক্ষণীয় হতে পারে।

আর্থিক অবস্থা

মদীনায় অবস্থানকালে তাঁর আর্থিক অবস্থা দারূণ অসচ্ছল হয়ে পড়েছিল। ভীষণ টানাটানির মধ্য দিয়ে জীবন যাপন করছিলেন। ঝণঝন্ত হয়ে পড়েছিলেন, জীবনের এমন একটি সংকীর্ণ পর্যায়ে খলীফা মানসূর তাঁকে কাজী হিসেবে নিয়োগ দান করেন। অতঃপর তাঁর অবস্থার সামান্য পরিবর্তন হয়। তিনি ঝণ পরিশোধ করতে সক্ষম হন।^{৩০} তবে মুহাম্মদ ইবন সাল্লাম আল-জুমাহী বলেন ভিন্ন কথা। তিনি বলেন, ইয়াহইয়া ইবন সাঈদের আর্থিক অবস্থা ছিল ঝুবই শোচনীয়। খলীফা মানসূর তাকে কাজী নিয়োগ করলেন। তারপরেও তাঁর অবস্থার কোন পরিবর্তন হলো না। এর কারণ জানতে চাইলে তিনি বলেন : যার এ ‘নাফ্স’ বা আত্মা একটি, অর্থবিত্ত তার অবস্থা পরিবর্তন করতে পারে না।^{৩১}

মালিক ইবন আনাস বলতেন, একমাত্র ইয়াহইয়া ইবন সাঈদ ছাড়া আমাদের এখান থেকে যিনিই ইরাক গেছেন তাঁর অবস্থার পরিবর্তন ঘটেছে। কেবল তিনি যে অবস্থায় গেছেন সেই অবস্থায় ফিরে এসেছেন।

তিনি অত্যন্ত আল্লাহ নির্ভর মানুষ ছিলেন। পার্থিব কোন প্রয়োজনে মানুষের নিকট চাওয়ার মানসিকতা তাঁর মোটেই ছিল না। তিনি নিজের জীবনের একটি ঘটনা প্রসঙ্গে বলেন, একবার আমি আফ্রিকা থাকাকালে পার্থিব কিছু প্রয়োজন অনুভব করলাম এবং তা পূরণের জন্য কায়মনোবাক্যে আল্লাহর নিকট দু'আ করলাম। তারপর আমি আমার এ কাজের জন্য লজ্জিত হলাম। মনে মনে বললাম : আমার এ দু'আ যদি আবিরাতের কোন প্রয়োজনের জন্য হতো তাহলে কতনা সুন্দর হতো! বিষয়টি আমি আমার এক বক্সে বললাম। তিনি বললেন : তোমার এ কাজকে খারাপ মনে করার কোন কারণ নেই। কারণ, দু'আর অসীলায় আল্লাহ তাঁর কোন বান্দার প্রয়োজন পূরণ করে দিতে পারেন। আর এ দু'আর অনুমতি তাকে দান করা হয়েছে।^{৩২}

৩০. প্রাণ্ড-১/১৩৮

৩১. সিয়ারু আ'লাম আনু-বুবালা'-৫/৪৭৫

৩২. তাহ্যীব আল-কামাল-২০/১১০

জারীর ইবন ‘আবদিল হামীদ বলেন : একবার আমি ইয়াহইয়া ইবন সাইদকে জিজ্ঞেস করলাম : আপনি যে সকল সাহারী ও তাবিঁঈর সাক্ষাৎ পেয়েছেন, আবু বাকর, ‘উমার, ‘উচ্মান ও ‘আলী (রা) সম্পর্কে তাঁদের মতামত কী ছিল? বললেন : আবু বাকর ও ‘উমারের (রা) মর্যাদার ব্যাপারে তাঁদের কোন মতপার্থক্য ছিল না। তাঁদের মতের ভিন্নতা ছিল ‘উচ্মান ও ‘আলীর (রা) ব্যাপারে।’^{৩৩}

সর্বাধিক প্রসিদ্ধ মতে হিজরী ১৪৩ সনে তিনি হাশিমিয়ায় ইনতিকাল করেন। মৃত্যুকালে বয়স হয়েছিল সন্তরের উর্ধ্বে।^{৩৪}

৩৩. প্রগৃহ-২০/১০৭

৩৪. সিয়ারু আলাম আন-নুবালা’-৫/৪৭৫; আত-তারীখ আল-কাবীর-৮/২৯৮; তাহ্যীব আল-কামাল-২০/১০০

ইসমা'ঈল ইবন আবী খালিদ আল-আহমাসী (রহ)

ইসমা'ঈলের ডাকনাম আবু 'আবদিল্লাহ। পিতার ডাকনাম আবু খালিদ, তবে তাঁর আসল নামের ব্যাপারে মতপার্থক্য আছে। যেমন : সাদ, হুরমুয় ও কাহীর। তিনি কৃফার আল-বাজালা গোত্রের আল-আহমাস শাখার দাস ছিলেন, তাই তাঁকে 'আল-আহমাসী আল-কুফী' বলা হয়। ইসমা'ঈলের চার ভাই হলেন : আশ'আছ, খালিদ, সাঈদ ও আন-নু'মান।^১ ইবন সা'দের বর্ণনামতে তিনি মোট ছয়জন সাহাবীর সাক্ষাৎ লাভে ধন্য হয়েছেন। তাঁদের নিকট থেকে হাদীছ শুনেছেন এবং তাঁদের সূত্রে বর্ণনাও করেছেন। সেই মহান সাহাবীগণ হলেন : তাঁর পিতা আবু খালিদ, আনাস ইবন মালিক, 'আবদুল্লাহ ইবন আবী আওফা, আবু কাবিল, আবু জুহায়ফা ও 'আমর ইবন আল-হুওয়ায়রিছ (রা)।^২ তবে আবু নু'আস্মের বর্ণনামতে তিনি বারো জন সাহাবীর সাক্ষাৎ লাভ করেন।^৩ 'আলী আল-মাদানী বলেন :

رأى أنساً روية ولم يسمع منه.

"তিনি আনাসকে একবার দেখেন, তবে তাঁর মুখ থেকে কোন হাদীছ শোনেননি।"^৪ তিনি পেশায় ছিলেন ' طَحَّان ' - শস্য চূর্ণকারী বা পেষণকারী।^৫

জ্ঞান ও মনীষা

তিনি একজন উচ্চ স্তরের তাবিঁই ছিলেন। ইমাম আশ-শা'বী (রহ) বলেন :

إسماعيل هذا يزد رد العلم ازد رادا.

"এই ইসমা'ঈল জ্ঞান একবারেই গিলে ফেলেন।" অপর একটি বর্ণনামতে তিনি বলেন : "ابن أبي خالد يشرب العلم شريأ. ইবন আবী খালিদ (ইসমা'ঈল) জ্ঞান একবারেই পান করেন।"^৬ ইমাম আন-নাওবী (রহ) বলেন : তাঁর শ্রেষ্ঠতা, মর্যাদা ও বিশ্বস্ততার ব্যাপারে সকলের ঐকমত্য রয়েছে।^৭

হাদীছ

হাদীছ শাস্ত্রে তাঁর স্থান অনেক উচুতে। ইমাম আয়-যাহাবী (রহ) বলেন : كأن حجة

১. তাহ্যীব আল-কামাল ফী আসমা' আর-রিজাল-২/১৫৬

২. আত-তাবাকাত-২/২৪০

৩. তাহ্যীব আত-তাহ্যীব-১/২৯২

৪. আত-তাহ্যীব-১/২৫৫

৫. তাহ্যীব আল-কামাল-২/১৫৬; তায়কিরাতুল হফ্ফাজ-১/১৫৩

৬. প্রাণ্তক

৭. তাহ্যীব আল-আসমা' ওয়াল লুগাত-১/১২১

—“তিনি ছিলেন (হাদীছ শাস্ত্রের) একজন হজ্জাত বা দলীল-প্রমাণতুল্য, দারণ দক্ষ ও বহু হাদীছ ধারণ ও বর্ণনাকারী ‘আলিম’।”^৮ ইমাম সুফইয়ান আছ-ছাউয়ী (রহ) বলেন : হাফিজে হাদীছ মাত্র চারজন। ইসমাঈল তাঁদের একজন। অন্যরা হলেন : ‘আবদুল মালিক ইবন আবী সুলায়মান, ‘আসিম আল-আহওয়াল ও ইয়াহইয়া ইবন সা’ঈদ আল-আনসারী।’^৯ অপর একটি বর্ণনায় তিনজনের কথা এসেছে। তাতে ‘আসিম আল-আলওয়াল বাদ পড়েছেন।’^{১০} আবু হাতিম আস-সিজিভানী ইমাম আশ-শা’বীর (রহ) সংগী-সাথীদের কাউকে ইসমাঈলের উপর প্রাধান্য দিতেন না।^{১১} তাঁর সততা, সত্যবাদিতা ও ন্যায়নিষ্ঠতা এতই প্রসিদ্ধ ছিল যে, লোকে তাঁকে “মীয়ান” (তুলাদণ্ড) বলতো।^{১২} আহমাদ ইবন ‘আবদিল্লাহ আল-ইজলী তাঁর পরিচয় দিতে গিয়ে বলেন :^{১৩}

”কوفি، تابعی، ثقة، وكان رجلا صالحا، وسمع من خمسة من أصحاب النبي صلى الله عليه وسلم، وكان طحان.“

“তিনি কৃফার অধিবাসী, একজন তাবিঈ ও অতি বিশ্বস্ত ব্যক্তি। তিনি ছিলেন একজন সংকর্মশীল মানুষ। রাসূলুল্লাহর (সা) পাঁচজন সাহাবীর মুখ থেকে হাদীছ শুনেছেন। পেশায় তিনি একজন ‘তাহহান’ বা শস্য চূর্ণকারী।” মুহাম্মাদ ইবন ‘আবদিল্লাহ আল-মাসিলী বলেন :^{১৪}

”حجّة إذا لم يكن اسماعيل حجّةً فمن يكون حجّة.“

“তিনি একজন হজ্জাত তথা দলীল-প্রমাণতুল্য মানুষ। তিনি যদি হজ্জাত না হন, তবে হজ্জাত হবে কে?”

সাহাবী ছাড়া অন্য যাঁদের নিকট থেকে তিনি হাদীছ শুনেছেন এবং যাঁদের সূত্রে বর্ণনা করেছেন তাঁদের মধ্য থেকে সর্বাধিক খ্যাতিমান কয়েকজনের নাম এখানে উল্লেখ করা হলো :

ইসমাঈল ইবন ‘আবদির রহমান আস-সুন্দী, ভাই আশ-আছ ইবন আবী খালিদ, ‘আমর ইবন হুরায়ছ-এর দাস আসবাগ, আল-হারিছ ইবন শুবায়ল আল-আহমাসী, হাকীম ইবন জাবির আল-আহমাসী, ভাই খালিদ ইবন আবী খালিদ, যাকওয়ান ইবন আবী সালিহ আস-সাম্মান, যুবায়র ইবন ‘আদী, যিরুক ইবন হুবায়শ আল-আসাদী, যায়দ ইবন

৮. তায়কিরাতুল হফফাজ-১/১৫৩

৯. আত-তাবাকাত-২/২৪০

১০. তাহ্যীব আল-কামাল-২/১৫৮

১১. তাহ্যীব আত-তাহ্যীব-১/২৯১

১২. তাহ্যীব আল-আসমা'-১/১২১

১৩. তাহ্যীব আল-কামাল-২/১৫৮, ১৫৯

১৪. প্রাগুক্ত

ওয়াহাব আল-জুহানী, ভাই সাঈদ ইবন আবী খালিদ, সালামা ইবন কুহায়ল, শুবায়ল ইবন ‘আওফ আল-আহমাসী, তালহা ইবন আল-‘আলা’ আল-আহমাসী, তালহা ইবন মুসার্বিফ, ‘আমির আশ-শা’বী, ‘উবায়দুল্লাহ ইবন আবী আওফা, ‘আবদুল্লাহ ইবন ‘ঈসা, ‘আবদুল্লাহ আল-বাহী, ‘আবদুর রহমান ইবন ‘আয়িষ, ‘আবদুর রহমান ইবন আবী লায়লা, ‘আতা’ ইবন আস-সায়িব, ‘আমির ইবন হুরায়ছ আল-মাথ্যুমী, আবু ইসহাক ‘আমির ইবন ‘আবদিল্লাহ আস-সুবা’ঈ, কায়স ইবন আবী হাযিম, মুহাম্মাদ ইবন সাঈদ ইবন আবী ওয়াক্কাস (রা), আবু দাউদ আল-আ’মা, আবু বাকর ইবন ‘উমারা, পিতা আবু খালিদ আল-আহমাসী ও আরো অনেকে ।

তাঁর ছাত্র-শিষ্যের তালিকা অনেক দীর্ঘ । তাঁর সনদে যাঁরা হাদীছ বর্ণনা করেছেন তাঁদের মধ্যে সর্বাধিক খ্যাতিমান কয়েকজন হলেন :

ইবরাহীম ইবন হুমায়দ আর-রুআসী, জারীর ইবন ‘আবদিল হামীদ, জা’ফার ইবন ‘আওন, হাফ্স ইবন গিয়াছ, আল-হাকাম ইবন ‘উতায়বা, আবু উসামা হাম্মাদ ইবন উসামা, খালিদ ইবন ‘আবদিল্লাহ আল-ওয়াসিতী, যায়দা ইবন কুদামা, যুহায়র ইবন মু’আবিয়া, সাঈদান ইবন ইয়াহইয়া আল-লাখমী, সাঈদ ইবন আন-নাদর আল-কুফী, সুফইয়ান আছ-ছাওরী, সুফইয়ান ইবন ‘উয়ায়না, শুরাইক ইবন ‘আবদিল্লাহ আন-নাখা’ঈ, শু’বা ইবন আল-হাজ্জাজ, ‘আব্বাদ ইবন আল-‘আওয়াম, ‘আবদুল্লাহ ইবন আল-মুবারাক, ‘আবদুল্লাহ ইবন নুমায়র, ‘উবায়দুল্লাহ ইবন মূসা, ‘ঈসা ইবন ইউনুস, মালিক ইবন মিগওয়াল, মুহাম্মাদ ইবন বিশর আল-‘আবদী, আবু মু’আবিয়া মুহাম্মাদ ইবন খাযিম আদ-দারীর, মুহাম্মাদ ইবন খালিদ আল-ওয়াহ্ৰী, মুহাম্মাদ ইবন ইয়ায়ীদ আল-ওয়াসিতী, মারওয়ান ইবন মু’আবিয়া আল-ফায়ারী, মু’তামির ইবন সুলায়মান, হশায়ম ইবন বাশীর, ইয়াহইয়া ইবন সাঈদ আল-কান্তান, ইয়ায়ীদ ইবন হারুন (রহ) ও আরো অনেকে ।^{১৫}

ইবন আল-মাদানীর মতে ইসমা’ইলের বর্ণিত হাদীছের সংখ্যা তিনশো- একথা ইমাম আল-বুখারী বলেছেন ।^{১৬} তবে আল-ইজলীর বর্ণনামতে পাঁচশো’র কাছাকাছি ।^{১৭}

ইলমের সাথে তাঁর মধ্যে ‘আমলও ছিল । ইমাম আয-যাহাবী বলেন :^{১৮}

وكان من العلماء العاملين.

তিনি ছিলেন বা-‘আমল তথা আমলকারী ‘আলিমদের একজন ।’ ইবন হিবরান বলেন : তিনি ছিলেন একজন সৎকর্মশীল ও সত্যনির্ণিষ্ঠ শায়খ বা জ্ঞানী ব্যক্তি ।^{১৯}

১৫. প্রাগৃত-২/১৫৭-১৫৮; তাহ্যীব আত-তাহ্যীব-১/২৯১

১৬. তাহ্যীব আল-কামাল-২/১৫৯; তাহ্যীব আল-আসমা’-১/১৩১

১৭. তাহ্যীব আত-তাহ্যীব-১/২৯৩

১৮. তায়কিরাতুল হফ্ফাজ-১/১৫৪

১৯. তাহ্যীব আত-তাহ্যীব-১/২৯২

ইসলামের ইতিহাসে আলিমদের এ বৈশিষ্ট্য দেখা যায় যে, তাঁরা তাঁদের জ্ঞানকে জীবিকা ও অর্থ উপার্জনের উপায় ও উপকরণে পরিণত করেননি। ইসমাইলও তাঁর অর্জিত জ্ঞান কোন পেশায় পরিণত করেননি। আটা পেষার চাক্কি ঘুরিয়ে তিনি জীবিকা নির্বাহ করতেন।^{২০}

হিজরী ১৪৫, মতান্তরে ১৪৬ সনে তিনি ইনতিকাল করেন।^{২১}

২০. তায়কিরাতুল হফফাজ-১/১৫৩; তাহ্যীব আল-কামাল-২/১৫৯

২১. গ্রান্ত; আল-বায়াত ওয়াত তাবয়ীন-৩/১২৯, টীকা-৭।

‘ইকরিমা মাওলা ‘আবদুল্লাহ ইবন ‘আব্বাস (রা)

হ্যরত ‘ইকরিমা (রহ) মরক্কোর বারবার বংশোদ্ধৃত এবং প্রখ্যাত সাহাবী হ্যরত ‘আবদুল্লাহ ইবন ‘আব্বাসের (রা) একজন প্রতিভাবান দাস। প্রথমে তিনি হসায়ন ইবন আল-হুর আল-‘আনবাবীর দাসত্বে ছিলেন এবং হসায়ন তাঁকে হ্যরত ‘আবদুল্লাহ ইবন ‘আব্বাসকে (রা) দান করেন। ‘ইকরিমার বয়স তখন অল্প। এ কারণে তিনি হ্যরত ‘আবদুল্লাহ ইবন ‘আব্বাসের (রা) তত্ত্বাবধানে বেড়ে ওঠেন এবং তাঁর শিক্ষা ও প্রশিক্ষণের কল্যাণে এত উঁচু মানে উন্নীত হন যে, তাঁর ব্যক্তিত্ব অনেক বড় বড় মুক্ত-স্বাধীন ‘আলিমের জন্য দীর্ঘায় কারণ হয়ে দাঁড়ায়। ‘ইকরিমার ডাকনাম আবু ‘আবদুল্লাহ।’^১

শিক্ষা

হ্যরত ‘ইকরিমার মধ্যে স্বভাবগতভাবে জ্ঞান অর্জনের যোগ্যতা ও আগ্রহ-উদ্দীপনা ছিল। তিনি প্রত্যেকটি জিনিস থেকে শিক্ষা গ্রহণ করতেন। তিনি বলেন, যখন আমি বাজারে যেতাম এবং কোন কথা শুনতাম তখন আমার জন্য জ্ঞানের পঞ্চাশটি দ্বার উন্মুক্ত হয়ে যেত।^২ এমন উপর্যুক্ত স্বভাব-প্রকৃতির সাথে হ্যরত ‘আবদুল্লাহ ইবন ‘আব্বাসের (রা) মত জ্ঞানের সাগর ও মেহশীল মনিবও তিনি পেয়ে যান। তিনি অত্যধিক শ্রম ও সাধনা ব্যয় করে তাঁকে শিক্ষা দেন।^৩ জ্ঞানের প্রতি ‘ইকরিমার পিপাসা এত তীব্র ছিল যে, সারা জীবনেও পরিতৃপ্ত হননি। একাধারে চল্লিশ বছর পর্যন্ত জ্ঞান অর্জন করতে থাকেন।^৪ তিনি বলতেন :

طلبت العلم أربعين سنة، و كنت أفتى بالباب و ابن عباس في الدار.
‘আমি চল্লিশ বছর জ্ঞান অর্জন করেছি। ‘আবদুল্লাহ ইবন ‘আব্বাস (রা) গৃহে অবস্থান কালেও আমি দরজায় বসে ফাতওয়া দিতাম।’^৫

জ্ঞান ও মনীষা

তাঁর ব্যক্তিগত উৎসাহ-উদ্যোগ এবং মনিব হ্যরত ‘আবদুল্লাহর (রা) তদারকিতে তিনি জ্ঞানের সাগরে পরিণত হন। ইবন সাদ লিখেছেন : তিনি জ্ঞানের সমুদ্রসমূহের মধ্যে একটি সমুদ্র ছিলেন।^৬ ইমাম যাহাবী (রহ) তাঁকে তথা বিশ্বের তত্ত্বজ্ঞানীর

১. তাহ্যীব আল-কামাল ফী আসমা’ আর-রিজাল-১৩/১৬৩

২. তাবাকাত-৫/২১৩

৩. প্রাগুক্ত; ইবন খালিকান, ওয়াফাইয়াত আল-আইয়ান-১/৩১৯

৪. তায়কিরাতুল হফফাজ-১/৮৪

৫. তাহ্যীব আল-কামাল-১৩/১৬৬

৬. তাবাকাত-৫/২১৬

উপাধিতে উল্লেখ করেছেন।^৭ তাঁর সময়ে কোন দাস তো দূরের কথা অভিজাত ঘরের সন্তানদেরও কেউ তাঁর সমকক্ষ ছিল না। তাফসীর, হাদীছ, ফিকহ তথা সকল ইসলামী জ্ঞানে তিনি ইমাম পদ-মর্যাদা লাভ করেন।

তাফসীর

হ্যরত ‘আবদুল্লাহ ইবন ‘আবাস (রা) তাফসীরের এত বড় ‘আলিম ছিলেন যে, খুব কম সংখ্যক সাহাবীই এ ক্ষেত্রে তাঁর সমকক্ষতা দাবী করতে পারতেন। তিনি ছিলেন ‘রঙ্গসুল মুফাস্সিরীন বা মুফাস্সিরগণের নেতা। তিনি অত্যন্ত মনোযোগ ও শ্রম দিয়ে ‘ইকরিমাকে তাফসীরের জ্ঞান দান করেন।^৮ নিজের সীনা থেকে সকল জ্ঞান তাঁর সীনায় স্থানান্তর করেন। হ্যরত ‘আবদুল্লাহ ইবন ‘আবাসের (রা) ছাত্রদের মধ্যে তাফসীরের জ্ঞানে একজনও তাঁর সমকক্ষ ছিলেন না। ‘আবাস ইবন মুস‘আব আল-মাৰায়ী বলেন, ইবন ‘আবাসের ছাত্রদের মধ্যে তাফসীরে ‘ইকরিমা সবচেয়ে বড় ‘আলিম ছিলেন।^৯ কাতাদা (রহ) বলতেন, সর্বাধিক জ্ঞানের অধিকারী তাবি‘ঈ হলেন চারজন। তাঁদের মধ্যে ‘ইকরিমা তাফসীরের সবচেয়ে বড় ‘আলিম। ইমাম শা‘বী (রহ) বলতেন, ‘ইকরিমার চেয়ে কিঠাবুল্লাহর (কুরআন) বেশি জ্ঞান রাখে এখন তেমন কেউ বিদ্যমান নেই। ‘ইকরিমা যতক্ষণ বসরায় থাকতেন, ততক্ষণ হাসান আল-বসরী (রহ) তাফসীর বর্ণনা করতেন না।^{১০}

হ্যরত ‘আবদুল্লাহ ইবন ‘আবাসের (রা) জীবদ্ধাতেই ‘ইকরিমা একজন বড় মুফাস্সির হয়ে যান। ইবন ‘আবাস (রা) মাঝে মাঝে তাঁর পরীক্ষাও নিতেন এবং তাঁর পাণ্ডিত্যপূর্ণ জবাব শুনে সন্তুষ্টি প্রকাশ করতেন। একবার তিনি নিম্নের এ আয়াতটি পাঠ করেন :^{১১}

لَمْ تَعْظُّونَ قَوْمًا أَلَّهُ مُهِلْكُهُمْ أَوْ مُعَذِّبُهُمْ عَذَابًا شَدِيدًا.

‘আল্লাহ যাদেরকে ধ্বংস করবেন অথবা কঠোর শাস্তি দেবেন, তোমরা তাদেরকে সদুপদেশ দাও কেন?’

তারপর বলেন, এই আয়াতে যে লোকদের দিকে ইঙ্গিত করা হয়েছে, আমাদের জান নেই তারা মৃত্তি পেয়েছে না ধ্বংস হয়েছে। ‘ইকরিমা অতি উন্নমনে ব্যাখ্যা-বিশ্লেষণ করে প্রমাণ করে দেন যে, তারা মৃত্তি পেয়েছে। ইবন ‘আবাস (রা) এত খুশী হন যে, তাঁকে একটি চাদর পরিয়ে দেন।^{১২}

৭. তাফকিরাতুল হফ্ফাজ-১/৮৩

৮. তাবাকাত-৫/২১২

৯. তাহ্যীব আত-তাহ্যীব-৭/২৬৫; তাহ্যীব আল-কামাল-১৩/১৬৭

১০. তাহ্যীব আত-তাহ্যীব-৭/২৬৬

১১. সূরা আল-আ‘রাফ-১৬৪

১২. তাবাকাত-৫/২১৪; তাহ্যীব আল-কামাল-১৩/১৬৮

তাফসীরের দারস

হ্যরত মুজাহিদ ও সাঈদ ইবন জুবায়রের মত বিদ্যান ব্যক্তিগণ তাঁর থেকে তাফসীর বিষয়ে জ্ঞান লাভ করতেন। তাঁরা দু'জন তাঁকে প্রশ্ন করতেন, ‘ইকরিমা তার জবাব দিতেন।

তাঁদের প্রশ্ন শেষ হওয়ার পর নিজের পক্ষ থেকে তিনি আয়াতের শানে নৃযূল বর্ণনা করতেন।^{১৩} তারই অনুগ্রহ ও কল্যাণে মুজাহিদ তাফসীর শাস্ত্রের ইমাম হয়ে যান। আবু হাতিমকে ‘ইকরিমা ও সাঈদ জুবায়র সম্পর্কে জিজেস করা হয়েছিল যে, এঁদের মধ্যে তাফসীর বিষয়ে সর্বাধিক জ্ঞানী কে? তিনি বলেন, ইবন ‘আব্বাসের (রা) ছাত্রা সকলে ‘ইকরিমার মুখাপেক্ষী।^{১৪}

হাদীছ

তাঁর বিশেষ অধীত বিষয় ছিল হাদীছ। এ বিষয়ে ছিল তাঁর অগাধ জ্ঞান। এ শাস্ত্রের বেশিরভাগ জ্ঞান তিনি হ্যরত ‘আবদুল্লাহ ইবন ‘আব্বাস (রা) থেকে লাভ করেন। তাছাড়া আরো অনেক সাহাবীর নিকট থেকেও হাদীছ শোনেন। যেমন : হ্যরত ‘আলী, আবু হৱায়রা, ‘আবদুল্লাহ ইবন উমার, ‘আবদুল্লাহ ইবন ‘আমর ইবন আল-আস, আবু সাঈদ আল-খুদুরী, ‘উকবা ইবন ‘আমির, হাজ্জাজ ইবন ‘আমর ইবন গারমিয়া, মু’আবিয়া ইবন আবী সুফইয়ান, সাফওয়ান ইবন উমাইয়্যা, ইয়া’লা ইবন উমাইয়্যা, জাবির, আবু কাতাদা, উম্মুল মু’মিনীন ‘আয়িশা-সিদ্দীকা, হামনা বিনত জাহাশ (রা) ও আরো অনেকে।^{১৫}

হ্যরত ‘আবদুল্লাহ ইবন ‘আব্বাসের (রা) বর্ণিত হাদীছ যা প্রায় কয়েক হাজার অতিক্রম করেছে, তার অধিকাংশ ‘ইকরিমার সূত্রে পাওয়া। এর দ্বারা এ শাস্ত্রে তাঁর জ্ঞানের ব্যাপকতা অনুমান করা যায়। ইবন সাঈদ তাঁকে “كثير الحديث” তথা বহু হাদীছের ধারক ও বর্ণনাকারী বলেছেন।^{১৬} শাহ্র ইবন হাওশাব বলতেন, প্রত্যেক জাতির একজন বিদক্ষ ব্যক্তি (حَبْر) থাকেন, আর এই উম্মাতের সেই বিদক্ষ ব্যক্তি হলেন ইবন ‘আব্বাসের দাস ‘ইকরিমা।^{১৭}

হাদীছ অব্বেষণকারীদের কাঞ্চিত ব্যক্তি

তাঁর ব্যক্তি সম্ভাটি ছিল অসংখ্য মানুষের কেন্দ্রবিন্দু, যেখানে তারা সমবেত হতো। হাদীছ অব্বেষণকারীরা দূর-দূরাত্ত থেকে তাঁর থেকে উপকার লাভের আশায় সেখানে ভীড় জমাতো। কোথাও ভ্রমণের সময় যে পথে তিনি যেতেন, আশে-পাশে উৎসাহী ছাত্র-

১৩. তাহ্যীব আত-তাহ্যীব-৭/২৬৬; তাহ্যীব আল-কামাল-১৩/১৬৯

১৪. তাহ্যীব আল-কামাল-১৩/১৭৯

১৫. তাহ্যীব আত-তাহ্যীব-৭/২৬৬; তাবি'ঈন-২৮২

১৬. তাবাকাত-৭/২১৬

১৭. তাহ্যীব আত-তাহ্যীব-৭/২৬৫

জনতার ভীড় জমে যেত। আইটুব বলেন, আমি সিদ্ধান্ত নিলাম ইকরিমা পৃথিবীর যেখানেই থাকুন না কেন তাঁর সাথে আমি সাঙ্গাং করবো। ঘটনাক্রমে একদিন বসরার বাজারে পেয়ে গেলাম। তাঁর চারপাশে মানুষের প্রচণ্ড ভীড়। আমি ভীড় ঠেলে নিকটে গেলাম। কিন্তু ভীড়ের কারণে জিজ্ঞেস করতে পারলাম না। এমতাবস্থায় আমি তাঁর বাহনের পাশে দাঁড়িয়ে গেলাম। মানুষ যা কিছু জিজ্ঞেস করছিল তিনি তাঁর জবাব দিচ্ছিলেন, আর আমি তা স্মৃতিতে ধারণ করছিলাম। আইটুব আরো বলেন, একবার ইকরিমা আমাদের এখানে আসলেন। মানুষের এত ভীড় জমে গেল যে, বাধ্য হয়ে তাঁকে ঘরের ছাদে নিয়ে বসাতে হলো।^{১৮}

ইকরিমার সমালোচনা

তাঁর মনীষা ও মহত্বের এ সকল বর্ণনার পাশাপাশি ‘আসমা’ আর-রিজাল’ (চরিত-অভিধান)-এর গ্রন্থাবলীতে তাঁর সম্পর্কে সমালোচনামূলক এমন কিছু মন্তব্য দেখা যায় যাতে তাঁর বর্ণিত হাদীছের যথার্থতা ও বিশুদ্ধতা সম্পর্কে কিছু সন্দেহ সৃষ্টি হয়। সেই মন্তব্যগুলো নিম্নরূপ :

১. আবুল আসওয়াদ আদ-দুওয়াইলী বলতেন, ইকরিমার মধ্যে বোধ-বুদ্ধি একটু কম ছিল। যখন তাঁর নিকট এমন কোন হাদীছ জিজ্ঞেস করা হতো যা তিনি দু'ব্যক্তির নিকট থেকে শুনেছেন, তখন তা এক ব্যক্তির দিকে আরোপ করতেন, আবার অন্য সময় আরেক ব্যক্তির দিকে। কিন্তু এ কোন দোমের বিষয় নয়, কারণ একটি বর্ণনা দু'জন রাবীর নিকট থেকে শুনে থাকলে যে কোন একজনের প্রতি অথবা উভয়ের প্রতি আরোপ করে বর্ণনা করার স্বাধীনতা তাঁর আছে। এতে তাঁর বোধ-বুদ্ধির স্বল্পতা প্রমাণ হয় কিভাবে?
২. আবু খালাফ আল-খারারীজী আল-বাক্কারী বর্ণনা করেন, তিনি হয়রত ‘আবদুল্লাহ ইবন ‘উমারকে (রা) বলতে শুনেছেন যে, তিনি তাঁর দাস নাফি’কে বলতেন : নাফি’! আল্লাহকে ডয় কর এবং আমার প্রতি এমন মিথ্যা আরোপ করবে না যেমন ইকরিমা ‘আবদুল্লাহ ইবন ‘আবাসের প্রতি করে থাকে।^{১৯}
৩. জারীর ইবন ‘আবদিল হামীদ ইয়ায়ীদ ইবন আবী যিয়াদ থেকে বর্ণনা করেছেন। ‘আবদুল্লাহ ইবন ‘আবাসের পুত্র ইকরিমাকে তাঁর পিতার প্রতি মিথ্যা আরোপ করার অপরাধে শাস্তি দিতেন।
৪. হিশাম ইবন সাদ ‘আতা’ খুরাসানী থেকে বর্ণনা করেছেন। তিনি বলেন, আমি সাঁইদ ইবন মুসায়িবকে বললাম, ‘ইকরিমার ধারণা যে, রাসূলুল্লাহ (সা) ইহরাম অবঙ্গায় হয়রত মায়মুনার সাথে বিবাহ বন্ধনে আবদ্ধ হন। তিনি বললেন, তিনি মিথ্যা বলেছেন।
৫. কাতার ইবন খলীফা বলেন, আমি ‘আতা’কে বললাম, ‘ইকরিমা বলে থাকেন যে, মোজার উপর মাসেহ করার নিয়মকে কুরআনের হকুম বাতিল ও রহিত করেছে। ‘আতা’

১৮. তাবাকাত-৫/২১৩; তাহ্যীব আল-কামাল-১৩/১৭০

১৯. তাহ্যীব আল-কামাল-১৩/১৭৩

বললেন, তিনি মিথ্যা বলেছেন। আমি ‘আবদুল্লাহ ইবন ‘আব্রাস (রা) থেকে শুনেছি। তিনি বলতেন, তোমরা মোজার উপর মাসেহ কর, তা তোমরা পায়খানা থেকে বের হও না কেন।

৬. ইসরাইল ‘আবদুল করীম আল-জায়ারী থেকে বর্ণনা করেছেন। ‘ইকরিমা ভূমি ইজারা দেওয়াকে মাকরহ বলেন। তিনি সাঁঈদ ইবন জুবায়রের সংগে বিষয়টি নিয়ে আলোচনা করলেন। সাঁঈদ বললেন, ‘ইকরিমা মিথ্যা বলেছে।’^{১০}

৭. উহাইব ইবন খালিদ ইয়াহইয়া ইবন সাঁঈদ আল-আনসারী থেকে বর্ণনা করেছেন যে, তিনি ইকরিমাকে মিথ্যাবাদী বলতেন।

৮. ইবরাহীম ইবন মুন্যির মা’আন ইবন ‘ঈসা থেকে বর্ণনা করেন। তিনি বলেন, ইমাম মালিক (রহ) ইকরিমাকে বিশ্বস্ত মনে করতেন না। তিনি তাঁর সূত্রে কোন কিছু বর্ণনা করতে নিষেধ করতেন। এ ধরনের আরো কিছু বর্ণনা তাঁর সম্পর্কে পাওয়া যায়।^{১১}

উল্লেখিত বর্ণনাসমূহের পর্যালোচনা

উল্লেখিত বর্ণনাসমূহের একটিও নির্ভরযোগ্য নয়। কারণ, প্রথমত সনদের ধারাবাহিকতা নেই, দ্বিতীয়ত বর্ণনাসমূহের রাবীগণও নির্ভরযোগ্য নয়।

আবুল আসওয়াদ আদ-দুওয়াঙ্গীর মধ্যে ছিল শী‘আ ‘আকীদা-বিশ্বাসের প্রভাব।^{১২} যদিও শী‘আ হওয়া অগ্রহণযোগ্যতার প্রমাণ নয়। কিন্তু খারিজীদের কিছু চিঞ্চা-বিশ্বাস ইকরিমার প্রতি আরোপিত ছিল। এমতাবস্থায় ‘ইকরিমা সম্পর্কে একজন শী‘আর বর্ণনার অগ্রহণযোগ্যতা থাকে না।

দ্বিতীয় বর্ণনার রাবী আবু খালাফ ইয়াহইয়া ইবন আল-বাককার রিজাল শাস্ত্রবিদদের সর্বসম্মত সিদ্ধান্ত ঘতে একজন অনির্ভরযোগ্য ব্যক্তি।^{১৩} তৃতীয় বর্ণনার একজন রাবী ইয়ায়ীদ এবং তিনি শী‘আ। তাছাড়া তিনি নিজেই ইকরিমার বর্ণনা গ্রহণ করেছেন।^{১৪} এমতাবস্থায় তাঁর বর্ণনা তাঁর কাজের পরিপন্থী হয়ে যায়। তৃতীয় বর্ণনার রাবী জারীর ইবন ‘আবদিল হামীদও খুব বেশি বিশ্বাসযোগ্য ব্যক্তি নন।^{১৫} চতুর্থ বর্ণনার রাবী হিশাম ইবন সা’দের বর্ণনাসমূহ গ্রহণযোগ্যতার মান পর্যন্ত পৌছে না। সর্তক মুহাদ্দিছগণ তাঁর কোন বর্ণনা গ্রহণ করতেন না।^{১৬}

পঞ্চম বর্ণনায় কাতার ইবন খলীফা অনেক বিশেষজ্ঞের ঘতে নির্ভরযোগ্য নন।^{১৭} ষষ্ঠ

২০. প্রাগুক-১৩/১৭৪

২১. উল্লেখিত বর্ণনাগুলো ‘তাহ্যীব আত-তাহ্যীব’ গ্রন্থের ৭ম খণ্ডে ‘ইকরিমার জীবনীতে দ্রষ্টব্য।

২২. তাহ্যীব আত-তাহ্যীব-১২/১১

২৩. প্রাগুক-১১/২৭৯

২৪. প্রাগুক-১১/৩২৯

২৫. প্রাগুক-২/৭৬

২৬. প্রাগুক-৭/২১৩

২৭. প্রাগুক-৮/৩০২

বর্ণনার রাবী ইসরাইল একেবারেই একজন অখ্যাত মানুষ। তাছাড়া তাঁর বর্ণনায় যে ভিত্তিতে ‘ইকরিমাকে মিথ্যাবাদী বলা হয়েছে তার অবস্থা এই যে, যদিও সহীহ বর্ণনায় এসেছে যে রাসূলুল্লাহর (সা) সময়কালে ভূমির ইজারাপ্রথা ছিল, কিন্তু অনেক সাহাবীর তা জানা না থাকার কারণে তা জায়েয় হওয়ার ব্যাপারে সন্দেহ ছিল। হযরত ‘আবদুল্লাহ ইবন ‘উমার (রা) যদিও জানতেন যে, রাসূলের (সা) জীবদ্ধশায় ভূমির ইজারা চালু ছিল, কিন্তু কোন কোন সাহাবীর তা না জানা থাকার কারণে জায়েয় হওয়ার ব্যাপারে সন্দেহ ছিল; এ কারণে তিনিও এই ধারণায় ইজারা গ্রহণ ছেড়ে দেন যে, হযরতে এ ব্যাপারে রাসূলুল্লাহর (সা) নিষেধের কথা তিনি শোনেননি। এমতাবস্থায় ‘ইকরিমার ধারণা একেবারে ভিত্তিহীন ছিল না। সপ্তম বর্ণনায় উহাইব ইবন খালিদ একজন দুর্বল (ضعيف) রাবী। আর অষ্টম বর্ণনায় ইবরাহীম ইবন মুনয়লের বর্ণনা বিতর্কিত।^{১৮}

মোটকথা ‘ইকরিমার প্রতি অভিযোগ সম্বলিত এ সকল বর্ণনার কোনটাই গ্রহণযোগ্যতা নেই। তাছাড়া এ সকল বর্ণনার বিপরীতে এত বেশি বর্ণনা আছে যে, তা থাকতে ‘ইকরিমাকে অগ্রহণযোগ্য বিবেচনা করা মোটেই যুক্তিসঙ্গত নয়।

‘আলিম ও মুহাদিছগণের ঐকমত্তা

ইসহাক ইবন ‘ঈসা আত-তাৰ্বা’ বর্ণনা করেন। আমি মালিক ইবন আনাসকে জিজ্ঞেস করলাম, আপনার কি ‘আবদুল্লাহ ইবন ‘উমারের (রা) এই কথাটি জানা আছে— “আমার প্রতি সেই রকম মিথ্যা আরোপ করবে না যে রকম ‘ইকরিমা ইবন ‘আবাসের প্রতি আরোপ করে থাকে?” মালিক বললেন, না। এ ব্যাপারে কিছু জানা নেই। অবশ্য সাঈদ ইবন আল-মুসায়িব তাঁর দাস বুরুদকে এমন বলতেন। এ ব্যাপারে কোন সন্দেহ নেই যে, সাঈদ ইবন জুবায়র অন্যদের মুখে শোনা ‘ইকরিমার কিছু বর্ণনায় সন্দেহ প্রকাশ করতেন। কিন্তু যখন খোদ তাঁর মুখে বর্ণনাটি শুনতেন তখন তাঁর সেই সন্দেহ দূর হয়ে যেত। আবু ইসহাক বলেন, আমি একবার সাঈদ ইবন জুবায়রকে একথা বলতে শুনেছি যে, তোমরা ‘ইকরিমার এমন সব হাদীছ বর্ণনা কর, যদি আমি তাঁর নিকট থাকতাম তাহলে সম্ভবতঃ তা বর্ণনা করতেন না। ঘটনাক্রমে কিছুক্ষণ পরে সেখানে ‘ইকরিমা এসে উপস্থিত হন এবং তিনি সেই হাদীছগুলো বর্ণনা করেন। উপস্থিত সকলে চূপ করে শোনেন। সাঈদও কিছু বললেন না। ‘ইকরিমা চলে যাওয়ার পর লোকেরা সাঈদ ইবন জুবায়রকে জিজ্ঞেস করে : আবু ‘আবদুল্লাহ! কী ব্যাপার, আপনি চূপ থাকলেন কেন? বললেন : ‘ইকরিমা সঠিক বর্ণনা করেছেন। সকল মুহাদিছ তাঁর সত্যবাদিতা ও অগাধ জ্ঞানের স্বীকৃতি দিয়েছেন এবং তাঁর বর্ণনাসমূহ গ্রহণ করেছেন। হযরত ‘আতা’ ও সাঈদ ইবন জুবায়র উভয়ে বিনা দ্বিধায় তাঁর সকল হাদীছ গ্রহণ করতেন। হাবীব আবী ছাবিত বলেন, একবার ‘ইকরিমা ও ‘আতা’ গেলেন সাঈদের নিকট এবং তাঁকে হাদীছ শোনালেন। যখন ‘ইকরিমা হাদীছ শুনিয়ে উঠে গেলেন তখন আমি তাঁদের দু’জনকে প্রশ্ন

১৮. প্রাণক্ষেত্র-১১/১৭০; ১/১৬৭

করলাম : ‘ইকরিমা যা কিছু বর্ণনা করেছেন তার কোন অংশে আপনাদের অঙ্গীকৃতি আছে? তাঁরা বললেন : না।^{১৯}

হযরত সাঈদ ইবন জুবায়র (রহ) যিনি নিজেই একজন বড় ‘আলিম ছিলেন, ‘ইকরিমাকে নিজের চেয়েও বড় ‘আলিম বলে মানতেন। তাবি’ তাবি’নের মধ্যে ইবন জুবায়জ ছিলেন একজন অতি উচ্চ স্তরের মুহান্দিষ। তিনি ‘ইকরিমার এত গুণমুক্তি ছিলেন যে, একবার ইয়াহইয়া ইবন আইউর আল-মিসরীকে জিজ্ঞেস করেন, তোমরা কি ‘ইকরিমা থেকে কিছু লিখেছে? তাঁরা বললেন : না। ইবন জুবায়জ বললেন, তাহলে তো তোমরা দুই তৃতীয়াংশ ‘ইলম (জ্ঞান) বিনষ্ট করে ফেলেছো।^{২০} কাতাদা (রহ) চার ব্যক্তিকে বড় ‘আলিম বলে মানতেন, তাঁদের মধ্যে একজন ‘ইকরিমা। মুহাম্মদ ইবন সীরীন (রহ) হযরত ‘আবদুল্লাহ ইবন ‘আবাসের (রা) সকল হাদীছ ‘ইকরিমার সূত্রে গ্রহণ করেছেন। ইমাম আহমদ ইবন হাসল ‘ইকরিমার বর্ণনাসমূহকে দলীল-প্রমাণ হিসেবে গ্রহণযোগ্য বলে মনে করতেন। ইবন মাঈম বিশ্বাস ও নির্ভরযোগ্যতার ব্যাপারে ‘ইকরিমাকে সাঈদ ইবন জুবায়রের সমকক্ষ বলে বিশ্বাস করতেন। তাঁর প্রতি ইবন মাঈমের এত প্রিয় ভক্তি ও বিশ্বাস ছিল যে, তাঁর সম্পর্কে কোন রকম খারাপ ধারণা পোষণ করা মোটেই সহ্য করতেন না। তিনি বলতেন, যখন আমি কোন ব্যক্তিকে ‘ইকরিমা ও হাম্মাদ ইবন সালামার দোষ-ক্রটি আলোচনা করতে দেখি তখন তার মুসলিম হওয়ার ব্যাপারে আমার মধ্যে সন্দেহের সৃষ্টি হয়। ইবন আল-মাদীনী বলেন, ‘আবদুল্লাহ ইবন ‘আবাসের (রা) দাসদের মধ্যে ‘ইকরিমার চেয়ে ব্যাপক জ্ঞানের অধিকারী দ্বিতীয় কেউ ছিলেন না। ‘ইকরিমা জ্ঞানী ব্যক্তিদের মধ্যে ছিলেন। ইমাম বুখারী বলতেন, আমাদের সকল সংগী-সাথী ‘ইকরিমার বর্ণনা দ্বারা দলীল-প্রমাণ গ্রহণ করেন। ইমাম নাসাই তাঁকে বিশ্বস্ত বলেছেন। ইবন আবী হাতিম বলেন, আমি আমার পিতাকে প্রশ্ন করলাম : ‘ইকরিমা কেমন? জবাব দিলেন : ছিকা বা বিশ্বস্ত। আবাব প্রশ্ন করলাম! তাঁর হাদীছসমূহ কি দলীল-প্রমাণ হিসেবে গ্রহণযোগ্য? বললেন : হঁ, যখন তিনি বিশ্বস্ত রাবীদের থেকে বর্ণনা করেন। ইয়াহইয়া ইবন সাঈদ ও ইমাম মালিক (রহ) তাঁর হাদীছসমূহ নয়, বরং তাঁর নিজের মতামতকে গ্রহণ করতে অঙ্গীকৃতি জানিয়েছেন। তাঁদেরকে প্রশ্ন করা হয় : ‘আবদুল্লাহ ইবন ‘আবাসের (রা) অন্য দাসদের অবস্থা কি? তাঁরা বলেন : ‘ইকরিমা তাঁদের মধ্যে সবচেয়ে উচ্চ ঘর্যাদার অধিকারী। এই স্থানে তাঁর কোন হাদীছ বর্ণনার প্রয়োজন নেই। বিশ্বস্ত রাবীগণ তাঁর থেকে যা কিছু বর্ণনা করেছেন তা সবই সহীহ বা সঠিক। হাদীছের ইমামগণ তাঁর বর্ণনা গ্রহণ করতে নিমেধ করেননি। সহীহ হাদীছের সংকলনকারীগণ তাঁর বর্ণনাসমূহকে তাঁদের সহীহ গ্রন্থসমূহে সন্নিবেশ করেছেন এবং তাঁর ব্যক্তিত্ব এর চেয়েও উন্নত যে, আমি তাঁর হাদীছসমূহ প্রমাণ হিসেবে উপস্থাপন করি।^{২১}

২৯. তাবাকাত-৫/২১৩; তাহ্যীব আল-কামাল-১৩/১৭০

৩০. তাহ্যীব আত-তাহ্যীব-৭/২৬৬

৩১. প্রাণক্রি-৭/২৬৬-২৭০

ইবন মুন্দাহ বলেন, শ্রেষ্ঠ তাবি'ঈদের বিশাল একটি সংখ্যা এবং তাবি' তাবি'ঈগণ ইকরিমাকে ন্যায়নিষ্ঠ বলেছেন, তাঁর থেকে হাদীছ বর্ণনা করেছেন এবং তার একক বর্ণনা দ্বারা আল্লাহর সিফাত, সুন্নাহ ও বিভিন্ন আহকামের দলীল হিসেবে গ্রহণ করেছেন। তাঁর থেকে তিনশো'র অধিক মানুষ হাদীছ বর্ণনা করেছেন। তাদের সম্মত (৭০) জনের অধিক উচু পর্যায়ের তাবি'ঈ। এ এমন মর্যাদা যা অন্য কোন তাবি'ঈ অর্জন করতে পারেননি। যে সকল ইমাম তাঁর সমালোচনা করেছেন তাঁরাও তাঁর থেকে হাদীছ গ্রহণ এড়াতে পারেননি। তাবি'ঈদের যুগ থেকে নিয়ে ইয়াম বুখারী, মুসলিম, আবু দাউদ ও নাসা'ঈর যুগ পর্যন্ত সকল ইমাম তাঁর সহীহ বর্ণনাসমূহ গ্রহণ করে তা ছাবিত, সাকীম ও সাহীহ (সচীব ও সত্যাবাদী, সত্যিই ও সত্যিই হওয়ার পর যুগ ধরে ইমামের পর ইমামগণ তাঁর বর্ণিত হাদীছসমূহকে প্রমাণ হিসেবে গ্রহণ করেছেন। বিখ্যাত চার মাঝহাবের মহান ইমামগণ তাঁর হাদীছসমূহ দলীল হিসেবে গ্রহণ করেছেন। ইয়াম মুসলিম (রহ) তাঁর সম্পর্কে সুধারণা রাখতেন না, তা সত্ত্বেও তিনি তাঁর হাদীছ গ্রহণ করেছেন। চুলচেরা সমালোচনার পর তাঁর মূল্যায়ন করে তাঁকে ন্যায়নিষ্ঠ বলেছেন।^{৩২}

আবু 'আবদিল্লাহ মুহাম্মাদ ইবন নাসর আল-মুরুয়ী বলেন, 'ইকরিমার হাদীছসমূহ প্রমাণ হিসেবে গ্রহণের ব্যাপারে হাদীছের সকল 'আলিমের ইজমা' আছে। আমাদের যুগের সকল শ্রেষ্ঠ মুহাদ্দিছ, যেমন : আহমাদ ইবন হাস্বল, ইবন রাহওয়াইহ, ইয়াহইয়া ইবন মাস্তিন, আবু ছাওর প্রমুখের এ ব্যাপারে ঐকমত্য আছে। আমি তাঁর বর্ণনাসমূহ প্রমাণ হিসেবে গ্রহণ করার ব্যাপারে ইবন রাহওয়াইহ-এর নিকট জিজ্ঞেস করি। তিনি আমার প্রশ্নে বিস্ময় প্রকাশ করে বলেন, আমাদের মতে 'ইকরিমা সারা পৃথিবীর ইয়াম। কিছু লোক ইয়াহইয়া ইবন মাস্তিনকে একই প্রশ্ন করে। তিনিও এমন প্রশ্নে বিস্ময় প্রকাশ করেন।^{৩৩}

জাবির ইবন যায়দ বলতেন, 'ইকরিমা হলেন মানুষের মধ্যে অধিক জ্ঞানের অধিকারী ব্যক্তি। যার মধ্যে জ্ঞানের সুগক্ষি অনুভব করার সামান্যতম শক্তি আছে তার ইয়াবীদ ইবন আবী যিয়াদের কথা (পূর্বে উল্লেখিত) উপর নির্ভর করা উচিত নয়। ইয়াবীদ ইবন আবী যিয়াদ এ ক্ষেত্রে গ্রহণযোগ্য ব্যক্তি নন। আর একজন সমালোচিত ব্যক্তির কথা দ্বারা একজন ন্যায়নিষ্ঠ ব্যক্তি সমালোচিত ও দোষী হতে পারেন না। 'ইকরিমা এমন ব্যক্তি যাঁর জ্ঞানের ঝর্ণাধারা থেকে জ্ঞানী ব্যক্তিরা পরিত্পন্ত হয়ে সমগ্র পৃথিবীতে হাদীছ ও ফিক্হের প্রসার ঘটিয়েছেন। তাঁর মধ্যে কিছু কৌতুকপ্রিয়তা ছাড়া মন্দ কোন কিছুর কথা আমার জানা নেই।

মোটকথা, পূর্বে আলোচিত কিছু দুর্বল ও ভিত্তিহীন বর্ণনা ছাড়া সকল 'আলিম ও মুহাদ্দিছ 'ইকরিমার মহত্ত্ব, মনীষা ও সত্যবাদিতার ব্যাপারে এ রকম মত পোষণ করেছেন। তাঁর সত্যবাদিতার অনস্বীকার্য সাক্ষ্য এই যে, খোদ হয়রত 'আবদুল্লাহ ইবন 'আব্বাস (রা),

৩২. প্রাগুক্ত-৭/৫২

৩৩. প্রাগুক্ত-৭/২৭২-২৭৩

ঘাঁর আশ্রয়ে তিনি বেড়ে ওঠেন, তাঁর জ্ঞানের উপর এতখানি আস্থা ছিল যে, তিনি প্রকাশ্যে ঘোষণা দেন, ‘ইকরিমা আমার সূত্রে যা বর্ণনা করবে তোমরা তা সত্য বলে জানবে।’^{৩৪} সে আমার নামে মিথ্যা বলবে না। এখানে যে পর্যালোচনা উপস্থাপন করা হলো তাতে জ্ঞানের জগতে হ্যরত ইকরিমার (রহ) সুউচ্চ আসন ও মর্যাদার ব্যাপারে কোন রকম সন্দেহের অবকাশ থাকে না।

তাঁর ছাত্র

জ্ঞানের জগতে তাঁর যে সুউচ্চ আসন ছিল তা তাঁর ছাত্র সংখ্যা দ্বারা দুব্বা যায়। অসংখ্য ছাত্র তাঁর নিকট থেকে হাদীছ শুনেছেন। তাঁদের মধ্যে অনেকে ছিলেন ইমাম পর্যায়ের। ছাত্রদের নামের তালিকা অনেক দীর্ঘ হবে, তাই কয়েকজন বিশিষ্ট ছাত্রের নাম এখানে উপস্থাপন করা হলো :

ইবরাহীম নাথাঁসৈ, জাবির ইবন যায়দ, ইমাম শা'বী, আবু ইসহাক সুবায়‘সৈ, আবুয যুবায়র, কাতাদা, সাম্যাক ইবন হারব, ‘আসিম আল-আহওয়াল, হ্সায়ন ইবন ‘আবদির রহমান, আইউব, খালিদ, দাউদ ইবন আবী হিন্দ, ‘আসিম ইবন বাহদালা, ‘আবদুল কারীম আল-জায়ারী, হ্মায়দ আত-তাবীল, মুসা ইবন ‘উকবা, ‘আমর ইবন দীনার, ‘আতা’ ইবন সায়িব, ইয়াহইয়া ইবন সাঁস্টেদ আল-আনসারী, ইয়ায়ীদ ইবন আবী হাবীব, আবু ইসহাক আশ-শায়বানী, হিশাম ইবন হাস্সান, ইয়াহইয়া ইবন কাহীর, হাকাম ইবন উয়ায়না, খাসীফ আল-জায়ারী, দাউদ ইবন আল-হ্সায়ন, ‘আতা’ আল-খুরাসানী, ‘আতা’ ইবন আস-সায়িব, ‘আতা’ আল-‘আওফী, ‘আবদুল কারীম আবু উমাইয়া আল-বাসীরী, ‘আবদুল মালিক ইবন আবী বাশীর আল-মাদায়িনী, ‘উছমান ইবন সাঁদ আল-কাতিব, ‘উছমান ইবন গিয়াছ আল-বাসীরী (রহ) ও আরো অনেকে।^{৩৫}

ফিক্হ

হ্যরত ইকরিমার (রহ) মূল বিষয় ছিল হাদীছ। তবে তিনি ফিক্হ শাস্ত্রেও সুদক্ষ ছিলেন। ইবন হিকান বলেন, ‘ইকরিমা তাঁর সময়ে ফিক্হ ও কুরআনের অন্যতম বড় ‘আলিম ছিলেন।’^{৩৬} ফিক্হ বিষয়ে তাঁর পারদর্শিতার বড় সনদ এই যে, হ্যরত ‘আবদুল্লাহ ইবন ‘আবাস (রা) ঘীয় জীবদ্ধায় তাঁকে ফাতওয়া দিতে বলেন। আমি দু’বার অপারগতা প্রকাশ করে বলি যে, যদি এ যুগের মানুষ পূর্ববর্তী যুগের সত্যনিষ্ঠ মানুষদের মত হতো তাহলে আমার কোন আপত্তি থাকতো না। আমার এ আপত্তির কথা শুনেও তিনি জোর দিয়ে বলেন, কোন ব্যক্তি জরুরী কোন মাসয়ালা জিজেস করলে তা বলে দেবে। আর কেউ অহেতুক প্রশ্ন করলে তার জবাব দেবে না। এই কর্ম-পদ্ধতিতে তোমার

৩৪. প্রাগৃত-৭/২৬৫; তাহ্যীব আল-কামাল-১৩/১৬৮

৩৫. তাহ্যীব আত-তাহ্যীব-৭/২৬৪; তাহ্যীব আল-কামাল-১৩/১৬৮

৩৬. তাহ্যীব আত-তাহ্যীব-৭/২৭১

দুই-তৃতীয়াংশ বোঝা হালকা হয়ে যাবে।^{৭৭} ফিক্হ শাস্ত্রে তাঁর মনীষা ও পাণ্ডিত্য এতখানি স্বীকৃত ছিল যে, যখন তিনি বসরায় যেতেন এবং যতদিন সেখানে অবস্থান করতেন ততদিন পর্যন্ত হাসান আল-বসরী (রহ) ফাতওয়া দিতেন না।^{৭৮} তাঁর ইন্তিকালের পর মানুষের মুখে মুখে একথাটি উচ্চারিত হতো : ফিক্হ বিষয়ে সর্বাধিক জ্ঞানী ব্যক্তি দুনিয়া থেকে চলে গেছেন।^{৭৯}

তাঁর সমকালীন জ্ঞানী-গুণীরা বিভিন্ন মাসয়ালার ক্ষেত্রে তাঁকে নির্ভরযোগ্য মনে করে তাঁর কাছেই জানতে চাইতেন। ‘আমর ইবন দীনার বলেন, জাবির ইবন যায়দ কয়েকটি মাসয়ালা জিজ্ঞেস করার জন্য আমাকে ‘ইকরিমা’র নিকট পাঠালেন এবং আমাকে একথাও বললেন যে, ইবন ‘আবাসের (রা) এ দাস জ্ঞানের সাগর। তাঁর কাছে জিজ্ঞেস করবে।^{৮০}

মাগায়ী

মাগায়ী হলো হ্যরত রাসূলে কারীমের (সা) জীবন-ইতিহাস। বিশেষত তাঁর সময়ের যুদ্ধ-বিথের ইতিহাস। হাদীছ ও ফিক্হ ছাড়াও ইতিহাসেও তাঁর গভীর জ্ঞান ছিল। মাগায়ী শাস্ত্রে একজন বিশিষ্ট ‘আলিম ছিলেন। এ বিষয়ে তাঁর এত জ্ঞান ছিল যে, যখন মাগায়ীর বর্ণনা দিতেন তখন সাবলীল ভাষায় শ্রোতাদেরকে যেন যুক্তের ময়দানে নিয়ে উপস্থিত করতেন। সুফইয়ান ইবন ‘উয়ায়না বলেন, ‘ইকরিমা’ যখন মাগায়ী বর্ণনা করতেন তখন শ্রোতাদের মনে হতো তারা যেন মুজাহিদদের সামনে দাঁড়িয়ে আছে এবং তাঁদেরকে দেখছে।^{৮১}

কাতাদা (রহ) বলতেন :^{৮২}

كان أعلم التابعين أربعة : كان عطاء بن أبي رباح أعلمهم بالمناسك، وكان سعيد بن جبير أعلمهم بالتفسير، وكان عكرمة أعلمهم بسيرة النبي صلى الله عليه وسلم، وكان الحسن أعلمهم بالحلال والحرام.

‘তাবি’ঈদের মধ্যে সর্বাধিক জ্ঞানী ব্যক্তি চারজন : ইজের আহকাম ও ‘ইবাদাত বিষয়ক জ্ঞানে ‘আতা’ ইবন আবী রাবাহ; তাফসীর বিষয়ক জ্ঞানে সা’ঈদ ইবন জুবায়র, সীরাতুন নবী (সা) বিষয়ক জ্ঞানে ‘ইকরিমা’ এবং হালাল-হারাম বিষয়ক জ্ঞানে আল-হাসান সর্বাধিক জ্ঞানী ব্যক্তি।’

৩৭. প্রাগুক

৩৮. তায়কিরাতুল হফ্ফাজ-১/১৮৪

৩৯. তাবাকাত-৫/২১৬

৪০. প্রাগুক-৫/২১৩

৪১. তাহ্যীব আত-তাহ্যীব-৭/২৬৬; তাহ্যীব আল-কামাল-১৩/১৬৮

৪২. তাহ্যীব আল-কামাল-১৩/১৬৮

ওফাত

হিজরী ১০৫, মতান্তরে ১০৬ অথবা ১০৭ সনে তিনি মৃত্যুবরণ করেন। ইমাম যাহাবীর মতে হিজরী ১০৭ সনে মদীনায় তাঁর মৃত্যু হয়। একটি বর্ণনায় এসেছে যে, তিনি আফ্রিকার কায়রোয়ানে ইনতিকাল করেন। তবে এ বর্ণনা নির্ভরযোগ্য নয়।^{৪৩}

কিছু সন্দেহের অপনোদন

কিছু বর্ণনা দ্বারা জানা যায় যে, হ্যরত ইকরিমার একটি ঝোক ছিল খারিজীদের সাফরিয়া ও ইবাদিয়া সম্প্রদায়ের আকীদা-বিশ্বাসের প্রতি এবং নাজদা খারিজীর সাথে তার গভীর সম্পর্ক ও যোগাযোগ ছিল। এমনকি নাজদা তাঁর নিকট ছয় মাস পর্যন্ত অবস্থানও করেছিল। মরক্কোর খারিজীরা তাঁর নিকট জ্ঞান অর্জন করেছে।^{৪৪} তবে এ সকল বর্ণনার সবই সন্দেহ ও সংশয়পূর্ণ।

তাবাকাতে ইবন সাদ, যেটি সবচেয়ে প্রাচীন সূত্র বলে স্বীকৃত, তাতে শুধু এ বাক্যটি পাওয়া যায় :^{৪৫}

يظن أنه يرى رأى الخوارج
كرونن ! - ‘ধারণা করা হয় যে, তিনি খারিজীদের মত পোষণ
করতেন।’ এ বর্ণনার ভিত্তি যে কতটুকু শক্ত তা “يظن” অর্থাৎ ধারণা ও অনুমান শব্দ
প্রয়োগের দ্বারা বুঝা যায়। কিছু মানুষ তো এ বর্ণনাকে একেবারে প্রত্যাখ্যান করেছেন।
তাই ‘আজলী বলেন, তিনি একজন মাঝী তাবিঁই, বিশ্বাসযোগ্য এবং খারিজী মত
পোষণের যে অভিযোগ তার প্রতি আরোপ করা হয় তা থেকে সম্পূর্ণ মুক্ত।^{৪৬}

এ সকল বর্ণনা ছাড়া যুক্তি দ্বারাও প্রমাণ করা যায় যে, খারিজীদের সাথে তাঁর সম্পর্ক
থাকতে পারে না। কারণ, তিনি লালিত-পালিত হন হ্যরত ‘আবদুল্লাহ ইবন ‘আবাসের
(রা) প্রত্যক্ষ তত্ত্বাবধানে, আর তিনি ছিলেন খারিজীদের প্রবল প্রতিপক্ষ। ইকরিমার
প্রথম মনিব হুসায়ন ইবন আল-হুর আল-আম্বরও ছিলেন আহলি বাযত তথা নবী-
পরিবারের ভক্ত। এমতাবস্থায় খারিজী চিন্তা-বিশ্বাসের দিকে তাঁর ঝোক থাকার সম্ভাবনা
শুবই কম। অপর দিকে শী‘আ মত-বিশ্বাসের দিকে ঝোক প্রবণতার কথা যদি তাঁর সূত্রে
বর্ণিত হতো তাহলে তা অধিক যুক্তিগ্রাহ্য হতে পারতো।

বিভিন্ন বর্ণনা পর্যালোচনার পর এ সিদ্ধান্তে আসা যায় যে, হ্যরত ইকরিমা মুসলিম
জনসাধারণের মত খারিজীদের ব্যাপারে কঠোর মনোভাবাপন্ন ছিলেন না। তিনি তাদের
সাথে লৌকিক ও সামাজিক সম্পর্ক বজায় রাখতেন। যেহেতু এ কাজ মুসলিম
জনসাধারণের কর্ম-পদ্ধতির বিপরীতে ছিল এবং জনগণ তা পছন্দ করতোনা, এ কারণে
তাঁর খারিজী হওয়ার কথাটি প্রসিদ্ধি লাভ করে। এটাও হতে পারে যে, বিশেষ কোন

৪৩. তাফ্কিরাতুল হফ্ফাজ-১/১৮৪; তাহ্যীব আল-কামাল-১৩/১৮১

৪৪. তাহ্যীব আল-কামাল-১৩/১৭৮

৪৫. প্রাগুক্তি-১৩/১৮০; তাবাকাত-৫/২১৬

৪৬. তাহ্যীব আত-তাহ্যীব-৭/২৭০

মাসয়ালায় তাঁর মতামত খারিজীদের মতামতের সাথে মিলে যায়, এ কারণে তিনি খারিজী হিসেবে খ্রিস্টিন পান। অন্যথায় এই গোমরাহ দলের সাথে তাঁর কোন রকম সম্পর্ক ছিল না।

দেশ ভ্রমণে তাঁর প্রবল আগ্রহ ছিল। সারা জীবনই এক স্থান থেকে অন্য স্থানে ভ্রমণ করেছেন। পূর্বে সমরকন্দ থেকে পশ্চিমে মিসর তথা আফ্রিকার প্রান্তসীমা পর্যন্ত ছিল তাঁর ভ্রমণের পরিধি।^{৪৭}

তাঁর আল-মাগরিব তথা মরক্কো সফরের কারণ সম্পর্কে আবুল আসওয়াদ বলেছেন এভাবে :^{৪৮}

كنت أول من سبب لعكرمة الخروج إلى المغرب، وذلك لأنني قدمت من مصر إلى الدنيا، فلقيت عكرمة وسألته عن أهل المغرب فأخبرته بغفلتهم، قال :

فخر إليهم.

“ইকরিমার আল-মাগরিব যাত্রার প্রথম কারণ আমি। আর তা হলো আমি মিসর থেকে মদীনায় আসি এবং ইকরিমা আমার সাথে দেখা করেন। তিনি আল-মাগরিববাসীদের সম্পর্কে আমার নিকট জানতে চাইলেন। আমি তাদের অমনোযোগিতা ও গাফলতি সম্পর্কে তাঁকে অবহিত করলাম। অতঃপর তিনি (মদীনা থেকে) আল-মাগরিববাসীদের দিকে বেরিয়ে পড়লেন।”

ইবন বুকাইর বলেন, ‘ইকরিমা আল-মাগরিব যাওয়ার পথে মিসর আসেন। তিনি নিজের বাড়ির পাশে একটি বাড়ি দেখিয়ে বলতেন, ‘ইকরিমা এই বাড়িতে অবস্থান করেন এবং এখান থেকে আল-মাগরিবের দিকে বেরিয়ে পড়েন।’^{৪৯}

তাঁর বসরা গমনের একটি ঘটনা বর্ণনা করেছেন আইউব এভাবে : ‘আমি ইকরিমার খ্যাতির কথা শনে তিনি যেখানেই থাকুন না কেন তাঁর কাছে যাওয়ার ইরাদা করছিলাম। একদিন আমি বসরার বাজারে বসে আছি, এমন সময় এক ব্যক্তি গাধায় চড়ে সেখানে আসলেন। লোকেরা আমাকে বললো, ইনিই ইকরিমা। লোকেরা তাঁকে ধিরে ধরলো। আমিও উঠে তাঁর দিকে এগিয়ে গেলাম। কিন্তু কোন প্রশ্ন করতে পারলাম না। আমার সব প্রশ্ন যেন ভুলে গেলাম। আমি তাঁর গাধার পাশে দাঁড়িয়ে দাঁড়িয়ে মানুষের সকল প্রশ্ন ও তাঁর উত্তর শনতে ও মুখস্থ করতে লাগলাম। আইউব আরো বলেন, তাঁর পাশে মানুষের এত ভীড় হয় যে, তা সামলাতে তাঁকে একটি ঘরের ছাদের উপর বসানো হয়। এই বসরা ভ্রমণকালে সেখানে আইউব, সুলায়মান আত-তায়মী, ইউনুস ইবন ‘উবায়দ তাঁর নিকট থেকে হাদীছ শোনেন।’^{৫০}

৪৭. প্রাগুক

৪৮. তাহ্যীব আল-কামাল-১৩/১৭২

৪৯. প্রাগুক

৫০. প্রাগুক

তিনি খুরাসান ও সমরকন্দেও যান। আল-মুগীরা ইবন মুসলিম বলেন, খুরাসানে তাঁর হজ্জ বিষয়ে অনেক প্রশ্ন করা হয়। আবুত তায়িব মূসা ইবন ইয়াসার বলেন, আমি ইকরিমাকে গাধায় চড়ে সমরকন্দ থেকে আসতে দেখেছি। সেই গাধার পিঠে ঝোলানো রেশমভরা দুটি বস্তা ছিল, যা সমরকন্দের শাসক তাঁকে দিয়েছিলেন। সংগে একটি দাসও ছিল। আবুত তায়িব আরো বলেন, আমি এই সমরকন্দেই তাঁর নিকট থেকে হাদীছ শুনেছি। এখানে একবার তাঁকে প্রশ্ন করা হয়েছিল আপনি হারামাইন (মক্কা-মদীনা) ছেড়ে এই খুরাসান-সমরকন্দে এসেছেন কেন? তিনি বলেন, প্রয়োজনই আমাকে এখানে নিয়ে এসেছে।^১

আসলে তিনি সাধারণ মানুষের দান-উপহার গ্রহণ করতেন না, বরং আমীর-উমারাদের থেকেই গ্রহণ করতেন। একবার তাঁর মাথায় একটি পুরাতন জীর্ণ পাগড়ী দেখে এক ব্যক্তি তাঁকে বললো, আপনি এই পাগড়ীটি বাদ দিন, আমাদের অনেক পাগড়ী আছে, তার থেকে একটি পাঠিয়ে দিচ্ছি, আপনি সেটা পরবেন। বললেন :

أَنَا لَا أَخْذُ مِنَ النَّاسِ شَيْئًا إِنْمَا أَخْذُ مِنَ الْأَمْرَاءِ.

‘আমি সাধারণ মানুষের নিকট থেকে কোন কিছু গ্রহণ করিনে। গ্রহণ করি কেবল আমীর-উমারাদের থেকে।’

ইবরাহীম ইবন ইয়া'কুব বলেন, আমি আহমাদ ইবন হাস্বলের নিকট জানতে চাইলাম যে, ইকরিমা কি আল-মাগারিবের ‘বারবার’ সম্প্রদায়ের নিকট গিয়েছিলেন? বললেন : হঁ। তিনি খুরাসানের আমীর-উমারাদের নিকট গিয়ে তাঁদের দান-অনুগ্রহ গ্রহণ করতেন।^২

খালিদ ইবন আবী ‘ইমরান বলেন, ইবন ‘আব্রাসের (রা) দাস ইকরিমা একটা মেলায় মৌসুমে আমাদের আফ্রিকাতে আসেন এবং একটি বল্লম হাতে নিয়ে বলেন, আমি মেলায় যাব, ডানে-বামে যাকে পাব এই বল্লম দিয়ে পেটাবো। তিনি মেলায় যান এবং মেলায় অংশ গ্রহণকারীদের প্রতিরোধের মুখে পড়েন।^৩

১. প্রাঞ্জ-১৩/১৭৬

২. প্রাঞ্জ-১৩/১৭২, ১৭৬

৩. প্রাঞ্জ-১৩/১৭২

‘আবদুল্লাহ ইবন ‘আওন (রহ)

হয়রত ‘আবদুল্লাহর ডাকনাম আবু ‘আওন। তিনি ‘আবদুল্লাহ ইবন দুর্রা আল-মুয়ানীর দাস ছিলেন। জারিফ প্রাবনের তিন বছর পূর্বে জন্মগ্রহণ করেন।’

জ্ঞান ও মনীষা

জ্ঞানের দিক দিয়ে তিনি কৃফার শ্রেষ্ঠ ‘আলিমদের মধ্যে ছিলেন। ইমাম আছ-ছাওরী বলতেন, আমি আইউব, ইউনুস, তায়মী এবং ‘আওনের মত জ্ঞানী ব্যক্তিবর্গের একটি শহরে একত্রে আর কোথাও দেখিনি।’^১

হাদীছ

হয়রত ‘আবদুল্লাহ সকল ইসলামী জ্ঞানে পারদর্শী ছিলেন। তবে হয়রত রাসূলে কার্যামের (সা) হাদীছের প্রতি ছিল তাঁর বিশেষ আগ্রহ ও আকর্ষণ এবং তাতে তিনি এক বিশেষ মর্যাদার আসন লাভ করেন। ইবন সাদ বলেন :^২

কان ثقة كثير الحديث.

“তিনি ছিলেন বিশ্বস্ত, বহু হাদীছের ধারক-বাহক ও বর্ণনাকারী।” তিনি তাঁর যুগের সকল বড় মুহাদিছের জ্ঞান আত্মস্থ করেন। ইবন ‘আদী বলেন, ইবন ‘আওন এমন সব সনদবিশিষ্ট হাদীছ সংরক্ষণ করেন যা তাঁর অন্য কোন সঙ্গী-সাথী করতে পারেননি। মদীনার শ্রেষ্ঠ মুহাদিছগণের মধ্যে তিনি হয়রত সালিম, কাসিম; বসরার মুহাদিছগণের মধ্যে হয়রত হাসান আল-বাসরী, মুহাম্মাদ ইবন সীরীন; কৃফার মুহাদিছগণের মধ্যে ইমাম শা’বী, ইমাম নাখা’ঈদ; মক্কার মুহাদিছগণের মধ্যে হয়রত ‘আতা’, মুজাহিদ; শামের মুহাদিছগণের মধ্যে মাকতুল ও রাজা’ ইবন হায়ওয়া (রহ) থেকে হাদীছ শোনেন।^৩ এভাবে তিনি তৎকালীন সকল হাদীছ চর্চার কেন্দ্রগুলোর শ্রেষ্ঠ মুহাদিছগণের হাদীছসমূহ লাভ করেন। এছাড়া আরো বহু ‘আলিমের নিকট থেকে ফায়দা হাসিল করেন। তাঁদের মধ্যে কয়েকজন হলেন : ছুমাম ইবন ‘আবদিল্লাহ ইবন আনাস, আনাস ইবন সীরীন, যিয়াদ ইবন যুবায়ির, ‘আবদুর রহমান ইবন আবী বাকরা, মুসা ইবন আনাস ইবনে মালিক, হিশাম ইবন যায়দ ইবন আনাস, সাঈদ ইবন জুবায়ির, নাফি’ (রহ) প্রমুখ।^৪ এ সকল মহান ব্যক্তির সাহচর্য ও উদারতায় তিনি যে জ্ঞান অর্জন করেন তার পরিধি অত্যন্ত

১. তাবাকাত ইবন সাদ-৭/২৫

২. তাহ্যীব আত-তাহ্যীব-৫/৩৪৭

৩. তাবাকাত-৭/২৪

৪. তাহ্যীব আত-তাহ্যীব-৫/৩৪৭’ তাহ্যীব আল-কামাল-১০/৩৯৬

৫. প্রাওক্ত

বিস্তৃত । ইবন মাহদী বলেন, ইরাকে ইবন ‘আওনের চেয়ে সুন্নাহর বড় ‘আলিম আর কেউ ছিলেন না ।^৫ ‘উছমান আল-বাতী বলতেন, আমার এ দুচোখ ‘আবদুল্লাহ ইবন ‘আওনের মত আর কাউকে দেখেনি ।^৬

হ্যরত ‘আবদুল্লাহ ইবন আল-মুবারক (রহ) বলতেন, আমি সাক্ষাতের পূর্বে যে সকল ব্যক্তির কথা শুনেছিলাম তাঁদের মধ্যে ‘আবদুল্লাহ ইবন ‘আওন, রাজা’ ইবন হায়ওয়া ও সুফইয়ান ছাড়া অবশিষ্ট সকলকে সাক্ষাতের পর নিম্নমানের পেয়েছি । তবে ইবন ‘আওনের সাথে সাক্ষাতের পর মন চাইতো, চিরদিনের জন্য তাঁর সাথে সম্পৃক্ষ হয়ে যাই এবং মরণ পর্যন্ত পৃথক না হই ।^৭ একবার হিশাম ইবন হাস্সান একটি হাদীছ বর্ণনা করেন । একজন জিজ্ঞেস করলো : হাদীছটি আপনি কার নিকট থেকে শুনেছেন? জবাব দিলেন : এমন ব্যক্তির নিকট থেকে যার সমকক্ষ আর কাউকে আমার চোখ দেখেনি । তিনি হাসান আল-বাসরী ও মুহাম্মাদ ইবন সৌরানকেও ব্যতিক্রম বলেননি ।^৮

হাদীছ বর্ণনায় ভীতি ও সতর্কতা

এত গভীর ও ব্যাপক জ্ঞানের অধিকারী হওয়া সত্ত্বেও তিনি হাদীছ বর্ণনায় দারুণ সতর্ক ছিলেন । মানুষকে হাদীছ শোনাতে হবে এই ভয়ে রাস্তা-ঘাটে বের হওয়া বন্ধ করে দেন । বাক্কার ইবন মুহাম্মাদ বলেন, ‘আবদুল্লাহ ইবন ‘আওন আমাকে বললেন : ভাতিজা! মানুষ আমার পথ বন্ধ করে দিয়েছে । এখন আমি প্রয়োজনেও ঘর থেকে বের হতে পারিনে । বাক্কার বলেন, তাঁর এ কথার অর্থ এই ছিল যে, মানুষ তাঁর কাছে হাদীছ জিজ্ঞেস করতো ।^৯ তা সত্ত্বেও তিনি হাদীছ বর্ণনার দ্বার একেবারে বন্ধ করে দেননি । আলিমগণের স্বীকৃত ও সত্যায়িত হাদীছ তিনি বর্ণনা করতেন । বাক্কার বলেন, ইবন ‘আওন কুফাতেই সর্বাধিক জ্ঞান অর্জন করেন এবং তা মুহাম্মাদের সামনে উপস্থাপন করেন । মুহাম্মাদ তা শুনে যে হাদীছের ব্যাপরে একমত ও সন্তুষ্টি প্রকাশ করেন, ইবন ‘আওন তাই বর্ণনা করেন এবং অবশিষ্টগুলো বাদ দেন ।^{১০}

ছাত্রবৃন্দ

তাঁর ছাত্রদের মধ্যে বড় বড় ইমামও আছেন । যেমন : আ’মাশ, সুফইয়ান আচ-ছাওয়ী, শু’বা (রহ) প্রমুখ । সাধারণ ছাত্রদের তালিকা অনেক দীর্ঘ । তাদের মধ্যে সর্বাধিক উল্লেখযোগ্য কয়েকজন হলেন : দাউদ ইবন আবী হিন্দ, ইয়াহইয়া আল-কাভান, ‘আবাদ ইবন আল-‘আওয়াম, হাশীম, ইয়ায়ীদ ইবন মুরায়াই, ইবন ‘আলিয়া, বিশ্র

৬. তাহ্যীব আত-তাহ্যীব-৫/৩৪৮

৭. তাহ্যীব আল-কামার-১০/৩৯৬

৮. প্রাণ্ডু; তাহ্যীব আত-তাহ্যীব-৫/৩৪৮

৯. তাবাকাত-৭/২৭

১০. প্রাণ্ডু-৭/২৫

১১. প্রাণ্ডু-৭/২৭

ইবন মুফাদ্বাল, মু'আয়, ইয়ায়ীদ ইবন হারুন, আবু 'আসিম, মুহাম্মাদ ইবন 'আবদিল্লাহ আল-আনসারী (রহ) ও আরো অনেকে।^{১২}

চারিত্রিক বৈশিষ্ট্য

জ্ঞানের চেয়েও তিনি তাঁর তাকওয়া-পরহেয়গারী, নৈতিক ও আধ্যাত্মিক শুণাবলীতে বেশি দীপ্তিমান ছিলেন। ইবন হিবান বলেন, ইবাদত-বন্দেগী, তাকওয়া-পরহেয়গারী, সুন্নাতের অনুসরণ এবং বিদ'আতীদের প্রতি কঠোরতার ব্যাপারে তিনি সমকালীনদের মধ্যে অন্যতম নেতৃ ছিলেন।^{১৩}

'আকীদা-বিশ্বাসের ব্যাপারে কঠোরতা

'আকীদার ব্যাপারে তিনি সাহাবায়ে কিরামের (রা) পবিত্র ও পরিচ্ছন্ন 'আকীদা-বিশ্বাসের অনুসারী ছিলেন এবং এ ব্যাপারে বিন্দুমাত্র কম-বেশি করাকে দারুণ অপছন্দ করতেন। আর যারা এমন করতো তাদের তিনি সালামও করতেন না।^{১৪} একবার তাঁর সামনে 'কদর' বিষয়ে আলোচনা হলে তিনি বললেন, এই 'আকীদার বয়সের চেয়ে আমার বয়স বেশি। আমি সাঙ্গে আল-জুহানী ও সানওয়াইহ ব্যতীত পূর্ববর্তীদের কেউ এ বিষয়ে আলোচনা করেছেন বলে শুনিনি মূলত এ একটি মন্দ চিত্ত।'^{১৫}

ইবাদত

তাঁর তাকওয়া-পরহেয়গারী ও ইবাদত-বন্দেগীর মাত্রা মুহাম্মাদ ইবন সীরীনকেও হার মানিয়ে দেয়। কুররা বলেন, আমরা মুহাম্মাদ ইবন সীরীনের আল্লাহ-ভীতি দেখে অবাক হতাম, কিন্তু 'আবদুল্লাহ ইবন আওন তাঁকেও হার মানান।^{১৬} তাঁর প্রতিদিনের সবচেয়ে বড় কাজ ছিল 'ইবাদত। ফজরের নামাযের পর কিবলামুখী হয়ে বসে যিকর করতেন। সূর্যোদয়ের পর ইশ্রাকের নামায আদায় করে মানুষের সামনে আসতেন। প্রত্যেক রাতে কয়েক শো রাক'আত নফল নামায পড়তেন। কোন কারণে কোন রাতে যদি তা আদায় করতে না পারতেন তাহলে দিনে তা পূরণ করতেন।^{১৭} বাড়ির সীমানার মধ্যে একটি বিশেষ মসজিদ ছিল। মাগরিব ও 'ঈশা ছাড়া বাকী তিন ওয়াকতের নামায নিজের ছেলে, ভাই এবং উপস্থিতি লোকদের নিয়ে এই মসজিদে পড়তেন। জুম'আ ও দু'ঈদের নামাযকে অত্যন্ত গুরুত্ব দিতেন। গোসল করে সুন্দর রূচিসম্মত পোশাক পরে খোশবু লাগাতেন। কখনো বাহনে চড়ে, আবার কখনো পায়ে হেঁটে মসজিদে যেতেন। জুম'আর নামায আদায় করার পরই ঘরে ফিরে যেতেন এবং সুন্নাত-নফল নামায ঘরেই আদায়

১২. তাহ্যীব আত-তাহ্যীব-৫/৩৪৭' তাহ্যীব আল-কামাল-১০/৩৯৬

১৩. তাহ্যীব আত-তাহ্যীব-৫/৩৪৮

১৪. তাবাকাত-৭/২৫

১৫. প্রাণ্ডু

১৬. শায়ারাত আয-যাহাব-১/২৩০; তাহ্যীব আল-কামাল-১০/৩৯৮

১৭. তাবাকাত-৭/২৫

করতেন। রম্যান মাসে ‘ইবাদতের মাত্রা’ অনেক বেড়ে যেত। ফরয নামায জামা’আতের সাথে আদায়ের পর ঘরে ফিরতেন। নিজেনে ইবাদত করতেন এবং নিজেনে বসে বসে—
رَبِّنَا لَهُ حَمْدٌ إِلَّا يَكُونُ مَشْفَعًا
এই যিকরে মশগুল থাকতেন।^{১৮} একদিন পর একদিন করে সারা বছর রোয়া রাখতেন এবং আমরণ এই নিয়মের ভিন্নতা হয়নি।^{১৯}

জিহাদ ফী সাবিলিল্লাহর (আল্লাহর পথে জিহাদ) উদ্দেশ্যে বিশেষ যত্নে একটি উদ্বৃত্তি পালতেন এবং স্টোকে খুবই ভালোবাসতেন। বিভিন্ন গুরুত্বপূর্ণ অভিযানে তাঁর অংশগ্রহণের প্রমাণ পাওয়া যায়। রোমানদের সাথে কোন একটি যুদ্ধে অংশগ্রহণ করেন এবং একজন রোমান সৈনিকের সাথে দ্বন্দ্ব যুদ্ধে লিঙ্গ হয়ে তাকে হত্যা করেন।^{২০}

আত্মশুদ্ধি

আত্মশুদ্ধি ব্যতীত দুনিয়ার আর কোন কিছুর প্রতি তাঁর আগ্রহ ছিল না। বাক্কার ইবন মুহাম্মাদ বর্ণনা করেছেন, ইবন ‘আওন না কারো সাথে রসিকতা করতেন, আর না করতেন কারো সাথে তর্ক-বিতর্ক। কবিতা আবৃত্তিও করতেন না। তিনি কেবল আত্মপরিশুদ্ধির কাজেই নিয়োজিত থাকতেন।^{২১}

উপকার করে গোপন রাখা

কারো কোন উপকার করে তা প্রকাশ করা খারাপ মনে করতেন। বাক্কার ইবন মুহাম্মাদ বলেন, ইবন ‘আওন কারো প্রতি অনুগ্রহ বা সদাচরণ করলে এত গোপনে করতেন যে, কেউ জানতে পারতো না। অন্যের নিকট তা প্রকাশ করা খুবই খারাপ বলে বিশ্বাস করতেন।^{২২}

কসম পরিহার

তিনি কসম খাওয়া ভালো কাজ বলে মনে করতেন না। কখনো সত্য কসমও খেতেন না। বাক্কার ইবন মুহাম্মাদ বলেন, আমি তাঁর মৃত্যু পর্যন্ত একটা দীর্ঘ সময় তাঁর সাথে ছিলাম। এ সময়ের মধ্যে কখনো তাঁকে সত্য-মিথ্যা কোন রকম কসম খেতে দেখিনি।^{২৩}

নৈতিক চরিত্র

তিনি অত্যন্ত বিন্দু, বিনয়ী ও উত্তম চরিত্রের মানুষ ছিলেন। কোন অবস্থাতে তাঁর মুখ থেকে কোন অশালীন কথা বের হতো না। বাক্কার বলেন, আমি ইবন ‘আওনের চেয়ে বেশি জিহ্বাকে নিয়ন্ত্রণে রাখে এমন কোন মানুষ দেখিনি। তিনি নিজের দাস-দাসী, এমন

১৮. প্রাঞ্জল

১৯. তাহ্যীব আত-তাহ্যীব-৫/৩৪৮

২০. তাবাকাত-৫/২৮

২১. প্রাঞ্জল

২২. প্রাঞ্জল

২৩. প্রাঞ্জল

কি ছাগল-মুরগীকে পর্যন্ত কখনো গালি দিতেন না। জিহাদের যে উদ্ধৃতি তিনি খুবই ভালোবাসতেন তার পিঠে একবার পানি বোঝাই করে আমার জন্য দাসকে নির্দেশ দেন। সে নির্দয়ভাবে উদ্ধৃতির মুখে পেটায় এবং তাতে চোখ ক্ষতিগ্রস্ত হয়। লোকেরা ধারণা করলো যে, দাসের এ আচরণে তিনি অবশ্যই ক্ষুক্ষ হবেন। কিন্তু যখন উদ্ধৃতির প্রতি তাঁর দৃষ্টি পড়লো তখন দাসকে শুধু এতটুকু বললেন, সুবহানাল্লাহ! আল্লাহ তোমাকে বরকত দিন। তুমি পেটানোর জন্য উদ্ধৃতির মুখমণ্ডল ছাড়া দেহের আর কোন অংশ কি পাওনি? তারপর তাকে দাসত্ব থেকে মুক্তি দিয়ে বাড়ী থেকে বের করে দেন।^{২৪} দারুণ সহনশীল ছিলেন। যাদের হাতে তিনি দৈহিকভাবে নির্যাতিত হতেন তাদেরকেও নিন্দা মন্দ করতেন না। একবার তিনি একজন আরব মহিলাকে বিয়ে করলেন। বিলাল ইবন আবী বুরদা তাঁকে এ জন্য চাবুক মারে যে, দাস হয়ে আরব মহিলাকে বিয়ে করেছে। বাক্কার বলেন, আমি এ ঘটনার পরেও ইবন ‘আওনের মুখে বিলাল সম্পর্কে একটি কথাও শুনিনি। একবার কিছু লোক বললো, বিলাল আপনার সঙ্গে দারুণ অসদাচরণ করেছে। জবাবে বললেন : একজন মানুষ মজলুম হয়, কিন্তু সেই ঐ যুলুমের বিরুদ্ধে অভিযোগ করে নিজেই শেষে জালিম হয়ে যায়। তোমাদের মধ্যে কেউই আমার চেয়ে বেশি বিলালের প্রতি কঠোর নও। কিন্তু আমি তার বিরুদ্ধে অভিযোগ করে নিজেই জালিম হতে পারবো না।^{২৫}

হ্যরত রাসূলে কারীমের (সা) প্রতি ভালোবাসা

হ্যরত রাসূলে কারীমকে (সা) তিনি সীমাহীন ভালোবাসতেন। তাঁর জীবনের সবচেয়ে বড় আশা ছিল স্বপ্নে অন্তত একবার তাঁর সাক্ষাৎ লাভ করা। আল্লাহ তাঁর এ নেক আশা পূর্ণ করেন। মৃত্যুর অল্প কিছু দিন পূর্বে স্বপ্নের মধ্যে এই দীদার সম্পন্ন হয়। এই ঘটনায় তিনি এতই আবেগ আপুত হন যে, ঘুম ভাঙ্গার সাথে সাথে ঘর থেকে বেরিয়ে মসজিদে যান এবং খুশীর আতিশয্যে মাটিতে পড়ে গিয়ে পায়ে আঘাত পান। কিন্তু একটি মহা সৌভাগ্যের স্মৃতিকে ধরে রাখার মানসে সেই আঘাতের কোন চিকিৎসা করাননি।^{২৬}

ওফাত

অবশেষে এই আঘাত তাঁর মৃত্যুর কারণ হয়ে দাঁড়ায়। তিনি অত্যন্ত ধৈর্য ও দৃঢ়তার সাথে এই রোগের সকল কষ্ট সহ্য করেন। বাক্কার ইবন মুহাম্মাদ বলেন, রোগগ্রস্ত অবস্থায় তিনি বাঘের চেয়েও বেশি ধৈর্য ও সহনশীল ছিলেন। এ সময় মুখ থেকে একটি অভিযোগমূলক শব্দও উচ্চারিত হয়নি। শেষ নিঃশ্঵াস ত্যাগ পর্যন্ত তিনি সচেতন ছিলেন। আমার ফুফু উম্মু মুহাম্মাদ বিন্ত আবদিল্লাহর কথামত আমি ইবন ‘আওনের অস্তিম মৃহূর্তে সূরা ইয়াসীন পাঠ করে তাঁকে শুনিয়েছিলাম। আমি মৃত্যুর সময় তাঁর চেয়ে বেশি

২৪. প্রাগুক-৭/২৮

২৫. প্রাগুক-৭/২৫; তাহ্যীব আত-তাহ্যীব-৫/৩৪৮

২৬. তাবাকাত-৭/২৫

বৃদ্ধিমান আর কাউকে দেখিনি। যতক্ষণ শ্বাস-প্রশ্বাস ছিল ততক্ষণ কিবলামুঠী হয়ে আল্লাহর যিক্র করতে থাকেন। অবশ্যে আল্লাহ রাবুল আলামীন তার সকল সমস্যার সমাধান করে দেন। হিজরী ১৫১ সনের রজব মাসে তিনি ইহলোক ত্যাগ করেন।^{২৭} জানাযায় এত বেশি লোকের সমাগম হয় যে, মসজিদের মূল ভবনসহ গোটা আজিনা লোকে লোকারণ্য হয়ে যায়। মিহরাবে খাটিয়ায় লাশ রেখে সালাতুল জানায় আদায় করা হয়। জানাযার নামায পড়ান জামীন ইবন মাহফুজ আল-আয়দী।^{২৮}

উত্তরাধিকার

হ্যরত ‘আবদুল্লাহ ইবন ‘আওনের (রহ) কোন নগদ অর্থ ছিল না। দুটি বাড়ী ছিল যার এক-পঞ্চমাংশ নিকটতম আতীয়-বন্ধুদের অনুকূলে অসীয়াত করে যান। দশ হাজারের কিছু বেশি দিরহামের ঝণ ছিল। তা পরিশোধ করার পর তার অসীয়াত পূরণ করা হয়।^{২৯} অত্যন্ত সুদর্শন মানুষ ছিলেন। মৌচ এত ঘন ছিল না। তবে ছাঁটতেন। পরিচ্ছন্ন রুটি ও মেজাজের ছিলেন। কোমল ও পাতলা কাপড়ের সুন্দর পোশাক পরতেন। খুব বেশি সুগন্ধি ব্যবহার করতেন। পূর্ণ পোশাকে ঘর থেকে বের হতেন। ওজু ও আহারের সময় খাদিম রূমাল এগিয়ে দিত, তা দিয়ে তিনি হাত-মুখ মুছে ফেলতেন। রসুনসহ দুর্গন্ধি জাতীয় খাবার খুবই অপছন্দ করতেন। যে খাবারে রসুন থাকতো তা স্পর্শ করতেন না। একবার দাসী খাবার তৈরি করে সামনে আনে। তিনি রসুনের গন্ধ পেয়ে দাসীকে জিজ্ঞেস করেন। সে স্বীকার করে। অত্যন্ত সহনশীল প্রকৃতির ছিলেন তাই নিজেকে নিয়ন্ত্রণে রেখে শুধু এতটুকু বলেন যে, আল্লাহ তোমাকে বরকত দিন, আল্লাহ তোমাকে বরকত দিন! এ খাবার আমার সামনে থেকে নিয়ে যাও।^{৩০}

২৭. তাহ্যীব আল-কামাল-১০/৩৯৭-৩৯৮

২৮. প্রাগৃত; তাবাকাত-৭/২৯-৩০; তাবিঁঈন-২৪৬

২৯. তাবাকাত-৭/৩০

৩০. প্রাগৃত-৭/৩৬; তাবিঁঈন-২৪৬

ইয়াস ইবন মু'আবিয়া (রহ)

বর্তমান সৌদি আরবের নাজদ-এর অন্তর্গত আল-ইয়ামামা প্রদেশে হিজরী ৪৬ সনে ইয়াস ইবন মু'আবিয়া জন্মগ্রহণ করেন। পরবর্তীতে পরিবারের সাথে বসরায় চলে যান এবং সেখানে বেড়ে উঠেন ও শিক্ষা লাভ করেন। জীবনের প্রথম ভাগে মাঝে মাঝে দিমাশকে গেছেন। তাঁর সময়ে জীবিত মহান সাহাবায়ে কিরাম (রা) ও উচু স্তরের তাবিঁইদের নিকট থেকে জ্ঞান অর্জন করেন। শৈশবেই তাঁর মধ্যে প্রথম বৃদ্ধিমত্তা ও সোভাগ্যের লক্ষণ দেখা যায়। তখনই তাঁর মেধা ও মননের কথা দূর-দূরাত্তে ছড়িয়ে পড়ে।^১

ইয়াস-এর ডাকনাম আবু ওয়াছিলা এবং পিতার নাম মু'আবিয়া ইবন কুবরা। ইয়াস তাঁর যুগের একজন বিখ্যাত কাজী ছিলেন।

হাদীছ ও ফিক্হ

হাদীছ বর্ণনায় তাঁর উল্লেখযোগ্য ভূমিকা ছিল না। তার অর্থ এ নয় যে, এ ক্ষেত্রে তাঁর কোন অবদান নেই। ইবন সাঁদ বলেছেন, তিনি অনেক হাদীছ বর্ণনা করেছেন।^২ তিনি পিতা মু'আবিয়া, আনাস ইবন মালিক, সাঁদ ইবন মুসায়িব, সাঁদ ইবন জুবায়র, আবু মিয়লায় (রহ) প্রমুখের নিকট থেকে হাদীছ শোনেন। আইয়ুব, দাউদ ইবন আবী হিন্দ, হুমাইদ আত-তাবীল, হাম্মাদ শা'বান, শ'বা, মু'আবি ইবন 'আবদিল কারীম (রহ) প্রমুখ মুহাদিছ তাঁর ছাত্র। ফিক্হ ছিল তাঁর বিশেষ অধীত বিষয়। এ শাস্ত্রে তাঁর ছিল বিশেষ অবস্থান। তাঁর জীবনীকারগণ তাঁকে ফকীহ বলে উল্লেখ করেছেন।^৩

কাজী হিসেবে দায়িত্ব পালন

ফিক্হ শাস্ত্রে তাঁর অত্যধিক যোগ্যতার কারণে উমাইয়া শাসনামলে বসরার কাজী হিসেবে নিয়োগ লাভ করেন। তাঁর নিয়োগ লাভের পর হ্যরত হাসান আল-বাসরী (রহ) তাঁর সাথে সাক্ষাৎ করতে যান। হ্যরত হাসানকে (রহ) দেখে তিনি কাঁদতে শুরু করেন।^৪ উল্লেখ্য যে, হ্যরত 'উমার ইবন 'আবদিল আয়ীয় (রহ) তাঁকে বসরার কাজী নিয়োগ করেন।^৫

তিনি ছিলেন অসাধারণ মেধা, বৃদ্ধি ও দূরদৃষ্টিসম্পন্ন মানুষ। ইবন সাঁদ লিখেছেন :

১. সুওরল মিন হায়াত আত-তাবিঁন-৬৮-৬৯

২. আত-তাবাকাত-৭/৫

৩. তাহ্যীব আত-তাহ্যীব-১/৩৯০

৪. আত-তাবাকাত-৭/৫

৫. আল-বায়ান ওয়াত তাবয়ীন-১/৯৮, টীকা নং-১

؟-كان عاقلا من الرجال فطناً-তিনি ছিলেন একজন বুদ্ধিমান, বিচক্ষণ মানুষ। প্রথ্যাত তাবিঁই হযরত ইবন সীরীনের (রহ) সামনে তাঁর প্রসঙ্গে কোন কথা উঠলে বলতেন, তিনি তো একজন বাস্তব বুদ্ধি ও বিচক্ষণতাসম্পন্ন ব্যক্তি। তাঁর সমকালীন লোকেরা বলতো, প্রত্যেক শতকে একজন অতি বড় বুদ্ধিমান মানুষের জন্ম হয়। এই শতকের সেই বুদ্ধিমান ব্যক্তিটি হলেন ইয়াস ইবন মু'আবিয়া (রহ)।^৬ ইবনুল ইমাদ আল-হাস্বলী লিখেছেন, তাঁর বুদ্ধি ও বিচক্ষণতা প্রবাদে পরিণত হয়। যেমন বিখ্যাত কবি আবু তামামের একটি শ্ল�কে এসেছে।^৭

إِقْدَامُ عُمَرٍ فِي شَجَاعَةِ غَنْتَرٍ + فِي حَلْمٍ أَحْنَفٍ فِي ذَكَاءِ إِبَّاسٍ

'(প্রশংসিত ব্যক্তি আহমাদ ইবন আল-মু'তাসিম) ছিলেন, সাহসী পদক্ষেপে 'আমর ইবন মাদিকারিব, বীরত্ব-সাহসিকতায় গানতার, ধৈর্য-সহনশীলতায় আহনাফ ইবন কায়স ও বুদ্ধি-বিচক্ষণতায় ইয়াস। অন্য একটি বর্ণনায় হাতম তাদ্বি (বদান্যতায় হাতিম তাদ্বি) এসেছে।

বিচার কাজের যোগ্যতা ও দক্ষতা অনেকটা নির্ভর করে বুদ্ধি ও বিচক্ষণতার উপর। এ কারণে ইয়াস ছিলেন উমাইয়া যুগের শ্রেষ্ঠ ও সফল বিচারকদের একজন। তাঁর প্রথর মেধা ও বুদ্ধিমত্তার বহু চমকপ্রদ ঘটনা সীরাতের গ্রন্থসমূহে বর্ণিত হয়েছে। এখানে তার বুদ্ধিমত্তার কয়েকটি ঘটনা সংক্ষেপে উপস্থাপন করা হলো।

একবার এক বিচার কাজের প্রয়োজনে চারজন মহিলা তাঁর আদালতে উপস্থিত হয়। তিনি তাদেরকে দেখামাত্র বলে দেন, এই চারজনের একজন গর্ভবতী, একজন তাঁর শিশু-সন্তানকে দুধ পান করায়, একজন বিবাহিত এবং একজন কুমারী। উপস্থিত লোকেরা খোঁজ নিয়ে জানতে পেল, তাঁর ধারণা সঠিক। তাঁর কাছে জিজ্ঞেস করা হলো, আপনি কিসের ভিত্তিতে এ অনুমান করলেন? বললেন, গর্ভবতী মহিলাটি যখন কথা বলছিল তখন তার কাপড় পেট থেকে উঠে যাচ্ছিল, যে শিশুকে দুধ পান করায় তার বুক দুলছিল, বিবাহিত যে, সে চোখে চোখ রেখে কথা বলছিল এবং কুমারী চোখ নীচু করে কথা বলছিল, আর আমি এসব আলামত দ্বারাই তাদের অবস্থা বুঝতে পেরেছিলাম।^৮

একবার এক ব্যক্তি আরেক ব্যক্তির নিকট কিছু অর্থ গচ্ছিত রাখে। যখন সে তার অর্থ ফেরত চায়, সে গচ্ছিত রাখার কথা অঙ্গীকার করে। অর্থের মালিক ইয়াসের আদালতে মামলা দায়ের করে। ইয়াস লোকটিকে বলেন, তুমি এখন চলে যাও এবং বিষয়টি গোপন রাখ। বিবাদী যেন বিষয়টি কোনভাবে জানতে না পারে যে, তুমি আমার নিকট এসেছিলে। দুদিন পরে আবার আসবে। এভাবে বাদীকে ফিরিয়ে দিয়ে ইয়াস বিবাদীকে

৬. তাহ্যীব আত-তাহ্যীব-১/৩৯০

৭. আল-বায়ান ওয়াত তাবয়ীন-৪/৭৯; শায়ারাত আয যাহাব-১/১৬০

৮. ইবন আল-জাওয়ী, আত-তুরুক আল-হিকমিয়া-২৮-২৯; তাবিঁন-৫০

ডেকে পাঠান। সে উপস্থিত হলে তাকে বলেন, আমার নিকট অনেক অর্থ এসে গেছে, তোমার ঘরটি বেশ মজবুত। তাই আমি আমার কিছু অর্থ তোমার নিকট আমান্ত রাখতে চাই। সে বলে, ঠিক আছে রাখুন। ইয়াস বললেন, এত অর্থ রাখার জন্য কোন স্থান নির্ধারণ করে বহন করার জন্য লোক সঙ্গে করে আবার এসো। লোকটি চলে গেলে ইয়াস বাদীকে ডেকে এনে বললেন, এবার তুমি তোমার আমান্তদারের নিকট যেয়ে তোমার অর্থ ফেরত চাও। যদি দেয় তাহলে তো ভালো, অন্যথায় বলবে, আমার সম্পদ ফিরিয়ে দাও, নইলে আমি কাজী ইয়াসকে বলবো। একথার পর লোকটি তার অর্থ ফিরিয়ে দেয়। এরপর পূর্বের কথামতো লোকটি ইয়াসের নিকট আসে অর্থ নেওয়ার জন্য। কাজী ইয়াস তাঁকে কঠোরভাবে তিরক্ষার করে বিদায় দেন।^৯

যৌবনে ইয়াস একাগ্রচিত্তে জ্ঞান ও গবেষণায় মেতে ওঠেন এবং অল্প কালের মধ্যে এতখানি পাণ্ডিত্য ও প্রতিষ্ঠা অর্জন করেন যে, অনেক বড় বড় শায়খ তাঁর নিকট এসে তাঁর ছাত্রের খাতায় নাম লেখাতে শুরু করেন। তখনও কিন্তু তিনি একজন তরুণ।

একবার ‘আবদুল মালিক ইবন মারওয়ান বসরা ভ্রমণে গেলেন। তখনও তিনি খলীফা হননি। ইয়াসের তখন দাড়ি-গোঁফ গজায়নি। একদিন ‘আবদুল মালিক দেখেন, তরুণ ইয়াস আগে আগে চলছেন, আর পিছনে পিছনে তাঁকে অনুসরণ করছেন সবুজ জোব্বা-পাগড়ী পরিহিত লম্বা দাড়িওয়ালা চারজন কারী। এ দৃশ্য দেখে ‘আবদুল মালিক বললেন, আফসোস এই লম্বা দাড়িওয়ালা লোকদের জন্য! তাদের কেউ একজন সামনে না গিয়ে এই যুবককে সামনে দিয়েছে? তারপর তিনি ইয়াসকে লক্ষ্য করে বললেন : ওহে নও-জোয়ান! তোমার বয়স কত?

ইয়াস বললেন : আল্লাহ আল্লীরকে দীর্ঘজীবি করুন! আমার বয়স উসামা ইবন যায়দের (রা) সেই বয়সের সমান যখন রাসূল (সা) তাঁকে একটি বাহিনীর অধিনায়ক করেন, আর সেই বাহিনীতে ছিলেন আবু বাকর ও উমার (রা)।

জবাব শুনে ‘আবদুল মালিক বলেন : ওহে নও-জোয়ান! তুমি সামনে চল, তুমি সামনে চল। আল্লাহ তোমাকে আরো বরকত, আরো সমৃদ্ধি দান করুন!^{১০}

একবার মানুষ রম্যানের চাঁদ দেখার জন্য ঘর থেকে বের হয়ে ফাঁকা ময়দানে গেছে। তাঁদের মধ্যে মহান সাহাবী হ্যরত আনাস ইবন মালিকও (রা) আছেন। তখন তিনি বার্ধক্যের ভাবে জর্জরিত। বয়স প্রায় একশো বছরের কাছাকাছি। মানুষ আকাশে তন্ত্র তন্ত্র করে কিছুই দেখতে পেল না। কিন্তু আনাস (রা) আকাশের দিকে গভীরভাবে তাকিয়ে থেকে এক সময় বলতে লাগলেন! আমি নতুন চাঁদ দেখেছি। এই যে এখানে। হাত দিয়ে ইশারা করেও দেখাতে লাগলেন। কিন্তু কেউ কিছু দেখতে পেল না। পাশেই ইয়াস ছিলেন। তিনি হ্যরত আনাসের (রা) দিকে তাকিয়ে দেখেন, তাঁর ঊরঁ একটি লম্বা পশম

৯. প্রাণক্ষি-২৯

১০. সুওয়ারুন মিন হায়াত আত-তাবি'ঈন-৭১

তাঁর চোখের উপর ঝুলে পড়েছে। তিনি অত্যন্ত বিনয়ের সাথে অনুমতি নিয়ে হাত দিয়ে সেই পশমটি সরিয়ে ঝঁঁটি সমান করে দেন। তারপর তাঁকে জিজ্ঞেস করেন! এখন কি চাঁদ দেখতে পাচ্ছেন, হে আল্লাহর রাসূলের সাহাযী? আনাস (রা) আবার আকাশের দিকে তাকালেন এবং বলতে লাগলেন : না, আমি তো চাঁদ দেখছি না, আমি তো দেখছি না।^{১১} হ্যাতে ইয়াসের জ্ঞান ও তীক্ষ্ণ মেধার কথা চারিদিকে ছড়িয়ে পড়েছে। দূর-দূরান্ত থেকে বিভিন্ন শ্রেণীর মানুষ তাঁর নিকট ছুটে আসতে থাকে ইল্য ও দীন (জ্ঞান ও ধর্ম) বিষয়ে তাদের নানা প্রশ্ন ও সমস্যার সমাধান জানার উদ্দেশ্যে। অনেকে আবার আসে কুট-বিতর্কে জড়িয়ে তাঁকে অক্ষম করে দেওয়ার উদ্দেশ্যে। বর্ণিত হয়েছে, একবার এক আঘঞ্জিক নেতা তাঁর মজলিসে উপস্থিত হয়ে প্রশ্ন করে : আবু ওয়াছিলা! নেশা উদ্বেক্ককারী বস্তু সম্পর্কে আপনার মত কি? বললেন : সবই হারাম।

লোকটি বললো : হারাম হওয়ার কারণ কি? কিছু খোরমায় পানি ঢেলে তা গরম করা ছাড়া তো তাতে আর কিছু মেশানো হয়নি। পানি ও খোরমা দুটি জিনিসই তো হালাল। তাহলে তা হারাম হবে কেন?

ইয়াস বললেন : ওহে মেতাজি! আপনার বক্তব্য কি শেষ হয়েছে?

লোকটি বলল : হয়েছে।

ইয়াস বললো : যদি আমি এক অঞ্জলী পানি আপনার শরীরে ছুড়ে মারি তাতে কি আপনি কষ্ট পাবেন?

নেতা বললেন : না।

ইয়াস বললেন : যদি আমি এক মুট ধূলি আপনার দেহে ছুড়ে মারি তাতে কি আপনি কষ্ট পাবেন?

নেতা বললেন : হাঁ, কষ্ট পাব। আপনি আমাকে শেষ করে দিলেন।

ইয়াস বললেন : যদের বিষয়টিও এমন। যখন তার বিভিন্ন উপাদান বিশেষ প্রক্রিয়ায় একত্র করা হয়েছে তখন তা নেশা উদ্বেক্ককারী বস্তুতে পরিণত হয়ে হারাম হয়ে গেছে।^{১২}

১১. প্রাণক্রি-৭২

১২. প্রাণক্রি-৭৩-৭৪; তাহ্যীব আল-কামাল-২/৩৭২

ছেট বেলায় তিনি একটি মকতবে এক ইয়াহূদী শিক্ষকের নিকট অংক শিখতেন। একদিন ইয়াসের উপস্থিতিতে সেই শিক্ষকের নিকট তার কয়েকজন ইয়াহূদী বন্ধু আসলো। তারা বিভিন্ন ধর্মীয় বিষয় নিয়ে আলোচনা করতে লাগলো। ইয়াস চুপ করে এমনভাবে শুনলেন যেন তিনি কিছুই বোঝেন না, কিছুই জানেন না। আলোচনার এক পর্যায়ে শিক্ষক তার বন্ধুদের লক্ষ্য করে বললেন : তোমরা কি মুসলমানদের এই বিশ্বাসের ব্যাপারে অবাক হবে না যে, তারা জান্নাতে পানাহার করবে কিন্তু মল-মৃত্যু ত্যাগের প্রয়োজন হবে না? কথাটি শোনামাত্র ইয়াস আর স্ত্রির থাকতে পারলেন না। তিনি শিক্ষকের দিকে তাকিয়ে বললেন : উত্তাদ! আপনারা যে বিষয়ে আলোচনা করছেন সে সম্পর্কে আমাকে কিছু কথা বলার অনুমতি দেবেন কি?

উত্তাদ বললেন : হাঁ, বল।

ইয়াস বললেন : এ পৃথিবীতে আমরা যা কিছু পানাহার করি তা সবই কি মল-মৃত্যুর মাধ্যমে বেরিয়ে যায়?

উত্তাদ বললেন : না।

ইয়াস প্রশ্ন করলেন : তাহলে যা বের হয় না তা কোথায় যায়?

উত্তাদ বললেন : দেহের খাদ্য হিসেবে ক্ষয় হয়ে যায়।

ইয়াস বললেন : পৃথিবীতে মানুষ যা কিছু খায় তার কিছু অংশ যদি দেহের খাদ্য হিসেবে ক্ষয় হয়ে যেতে পারে তাহলে জান্নাতে সব কিছু খাদ্য হিসেবে ক্ষয় হলে তাতে অবাক হওয়ার কি আছে?

উত্তাদ তাঁর হাতটি ইয়াসের পিঠের উপর রেখে বললেন : বালক! আল্লাহ তোমার মঙ্গল করুন। মতান্তরে উত্তাদ তাঁকে বলেন, তুমি একটা শয়তান।^{১০}

হ্যারত ইয়াস ইবন মু'আবিয়া (রহ) কাজী হওয়ার পর মাঝে মধ্যে এমন সব পরিবেশ-পরিস্থিতির মুখ্যমূল্যী হল যেখানে তাঁর উপস্থিত বুদ্ধিমত্তা ও অভিনব কর্মপদ্ধার প্রকাশ ঘটে। তিনি তাঁর অতুলনীয় মেধা ও কর্মকৌশলের সাহায্যে প্রকৃত সত্য উদ্ঘাটন করেন। একবার দুব্যক্তি একটি বিরোধ নিষ্পত্তির জন্য তাঁর নিকট এলো। একজন দাবী করলো সে অন্যজনের নিকট কিছু অর্থ গচ্ছিত রেখেছিল। কিন্তু যখন সে তার অর্থ ফেরৎ চায় সে তা দিতে অস্বীকার করে।

ইয়াস বিবাদীর নিকট গচ্ছিত রাখার বিষয়টি সম্পর্কে জানতে চাইলে সে সম্পূর্ণ অস্বীকার করে বলে, যদি আমার প্রতিপক্ষের কোন প্রমাণ থাকে, সে যেন তা উপস্থাপন করে। তা না হলে আমাকে কসম করে অস্বীকার করা ছাড়া আর কিছু করণীয় নেই। লোকটির ভাবগতিক দেখে ইয়াস শক্তি হলো এই ভেবে যে, সে গচ্ছিত অর্থের পুরোটাই হজম করে ফেলতে চাচ্ছে। এজন্য তিনি বাদীকে লক্ষ্য করে বললেন : কোন্ জায়গায় বসে তার কাছে অর্থ আমানত রেখেছিলে?

১০. সুওয়ারুন মিন হায়াত আত-তাবি'ঈন-৬৯-৭০ তাহ্যীব আল-কামাল-২/৩৭৩

বললো : অমুক জায়গায় ।

ইয়াস : সেখানে কি কি আছে?

বললো : একটি বড় গাছ আছে। তার নিচে বসে আমরা কিছু খাবার খাই, তারপর যাওয়ার সময় আমি আমার অর্থ তার হাতে তুলে দিই।

ইয়াস : তুমি সেই গাছের নিচে যাও। হতে পারে সেখানে গেলে তোমার মনে পড়বে তোমার অর্থ তুমি কোথায় রেখেছো বা ফেলে এসেছো। তারপর ফিরে এসে সেখানে কি দেখলে তা আমাকে জানাবে ।

লোকটি চলে গেল। ইয়াস বিবাদীকে বললেন : তোমার বন্ধু ফিরে আসা পর্যন্ত তুমি আমার এখানে বস। তারপর তিনি অন্য দুজন বাদী-বিবাদীর দিকে মনোযোগী হলেন এবং তাদের বক্তব্য শুনতে লাগলেন। তবে ফাঁকে ফাঁকে আড় চোখে পাশে বসা পূর্বের বিবাদীকে গভীরভাবে পর্যবেক্ষণ করতে থাকেন। যখন তিনি বুবালেন লোকটি নিষ্ঠিত ও নিরুদ্ধিগ্রস্ত হয়ে গেছে তখন হঠাৎ তাকে প্রশ্ন করেন : যেখানে সে তোমার হাতে তার অর্থ তুলে দিয়েছিল তুমি কি মনে কর এতক্ষণে সে সেখানে পৌছে গেছে? লোকটি কোন রকম ভাবনা-চিন্তা ছাড়াই বলে উঠলো : অসম্ভব। জায়গাটি বহু দূরে।

সাথে সাথে ইয়াস বলে উঠলেন : ওরে আল্লাহর দুশমন! অর্থ গ্রহণের কথা অস্বীকার করছো, অথচ যেখান থেকে তা গ্রহণ করেছো সে স্থানটি চেন? আল্লাহর কসম! তুমি একজন মিথ্যাবাদী, গাদার।

ঘটনার আকস্মিকতায় লোকটি হতভম্ব হয়ে গেল এবং অর্থ আত্মসাতের কথা স্বীকার করলো। ইয়াস তাকে কারারুদ্ধ করেন এবং তার নিকট থেকে সকল অর্থ আদায় করে বাদীকে ফেরত দেন।^{১৪}

আরেকবার একই ধরনের আরেকটি ঘটনা ঘটে। বিবাদমান দুব্যঙ্গি তাঁর নিকট আসে বিচারের জন্য। তিনি তখন কাজী। ঘটনাটি হলো দুটি ‘কাতীফা’ নিয়ে। ‘কাতীফা’ হলো মখমলের রূমাল যা আরবরা মাথার উপর রেখে দুদিক দুকাঁধের উপর ছেড়ে দেয়। তার মধ্যে একটি হলো সবুজ রংয়ের, নতুন ও দামী। আর অন্যটি ছিল লাল রংয়ের পুরানো ও কম মূল্যের।

বাদী বললো : আমি একটি হাউজে গোসলের জন্য গেলাম। আমার অন্য কাপড়-চোপড়ের সাথে সবুজ রূমালটিও হাউজের পাশে রেখে হাউজে নামলাম। আমার প্রতিপক্ষ আমার পরে আসলেন এবং তিনিও তার একটি লাল রূমাল ও অন্য কাপড়-চোপড় আমার কাপড়ের পাশে রেখে হাউজে নামলেন। কিন্তু তিনি গোসল সেরে আমার আগে হাউজ থেকে উঠে গেলেন। তিনি তাঁর কাপড় পরলেন এবং আমার সবুজ রূমালটি মাথায় ফেলে দুকাঁধের উপর ঝুলিয়ে দিয়ে চলে গেলেন। আমি তাঁর পরই হাউজ থেকে উঠলাম এবং আমার রূমালটি না দেখে পিছু ধাওয়া করে তাঁকে ধরলাম এবং রূমালটি ফেরৎ চাইলাম। কিন্তু তিনি বললেন : রূমালটি তার। আমি আমার রূমালটি ফেরৎ চাই।

১৪. আত-তুরুক আল-হিকমিয়া-২৯; তাহ্যীব আল-কামাল-২/৩৭৯

ইয়াস বিবাদীকে বললেন : তোমার বক্তব্য কি? লোকটি বললো : এটি আমার রূমাল
এবং আমার হাতেই আছে।

ইয়াস বাদীকে বললেন : তোমার কি কোন সাক্ষী-প্রমাণ আছে?

লোকটি বললো : না। কোন সাক্ষী প্রমাণ নেই।

এবার ইয়াস তাঁর দারোয়ানকে একটি চিরন্তী আনতে বললেন। চিরন্তী আনলে তিনি
বাদী-বিবাদী উভয়ের মাথায় ভালো করে চিরন্তী করলেন। তাতে একজনের মাথা থেকে
লাল পশমী রূমালের ক্ষুদ্র ক্ষুদ্র অংশ বের হলো এবং অন্যজনের মাথা থেকে বের হলো
সবুজ পশমের অংশ। বিষয়টি তিনি বুঝে ফেললেন এবং নতুন সবুজ রূমালটি বাদীকে
দেওয়ার নির্দেশ দিলেন।^{১৫}

তবে ইয়াসের এত মেধা, চিন্তাশক্তি ও উপস্থিতি বৃদ্ধিমত্তা থাকা সত্ত্বেও মাঝে মধ্যে অন্যের
যুক্তির কাছে হেরে গেছেন। এ রকম একটি ঘটনার কথা তিনি নিজেই এভাবে বলেছেন :

এক ব্যক্তি ছাড়া আর কেউ কখনো আমার উপর বিজয়ী হতে পারেনি। আর তা হলো
আমি যখন বসরার কাজী তখন এক ব্যক্তি আমার নিকট এসে সাক্ষ্য দিল যে, অমুক
বাগানটির মালিক অমুক। তারপর সে বাগানটির চৌহদি বর্ণনা করলো।

আমি তার কাছে জানতে চাইলাম : বাগানে গাছের সংখ্যা কত?

সে কিছুক্ষণ মাথা নিচু করে ভাবলো। তারপর মাথা সোজা করে আমাকে প্রশ্ন করলো :
আমাদের মাননীয় কাজী সাহেব এই এজলাসে কত বছর ধরে বসেন?

বললাম : এত বছর।

সে বললো : যে ঘরে আপনার এজলাস হয় সে ঘরের ছাদের কড়িকাঠের সংখ্যা কত?

বললাম : আমার তো তা জানা নেই। আমি তার যুক্তির কাছে হেরে গেলাম। তার সাক্ষ্য
গ্রহণ করলাম।^{১৬}

ইয়াস বলতেন :^{১৭}

لو جلست على باب واسط لم يمر بي أحد إلا أخبرتكم

“আমি যদি ওয়াসিত নগরের প্রধান প্রবেশ দ্বারে বসি তাহলে আমার পাশ দিয়ে যেই
অতিক্রম করুক আমি তার কাজ ও পেশা কি তা তোমাদেরকে বলতে পারবো।”

আবুল হাসান আল-মাদায়িনী বলেন, একদিন ইয়াস কোন কারণে ভীত-সন্ত্রস্ত তিনি
মহিলাকে দেখলেন। তিনি সঙ্গে সঙ্গে মন্তব্য করলেন : এদের মধ্যে এটি গর্ভবতী, এটি
স্তন্যদানকারিণী এবং এটি কুমারী, একথা শুনে এক ব্যক্তি মহিলা তিনজনের নিকট গেল
এবং তাদের কাছে জিজেস করে ইয়াসের কথার সত্যতা পেল। তখন ইয়াসকে জিজেস
করা হলো : এ কথা আপনি কীভাবে জানলেন? বললেন : তারা যখন ভয় পেয়েছে তখন

১৫. তাহ্যীর আল-কামাল-২/৩৭৯

১৬. সুওয়ারুন মিন হায়াত আত-তাবি'ঈন-৭৬

১৭. তাহ্যীর আল-কামাল-২/৩৮৬

অতি স্বাভাবিকভাবে তাদের নিজ নিজ হাত তাদের দেহের সর্বাধিক শুরুত্বপূর্ণ স্থানসমূহে পৌছে গেছে, আর আমি তা দেখেই তাদেরকে চিনে ফেলেছি। স্তন্যদানকারী তার হাত তার দু'ষ্টনের উপর রেখেছে, গর্ভবতী তার পেটের উপর এবং কুমারী তার তল পেটের নীচে রেখেছে।^{১৮}

আল-আসমা'ই বলেন, ইয়াস একদিন একজন অপরিচিত লোককে দেখে ডাক দেন : ওহে ইয়ামামার অধিবাসী ব্যক্তি! সে বললো : আমি ইয়ামামার লোক নই। তিনি এবার ডাকলেন : ওহে আল-আদাখার অধিবাসী! লোকটি বললো : আমি আদাখার লোক নই। এবার তিনি ডাকলেন : ওহে দারিয়্যার অধিবাসী! লোকটি তাঁর নিকট এগিয়ে গেল। তিনি তার পরিচয় জানতে চাইলেন। সে বললো : আমার জন্য ইয়ামামায়, বড় হয়েছি আদাখায় এবং পরে দারিয়্যায় চলে গিয়েছি।^{১৯}

হুমাইদ আত-তাবীল বলেন, ইয়াস ইবন মু'আবিয়া কাজীর দায়িত্ব গ্রহণের পর হাসান আল-বাসরী (রহ) সাক্ষাৎ করতে আসেন। তাঁকে দেখে ইয়াস কাঁদতে শুরু করেন। হাসান জিজ্ঞেস করেন : কাঁদছেন কেন? ইয়াস এই হাদীছটি উল্লেখ করেন :^{২০}

القضاء ثلاثة، إثنان في النار وواحد في الجنة

-“কাজী তিনি প্রকার : দুই প্রকার জাহান্নামী এবং এক প্রকার জান্নাতী হবে।” হাসান বলেন : আল্লাহ দাউদ ও সুলায়মানের (আ) বিচার কাজের বর্ণনা দিয়েছেন, তাতে দাউদের ভূলের জন্য তিরক্ষার তো করেননি। তারপর তিনি তিলাওয়াত করেন এ আয়াত :^{২১}

وَدَاوَدَ وَسُلَيْمَانَ إِذْ يَحْكُمَانِ فِي الْحَرْثِ إِذْ نَفَّشْتُ فِيهِ غَنَمُ الْقَوْمِ وَكَنَّا لِحُكْمِهِمْ شَاهِدِينَ. فَفَهَمْنَاهَا سُلَيْমَانَ، وَكُلُّاً أَتَيْنَا حُكْمًا وَعِلْمًا.

“এবং স্মরণ কর দাউদ ও সুলায়মানের কথা, যখন তারা বিচার করছিল শস্যক্ষেত সম্পর্কে; তাতে রাত্রিকালে প্রবেশ করেছিল সম্প্রদায়ের কোন মেষ; আমি প্রত্যক্ষ করছিলাম তাদের বিচার।

অতঃপর আমি সুলায়মানকে এ বিষয়ের মীমাংসা বুঝিয়ে দিয়েছিলাম এবং তাদের প্রত্যেককে আমি দিয়েছিলাম প্রজ্ঞা ও জ্ঞান।”

এ আয়াতে আল্লাহ সুলায়মানের প্রশংসা করেছেন, তবে দাউদের নিম্ন করেননি।^{২২}

১৮. প্রাগভি-২/৩৮৩

১৯. প্রাগভি-২/৩৮৪

২০. আবু দাউদ, কিতাব আল-আকাদিয়াতি, বাব : আল-কাদী ইউখতিউ, হাদীছ নং ৩৫৭৩; আত-তিরমিয়া, কিতাব আল-আহকাম (১৩২২); ইবন মাজা, কিতাব আল-আহকাম (২৩১৫)

২১. সূরা আল-আমিয়া-৭৮-৭৯

২২. তাহ্যীব আল-কামাল-২/৩৭৬

কাজীদের সম্পর্কে তাঁর অভিজ্ঞতা

কেন বিভাগ বা শাখার লোকের তাঁর নিজের বিভাগ বা শাখার সমপেশার লোকদের চরিত্র ও বৈশিষ্ট্য সম্পর্কে পূর্ণ জ্ঞান ধাকা বিশেষ যোগ্যতা বলে বিবেচিত হয়। ইয়াস তাঁর সমকালীন সকল মুফতী ও কাজীর দোষ-ক্রটি ও উন্নত বৈশিষ্ট্য সম্পর্কে পূর্ণরূপে অবগত ছিলেন। হাবীব ইবন শুহাইদ বর্ণনা করেছেন, এক ব্যক্তি ইয়াসের নিকট আসে এবং তাঁর একটি মামলার ব্যাপারে পরামর্শের জন্য কার কাছে যাবে সে ব্যাপারে তাঁর মতামত চায়। তিনি বলেন, তুমি যদি এর সঠিক ফয়সালা চাও তাহলে ‘আবদুল মালিক ইবন ইয়ালার নিকট যাও। সঠিক অর্থে তিনি একজন কাজী। আর যদি শুধু ফাতওয়া নিতে চাও তাহলে হাসান আল-বাসরীর নিকট যাও। তিনি আমার পিতার ও আমার উস্তাদ। আর যদি সাঙ্গি ও চুক্তি করতে চাও তাহলে হুমাইদ আত-তাবীলের নিকট যাও। তাঁর সন্ধির পদ্ধতি এ রকম যে, তিনি তোমাকে বলবেন, তুমি তোমার অধিকার কিছু নিয়ে কিছু ছেড়ে দাও। আর যদি মামলাবাজি করতে চাও তাহলে সালিহ আদ-দাওসীর নিকট যাও। তিনি তোমাকে বলবেন, প্রতিপক্ষের অধিকার সম্পূর্ণ অঙ্গীকার কর এবং নিজের যতটুকু অধিকার তাঁর চেয়ে বেশি দাবী কর। আর যারা উপন্থিত ছিল না তাদেরকে সাঙ্গী মান।^{২৩}

পরিচ্ছন্ন ‘আকীদা-বিশ্বাস এবং বিদ’আতীদের সাথে তর্ক-বাহাচ

এত প্রথর মেধাবী হওয়া সন্দেশে তিনি আকীদার ক্ষেত্রে কোন রকম নতুনত্ব ও সংযোজন-বিয়োজন ভীষণ অপছন্দ করতেন। যারা এমন করতো তাদের বক্তব্যের প্রতিবাদ ও প্রত্যাখ্যান করতেন। তিনি বিদ’আতী, বিশেষ করে কাদরিয়্যাদের সাথে তর্ক-বাহাচ করতেন। কাদরিয়্যাদের ‘আকীদা হলো, আল্লাহর আদিল বা ন্যায়বিচারক। এতটুকু পরিমাণ তো সঠিক ছিল। তবে এই মূলনীতির ভিত্তিতে যে সকল কর্ম দৃশ্যতঃ যুল্ম ও অন্যায় বলে মনে হয় তা আল্লাহর প্রতি আরোপ করতো না। এ ব্যাপারে তারা এত বাড়াবাঢ়ি করতো যে, আল্লাহর শক্তি ও ক্ষমতাও অঙ্গীকার করা হতো। একবার কাদরিয়্যাদের সাথে তাঁর তর্ক-বাহাচ হয়। তিনি তাদেরকে প্রশ্ন করেন, যুল্ম কাকে বলে? তারা বলে, কারো এমন কোন জিনিস নিয়ে নেওয়া যা তাঁর নেওয়ার অধিকার নেই। তিনি বললেন, সব জিনিসই তো আল্লাহর, অর্থাৎ সব জিনিসই যখন আল্লাহর তখন তাঁর কোন কাজকে যুল্ম বলা সঠিক নয়।^{২৪}

তাঁর কিছু বাণী খুবই মনোমুক্তকর। তিনি বলতেন : যার মধ্যে কোন দোষ নেই সে নির্বোধ। একজন জিজ্ঞেস করে : আপনার মধ্যে কি দোষ আছে? বললেন : অতিরিক্ত কথা বলা।^{২৫} তিনি বলতেন, আমি মানুষের সকল গুণ পরীক্ষা করেছি। তাঁর মধ্যে সত্য কথা বলাকে শ্রেষ্ঠ গুণ হিসেবে পেয়েছি।^{২৬}

২৩. প্রাগৃক্তি-২/৩৭৫; তাহ্যীব আত-তাহ্যীব-১/৩৯০

২৪. তাহ্যীব আত-তাহ্যীব-১/৩৯২

২৫. আত-তাবাকাত-৭/৫

২৬. তাহ্যীব আত-তাহ্যীব-১/৩৯১

যে সকল বাগী, খতীব, ফকীহ ও আমীর উমারা অন্গরাল কথা বলতেন; কিন্তু খুব কমই ভুল করতেন তাঁদের একটি বর্ণনা আল-জাহিজ দিয়েছেন। তাঁদের মধ্যে ইয়াসের নামটিও তিনি উল্লেখ করেছেন। কৃফার কাজী 'আবদুল্লাহ ইবন শুবরামা (মৃত্যু-১৪৪ ই.) একবার হ্যারত ইয়াসের অতি কথনের কারণে বলেন :^{২৭}

أَنَا أَنْتَ لَا تَنْفِقُ، أَنْتَ لَا تَشْتَهِي أَنْ تَسْكُتُ وَأَنَا لَا أَشْتَهِي أَنْ أَسْمَعَ.
“আমি ও আপনি একমতে পৌছাতে পারবো না। আপনি চুপ করতে চান না, আর আমি শুনতে চাই না।”

একবার তিনি অতি সাধারণ বেশ-ভূষায় দিমাশকের মসজিদে কুরায়শদের একটি আসরে উপস্থিত হলেন। উপস্থিত লোকেরা তাঁকে চিনতে না পেরে তাঁর প্রতি অবজ্ঞা ও উপেক্ষার ভাব দেখালো। যখন তারা চিনতে পারলো তখন ক্ষমা চাওয়ার সূরে তাঁকে বললো! অপরাধ আমাদের ও আপনার উভয়ের সমান। কারণ, আপনি এসেছেন একজন রিস্ক-নিঃস্ব দরিদ্রের পোশাক পরে। তবে আমাদের সাথে কথা বলেছেন একেবারে রাজা-বাদশাদের ভাষায়।^{২৮}

আল-জাহিজ বলেন, আমি দেখেছি মানুষ ইয়াস ইবন মু'আবিয়ার একটি জবাব খুবই পছন্দ করে। আর তা হলো, একবার তাঁকে বলা হলো, আপনি আপনার কথার কারণে নিজেই একটা বিস্ময় হয়ে গেছেন, এছাড়া আপনার মধ্যে আর কোন দোষ নেই। তিনি প্রশ্ন করেন : আমার কথা আপনাদেরকে বিস্মিত করে? লোকেরা বললো : হাঁ, বিস্মিত করে। তিনি বললেন : আমি যা বলি এবং আমার কথা শুনে আপনারা যে বিস্মিত হন সে জন্য আমি নিজেই সর্বাধিক বিস্মিত হওয়ার উপযুক্ত।^{২৯} লোকেরা একদিন তাঁকে বললো : মানুষ আপনার বুদ্ধিমত্তায় বিস্মিত। তিনি বললেন : মানুষ বিস্মিত না হলে আমি তার দ্বারা বিচার কাজ করতাম না।^{৩০}

একবার তাকে বলা হলো, বেশি কথা বলা ছাড়া আপনার মধ্যে আর কোন দোষ নেই। তিনি জানতে চাইলেন, আমার যেসব কথা আপনারা শোনেন তা কি সঠিক না ভুল? বলা হলো : সঠিক। তখন তিনি বলেন : فَالْزِيَادَةُ مِنَ الْخَيْرِ خَيْرٌ. ভালোর আধিক্য তো ভালো।^{৩১}

ইমাম আল-আসমাঈ বর্ণনা করেছেন, 'উমার ইবন হুবায়রা যখন ইয়াসকে কাজী হিসেবে নিয়োগ দিতে চাইলেন তখন ইয়াস বললেন : আমি এ পদের যোগ্য নই। প্রশ্ন করা হলো : কেন? বললেন : প্রথমত: আমার ভাষার জড়তা, দ্বিতীয়ত: আমি দেখতে অসুন্দর, কুৎসিত এবং তৃতীয়ত: লোহার মত শক্ত প্রকৃতির। ইবন হুবায়রা বললেন : কঠোরতা চাবুক সোজা করে দেবে। আর আপনি যে অসুন্দর, তাতে কি হয়েছে, আমি

২৭. আল-বায়ান ওয়াত তাবয়ীন-১/৯৮, ২/৩১৫

২৮. প্রাণক্ষি

২৯. প্রাণক্ষি

৩০. তাহ্যীব আল-কামাল-২/৩৮৮

৩১. আল-বায়ান ওয়াত তাবয়ীন-১/৯৯

তো আপনার দ্বারা কাউকে সুন্দর করতে চাচ্ছিনা। আর ভাষার যে জড়তার কথা বলছেন, তা আপনি তো আপনার মনের কথা প্রকাশ করছেন।

আল-জাহিজ বলেন : আসলে ইয়াসের যদি জড়তা থাকতো তাহলে তিনি বেশি কথা বলা পরিহার করতেন। আর একারণে আমরা এমন কাউকে জানি না যিনি ইয়াসের ভাষা জড়তার কথা বলেছেন। বরং এর বিপরীতটি দেখা যায়। তাঁর প্রতি বেশি কথা বলার দোষারোপ করা হয়।^{৩২} উত্বা ইবন উমার বলেছেন, আমি বহু মানুষের বৃদ্ধি-জ্ঞান পরীক্ষা-নিরীক্ষা করে দেখেছি যে, তা প্রায় একে অপরের কাছাকাছি। ব্যতিক্রম দেখেছি কেবল হাজাজ ইবন ইউসুফ ও ইয়াস ইবন মু'আবিয়ার ক্ষেত্রে। অন্যদের তুলনায় তাঁদের দু'জনের বৃদ্ধির পাল্লা ভারী পেয়েছি।^{৩৩}

একবার এক ব্যক্তি ইয়াসকে জিজ্ঞেস করলো : আপনি বিচার কাজে দ্রুততা করেন কেন? তিনি পাল্টা প্রশ্ন করেন : তোমার একটি হাতে আঙুল কয়টি? বললো : পাঁচটি। ইয়াস বললেন : খুব দ্রুত জবাব দিয়েছো। লোকটি বললো : যে জেনে বুঝে হত্যা করে সে তো দ্রুত স্থীকার করে না।

ইয়াস বললেন : তোমার প্রশ্নের এটাই আমার জবাব।^{৩৪}

তিনি প্রায়ই জাহিলী ও ইসলামী যুগের বিখ্যাত কবি আন-নাবিগা আল-জাদীর (রা) নিম্নের শ্ল�কটি আওড়াতেন :^{৩৫}

أبى لِ الْبَلَاءُ وَأبى امْرُؤٌ إِذَا مَا تَبَيَّنَتْ لَمْ أَرْتَبْ.

‘বিপদ-আপদ আমাকে অস্বীকার ও প্রত্যাখ্যান করেছে এবং আমি এমন একজন পুরুষ, যখন তা পরীক্ষা করেছি, ভীত-কম্পিত হইনি।’

ইয়াস ইবন মু'আবিয়া বলেছেন : আমি প্রতারক নই এবং কোন প্রতারক আমার সাথে প্রতারণা করতে পারবে না।^{৩৬}

তিনি যখন অল্প বয়সী একজন তরুণ তখন একবার শামে যান। সেখানে তাঁর একজন অতি বৃদ্ধ শক্তির দেখা পান এবং তাকে নিয়ে খবীকা ‘আবদুল মালিক ইবন মারওয়ানের একজন কাজীর দরবারে হাজির হন। কাজী তাঁকে বললেন : আপনি এই বৃদ্ধকে কঠগড়ায় দাঁড় করালেন, লজ্জা করে না? ইয়াস বললেন : সত্য এই বৃদ্ধের চেয়েও বড়। কাজী ধরকের সুরে বললেন : চুপ করুন। ইয়াস বললেন : তাহলে আমার যুক্তি-প্রমাণ তুলে ধরবে কে? কাজী বললেন : আমার মনে হয় না আপনি সত্য বলেছেন। ইয়াস বললেন : লা ইলাহা ইল্লাল্লাহ! এ কি সত্য, না অসত্য? কাজী বললেন : সত্য, কা'বার প্রভুর শপথ! সত্য। কাজী বললেন : আমার ধারণা আপনি একজন যালিম। ইয়াস বললেন : কাজীর ধারণা

৩২. প্রাঞ্জলি

৩৩. প্রাঞ্জলি-১/১০০, ২৭৫

৩৪. প্রাঞ্জলি

৩৫. কিতাব আল-হাওয়ান-৩/৪৯৫

৩৬. আল-বায়ান ওয়াত তাবয়ীন-১/১০১

সত্য হলে আমি ঘর থেকে বের হতাম না। এরপর কাজী উঠে খলীফা ‘আবদুল মালিকের দরবারে চুকলেন এবং সব ঘটনা ঝুলে বললেন। ‘আবদুল মালিক বললেনঃ তার বিষয়টি এখনই নিষ্পত্তি করে তাকে শাম থেকে বের করে দিন। অন্যথায় সে জনগণের মধ্যে বিভাস্তি সৃষ্টি করবে।’^{৩৭} আল-জাহিজ বলেন, খলীফা আবদুল মালিক ইয়াসের তরঙ্গ বয়সে যখন তাঁকে নিয়ে এত ভীত ছিলেন তখন তার পরিণত বয়সের অবস্থা কেমন ছিল।^{৩৮}

সর্বশেষ আল-জাহিজ তাঁর সম্পর্কে মূল্যায়ন করেছেন এভাবেঃ^{৩৯}

وَجْهُهُ الْقَوْلُ فِي إِيَّاسٍ أَنَّهُ كَانَ مِنْ مُفَاحِرِ مَضْرِ، وَمِنْ مَقْدِمِي الْقَضَايَا، وَكَانَ
فَقِيهُ الْبَدْنِ، دَقِيقُ الْمُسْلِكِ فِي الْفَطْنِ، وَكَانَ صَادِقُ الْحَرْسِ نَقَابًا، وَكَانَ عَجِيبُ
الْفَرَاسَةِ مِلْهُمًا، وَكَانَ عَفِيفُ الْطَّعْمِ، كَرِيمُ الدِّاخِلِ وَالشَّيْمِ، وَجِيَاهَا عِنْدَ الْخَلْفَاءِ،
مَقْدِمًا عِنْدَ الْأَكْفَاءِ.

“ইয়াস সম্পর্কে সার্বিক কথা হলো, তিনি মুদার গোত্রের অন্যতম গৌরব ও অগ্রবর্তী কাজী। তিনি ছিলেন দৈহিক গঠন তথা প্রকৃতিগতভাবে ফকীহ ও সূচনাদর্শী বিচক্ষণ ব্যক্তি। তাঁর আন্দাজ-অনুমান সত্যে পরিণত হতো, দ্রুদর্শিতাও ছিল বিস্ময়কর। তিনি ছিলেন পবিত্র ও পরিচ্ছন্ন বস্তু আহারকারী উন্নত স্বভাব ও চরিত্রের মানুষ। খলীফাদের নিকট সম্মানীয় ও সমকক্ষদের নিকট প্রাধান্যপ্রাপ্ত।”

ইয়াস বলেছেনঃ^{৪০}

الْبَخْلُ قَيْدُ وَالْغَضْبُ جَنُونٌ وَالسَّكْرُ مَفْتَاحُ الشَّرِّ.

“কার্পণ্য একটি বন্ধন, ক্রোধ একটি পাগলামি এবং মদমত্ততা সকল অপকর্মের চাবিকাঠি।”
একবার আবান ইবন আল-ওয়ালীদ-ইয়াসকে বললেনঃ আমি আপনার চেয়ে বেশি ধনী।
ইয়াস বললেনঃ না, আপনার চেয়ে আমি বেশি ধনী। আবান বললেনঃ তা কিভাবে হয়।
আমার এত এত সম্পদ আছে। আপনার তো তা নেই। ইয়াস বললেনঃ তাহলে
কি হবে। আপনার আয় আপনার ব্যয়ের অতিরিক্ত নয়। কিন্তু আমার ব্যয়ের চেয়ে
আয় বেশি।^{৪১}

একদিন খলীফা উমার ইবন ‘আয়ীয় (রহ) বিনিন্দ্র রজনী অতিবাহিত করলেন।
সারা রাত চোখের পাতা বুজলো না। বিছানায় এপাশ ওপাশ করে কাটালেন। দিমাশকের
তৈরি ঠাণ্ডার সেই রাতটি কাটালেন বসরায় একজন কাজী নিয়োগের চিন্তায়। সেই কাজী

৩৭. তাহ্যীব আল-কামাল-২/৩৭২-৩৭৩; সুওয়ারুন মিন হায়াত আত-তাবি'ইন-৭০

৩৮. আল-বায়ান ওয়াত তাবয়ীন-১/১০১

৩৯. প্রাণক্ষি

৪০. প্রাণক্ষি-১/১৯৫

৪১. প্রাণক্ষি-৪/৯১; তাহ্যীব আল-কামাল-২/৩৮৫

এমন হবেন যিনি আল্লাহর নাথিলকৃত কুরআনের বিধান অনুযায়ী মাঝের মাঝে ‘আদল-ইনসাফ প্রতিষ্ঠা করবেন এবং সত্যের ব্যাপারে কারো রাগ-বিরাগের পরোয়া করবেন না।

কাজী নির্বাচনের ক্ষেত্রে ‘উমারের দৃষ্টি দু’ব্যক্তির উপর নিবন্ধ হল, যারা সব দিক দিয়ে সমতায় দৌড় প্রতিযোগী দু’অশ্বের মত ছিলেন। দীনের তত্ত্ব জ্ঞানে, সত্যের উপর দৃঢ়তায়, চিতার ওজ্জল্যে এবং দৃষ্টিশক্তির তীক্ষ্ণতায় উভয়ে ছিলেন সমান সমান। যখনই তিনি একজনকে কোন একটি বৈশিষ্ট্যের দরকার প্রাধান্য দিছিলেন তখনই অন্যজন তাঁর একটি ভিন্ন বৈশিষ্ট্যের কারণে অগ্রাধিকার লাভের যোগ্য বলে মনে করছিলেন।

এভাবে রাত কেটে গেল। সকালে তিনি ইরাকের ওয়ালী ‘আদী ইবন আরতাতকে ডেকে পাঠালেন। ‘আদী তখন দারুল খিলাফা দিমাশকে অবস্থান করছিলেন। তিনি ‘আদীকে বললেন : আপনি ইয়াস ইবন মু’আবিয়া আল-মুয়ানী ও কাসিম ইবন রাবী‘আ আল-হারিছী, মতান্তরে বাকর ইবন ‘আবদিল্লাহকে ডেকে তাদের সঙ্গে বসরার বিচার বিষয়ে কথা বলুন এবং তাঁদের একজনকে তথ্যকার কাজী নিয়োগ করুন।

আমীরুল মু’মিনীনের নির্দেশ মত ‘আদী ইবন আরতাত ইয়াস ও কাসিমকে ডেকে বললেন : আমীরুল মু’মিনীনের নির্দেশমত আমি আপনাদের দু’জনের যে কোন একজনকে বসরার কাজী নিয়োগ করতে চাই। এ ব্যাপারে আপনাদের মতামত কি? তখন দু’জনের প্রত্যেকে অপরজন সম্পর্কে বললেন : এ পদের জন্য আমার চেয়ে তিনি বেশি উপযুক্ত। এরপর তাঁর মহত্ত্ব, মর্যাদা, জ্ঞান ও ফিক্হ বিষয়ে পারদর্শিতার কথা তুলে ধরেন।

‘আদী বললেন : এ ব্যাপারে আপনারা নিজেরা একটি সিদ্ধান্তে না আসা পর্যন্ত আমার এ সভা থেকে উঠতে পারবেন না।

ইয়াস বললেন : মাননীয় আমীর! আপনি কাসিম ও আমার সম্পর্কে ইরাকের দু’জন সর্বজন মান্য ফকীহ হাসান আল-বাসরী ও মুহাম্মাদ ইবন সীরীনকে (রহ) জিজ্ঞেস করুন। আমাদের দু’জনের মূল্যায়নের ব্যাপারে তাঁরাই যোগ্যতম ব্যক্তি।

আসলে কাসিম ও তাঁদের দু’জনের মধ্যে একটা গভীর সম্পর্ক ছিল। কিন্তু তাঁদের সাথে ইয়াসের তেমন যোগাযোগ ও সম্পর্ক ছিল না। তাই কাসিম মনে করলেন, ইয়াসের এ প্রস্তাব নিজেকে বাঁচানোর একটি কৌশলমাত্র। কারণ আমীর হাসান আল-বাসরী ও মুহাম্মাদ ইবন সীরীনের সাথে পরামর্শ করলে তাঁরা অবশ্যই তাঁর নামটিই সমর্থন করবেন। তাই মোটেই দেরী না করে তিনি আমীরকে লক্ষ্য করে বললেন : মাননীয় আমীর! আমার ও তাঁর সম্পর্কে জানার জন্য কাউকে কিছু জিজ্ঞেস করবেন না। সেই আল্লাহর নামের কসম যিনি ছাড়া আর কোন ইলাহ নেই, ইয়াস আল্লাহর দীনের ব্যাপারে আমার চেয়ে বেশি পারদর্শী ও বিচার বিষয়ে অধিক জ্ঞানী। আমার এ কথায় আমি যদি যথ্যবাদী হই, তাহলে একজন যথ্যবাদীকে বিচারকের পদে নিয়োগ দেওয়া আপনার জন্য বৈধ হবে না। আর আমি সত্যবাদী হলে যোগ্যতম ব্যক্তিকে বাদ দেওয়া সঙ্গত হবে না।

এবার ইয়াস আমীরের দিকে তাকিয়ে বললেন : জনাব, আপনি এক ব্যক্তিকে কাজীর পদে নিয়োগদানের জন্য ডেকে এনেছেন এবং তাঁকে যেন জাহান্নামের পাশে দাঁড় করিয়ে দিয়েছেন। আর তিনি মিথ্যা শপথ করে তা থেকে নিজেকে বাঁচিয়ে নিলেন। একটু পরেই আবার তাওবা করে নিবেন। কিন্তু তিনি তো মুক্তি পেয়ে গেলেন।

জবাবে ‘আদী ইবন আরতাত তাঁকে বললেন : আপনার মত যিনি এ কথাটি বুঝতে পারেন তিনিই কাজী হওয়ার উপযুক্ত। অতঃপর তিনি ইয়াসকে বসরার কাজী নিয়োগ করেন।^{৪২}

মৃত্যু

ইয়াস ইবন মু'আবিয়ার (রহ) বয়স যখন ৭৬ (ছিয়াত্তর) বছরে পৌছালো তখন একদিন স্বপ্নে দেখেন যে, তিনি ও তাঁর পিতা দু'জন দু'টি ঘোড়ার পিঠে আরোহী হয়েছেন এবং উভয়ে নিজ নিজ ঘোড়া দাবড়ান। কিন্তু কেউ কাউকে পিছনে ফেলতে পারলেন না; বরং দু'জনই পাশাপাশি থাকেন। তাঁর পিতা মু'আবিয়া ৭৬ (ছিয়াত্তর) বছর বয়সে মারা যান। এ ঘটনার পর একদিন রাতে ইয়াস ঘুমানোর জন্য বিছানায় শুয়ে পরিবারের লোকদের ডেকে বলেন : তোমরা কি জান এটা কোন্ রাত?

তারা বললো : না, জানি না।

তিনি বললেন : এ রাতে আমার পিতা তাঁর জীবনপূর্ণ করেন।

রাত পোহালে সকাল বেলায় পরিবারের লোকেরা বিছানায় তাঁকে মৃত দেখতে পান।

হিজরী ১২২ সনে তিনি বসরায়, মতান্তরে ওয়াসিত-এর ‘আবদাসা নামক পক্ষীতে মৃত্যুবরণ করেন।^{৪৩}

ইয়াসের মা মৃত্যুবরণ করলে তিনি শোকে কাতর হয়ে ভীষণ কান্নাকাটি করেন। লোকেরা যখন সাম্মত দিত, তিনি বলতেন :^{৪৪}

كَانَ لِي بَابَانْ مَفْتُوحَانْ مِنَ الْجَنَّةِ، فَاغْلَقَ احْدَهُمَا.

“আমার জন্য জান্নাতের দু'টি দরজা খোলা ছিল। এখন একটি বন্ধ হয়ে গেল।”

৪২. তাহ্যীব আল-কামাল-২/৩৭৫; সুওয়ারুন মিন হায়াত আত-তাবিউন-৬৫-৬৮

৪৩. তাহ্যীব আত-তাহ্যীব-১/৩৯; আল-বায়ান ওয়াত তাবয়ীন-১/৯৮; সাওয়ারুন মিন হায়াত আত তাবিউন-৭৮-৭৯

৪৪. তাহ্যীব আল-কামাল-২/৩৮৯, ৩৯২

কাসিম ইবন মুহাম্মাদ ইবন আবু বকর (রা)

হ্যরত কাসিমের (রহ) ডাকনাম আবু মুহাম্মাদ, মতান্তরে আবু ‘আবদির রহমান।¹ তিনি হ্যরত আবু বাকর সিদ্দীকের (রা) পুত্র মুহাম্মাদের (রহ) সন্তান। তাঁর মা ‘সাওদা’ ছিলেন ‘উম্ম ওয়ালাদ’। ‘উম্ম ওয়ালাদ’-এর শব্দগত অর্থ সন্তানের মা। ইসলামের পরিভাষায় যে দাসী মনিবের গুরুসজ্ঞাত সন্তান জন্ম দেয় তাকে বলা হয় উম্ম ওয়ালাদ। এমন দাসীকে আর কোনভাবে হস্তান্তর করা যায় না। যাই হোক কাসিমের মা সাওদা দাসী হলেও তিনি ছিলেন বিশ্বের এক অভিজ্ঞাত ঘরের কন্যা। যুদ্ধবন্দী হিসেবে তৎকালীন বিশ্বের স্বীতি অনুযায়ী দাসীতে পরিণত হন।

মাদায়েন বিজয়ের পর পারস্য স্বাট ইয়াফিদিগুরদ-এর তিন কন্যা মুসলিম বাহিনীর হাতে বন্দী হন। তাদেরকে মুজাহিদদের মধ্যে বর্টন না করে সন্মান মুসলিম পরিবারের হাতে তুলে দেওয়ার সিদ্ধান্ত হয়। ‘আলী (রা) তাঁদের তিনজনকে ত্রয় করেন এবং তিনজন মুসলিম যুবকের হাতে তাদের একজন করে তুলে দেন। একজনকে দেওয়া হয় রাসূলুল্লাহর (সা) দৌহিত্র আল-হসাইন ইবন ‘আলীকে এবং এখানে তাঁর গর্তে জন্মগ্রহণ করেন যায়নুল ‘আবিদীন; দ্বিতীয়জনকে লাভ করেন মুহাম্মাদ ইবন আবী বাকর (রা) এবং তাঁরই গর্তে জন্মগ্রহণ করেন আমাদের আলোচ্য ব্যক্তি আল-কাসিম ইবন মুহাম্মাদ। তৃতীয়জনকে লাভ করেন ‘আবদুল্লাহ ইবন ‘উমার (রা) এবং তাঁর গর্তে জন্মগ্রহণ করেন সালিম ইবন ‘আবল্লাহ (রা)। ইয়াফিদিগুরদের তিন কন্যার এ তিন সন্তান তাদের পরিণত বয়সে নেতৃত্ব, জ্ঞান ও আধ্যাত্মিকতায় সর্বজনমান্য ব্যক্তি হিসেবে স্বীকৃতি লাভ করেন।²

কাসিম জ্ঞান ও নৈতিক উৎকর্ষতায় মদীনার মর্যাদাবান ব্যক্তিবর্গের অন্যতম ছিলেন। ইবন সাদ তাঁকে মদীনার মনীষীদের দ্বিতীয় তাবকায় (স্তর) উল্লেখ করেছেন।³

ইয়াতীম অবস্থা এবং ফুফুর নিকট শালিত-পালিত

হ্যরত ‘উচ্চমানের (রা) বিরুক্তাচরণ ও শাহাদাতের ঘটনায় মুহাম্মাদ ইবন আবী বকরের (রা) নামটি ইসলামের ইতিহাসে বেশ প্রসিদ্ধ হয়ে আছে। তিনি হ্যরত উচ্চমানের (রা) প্রচণ্ড বিরোধী ছিলেন। এমনকি হ্যরত উচ্চমানের (রা) হত্যাকারীদের মধ্যে তাঁর নামটিও উচ্চারিত হয়। ‘উচ্চমানের (রা) শাহাদাতের পর তিনি আলীর (রা) পক্ষ অবলম্বন করেন। হ্যরত ‘আলী ও হ্যরত মু’আবিয়ার (রা) মধ্যে যে দ্঵ন্দ্ব-সংঘাতের সৃষ্টি হয় তাতে

১. তাহ্যীব আল-কামাল ফী আসমা’ আর-রিজাল-১৫/১৮৬

২. ‘আসরুত তাবি’ইন-৮১

৩. তাহ্যীব আল-কামাল-১৫/১৮৬

মুহাম্মদ ‘আলীর (রা) একজন উদ্যমী সহযোগী হিসেবে তাঁর পাশে দাঁড়ান। হ্যরত ‘আলী (রা) তাঁকে মিসরের ওয়ালী নিয়োগ করেন। যখন হ্যরত মু’আবিয়ার (রা) পক্ষ থেকে হ্যরত ‘আমর ইবন আল-‘আস (রা) মিসরে সামরিক অভিযান চালান তখন মুহাম্মদ ইবন আবী বকর (রা) নিহত হন। কাসিম তখন অল্প বয়সী শিশু। এ কারণে তাঁর ফুফু উম্মুল মু’মিনীন হ্যরত ‘আয়িশা (রা) তাঁকে নিজের তত্ত্বাবধানে নিয়ে আসেন এবং অত্যন্ত স্নেহ-মমতায় তাঁকে গড়ে তোলেন। পরবর্তীকালে হ্যরত কাসিম তাঁর শৈশবকালীন স্মৃতিচারণ করতে গিয়ে বলতেন, আমাদের ফুফু-আম্মা ‘আয়িশা (রা) ‘আরাফার রাতে আমাদের মাথা ন্যাড়া করে দিতেন এবং মাথায় টুপি পরিয়ে মসজিদে পাঠিয়ে দিতেন। পরের দিন সকালে আমাদের পক্ষ থেকে কুরবানী করতেন। তিনি আরো বলতেন, ফুফু-আম্মা নিজ হাতে আমাকে ও আমার ছেটি বোনকে খাওয়াতেন। তবে আমাদের সাথে খেতেন না। আমরা খাওয়ার পর যা কিছু অবশিষ্ট থাকতো তাই খেতেন। যা যেমন অতি আদরে তার শিশু সন্তানকে দুধ পান করায় তেমনি তিনিও আমাদের আদর করে খাওয়াতেন। আমাদেরকে গোসল করাতেন, মাথায় চিরক্ষী করে পরিষ্কার সাদা কাপড় পরিয়ে দিতেন। ভালো কাজ কী তা শেখাতেন, ভালো কাজ করার জন্য উৎসাহিত করতেন ও প্রশিক্ষণ দিতেন। আর মন্দ কাজ কী তাও শেখাতেন এবং তা থেকে বিরত থাকার কথা বলতেন। আমি সন্তানের প্রতি তাঁর চেয়ে বেশি যত্নশীল, তাঁর চেয়ে বেশি স্নেহশীল কোন পিতা-মাতাকে কখনো দেখিনি।

তিনি তাঁর এই স্নেহশীল ফুফুকে আম্মা বলে ডাকতেন। পরবর্তীকালে যখন তাঁর সূত্রে হাদীছ বর্ণনা করতেন তখন বলতেন : আমার আম্মা আয়িশা (রা) আমাকে বলেছেন, অথবা আমার আম্মা ‘আয়িশা’র (রা) নিকট শুনেছি। তিনি বলতেন, তাঁর চেয়ে সুন্দর করে কথা বলতে এবং তাঁর চেয়ে বিশুদ্ধ ও মিষ্টভাষী কোন পুরুষ বা নারীকে তাঁর আগে পরে কখনো আমি দেখিনি।^৪

জ্ঞান ও ঘনীষ্ঠা

উম্মুল মু’মিনীন হ্যরত ‘আয়িশা (রা) এমন বিদূষী মহিলা ছিলেন যে, তাঁর একজন নগণ্যতম সেবকও জ্ঞান ও কর্মের উচ্চাসন অলঙ্কৃত করেন। কাসিম ছিলেন তাঁর অতি স্নেহের সন্তানতুল্য। তাঁর আদর-যত্নে লালিত-পালিত হয়ে তিনি ‘ইল্ম ও ‘আমল দু’সাগরের সংযোগস্থলে পরিণত হন। ইবন সাদ লিখেছেন, তিনি উচ্চ মর্যাদাসম্পন্ন ফকীহ, ইমাম, শ্রেষ্ঠ হাফিজে হাদীছ ও আল্লাহ ভীরু-মানুষ ছিলেন।^৫ ইমাম নাওবী (রহ) বলেন, তিনি একজন অতি উচ্চ মর্যাদাসম্পন্ন তাবিঁঈ। তাঁর বিশ্বস্ততা ও ইমাম হওয়ার যোগ্যতার ব্যাপারে সকলে একমত।^৬

৪. আত-তাবাকাত-৫/১৩৯; ‘আসরুত তাবিঁঈন-৭৩

৫. আত-তাবাকাত-৫/১৪৩

৬. তাহ্যীব আল-আসমা’ ওয়াল লুগাত-১/৫৫

তাফসীর

ইসলামী জ্ঞানের সকল শাস্ত্রে তাঁর দক্ষতা ছিল। তবে আল্লাহর কালামের তাফসীরের ব্যাপারে ছিলেন খুবই সতর্ক। চরম সতর্কতার কারণে তিনি কুরআনের তাফসীর করতেন না। এ কারণে মুফাস্সির হিসেবে তেমন প্রসিদ্ধি লাভ করেননি।^১

হাদীছ

উচ্চুল মু'মিনীন হয়রত 'আয়িশার (রা) ব্যক্তি সত্ত্বাটিই ছিল হাদীছের অন্যতম উৎসস্থল। হয়রত কাসিম (রহ) এই উৎস থেকে প্রাণ ভরে পরিত্বষ্ট হন। তাছাড়া অন্য সাহাবায়ে কিরাম থেকেও হাদীছ শোনেন। যেমন : 'আবদুল্লাহ ইবন 'আব্বাস, 'আবদুল্লাহ ইবন 'উমার (রা), আবু হুরায়রা (রা) ও আরো অনেকে। তিনি নিজেই বলেন, আমি 'আবদুল্লাহ ইবন 'আব্বাসের (রা) নিকট বসতাম, তাছাড়া আবদুল্লাহ ইবন 'উমার (রা) ও আবু হুরায়রার (রা) নিকটও বসতাম। তাঁদের নিকট থেকে আমি সর্বাধিক উপকার লাভ করেছি। 'আবদুল্লাহ ইবন 'উমারের (রা) নিকট এমন জ্ঞান, খোদাভীরুতা এবং এমন দুর্লভ তথ্য ছিল যা আর কারো নিকট থেকে অর্জন করা সম্ভব ছিল না।^২ এ সকল ব্যক্তি ছাড়াও তিনি 'আবদুল্লাহ ইবন 'আমর ইবন আল-'আস, 'আবদুল্লাহ ইবন জা'ফার, মু'আবিয়া, 'আবদুল্লাহ ইবন খাবাব, রাফি' ইবন খাদীজ, আসলাম মাওলা 'উমার (রা) প্রমুখ মহান সাহাবীর নিকট থেকেও হাদীছ শোনেন।^৩ এ সকল মহান ব্যক্তিবর্গের কল্যাণে তিনি একজন বিশিষ্ট হাফিজে হাদীছে পরিণত হন। ইবন সাদ তাকে কৃতি - كُثُرُ الْحَدِيث - বহু হাদীছের ধারক ও বর্ণনাকারী বলেছেন।^৪ ইমাম যাহাবী (রহ) তাঁকে হাফিজে হাদীছগণের ইমাম ও নেতা বলে উল্লেখ করেছেন। আবুয যানাদ বলতেন, আমি কাসিমের চেয়ে সুন্নাহর বড় 'আলিম কাউকে দেখিনি।^৫ তিনি বিশেষভাবে হয়রত 'আয়িশার (রা) হাদীছের হাফিজ ছিলেন। খালিদ ইবন বায়ায বলেন, 'আয়িশার (রা) হাদীছের তিনজন অভিজ্ঞ ব্যক্তি ছিলেন। তাঁরা হলেন কাসিম, 'উরওয়া ও 'আমর (রহ)।^৬

তাঁর বর্ণনাসমূহের মান

মুহাদিছগণ হয়রত 'আয়িশা (রা) থেকে তাঁর বর্ণনাসমূহকে খাঁটি সোনার মত মনে করেছেন। ইবন মাঈন বলেন, "عَبِيدُ اللَّهِ بْنُ عُمَرَ عَنْ قَاسِمٍ عَنْ عَائِشَةَ" সনদের এই ধারাটি খাঁটি সোনার শিকলের মত।^৭

৭. আত-তাবাকাত-৫/১৩৯

৮. তাহ্যীব আল-আসমা'-১/৫৫

৯. তাহ্যীব আত-তাহ্যীব-৮/১৩৩

১০. আত-তাবাকাত-৫/১৩৯

১১. তায়কিরাতুল ছফ্ফাজ-১/৮; সিয়ার আলাম আন-নুবালা-৫/৫৬

১২. তাহ্যীব আত-তাহ্যীব-৮/৩০৪; তাবি'ঈন-৩৭৬

১৩. তাহ্যীব আল-আসমা'-১/৫৫

হাদীছের পঠন-পাঠন

প্রত্যেক রাতে ঈশ্বার নামায়ের পর তিনি এবং তাঁর সঙ্গী-সাথীরা এক সাথে হাদীছের পঠন-পাঠন করতেন। হাদীছ বর্ণনার ব্যাপারে ভীষণ সতর্ক ছিলেন। বর্ণনার ক্ষেত্রে অর্থ নয়, বরং মূল শব্দে হাদীছ বর্ণনা জরুরী বলে মনে করতেন। এই সতর্কতার কারণে তিনি হাদীছ লেখা-লেখি পছন্দ করতেন না।^{১৪}

‘আবদুল্লাহ ইবন ‘আওন বলেন :^{১৫}

كَانَ الْقَاسِمُ وَابْنُ سِيرِينَ وَرْجَاءُ بْنُ حَيْوَةَ يَحْدُثُونَ بِالْحَدِيثِ عَلَى حُرُوفٍ، وَكَانَ

الْحَسْنُ وَابْرَاهِيمُ وَالشَّعْبِيُّ يَحْدُثُونَ بِالْمَعَانِيِّ.

‘আল-কাসিম, মুহাম্মাদ ইবন সীরীন ও রাজা’ ইবন হায়ওয়া হাদীছ (রাসূলুল্লাহর (সা) মুখ থেকে উচ্চারিত) বর্ণ ও শব্দে বর্ণনা করতেন। অন্যদিকে হাসান আল-বাসরী, ইবরাহীম আন-নাখাঞ্জি ও আশ-শা’বী (নিজেদের শব্দ ও বর্ণে) হাদীছের অর্থ ও ভাব বর্ণনা করতেন।

তাঁর ছাত্র-শিষ্য

হাদীছ শাস্ত্রে তাঁর ছাত্রদের মধ্যে অনেক বড় বড় ইমাম ছিলেন। তাঁদের মধ্যে সর্বাধিক প্রসিদ্ধ কয়েকজন হলেন : ‘আব্দুর রহমান ইবন কাসিম, ইমাম শা’বী, সালিম ইবন ‘আবদিল্লাহ ইবন ‘উমার, সাইদ আল-আনসারীর পুত্র ইয়াহইয়া, সাইদ ইবন আবী মুলায়কা, নাফি’ মাওলা ইবন ‘উমার, ইমাম যুহরী, ‘উবায়দুল্লাহ ইবন ‘উমার, আইউব, মালিক ইবন দীনার (রহ) প্রমুখ। তাঁর এ সকল প্রতিভাবান ছাত্র তাঁর সূত্রে হাদীছ বর্ণনা করেছেন।^{১৬}

ফিক্হ

ফিক্হ ছিল হ্যরত কাসিমের (রহ) বিশেষ অধীত বিষয়। এ বিষয়ে তিনি একজন ইমাম ও মুজতাহিদ ছিলেন। তাঁর ফিক্হ বিষয়ে দক্ষতা ও উৎকর্ষতার সবচেয়ে বড় সনদ এই যে, তিনি ছিলেন মদীনার বিখ্যাত সাত ফকীহর একজন।^{১৭} ফিক্হের জ্ঞানও তিনি অর্জন করেন ফুফু হ্যরত ‘আয়িশা সিদ্দীকা, ইবন ‘উমার ও ইবন ‘আবাসের (রা) নিকট থেকে। তিনি বলতেন, আবু বাকর ও ‘উমারের (রা) সময়ে হ্যরত ‘আয়িশা (রা) স্বতন্ত্রভাবে ফাতওয়া দিতেন এবং আমি তাঁর সাথে থাকতাম।^{১৮} সেই সময়ের সকল

১৪. আত-তাবাকাত-৫/১৪০

১৫. তাহ্যীব আল-কামাল-১৫/১৮৮

১৬. প্রাণক্রি-১৫/১৮৫; তাহ্যীব আত-তাহ্যীব-৮/৩৩৩

১৭. তাহ্যীব আল-আসমা’-১/৫৫

১৮. প্রাণক্রি

আলিম তাঁর ফিক্হ বিষয়ে গভীর জ্ঞানের কথা স্বীকার করেছেন। আবিয যানাদ বলতেন, আমি কাসিমের চেয়ে বড় কোন ফকীহকে দেখিনি।^{১৯} ইমাম মালিক (রহ) বলতেন, কাসিম এই উমাতের ফকীহগণের মধ্যে ছিলেন।^{২০}

ফাতওয়া দানের ক্ষেত্রে সতর্কতা

ফিক্হ বিষয়ে এত জ্ঞান ও দক্ষতা থাকা সত্ত্বেও তিনি হাদীছের মত ফাতওয়া দানে অত্যন্ত সতর্ক ছিলেন। কোন বিষয়ে জ্ঞান না থাকা সত্ত্বেও সে বিষয়ে কথা বলা অথবা কোন মাসয়ালার জবাব দেওয়া খুবই খারাপ মনে করতেন। বলতেন, আল্লাহর ফরয হৃকুমগুলো জানার পর কোন বিষয়ে জ্ঞান না থাকার পরও কথা বলার চেয়ে কোন মানুষের মূর্খ থাকা অনেক ভালো। কোন মাসয়ালা সম্পর্কে তাঁর জ্ঞান না থাকলে সোজা নিজের অজ্ঞতার কথা জানিয়ে দিতেন। একবার তাঁকে কোন মাসয়ালা জিজ্ঞেস করা হয়। জবাবে তিনি বলেন, এ বিষয়ে আমার কিছু জানা নেই। শুধু স্পষ্ট ও সহজ প্রশ্নের জবাব দিতেন। যে সব মাসয়ালার জবাব নিজের মতের ভিত্তিতে দিতেন, তাতে স্পষ্ট বলে দিতেন যে, এটা আমার মত, এ কথা বলছিনা যে, এটাই সত্য।^{২১}

দারসের আসর

হ্যরত কাসিমের (রহ) মদীনার মসজিদে নববীতে একটি হালকায়ে দারস বা পাঠদানের আসর ছিল। তাঁর ও সালিম ইবন ‘আবদিল্লাহ ইবন ‘উমারের (রা) একই আসর ছিল। তাঁদের মৃত্যুর পর তাঁর পুত্র ‘আবদুর রহমান এবং সালিমের ভাই ‘উবায়দুল্লাহ ইবন ‘উমার (রা) এই আসরে বসতেন, তাঁদের পরে এই স্থানে ইমাম মালিকের আসর বসতে থাকে। স্থানটি ছিল হ্যরত রাসূলে কারীমের (সা) কবর ও মিমারের মাঝামাঝি স্থানে হ্যরত ‘উমারের (রা) সম্মুখে। কাসিম সকাল বেলায় দারস ও ইফতার এই স্থানে এসে দু’রাক’আত নামায আদায়ের পর আসরে বসে যেতেন। এ সময় মানুষের যা কিছু প্রশ্ন করার, করতো।^{২২}

সমকালীনদের তাঁর যোগ্যতার স্বীকৃতি

তাঁর সময়ের অনেক বড় বড় ‘আলিম ও বিদঞ্চ ব্যক্তি তাঁর মনীষা ও পাণ্ডিত্যের স্বীকৃতি দিয়েছেন। ইয়াহইয়া ইবন সাঈদ আনসারী বলতেন, আমরা মদীনায় এমন কোন ব্যক্তিকে পাইনি যাঁকে কাসিমের উপর প্রাধান্য দেওয়া যায়। আবুয যানাদ বলতেন, কাসিম তাঁর যুগে সবচেয়ে বেশি জ্ঞানের অধিকারী মানুষ ছিলেন, আইউর সাখতিয়ানী বলতেন, আমি কাসিমের চেয়ে উন্নত মানুষ আর দেখিনি।^{২৩}

১৯. তায়কিরাতুল হফ্ফাজ-১/৮৫; ‘আসরুত তাবি’ঈন-৭২

২০. তাহ্যীব আত-তাহ্যীব-৮/৩৩৪

২১. আত-তাবাকাত-৫/১৩৯

২২. প্রাগুক্ত-১/১৪০

২৩. তায়কিরাতুল হফ্ফাজ

বিনয় ও সমকালীন ‘আলিমদের প্রতি সমান

জ্ঞানের এত উচু শরে অবস্থান করা সত্ত্বেও নিজের শ্রেষ্ঠত্বের কোন অনুভূতিই তাঁর ছিল না। তিনি নিজের চেয়ে কম মর্যাদার সমকালীনদেরকেও ভীষণ গুরুত্ব দিতেন। তাঁর মুখ থেকে কখনো তাদের সম্পর্কে এমন কোন শব্দ বা বাক্য উচ্চারিত হতো না যাতে বিন্দুমাত্র তাদের অসমান হয়। এমন সতর্কতার কারণে তিনি কোন কোন স্থানে সঞ্চিটজনক অবস্থায় পড়ে যেতেন। একবার একজন মরুচারী বেদুইন তাঁকে প্রশ্ন করলো : ‘আপনি বড় ‘আলিম, না সালিম? এই প্রশ্নের জবাবদানে দ্বিধা-দ্বন্দ্বে পড়ে যান। যদি প্রকৃত সত্য কথাটি বলে দিতেন তাহলে নিজের মুখে নিজের প্রশংসা হয়ে যেত, আর যদি বলতেন সালিম বড় ‘আলিম তাহলে অসত্য কথা হয়ে যেত। এ কারণে প্রথমে সুবহানাল্লাহ পাঠ করে এড়িয়ে যেতে চান। কিন্তু বেদুইন যখন আবার জিজ্ঞেস করলো তখন তিনি বললেন, সালিম আছেন, তাঁর কাছে গিয়ে জিজ্ঞেস কর।^{২৪}

নৈতিক চরিত্র

হ্যরত কাসিমের (রহ) যে শরের ‘ইল্ম ছিল, সেই শরের ‘আমলও ছিল। তাঁর ব্যক্তি সন্তুষ্টি ছিল সকল নৈতিক গুণাবলীর সমাবেশস্থল। তিনি তাঁর উর্ধ্বতন পুরুষ হ্যরত আবু বাকরের (রা) প্রতিরূপ ছিলেন। যুবায়র বলতেন, আমি আবু বাকরের (রা) সন্তানদের মধ্যে এই কাসিমের চেয়ে বেশি তাঁর সাথে সাদৃশ্যপূর্ণ কাউকে পাইনি।^{২৫}

হ্যরত ‘উমার ইবন ‘আবদিল আয়ীয় (রহ) তাঁর অগাধ জ্ঞান ও নৈতিক উৎকর্ষতার কথা অকপটে স্বীকার করতেন। তিনি বলতেন, খিলাফতের কর্তৃত্ব যদি কাসিমের হাতে থাকতো তাহলে কত না ভালো হতো। অপর একটি বর্ণনায় এসেছে, তিনি বলতেন, খিলাফতের বিষয়টি যদি আমার এখতিয়ারে থাকতো তাহলে আমি কাসিমকে খলীফা বানাতাম। খলীফা ‘উমারের (রহ) এ কথা তাঁর কানে পৌছলে তিনি বিস্ময়ের সাথে বলেন, আমি যখন আমার পরিবার চালাতে পারি না, সেখানে এই উমাতের দায়িত্ব পালন কেমন করে সম্ভব।^{২৬} ‘উমার ইবন ‘আবদিল আয়ীয়ের (রহ) সাথে তাঁর সম্পর্ক ছিল বন্ধুত্বপূর্ণ ও লোকিকতা বিবর্জিত। কাসিম ছিলেন স্বল্পভাবী চুপচাপ স্বভাবের মানুষ। ‘উমার ইবন ‘আবদিল ‘আয়ীয় (রহ) খলীফা হলেন, তখন মদীনাবাসীরা বললো, এবার কুমারী কাসিম কথা বলবেন।^{২৭}

খলীফা ‘উমার ইবন ‘আয়ীয়ের (রহ) সাথে আল-কাসিম ইবন মুহাম্মাদের অত্যন্ত হৃদ্যতাপূর্ণ সম্পর্ক ছিল। ‘উমার তাঁকে অত্যন্ত শ্রদ্ধার দৃষ্টিতে দেখতেন। হিজরী ৮৬ সনে উমাইয়া খলীফা ‘আবদুল মালিকের মৃত্যুর পর ওয়ালীদ ইবন ‘আবদিল মালিক খলীফা

২৪. তাহ্যীব আত-তাহ্যীব-৮/৩৩৪; তাহ্যীব আল-কামাল-১৫/১৮৮; ‘আসরুত তাবি’ঈন-৭৩

২৫. তাহ্যীব আত-তাহ্যীব-৮/৩৩৪

২৬. তায়কিরাতুল হফ্ফাজ-১/৮৫; সিয়ারু আ‘লাম আল-নুবালা-৫/৫৯

২৭. তাহ্যীব আত-তাহ্যীব-৮/৩৮৫

হন। তিনি হিজরী ৮৭ সনের ২৩ রাবিউল আউয়াল হিশাম ইবন ইসমা'ইলকে মদীনার ওয়ালীর পদ থেকে অপসারণ করে তদন্তে 'উমার ইবন 'আবদিল আয়ীয়কে নিয়োগ দান করেন। মদীনায় পৌছে তিনি মারওয়ান ভবনে উঠেন। যুহরের নামায়ের পর মদীনার তৎকালীন দশজন বিখ্যাত ফকীহ ও 'আলিমকে ডেকে পাঠান। তাঁরা হলেন : 'উরওয়া ইবন আয-যুবায়র, আবু বাকর ইবন সুলায়মান ইবন আবী খায়ছামা, 'উবায়দুল্লাহ ইবন 'আবদিল্লাহ ইবন 'উত্বা ইবন মাস'উদ, আবু বাকর ইবন 'আবদির বহমান ইবন আল-হারিছ, সুলায়মান ইবন ইয়াসার, আল-কাসিম ইবন মুহাম্মাদ, সালিম ইবন 'আবদিল্লাহ ইবন 'উমার (রা), 'আবদুল্লাহ ইবন 'উবায়দুল্লাহ ইবন 'আমর, 'আবদুল্লাহ ইবন 'আমির ইবন রাবী'আ ও খারিজা ইবন যায়দ (রহ)। তাঁরা উপস্থিত হলে 'উমার তাঁদের উদ্দেশ্যে প্রদন্ত একটি সংক্ষিপ্ত ভাষণে নিম্নের কথাগুলো বলেন :

'আমি আপনাদেরকে এমন এক কাজের জন্য ডেকেছি যাতে আপনারা আল্লাহর নিকট প্রতিদান পাবেন এবং সত্ত্বের সহযোগী হিসেবে স্বীকৃতি লাভ করবেন। আমি আপনাদের পরামর্শ ছাড়া কোন বিষয়ে সিদ্ধান্ত গ্রহণ করতে চাই না। এ কারণে আপনারা কেউ কারো উপর যুল্ম-অত্যাচার করছে এমন খবর পেলে আল্লাহর ওয়াস্তে আমাকে অবশ্যই অবহিত করবেন।'

তাঁর এ ভাষণ শোনার পর উপস্থিত ফকীহ 'আলিমগণ তাঁর মঙ্গল কামনা করতে করতে ফিরে যান। কাসিম ইবন মুহাম্মাদ 'উমারের ভাষণ শেষে মন্তব্য করেন :

"الْيَوْمَ يَنْطَقُ مَنْ كَانَ لَا يَنْطِقُ" 'যারা কথা বলতে পারতো না এখন তারা কথা বলতে পারবে।'^{২৮}

মদীনার ওয়ালী থাকাকালৈ 'উমার ইবন 'আবদিল 'আয়ীয় যে অক্ষয় কীর্তিগুলো সম্পাদন করেন তার মধ্যে সর্বাধিক উল্লেখযোগ্য মসজিদে নববীর নির্মাণ কাজ। খলীফা 'আবদুল মালিক এ মসজিদ সম্প্রসারণ করে পুনঃনির্মাণের উদ্দোগ নেন, কিন্তু মদীনাবাসীদের অসহযোগিতার কারণে তা ব্যর্থ হয়। খলীফা ওয়ালীদ ইবন 'আবদিল মালিক এ ব্যাপারে বিশেষ দৃষ্টি দেন এবং তিনি মসজিদটিকে সম্পূর্ণ নতুন কাঠামো ও শৈলীতে নির্মাণ করতে চান। দিয়াশকের জামি' মসজিদ নির্মাণ শেষ করে তিনি হিজরী ৮৮ সনে 'উমার ইবন 'আবদিল আয়ীয়কে লিখলেন, মসজিদে নববী নতুন করে নির্মাণ করতে হবে এবং এর আশে-পাশে আয়ওয়াজে মুতাহরাত অর্থাৎ হযরত রাসূলে কারীমের (সা) পৃতঃপুত্রি বেগমদের যে সকল হজরা ও অন্যান্য বাড়ি-ঘর আছে অর্থের বিনিময়ে সেগুলো অধিগ্রহণ করে মসজিদের অন্তর্ভুক্ত করতে হবে। 'উমার ইবন 'আবদিল 'আয়ীয় অত্যন্ত দক্ষতার সাথে খলীফার এ আদেশ বাস্তবায়ন করেন।

পত্র পেয়ে 'উমার মসজিদের আশে-পাশের বাড়ি-ঘরের মালিকদের ডেকে খলীফার পত্রটি

২৮. আল কামিল ফী আত-তারীখ-৪/৫২৬; জামহারাতু খুতাব আল-'আরাব-২/২১০; তাবি'ঈদের জীবনকথা-২/৩২৫-৩৬

পাঠ করে শোনান। তাঁরা অর্থের বিনিময়ে নিজেদের মালিকানা ছেড়ে দিতে রাজি হন। উমার ইবন ‘আবদিল ‘আযীয পুরাতন মসজিদ, উম্মাহাতুল মু’মিনীনের হজরাসমূহ ও আশে-পাশের বাড়ি-ঘর ভাংতে আরম্ভ করেন। তখন এ কাজে তাঁকে সর্বাত্মক সহযোগিতা করেন কাসিম ইবন মুহাম্মাদ, সালিম ইবন ‘আবদিল্লাহ, আবু বাকর ইবন ‘আবদির রহমান (রহ)সহ মদীনার বিশিষ্ট ফকীহগণ। তাঁরা সকলে উম্মাহাতুল মু’মিনীনের হজরাসমূহ মসজিদের মধ্যে ঢুকিয়ে নতুন মসজিদের ভিত্তি স্থাপন করেন।^{২৯}

তাকওয়া-পরহেজগারী

তাকওয়া-পরহেজগারীর দিক দিয়েও তিনি ছিলেন একজন শীর্ষস্থানীয় তাবিঁই। ইবন সাদ তাঁকে একজন খোদাভীর উত্তম তাবিঁই ও সত্যনিষ্ঠ মানুষ বলেছেন। ইবন হিবান তাঁকে নেতৃস্থানীয় তাবিঁই এবং তাঁর যুগের একজন উত্তম তাবিঁই বলে গণ্য করেছেন।^{৩০} বার্ধক্যে ও হজ্জের সময় মিনায় পাথর মারার জন্য পায়ে হেঁটে যেতেন। রাবী‘আ ইবন ‘আবদির রহমান বলেন, কাসিম যখন অতিরিক্ত দুর্বল হয়ে পড়েছিলেন তখন তিনি তাঁর অবস্থানস্থল থেকে বাহনের পিঠে চড়ে মিনা পর্যন্ত আসতেন। পরে সেখান থেকে পায়ে হেঁটে পাথর মারার জন্য যেতেন। পাথর মেরে মসজিদ পর্যন্ত হেঁটে যেতেন। তারপর সেখান থেকে বাহনের পিঠে চড়ে অবস্থানস্থলে ফিরতেন।^{৩১}

ধন-ঐশ্বর্যের প্রতি অমুখাপেক্ষী মনোভাব

পার্থিব ধন-ঐশ্বর্যের প্রতি এতই উদাসীন ও মুখাপেক্ষীহীন ছিলেন যে, প্রিয়জনের কোন অনুগ্রহ-উপটোকনও গ্রহণ করতেন না। সুলায়মান ইবন কৃতায়বা বলেন, একবার ‘উমার ইবন ‘উবায়দিল্লাহ আমার হাতে এক হাজার দীনার দিয়ে ‘আবদুল্লাহ ইবন ‘উমার (রা) ও কাসিম ইবন মুহাম্মাদের নিকট পাঠান। ইবন ‘উমার (রা) তাঁর অংশের দীনারগুলো গ্রহণ করেন এবং কৃতজ্ঞতা জ্ঞাপন করেন এই বলে যে, ‘উমার ইবন ‘উবায়দ-আতীয়তার সম্পর্কের হক আদায় করেছেন। এ সময়ে এ অর্থের আমার খুব প্রয়োজন ছিল। কিন্তু কাসিম ইবন মুহাম্মাদ তা গ্রহণ করতে অস্বীকৃতি জানান। এ কথা তাঁর বেগম সাহেবা জানতে পেরে বলেন, ‘উমার ইবন ‘উবায়দুল্লাহর সাথে আমাদের (স্বামী-স্ত্রী) দু’জনের সম্পর্ক সমান সমান। কাসিম যদি তাঁর চাচাতো ভাই হন, তাহলে আমিও তো তাঁর ফুফাতো বোন হই। তাঁর এ কথার পর আমি তাঁর হাতেই এ অর্থ তুলে দিই।^{৩২}

সত্যের স্বীকৃতি

এমন সত্যনিষ্ঠ ছিলেন যে, নিজের পিতার কোন ভুলকে তিনি ভুল বলে স্বীকার করতেন এবং তাঁর জন্য আল্লাহর নিকট মাগফিরাত কামনা করতেন। পূর্বেই এসেছে যে, তাঁর

২৯. আল-কামিল ফী আত-তারীখ-৪/৫৩২; তাবিঁইদের জীবন কথা-২/৩৭-৩৮

৩০. আত-তাবাকাত-৫/১৪১

৩১. তাহ্যীব আল-আসমা'-১/৫৫; তাহ্যীব আত-তাহ্যীব-৮/৩৩৫

৩২. আত-তাবাকাত-৫/১৪১

পিতা মুহাম্মাদ ইবন আবী বাকর (রা) আমীরুল মু'মিনীন হযরত 'উছমানের (রা) ভীষণ বিরোধী ছিলেন এবং বিদ্রোহীদের সাথে খলীফার গৃহ অভ্যন্তরেও চুকে পড়েছিলেন। হযরত কাসিম (রহ) পিতার এ কাজকে একটা মারাত্মক ভুল বলে স্বীকার করতেন এবং তাঁর জন্য আল্লাহ রাবুল 'আলামীনের নিকট দু'আ করতেন : হে আল্লাহ! 'উছমানের (রা) ব্যাপারে আমার পিতার অপরাধকে ক্ষমা করে দিন।^{৩৩}

ওফাত

তাঁর মৃত্যুসন নিয়ে একটু মতপার্থক্য আছে। হিজরী ১০৬ থেকে ১১২ সনের মধ্যে তিনি মৃত্যুবরণ করেছেন একথা নিশ্চিতভাবে জানা যায়। তখন তাঁর বয়স ৭০ অথবা ৭২ (সত্তর/বাহাত্তর) বছর।^{৩৪} বার্ধক্যের ভাবে জর্জিরিত দেহ নিয়ে হজ্জের উদ্দেশ্যে মদিনা থেকে বের হয়েছেন। বাহনের পিঠে চড়ে তালবিয়া পাঠ করতে করতে পথ চলছেন। সাথে বেগম সাহেবা আছেন, ছেলে বাহনটি হাঁকাচ্ছে। কিছুদূর যাওয়ার পর অসুস্থ হয়ে পড়লেন। মাথায় তীব্র ব্যথা অনুভব করতে লাগলেন। এক সময় বুবলেন তাঁর জীবনকাল শেষ হয়ে এসেছে। আল্লাহর নিকট মাগফিরাত কামনা করলেন। তারপর কাগজ কলম নিয়ে একজনকে অসীয়াত লিখতে বললেন। লেখক তাঁর বলার আগেই লিখে ফেললেন, “কাসিম ইবন মুহাম্মাদ অসীয়াত করছেন যে, আল্লাহ ছাড়া আর কোন ইলাহ নেই।” কাসিম (রহ) এ লেখাটুকু শুনে বললেন, যদি আমি আজকের পূর্বে এই সাক্ষাৎ না দিয়ে থাকি তাহলে আমি একজন দারণ হতভাগ্য। তারপর তিনি বলেন :^{৩৫}

يَا بْنِي إِذَا أَنَا مُتُّ فَكَفِّنِي بِثِيابِي الَّتِي كُنْتُ أَصْلِي فِيهَا : قَمِيصِي وَإِزارِي وَرَدَائِي،
فَذَالِكَ كَانَ كَفْنًا جَدْكَ أَبِي بَكْرٍ، ثُمَّ سُوَّ عَلَى لَحْدِي وَالْحَقْ بِأَهْلِكَ، وَإِيَّاكُمْ أَنْ تَقْفِوا
عَلَى قَبْرِي وَتَقُولُوا كَانَ وَكَانَ فَعَا كُنْتَ شَيْئًا.

‘আমার ছেলে : আমি যখন মারা যাব তখন আমি যে কাপড় পরে সালাত আদায় করি তা দিয়েই আমার কাফন বানাবে। আর তা হলো আমার জামা, লুঙ্গ ও চাদর। এ ছিল তোমার দাদা আবু বাকরের (রা) কাফন। তারপর তোমরা আমাকে আমার কবরে শইয়ে মাটি চাপা দিয়ে পরিবার-পরিজনের নিকট চলে যাবে। খবরদার, আমার কবরের পাশে দাঁড়িয়ে এমন বলবে না যে, তিনি এমন ছিলেন, এমন ছিলেন। আসলে আমি কিছুই ছিলাম না।’

পুত্র একবার বললেন, আপনি কি দু'খানা নতুন কাপড় পছন্দ করেন না? বললেন, আবু বাকরকেও তিনি কাপড়ে কাফন পরানো হয়েছিল। তাছাড়া মৃতদের চেয়ে জীবিতদেরই নতুন কাপড়ের প্রয়োজন বেশি।

৩৩. ইবন খালিকান, ওয়াফাইয়াত আল-আইয়ান-১/৪১৮

৩৪. তাহ্যীব আল-কামাল-১৫/১৮৫

৩৫. ‘আসরুত তাবি’ঈন-৮২

এই অসীয়াতের পর তিনি মঙ্গ-মদীনার মাঝে “কুদাইদ” নামক স্থানে শেষ নিঃশ্বাস ত্যাগ করেন এবং সেখান থেকে তিনি ঘাইল দূরে “মুশাল্লাল” নামক স্থানে কবর দেওয়া হয়।^{৩৬}

মৃত্যুকালে তিনি নগদ এক লাখ দিরহাম রেখে যান। তার মধ্যে একটি দিরহামও অবৈধ উপার্জনের ছিল না।^{৩৭}

শেষ জীবনে দৃষ্টিশক্তি হারিয়ে ফেলেছিলেন।^{৩৮} দাঢ়ি ও মাথার চুল সাদা হয়ে গিয়েছিল, তাতে মেহেদীর খিজাৰ লাগাতেন। রূপোৱ আংটি পরতেন এবং তাতে নিজেৰ নাম খোদাই কৰা ছিল। মার্জিত রঞ্জিন পোশাক পরতেন। জুবৰা, পাগড়ী, চাদৰ ও অন্যান্য কাপড় সাধাৰণত “খুয়” সূতাৰ হতো। এ ছাড়া আৱো দামী পোশাকও পরতেন। পাগড়ী কালো হতো। জাফুরানী রং বেশি পছন্দ ছিল। তাছাড়া সবুজ রংও ব্যবহাৰ কৰতেন।

৩৬. আত-তাবাকাত-৫/১৪৩

৩৭. তায়কিরাতুল হফফাজ-১/১৮৫

৩৮. তাহ্যীব আল-কামাল-১৫/১৮৯

ইয়াহইয়া ইবন ইয়া'মার আল-বাসরী (রহ)

ইয়াহইয়া (রহ) তাবি'ঈদের মধ্যবর্তী শরের মানুষ। ইমাম আয়-যাহাবীর মতে এই শরের পুরোধা হলেন প্রখ্যাত মনীষী হ্যরত হাসান আল-বাসরী (রহ)। ইয়াহইয়ার ডাকনাম আবু সুলায়মান, মতান্তরে আবু 'আদী ও আবু সা'ঈদ। বসরার অধিবাসী এবং 'আদওয়ান গোত্রের সন্তান।^১

জ্ঞান ও মনীষা

কুরআন, হাদীছ, ফিক্হ, ভাষা ও সাহিত্যের বিশাল জ্ঞানের অধিকারী ছিলেন। কুরআনের একজন বিশিষ্ট 'আলিম ছিলেন। ইবন সা'দ তাঁকে কুরআন বিশেষজ্ঞ বলে উল্লেখ করেছেন।^২

হাদীছ

তিনি হাদীছের হাফিজ ছিলেন। ইমাম আয়-যাহাবী তাঁকে হাফিজ ও লেখক তাবি'ঈদের তৃতীয় তাবকায় (শরে) তাঁর জীবনী সন্নিবেশ করেছেন।^৩ সাহাবায়ে কিরামের (রা) মধ্যে হ্যরত 'উছমান, 'আলী, 'আম্বার ইবন ইয়াসির, আবু যার আল-গিফারী, আবু হৱায়রা, আবু মূসা আল-আশ'আরী, আবু সা'ঈদ আল-খুদরী, 'আবদুল্লাহ ইবন 'আকবাস, 'আবদুল্লাহ ইবন 'উমার, সুলায়মান ইবন সুরাদ, উম্মুল মু'মিনীন 'আয়িশা সিন্দীকা (রা), জাবির ইবন 'আবদিল্লাহ, নু'মান ইবন বাশীর (রা) প্রমুখের মত উচু শরের মনীষীদের নিকট থেকে তিনি হাদীছ শুনেছেন এবং তাঁদের সূত্রে বর্ণনা করেছেন।^৪ তবে ইমাম আবু দাউদ বলেন, তিনি হ্যরত আয়িশা (রা) থেকে হাদীছ শোনেননি। তাই ইমাম আয়-যাহাবী (রহ) ইমাম আবু দাউদের নিকট প্রশ্ন রেখেছেন।

؟!فَمَا الظنُّ بِالذِّينِ قَبْلَهَا - 'আয়িশার (রা) পূর্ববর্তী যাঁরা তাঁদের সম্পর্কে ধারণা কি? অর্থাৎ 'উছমান, 'আলী (রা), যাঁরা 'আয়িশার (রা) বহু পূর্বে ইনতিকাল করেছেন তাঁদের নিকট থেকেও কি ইয়াহইয়া শোনেননি?^৫

ইয়াহইয়া ইবন 'আকীল, সুলায়মান আত-তায়মী, 'আবদুল্লাহ ইবন বুরায়দা, কাতাদা মাওলা ইবন 'আকবাস (রা), 'আতা' আল-খুরাসানী, রাকীন ইবন রুবায়, 'আবদুল্লাহ ইবন কুলাইব সাদূসী, আয়রাক ইবন কায়স, ইসহাক ইবন সুওয়াইদ, আবুল মুনীব

১. তায়কিরাতুল হফ্ফাজ-১/৭১; তাহ্যীব আল-কামাল-৩২/৫৩

২. তাবাকাত ইবন সা'দ-৭/১০১

৩. তায়কিরাতুল হফ্ফাজ-১/৭১

৪. তাহ্যীব আত-তাহ্যীব-১১/৩২৫; তাহ্যীব আল-কামাল-৩২/৫৪

৫. তায়কিরাতুল হফ্ফাজ-১/৭৫

‘উবাইদুল্লাহ, ‘উমার ইবন ‘আতা’ ইবন আবিল খাওলা (রহ) প্রমুখ ব্যক্তি তাঁর খ্যাতিমান ছাত্র। তাঁরা সকলে তাঁর সূত্রে হাদীছ বর্ণনা করেছেন।^৬

ফিক্হ

ফিক্হ বিষয়েও তিনি পারদর্শী ছিলেন। ইমাম আয়-যাহাবী (রহ) তাঁকে একজন ফকীহ বলে উল্লেখ করেছেন। এ বিষয়ে তাঁর পারদর্শিতার বড় প্রমাণ হলো তিনি মারব-এর কাজীর পদ অলঙ্কৃত করেন।^৭

ভাষা, সাহিত্য ও অলঙ্কার শাস্ত্র

নিচেক ধর্মীয় জ্ঞানের পাশাপাশি ভাষা-সাহিত্যেও তিনি বিশেষজ্ঞ ছিলেন। আরবী ব্যাকরণের “নাহু” ও আরবী ভাষায় ছিল তাঁর বিশাল পাণ্ডিত্য।^৮ নাহুর জ্ঞান তিনি অর্জন করেন এই শাস্ত্রের উদ্ভাবক আবুল আসওয়াদ আদ-দুওয়ায়লীর নিকট থেকে।^৯ ভাষায় তাঁর প্রচণ্ড দখল ছিল। তিনি ছিলেন একজন বড় মাগের বিশুদ্ধ ভাষী ও অলঙ্কারশাস্ত্রবিদ।^{১০} ‘আবদুল মালিক ইবন উমাইর বলেন :

فصحاء الناس ثلاثة : موسى بن طلحة وبحبي بن يعمر وقبيبة بن جابر
“বিশুদ্ধভাষী মানুষ তিনজন : মুসা ইবন তালহা, ইয়াহইয়া ইবন ইয়া’মার ও কাবীসা ইবন জবির।” ইবন হিবান তাঁর ‘আছ-ছিকাত’ গ্রন্থে বলেন :

كان من فصحاء أهل زمانه وأكثربهم على باللغة مع الورع الشديد .
‘তিনি ছিলেন তাঁর সময়ের অন্যতম বিশুদ্ধভাষী এবং ভাষা জ্ঞানে সর্বাধিক জ্ঞানী ব্যক্তি। আর সেই সাথে ছিল তাঁর মধ্যে দারুণ আল্লাহ-ভীতি।’^{১১}

হাজ্জাজ ইবন ইউসুফ তাঁকে বসরা থেকে বের করে দিলে কৃতায়বা ইবন মুসলিম স্বাগতম জ্ঞানান এবং খুরাসানের রাজধানী “মারব”-এর কাজী নিয়োগ করেন।^{১২} সেখানে আদালত ভবন ছিল এবং এজলাসও বসতো। তা সন্দেশে তিনি বিচার প্রার্থীদের সুবিধার জন্য পথে-ঘাটে চলতে-ফিরতে মানুষের সাধারণ ঝগড়া-বিবাদের মীমাংসা করে দিতেন। মুসা ইবন ইয়াসার বলেন, আমি ইয়াহইয়া ইবন ইয়া’মারকে বাজারে, রাস্তা-গলিতে মানুষের ঝগড়া-বিবাদের ফয়সালা করতে দেখেছি। অনেক সময় এমনও হতো যে, তিনি বাহনের পিঠে কোথাও যাচ্ছেন, তখন বাদী-বিবাদী এসে সামনে দাঁড়াতো। তিনি থেমে তাদের বক্তব্য শুনে ফয়সালা করে দিতেন।^{১৩}

৬. প্রাণ্ত; তাহ্যীব আত-তাহ্যীব-১/৩২৫; তাহ্যীব আল-কামাল-৩২/৫৪

৭. তায়কিরাতুল হফফাজ-১/৭৫; তাবাকাত-৭/১০১

৮. প্রাণ্ত

৯. তাহ্যীব আত-তাহ্যীব-১/৩০৫

১০. শাজারাত আয়-যাহাব-১/১৭৬

১১. তাহ্যীব আল-কামাল-৩২/৫৫

১২. প্রাণ্ত

১৩. তাবাকাত ইবন সাদ-৭/১০১

একটি অক্ষয় কীর্তি

তাঁর জীবনের একটি অক্ষয় কীর্তি যা কিয়ামাত পর্যন্ত বিদ্যমান থাকবে তা হলো আল-কুরআনের বর্ণমালায় “নুকতা” প্রদান করা। উল্লেখ্য যে, এর পূর্বে আরবী বর্ণমালার কোন বর্ণে “নুকতা” ছিল না। সাধারণ মানুষ ও অনারবদের কুরআন পাঠ সহজীকরণের জন্য ইয়াহইয়া ইবন ইয়া’মার সর্বপ্রথম আল-কুরআনের সমআকৃতির বর্ণমালায় “নুকতা” লাগিয়ে পার্থক্য সূচিত করেন। হারুন ইবন মুসা বলেন :^{১৪} **أول من نقط المصاحف يحيى** :^{১৫} – ইয়াহইয়া ইবন ইয়া’মার প্রথম ব্যক্তি যিনি মাসহাফে নুকতা প্রদান করেন।

আহলি বায়তের সাথে সম্পর্ক

আহলি বায়ত তথা হযরত রাসূলে কারীমের (সা) বংশধরদের প্রতি গভীর ভক্তি ও শ্রদ্ধা পোষণ করতেন। কোন রকম বাছ-বিছার ছাড়াই তাঁদেরকে অন্য সকলের উপর প্রাধান্য দিতেন। তবে কাউকে হেয় ও তুছ মনে করতেন না। একবার হাজ্জাজ ইবন ইউসুফ তাঁকে বলেন, আপনি বিশ্বাস করেন হাসান ও হ্�সায়ন (রা) রাসূলুল্লাহর বংশধর। আপনাকে হয় এ বিশ্বাস ত্যাগ করতে হবে, নতুনা প্রমাণ পেশ করতে হবে। তিনি এ আয়াত তিলাওয়াত করেন :^{১৬}

وَمِنْ ذُرِّيَّتِهِ دَاوَدَ وَسُلَيْমَانَ وَأَيُوبَ وَيُوسُفَ وَمُوسَى وَهُرُونَ، وَكَذَلِكَ نَجْزِي الْمُحْسِنِينَ،
وَزَكَرِيَاً وَيَحْيَى وَعِيسَى وَإِلْيَاسَ، كُلُّ مِنَ الصَّالِحِينَ.

“তাঁর (ইবরাহীম) বংশধর দাউদ, সুলায়মান, আইউব, ইউসুফ, মুসা ও হারুনকেও (দান করি)। আর এভাবেই সৎকর্মপরায়ণদেরকে পুরকৃত করি এবং যাকারিয়া, ইয়াহইয়া, ঈসা এবং ইলইয়াসকেও সৎপথে পরিচালিত করেছিলাম। তারা সকলে সজ্ঞনদের অন্তর্ভুক্ত।”

তারপর বলেন, এই আয়াতে ‘ঈসাকে ইবরাহীমের বংশধর বলা হয়েছে। সময়ের এত দীর্ঘ ব্যবধান সত্ত্বেও কেবল মাতৃকুলের সম্পর্কের কারণে যদি ‘ঈসা (আ) ইবরাহীমের বংশধর হতে পারেন তাহলে হাসান ও হ্�সায়ন (রা) রাসূলুল্লাহর (সা) দোহিত্র হয়ে তাঁর বংশধর হতে বাধা কোথায়? তাঁর এ যুক্তিতে হাজ্জাজ সন্তুষ্ট হন।^{১৭}

হিজরী ১১৯, যতান্তরে ১২০ সনে তিনি ইনতিকাল করেন।^{১৮} তবে খলীফা ইবন খায়্যাত তাঁর তারীখে হিজরী ৮০ সনের পরে এবং ৯০ সনের আগে যাঁরা মৃত্যুবরণ করেছেন তাঁদের সাথে ইয়াহইয়ার জীবনী আলোচনা করেছেন।^{১৯}

১৪. তায়কিরাতুল হফ্ফাজ-১/৭৫

১৫. সূরা আল-আন’আম-৮৪-৮৫

১৬. শাজারাত আয়াত-যাহাব-১/১৭৬

১৭. তাবি’ঈন-৫১৪

১৮. তাহ্যীব আল-কামাল-৩২/৫৫

আইউব ইবন আবী তামীমা আস-সাখতিয়ানী (রহ)

হ্যরত আইউবের ডাকনাম আবু বাকর এবং পিতার নাম কায়সান। কিন্তু তিনি আবু তামীমা ডাকনামে বেশি প্রসিদ্ধ ছিলেন। আইউব ‘আনয়া গোত্রের দাসত্বের রাশি গলায় নিয়ে বেড়ে ওঠেন। তাঁর বাসস্থান ছিল বসরার বানূ আল-হারীশে।^১

তার মাহাত্ম্য ও মনীষা

তিনি যদিও দাস ছিলেন, তবে ইল্ম ও ‘আমলের জগতের মুকুটধারী ছিলেন। আল্লামা ইবন সাদ লিখেছেন :^২

كَانَ ثَقْبَةً نَبِئَا فِي الْحَدِيثِ جَامِعًا عَدْلًا وَرَعًا كَثِيرًا لِلْعِلْمِ حُجَّةً.

“হাদীছে তিনি ছিলেন বিশ্বস্ত, নির্ভরযোগ্য, বহুগুণের সমাহার, ন্যায়নিষ্ঠ, আল্লাহভীরু, বহুজ্ঞানের অধিকারী দলিল-প্রমাণ সদৃশ মানুষ।”

ইমাম নাওবী লিখেছেন, তার মহস্ত, নেতৃত্ব, অগ্রগামিতা, মুখস্থ শক্তি, বিশ্বাসযোগ্যতা, জ্ঞানের ব্যাপকতা, উপলক্ষি ক্ষমতা এবং উচ্চ মর্যাদার ব্যাপারে সকলে একমত।^৩ ইবনুল ইমাদ-আল-হাস্বলী তাঁকে অন্যতম শীর্ষস্থানীয় ‘আলিম বলে উল্লেখ করেছেন।^৪

শ্রেষ্ঠ ‘আলিমগণের স্বীকৃতি

তার সমকালীন সকল বড় ‘আলিম তাঁর জ্ঞান ও নৈতিক উৎকর্ষতা ও মহত্বের কথা স্বীকার করেছেন। প্রথ্যাত তাবিঁই শু'বা তাঁকে “সায়িদুল ‘উলামা”- ‘আলিমদের নেতা অভিধায় ভূষিত করতেন। ইবন উয়ায়না বলতেন, আমি ৮৬ (হিয়াশি) জন তাবিঁইর সাক্ষাৎ লাভ করেছি, কিন্তু তাঁদের কাউকে আইউবের সমতুল্য পাইনি। হাস্যাদ ইবন যায়দ বলেন, আমার যে সকল মুহাদিছ ও ‘আলিমের কাছে বসার সুযোগ হয়েছে, আইউব তাঁদের সকলের চেয়ে শ্রেষ্ঠ এবং সুন্নাতের বেশি অনুসরণকারী। তাঁকে শীর্ষস্থানীয় ‘আলিম গণ্য করা হতো। হিশাম ইবন উরওয়া বলতেন, বসরায় আইউবের মত দ্বিতীয় কেউ ছিলেন না। হ্যরত হাসান আল-বাসরী (রহ) তাঁকে বসরার নওজোয়ানদের নেতা বলতেন। ইবন আওন বলতেন, মুহাম্মাদ ইবন সীরীনের ওফাতের পর আমাদের সামনে এ প্রশ্ন দেখা দেয় যে, তাঁর স্থান পূরণ করার জন্য কে আছে? কিন্তু আমরা এমনিতেই জবাব পেয়ে গেলাম যে, আইউব আছেন। হিশাম ইবন উরওয়া বলেন, আমি বসরায় আইউবের মত আর কাউকে দেখিনি।^৫

১. তাহ্যীব আল-কামাল ফী আসমা’ আর-রিজাল-২/৪০৪

২. তাবাকাত ইবন সাদ-৭/১৪

৩. তাহ্যীব আল-আসমা’ ওয়াল লুগাত-১/১৩১

৪. শাজারাত আয-যাহাব-১/১৮০

৫. তাহ্যীব আল-আসমা’ ওয়াল লুগাত-১/১৩২; তায়কিরাতুল হফ্ফাজ-১/১৩১, তাহ্যীব আল-কামাল-২/৪০৭

হাদীছ

তিনি বসরার অন্যতম শ্রেষ্ঠ হাফিজে হাদীছ ছিলেন। ইমাম আয়-যাহাবী লিখেছেন, তিনি ছিলেন হাফিজ ও অন্যতম শ্রেষ্ঠ ব্যক্তিত্ব। হাদীছের জ্ঞান তিনি লাভ করেন বড় বড় তাবি'ঈদের নিকট থেকে। 'উমার ইবন সালামা জারয়ী, আবু রাজা' 'আতারুদ্দী, আবু 'উছমান নাহদী, আবুশ শা'ছা' জাবির ইবন যায়দ, হাসান আল-বাসরী, মুহাম্মাদ ইবন সীরীন, সালিম ইবন 'আবদিল্লাহ, নাফি' ইবন আবী মুলায়কা, ইবন মুনকাদির, হুয়ায়দ ইবন বিলাল, আবু কিলাবা আল-জারয়ী, কাসিম ইবন মুহাম্মাদ, 'আবদুর রহমান ইবন কাসিম, 'ইকরিমা, আতা' (রহ) প্রমুখ 'আলিমদের নিকট থেকে হাদীছ শোনেন এবং তাঁদের সূত্রে হাদীছ বর্ণনা করেন।^৬ হাদীছে তাঁর জ্ঞানের ব্যাপকতা এর দ্বারা অনুমান করা যায় যে, তাঁর বর্ণিত হাদীছের সংখ্যা ৮০০ (আটশো) এবং কোন কোন বর্ণনা মতে ২০০০ (দু'হাজার) এ পৌছে।^৭ মু'আল্লা ইবন মানসূর বলেন, আমি ইসমা'ঈল ইবন 'উলায়ার নিকট বসরার হাফিজে হাদীছ করা তা জানতে চাইলাম। তিনি এই লোকগুলোর নাম উল্লেখ করলেন : আইউব, ইবন 'আওন, সুলায়মান আত-তায়রী, হিশাম আদ-দাস্তুওয়ায়ী ও সুলায়মান ইবন আল-মুগীরা (রহ)।^৮

ইমাম মালিক, সুফইয়ান ছাওরী, ইবন 'উয়ায়না, ইবন 'উরবা, মা'মার, আ'মাশ, কাতাদা, শু'বা (রহ) প্রমুখের মত শ্রেষ্ঠ 'আলিম ও ইমাম তাঁর জ্ঞান ভাণ্ডার দ্বারা উপকৃত হয়েছেন। আল-মিয়ী তাঁর বিখ্যাত ৫৫ জন ছাত্রের নাম উল্লেখ করেছেন যাঁরা তাঁর সূত্রে হাদীছ বর্ণনা করেছেন।^৯

হাদীছ শাস্ত্র বিশেষজ্ঞদের নিকট তাঁর বর্ণিত হাদীছের স্থান

অবস্থা ও গুণগত দিক দিয়ে তাঁর বর্ণনাসমূহের যে মর্যাদা ও স্থান ছিল তা কয়েকজন মুহাদ্দিষ্যের মন্তব্য থেকে অনুমান করা যায়। তাঁর বর্ণনাসমূহ সম্পর্কে আবু হাতিমের ধারণা ছিল, তাঁর মত ব্যক্তি সম্পর্কে কিছু জিজ্ঞাসা ও যাচাই-বাছাইয়ের প্রয়োজন নেই।^{১০} মুহাম্মাদ ইবন সীরীন তাঁকে অত্যন্ত বিশ্বস্ত বলেছেন। মুসলিম ইবন আকব্রাস বলেন, আমি ইবন সীরীনকে জিজ্ঞেস করলাম, অমুক অমুক হাদীছ আপনার নিকট কে বর্ণনা করেছে? বললেন : বি�শ্বস্ত, বিশ্বস্ত ব্যক্তি আইউব।^{১১} ইবন আল-মাদীনী, নাসাঈ, ইবন খায়ছামা প্রমুখ মুহাদ্দিষ্য তাঁর বর্ণনাসমূহকে অতি উচ্চ মর্যাদার বলে মনে করতেন। আর শু'বা তো তাঁর ঐ সকল বর্ণনাকে যাতে আইউবের নিজেরই সন্দেহ হতো, অন্যদের নিশ্চিত ও সন্দেহযুক্ত বর্ণনাসমূহের উপর প্রাধান্য দিতেন। একবার তিনি আইউবের

৬. তায়কিরাতুল হফ্ফাজ-১/১৩১

৭. তাহ্যীব আত-তাহ্যীব-১/৩৯৭-৩৯৮; তাহ্যীব আল-কামাল-২/৪০৬

৮. তাহ্যীব আল-কামাল-২/৪০৭

৯. প্রাগ্নতি-২/৪০৫-৪০৬; তাহ্যীব আল-কাসমা' ওয়াল লুগাত-১/১৩২

১০. তাহ্যীব আল-কামাল-২/৪০৮

১১. তাহ্যীব আল-আসমা' ওয়াল লুগাত-১/১৩১-১৩২

কাছে একটি হাদীছ সম্পর্কে জানতে চান। তিনি বলেন, এতে আমার সন্দেহ আছে। শু'বা বললেন, আপনার সন্দেহ আমার নিকট অন্যদের দৃঢ় প্রত্যয়ের চেয়েও পছন্দনীয়।^{১২}

ফিক্হ শাস্ত্রেও তাঁর পূর্ণ দক্ষতা ছিল। শু'বা তাঁকে “সায়িয়দুল ফুকাহা”— ফকীহদের নেতা বলতেন।^{১৩} কিন্তু চরম সতর্কতার কারণে ফিক্হ শাস্ত্রে তাঁর দক্ষতা প্রকাশ পায়নি।

সতর্কতা

এমন মুহাদিছ ও ফকীহসূলভ দক্ষতা ও যোগ্যতা থাকা সত্ত্বেও তিনি হাদীছ বর্ণনা এবং ফিক্হ সংক্রান্ত মাসয়ালা বলার ব্যাপারে খুবই সতর্কতা অবলম্বন করতেন। হাম্মাদ ইবন যায়দ বলেন, প্রশ্নের জবাব দানের ক্ষেত্রে আমি আইউব ও ইউনুছের চেয়ে অন্য কাউকে বেশি অজ্ঞতা প্রকাশ করতে দেখিনি। জবাব দিলেও তার আগে প্রশ্নকারীর স্মৃতিশক্তির পরীক্ষা করে দেখতেন যে, সে তাঁর জবাবটি যথাযথভাবে মানুষের নিকট উপস্থাপন করতে পারবে কিনা। হাম্মাদ ইবন যায়দ বলেন, যখন কোন ব্যক্তি আইউবের নিকট কোন বিষয় সম্পর্কে জিজেস করতো তখন তার মুখ থেকে প্রশ্নটি আবার শুনতে চাইতেন। যদি তা হুবহ পূর্বের মত হতো তাহলে জবাব দিতেন, আর যদি দ্বিতীয়বার কিছু পরিবর্তন-পরিবর্ধন করে ফেলতো তাহলে জবাব দিতেন না। জবাবে নিজের মতামত প্রকাশ করতেন না, বরং শুধুমাত্র হাদীছ ও সুন্নাহর বিধান বলে দিতেন। যদি সে বিষয়ে কোন হাদীছ তাঁর কাছে না থাকতো তাহলে নিজের অজ্ঞতার কথা জানিয়ে দিতেন। একবার জনৈক ব্যক্তি কোন একটি বিষয় সম্পর্কে প্রশ্ন করে। তিনি সাফ বলে দেন, এ বিষয়ে আমার কোন জ্ঞান নেই। প্রশ্নকারী বললো, কিয়াস ও যুক্তির ভিত্তিতে আপনার মতটি বলুন। বলেন, আমার কোন মতও নেই।^{১৪}

নিজের মতামতকে তিনি একটি বাতিল জিনিস বলে মনে করতেন। এক ব্যক্তি একবার তাঁকে বললো, আপনি কোন মাসয়ালায় নিজের মতামত প্রকাশ করেন না কেন? তিনি উপমার মাধ্যমে জবাব দেন যে, এক ব্যক্তি গাধাকে প্রশ্ন করে, তুমি জাবর কাট না কেন? জবাবে গাধা বলে, এই বাতিল ও অসার বস্তু চিবাতে আমার ভালো লাগে না।^{১৫}

জ্ঞানের অহঙ্কারের ভীতি ও সাবধানতা

মানুষ যখন কোন সম্মানজনক অবস্থান অথবা মর্যাদাবান স্তরে পৌছে যায় তখন আত্মাটি ও অহঙ্কার থেকে বেঁচে থাকা তার জন্য খুবই কষ্টকর। এ জন্য আইউব সব সময় ভীত থাকতেন। তিনি বলতেন, কোন মানুষ এর থেকে মুক্ত হতে পেরেছে? যখন কোন ব্যক্তি

১২. তাহ্যীব আত-তাহ্যীব-১/৩৯৮

১৩. তাহ্যীব আল-আসমা' ওয়াল লুগাত-১/১৩১; তাহ্যীব আল-কামাল-২/৪০৬

১৪. তাবাকাতু ইবন সাদ-৭/১৪

১৫. তায়কিরাতুল হফ্ফাজ-১/১৩১; তাবিঁইন-৫৫

হাদীছ বর্ণনা করে এবং তার ভিত্তিতে সে মানুষের হৃদয়ে একটি স্থান করে নেয় তখন তার অন্তরে কিছু জিনিস, যেমন : আত্মান্তরিক, অহমিকা, গর্ব-অহঙ্কার ইত্যাদির উদয় ঘটে।^{১৬}

কিন্তু তিনি এই পক্ষিলতা থেকে নিরাপদ ছিলেন। জ্ঞানের এটাও একটা ঔদ্ধত্য যে, জ্ঞানী ব্যক্তি নিজের অজ্ঞতা অন্যের কাছে প্রকাশ হতে দেয় না। পূর্বে উল্লেখিত হয়েছে যে, তিনি অনেক প্রশ্নকারীকে সাফ বলে দিতেন যে, এ বিষয়ে আমার কিছু জানা নেই। কাউকে বলতেন, অন্য কোন ‘আলিমকে জিজেস কর’।^{১৭}

জ্ঞানী ব্যক্তিদের সাথে তাঁর আচরণ

জ্ঞানী ব্যক্তিদেরকে তিনি ভীষণ ভালোবাসতেন এবং তাদেরকে সম্মানণ করতেন। তার অবস্থা অতি সাধারণই হোক না কেন। ‘রাবী’ ইবন মুসলিম বলেন, একবার আমি আইউব আস-সাখতিয়ানীর সফরসঙ্গী ছিলাম। আমরা যখন আবতাহ উপত্যাকায় তখন একজন অতি সাধারণ পোশাক পরা মেটা মানুষের সাথে দেখা হয়। সে আইউবকে ঝুঁজছিল। আমি তাঁকে বললাম, একজন সাধারণ মানুষ আপনাকে ঝুঁজছে। তিনি লোকটিকে দেখামাত্র দৌড়ে গিয়ে বুকে জড়িয়ে ধরেন। লোকটির পরিচয় নিয়ে জানা যায়, তিনি প্রখ্যাত ‘আলিম তাবিঈ’ হযরত সালিম ইবন ‘আবদিল্লাহ (রহ)।^{১৮}

ইবাদত-বন্দেগী

হযরত আইউবের মধ্যে যে স্তরের জ্ঞান ছিল, তার চেয়ে বেশি ছিল আল্লাহ-ভীতি ও দুনিয়ার ভোগ-বিমুখতা। ইমাম মালিক (রহ) বলেন, তিনি ছিলেন একজন ‘আমলকারী ‘আলিম, ভীষণ আল্লাহ-ভীকুর ‘আবিদ এবং সৎ মানুষ।’^{১৯} জীবনে চল্লিশ বার হজ্জ করার সৌভাগ্য লাভ করেন।^{২০} কিন্তু তিনি নিজের সকল ইবাদত-বন্দেগী গোপন করার চেষ্টা করতেন। বলতেন, এসব কাজ প্রকাশ্যে করার চেয়ে গোপনে করাই উত্তম।^{২১} সারা রাত ইবাদতে কাটিয়ে দিতেন, কিন্তু মানুষের নিকট তা গোপন করার উদ্দেশ্যে প্রত্যুষে এমন জোরে আওয়ায় করতেন যাতে সবাই মনে করে তিনি এই মাত্র সুয থেকে উঠেছেন।^{২২}

রাসূলে কারীমের (সা) প্রতি গভীর ভালোবাসা

হযরত রাসূলে কারীমের প্রতি এত উৎসর্গিত প্রাণ ছিলেন যে, রাসূলুল্লাহর (সা) হাদীছ

১৬. তাবাকাত-৭/১৪

১৭. প্রাণক্ষণ্ড

১৮. প্রাণক্ষণ্ড

১৯. তাহ্যীব আত-তাহ্যীব-১/৩৫৯

২০. তায়কিরাতুল হফ্ফাজ-১/১৩১

২১. তাবাকাত-৭/১৬

২২. তায়কিরাতুল হফ্ফাজ-১/১৩১

শুনে ব্যাকুল হয়ে কাঁদতেন। তাঁর সেই কাঁদা দেখে অন্যদের দয়া হতো।^{২৩} ইমাম মালিক (রহ) বলেন, রাসূলুল্লাহর (সা) প্রতি তাঁর ভক্তি, শ্রদ্ধা ও ভালোবাসার পরিমাণ দেখে আমি তাঁর নিকট থেকে হাদীছ লিখতে আরম্ভ করি।^{২৪} হ্যরত রাসূলে কারীমের (সা) ইন্দ্রিয়া' ও অনুসরণের ক্ষেত্রেও ছিলেন অত্যন্ত সচেতন। হাম্মাদ ইবন যায়দ বলেন, আমি যে সকল লোকের নিকট বসেছি তাদের সবার চেয়ে উত্তম এবং সবচেয়ে বেশি সুন্নাতের অনুসারী আইউবকে পেয়েছি।^{২৫}

খ্যাতির প্রতি অনীহা ও দুনিয়াদার মানুষ থেকে দূরে থাকা

হ্যরত আইউবের মধ্যে পূর্বে উল্লেখিত গুণাবলী ও বৈশিষ্ট্যসমূহ বিদ্যমান থাকার কারণে তিনি মানুষের দর্শনস্থলে পরিণত হন। কিন্তু তিনি দুনিয়া, দুনিয়াদার মানুষ এবং খ্যাতি ও নাম-কাম থেকে সর্বদা পালানোর চেষ্টা করতেন। কোন জনসমাবেশ ও মানুষের দৃষ্টি থেকে বাঁচার জন্য পথ চলতে গিয়ে সাধারণ পরিচিত ও সোজা পথ বাদ দিয়ে অপরিচিত ঘূর-প্যাচের দীর্ঘ পথে চলতেন। হাম্মাদ-ইবন যায়দ বলেন, পথ চলার সময় আইউব আমাকে দূরের পথে নিয়ে যেতেন। আমি যখন তাঁকে নিকটের পথের কথা বলতাম তখন তিনি বলতেন, আমি অমুক স্থানের মজলিস থেকে দূরে থাকতে চাই। আরেকটি বর্ণনায় হাম্মাদ বলেন, তিনি আমাকে এমন সব রাস্তায় নিয়ে যেতেন যে, সেই রাস্তা তালাশ করা দেখে বিস্মিত হতাম। একাজ করতেন শুধু মানুষের দৃষ্টি থেকে নিজেকে আড়াল করার জন্য। কিন্তু এ পথেও যখন কারো সামনে পড়ে যেতেন তখন নিজেই প্রথমে সালাম করতেন। তাঁর ব্যক্তিত্বের কারণে মানুষ তাঁর সালামের জবাবে অনেক কথা বাড়িয়ে বলতো। এভাবে তাঁকে সম্মান করাও তিনি পছন্দ করতেন না। এ কারণে তাঁদের জবাব শুনে বলতেন, আস্তাহ তুমি ভালো করে জান, আমি এটা চাইনি; এ আমার ইচ্ছা নয়।^{২৬}

মানুষের দৃষ্টি এড়াতে অধিকাংশ সময় অন্য কাউকে নিজের সাথে চলার অনুমতি দিতেন না। শৰ্বা বলেন, অনেক সময় আমি আমার প্রয়োজনে তাঁর সঙ্গে যেতে চাইতাম, কিন্তু তিনি অনুমতি দিতেন না। ঘর থেকে বেরিয়ে ছোট ছোট গলি পথে এদিক ওদিক পেঁচিয়ে যেতেন, যাতে লোকে চিনতে না পারে।^{২৭} আর এ কারণে সে যুগে তাঁর স্তরের লোকদের প্রচলিত পোশাক তিনি ছেড়ে দেন। সে যুগের তাপস ও দুনিয়া বিরাগী লোকদের চাদরের প্রান্ত একটু উপরে উঠানো থাকতো। এ ছিল তাঁদের তাপস্য ও বৈরাগ্যের চিহ্ন। এ কারণে তিনি তাঁর চাদর নীচে ছেড়ে দিয়ে চলতেন। মাবাদ বলেন, আমি আইউবের জামার প্রান্ত লম্বা দেখে প্রতিবাদ করি। তিনি বলেন, আবৃ উরবা! পূর্ববর্তী যুগে প্রান্ত ঝুলিয়ে চলা প্রসিদ্ধ ছিল, আর এখন প্রসিদ্ধি গুটিয়ে চলাতে।^{২৮}

২৩. প্রাঞ্জল

২৪. তাহফীর আত-তাহফীর-১/৩৪৯

২৫. তাহফীর আল-আসমা'-১/১৩৩

২৬. তাবি'ইন-৫৭

২৭. তাবাকাত-৭/১৫-১৬

২৮. প্রাঞ্জল

বিস্তুতানন্দের সাহচর্য থেকে দূরে থাকা

তিনি সব সময় বিস্তুতান্দ ও ধন-গ্রন্থস্থরের অধিকারী ব্যক্তিদের সাহচর্য থেকে দূরে থাকতেন। এমনকি খলীফা ও আমীর-উমারাদের কেউ তাঁর বাড়িতে আসা পছন্দ করতেন না। তিনি বলতেন, আমার ছেলে বাকর আমার সবচেয়ে প্রিয়। তাকে আমি দাফন করে দিতে পারি, তবু খলীফাদের কেউ আমার কাছে আসা পছন্দ করি না। উমাইয়্য বৎশের ইয়াফীদ ইবন আল-ওয়ালীদ ছিলেন আইউবের ঘনিষ্ঠ বন্ধু। যখন তিনি খলীফা হলেন তখন আইউব দু'আ করলেন এই বলে :

‘اللَّهُمَّ أَنْسِهِ ذِكْرِيْ’
হে আল্লাহ! তাঁর মন থেকে আমার কথা ভুলিয়ে দাও।^{২৯}

প্রফুল্ল ও মিষ্টি স্বভাব

পূর্বের আলোচনা থেকে কেউ যেন মনে না করে যে, তিনি গৌমড়া মুখ ও রক্ষ্ম স্বভাবের মানুষ ছিলেন। মূলতঃ তিনি নিজেকে লুকানোর জন্যই মানুষের সাথে মেলামেশা পছন্দ করতেন না। অন্যথায় তিনি ছিলেন দারুণ প্রফুল্ল ও মিষ্টি স্বভাবের মানুষ। হাম্মাদ ইবন যায়দ বলেন, আমি আইউবের চেয়ে বেশি আর কাউকে মানুষের সাথে হাসি মুখে ও অন্তর খুলে মিশতে দেখিনি।^{৩০} কেউ অসুস্থ হলে অথবা কারো মৃত্যু হলে তিনি রোগীকে দেখতে এবং মৃতের আপনজনকে সাম্মনা দিতে যেতেন। তখন মনে হতো সেই ব্যক্তি তাঁর দৃষ্টিতে অত্যন্ত সম্মানিত। এ রকম অবস্থায় তিনি অতি সাধারণ মানুষের বাড়িতেও উপস্থিত হতেন। ইয়া'লা ইবন হাকাম নামক একজন দাস তাঁর মহস্তায় থাকতো। সে শুধু তার মাকে রেখে মারা যায়। তিনি তার বাড়িতে একাধারে তিন দিন যান এবং দরজায় গিয়ে বসতেন।^{৩১}

ওফাত

হিজরী ১৩১ সনে বসরায় ‘তাউন’ রোগে আক্রান্ত হয়ে মৃত্যুবরণ করেন। তখন তাঁর বয়স হয়েছিল ৬৩ (ত্যেত্তি) বছর।^{৩২} একটি লাল চাদর তিনি বহু দিন পূর্ব থেকে কাফনের জন্য নির্দিষ্ট করে রেখেছিলেন। তিনি সেটি ইহরাম অবস্থায় এবং রমজানের তিরিশ তারিখ রাতে জড়াতেন। মৃত্যুর পূর্বে চাদরটি চুরি হয়ে যায়।^{৩৩}

তাঁর মাথায় একটি জটা ছিল। বছরে একবার এবং সাধারণতঃ ইজ্জের সময় মুড়ে ফেলতেন। শেষ বয়সে মাথা ও দাঢ়ির চুল সাদা হয়ে গিয়েছিল। মাঝে মাঝে লাল খিজাবও লাগাতেন।^{৩৪}

২৯. তায়কিরাতুল হফফাজ-১/১৩১

৩০. প্রাণক্ষণ

৩১. তাবাকাত-৭/১৬

৩২. তাহ্যীব আল-কামাল-২/৪০৮; তায়কিরাতুল হফফাজ-১/১৩২

৩৩. তাবাকাত-৭/১৬-১৭

৩৪. তাবিঈন-৫৯

তিনি ছিলেন আল্লাহর একজন অতি প্রিয় বান্দা। আল্লাহ তাঁর দু'আ সাথে সাথে করুল করতেন। এমন কয়েকটি ঘটনা সীরাতের প্রভাবলীতে দেখা যায়। যেমন ইবন ‘আকীল ‘শামায়িল আয়-যুহুদ’ গ্রন্থে বলেছেন, একবার আইউব একটি কাফেলার সাথে মক্কা যাচ্ছেন। পথিমধ্যে মরসুমিতে পানি সংকট দেখা দিল। সহযাত্রীরা ভীত-সন্ত্রস্ত হয়ে পড়লো। তিনি একটি স্থানে হাত দিয়ে একটি বৃত্তের মত রেখা টানলেন। তারপর দু'আ করলেন। সাথে সাথে সেখানে একটি পানির ঝর্ণা সৃষ্টি হলো। লোকেরা পান করলো এবং তাদের পশুগুলোকেও পান করালো। প্রয়োজন শেষ হলে তিনি আবার সেই বৃত্তের উপর হাত ঘোরালেন এবং ঝর্ণাটি বন্ধ হয়ে গেল। এ রকম আরেকটি অভিজ্ঞতার কথা ‘আবদুল ওয়াহিদ ইবন যায়দ বর্ণনা করেছেন।^{৩৫}

৩৫. তায়কিরাতুল হফ্ফাজ-১/১৩২

জাবির ইবন যায়দ (রহ)

হ্যরত জাবিরের (রহ) ডাকনাম আবু আশ-শা'ছা'। পিতার নাম যায়দ। আয়দ গোত্রের সন্তান এবং বসরার অধিবাসী।^১ উমান মতান্তরে বসরার 'আল-জাওফ' নামক স্থানের সাথে সম্পর্ক বুঝানোর জন্য তাঁকে 'আল-জাওফী' বলা হয়।^২

জ্ঞান ও মনীষা

হ্যরত জাবির (রহ) বহু 'আলিম সাহাবীর নিকট থেকে জ্ঞান অর্জন করেন। তবে হাবরুল উমাহ (উমাতের মহাজনানী) হ্যরত 'আবদুল্লাহ ইবন 'আবাসের (রা) সাহচর্যে সবচেয়ে বেশি অবস্থান করেন। এ কারণে তাঁকে "সাহিবু ইবন আল-আবাস" অর্থাৎ ইবন আল-আবাসের (রা) সাথী বলা হতো।^৩ এই সাহচর্যের কল্যাণে তিনি বিশাল জ্ঞানের অধিকারী হন এবং তাঁর সময়ের একজন বিশিষ্ট 'আলিম হিসেবে স্বীকৃতি লাভ করেন। ইমাম আয-যাহাবী (রহ) তাঁকে "أَحَدُ الْأَعْلَام" বা "বিশিষ্টজনদের একজন" বলেছেন।^৪ ইমাম নাওবী (রহ) বলেন, তাঁর বিশৃঙ্খলা, দৃঢ়তা ও সুউচ্চ মর্যাদার ব্যাপারে সকলে একমত। তিনি ছিলেন তাবিঁই ইমাম ও ফকীহদের মধ্যে একজন।^৫

কুরআন

কুরআন, হাদীছ, ফিক্হ তথা সকল ইসলামী জ্ঞানে তিনি সমান পারদর্শিতা অর্জন করেন। 'উল্মূল কুরআন বা কুরআন বিষয়ক বিবিধ জ্ঞানে ছিলেন বিশেষভাবে পারদর্শী। তাঁর মহান শিক্ষক হ্যরত 'আবদুল্লাহ ইবন 'আবাস (রা), যিনি নিজেও একজন শ্রেষ্ঠ কুরআন বিশেষজ্ঞ ছিলেন, বলেন :

لَوْ أَنْ أَهْلَ الْبَصْرَةِ نَزَّلُوا عِنْدَ قَوْلِ جَابِرِ بْنِ زِيدٍ لَأُوسعُهُمْ عِلْمًا فِي كِتَابِ اللَّهِ.
“বসরাবাসীরা যদি জাবির ইবন যায়দের কথা মেনে নেয় তাহলে কিতাবুল্লাহর (কুরআন) মধ্যে যা কিছু আছে সে বিষয়ে তাদের জ্ঞান অনেক প্রশংসন্ত হয়ে যাবে।”

হাদীছ

তিনি হাদীছেরও একজন বড় হাফিজ ছিলেন। ইমাম যাহাবী (রহ) তাঁকে হাদীছের বিশিষ্ট

১. তায়কিরাতুল হফ্ফাজ-১/৭২

২. তাহ্যীব আল-কামাল ফী আসমা' আর-রিজাল-৩/২৮৬

৩. তায়কিরাতুল হফ্ফাজ-১/৭৩

৪. প্রাঙ্গত

৫. তাহ্যীব আল-আসমা' ওয়াল লুগাত-১/১৪২

৬. তাহ্যীব আল-কামাল-৩/২৮৬

‘আলিমদের মধ্যে গণ্য করেছেন।^৭ হাদীছের জ্ঞান তিনি অর্জন করেন হয়রত ‘আবদুল্লাহ ইবন ‘আবাস, ‘আবদুল্লাহ ইবন ‘উমার, ‘আবদুল্লাহ ইবন মুবায়ের, হাকাম ইবন ‘আমর আল-গিফারী, আমীর মু’আবিয়া (রা) প্রমুখের মত শৈরস্থানীয় সাহাবীগণের নিকট থেকে। তাঁর নিকট থেকে যাঁরা হাদীছ শুনেছেন এবং তাঁর সূত্রে বর্ণনা করেছেন তাঁদের মধ্যে ‘আমর ইবন দীনার, ইয়া’লা ইবন মুসলিম, আইউব আস-সাখতিয়ানী, ‘আমর ইবন জুরহুম (রহ) প্রমুখ বিশেষ উল্লেখযোগ্য।^৮

ফিক্হ

ফিক্হ বিষয়েও তাঁর পূর্ণ দক্ষতা ছিল। ইমাম নাওবী (রহ) তাঁকে তাবিস্তী ইয়াম ও ফকীহদের মধ্যে গণ্য করেছেন।^৯ সাহাবা (রা) ও তাবিস্তীন কিরাম (রহ) ফিক্হ বিষয়ে তাঁর পারদর্শিতার কথা স্মীকার করেছেন। দাহহাক আদ-দাকী বলেন, একবার হয়রত ‘আবদুল্লাহ ইবন ‘উমার (রা) তাওয়াফের মধ্যে জাবির ইবন যায়দের দেখা পান। তখন তিনি জাবিরকে লক্ষ্য করেন বলেন :^{১০}

يَا جَابِرُ إِنَّكَ مِنْ فَقَهَاءِ الْبَصْرَةِ وَإِنَّكَ تُسْتَفْتَى فَلَا تُفْتَنِ إِلَّا بِقُرْآنٍ نَاطِقٍ أَوْ سَنَةٍ مَاضِيَّةٍ، فَانْ لَمْ تَفْعُلْ هَلْكَتْ وَأَهْلَكَتْ.

“ওহে জাবির! তুমি বসরার একজন অন্যতম ফকীহ এবং তুমি মানুষের জিজ্ঞাসার জবাবে ফাতওয়া দিয়ে থাক। তবে কখনো স্পষ্টভাবী কুরআন ও কার্যকর সুন্নাহ ব্যতীত ফাতওয়া দেবে না। এমনটি না করলে তুমি নিজেও ধ্রংস হবে এবং অন্যদেরকেও ধ্রংস করবে।”
হাম্মাদ ইবন যায়দ বলেন :^{১১}

سَئَلَ أَيُوبَ هَلْ رَأَيْتَ جَابِرَ بْنَ زَيْدَ؟ قَالَ: نَعَمْ، كَانَ لَبِيبًا لَبِيبًا وَجَعَلَ يَعْجَبُ مِنْ فَقَهَهِ.

“আইউবকে জিজ্ঞেস করা হল : আপনি কি জাবির ইবন যায়দকে দেখেছেন? বললেন : হাঁ, দেখেছি। তিনি ছিলেন একজন প্রজ্ঞাবান মানুষ। তারপর উচ্চসিতভাবে তাঁর ফিক্হ বিষয়ে আলোচনা করতে থাকেন।”

ইয়াস ইবন মু’আবিয়া ছিলেন বসরার বিখ্যাত কাজী। তিনি বলেন :^{১২}

أَدْرَكَتْ أَهْلَ الْبَصْرَةِ وَمَفْتَهِمْ جَابِرَ بْنَ زَيْدَ.

৭. তায়কিরাতুল হফফাজ-১/৭৩

৮. তাহ্যীব আত-তাহ্যীব-২/৩৮

৯. তাহ্যীব আল-আসমা'-১/১৪২

১০. তায়কিরাতুল হফফাজ-১/৭৩

১১. প্রাণক্ষেত্র; আত-তাবাকাত-৭/১৩১

১২. তায়কিরাতুল হফফাজ-১/৭২

“আমি বসরাবাসী ও তাদের মুফতী জাবির ইবন যায়দকে পেয়েছি।” অপর একটি বর্ণনামতে তিনি বলেন, জাবির ছাড়া বসরাবাসীদের সত্যিকার কোন মুফতী ছিল না।^{১৩} হ্যরত হাসান আল-বাসরীর (রহ) অনুপস্থিতিতে জাবির ফাতওয়ার ক্ষেত্রে তাঁর প্রতিনিধিত্ব করতেন।^{১৪}

হ্যরত জাবির (রহ) কোন এক কারণে একবার কারারুদ্ধ হন। ধারণা করা হয় যে, হাজ্জাজ ইবন ইউসুফের যুলুম-অত্যাচারের শিকারে পরিণত হন তিনি। তাঁর জ্ঞানের উপর বসরাবাসীদের এত আস্থা ছিল যে, তারা তাদের বিভিন্ন জিজ্ঞাসার সঠিক উত্তর লাভের জন্য কারাগারে তাঁর নিকট ছুটে যেত। কাতাদা বলেন, জাবির কারারুদ্ধ হলেন। সে সময় হিজড়ের উত্তরাধিকারের বিষয়ে একটি সমস্যা দেখা দিলে লোকেরা কারাগারে তাঁর নিকট সমাধান চেয়ে পাঠালো। তিনি বললেন, তোমরা তো বেশ ভালো। আমাকে কারাগারে আটক রেখেছো, আবার আমার নিকট ফাতওয়াও চাচ্ছো। অতঃপর তিনি জবাব পাঠিয়ে দেন।^{১৫} বসরাবাসীদের কেউ হ্যরত ‘আবদুল্লাহ ইবন ‘আবাসের (রা) নিকট কোন কিছু জানতে চাইলে বলতেন : تَسْأَلُونِي عَنْ شَيْءٍ وَفِيمْ كَمْ جَابِرَ بْنَ زَيْدَ : - তোমরা আমাকে জিজ্ঞেস করছো, অথচ তোমাদের মধ্যে তো জাবির ইবন যায়দ আছে।^{১৬}

হ্যরত জাবিরের ব্যক্তি সত্ত্বটি ছিল বহু জ্ঞানের সমাহার, তিনি তাঁর যুগের একজন খুব বড় ‘আলিম’ ছিলেন। ‘আমর ইবন দীনার বলতেন :^{১৭}

ما رأيت أحداً أعلم بالفتيا من جابر بن زير.

“আমি জাবির ইবন যায়দ অপেক্ষা ফাতওয়া বিষয়ে অধিক জ্ঞান এমন কাউকে দেখিনি।” তাঁর মৃত্যুর পর হ্যরত কাতাদার (রহ) মুখ থেকে বার বার উচ্চারিত হচ্ছিল : الْيَوْمَ دَفَنْ عَلَمَ الْأَرْضِ - “আজ পৃথিবীর জ্ঞান দাফন হয়ে গেল।”^{১৮}

জ্ঞান প্রস্তাবনাকরণ

সেই যুগের কিছু মহান ব্যক্তির মত তিনিও জ্ঞান প্রস্তাবনাকরণ করার পছন্দ করতেন না। ‘আমর ইবন দীনার বলেন, কিছু লোক জাবির ইবন যায়দকে বললো, মানুষ আপনার মুখ থেকে যা শোনে তা লিখে ফেলে। একথা শুনে তিনি “ইন্না লিল্লাহ” উচ্চারণ করে বলেন, তারা লিখে ফেলে? তাঁর অনীহা দেখে তাঁর ছাত্রদের অনেকে লেখা ছেড়ে দেয়।^{১৯}

১৩. আত-তাবাকাত-৭/১৩১

১৪. তাহ্যীব আত-তাহ্যীব-২/৩৮

১৫. আত-তাবাকাত-৭/১৩১

১৬. তাহ্যীব আল-কামাল-৩/২৮৬

১৭. তায়কিরাতুল হফ্ফাজ-১/৭৩; আত-তাবাকাত-৭/১৩১

১৮. তায়কিরাতুল হফ্ফাজ-১/৭৩

১৯. আত-তাবাকাত-৭/১৩৬

এত জ্ঞান-গরীবার সাথে চারিত্রিক বহু গুণ ও বৈশিষ্ট্যে তিনি বিভূষিত ছিলেন। ভালো কাজের বিপরীতে দুনিয়ার যে কোন সুখ-সম্পদের কোন রকম শুরুত্ব তাঁর কাছে ছিল না। তিনি বলতেন, ষাট বছর জীবন পূর্ণ হতে চলেছে। এই দীর্ঘ সময়ে অনেক কিছু পেয়েছি, আল্লাহর বহু অনুগ্রহ লাভ করেছি। কিন্তু এই ভালো কাজ ছাড়া অবশিষ্ট যা কিছু আমি করেছি এবং এ সকল সুখ-সম্পদ আমার জুতার থেকেও হেয় ও তুচ্ছ। মুহাম্মাদ ইবন হুসায়ন বলতেন, আল্লাহ জাবিরের প্রতি দয়া করুন! তিনি দিরহামের বিপরীতেও একজন মুসলিম ছিলেন।^{২০}

একটি অপবাদ ও তাঁর সম্পর্কহীনতা

চৰমপঞ্চী খারিজী সম্প্রদায়ের একটি উপদলের নাম ‘ইবাদিয়া’।^{২১} তাদের কিছু লোক তাঁর কাছে আসা-যাওয়া করতো। এ কারণে তাঁর সম্পর্কে কিছু মানুষের এ ধারণা সৃষ্টি হয় যে, এই সম্প্রদায়ের সাথে তাঁর সম্পর্ক আছে অথবা কমপক্ষে তাদের চিন্তা-দর্শন দ্বারা তিনি কিছুটা প্রভাবিত। কিন্তু তাদের এ ধারণা সবই অমূলক ও ভিত্তিহীন ছিল। ইবাদিয়াদের সাথে তাঁর উঠা-বসা ছিল ঠিক, তবে তাদের চিন্তা-দর্শনের সাথে কোন সম্পর্ক ছিল না। তিনি তাঁর জীবনে বার বার এবং শেষ জীবনে অস্তিম রোগ শয্যায়ও ইবাদিয়াদের চিন্তা-বিশ্বাসের সাথে তাঁর সম্পর্কহীনতার কথা স্পষ্টভাবে বলেছেন। তাঁর অস্তিম সময়ে যখন অবস্থা একেবারেই খারাপ হয়ে পড়ে তখন ছাবিত আল-বানানী তার কাছে জানতে চান, আপনার কোন ইচ্ছা আছে কি? বললেন : হাসান আল-বাসরীকে এক নজর দেখতে চাই। সে সময় হাসান আল-বাসরী (রহ) সরকারের কোপদৃষ্টিতে ছিলেন। তাই গ্রেফতার এড়াতে আবু খলীফা নামক এক ব্যক্তির গৃহে আত্মগোপন করে ছিলেন। তাঁকে জাবিরের ইচ্ছার কথা জানানো হলো। সাথে সাথে তিনি যাওয়ার জন্য প্রস্তুত হয়ে গেলেন। কিন্তু ছাবিত তাঁকে বাধা দিয়ে বলেন, বের হলে গ্রেফতার হওয়ার ভয় আছে। তিনি জবাব দিলেন : আল্লাহ আয়াকে শক্রের দৃষ্টি থেকে রক্ষা করবেন। তিনি নিষেধ উপেক্ষা করে তখনই রাতের অন্ধকারে জাবিরের নিকট পৌছেন। জাবিরের একা উঠে বসার শক্তি ছিল না। তাই অন্যের সাহায্য নিয়ে উঠে বসেন। হাসান আল-বাসরী (রহ) তাঁকে কালিমা তায়িবা পড়ার তালকীন দেন এবং তিনি কুরআনের কিছু আয়াত তিলাওয়াত করেন। তারপর তিনি ইবাদিয়াদের বিষয়টি পরিষ্কার করার জন্য জাবিরের কাছে জিজ্ঞেস করেন, ইবাদিয়াদের সাথে তোমার সম্পর্কের প্রকৃতিটি কেমন ছিল?

২০. প্রাণক্ষেত্র-৭/১৩৪

২১. ‘আবদুল্লাহ ইবন ইবাদ-এর অনুসারীদেরকে ‘ইবাদিয়া’ বলা হয়। উমাইয়া খলীফা মারওয়ান ইবন মুহাম্মাদের সময় তারা বিদ্রোহের পতাকা উজীন করে এবং ‘তাবালা’ নামক স্থানে ‘আবদুল্লাহ ইবন মুহাম্মাদ ইবন ‘আতিয়া তাদের সাথে যুদ্ধ করে তাদেরকে পরাজিত করেন। (আশ-শাহরিসানী, আল-মিলাল ওয়া আন-নিহাল-১৩৪)

জাবির বলেন, আমি আল্লাহর কাছে তাদের ব্যাপারে দায়মুক্তি চাই। হাসান আল-বাসরী (রহ) আবার প্রশ্ন করেন : তাদের ব্যাপারে তোমার ধারণা কি? জাবির তাদের সাথে নিজের সম্পর্কইনতার কথা প্রকাশ করেন। তখন জাবিরের একান্তই অস্তিমদশা। এ কারণে হাসান আল-বাসরী (রহ) তাঁকে বিদায় দেওয়ার জন্য সকাল পর্যন্ত অপেক্ষা করতে থাকেন। কিন্তু তখনো জাবিরের জীবনকাল শেষ হয়নি। তাই হ্যরত হাসান (রহ) সুবহে সাদিক হওয়ার পর নামাযে জানায়ার ভঙ্গিতে চারটি তাকবীর উচ্চারণ করে জাবিরের মাগফিরাতের জন্য দু'আ করেন। তারপর অন্ধকারেই নিজের অবস্থান স্থলে ফিরে যান।^{২২} আর এ রোগেই হ্যরত জাবির (রহ) ইনতিকাল করেন।

ওকাত

ইমাম আহমাদ, আল-ফাল্লাস ও বুখারীর মতে তিনি হিজরী ৯৩ সনে ইনতিকাল করেন। পক্ষান্তরে আল-ওয়াকিদী ও ইবন সার্দের মতে তাঁর মৃত্যু সন হিজরী ১০৩ এবং আল-হায়ছাম ইবন 'আদীর মতে হিজরী ১০৪।^{২৩}

২২. আত-তাবাকাত-৭/৩২

২৩. তায়কিরাতুল হফ্ফাজ-১.৭৩; তাহ্যীব আল-কামাল-৩/২৮৭.

আল-আসওয়াদ ইবন ইয়াযীদ (রহ)

তাঁর পূর্ণ নাম আবু ‘আমর আল-আসওয়াদ এবং পিতার নাম ইয়াযীদ। তাঁর দশম উর্ধ্বতন পুরুষ “নাখা”-এর প্রতি আরোপ করে তাঁকে নাখা’ঈ বলা হয়। কৃফার অধিবাসী ছিলেন। তিনি একজন “মুখাদরাম” ব্যক্তি ছিলেন। যাঁরা জাহিলী ও ইসলামী উভয় যুগ লাভ করেন তারা হলেন ‘মুখাদরাম’।^১ তিনি ছিলেন প্রথ্যাত তাবি’ঈ ‘আবদুর রহমান ইবন ইয়াযীদের ভাই, ‘আলকামা ইবন কায়সের ভাতিজা, ইবরাহীম আন-নাখা’ঈর মামা এবং ‘আবদুর রহমান ইবন আল-আসওয়াদের পিতা। তিনি ‘আলকামা ইবন কায়সের চেয়ে বয়সে বড় ছিলেন।^২

জ্ঞান-মনীষা ও ইবাদত-বন্দেগীর দিক থেকে আল-আসওয়াদকে কৃফার বিশিষ্ট ‘আলিমদের মধ্যে গণ্য করা হয়। ইমাম যাহাবী তাঁকে ইমাম, ফকীহ, তাপস, দুনিয়া বিরাগী ও কৃফার ‘আলিম বলেছেন।^৩ ইমাম নাওবী লিখেছেন, তাঁর বিশ্বস্ততা ও মহত্বের ব্যাপারে সকলে একমত।^৪

হাদীছ

হাদীছের বিশিষ্ট হাফিজ ছিলেন। হযরত আবু বাকর, ‘উমার, ‘আলী, ‘আবদুল্লাহ ইবন মাস’উদ, ‘আয়িশা সিদ্দীকা, হ্যায়ফা, আবু মাহয়ুরা, আবু মূসা আল-আশ’আরী, মু’আয ইবন জাবাল, বিলাল ইবন রাবাহ (রা) প্রমুখের মত উঁচু পর্যায়ের সাহাবীর সুহৃত এবং তাঁদের থেকে হাদীছ শোনার সৌভাগ্য লাভ করেন। হযরত ‘উমার (রা) ও উম্মুল মু’মিনীন হযরত ‘আয়িশার (রা) সাথে অতি ঘনিষ্ঠ সম্পর্ক ছিল। উল্লেখিত মহান ব্যক্তিবর্গের সকলের সূত্রে তিনি হাদীছ বর্ণনা করেছেন।^৫

ছাত্র-শিষ্য

তাঁর নিকট থেকে জ্ঞান লাভ করে তাঁর নিজ পরিবারের সকল সদস্য বড় বড় জ্ঞানী ব্যক্তিতে পরিণত হন। যেমন : তাঁর ভাগ্নে ইবরাহীম নাখা’ঈ, ভাই ‘আবদুর রহমান ও তাঁর পিতার চাচাতো ভাই ‘আলকামা। এই ‘আলকামা তো তৎকালীন জ্ঞানের জগতের উজ্জ্বল তারকাতুল্য ছিলেন। তাহাড়া অন্যদের মধ্যে ‘আম্মারা ইবন ‘উমায়র, আবু ইসহাক সুবায়’ঈ, আবু বুরদা ইবন আবু মূসা, মুহারিব ইবন দাছারা, আশ’আছ ইবন

১. ‘আসরূত তাবি’ঈন-২৭৪

২. তাহ্যীব আল-কামাল ফী ‘আসমা’ আর-রিজাল-২/২৫১

৩. তাফ্কিরাতুল হফ্ফাজ-১/৪২

৪. তাহ্যীব আল-আসমা’ ওয়াল লুগাত-১/১২২

৫. তাহ্যীব আত-তাহ্যীব-১/৩৪২; তাহ্যীব আল-কামাল-২/২৫১

আবিশ শা'ছা' (রহ) ও আরো অনেকে তাঁর নিকট থেকে হাদীছ শুনেছেন। ফিক্হ শাস্ত্রেও তাঁর f.শেষ বৃংপতি ছিল। ইবন হিব্রান বলেন, তিনি একজন ফকীহ ছিলেন। ইমাম যাহাবী, ইবন হাজার ‘আসকিলানী এবং আরো অনেকে তাঁর ফিক্হ বিষয়ে বৃংপতির কথা স্বীকার করেছেন।^৬

ইবাদত-বন্দেগী ও দুনিয়ার প্রতি উদাসীনতা

‘ইল্মের চেয়েও তাঁর ‘আমল যথা : আল্লাহভীতি, দুনিয়ার প্রতি নির্মোহ স্বভাব, ইবাদত-বন্দেগী ছিল বেশি সুন্দর। তাবিঁঈদের মধ্যে আটজন মহান ব্যক্তি ছিলেন ইবাদত-বন্দেগী এবং দুনিয়া বিরাগী স্বভাবের জন্য সর্বাধিক প্রসিদ্ধ। তাঁরা হলেন : আর-রাবী’ ইবন খুছায়ম, ‘আমির ইবন ‘আবদিল্লাহ আত-তামীমী, উয়াইস আল-কারানী, হারাম ইবন হায়্যান, মাসরুক ইবন আল-আজদা’, আল-আসওয়াদ ইবন ইয়ায়ীদ, আবু মুসলিম আল-খাওলানী ও আল-হাসান আল-বাসরী (রহ)।^৭ এই তালিকায় আল-আসওয়াদের নামটিও আছে। ইমাম যাহাবী লিখেছেন, তিনি ইবাদতের ক্ষেত্রে খুব উঁচু পর্যায়ের ছিলেন।^৮ মনীষীগণ উপরোক্ত আট ‘আবিদের মধ্যে তুলনা করতে গিয়ে বলেছেন :^৯

إِنَّ الْأَسْوَدَ بْنَ يَزِيدَ هُوَ نَظِيرٌ مَسْرُوقٍ فِي الْجَلَالَةِ وَالْعِلْمِ وَالثِّقَةِ وَالسُّنْنِ، يَضْرِبُ بَعْبَادَتِهِمَا الْمُثُلَ.

“মহত্ত্ব, জ্ঞান, বিশ্বস্ততায় ও বয়সে আল-আসওয়াদ ইবন ইয়ায়ীদ ছিলেন মাসরুক ইবন আল-আজদা’র সমকক্ষ। তাঁদের দু’জনের ইবাদতের ঘারা দৃষ্টান্ত দেয়া হয়।”

নামায

তাঁর জীবনের প্রধান কাজ ছিল নামায আদায় করা। প্রতিদিন সাত শো রাক’আত নফল নামায আদায় করতেন।^{১০} সব সময় প্রথম ওয়াকতেই নামায আদায় করতেন। এ ব্যাপারে এত গুরুত্ব দিতেন যে, তিনি যে কাজে বা যে কোন অবস্থায় থাকতেন না কেন নামাযের সময় হওয়ার সাথে সাথে সবকিছু ছেড়ে নামাযে দাঁড়িয়ে যেতেন। তাঁর সফর সঙ্গীরা বলেছেন, সফর অবস্থায় যত বস্তুর পথই অতিক্রম করুন না কেন নামাযের সময় হওয়ার সাথে সাথে বাহনের পিঠ থেকে নেমে নামায আদায় করে নিতেন। তারপর আবার সামনে এগোতেন।^{১১}

৬. প্রাণ্তক

৭. ‘আসরুত তাবিঁঈন-৭৩১-৭৩৩
৮. তায়কিরাতুল হফ্ফাজ-১/৪৩
৯. সিয়ারু আ’লাম আন-নুবালা’-৪/৫০-৫১
১০. তায়কিরাতুল হফ্ফাজ-১/৪৩
১১. আত-তাবাকাত-৬/৪৭; ‘আসরুত তাবিঁঈন-২৭৫

রোয়া

রোয়ার প্রতিও তাঁর প্রবল আগ্রহ ও মনোযোগ ছিল। প্রায় সব সময় রোয়া রাখতেন। প্রচণ্ড গরমের দিনেও রোয়া ছাড়তেন না, যখন লাল উটের মত শক্তিশালী এবং তীব্র গরম সহ্য করা প্রাণীও গরমের তীব্রতায় বেহাল অবস্থা হয়ে যেত। সফরেও রোয়ার ধারাবাহিকতায় কোন রকম ছেদ পড়তো না। অনেক সময় এমন হতো যে, সফরের কষ্ট এবং পিপাসার তীব্রতায় তাঁর চেহারা বিবর্ণ এবং জিহ্বা শুকিয়ে কাঠ হয়ে যেত, তবুও তিনি রোয়া ছাড়তেন না। এত কঠোর ইবাদতের কারণে একটি চোখ নষ্ট হতে চলে, দেহ শুকিয়ে হালকা-পাতলা হয়ে যায়। এ অবস্থায় তাঁর এক ঘনিষ্ঠ বঙ্গু ‘আলকামা ইবন মারছাদ তাঁকে দেখতে আসেন। পিছন থেকে তাঁর দেহ মৃদু স্পর্শ করে বলেন :

يَا أَبَا عَبْدِ الرَّحْمَنِ لَمْ تَعْذِبْ هَذَا الْجَسْدُ؟

“ওহে আবু ‘আবদির রহমান! এই দেহকে এত কষ্ট দিচ্ছেন কেন?”

তিনি জবাব দিলেন :

أَرِيدُ راحَةً هَذَا الْجَسْدُ يَا أَخَا إِلَيْسَامَ، يَا أَبَا شِيلِ الْجَدِّ الْجَدِّ.

‘ওহে ইসলামের ভাই, আমি এই দেহকে শান্তি দিতে চাই। আবু শাবল! ঐকান্তিক প্রচেষ্টা, ঐকান্তিক প্রচেষ্টা।’^{১২}

হজ্জ

তাঁর হজ্জ আদায়ের সংখ্যা দেখে বুঝা যায় তাঁর মধ্যে হজ্জ করার আগ্রহ কী পরিমাণ ছিল। জীবনের এমন কোন বছর হয়তো ছিল না যে বছর হজ্জ করেননি। তাঁর হজ্জ ও ‘উমরার সম্প্রিলিত সংখ্যা সন্তুর থেকে আশি (৭০-৮০) হবে। মায়মূন ইবন হাম্যা বলেন: আল-আসওয়াদ ইবন ইয়ায়ীদ জীবনে আশিটি হজ্জ ও ‘উমরা করেন। তবে দু’টি এক সাথে নয়, পৃথকভাবে। তাঁর পুত্র ‘আবদুর রহমানও পিতার মত পৃথকভাবে আশিটি হজ্জ ও ‘উমরা করেন।’^{১৩} কথনো কথনো আগ্রহের আতিশয্যে কৃফা থেকেই ইহরাম বেঁধে-

لَبَّيْكَ غَفَارَ الدُّنْوَبِ، لَبَّيْكَ لَا شَرِيكَ لَكَ لَبَّيْكَ، إِنَّ الْحَمْدَ وَالنَّعْمَةُ لَكَ لَبَّيْكَ، لَا شَرِيكَ لَكَ لَبَّيْكَ.

ধ্বনি দিতে দিতে যাত্রা করে মক্কায় পৌছতেন। তবে সব সময় এমন করতেন না, বরং বিভিন্ন সময় ভিন্ন স্থান থেকে তাঁর ইহরাম বাঁধার প্রমাণ পাওয়া যায়। সাধারণতঃ রাতে মক্কায় প্রবেশ করতেন। বায়তুল্লাহর তাওয়াফের সাথে ছিল গভীর আবেগের সম্পর্ক। এ ব্যাপারে তিনি ভীষণ কঠোরও ছিলেন। কেউ যদি হজ্জ করার ক্ষমতা থাকা সত্ত্বেও হজ্জ না করতো তাহলে সে মারা গেলে তার জানায়ার নামায পড়তেন না।^{১৪}

১২. প্রাণ্তক

১৩. তাহ্যীব আল-কামাল-২/২৫২

১৪. আত-তাবাকাত-৬/৪৭-৪৮

কুরআন তিলাওয়াত

কুরআন ছিল তাঁর আবাসে-প্রবাসে দিন-রাতের একান্ত সঙ্গী। কুরআন তিলাওয়াত ছিল তাঁর প্রতিদিনের অভ্যাস। রময়ান মাসে তিলাওয়াতের আগ্রহ আরো বেড়ে যেত। মাগরিব ও ‘ঈশ্বার মাঝের সময়টুক শুয়ে থাকতেন। তারপর উঠে নামায আদায় করে সারা রাত তিলাওয়াত করতেন। এক মাসে দু’রাতে একবার কুরআন খতম করতেন। আর অন্য মাসে প্রতি ছয় রাতে একবার।^{১৫}

মতের ভিন্নতা সত্ত্বেও দ্বন্দ্যতার সম্পর্ক

আজকাল আমাদের পরম্পরারের মধ্যে মতের সামান্য ভিন্নতার কারণে সব রকম সামাজিক কর্মকাণ্ডেও মত পার্থক্যের সৃষ্টি হয়ে যায়। তাই আল-আসওয়াদ ইবন ইয়াবীদের মত মহান ব্যক্তিদের আদর্শ আমাদের জন্য অনুসরণযোগ্য। মতের ভিন্নতা সত্ত্বেও তাঁরা পারম্পরিক সম্পর্ক অটুট রাখতেন। আল-আসওয়াদ হ্যরত ‘উমারের (রা) সাহচর্যে বেশিদিন থাকার কারণে তাঁর অনুসারী ছিলেন। অন্যদিকে ‘আলকামা ছিলেন হ্যরত ‘আবদুল্লাহ ইবন মাস’উদ্দের (রা) শাগরিদ ও অনুসারী। কিন্তু তাঁরা দু’জন যখন মিলিত হতেন তখন তাদের মধ্যে ঘোটেও মতপার্থক্য দেখা যেত না।^{১৬}

গুফাত

হিজরী ৭৫ মতান্তরে ৭৪ সনে তিনি কৃষ্ণায় ইন্তিকাল করেন।^{১৭} অস্তিম রোগশয্যায় কুরআন তিলাওয়াতের অভ্যাসে কোন ব্যক্তিক্রম ঘটেনি। যখন বিছানায় একা পাশ-ফেরাতে পারতেন না তখন ভাগে ইবরাহীম নাখা’ঈর সাহায্য নিয়ে কুরআন তিলাওয়াত করতেন। শেষ নিঃশ্঵াস ত্যাগের পূর্বে তিনি হাউ মাউ করে কাঁদতে থাকেন। আঢ়াই-বছুরা বললেন : আবু ‘আবদির রহমান! এমন অস্থির হচ্ছেন কেন? বললেন : কেন হবো না? আ঳াহ যদি আমাকে ক্ষমাও করে দেন, তাহলেও আমি যে পাপ করেছি তার জন্য তো আমাকে লজ্জা পেতে হবে।^{১৮} একেবারে শেষ মুহূর্তে বলেন, আমাকে কালেমায়ে তায়িবার তালকীন দাও, যাতে আমার মুখ থেকে বের হওয়া শেষ কথাটি হয়— ‘লাই লাই ম্যাঃ— “আল্লাহ ছাড়া কোন ইলাহ নেই।”^{১৯}

জীবনের শেষ দিকে তাঁর দাঢ়ি ও মাথার চুল সাদা হয়ে যায়। খিজাব শাগাতেন। চূড়া ওয়ালা টুপি পরতেন, কালো রংয়ের পাগড়ী পরতেন, যার প্রান্ত পিছনের দিকে ছাড়া থাকতো।^{২০}

১৫. প্রাণক্ষণ

১৬. প্রাণক্ষণ; ‘আসরুত তাবি’ঈন-২৭৬

১৭. তাহ্যীব আল-কামাল-২/২৫২

১৮. ‘আসরুত তাবি’ঈন-২৭৬

১৯. আত-তাবাকাত-৬/৫০

২০. প্রাণক্ষণ-৬/৫৯

আবৃ সালামা ইবন ‘আবদির রহমান (রা)

হ্যরত ‘আবদুল্লাহর (রহ) ডাকনাম আবৃ সালামা এবং এ নামেই প্রসিদ্ধি লাভ করেন। তাই অনেকে আবৃ সালামা তাঁর আসল নাম বলে মনে করেছেন। তাঁর পিতা মক্কার কুরায়শ গোত্রের বানূ যুহরা শাখার প্রথ্যাত সাহাবী হ্যরত ‘আবদুর রহমান ইবন ‘আওফ (রা) এবং মাতা তুমাদির বিন্ত আল আসবাগ। তুমাদির ছিলেন দিমাশকের সন্নিকটে দাওমাতুল জান্দালে বসবাসরত বানূ কাল্ব গোত্রের কুদা‘আ শাখার সন্তান। বর্ণিত হয়েছে, তিনি নবীর (সা) জীবনকাল লাভ করেন। তিনি হলেন কাল্ব গোত্রের প্রথম মহিলা যাঁর বিয়ে হয় মক্কার কুরায়শ গোত্রের কোন পুরুষের সাথে।^১

জ্ঞান ও মনীষা

হ্যরত ‘আবদুর রহমান ইবন ‘আওফ (রা) ছিলেন ‘আশারা মুবাশ্শারার (জীবদ্ধশায় জান্নাতের সুসংবাদ প্রাপ্ত দশজন) অন্যতম সদস্য। এ দ্বারা অনুমান করা যায় যে, তিনি কত উঁচু মাপের ও মর্যাদাসম্পন্ন মানুষ ছিলেন। আবৃ সালামা এমন মহান পিতার ইল্ম ও ‘আমল (জ্ঞান ও কর্ম)-এর পরিবেশে অভ্যন্তর স্নেহ-আদরে লালিত-পালিত হয়ে বেড়ে ওঠেন। পিতার জ্ঞান ভাগার থেকে নিজেকে সম্মুক্ষ করে তোলেন এবং অটোই সমকালীনদের মধ্যে অপ্রতিদ্বন্দ্বী ব্যক্তিতে পরিণত হন। অনেক ‘আলিম তাঁকে মদীনার সাত ফকীহৰ মধ্যে গণ্য করেছেন। তবে এটা সর্বজন গৃহীত মত নয়। কিন্তু এ ব্যাপারে তাঁর নামটি উচ্চারিত হওয়া তাঁর যোগ্যতার একটি বড় প্রমাণ। জ্ঞানের জগতে তাঁর সুউচ্চ মর্যাদা এবং তাঁর ইমাম হওয়ার ব্যাপারে ‘আলিমদের ঐকমত্য রয়েছে। ইমাম নাওবী (রহ) বলেন, আবৃ সালামার ইমাম হওয়া এবং তাঁর সুউচ্চ সম্মান ও মর্যাদার ব্যাপারে সকলে একমত।^২

হাদীছ

তিনি পিতা হ্যরত ‘আবদুর রহমান ইবন আওফের (রা) নিকট থেকে হাদীছের জ্ঞান অর্জন করেন। তাহাড়া উঁচু শ্রেণের আরো অনেক সাহাবীর (রা) নিকট থেকেও তিনি তাঁর জ্ঞানের সম্মদ্দি ঘটান। যেমন : হ্যরত ‘উচ্ছ্মান, তালহা, ‘উবাদা ইবন আস-সামিত, আবৃ কাতাদা, আবুদ দারদা’, উসামা ইবন যায়দ, হাস্সান ইবন ছাবিত, রাফি‘ ইবন খাদীজ, ছাওবান, নাফি‘ ইবন আল-হারিছ, ‘আবদুল্লাহ ইবন সালাম, আবৃ হুরায়রা, ‘আবদুল্লাহ ইবন ‘আমর ইবন আল-‘আস, ‘আবদুল্লাহ ইবন ‘আবাস, ‘আবদুল্লাহ ইবন ‘উমার, আবৃ সাঈদ আল-খুদুরী, আনাস ইবন মালিক, জাবির, মু‘আবিয়া ইবন আবী সুফইয়ান, উম্মুল

১. তাহ্যীর আল-কামাল ফী আসমা’ আর-রিজাল-২১/২৬৯; তাবি‘দেন-৫৩৪

২. তাহ্যীর আল-সাসমা’ ওয়াল লুগাত

মু'মিনীন 'আয়িশা সিদ্দিকা, উম্মু সালামা (রা) ও আরো অনেকে। উচ্চতরের বহু তাবিঁ'স্তের নিকট থেকেও হাদীছ শোনেন। তাঁদের তালিকা অনেক দীর্ঘ।^১

উপরে উল্লেখিত যথান ব্যক্তিবর্গের অনুগ্রহ ও অবদান তাঁকে হাদীছের ইমামের পদে অধিষ্ঠিত করে। ইমাম যাহাবী (রহ) বলেন :^২

كَانَ مِنْ كُبَارَ أُئُلُوِّ الْعِيْنِ غَزِيرُ الْعِلْمِ ثَقَةُ عَالَمٍ.

“তিনি ছিলেন তাবিঁ'স্ত ইমামদের অন্যতম, অসামান্য জ্ঞানের অধিকারী, বিশ্বস্ত 'আলিম ব্যক্তি।”

كَانَ ثَقَةً فَقِيهًا كَثِيرُ الْحَدِيثِ.

“তিনি ছিলেন বিশ্বস্ত, সুদৃঢ়, ফকীহ ও বহু হাদীছের ধারক ও বর্ণনাকারী।” তিনি আবু সালামাকে মদীনার 'আলিমদের দ্বিতীয় স্তরে উল্লেখ করেছেন।^৩

আবু সালামার (রহ) স্মৃতির ভাষারে বহু হাদীছ থাকার কথা শ্রেষ্ঠ 'আলিমগণ স্বীকার করেছেন। ইমাম যুহরী (রহ) বলেন, ইবরাহীম ইবন 'আবদিল্লাহ ইবন কারিজ আমাকে বলতেন যে, তোমাদের মধ্যে দু'ব্যক্তির চেয়ে হাদীছের অন্য কোন বড় 'আলিম আমি দেখিনি। একজন 'উরওয়া ইবন যুবায়র এবং অন্যজন আবু সালামা ইবন 'আবদির রহমান।^৪ ইমাম যুহরী আরো বলেন :^৫

أَرْبَعَةُ مَنْ قَرِيشٌ وَجَدُوهُمْ بِحُورًا : عَروَةُ بْنُ الزَّبِيرِ وَسَعِيدُ بْنُ الْمَسِيبِ وَأَبُو سَلَمةَ بْنَ عَبْدِ الرَّحْمَنِ وَعَبْدِ اللَّهِ بْنِ عَبْدِ اللَّهِ.

“আমি চার ব্যক্তিকে জ্ঞানের সাগর রাপে পেয়েছি। তাঁরা হলেন : 'উরওয়া ইবন যুবায়র, সা'ঈদ ইবন আল-মুসায়িব, আবু সালামা ও 'উবায়দুল্লাহ ইবন 'আবদিল্লাহ।”

তাঁর ছাত্রবৃন্দ

তাঁর সুযোগ্য ছাত্রদের নামের তালিকা অনেক দীর্ঘ। এখানে সর্বাধিক উল্লেখযোগ্য কয়েকজনের নাম উপস্থাপন করা হলো : ইমাম শা'বী, 'আবদুর রহমান আল-আ'রাজ, 'আররাক ইবন মালিক, 'আমর ইবন দীনার, আবু হাযিম, আবু সালামা ইবন দীনার, যুহরী, ইয়াহইয়া ইবন সা'ঈদ আল-আনসারী, ইয়াহইয়া ইবন আবী কাছীর, মুহাম্মদ ইবন 'আমর, সালিম আবুন নাদর, আবুয় যানাদ, সা'দ ইবন ইবরাহীম আল-কাজী (রহ) ও আরো অনেকে।^৬

৩. তাহ্যীব আত-তাহ্যীব-১/১১৫; তাহ্যীব আল-কামাল-২/২৬৯

৪. তায়কিরাতুল হফ্ফাজ-১/৬৩

৫. আত-তাবাকাত-৫/১১৬; তাহ্যীব আল-কামাল-২১২৭১

৬. তাহ্যীব আত-তাহ্যীব-১/১১৬

৭. তায়কিরাতুল হফ্ফাজ-১/৬৩

৮. প্রাণ্তক; তাহ্যীব আল-আসমা'-১/২৪১

ফিক্হ

ফিক্হ শাস্ত্রে আবু সালামার স্থান এত উচুতে ছিল যে, অনেকে তাঁকে মদীনার সাত ফকীহর অন্যতম বলেছেন। ইবন সাঁদ তাঁকে ফকীহ বলেছেন।^{১০} এই উম্মাতের সর্বশ্রেষ্ঠ ফকীহ হয়েরত ‘আবদুল্লাহ ইবন ‘আবাসের (রা) নিকট থেকে তিনি ফিক্হের জ্ঞান অর্জন করেন। সুযোগ্য শিক্ষকের যোগ্য ছাত্র হিসেবে গভীর অনুধ্যান ও সূক্ষ্ম অনুধাবন ক্ষমতা অর্জন করেন। বিভিন্ন মাসযালায় মহান শিক্ষকের সাথে যুক্তি-তর্কে অবতীর্ণ হতেন। অনেক ক্ষেত্রে শিক্ষককে নিজের মতে আনতে সক্ষম হন। ইমাম যাহাবী (রহ) বলেন :^{১১}

কান أبو سلمة يتفقه ويناظر ابن عباس رض ويراجعه.

“আবু সালামা ইবন ‘আবাসের (রা) নিকট থেকে ফিক্হের গভীর জ্ঞান অর্জন করেন, তাঁর সাথে যুক্তি-তর্কে অবতীর্ণ হতেন এবং তাঁকে তাঁর মত থেকে সরিয়ে নিজের মতে নিয়ে আসতেন।”

ইমাম যুহরী মনে করেন, ইবন ‘আবাসের (রা) সাথে এই মতপার্থক্যের কারণে তিনি তাঁর অগাধ জ্ঞানের অনেক কিছু থেকে বঞ্চিত থেকে গেছেন।^{১২}

বিচারকের পদে

হয়েরত মু’আবিয়ার (রা) খিলাফতকালে তৎকালীন মদীনার ওয়ালী সাঁঈদ ইবন আল-‘আস তাঁকে মদীনাতুর রাসূলের কাজীর পদে নিয়োগ দেন। কিন্তু পরবর্তীতে ওলট-পালটের কারণে এ পদে থাকতে পারেননি। সাঁঈদ ইবন আল-‘আসের অপসারণ এবং তদন্তে মারওয়ানের যোগদানের পর আবু সালামাকে কাজীর পদ থেকে সরিয়ে দেয়া হয়।^{১৩}

ওফাত

খলীফা ওয়ালীদ ইবন ‘আবদিল মালিকের খিলাফতকালে হিজরী ৯৪ সনে তিনি ইনতিকাল করেন। তবে ১০৪ হিজরীতে ৭২ বছর বয়সে তাঁর ইনতিকাল হয় বলে ভিন্ন একটি বর্ণনায় এসেছে।^{১৪}

হয়েরত আবু সালামা (রহ) ছিলেন একজন সুদর্শন চেহারার আকর্ষণীয় ব্যক্তিত্বের মানুষ। ‘আবদুল্লাহ ইবন আবী ইয়া’কুব আদ-দাববী বলেন : আবু সালামা ছিলেন দীপ্তিমান চেহারার মানুষ। তাঁর চেহারার সেই দীপ্তি ছিল রোমান স্মার্টদের স্বর্ণমুদ্রার দীপ্তির মত। শেষ জীবনে মাথার চুল ও দাঢ়ি সাদা হয়ে গিয়েছিল এবং তাতে তিনি মেহদীর খিয়াব লাগাতেন।

১০. আত-তাবাকাত-৫/১১৬

১১. তায়কিরাতুল হফ্ফাজ-১/৬৩

১২. তাহ্যীব আল-কামাল-২১/২৭২

১৩. আত-তাবাকাত-৫/১১৫

১৪. তাহ্যীব আল-কামাল-২১/২৭২; তায়কিরাতুল হফ্ফাজ-১/৬৩

কাতাদা ইবন দি'আমা আস-সাদূসী (রহ)

আবুল খান্দাব কাতাদার পিতার নাম দি'আমা। তিনি হিজরী ৬১ সনে জন্মগ্রহণ করেন। তাঁর উর্ধ্বর্তন ৮ম পুরুষ সাদূস-এর নাম অনুসারে তিনি সাদূসী নামে পরিচিত। তিনি শ্রেষ্ঠ 'আলিম তাবিঁইদের একজন। জ্ঞানের সাথে কাতাদার স্বত্বাবগত একটা সম্পর্ক ছিল। তাঁর মধ্যে জ্ঞান অর্জনের তীব্র আকাঙ্ক্ষা শৈশব থেকে বার্ধক্য পর্যন্ত একই রকম ছিল। মাতারুল ওয়াররাক বর্ণনা করেছেন, শেষ নিঃশ্বাস ত্যাগ পর্যন্ত তিনি একজন জ্ঞান অন্বেষণকারী ছাত্র ছিলেন।^১ তিনি ছিলেন জন্মাক্ষ।^২

তাঁর স্মৃতিশক্তি

জ্ঞান অন্বেষণের তীব্র আকাঙ্ক্ষার সাথে তিনি প্রথর স্মৃতিশক্তি লাভ করেন। কোন কিছু একবার শুনলে চিরদিনের জন্য তা স্মৃতিতে সংরক্ষিত হয়ে যেত। একবার একটি হাদীছ শোনার পর আর কখনো কোন মুহাদ্দিসের নিকট তা দ্বিতীয়বার শোনার ইচ্ছা প্রকাশ করেননি। একবার যে কথা তার কানে চুকেছে তা চিরকালের জন্য অতর-ভাগের সংরক্ষিত হয়ে গেছে।^৩ তাঁর স্মৃতিশক্তি সম্পর্কে বিশ্যয়কর সব ঘটনা বিভিন্ন এল্লে বর্ণিত হয়েছে। যেমন একটি ঘটনা 'ইমরান ইবন 'আবদিল্লাহ বর্ণনা করেছেন। একবার কাতাদা প্রখ্যাত তাবিঁই সাঈদ ইবন আল-মুসায়িবের (রহ) নিকট গেলেন এবং কিছুদিন সেখানে অবস্থানও করেন। এ সময় তিনি সাঈদ ইবন আল-মুসায়িবের নিকট প্রাণ খুলে হাদীছ শুনতে চাইতেন এবং প্রশ্নের পর প্রশ্ন করে যেতেন। একদিন সাঈদ ইবন আল-মুসায়িব (রহ) তাঁকে জিজ্ঞেস করলেন, এ পর্যন্ত তুমি আমার নিকট যত কথা জানতে চেয়েছো তা কি সব তোমার মনে আছে? তিনি হাঁ সূচক জবাব দিলেন। তারপর জিজ্ঞাসিত বিষয়গুলো এভাবে বলতে আরম্ভ করলেন : আমি আপনার নিকট একথা জানতে চেয়েছি, আপনি এ জবাব দিয়েছেন। আমি এই প্রশ্ন করেছি, আপনি এই বলেছেন, আর হাসান আল-বাসরী (রহ) এই জবাব দিয়েছিলেন। এভাবে তিনি সাঈদ ইবন আল-মুসায়িবের নিকট থেকে শোনা সব হাদীছ তাঁকে শনিয়ে দেন। সাঈদ ইবন আল-মুসায়িব (রহ) তাঁর এই প্রথর স্মৃতিশক্তি দেখে ভীষণ অবাক হলেন। তিনি মন্তব্য করলেন, আল্লাহ তোমার মত মানুষ সৃষ্টি করেছেন তা আমার কল্পনায়ও ছিল না।^৪

১. তাহ্যীব আত-তাহ্যীব-৮/৩৫০

২. তাহ্যীব আল-কামাল-১৫/২২৪

৩. তাফ্কিরাতুল হফ্ফাজ-১/১০৯

৪. তাহ্যীব আল-কামাল-১৫/২২৭

জ্ঞান ও মনীষা

এমন অগ্রহ, আবেগ, জানার তীব্র আকাঙ্ক্ষা ও প্রথর শৃতিশক্তি তাঁকে কুরআন, তাফসীর, হাদীছ, ফিকহ, ভাষা, সাহিত্য, আরবদের প্রাচীন ইতিহাস, বংশবিদ্যা ইত্যাদিসহ সেই যুগের সকল ধর্মীয় ও জাগতিক জ্ঞানের সাগরে পরিণত করে।^৫ আল্লামা নাওবী লিখেছেন, তাঁর মাহাত্ম্য ও জ্ঞানগত শ্রেষ্ঠত্বের ব্যাপারে সকলে একমত।^৬

কুরআন

তিনি কুরানের হাফিজ ছিলেন। ভালো মুখস্থ ছিল। বড় বড় সূরাগুলো পাঠের সময় একটি শব্দেও ভুল করতেন না। মামার বলেন, একবার কাতাদা সাঈদ ইবন 'আরবাকে না দেখে সূরা আল-বাকারা শোনান এবং একটি হরফেও কোন ভুল করেননি। শোনানোর পর তিনি জিজ্ঞেস করেন, আমি ঠিক যত মুখস্থ রেখেছি? তিনি বললেন, হাঁ। সুফইয়ান ইবন 'উয়ানা বলেন : কাতাদা জাবির ইবন 'আবদিল্লাহর (রা) সহীফা থেকে মুখস্থ করতেন। তিনি তা সুলায়মান আল-ইয়াশকুরীর নিকট থেকে নকল করেন।^৭

তাফসীর

কুরানের তাফসীরের তিনি একজন বড় 'আলিম ছিলেন। কুরানের আয়াতের তাফসীর ও তাবীলের ব্যাপারে তাঁর দৃষ্টিভঙ্গি ছিল অত্যন্ত প্রশংসন্ত। নিজেই বলতেন, কুরানের এমন কোন আয়াত নেই যে সম্পর্কে আমি কিছু না কিছু শুনিনি। ইমাম আহমাদ ইবন হাম্বল বলতেন, কাতাদা তাফসীরের একজন বড় 'আলিম ছিলেন।^৮ ইবন হিব্রান বলেন, তিনি কুরানের সবচেয়ে বড় 'আলিম ছিলেন। ইবন নাসের উদ্দীন তাঁকে মুফাসিস্কুল কিতাব বলেছেন।^৯

হাদীছ

কাতাদার জ্ঞান চর্চার মূল বিষয় ছিল হাদীছ। এ বিষয়ে তাঁর অবস্থান ছিল অতি উঁচুতে। ইবন সাঈদ লিখেছেন, হাদীছে তিনি ছিলেন বিশ্বস্ত, আস্থাভাজন ও প্রমাণ সদৃশ্য। আল্লামা যাহাবী তাঁকে হাফিজ ও আল্লামা নামে অভিহিত করেছেন।^{১০} তাঁকে ইরাকের সবচেয়ে বড় হাফিজে হাদীছ গণ্য করা হতো। সাঈদ ইবন আল-মুসায়িব বলতেন, কাতাদার চেয়ে বড় ইরাকের কোন হাফিজে হাদীছ আমাদের এখানে আসেননি। সুফইয়ান বলতেন, দুনিয়ায় কাতাদার সমতুল্য কেউ ছিল না। বাকর ইবন 'আবদিল্লাহ আল-মুয়ানী

৫. তায়কিরাতুল হফ্ফাজ-১/১৯০-১১০

৬. তাবি'ঈন-৩৮৫

৭. তাহ্যীব আল-কামাল-১৫/২২৮

৮. তায়কিরাতুল হফ্ফাজ-১/১০৯

৯. তাহ্যীব আত-তাহ্যীব-৮/৩৫৫; শায়ারাত আয়-যাহাব-১/১৫৩

১০. তায়কিরাতুল হফ্ফাজ-১/১০৯

বলতেন, যে ব্যক্তি সবচেয়ে বড় হাফিজে হাদীছ এবং এমন ব্যক্তিকে দেখতে চায় যিনি হাদীছ যেভাবে শুনেছেন হ্রস্ব সেভাবে বর্ণনা করেন, তাহলে তার কাতাদাকে দেখা ডাচ্চত।

ما رأيت الذي هو أحفظ منه ولا أحد أرأي في الحديث كما سمعه.

“আমি এমন কাউকে দেখিনি যে তার চেয়ে হাদীছ ভালো মুখস্থকারী এবং তার চেয়ে ভালো হ্রস্ব বর্ণনাকারী।”^{১১}

‘আবদুর রহমান ইবন মাহদী বলতেন, কাতাদা ছিলেন হুমায়দ-এর মত পঞ্চাশ ব্যক্তি থেকেও বড় হাফিজে হাদীছ।’^{১২} ইমাম আহমাদ ইবন হাস্বল বলতেন, কাতাদা বসরাবাসীদের মধ্যে সবচেয়ে বড় হাফিজ ছিলেন। যা কিছু শুনতেন মুখস্থ করে নিতেন। একবার তাঁর সামনে জাবিরের সহীফা (পুস্তিকা) পাঠ করা হয়। একবার শুনেই তা মুখস্থ হয়ে যায়।^{১৩} ইবন হিবান তাঁকে তাঁর যুগের সবচেয়ে বড় হাফিজে হাদীছ গণ্য করেছেন। সুলায়মান তায়মী ও আইউব সাখতিয়ানীর মত যড় মুহাদ্দিছগণ তাঁর হাদীছের মুখাপেক্ষী ছিলেন এবং তাঁর নিকট জিজ্ঞেস করতেন।^{১৪}

শিক্ষকবৃন্দ

কাতাদার আসল ও প্রধান শায়খ ছিলেন হ্যরত হাসান আল-বাসরী (রহ)। বেশির ভাগ তাঁরই ঝর্ণাধারা থেকে জ্ঞান পিপাসা নিবৃত্ত করেন। বারো বছর তাঁর সাহচর্যে কাটান। তিনি বলতেন, আমি বারো বছর যাবত হাসান আল-বাসরীর (রহ) মজলিসে বসেছি এবং তিনি বছর তাঁর সাথে ফজরের নামায আদায় করেছি। আমার মত মানুষ তাঁর মত উচ্চ মাপের মানুষের নিকট থেকে জ্ঞান অর্জন করেছে। তিনি ছিলেন হাসান আল-বাসরীর (রহ) যোগ্যতম ছাত্রদের মধ্যে অন্যতম। আবু হাতিম বলতেন, হাসান আল-বাসরীর (রহ) সবচেয়ে বড় সঙ্গীদের মধ্যে কাতাদা একজন।^{১৫}

হাসান আল-বাসরী (রহ) ছাড়াও সে যুগের একদল শ্রেষ্ঠ মুহাদ্দিছের নিকট থেকে তিনি হাদীছ শোনেন। তাঁদের মধ্যে যেমন সাহাবায়ে কিরাম (রা) ছিলেন, তেমনি ছিলেন তাবি'ঈন কিরাম। যেমন : আনাস ইবন মালিক, আবু সাঈদ আল-খুদরী, ইমরান ইবন হুসায়ন (রা), সা'ঈদ ইবন আল-মুসায়িব, ‘ইকরিমা, আবু বুরদা ইবন আবী মূসা, শা'বী, ‘আবদুল্লাহ ইবন উত্বা ইবন মাস'উদ, মুতাররিফ ইবন ‘আবদিল্লাহ ইবন শিখ্খীর, হাসান আল-বাসরী, ‘আতা’ ইবন আবী রাবাহ, ‘আমর ইবন দীনার, মাসরুক ইবন

১১. তাহ্যীব আল-কামাল-১৫/২২৭

১২. তাহ্যীব আল-আসমা’ ওয়াল লুগাত-১/৫৭-৫৮

১৩. তায়কিরাতুল হফ্ফাজ-১/১১০

১৪. তাহ্যীব আত-তাহ্যীব-৮/৩৫৫; তাবি'ঈন-৩৮৬

১৫. তাহ্যীব আল-আসমা’ ওয়াল লুগাত-১/১৫৮

আওস, মুসলিম ইবন ইয়াসার (রহ) প্রমুখ। জামাল উদ্দীন আল-মিয়্যী শতাধিক শায়খের নাম উল্লেখ করেছেন।^{১৬}

তাঁর এ বিশেষ যোগ্যতা ছিল যে, যে মুহাদ্দিছের নিকটই তিনি গেছেন, অল্লাদিনের মধ্যে তাঁর সকল জ্ঞান আত্মস্থ করে ফেলেছেন। একবার সাঈদ ইবন আল-মুসায়িবের (রহ) নিকট কয়েকদিন অবস্থান করেন এবং এ সময়ে তিনি তাঁকে এত প্রশ্ন করেন যে তিনি দিনের মধ্যে তিনি শংকিত হয়ে তাঁকে বলেন, তুমি এখন যাও, আমার সকল জ্ঞান তুমি শূন্য করে ফেলেছো।^{১৭}

তাঁর শিষ্য-শাগরিদ

তাঁর যোগ্যতার কারণে তিনি মানুষের কেন্দ্রস্থলে পরিণত হন। অসংখ্য জ্ঞান পিপাসু মানুষ তাঁর দারসের মজলিস থেকে পরিত্ত হয়েছে। তাদের নামের তালিকা অনেক দীর্ঘ হবে। এখানে সর্বাধিক উল্লেখযোগ্য কয়েকজন ছাত্রের নাম তুলে ধরা হলো : আইউব সাখতিয়ানী, সুলায়মান তায়মী, জারীর ইবন হাযিম, শু'বা, মিস'আর, আবু বিলাল রাসিদী, মাতারুল ওয়াররাক, হাম্মাদ ইবন ইয়াহইয়া, 'আমর ইবন হারিছ আল-মিসরী, শায়বান নাহবী, সাল্লাম ইবন আবিল মুত্তী', সাঈদ ইবন আবী 'উরবা, আবান ইবন ইয়ায়ীদ আল-'আন্তার, হুসায়ন ইবন যাকওয়ানা, হাম্মাদ ইবন সালামা, আওয়াঈ, 'আমর ইবন ইবরাহীম 'আবদী, 'ইমরান আল-কাত্তান, সালিহ আল-মুরবী, 'আসিম ইবন সুলায়মান আল-আহওয়াল, সুলায়মান আল-আ'মাশ, হুমাইদ আত-তাবীল, সাঈদ ইবন আবী 'আরবা (রহ) প্রমুখ।^{১৮}

ফিক্হ

ফিক্হ শাস্ত্রেও তাঁর বিশেষ দক্ষতা ছিল। ইবন হিকান লিখেছেন, তিনি কুরআন ও ফিক্হের বড় আলিমদের একজন ছিলেন। ইমাম আহমাদ ইবন হাসল (রহ) তাফসীর ও হাদীছে দক্ষতার সাথে ফিক্হতেও তাঁর পারদর্শিতার কথা বলতেন।^{১৯} বসরার জামা'আতে ইফতার অন্যতম সদস্য ছিলেন।^{২০}

যুক্তিভিত্তিক সিদ্ধান্ত দানের ক্ষেত্রে সতর্ক

জানের বিভিন্ন শাখায় যোগ্যতা ও দক্ষতা থাকা সত্ত্বেও তিনি ফাতওয়া দানের ক্ষেত্রে দারুণ সতর্কতা অবলম্বন করতেন। কোন বিষয়ে জানা না থাকলে নিজের অভিতার কথা সাফ বলে দিতেন। নিজের মতের উপর ভিত্তি করে কোন মাসয়ালার জবাব দিতেন না। আবু হিলাল বলেন, একবার আমি কাতাদার নিকট একটি মাসয়ালা জিজ্ঞেস করলাম।

১৬. তাহ্যীব আত-তাহ্যীব-৮/৩৮১; তাহ্যীব আল-কামাল-১৫/২২৪-২২৬

১৭. তাহ্যীব আল-কামাল-১৫/২২৭

১৮. প্রাগৃত; তাহ্যীব আত-তাহ্যীব-৮/৩৫২

১৯. তাহ্যীব আত-তাহ্যীব-৮/৩৫৫; তায়কিরাতুল হফ্ফাজ-১/১০৯

২০. আলাম আল-মুওয়াক্কিঁস্ন-১/২৭

তিনি সাফ বলে দিলেন আমি জানিনে। বললাম, নিজের যুক্তির ভিত্তিতে বলে দিন।
বললেন : আমি চলিশ বছর যাবত নিজের ঘরের কোন জবাব দিইনি। যখন
তিনি একথা বলেন তখন তাঁর বয়স পঞ্চাশ বছর। তবে আবু আওয়ানা বলেন, কাতাদা
বলতেন, আমি তিরিশ বছর যাবত নিজের মত ও সিদ্ধান্তের উপর ভিত্তি করে কোন
ফাতওয়া দিইনি।^{২১}

কাতাদার মত ব্যাপক মনীষা খুব কম তাবিঁইর মধ্যে ছিল। তিনি কেবল দীনী ইল্মের
আলিম ছিলেন না, বরং সে যুগে প্রচলিত বিভিন্ন বিষয় যেমন : আরবী ভাষা, সাহিত্য,
আরব জাতির ইতিহাস, বংশ বিদ্যা প্রভৃতিরও বিশেষজ্ঞ ছিলেন। আবু উমার বলেন,
তিনি একজন বংশ বিদ্যাবিশারদ ছিলেন।^{২২}

আবু উবায়দা বলেন, বানু উমাইয়াদের পক্ষ থেকে প্রতিদিন কোন না কোন ব্যক্তি
কাতাদার নিকট ইতিহাস, কবিতা, বংশ বিদ্যা ইত্যাদি বিষয়ে কিছু না কিছু জানার জন্য
আসতো। ইবন নাসেরুল্লাহ তাঁর ব্যাপক মনীষার মূল্যায়ন করেছেন। এভাবে :^{২৩}

أبو الخطاب الضرير الأكمه مفسر الكتاب آية في الحفظ اماماً في النسب رأساً في
العربية واللغة وأيام العرب.

‘অঙ্গ আবুল খান্দাব আল-কিতাবের মুফাসির, মুবস্তু শক্তিতে একটি নির্দর্শন, বংশ
বিদ্যায় ইমাম, আরবী ভাষা, সাহিত্য ও আরবের যুদ্ধ-বিষয়ের জ্ঞানে নেতৃত্বানীয়।’

ইবন সাদ তাঁকে বসরার তৃতীয় তাবকার (স্তর) মুহাদ্দিছগণের মধ্যে উল্লেখ করেছেন।

ওফাত

হিজরী ১১৭, মতান্তরে ১১৮ সনে মৃত্যুবরণ করেন। আবু হাতিম বলেন, হাসান আল-
বাসরীর (রহ) মৃত্যুর সাত বছর পরে তিনি ওয়াসিত নগরে তাউনে (প্লেগ) আক্রান্ত হয়ে
মারা যান। মৃত্যুকালে বয়স হয়েছিল ৫৬ অথবা ৫৭ বছর। তবে তাঁর মৃত্যু সন নিয়ে
সীরাত বিশেষজ্ঞদের বিন্দুর মতভেদ আছে।^{২৪}

২১. তাহ্যীব আল-কামাল-১৫/২২৮

২২. তায়কিরাতুল হফ্ফাজ-১/১০৯

২৩. শায়ারাত আয়-যাহাব-১/১৯৩

২৪. তাহ্যীব আল-কামাল-১৫/২৩২-২৩৩

ওয়াহাব ইবন মুনাব্বিহ (রহ)

হ্যরত ওয়াহাবের (রহ) ডাকনাম আবৃ ‘আবদিল্লাহ। ইমাম যাহাবী (রহ) তাঁর পরিচয় দিয়েছেন এভাবে :^১

وَهُبْ بْنُ مَنْبِهِ الْحَافِظُ أَبُو عَبْدِ اللَّهِ الصَّنْعَانِيُّ عَالَمُ أَهْلِ الْيَمَنِ.

“ওয়াহাব ইবন মুনাব্বিহ একজন হাফিজ, ডাকনাম আবৃ ‘আবদিল্লাহ। তিনি সান‘আর অধিবাসী এবং ইয়ামনবাসীদের একজন ‘আলিম।” তিনি অন্যান্য বৎশোক্তুত। পারস্য সম্রাট কিস্রা আঁ নওশেরওয়ান যখন সায়ফ যী ইয়াখিনের নেতৃত্বে হাবশায় অভিযান চালান তখন ওয়াহাবের পিতা মুনাব্বিহ পারস্যের হারাত থেকে ইয়ামনে আসেন এবং সেখানে স্থায়ীভাবে বসতি স্থাপন করেন। রাসূলুল্লাহর (সা) জীবদ্ধশায় তিনি ইসলাম গ্রহণ করেন। তার মত অন্য যারা বাইরে থেকে ইয়ামনে স্থায়ী আবাস গড়ে তোলে ইতিহাসে তারা “আবনা” (أَبُنَا) নামে প্রসিদ্ধ।^২ এ কারণে আল্লামা আয়-যিরিকলী তাঁর পরিচয় দিতে শিয়ে বলেছেন :^৩

- وَهُبْ بْنُ مَنْبِهِ الْأَبْنَاوِيُّ وَالصَّنْعَانِيُّ سَان‘আর অধিবাসী। রাসূলুল্লাহর (সা) জীবনকালে তাঁর পিতা মুনাব্বিহ ইসলাম গ্রহণ করেন। তাঁর জন্ম ও মৃত্যু সন নিয়ে কিছুটা মত পার্থক্য আছে। তবে প্রসিদ্ধ মতে হিজরী ৩৪, খ্রীস্টাব্দ ৬৫৪ সনে ওয়াহাব ইয়ামনের সান‘আয় জন্মগ্রহণ করেন এবং হিজরী ১১৪, খ্রীস্টাব্দ ৭৩২ সনে সেখানেই শেষ নিঃশ্঵াস ত্যাগ করেন।^৪ তাঁরা ছিলেন চার ভাই : ওয়াহাব, মাকিল, হাম্মাম ও গায়লান। ওয়াহাব সবার বড় ও গায়লান সবার ছেট ছিলেন। অপর একটি বর্ণনায় মাসলামা নামে তাঁর আরেক ভাইয়ের নাম জানা যায়।^৫

জ্ঞান ও মনীষা

ইসলামী জ্ঞানে তিনি তেমন কোন উল্লেখযোগ্য ব্যক্তি ছিলেন না। তবে একেবারে অপরিচিতও ছিলেন না। অন্য অনেক ধর্মের প্রত্নাবলীর একজন সুবিজ্ঞ পণ্ডিত ছিলেন। তাই ‘আলিম তাবিউন্নের মধ্যে তাঁরও একটা বিশেষ স্থান ছিল। আয়-যিরিকলী বলেন, তিনি বিভিন্ন ধর্মের প্রাচীন গ্রন্থসমূহ থেকে বহু কাহিনীর বর্ণনাকারী এবং পূর্ববর্তীদের বহু কাহিনীর একজন অভিজ্ঞ পণ্ডিত।^৬ ইমাম নাওবী (রহ) বলেন, তিনি একজন উঁচু

১. তায়কিরাতুল হফ্ফাজ-১/১০০

২. আল-মাগায়ি আল-উলা ওয়া মুয়াল্লিফুহা-২৭; তাহ্যীব আল-কামাল-১৯/৪৮৯

৩. আল-আলাম-৮/১২৫

৪. তায়কিরাতুল হফ্ফাজ-১/১০০-১০১

৫. তাহ্যীব আল-কামাল-১৯/২৮৮, ৫০১-৫০২

৬. আল-আলাম-৮/১২৫

মর্যাদাসম্পন্ন তাবিঁঈ। তাঁর বিশ্বস্ততা ও দৃঢ়তার ব্যাপারে সকলে একমত। আল-ইজলী বলেন :^১

— كان ثقة تابعيا على قضاة صناء — ‘তিনি একজন বিশ্বস্ত, তাবিঁঈ ব্যক্তি, সান‘আর কাজীর পদে আসীন ছিলেন।’ ‘উমার ইবন ‘আবদিল আয়ীয়ের সময় তিনি কাজী ছিলেন। খলীফা ইবন খায়্যাত তাঁকে ইয়ামনীদের দ্বিতীয় তাবকায় (স্তরে) এবং ইবন সাদ তৃতীয় তাবকায় স্থান দিয়েছেন। আবু যুরআ ও আন-নাসাঈ (রহ) তাঁকে ‘ছিকা’ (বিশ্বস্ত) বলে প্রত্যয়ন করেছেন।’^২

হাদীছ

বহু সাহাবীর নিকট থেকে তিনি হাদীছের জ্ঞান লাভ করেন। ‘আবদুল্লাহ ইবন ‘উমার, আবু হুরায়রা, জাবির ইবন ‘আবদিল্লাহ, ‘আবদুল্লাহ ইবন ‘আবাস, ‘আবদুল্লাহ ইবন ‘আমর ইবন আল-আস, আবু সাঈদ আল-খুদরী, আনাস ইবন মালিক, নুর্মান ইবন বাশীর (রা) প্রমুখ সাহাবীর সূত্রে তাঁর বর্ণনা পাওয়া যায়। তাবিঁঈদের মধ্যে তাউস ইবন কায়সান, ‘আমর ইবন দীনার, ‘আমর ইবন শু‘আয়ব, তাঁর ভাই হাম্মাম ইবন মুনাব্বিহ (রহ) প্রমুখের নিকট থেকে তিনি হাদীছ শোনেন।’^৩

তাঁর নিকট থেকে যাঁরা হাদীছ শুনেছেন ও বর্ণনা করেছেন তাঁদের মধ্যে বিশেষ উল্লেখযোগ্য কয়েকজন হলেন : তাঁর দু’পুত্র ‘আবদুল্লাহ ও ‘আবদুর রহমান, ভাতিজা ‘আবদুস সামাদ ও ‘আকীল, দৌহিত্র ইদরীস ইবন সিনান এবং অন্যদের মধ্যে ‘আমর ইবন দীনার, সিমাক ইবন ফাদল, ইসরাইল আবু মূসা (রহ) ও আরো অনেকে।^৪

বিভিন্ন ধর্মীয় গ্রন্থে তাঁর পাণ্ডিত্য

পূর্বেই উল্লেখিত হয়েছে যে, তিনি অন্য ধর্মের গ্রন্থসমূহের একজন খ্যাতিমান বিশেষজ্ঞ ছিলেন। এ বিষয়ে তাঁর সমকক্ষ পারদর্শী সেকালে আর কেউ ছিলেন না। ইমাম নাওবী (রহ) বলেন, তিনি প্রাচীন গ্রন্থসমূহের জ্ঞানের জন্য বিখ্যাত ছিলেন।^৫

ইমাম যাহাবী (রহ) বলেন :^৬

كان ثقة واسع العلم ينظر بکعب الأخبار في زمانه.

“তিনি ছিলেন বিশ্বস্ত, ব্যাপক জ্ঞানের অধিকারী। তাঁর যুগে তাঁকে কা‘ব আল-আহবারের সমকক্ষ বলে মানা হতো।”

৭. তাহ্যীব আল-আসমা’ ওয়াল লুগাত-১/১৪৯

৮. তাহ্যীব আল-কামাল-১৯/৪৮৮; তাবিঁঈন-৫০৩

৯. তাহ্যীব আত-তাহ্যীব-১৯/৪৮৭

১০. প্রাণ্ডজ; তাহ্যীব আল-কামাল-১৯/৪৮৮

১১. তাহ্যীব আল-আসমা’-১/১৪৯

১২. তাযকিরাতুল হফ্ফাজ-১/১০১

উল্লেখ্য যে, এই কা'ব আল-আহবার ছিলেন একজন মহাজ্ঞানী ব্যক্তি। আহলি কিতাবের শ্রেষ্ঠ 'আলিমগণের একজন। হ্যরত আবু বাকরের (রা) খিলাফতকালে ইসলাম প্রচরণ করেন এবং হ্যরত 'উমারের (রা) খিলাফতকালে ইয়ামন থেকে মদীনায় আসেন।

ওয়াহাব ইবন মুনাবৰিহ সম্পর্কে একথাও প্রচলিত আছে যে, তিনি ইহুদী বংশোদ্ধৃত। প্রাচীন আরবী গ্রন্থসমূহে ছড়িয়ে থাকা অধিকাংশ ইহুদী উপাখ্যানসমূহের উৎস তিনি। প্রাচীন গ্রীক, সুরইয়ানী, ও হিমইয়ারী ভাষায় অত্যন্ত দক্ষ ছিলেন এবং দুর্বোধ্য প্রাচীন লেখা যা কেউ পাঠ করতে পারতো না, তিনি তা সহজে খুব সুন্দরভাবে পাঠ করতেন।^{১৩} ইয়ামনী আহলি কিতাব, যাদের সংখ্যা সে সময় দক্ষিণ আরবে যথেষ্ট বৃদ্ধি পেয়েছিল, তাদের সাথে ওয়াহাব ইবন মুনাবৰিহর ব্যক্তিগত সুসম্পর্ক ছিল এবং সেই সুযোগ কাজে লাগিয়ে তিনি ইহুদী ও খ্রীস্টানদের পরিত্র গ্রন্থসমূহের বিষয়বস্তু আয়ত্ত করেন।

বিভিন্ন বর্ণনা থেকে জানা যায়, তিনি বিরানবই (৯২) খানা আসমানী গ্রন্থ অধ্যয়ন করেন। তার মধ্যে এমন কয়েকখানি ছিল যে সম্পর্কে মানুষের জ্ঞান খুবই অপ্রতুল। দাউদ ইবন কায়স বলেন : তিনি বলতেন, আমি বিরানবই খানা গ্রন্থ পাঠ করেছি যার সবগুলোই আসমানী। বাহাতুর (৭২) খানা গির্জায় এবং মানুষের হাতে আছে। আর বিশ (২০) খানার জ্ঞান খুব কম সংখ্যক লোকেরই আছে। কোন কোন বর্ণনায় একথা এসেছে যে, তিনি এমন তিরিশখানা গ্রন্থ পাঠ করেন যা তিরিশ জন নবীর উপর নাযিল হয়েছিল।^{১৪}

যাই হোক না কেন, একথা সর্বজন স্বীকৃত যে, তিনি অতীতের আসমানী গ্রন্থসমূহের একজন বড় 'আলিম ছিলেন এবং এ বিষয়ের বিখ্যাত দু'জন বিশেষজ্ঞ কা'ব আল-আহবার ও 'আবদুল্লাহ ইবন সালামের (রা) সামষ্টিক জ্ঞান তাঁর একক সন্তান মধ্যে পুঁজিভূত করেন। নিজের জ্ঞানের জন্য তাঁর দৃঢ় আত্মপ্রত্যয়ও ছিল। যেমন তিনি বলেন :^{১৫}

يقولون عبد الله بن سلام أعلم أهل زمانه، وكتب أعلم أهل زمانه. أفرأيت من جمع علمهما؟ يعني نفسه.

"লোকেরা বলে থাকে 'আবদুল্লাহ ইবন সালাম তাঁর যুগের সবচেয়ে বড় জ্ঞানী, কা'ব তাঁর যুগের সবচেয়ে বড় জ্ঞানী। তুমি কি দেখেছো কে এই দু'জনের জ্ঞান জমা করেছে? মূলত সেই ব্যক্তি যে তিনি নিজে সে কথা বলতে চেয়েছেন।"

কেউ কেউ "কাদরিয়া" মতবাদে বিশাসী ছিলেন বলে তাঁর প্রতি দোষারোপ করেছেন এবং পরবর্তীতে তা থেকে প্রত্যাবর্তন করেছেন, সে কথাও বলেছেন। তাঁরা দাবী করেন,

১৩. জাওয়াদ 'আলী তারীখ আল-'আরাব কাবলাল ইসলাম-১/৮৪

১৪. আত-তাবাকাত-৫/৩৯২

১৫. তাহ্যীব আল-কামাল-১/৪৮৯

এ বিষয়ে তিনি একখানা পুস্তক রচনা করেন; অতঃপর অনুত্পন্ন হন। এ প্রসঙ্গে তিনি বলতেন :^{১৬}

كنت أقول بالقدر حتى قرأت بضعة وسبعين كتابا من كتب الأنبياء في كلها : من جَعَلَ إِلَيْهِ شَيْئاً مِنَ الْمُشَيَّةِ فَقَدْ كَفَرَ . فَتَرَكْتُ قَوْلَيْ.

“আমি ‘কাদর’ বা ইচ্ছার স্বাধীনতার কথা বলতাম। অবশ্যে নবীদের সন্তরের অধিক গ্রন্থ পাঠ করলাম। তার সবগুলোতে আছে, যে কেউ ইচ্ছার কোন কিছু নিজের দিকে আরোপ করবে, কাফির হয়ে যাবে। অতঃপর আমি আমার কথা ত্যাগ করি।”

বৃক্ষ বয়সে তাঁকে কারারুদ্ধ করা হয় এবং কঠোরতার মুখোমুখি হতে হয়।

ইতিহাস

ওয়াহাব ইবন মুনাব্বিহ (রহ) একজন বড় ঐতিহাসিক এবং ইতিহাস গ্রন্থ প্রণেতা। আরবী ভাষায় সংকলক ও গ্রন্থ রচনার সূচনা হয় মূলত উমাইয়া যুগে। এ ক্ষেত্রে যাঁরা অঙ্গী ভূমিকা পালন করেন তিনি তাঁদের মধ্যে অন্যতম। ড. ‘উমার ফাররুখ বলেন :^{১৭}

ولقد عَرَفَ العَصْرُ الْأَمْوَى تدوينًا بِمَعْنَى التَّأْلِيفِ مَنْسُوبًا إِلَى وَهْبِ بْنِ مُبْنَى فِي الْأَخْبَارِ، وَإِلَى مُحَمَّدِ بْنِ عَبْدِ الرَّحْمَنِ الْعَامِرِيِّ (ت ١٢٠ هـ) الْفَقِهِ، وَإِلَى مُحَمَّدِ بْنِ مُسْلِمِ الزَّهْرِيِّ (ت ١٢٤ هـ) فِي الْحَدِيثِ، وَلَكِنْ لَمْ يَصُلْ إِلَيْنَا شَيْئًا مِنْ تدوينِ ذَلِكَ الْعَصْرِ.

“উমাইয়া যুগ যে লিপিবদ্ধকরণ তথা গ্রন্থ রচনার সাথে পরিচিত হয়, ইতিহাস বিষয়ে তা ওয়াহাব ইবন মুনাব্বিহর প্রতি আরোপ করা হয়। আর ফিক্হ ও হাদীছে তা আরোপ করা হয় যথাক্রমে মুহাম্মাদ ইবন ‘আবদির রহমান আল-আমিরী (মৃ. ১২০ হি.) ও মুহাম্মাদ ইবন মুসলিম আয়-যুহুরীর (মৃ. ১২৪ হি.) প্রতি। তবে সে যুগের লেখা কোন কিছু আমাদের নিকট পৌছেনি।”

ঐতিহাসিক জুরজী যায়দান বলেন :^{১৮}

ثم اشتغلوا في تدوين التاريخ خصوصا المغازي، وأقدم ماوصل إلينا خبره من كتبهم في هذا الموضوع كتاب ألفه وهب بن مبنى صاحب الأخبار والقصص... فألف كتابا في الملوك المتوجة من حمير وأخبارهم وأشعارهم وقصصهم. قال ابن خلكان انه شاهده بنفسه واثنى عليه.

১৬. প্রাত্মক-১৯/৮৯১

১৭. ড. ‘উমার ফাররুখ, তারীখ আল-আদাব আল-আরাবী-১/৩৭৯

১৮. জুরজী যায়দান, তারীখ আত-তামাদুন আল-ইসলামী-২/৫৮; ইবন খালিকান, ওয়াফাইয়াত আ’য়ান-২/১৮০

“অতঃপর তাঁরা ইতিহাস, বিশেষতঃ মাগার্যী (যুদ্ধ-বিগ্রহের ইতিহাস) রচনায় আত্মানিয়োগ করেন। এ বিষয়ে সর্বপ্রাচীন যে প্রস্তুতির কথা আমাদের নিকট পৌছেছে তা হলো ইতিহাস ও কাহিনী বিশেষজ্ঞ ওয়াহাব ইবন মুনাব্বিহ রচিত প্রস্তুতি।... তিনি ইয়ামনের হিময়ার রাজ বংশের মুকুটধারী রাজন্যবর্গ, তাঁদের ইতিহাস, কবিতা ও উপাখ্যান বিষয়ে একখানা প্রভু রচনা করেন। ইবন খালিকান বলেন, তিনি সে প্রস্তুতি দেখেছেন এবং সেটির প্রশংসনোত্তম করেছেন।”

বিখ্যাত “কাশ্ফুজ জুনুন” প্রচ্ছের রচয়িতা হাজী খলীফা বলেন, ওয়াহাব ইবন মুনাব্বিহ মাগার্যী অর্থাৎ রাসূলুল্লাহর (সা) যুদ্ধ-বিগ্রহের তথ্য সংগ্রহ করেন। তবে সীরাতের প্রাচীন প্রস্তুতিহীনে সীরাতুন নাবীর বর্ণনাকারীদের সাথে তাঁর নাম উল্লেখ করা হয়নি।^{১৯}

ওয়াহাব ইবন মুনাব্বিহ বর্ণিত হ্যারত রাসূলে কারীমের (সা) খুব অল্প তথ্যই আমাদের নিকট পৌছেছে। Schott Reinhardt কৃত সংকলনে Papyrus-এর উপর লেখা ছোট একটি টুকরো C. H-Becker লাভ করেন। তাতে বায়‘আতে ‘আকাবার উল্লেখ আছে। লেখাটি জার্মানীর Heidelberg-এ সংরক্ষিত আছে।^{২০}

ইবন ইসহাক ওয়াহাব ইবন মুনাব্বিহ থেকে ফায়ামিউন ও সালিহ সম্পর্কে আলোচনা প্রসঙ্গে নাজরানে খস্ট ধর্মের প্রচার ও প্রসারের কাহিনী বর্ণনা করেছেন। বর্ণনাটির উপসংহারে ইবন ইসহাক বলেছেন :

‘- فهذا حديث وهب بن منبه عن أهل نجران. -’ এই হলো নাজরানবাসীদের সম্পর্কে ওয়াহাব ইবন মুনাব্বিহের বক্তব্য।^{২১}

বিভিন্ন মূল স্ক্রিপ্টসমূহে ওয়াহাবকে “ছিকা” বা বিশ্বস্ত বলা হয়েছে। কিন্তু বর্ণনাকারীগণ অতি অল্প ক্ষেত্রেই তাঁর বর্ণনা প্রহণের জন্য আগ্রহী হয়েছেন। পাক্ষাত্তরে মদীনার অন্য বর্ণনাকারীদের নিকট থেকে তাঁরা গ্রহণ করেছেন। ইমাম বুখারী ও ইমাম মুসলিম একটি হাদীছ বর্ণনা করেছেন, যা ওয়াহাব ইবন মুনাব্বিহ তাঁর ভাই হাম্মাম থেকে এবং তিনি আবু হুরায়রা (রা) থেকে বর্ণনা করেছেন। উল্লেখ্য যে, এই হাম্মাম একজন দীর্ঘজীবি মানুষ ছিলেন এবং প্রায় ১৩০ বছর জীবন লাভ করেন।^{২২}

ওয়াহাব ইবন মুনাব্বিহ (রহ) একজন সত্যনির্ণীত মানুষ ছিলেন। বিভিন্ন ধর্মের উল্লেখিত প্রভাবলী অধ্যয়নের কারণে তিনি আরো বিচক্ষণ ও ইবাদতকারী হয়ে যান। তিনি সারা বাত নামাযে দাঁড়িয়ে কাটাতেন। একাধারে বিশ বছর ঈশ্বার নামাযের ওজুতে ফজরের নামায আদায় করেন। এত কোমল প্রকৃতির ছিলেন যে, জীবনে কাউকে কখনো কটু কথা বলেননি বা গালি দেননি।^{২৩}

১৯. আল-মাগার্যী আল-উনা ওয়া মুয়াল্লিফুহা-৩০-৩৪

২০. মুকান্দিমা, আল-মাগার্যী আল-উলা-২২

২১. সীরাতু ইবন হিশাম-১/৩১-৩৪

২২. তায়কিবাতুল হফফাজ-১/১০১; তাহ্যীব আল-কামাল-১৯/৫০২

২৩. প্রাগুক

আধ্যাত্মিকতায় তাঁর স্থান ছিল অতি উচুতে। তাঁর থেকে সংঘটিত কিছু অলৌকিক কর্মকাণ্ডের কথা ইতিহাসে বর্ণিত হয়েছে। যেমন আবৃ কাহীর ইবন উবায়েদ একবার তাঁর সাথে ‘সাদা’ নামক স্থানে একজনের বাড়িতে যান এবং রাত্রি যাপন করেন। রাতে বাড়ির সকল বাতি নিভিয়ে দেওয়ার পর সকলে শয্যা গ্রহণ করে। গভীর রাতে গৃহকর্তার মেয়ে ঘর থেকে বেরিয়ে দেখে ওয়াহাবের ঘরে আলো। সে তার পিতাকে বিষয়টি অবহিত করে। পিতা জানালার ছিদ্রপথে উঁকি দিয়ে দেখে তাঁর পা দুটি এত উজ্জ্বল দেখাচ্ছে যেন সূর্যের আলোর শুভ্রতা ছড়িয়ে পড়ছে। সকালে গৃহকর্তা ওয়াহাবকে বললেন : গত রাতে আমি আপনাকে এমন এক অবস্থায় দেখেছি যা আর কাউকে কখনো সে অবস্থায় দেখিনি। তিনি জানতে চাইলেন, কী অবস্থায় দেখেছেন? তিনি বললেন : আমি আপনাকে সূর্যের আলো থেকেও উজ্জ্বল আলোর মধ্যে দেখেছি। তাঁর কথা শনে ওয়াহাব বললেন : যা দেখেছেন গোপন রাখুন।^{২৪}

‘আবদুস সামাদ ইবন মাকিল বলেন, একবার ওয়াহাবকে বলা হলো, ওহে আবু ‘আবদিল্লাহ : আপনি স্বপ্ন দেখে আমাদের নিকট বর্ণনা করেন এবং তা সবই সত্যে পরিণত হয়। তিনি বললেন : এখন আর সে অবস্থায় নেই। যেদিন আমি কাজীর দায়িত্ব গ্রহণ করেছি সেদিন থেকে সেই অবস্থাটি চলে গেছে।’^{২৫}

যাই হোক না কেন, একথা সত্য যে, কা’ব আল-আহবারের মত ওয়াহাব ইবন মুনাব্বিহের মাধ্যমে মুসলমানদের মধ্যে বহু ভিত্তিহীন ইহুদী উপাখ্যান ছড়িয়ে পড়েছে।

সীরাতের গ্রন্থাবলীতে তাঁর বহু জ্ঞানগর্ভ কথা পাওয়া যায়। নিম্নে তার কিছু তুলে ধরা হলো :

একবার তিনি ‘আতা’ আল-খুরাসানীকে বলেন :^{২৬}

كَانَ الْعُلَمَاءُ قَبْلَنَا قَدْ اسْتَعْنُوا بِعِلْمِهِمْ عَنْ دُنْيَا غَيْرِهِمْ، فَكَانُوا لَا يَلْتَفِتُونَ إِلَى دُنْيَا هُمْ،
وَكَانَ أَهْلُ الدُّنْيَا يَبْذَلُونَ دُنْيَا هُمْ فِي عِلْمِهِمْ، فَأَصْبَحَ أَهْلُ الْعِلْمِ مِنَ الْيَوْمِ يَبْذَلُونَ لِأَهْلِ
الْدُّنْيَا عِلْمَهُمْ رَغْبَةً فِي دُنْيَا هُمْ، وَأَصْبَحَ أَهْلُ الدُّنْيَا قَدْ زَهَدُوا فِي عِلْمِهِمْ لَمَأْرُوا مِنْ
سُوءٍ مَوْضِعَهُ عِنْهُمْ.

“আমাদের পূর্ববর্তীকালের জ্ঞানী ব্যক্তিগণ নিজেদের জ্ঞান নিয়ে অন্যদের দুনিয়া থেকে মুখাপেক্ষীহীন থাকতেন। তাঁরা অন্যদের দুনিয়ার প্রতি দৃষ্টি দিতেন না। আর দুনিয়াদার লোকেরা জ্ঞানীদের জ্ঞানচর্চার পিছনে তাদের দুনিয়া ব্যয় করতো। আমাদের আজকের দিনের জ্ঞানীরা যখন দুনিয়াদার লোকদের দুনিয়া পাওয়ার লোভে তাদের জ্ঞান ব্যয় করেন তখন দুনিয়াদার লোকেরা জ্ঞানীদের এই নিকৃষ্ট অবস্থান প্রত্যক্ষ করে তাদের

২৪. তাহ্যীর আল-কামাল-১৯/৮৯০

২৫. প্রাতঙ্গ-১৯/৮৯১

২৬. প্রাতঙ্গ-১৯/৮৯২

দুনিয়া জ্ঞানীদের জ্ঞানচর্চার পিছনে ব্যয় করা ছেড়ে দিয়েছে।” তিনি একবার মসজিদের মিস্বরে দাঁড়িয়ে ভাষণ দিচ্ছিলেন। ভাষণে তিনি বলেন :^{১৯}

احفظوا عنى ثلاثة : إياكم وهوى متبعاً، وقرین سوء وعجائب العراء بنفسه.

“আমার এই তিনটি কথা মনে রাখবে : অনুসৃত প্রবৃত্তি, খারাপ বঙ্গ ও আত্ম-ভুষ্টি- এই তিনটি জিনিস থেকে তোমরা দূরে থাকবে।”

আবদুস সামাদ বলেন, আমি ওয়াহাব ইবন মুনাব্বিহকে বলতে শুনেছি :^{২০}

دع المرأة والجidal من أمرك، فإن لن يعجز أحد رجلين : رجل هو أعلم منك.

فكيف تُعَادِي وَتُجَادِل من هو أعلم منك؟ ورجل أنت أعلم منه فكيف تعادي من

أنت أعلم منه ولا يطيعك؟ قلع عن ذلك.

“তোমার কোন বিষয়ে ঝগড়া-বিবাদ পরিহার কর। কারণ দুই ব্যক্তিকে কখনো পরাভূত করা যায় না। এক ব্যক্তি যে তোমার চেয়ে বেশি জানে। যে তোমার চেয়ে বেশি জানে তার সাথে তুমি কিভাবে ঝগড়া ও শক্রতা করবে? আরেক ব্যক্তি যার থেকে তুমি বেশি জান। সুতরাং তুমি যার থেকে বেশি জান, অর্থ সে তোমাকে মানে না, তার সাথে তুমি ঝগড়া ও শক্রতা করবে কিভাবে? সুতরাং তা থেকে বিরত থাক।”

আবু সালাম ওয়াহাব ইবন মুনাব্বিহ থেকে বর্ণনা করেছেন। তিনি বলেন :

الْعِلْمُ خَلِيلُ الْمُؤْمِنِ، وَالْحَلْمُ وَزِيرُهُ. وَالْعَقْلُ دَلِيلُهُ، وَالْعَقْلُ قَيْمَهُ، وَالصَّبْرُ أَمِيرُ جُنُودِهِ، وَالرَّفْقُ أُبُوهُ، وَاللَّذِينَ أَخْوَهُ.

“জ্ঞান মুমিন ব্যক্তির বঙ্গ, বিচক্ষণতা তার মন্ত্রী, বুদ্ধিমত্তা তার নির্দেশিকা, কর্ম তার তত্ত্বাবধায়ক, ধৈর্য তার বাহিনীর পরিচালক, দয়া-সহানুভূতি তার পিতা এবং কোমল আচরণ তার ভাই।”

তিনি সব সময় বলতেন :

المؤمن ينظر لِيَعْلَمَ ويسكت، ويتكلم ليفهم، ويخلو ليغمض.

“মু’মনি ব্যক্তি দেখে শেখার জন্য এবং চুপ থাকে, কথা বলে বুঝার জন্য এবং নির্জনতা অবলম্বন করে সাফল্য লাভের জন্য।”

তিনি আরো বলেন :

الإِيمَانُ عُرْيَانٌ، وَلِبَاسُهُ التَّقْوَى، وَزِينَتُهُ الْحَيَاةُ، وَمَالُهُ الْفَقْهُ.

২৭. প্রাণক

২৮. প্রাণক

২৯. প্রাণক

“ঈমান হলো একেবারে খোলামেলা পবিত্র বিষয়, তার পোশাক হলো আস্ত্রাহতীতি, তার সাজ-শোভা হলো লজ্জা-শরম এবং তার সম্পদ হলো বিজ্ঞতা।”

একবার তিনি তাঁর এক সঙ্গীকে বললেন :^{৩০}

ألا أعلمك علمًا لا يتعارى الفقهاء فيه؟ قال : بلى. قال : إن سُئلْتَ عن شيءٍ عندك
فِيهِ عِلْمٌ فَأُخْبِرُ بِعِلْمِكَ، وَإِلَّا فَقُلْ : لَا أَدْرِي.

“আমি কি তোমাকে এমন একটি জ্ঞান শিক্ষা দেব যে ব্যাপারে ফকীহগণ অক্ষম হননি? সে বললো : হা, দিন। বললেন : যদি কেউ তোমাকে এমন কোন বিষয়ে জিজ্ঞেস করে যে সম্পর্কে তোমার জ্ঞানে আছে, তাহলে তুমি তোমার জ্ঞান অনুযায়ী তাকে অবহিত করবে, অন্যথায় বলবে : আমি জানিনে।”

‘আমর ইবন ‘আমির আল-বাজালী বলেন, ওয়াহাব ইবন মুনাব্বিহ বলতেন :

ثَلَاثَ كُنْ فِيهِ أَصَابُ الْبَرْ : سُخَاوَةُ النَّفْسِ، وَالصَّبْرُ عَلَى الْأَذْى، وَطَيِّبُ الْكَلَامِ.
“তিনটি জিনিস যার মধ্যে থাকবে সে সৎ শুণের অধিকারী হবে : অন্তরের উদারতা, কষ্টের সময় দৈর্ঘ্যধারণ এবং মিষ্টি কথা বলা।”

‘আকবাস ইবন ইয়ায়ীদ বলেন, ওয়াহাব ইবন মুনাব্বিহ বলতেন :

اسْتَكْثَرَ مِنَ الْإِخْوَانِ مَا اسْتَطَعْتُ، فَإِنَّكَ إِنْ اسْتَغْنَيْتَ عَنْهُمْ لَمْ يَضْرُوكَ وَإِنْ احْتَجْتَ إِلَيْهِمْ نَعْفُوكَ.

“যথা সম্ভব বদ্ধুর সংখ্যা বৃদ্ধি করবে। তুমি যদি তাদের মুখাপেক্ষী না হও তাতে তারা তোমার কোন ক্ষতি করবে না, আর মুখাপেক্ষী হলে তারা তোমার উপকার করবে।”

তিনি বলতেন :

إِذَا اسْمَعْتَ الرَّجُلَ يَمْدُحُكَ بِمَا لَيْسَ فِيهِ، فَلَا تَأْمُنْهُ أَنْ يَدْمُكَ بِمَا لَيْسَ فِيهِ.
“যখন কোন ব্যক্তিকে তোমার মধ্যে নেই এমনগুলের কথা বলে তোমার প্রশংসা করতে শুনবে তখন তোমার মধ্যে নেই এমন দোষের কথা বলে তোমাকে নিন্দা না করার ব্যাপারেও তাকে আস্ত্রাভাজন মনে করবে না।”

‘আবদুল্লাহ ইবন আল-মুবারক বলেন, একবার এক ব্যক্তি এসে তাঁকে বললো, মানুষ এখন যেসব কাজ করছে, তাতে আমি সিদ্ধান্ত নিয়েছি যে, তাদের সাথে আর মেলামেশা করবো না। তিনি বললেন না, এমন করবে না। মানুষ তোমার কাছে আসবে, তুমি ও তাদের কাছে যাবে, তাদের তোমার কাছে প্রয়োজন আছে, তোমারও তাদের কাছে প্রয়োজন আছে। তবে তুমি তাদের মধ্যে থাকবে বধির শ্রোতা, অক্ষ চক্ষুশ্রান্ব এবং নিরব বক্তা হিসেবে।

জাফার ইবন বুরকান বর্ণনা করেন, ওয়াহাব ইবন মুনাব্বিহ বলতেন : সুসংবাদ সেই ব্যক্তির জন্য, যার নিজের দোষ তার ভাইয়ের দোষ চর্চা থেকে বিরত রেখেছে। সুসংবাদ সেই ব্যক্তির জন্য যে অক্ষম হওয়ার পূর্বে আল্লাহর কাছে নত হয়েছে। সুসংবাদ সেই ব্যক্তির জন্য যে কোন রকম পাপ-পঞ্চিলতা ছাড়া অর্জিত অর্থ-সম্পদ থেকে সাদাকা করে। সুসংবাদ ক্ষতিগ্রস্ত ও অক্ষমদের জন্য। সুসংবাদ তার জন্য যে জানী ও বিচক্ষণ লোকদের সাথে বসে। সুসংবাদ তার জন্য সুন্নাহ যাকে ধারণ করেছে, সুতরাং সে তার সীমা অতিক্রম করে না।”

আল-হায়ছাম ইবন ‘আদী বলেন, ওয়াহাব ইবন মুনাব্বিহ বলতেন : “নির্বোধ ব্যক্তি যখন কথা বলে তখন তার নির্বান্ধিতা তাকে লজ্জিত করে, যখন চুপ থাকে তখন তার এই অক্ষমতাই তাকে লজ্জিত করে। কাজ করলে বিকৃত করে, পরিত্যাগ করলে বিনষ্ট করে। তার নিজের জ্ঞান যেমন তাকে সাহায্য করে না, তেমনি অন্যের জ্ঞানও তার কোন উপকারে আসে না। মা মনে করে তার সন্তানের মৃত্যু হয়েছে, স্ত্রী মনে করে স্বামীহারা হয়েছে। তার অতিবেশী তার থেকে একাকীভু কাষনা করে, তার বন্ধুরা তার থেকে নির্জনতা অবলম্বন করে।” এরপর তিনি কবি মিসকীন আদ-দারিমীর নিম্নের শ্লোকগুলো আবৃত্তি করতেন।^{৩১}

أَتْقَ الْأَحْمَقُ أَنْ تَصْبِهِ + إِنَّمَا الْأَحْمَقُ كَالثُوبُ الْخَلِقُ
كُلُّمَا رَقَعَتْ مِنْهُ جَانِبًا + حَرْكَتْهُ الرِّيحُ وَهُنَّا فَانْخَرَقُ

أَوْ كَصَدْعُ فِي زِجَاجٍ فَاحْشٌ + هَلْ تَرَى صَدْعُ زِجَاجٍ يَتَفَقَّ
وَإِذَا جَالَسَهُ فِي مَجْلِسٍ + أَفْسَدَ الْمَجْلِسَ مِنْهُ بِالْخُرْقِ
وَإِذَا نَهَتْهُ كَيْ يَرْعُوِي + زَادَ جَهْلًا وَتَمَادِي فِي الْحُمْقِ.

“বোকা লোকের সাহচর্য থেকে দূরে থাক। বোকা লোক জীর্ণ পোশাকের মত। তুমি তার কোন একদিকে তালি লাগালে, বাতাসের দোলায় তার দুর্বল অংশ আবার ফেটে যাবে। অথবা সে কাঁচে ভাঙ্গনের মত। তুমি কি কাঁচের ভাঙ্গন জোড়া লাগতে দেখেছো? তুমি তার সাথে কোন সমাবেশে বসলে, সে তার বোকামী দ্বারা সমাবেশ নষ্ট করে দেবে। সতর্ক করার জন্য যদি তুমি তাকে নিষেধ কর তাহলে তার মুর্খতা বৃদ্ধি পাবে এবং নির্বান্ধিতার চূড়ান্তে পৌছাবে।”

তিনি একজন বুদ্ধিমান ব্যক্তির চরিত্রের দশটি বৈশিষ্ট্যের কথা বলেছেন। যেমন : বিচক্ষণতা, জ্ঞান, সঠিক পথগ্রাম হওয়া, নিষ্কলুষ চরিত্রের অধিকারী হওয়া, সকল পঞ্চিলতা থেকে নিজকে সংরক্ষণ করা, লজ্জা-শরম, গান্ধীর্য, সর্বদা কল্যাণের উপর থাকা, মন্দ ও অকল্যাণ প্রত্যাখ্যান করা এবং যারা অকল্যাণের উপর থাকে তাদেরকে ঘৃণা করা, উপদেশ দানকারীর উপদেশ গ্রহণ ও তার আনুগত্য করা।” তারপর তিনি প্রত্যেকটি

৩১. প্রাগুক্ত-১৯/৮৯৩-৮৯৪

বৈশিষ্ট্য থেকে বের হওয়া দশটি করে শাখা বৈশিষ্ট্যের কথা উল্লেখ করেছেন।^{৩২}

তিনি ছিলেন একজন সুরসিক ও উদার মনের মানুষ। সহজে রাগতেন না। ইবন ‘আয়াশ বলেন, একবার আমি ওয়াহাব ইবন মুনাব্বিহর সাথে বসে আছি। এমন সময় এক ব্যক্তি এসে ওয়াহাবকে বললো— আমি অমুক ব্যক্তির পাশ দিয়ে যাওয়ার সময় শুনলাম, সে আপনাকে গালি দিচ্ছে। তার কথা শুনে ওয়াহাব রাগের সাথে বললেন :

أَمَا وَجَدَ الشَّيْطَانُ رَسُولًا غَيْرَكَ؟

‘শয়তান কি তোমাকে ছাড়া আর কোন রাসূল (দৃত) পায়নি?’

আমি সেখানে বসে থাকতেই সেই গালি দানকারী লোকটি আসে এবং সালাম দেয়। ওয়াহাব সালামের জবাব দিয়ে তার সাথে হাত মিলান এবং হাসিমুখে তার হাত ধরে নিজের পাশে বসান। বর্ণিত হয়েছে, চল্লিশ বছরের মধ্যে তিনি প্রাণ আছে এমন কোন কিছুকে গালি দেননি।^{৩৩}

তিনি সাধারণত রাগতেন না, তবে অন্যায় কোন কিছু দেখলে রেগে যেতেন। সিমাক ইবন আল-ফাদল বলেন, একবার আমরা ‘উরওয়া’ ইবন মুহাম্মাদের নিকট বসা ছিলাম। ওয়াহাব ছিলেন ‘উরওয়া’র পাশেই। এ সময় কিছু লোক এসে তাদের এলাকার শাসকের বিরুদ্ধে কিছু অভিযোগ তুলে ধরলো। তার মধ্যে কিছু মন্দ কথাও ছিল। ওয়াহাব ‘উরওয়া’র হাতে থাকা লাঠিটি কেড়ে নিয়ে অভিযুক্ত শাসনকর্তার মাথায় সজোরে আঘাত করেন। তাতে তার মাথা কেটে রক্ত গড়িয়ে পড়ে। ওয়াহাবের এমন রাগ দেখে ‘উরওয়া’ হাসতে হাসতে চিৎ হয়ে শুয়ে পড়েন। তারপর বলেন, আমরা রেগে যাই বলে আবৃ ‘আবদিল্লাহ’ ওয়াহাব দোষারোপ করেন, আর এখন তিনিই এভাবে রেগে গেলেন? বললেন : আমি না রেগে পারি কি করে? যিনি ধৈর্য ও সহনশীলতার স্মষ্টা তিনিই তো রেগে যান। তিনি বলেন :

فَلَمَّا اسْقَوْنَا إِنْتَقْمَنْتَا مِنْهُمْ فَأَغْرِقْنَاهُمْ أَجْمَعِينَ.

‘যখন তারা আমাকে ক্রেত্তুত্বাত্মিত করলো, আমি তাদেরকে শাস্তি দিলাম এবং ঝুঁটিয়ে দিলাম তাদের সকলকে।^{৩৪}

আল-জা’দ ইবন দিরহাম বলেন :^{৩৫}

مَا كَلِمْتُ عَالِمًا قَطُّ إِلَّا غَضَبَ، وَحَلَّ حَبْوَتَهُ غَيْرُ وَهْبِ بْنِ مَنْبِهِ.

‘আমি যখনই কোন ‘আলিমের সাথে কথা বলেছি তাকে রেগে নিজের নিয়ন্ত্রণ হারিয়ে ফেলতে দেখেছি। কিন্তু ব্যতিক্রম শুধু ওয়াহাব ইবন মুনাব্বিহ।’

৩২. প্রাঞ্জলি-১৯/৪৯৮-৫০১

৩৩. প্রাঞ্জলি-১৯/৪৯০, ৪৯৩

৩৪. প্রাঞ্জলি-১৯/৪৯১

৩৫. প্রাঞ্জলি-১৯/৪৯০

মুহাম্মাদ ইবন ইসহাক (রহ)

মুহাম্মাদ-এর ডাকনাম আবু 'আবদিল্লাহ, মতান্তরে আবু বাকর এবং পিতার নাম ইসহাক। দাদা ইয়াসার ছিলেন 'আয়নুত তামার-^(عين التمن) এর যুদ্ধবন্দীদের একজন। মুস'আব ইবন 'আবদিল্লাহ আবু বুয়ারী তাঁর পরিচয় দিয়েছেন এভাবে :'

يسار مولى عبد الله بن قيس، جد محمد بن إسحاق صاحب "المغازي" من سبى
عين التمن، وهو أول سبي دخل المدينة من العراق.

"'আবদুল্লাহ ইবন কায়সের দাস ও 'আল-মাগায়ি' রচয়িতা মুহাম্মাদ ইবন ইসহাকের দাদা ইয়াসার ছিলেন 'আয়নুত তামার-এর একজন যুদ্ধবন্দী। তিনি মদীনায় প্রবেশকারী ইরাকের প্রথম যুদ্ধবন্দী।'" সম্ভবতঃ এ কারণে মুহাম্মাদ ইবন ইসহাক দাসত্বের শৃঙ্খলে আবদ্ধ হয়ে পড়েন। তিনি কায়স ইবন মাথরামা ইবন মুগালিব ইবন 'আবদু মান্নাফের দাস ছিলেন। ইতিহাস ও সীরাতের গ্রন্থাবলীতে তিনি ইবন ইসহাক নামে প্রসিদ্ধ। হিজরী ৮৫, খ্রীস্টাব্দ ৭০৪ সনে জন্ম গ্রহণ করেন এবং মদীনায় বেড়ে উঠেন। এ কারণে 'আল-মাদানী' বলা হয়। রাসূলুল্লাহর (সা) মহান সাহাবী হয়রত আনাস ইবনে মালিকের দর্শন লাভে ধন্য হন। তিনি বলতেন :^১

رأيت أنس بن مالك وعليه عمامة سوداء، والصبيان يشتدون ويقولون : هذا رجل من أصحاب النبي صلى الله عليه وسلم، لا يموت حتى يلقى الدجال.

"আমি আনাস ইবনে মালিককে (রা) দেখেছি এমন অবস্থায় যে, তাঁর মাথায় কালো পাগড়ি এবং শিশু-কিশোররা তাঁকে নিয়ে কোরাস করে গাইছে : ইনি নবীর (সা) একজন সাহাবী, দাজ্জালকে না দেখে মৃত্যুবরণ করবেন না।"

ইবন ইসহাক ছিলেন শ্রেষ্ঠ 'আলিম তাবি'ঈদের একজন। বিশেষতঃ তিনি মাগায়ি ও সীরাত শাস্ত্রের একজন ইমাম ছিলেন। সীরাত অর্থ জীবনী এবং মাগায়ি অর্থ যুদ্ধ-বিগ্রহ। তবে আল-মাগায়ি ও আস-সীরাহ বলতে সাধারণত রাসূলে কারীমের (সা) জীবন চরিত ও তাঁর যুদ্ধ-বিগ্রহের ইতিহাস বুঝায়।

তিনি ছিলেন মদীনার অধিবাসী। ইমাম যুহরীর (রহ) অন্যতম ছাত্র এবং মদীনাবাসী আরব ঐতিহাসিকদের মধ্যে প্রবীণতম ব্যক্তি। হাদীছ চর্চা ও বর্ণনার দিকে ঝুঁকে পড়েন। পরবর্তীকালে 'আসিম ইবন উমার, 'আবদুল্লাহ ইবন আবী বাকর ও যুহরীর (রহ) ন্যায় প্রখ্যাত মুহাদিষ আলিমগণের মজলিসে বসে জ্ঞানের পরিধি আরো বৃদ্ধি করেন। তিনি

১. তাহ্যীর আল-কামাল ফী আসমা' আর-রিজাল-১৬/৭৩

২. প্রান্তক-১৬/৭০; তায়কিরাতুল হফ্ফাজ-১/১৭২-১৭৩

তাঁর রচিত গ্রন্থসমূহে এ তিনজনসহ অন্য মুহাদ্দিছদের নিকট থেকে সংগৃহীত তথ্যসমূহ বর্ণনা করেছেন। একমাত্র মদীনাবাসী প্রায় একশো রাবী (বর্ণনাকারী)-এর নাম উল্লেখ করেছেন যাঁদের নিকট থেকে তিনি তাঁর রচনাবলীর তথ্য-উপাস্ত সংগ্রহ করেছেন।

হিজরী ১১৫, খ্রীস্টাব্দ ৭৩৩ সনে ইবন ইসহাক ইসকান্দারিয়া যান এবং সেখানে ইয়ায়ীদ ইবন আবী হাবীব (মৃ. ১২৮/৭৪৫)-এর নিকট থেকে হাদীছ শোনেন। এই ইয়ায়ীদ মিসরে সর্বপ্রথম হাদীছ চৰ্চার সূচনা করেন। এরপর ইবন ইসহাক আবার মদীনায় ফিরে আসেন। হি. ১২৩, খ্রীস্টাব্দ ৭৪১ সনে তাঁর শিক্ষক ইয়াম যুহুরীর সাথে কোন এক সাক্ষাতের সময় তিনি প্রিয় ছাত্র ইবন ইসহাককে উপস্থিতি ‘আলিমদের সাথে পরিচয় করিয়ে দেন। ১৩২/৭৪৯ সনে মদীনায় সুফইয়ান ইবন ‘উয়ায়নার সাথে সাক্ষাৎ করেন। তারপর তিনি মদীনা ত্যাগ করে যথাক্রমে কৃষ্ণ, আল-জায়িরা, রায় ও বাগদাদে যান।

বাগদাদেই তিনি আমরণ অবস্থান করেন। ‘আবুসৌয় খলীফা আবু জা’ফার আল-মানসুরের খিলাফতকালে (১৩৬-১৫৮/৭৫৪-৭৭৫) আল-জায়িরার ওয়ালী ছিলেন (১৪২/৭৫৯) আল-‘আবাস ইবন মুহাম্মাদ আল-‘আবাসী। ইবন ইসহাক জায়িরায় অবস্থানকালে তাঁর সাথেও যোগাযোগ করেন।

ইয়াম মালিক (রহ)সহ আরো কিছু ‘আলিম তাঁর কিছু দোষ-ক্রটির কথা বলে কঠোর সমালোচনা করেছেন। তবে দু’একজন ছাড়া অন্য সকল ইয়াম ও হাদীছ বিশারদ তাঁর মুখস্থ শক্তি ও ধারণ ক্ষমতা সম্পর্কে আস্থা ব্যক্ত করেছেন। আবু যার‘আ আবদুর রহমান ইবন ‘আমর বলেন, মুহাম্মাদ ইবন ইসহাক এমন এক ব্যক্তি যাঁর থেকে হাদীছ গ্রহণের ব্যাপারে সুফইয়ান আচ-ছাওরী, সুফইয়ান ইবন ‘উয়ায়না, হাম্মাদ ইবন যায়দ, হাম্মাদ ইবন সালামা, ইবনুল মুবারক, ইবরাহীম ইবন সাদ (রহ) প্রমুখের মত ‘আলিমগণ একমত্য পোষণ করেছেন। ইয়ায়ীদ ইবন আবী হাবীবের মত উচ্চ স্তরের ‘আলিম তাঁর থেকে হাদীছ বর্ণনা করেছেন। হাদীছ বিশারদগণ তাঁকে পরীক্ষা-নিরীক্ষা করে সত্যবাদী ও সৎ মানুষ হিসেবে পেয়েছেন।^৩

‘আলিমদের স্থীকারণাক্তি

শু’বা তাঁকে “আমীরুল মু’মিনীন ফিল হাদীছ” (হাদীছ শাস্ত্রে বিশাসীদের আমীর) বলতেন।^৪ লোকেরা যখন তাঁকে জিজ্ঞেস করে যে, আপনি মুহাম্মাদ ইবন ইসহাককে এমন অভিধায় ভূষিত করেন কী কারণে? জবাবে তিনি বলেন : তাঁর মুখস্থ শক্তির কারণে।^৫ ইয়ায়ীদ ইবন হারুন বলতেন, যদি আমার হাতে রাষ্ট্র ক্ষমতা থাকতো তাহলে মুহাম্মাদ ইবন ইসহাককে মুহাদ্দিছগণের আমীর বানাতাম :

لو كان لـ سلطان لأمرت ابن اسحاق على المحدثين.

৩. তারীখু বাগদাদ-১/২২৪

৪. তাহ্যীব আল-কায়াল-১৬/৭৮, ৮১; তায়কিরাতুল হফ্ফাজ-১/১৭৩

৫. তারীখু বাগদাদ-১/২২৪; তাবি ঈন-৩৯৯

আবৃ মু'আবিয়া তাঁকে أَحْفَظُ النَّاسَ (মানুষের মধ্যে সর্বাধিক হাদীছ মুখস্থকারী), ইয়াহইয়া ইবন মা'ঈন "ছিকা" (বিশ্বস্ত, নির্ভরযোগ্য) ও ইমাম আহমাদ ইবন হামল " حَسْنُ الْحَدِيثِ " বলেছেন। অর্থাৎ তাঁর বর্ণিত হাদীছ সাহীহ পর্যায়ের নয়, বরং তাঁর পরবর্তী হাসান পর্যায়ের।^৫ আলী ইবন আল-মাদীনী বলেন, رَأَسُ لُجَّاهَ الرَّأْيِ (সা) হাদীছের কেন্দ্র ছিলেন ছয় ব্যক্তি, পরে এই ছয়জনের জ্ঞান বারোতে স্থানান্তরিত হয়। তাঁদের একজন হলেন মুহাম্মাদ ইবন ইসহাক :

قال على بن المديني مَدَارِ حَدِيثِ رَسُولِ اللَّهِ صَلَّى اللَّهُ عَلَيْهِ وَسَلَّمَ سَتَةٌ، فَذَكَرُهُمْ،
ثُمَّ قَالَ : فَصَارَ عِلْمُ السَّتَّةِ عِنْدَ اثْنَيْ عَشَرَ، أَحَدُهُمْ مُحَمَّدُ بْنُ اسْحَاقَ.^৬

ইমাম যুহরীর কর্ম-পদ্ধতি

ইমাম যুহরী (রহ) ছিলেন মুহাম্মাদ ইবন ইসহাকের উত্তাদ। ছাত্রের জ্ঞানের উপর তাঁর এত পরিমাণ আস্থা ছিল যে, তিনি বলতেন :^৭

لَا يَزَالُ بِالْمَدِينَةِ عِلْمُ جُمُّ مَا كَانَ فِيهِمْ أَبْنَى إِسْحَاقَ.

"যতদিন মুহাম্মাদ ইবন ইসহাক আছে ততদিন মদীনাবাসীদের মধ্যে জ্ঞান থাকবে।"
তিনি যখন মদীনার বাইরে কোথাও যেতেন তখন মুহাম্মাদকে নিজের স্থলাভিষিক্ত করে যেতেন। একবার তিনি মদীনার বাইরে কোথাও যাওয়ার ইরাদা করলেন। জ্ঞান পিপাসুদের অনেকে তাঁর সঙ্গী হওয়ার ইচ্ছা ব্যক্ত করলেন। তিনি তাদেরকে বললেন, আমি এই নও-জোয়ান ইবন ইসহাককে তোমাদের মধ্যে রেখে যাচ্ছি। তাঁর এই স্থলাভিষিক্ত যুহরীর (রহ) শিষ্য-শাগরিদদের মধ্যে স্থীরুণ ছিল। এ কারণে যুহরীর যত্ত্বের পর তাঁর বর্ণনাসমূহের সত্যায়নের জন্য মানুষ ইবন ইসহাকের নিকট যেত।^৮ ইবন উয়াইনা বলেন, ইবন ইসহাকের প্রতি কেউ কোন দোষারোপ করেছে এমন কাউকে আমি দেখিনি।^৯

ইমাম যুহরী (রহ) তাঁর বাড়ীর দারোয়ানকে নির্দেশ দিয়ে রেখেছিলেন যে, ইবন ইসহাক যখনই আসবে তাকে যেন চুক্তে দেওয়া হয়। এর দ্বারা বুঝা যায় যুহরীর নিকট ইবন ইসহাকের স্থান কী ছিল। একবার ইবন ইসহাক নিয়মের চেয়ে একটু দেরীতে আসলেন। যুহরী (রহ) তাঁকে জিজ্ঞেস করলেন : কোথায় ছিলে? ইবন ইসহাক বললেন : দারোয়ানদের কারণে কেউ কি আপনার নিকট আসতে পারে? যুহরী সাথে সাথে দারোয়ানকে ডেকে বলেন দেন, ইবন ইসহাক যখনই আসুক তাকে চুক্তে বাঁধা দেবে না।^{১০}

৬. তায়কিরাতুল হফ্ফাজ-১/১৭৩

৭. তারীখু বাগদাদ-১/২২৪; তাহ্যীব আল-কামাল-১৬/৭৪

৮. প্রাণক্ষুক

৯. ওয়াফাইয়াত আল-আইয়ান-১/৪৮৪; তাবিঁঈন-৩৯৯

১০. তায়কিরাতুল হফ্ফাজ-১/১৭৩

১১. তারীখু বাগদাদ-১/২১৯; তাহ্যীব আল-কামাল-১৬/৭৪

ইমাম মালিক ও হিশামের সমালোচনা এবং তার কারণ

মনীষীদের এত প্রশংসা ও স্বীকৃতি লাভ সত্ত্বেও ইবন ইসহাক ইমাম মালিক ও হিশামের কঠোর সমালোচনার মুখোমুখীও হয়েছেন। বিশেষতঃ তাঁর সম্পর্কে ইমাম মালিকের মতামত ছিল অত্যন্ত কঠোর। এমনকি তিনি তাঁর সম্পর্কে অনেক অশোভন শব্দও ব্যবহার করেছেন। যেমন তিনি একবার ইবন ইসহাক সম্পর্কে বলেন : **انظروا إلی دجال من الدجال** ‘তোমরা দাজ্জালদের মধ্য থেকে একজন দাজ্জালকে দেখ।’ এ বাক্যে তিনি মুহাম্মাদ ইবন ইসহাককে দাজ্জাল বলেছেন। হিশামও তাঁকে নির্ভরযোগ্য মনে করতেন না। তবে মুহাদ্দিছগণ নিজেরাই তাঁদের দু'জনের এমন কঠোর সমালোচনার কারণ বলে দিয়েছেন। যার বিস্তারিত বিবরণ মোটামুটি এ রকম :

হাদীছ গ্রহণে ইমাম মালিক এত কঠোর এবং যাচাই-বাছাইয়ে তাঁর নীতিমালা এত উঁচুমানের ছিল যে, কারো মধ্যে সামান্য দোষ-ক্রটি দেখলে তিনি তার সমালোচনায় অতি কঠোর শব্দ উচ্চারণে কোন রকম দ্বিধা করতেন না। খৃতীর আল-বাগদাদী লিখেছেন, কিছু ‘আলিম এ রকম বলেছেন যে, সত্যনিষ্ঠ, দীনদার, মুত্তাকী, বিশৃঙ্খল ও নির্ভরযোগ্য ব্যক্তিবর্গ সম্পর্কে ইমাম মালিকের এমন কঠোর ভাষা প্রয়োগের জন্য সমকালীন বহু ‘আলিম তাঁরও সমালোচনা করেছেন।^{১২} ইবরাহীম ইবন আল-মুন্যির বলেন : ইবন আবী যি’ব, ‘আবদুল ‘আয়ীয় আল-মাজিশুন, ইবন আবী হাযিম ও মুহাম্মাদ ইবন ইসহাক-এঁদের প্রত্যেকে মালিক ইবন আনাসের সমালোচনা করেছেন। তবে সবচেয়ে কঠোর ভাষায় সমালোচনা করেছেন মুহাম্মাদ ইবন ইসহাক। তিনি বলতেন :^{১৩}

ائتونى ببعض كتبه حتى أبین عيوبه ، أنا بيطار كتبه.

“তোমরা তাঁর কিছু বই আমার কাছে নিয়ে এসো, যাতে আমি তাঁর কিছু দোষ-ক্রটির বর্ণনা দিতে পারি। আমি তাঁর পুস্তকসমূহের চিকিৎসক।” এই প্রেক্ষাপটে ইমাম মালিক যদি ইবন ইসহাক সম্পর্কে কিছু রূঢ় শব্দ প্রয়োগ করে থাকেন তাতে তাঁর নির্ভরযোগ্যতায় বিন্দুমাত্র প্রভাব ফেলতে পারে না।

ত্বরীয় কারণ এই যে, ইবন ইসহাক গায়ওয়া বা রাসূলুল্লাহর (সা) যুদ্ধ-বিগ্রহের বর্ণনা গ্রহণের ব্যাপারে তেমন বেশি সর্তর্কতা অবলম্বন করতেন না। এ কারণে ইমাম মালিক তাঁর আল-মাগায়ী (যুদ্ধ-বিগ্রহ) বিষয়ক বর্ণনার সমালোচনা করতেন। তবে আল-মাগায়ী ছাড়া ইবন ইসহাক বর্ণিত অন্যসব হাদীছের সাথে এই সমালোচনার কোন সম্পর্ক ছিল না। ইবন হিব্রান বলেন, ইমাম মালিক একবার মাত্র ইবন ইসহাক সম্পর্কে রূঢ় শব্দ প্রয়োগ করেন। তারপর তাঁর মর্যাদা অনুযায়ী তাঁর সাথে আচরণ করতেন। ইমাম মালিক তাঁর হাদীছের কারণে নয়, বরং মাগায়ীর কারণে তাঁর সমালোচনা করতেন। কারণ, ইবন ইসহাক খায়বারসহ আরো কিছু যুদ্ধের বিবরণ ইয়াহুদীদের নও-মুসলিম সন্তানদের নিকট

১২. তারীখু বাগদাদ-১/২২৩

১৩. ওয়াফাইয়াত আল-আইয়ান-১/৪৮৩; তাহ্যীব আল-কামাল-১৬/৭৬; তায়কিরাতুল হফ্ফাজ-১৭৩

থেকে শুনে গ্রহণ করতেন। আর তারা আবার সেই সব বিবরণ দিত তাদের উর্ধ্বর্তন পুরুষের স্মৃতে। যদিও ইবন ইসহাক এসব বর্ণনা প্রমাণ হিসেবে গ্রহণ করতেন না। তবে ইমাম মালিক পরম বিশ্বাসভাজন ও আস্থাশীল ব্যক্তি ছাড়া অন্য কোন বর্ণনা গ্রহণ করা মোটেই সমীচীন মনে করতেন না।^{১৪}

কিছু ‘আলিম বলেছেন, ইমাম মালিকের সমালোচনা মাগায়ীর জন্য নয়, বরং তাঁর ‘আকীদার (বিশ্বাস) জন্য ছিল। ‘আবদুর রহমান ইবন ‘আমর আন-নাসরী বলেন, আমি দুইইমের সামনে ইবন ইসহাক সম্পর্কে ইমাম মালিকের সমালোচনার প্রসঙ্গটি উঠালাম। তিনি বললেন, এটা হাদীছের কারণে ছিল না, বরং তা এজন্য ছিল যে, ইমাম মালিক ইবন ইসহাককে কাদরিয়াদের আকীদায় বিশ্বাসী বলে অভিযুক্ত করতেন।^{১৫} যাই হোক, উপরে উল্লেখিত বর্ণনাসমূহ দ্বারা এতটুকু জানা গেছে যে, ইবন ইসহাকের অগ্রহণযোগ্যতা ও দুর্বলতা ইমাম মালিকের কঠোর সমালোচনার কারণ ছিল না। এর কারণ ছিল অন্য কিছু। এ কারণে এ সমালোচনার প্রভাব ইবন ইসহাক বর্ণিত হাদীছের উপর পড়তে পারে না। এজন্য ইমাম মালিক ছাড়া অন্য সকল ইমাম ও ‘আলিম তাঁর বর্ণনা গ্রহণ করেছেন। এমনকি ইমাম আহমাদ ইবন হাস্বল (রহ), যিনি ‘আকীদার ক্ষেত্রে কঠোরতার ব্যাপারে ইমাম মালিক থেকে কোন অংশে কম ছিলেন না, ইবন ইসহাকের বর্ণনা গ্রহণ করেছেন।

ইমাম আহমাদ ইবন হাস্বলের (রহ) পুত্র আবদুজ্জাহ একবার মুহাম্মাদ ইবন ইসহাক সম্পর্কে এক ব্যক্তির একটি জিজ্ঞাসার জবাবে বলেন, আমার পিতা তাঁর বর্ণনাসমূহ যাচাই-বাচাই করে গ্রহণ করতেন এবং মুসনাদে স্থান দিতেন। তবে সুনানের ক্ষেত্রে প্রমাণ হিসেবে গ্রহণ করতেন না।

ইমাম মালিকের (রহ) পরে ইবন ইসহাকের কঠোর সমালোচকদের মধ্যে দ্বিতীয় আরেকটি নাম হিশাম। তাঁর এমন অবস্থানের রহস্য হলো, ইবন ইসহাক হিশামের স্ত্রী ফাতিমা বিনত মুনফিরের স্মৃতে কিছু হাদীছ বর্ণনা করেছেন। হিশাম বলতেন, আমার স্ত্রী ফাতিমা একজন পর্দানশীন মহিলা, তার নয় বছর বয়স থেকে মৃত্যু পর্যন্ত কোন বেগানা পুরুষ তাঁকে দেখেনি। তাহলে ইবন ইসহাক তার থেকে হাদীছ শোনেন কিভাবে? তবে অনেক মুহাদ্দিছের মতে শুধু একথার ভিত্তিতে মুহাম্মাদ ইবন ইসহাকের বর্ণনাসমূহকে ভুল বলে প্রত্যাখ্যান করা সঠিক নয়। কারণ, তিনি তো পর্দার আড়াল থেকে শুনে থাকতে পারেন। ইমাম আয-যাহাবী (রহ) হিশামের এ বক্তব্য বর্ণনার পর মন্তব্য করেছেন এ ভাষায় :^{১৬}

وَقُولَهُ وَهِيَ بَنْتُ تَسْعَ غُلْطَ بَيْنَ لَأْنَهَا أَكْبَرُ مِنْ هَشَامَ بْنَ ثَلَاثَ عَشْرَةَ سَنَةً وَكَانَ أَخْذَ

১৪. তাহ্যীব আত-তাহ্যীব-৯/৪৫

১৫. তারীখু বাগদাদ-১/২২৪; তাহ্যীব আল-কামাল-১৬/৭৭

১৬. তাহ্যীব আত-তাহ্যীব-৯/৩৯, ৪০

ابن إسحاق عنها وقد جاوزت الخمسين وقد روى عنها أيضاً غير محمد بن إسحاق
من الغرباء محمد بن سوقة.

“হিশাম যে তাঁর স্ত্রী নয় বছর বয়সের কথা বলেন, তা সম্পূর্ণ ভুল। কারণ, হিশামের
চেয়ে তাঁর স্ত্রী তের বছরের বড়। ইবন ইসহাক যখন তাঁর নিকট থেকে হাদীছ গ্রহণ
করেন তখন হিশামের স্ত্রীর বয়স পঞ্চাশের উর্ধ্বে। ইবন ইসহাক ছাড়াও মুহাম্মাদ ইবন
সূকা'র মত বেগানা পুরুষরাও তাঁর সূত্রে বর্ণনা করেছেন।”

ইবন হিব্বান তাঁর “النفقات” ঘট্টে বলেন :^{۱۹}

تكلم فيه رجلان هشام ومالك، فأما قول هشام فليس مما يجرح به الإنسان وذلك أن
التابعين سمعوا من عائشة من غير أن ينظروا إليها، وكذلك ابن إسحاق كان يسمع
من فاطمة والستر بينهما مسبل.

“মুহাম্মাদ ইবন ইসহাক সম্পর্কে ইমাম মালিক ও হিশাম- দু’ব্যক্তিই কথা বলেছেন।
তবে হিশামের কথায় কোন মানুষ অভিযুক্ত হতে পারে না। কারণ, অসংখ্য তাবি’ঈ^ই
উম্মুল মু’মিনীন হ্যরত ‘আয়িশার (রা) প্রতি দৃষ্টিপাত না করে পর্দার আড়াল থেকে তাঁর
কথা শুনতেন। একইভাবে ইবন ইসহাকও ফাতিমার কথা শুনে থাকবেন।”

‘আলী ইবন আল-মাদীনী বলেন :^{۲۰}

الذى قال هشام ليس بحجـة ، لعله دخل على امرأته وهو غلام فسمع منها.

“হিশাম যা বলেছেন তা কোন দলীল হতে পারে না। সম্ভবতঃ তিনি (ইবন ইসহাক) তাঁর
স্ত্রীর নিকট অপ্রাপ্ত বয়সে গিয়েছেন এবং তাঁর থেকে হাদীছ শুনেছেন।

ইবন ইসহাকের শায়খগণ

ইবন ইসহাক ছিলেন ইমাম যুহরীর (রহ) খাস শাগরিদ। তবে তিনি ছাড়া আরো অনেক
শায়খের নিকট থেকে জ্ঞান অর্জন করেন। যেমন তাঁর শায়খদের মধ্যে তাঁর পিতা
ইসহাক, চাচা মৃসা, ‘উবায়দুল্লাহ ইবন ‘আবদিল্লাহ ইবন ‘আমর, মু’আইদ ইবন কা’ব
ইবন মালিক, মুহাম্মাদ ইবন ইবরাহীম আত-তায়মী, কাসিম ইবন মুহাম্মাদ ইবন আবী
বাকর (রা), মুহাম্মাদ ইবন জা’ফার ইবন যুবায়র, ‘আসিম ইবন ‘আমর ইবন কাতাদা,
‘আবরাস ইবন সাহল ইবন সাদ, ইবন মুনকাদির, মাকহূল, ইবরাহীম ইবন ‘উকবা,
হুমায়দ আত-তাবীল, সালিম আবী আন-নাদার, সা’ঈদ মুকরী, সা’ঈদ ইবন আবী হিন্দ,
আবৃ আয়-যানাদ, ‘আবদুর রহমান ইবন আসওয়াদ আন-নাখা’ঈদ, ‘আতা’ ইবন আবী
রাবাহ, ‘ইকরিমা ইবন খালিদ, ‘আলা’ ইবন ‘আবদির রহমান, ‘আমর ইবন শু’আয়ব,

১৭. প্রাণক্ষণ

১৮. তাহ্যীব আল-কামাল-১৬/৭৮

নফি', আবু জা'ফার আল-বাকির, ফাতিমা বিন্ত আল-মুনয়ির (রহ) প্রমুখের মত বড় আলিমগণ অত্যন্ত ভূক্ত ছিলেন। জামাল উদ্দীন আল-মিয়ানী তাঁর ১২২ (একশত বাইশ) জন শায়খের নাম উল্লেখ করেছেন।^{১৯}

তাঁর ছাত্রবৃন্দ

তাঁর ছাত্র-শিষ্যের তালিকা অতি দীর্ঘ। এখানে কিছু বিশিষ্ট ছাত্র যাঁরা তাঁর স্ত্রে হাদীছ বর্ণনা করেছেন তাদের কয়েকজনের নাম উল্লেখ করা হলো :

জারীর ইবন হাযিম, 'আবদুল্লাহ ইবন সাঈদ ইবন 'আওন, ইবরাহীম ইবন সাদ, শু'বা ইবন আল-হাজ্জাজ, ইবন 'উয়ায়না, ইবন মু'আবিয়া, 'আবদুল্লাহ ইবন ইদরীস, আবু 'আওয়ানা, 'আবদুল আ'লা আশ-শায়া, 'আবদুল্লাহ ইবন সুলায়মান, জারীর ইবন 'আবদিল হামীদ, যিয়াদ আল-বাক্কা'ঈ, হাম্মাদ ইবন যায়দ, সালামা ইবন আল-ফাদল, মুহাম্মাদ ইবন সালামা আল-হাররানী, ইউনুস ইবন বুকাইর, ইয়ায়ীদ ইবন হারন, আহমাদ ইবন খালিদ, ইয়া'লা ইবন উবায়দ, ইয়াহইয়া ইবন সাঈদ আল-আনসারী, ইয়াহইয়া ইবন সাঈদ আল-উমারী, ইয়ায়ীদ ইবন আবী হাবীব আল-মিসরী, ইউনুস ইবন বুকাইর আশ-শায়বানী, ইয়া'লা ইবন 'উবায়দ আত-তানাফুসী, হারন ইবন মূসা আন-নাহবী, 'আবদুল্লাহ ইবন আল-মুবারাক (রহ) ও আরো অনেকে।^{২০}

সীরাত ও মাগায়ী

মুহাম্মাদ ইবন ইসহাকের অধ্যয়নের আসল ক্ষেত্র ছিল মাগায়ী ও সীরাত শাস্ত্র। এ শাস্ত্রের তিনি একজন ইমাম ছিলেন। ইমাম যাহাবী বলেন :^{২১}

كان أحد أوعية العلم حبرا في معرفة المغازي والسير.

'তিনি মাগায়ী ও সীরাত বিদ্যায় ছিলেন একজন তত্ত্বজ্ঞানী ব্যক্তি।'

ইমাম শাফি'ঈ (রহ) বলতেন, কেউ যদি মাগায়ী শাস্ত্রে পাণ্ডিত্য অর্জন করতে চায় তাকে ইবন ইসহাকের মুখাপেক্ষী হতে হবে।^{২২} খৰ্তীব বাগদাদী লিখেছেন, তিনি প্রথম ব্যক্তি যিনি এই বিদ্যার দিকে দৃষ্টি দেন এবং এত সমৃদ্ধি ঘটান যে, তাঁর পরে আর কেউ তাতে কোন কিছু সংযোজন করতে পারেননি। তিনি আমীর-উমারা ও শাসক শ্রেণীর দৃষ্টি ফলাফল শূন্য ও অর্থহীন কিস্সা-কাহিনী থেকে প্রকৃত ইতিহাসের দিকে ফিরিয়ে দেন। এভাবে তিনি সর্বপ্রথম ইতিহাস চর্চার রূচি সৃষ্টি করেন। শাসকদের রূচির পরিবর্তন ঘটানো, অর্থহীন গ্রন্থ ও কিস্সা-কাহিনীর চর্চা থেকে তাদের দৃষ্টিভঙ্গির পরিবর্তন ঘটিয়ে রাস্তুল্লাহর (সা) মাগায়ী, সুন্নাহ এবং বিশ্বের উৎপত্তির ইতিহাসের দিকে ফিরিয়ে দেওয়া

১৯. প্রাণকৃত-১৬/৭২; তায়কিরাতুল হফ্ফাজ-১/১৭২; তাহ্যীব আত-তাহ্যব-৯/৩৯

২০. প্রাণকৃত

২১. তায়কিরাতুল হফ্ফাজ-১/১৭৩

২২. তারীখু বাদগাদ-১/২১৫

ছাড়া আর কোন কিছুই যদি তিনি না করতেন তাহলে এই একটি মাত্র কাজ তাঁর পথিকৃৎ ও শ্রেষ্ঠত্বের গৌরবজনক আসন লাভের জন্য যথেষ্ট ছিল। তাঁর পরে আরো অনেকে এই শাস্ত্রের উপর গ্রহণ করেছেন, কিন্তু কেউ তাঁর সমকক্ষতা অর্জন করতে পারেননি।^{২৩} যে ইমাম মুহরীর নিকট থেকে তিনি এ শাস্ত্রের জ্ঞান অর্জন করেন, তিনিও এ ক্ষেত্রে তাঁর জ্ঞানের ব্যাপকতার কথা অকপটে স্বীকার করেছেন।^{২৪}

ইতিহাস

যদিও মাগায়ী ও সীরাত ইতিহাসেরই একটি শাখা, তবে ইবন ইসহাক সাধারণ ইতিহাসেরও একজন পণ্ডিত ব্যক্তি ছিলেন। খ্রীব বাগদাদী বলেন, তিনি সীরাত, মাগায়ী, আববের অতীত যুন্ন-বিগ্রহ ও ঘটনাবলী, মানব জাতির উৎপত্তি এবং নবীদের কিস্সা-কাহিনীরও ‘আলিম ছিলেন।^{২৫}

আল-মাগায়ী বিষয়ে লেখালেখির সূচনা হয় কখন?

এখানে এ বিষয়টি উল্লেখ করা অপ্রাসঙ্গিক হবে না যে, হিজরী প্রথম শতকে ‘তাদবীনে হাদীছ’ তথা হাদীছ লেখালেখির কাজ শুরু হয় এবং দ্বিতীয় শতকে তা চূড়ান্ত পর্যায়ে পৌঁছে। হাদীছ সংগ্রহ ও লিপিবন্ধকরণের সাথে সাথে স্বাভাবিকভাবেই সামরিক ও রাজনৈতিক ঘটনাবলীও লিপিবন্ধ হয়ে যায়। এগুলোকে পৃথকভাবে ‘আল-মাগায়ী’ নামে বিন্যস্ত করা হয়। এ ক্ষেত্রে যে প্রশ্নটি দেখা দিতে পারে তা হলো, সীরাত ও মাগায়ী লেখার সূচনা হলো কীভাবে? এ শাস্ত্রটি কি হাদীছ শাস্ত্রের সাথে অথবা পৃথকভাবে গড়ে উঠে? এ ব্যাপারে প্রাচ্যবিদদের ধারণা হলো, হাদীছ শাস্ত্র ছিল একটি সম্পূর্ণ স্বতন্ত্র বিষয় এবং সীরাত ও মাগায়ী ছিল তারই একটি অংশ বিশেষ। তবে কিছু মুসলিম ঐতিহাসিকের রয়েছে ভিন্ন মত। তাঁরা বলেনঃ সীরাত ও মাগায়ীর উৎপত্তি হয় সম্পূর্ণ ভিন্নভাবে এবং হাদীছ শাস্ত্রের পাশাপাশি স্বতন্ত্রভাবে তা উন্নতি লাভ করে। সম্ভবতঃ এ মতপার্থক্যের কারণ হলো, প্রাথমিক যুগে সীরাত ও মাগায়ী লেখকরা হাদীছ শাস্ত্রের আলিম ছিলেন এবং তাঁদেরকেও ‘মুহাদ্দিছ’ বলা হতো। তাঁরা হাদীছ ও মাগায়ী বিষয়ক তথ্য একই রকম শুরুত্ব ও আন্তরিকতার সাথে সংগ্রহ করতেন। সীরাত ও মাগায়ী বিষয়ক তথ্য প্রথম থেকেই সংগ্রহ করার ঝোক সাহাবা ও তাবি'ঈদের মধ্যে ছিল। সুতরাং তাঁরা এ বিষয়ের তথ্য হাদীছ থেকে স্বতন্ত্রভাবে সংগ্রহ করেন। একটি বিষয় স্মরণ রাখতে হবে, সীরাত ও মাগায়ীর রাবীগণের যদিও হাদীছে পারদর্শিতা ছিল, তবে তাঁদের বর্ণিত হাদীছের সংখ্যা খুবই কম। মুহাদ্দিছ হিসেবেও তাঁরা তেমন খ্যাতি অর্জন করতে পারেননি।^{২৬}

২৩. তাহ্যীব আত-তাহ্যীব-৯/৪৪

২৪. তারীখু বাগদাদ-১/২১৯; তাবি'ঈন-৪০৩

২৫. প্রাগুত্ত

২৬. ড. মাহমুদুল হাসান, আরবু মে তারীখ নিগারী কি নাশ ও নামা (ইসলাম আওর আসরে জাদীদ, খণ্ড-১, ১৯৬৭)

তাঁর রচনাবলী

তিনি ইতিহাস ও সীরাত বিষয়ে একাধিক গ্রন্থ রচনা করেন। ইবন নাদীম বলেন :^{২৭}

وله من الكتب، كتاب الخلفاء رواه عنه الأموي، كتاب السيرة والمبتدأ والمغازي.
‘তাঁর অনেকগুলো গ্রন্থ আছে। ‘কিতাবুল খুলাফা’ গ্রন্থটি তাঁর থেকে ‘উমারী বর্ণনা করেছেন। তাছাড়া আছে ‘কিতাবুস সীরাহ ওয়াল মুবতাদা ওয়াল মাগায়ী’

তাঁর সবচেয়ে বিখ্যাত ও প্রাচীনতম রচনাটি হলো সীরাত গ্রন্থটি। বহুকাল যাবত গ্রন্থটি দুষ্প্রাপ্য। তবে এ গ্রন্থের সকল বর্ণনা এখনো বিদ্যমান আছে। ইবন হিশামের সীরাতের সবচেয়ে বড় উৎস এই সীরাত। এ কারণে তাঁর সকল বর্ণনা এতে সংরক্ষিত হয়েছে। ইবন হিশামের বর্তমান সীরাত গ্রন্থটি প্রকৃতপক্ষে ইবন ইসহাকের সীরাতের সংক্ষিপ্ত রূপ।

ইবন ইসহাক তাঁর এই গ্রন্থটি আবাসীয় খলীফা আল-মাহদীর ছেলের জন্য লেখেন। একবার তিনি খলীফা আল-মাহদীর দরবারে যান। তখন সেখানে খলীফার এক ছেলেও উপস্থিতি ছিল। খলীফা নিজের ছেলের প্রতি ইঙ্গিত করে ইবন ইসহাককে জিজেস করেন, আপনি কি একে চেনেন? তিনি বলেন: আমীরুল মু'মিনীনের ছেলে। খলীফা অনুরোধ করেন, তিনি যেন তাঁর এ ছেলের জন্য এমন একথানি গ্রন্থ রচনা করেন যাতে আদমের সৃষ্টি থেকে তাঁর সময় পর্যন্ত পৃথিবীর সকল ঘটনার বিবরণ থাকে। এই নির্দেশ অনুযায়ী তিনি এক বৃহদাকৃতির গ্রন্থ রচনা করে খলীফার সামনে উপস্থাপন করেন। গ্রন্থটির কলেবর দেখে তিনি বলেন, এ তো অনেক বড় গ্রন্থ। এটাকে একটু সংক্ষিপ্ত করুন। তিনি সেটা সংক্ষেপ করেন। প্রথম গ্রন্থটি খলীফা আল-মাহদীর গ্রন্থাগারে রাখা হয়।^{২৮} তবে ইবন সাদ বলেন, মুহাম্মাদ ইবন ইসহাক হীরায় আবাসীয় খলীফা আবু জাফার আল-মানসুরের নিকট আসেন এবং তাঁর জন্যই তিনি “আল-মাগায়ী” রচনা করেন।^{২৯}

তাঁর সীরাত ও মাগায়ী

খলীফা আল-মানসুর ১৪৬/৭৬৩ সনে নতুন রাজধানী বাগদাদে যাওয়ার পূর্বে হীরায় অবস্থানকালে ইবন ইসহাক তাঁর আল-মাগায়ী গ্রন্থটির রচনা সমাপ্ত করে তাঁর নিকট পাঠান। এ বর্ণনা দ্বারা কোনভাবেই বুঝা যায় না যে, তিনি কোন খলীফার নির্দেশে তাঁর আল-মাগায়ী রচনা করেন। তাছাড়া তাঁর রাবী (বর্ণনাকারী)-দের তালিকা দ্বারা একথাও প্রতীয়মান হয় যে, তিনি মদীনা ও মিসরে অবস্থানকালে যে সকল হাদীছ সংগ্রহ করেন তারই ভিত্তিতে আল-মাগায়ী সংকলন করেন। তিনি কোন ইরাকী রাবীর নাম উল্লেখ

২৭. ইবন নাদীম, আল-ফিহরিস্ত-১৩৬

২৮. তারীখু বাগদাদ-১/২২১

২৯. তাবাকাত-৭/২৭; তাহ্যীর আল-কামাল-১৬/৮১

করেননি। এতেও স্পষ্ট হয় যে, তিনি শেষ বারের মত মদীনা ত্যাগের পূর্বে গ্রন্থানির রচনা সমাপ্ত করেন।^{৩০}

এখানে একটি কথা উল্লেখ করা অপ্রাসঙ্গিক হবে না যে, ইবন ইসহাকের আল-মাগায়ী গ্রন্থানা অথবা সঠিক অর্থে তাঁর অংশ বিশেষ ‘আরবী খিযানা’ তথা গ্রন্থ ভাষার থেকে হারিয়ে যাওয়া এবং ৫০৬/১১১২ সনে লিখিতভাবে তাঁর অংশ বিশেষ ফাসের ‘কারাবী’ খিযানায় প্রাপ্তি, গ্রন্থানা সম্পর্কে আমাদের সার্বিক অবগতির ক্ষেত্রে একটি শূন্যতার সৃষ্টি করেছে। তবে ইবন হিশাম (মৃ. ২১৮/৮২৮) ‘সীরাতুল্লাবী (সা)’ নামে ইবন ইসহাকের গ্রন্থানা সংক্ষেপে করে একটি মৎৎ কাজ সম্পাদন করেন।

তিনি ইবন ইসহাকের অন্যতম প্রসিদ্ধ ছাত্র ‘বাক্কাঙ্গ’ (মৃ. ১৮৩/৭৯৯)-এর বর্ণনা থেকে গ্রহণ করেছেন। তিনি তাবারীসহ ইতিহাসের অন্যান্য গ্রন্থে বিশ্বিষ্টভাবে ছড়িয়ে থাকা অংশসমূহ জোড়া দিয়ে মূল গ্রন্থটির পদ্ধতি সম্পর্কে একটি স্পষ্ট চিত্র অংকনের ক্ষেত্রে বিশেষ অবদান রেখেছেন।

ইবন ইসহাকের মূল গ্রন্থে ইবন হিশাম যে সকল পরিবর্তন ঘটিয়েছেন তা তিনি ‘সীরাতুল্লাবী’র ভূমিকায় স্পষ্ট করে বলে দিয়েছেন। যেমন আদম (আ) থেকে ইবরাহীম (আ) পর্যন্ত আহলি কিতাবদের ইতিহাস তিনি পরিত্যাগ করেছেন। আমাদের মহানবীর (সা) প্রত্যক্ষ উর্ধ্বর্তন পুরুষগণ ছাড়া ইসমাইলের (আ) বংশধরদের আলোচনা বাদ দিয়েছেন। অনুরূপভাবে তিনি ইবন ইসহাক বর্ণিত এমন সব কাহিনী বাদ দিয়েছেন যাতে নবী কারীম (সা) সম্পর্কে কোন কথা নেই, সে কাহিনীর আল-কুরআনে কোন ইঙ্গিত নেই এবং গ্রন্থে বর্ণিত অন্য কোন ঘটনার সাথে কোন প্রকার সম্পর্ক নেই। গ্রন্থটির সংক্ষিপ্তকরণই এ বাদ দেওয়ার প্রধান কারণ। অন্যান্য কারণেও আরো কিছু অংশ বাদ দিয়েছেন। যেমন কিছু প্রাচীন আরবী কবিতা যা পণ্ডিতদের নিকট অপরিচিত, কিছু তথ্য যা ব্যক্তি বিশেষের জন্য পীড়াদায়ক অথবা তাদের প্রতি পাঠকের মধ্যে বিরূপ ধারণার সৃষ্টি হতে পারে। তাছাড়া কিছু তথ্য ইবন ইসহাকের গ্রন্থে ছিল কিন্তু বাক্কাঙ্গ তা ভুলে গেছেন, ফলে ইবন হিশাম তা পাননি।

ইবন হিশাম বহু কিছু সংশোধন এবং আরব বংশ পরিচয় ও ভাষার ক্ষেত্রে অনেক কিছু সংযোজনও করেছেন। সে সবের প্রতি যথাস্থানে ইঙ্গিতও করেছেন। তবে তিনি মূল পাঠে কোন রকম পরিবর্তন করেননি। যেখানে তিনি কোন কিছু পরিবর্তন ও সংক্ষিপ্ত করেছেন বা বাদ দিয়েছেন সেখানে তার প্রতি ইঙ্গিত করেছেন। তবে ইবন হিশামের সংক্ষিপ্তকরণের ফলে জ্ঞানের জগতে যে ক্ষতি হয়েছে তা আমরা পুরুষে নিতে পারি প্রাচীন আরবী গ্রন্থরাজির বিভিন্ন স্থানে ছড়িয়ে থাকা ইবন ইসহাকের গ্রন্থানির অংশ বিশেষ একত্র করে পাঠের মাধ্যমে। ইমাম আত-তাবারী তাঁর বিখ্যাত তারীখ ও তাফসীর

৩০. আল-মাগায়ী আল-উলা'ওয়া মুয়াল্লিফুহা-৭৫-৮১

এছে দ্বয়ে ইবন ইসহাকের সীরাত গ্রন্থের ‘আল-মুবতাদা’ (সূচনাপর্ব) অধ্যায়ের পরিচেদগুলোর বহু অংশ বিশ্ববাসীর জন্য সংরক্ষণ করেছেন। অন্যদিকে আল-আয়রুকী তাঁর ‘আখবার মাক্কাহ’ গ্রন্থে ইবন হিশাম কর্তৃক বাদ দেওয়া অনেক খবরই ধরে রেখেছেন। ইবন হিশামের ভূমিকার মাধ্যমে আমরা এ সিদ্ধান্তে উপনীত হতে পারি যে, আল-মাগায়ী অধ্যায় থেকে যা বাদ পড়েছে তা অতি সামান্য, পক্ষাত্তরে ‘আল-মুবতাদা’ অধ্যায় থেকে অতি গুরুত্বপূর্ণ অংশসমূহ বাদ পড়েছে। তবে এ ক্ষতি পূরণ করার ক্ষেত্রে আত-তাবারীর অবদান অন্য সকলকে অতিক্রম করে গেছে।

যদি আমরা বিভিন্ন গ্রন্থে সংরক্ষিত বিক্ষিপ্ত অংশসমূহের প্রতি যত্নবান হই, তাহলে ইবন ইসহাকের প্রস্তুটির নিম্নের চিত্র দেখতে পাই। ইবন ইসহাক তাঁর ‘আল-মাগায়ী’ প্রণয়নের ক্ষেত্রে সুস্পষ্ট লক্ষ্য ও উদ্দেশ্য সম্পর্কিত একটি পদ্ধতির অনুসরণ করেছেন এবং তা তিনটি বিষয় বস্তুতে বিন্যাস করেছেন। যেমন :

১. আল-মুবতাদা
২. আল-মাৰ'আছ
৩. আল-মাগায়ী
৪. আল-মুবতাদা

এ অধ্যায়ে ইবন ইসহাক জাহিলী যুগের আরবের ইতিহাস আলোচনা করেছেন। তিনি এ অধ্যায়ের বিষয়বস্তু চারটি পরিচেদে সাজিয়েছেন। প্রথম পরিচেদে প্রাক-ইসলামী যুগের ওহী, দ্বিতীয় পরিচেদে ইয়ামনের ইতিহাস, তৃতীয় পরিচেদে আরবগোত্রসমূহ ও তাদের মূর্তি পূজা এবং চতুর্থ পরিচেদে আমাদের মহানবী (সা)-এর প্রত্যক্ষ পূর্ব পুরুষ ও মক্কার ধর্মসমূহ সম্পর্কে আলোচনা করেছেন। এ অধ্যায়ের সনদের উপর নির্ভরতা খুবই কম।

২. আল-মাৰ'আছ

এ অধ্যায়ে ইবন ইসহাক দু'টি বিষয়ে আলোচনা করেছেন। প্রথম পরিচেদে নবী কারীমের (সা) মাঝী জীবন এবং দ্বিতীয় পরিচেদে হিজরাত ও মদীনায় প্রথম বছরের কর্মতৎপরতার বিবরণ এসেছে। মাৰ'আছ অধ্যায়ে যে বৈশিষ্ট্যগুলো লক্ষণীয় তা হলো পূর্ববর্তী অধ্যায়ের তুলনায় সনদের আধিক্য এবং বিশেষভাবে ইবন ইসহাকের মাদানী শিক্ষকদের বর্ণনার উপর নির্ভরতা, যা তিনি সন ভিত্তিক বিন্যাস করেছেন।

এ অংশে সনদ ছাড়া অথবা সনদ সহকারে বিভিন্ন ঘটনার বর্ণনার পাশাপাশি মদীনার বিভিন্ন গোত্রের সাথে রাসূলুল্লাহর (সা) বিখ্যাত চুক্তিগুলো, যা মদীনার সামাজিক বিধি-বিধান নামে আখ্যায়িত, সে সম্পর্কে ইবন ইসহাক সংগ্ৰহীত দলিল-প্ৰমাণাদি পাওয়া যায়। এতে আরো পাওয়া যায় একটি পূর্ণাঙ্গ তালিকা, যার কিছু অংশে রয়েছে প্রাথমিক যুগের মুসলমানদের নাম, কিছু অংশে হাবশার মুহাজিরদের ও প্রথম যুগের আনসারদের নাম ইত্যাদি। এভাবে দ্বিতীয় অধ্যায় শেষ হয়েছে।

৩. আল-মাগায়ী

ইবন ইসহাক তাঁর আল-মাগায়ীতে মদীনায় মুশরিক গোত্রসমূহের বিরুদ্ধে নবী কর্মের (সা) প্রথম যুদ্ধের আহ্বান থেকে তাঁর ওফাত পর্যন্ত সময়ের ইতিহাস বর্ণনা করেছেন। এ অংশে তিনি মহানবীর (সা) অভিম রোগ ও ওফাতের বিবরণ ছাড়া আর কিছু বিস্তারিত বর্ণনা করেননি। তবে এ অংশে সব কিছুই সনদ সহকারে বর্ণিত হয়েছে। যুদ্ধগুলো বর্ণনার ক্ষেত্রে তিনি একটি সুনির্দিষ্ট পদ্ধতি অনুসরণ করেছেন। আলোচ্য বিষয়ের সারকথা ভূমিকায় বর্ণনা করেছেন। আল-মাগায়ীতে নামের তালিকার সংখ্যাও অনেক। যেমন বদর যুদ্ধে অংশগ্রহণকারী, নিহত, আহত ও বন্দী ব্যক্তিবর্গের তালিকা। অনুরূপ তালিকা দিয়েছেন উহুদ, খন্দক, খায়বার, মৃতাসহ বিভিন্ন যুদ্ধেরও। হাবশা থেকে প্রত্যাবর্তনকারী মুহাজিরদেরও ভিন্ন একটি তালিকা তিনি দিয়েছেন।

একটি কথা এখানে উল্লেখ করা প্রয়োজন যে, ইবন ইসহাক তাঁর গ্রন্থের তৃতীয় অংশের নামে সম্পূর্ণ গ্রন্থটির নামকরণ করেন— আল-মাগায়ী। এরপর নামটির এত প্রসিদ্ধি ঘটে যে, পরবর্তীকালে অধিকাংশ ঐতিহাসিক ও সীরাত লেখক তাঁদের রচিত রাসূলুল্লাহর (সা) জীবনীকে এ নামে নামকরণ করেছেন।

ইবন ইসহাকের আল-মাগায়ী যে এক বিরাট কর্মকাণ্ড সে ব্যাপারে কোন সন্দেহের অবকাশ নেই। বিভিন্ন বর্ণনা ও খবর সংগ্রহের ব্যাপারে তিনি তাঁর সবটুকু শ্রম ব্যয় করেছেন। তিনি তাঁর পূর্ববর্তী সকল রাবী ও সূত্রের উল্লেখসহ সকল খবর লিপিবদ্ধ করেছেন। এ গ্রন্থে ইবন ইসহাকের সংকলন ও বিন্যাসের অসাধারণ ক্ষমতা স্পষ্ট হয়ে উঠেছে। তিনিই সর্বপ্রথম সীরাত বিষয়ক ঘটনাবলী ইতিহাসের পদ্ধতিতে একের পর এক সাজান। তাঁর পূর্বে আর কেউ এমনভাবে সাজাননি। এসব কারণে তিনি সীরাত ও মাগায়ী রচনায় পথিকৃতের স্থান দখল করে আছেন। আবু আহমাদ ইবন ‘আদী বলেন :^১

وقد روى "المغازي" إبراهيم بن سعد وسلمة بن الفضل ومحمد بن سلمة ويحيى بن سعيد الأموي وسعيد بزيع وجرير بن حازم وزياد البكائي وغيرهم. وقد روى عنه "المتبدأ" و"المبعث"، ولو لم يكن لابن اسحاق من الفضل إلا أنه صرف الملوك عن الاشتغال بكتب لا يحصل منها شيء إلى الاشتغال بمعاذي رسول الله صلى الله عليه وسلم ومبتعثه ومبتدأ الخلق وكانت هذه فضيلة سبق بها ابن إسحاق، ثم من بعده صنفها قوم آخرون فلم يبلغوا مبلغ ابن إسحاق منها.

“তাঁর থেকে “আল-মাগায়ী” বর্ণনা করেছেন ইবরাহীম ইবন সাঁদ, সালামা ইবন আল-ফাদল, মুহাম্মাদ ইবন সালামা, ইয়াহইয়া ইবন সাঁদ আল-উমাবী, সাঁদ ইবন বায়ীগ, জারীর ইবন হায়ম, যিয়াদ আল-বাক্কাঞ্জ ও আরো অনেকে। তিনি “আল-মুবতাদ” ও

১. তাহ্যীব আল-কামাল-১৬/৮২

“আল-মাৰ‘আছ” আল-বাক্কাদি থেকে বৰ্ণনা কৱেছেন। কোন কিছুই অর্জিত হয় না— এমন সব গ্ৰন্থ পাঠের ব্যস্ততা থেকে রাজা-বাদশাদেরকে সরিয়ে রাসূলুল্লাহৰ (সা) আল-মাগাফী, আল-মাৰ‘আছ ও আল-মুবতাদা (প্ৰথমীৰ সূচনা) পাঠের দিকে ফিরিয়ে দেওয়াৰ কাজটি ছাড়া আৱ কোন কিছুই যদি ইবন ইসহাক না কৱতেন, তাহলেও এই একটি মাত্ৰ কাজেৰ জন্য তিনি সকলকে অতিক্ৰম কৱে যেতেন। তাৰ পৰে আৱো অনেকে এ বিষয়ে গ্ৰন্থ রচনা কৱেছেন, কিন্তু কেউই তাৰ সমকক্ষতা লাভ কৱতে সক্ষম হননি।’

ইবন ইসহাক তাৰ আল-মাগাফী গ্ৰন্থে বিভিন্ন বাক্তি, গোত্ৰ-গোষ্ঠী ও জাতিৰ নামে বহু আৱৰ্বী কবিতা সন্নিবেশ কৱেছেন। তাৰ সমকালীন ও পৰবৰ্তীকালেৰ বসৱা ও কৃফাৰ আৱৰ্বী ভাষা-সাহিত্যেৰ পণ্ডিতগণ সেসব কবিতাৰ অধিকাংশ মিথ্যা ও বানোয়াট বলে মত প্ৰকাশ কৱেছেন। পৰবৰ্তীকালে ইবন হিশাম বসৱা-কৃফাৰ পণ্ডিতদেৱ দ্বাৱে দ্বাৱে ঘুৱে সেসব কবিতাৰ সত্যাসত্য যাচাই কৱেছেন এবং অধিকাংশ বাদ দিয়েছেন। এ প্ৰসঙ্গে হিজৰী তৃতীয় শতকেৰ অন্যতম শ্ৰেষ্ঠ আৱৰ্বী সাহিত্য বিশাবদ মুহাম্মাদ ইবন সাল্লাম আল-জামহী (মৃ. ২৩২) যে মতামত প্ৰকাশ কৱেছেন তা উপস্থাপন কৱে আমাদেৱ বজৰ্য শেষ কৱাছি। তিনি বলেন :^{১২}

وكان من هجن الشعر وأفسده وحمل منه كل غثاء محمد بن اسحاق، وكان من علماء الناس بالسير فقبل الناس عنه الأشعار، ويعتذر منها ويقول لا علم لي بالشعر انما أوتى به فاحمله، ولم يكن ذلك له عذراً، فكتب في السير من أشعار الرجال الذين لم يقولوا شعراً قط وأشعار النساء فضلا عن أشعار الرجال ثم جاوز ذلك إلى عاد وثمود، أفلأ يرجع إلى نفسه فيقول من حمل هذا الشعر ومن أداه منذ ألف من السنين والله يقول (وانه أهلك عادا الأولى وثمود بما أبقي) وقال في عاد (فهل ترى لهم من باقبة) وقال (وعادا وثمود والذين من بعدهم لا يعلمهم الا الله).

যারা আৱৰ্বী কবিতাৰ ক্ষতি ও ধৰ্মস কৱেছে এবং কবিতাৰ নামে সব আবৰ্জনা ও জঞ্জাল গ্ৰহণ কৱেছে, মুহাম্মাদ ইবন ইসহাক তাদেৱ অন্যতম। তিনি একজন সীৱাত বিশেষজ্ঞ। লোকেৱা তাৰ নিকট থেকে আৱৰ্বী কবিতা গ্ৰহণ কৱেছে। তিনি আপত্তি কৱে বলতেন : কবিতা সম্পর্কে আমাৱ কোন জ্ঞান নেই। আমাৱ নিকট কবিতা আনা হয়, আৱ তা গ্ৰহণ কৱি। এটা তাৰ জন্য কোন কৈফিয়ত হতে পাৱে না। তিনি তাৰ সীৱাত গ্ৰন্থে এমন সব লোকেৱ কবিতা সন্নিবেশ কৱেছেন যারা কখনো কোন কবিতা বলেনি। পুৱৰ্ষদেৱ কবিতা ছাড়াও মহিলাদেৱ কবিতাও সংকলন কৱেছেন। এ পৰ্যন্ত তিনি থেমে থাকেননি, বৱং আদ ও ছামুদ জাতি পৰ্যন্ত অগ্ৰসৱ হয়েছেন। তিনি কি নিজে কখনো চিন্তা কৱেননি,

৩২. তাৰিখাকাতু ফুহল আশ-ও‘আৱা’-৭-৮

এসব কবিতা কারা এতদিন ধারণ করেছে এবং হাজার হাজার বছর ধরে কে বা তা সংরক্ষণ করেছে? আল্লাহ বলেন : তিনিই প্রথম ‘আদকে ধ্বংস করেছেন এবং ছামুদকে এমনভাবে নির্মূল করেছেন যে, তাদের একজনকেও বাঁচিয়ে রাখেননি। ‘আদ জাতি সম্পর্কে অন্যত্র বলেন : তুমি কি এখনো তাদের কাউকে অবশিষ্ট দেখতে পাবে? তিনি আরো বলেন : তোমাদের কাছে কি সেই জাতিসমূহের অবস্থার বিবরণ আসেনি যারা তোমাদের পূর্বে অতীত হয়েছে? নৃহের জাতি, ‘আদ-ছামুদ এবং তাদের পরবর্তীকালের বছ জাতি যাদের সংখ্যা আল্লাহ ছাড়া কেউ জানে না।’

কাদরিয়া মতবাদ

কোন কোন বর্ণনায় জানা যায় যে, ইবন ইসহাক কাদরিয়া মতবাদে বিশ্বাসী ছিলেন। আরবী ‘কদর’ শব্দ হতে ‘কাদরিয়া’ কথাটি এসেছে। ‘কদর’ মানে শক্তি। এই সম্প্রদায়ের চিন্তাবিদরা মানুষের ইচ্ছার স্বাতঙ্গ্য ও কর্মের স্বাধীনতায় বিশ্বাস করতেন বলে তারা কাদরিয়া নামে পরিচিত। তবে তিনি কাদরিয়া মতবাদে বিশ্বাসী ছিলেন না বলেও অনেকে বলেছেন। মুহাম্মাদ ইবন ‘আবদিল্লাহ ইবন নুমাইর বলেন, ইবন ইসহাক কাদরিয়া ছিলেন বলে দোষারোপ করা হয়, অথচ এই মতবাদের সাথে তাঁর দূরতম সম্পর্কও ছিল না।^{৩৩}

মৃত্যু

প্রথম জীবনে তিনি মদীনায় বসবাস করতেন। পরে এখান থেকে কৃফা, জাফীরা, রায় প্রভৃতি স্থানে ভ্রমণ করতে থাকেন। সর্বশেষ বাগদাদে যান এবং সেখানে হিজরী ১৫১, খ্রী. ৭৬৮, মতান্তরে ১৫২ অথবা ১৫৩ সনে ইনতিকাল করেন। খলীফা হারান আর-রাশীদের মা খায়যুরানের কবরস্তানে সমাহিত হন।^{৩৪}

০:

৩৩. তারীখু বাগদাদ-১/২২২; তাহ্যীব আল-কামাল-১৬/৭৮

৩৪. তাবাকাত-৭/২৭' তায়কিরাতুল হফ্ফাজ-১/১৭৩; আল-আ'লাম-৬/২৮

মুজাহিদ ইবন জাবর (রহ)

হ্যরত মুজাহিদ (রহ)-এর ডাকনাম আবুল হাজাজ। তিনি কায়স ইবন আস-সায়িব আল-মাখয়্যুমীর আযাদকৃত দাস ছিলেন।^১ তাঁর পিতার নাম জাবর ও জুবায়র দু'রকম বর্ণিত হয়েছে।^২

তিনি একজন দাস হওয়া সত্ত্বেও জ্ঞানের জগতের স্থ্রাট ছিলেন। জ্ঞানের দিক দিয়ে তিনি ছিলেন ইমাম পদ মর্যাদার অধিকারী। ইবন সাদ লিখেছেন :^৩

كَانَ فِيهَا عَالِيًّا ثُمَّ كَثِيرُ الْحَدِيثِ.

‘তিনি ছিলেন একজন ফকীহ, ‘আলিম, বিশ্বস্ত ও বহু হাদীছের ধারক-বাহক।’ ইমাম যাহাবী (রহ) তাঁকে জ্ঞানের ভাঙুর বলেছেন।^৪ ইমাম নাওবী (রহ) বলেন, তাঁর মহত্ত্ব ও ইমাম হওয়ার যোগ্যতার ব্যাপারে সকলের ঐকমত্য আছে।^৫ তাফসীর, হাদীছ, ফিকহসহ সকল ইসলামী জ্ঞানে তিনি ইমাম পদ মর্যাদা লাভ করেন।

ইল্মুল কিরাআত ও তাফসীর

আল-কুরআনের পঠন-পাঠনও একটি শাস্ত্র, যাকে عِلْمُ الْقُرْآن বা কিরাআত শাস্ত্র বলা হয়। এটা উল্ম আল-কুরআনের একটি শাখা। এ শাস্ত্রে কুরআন পাঠের যাবতীয় নিয়ম-পদ্ধতি পঠিত হয়। তিনি এই ইল্মুল কিরাআত ও তাফসীর শাস্ত্রের সে যুগের একজন খ্যাতিমান ‘আলিম ছিলেন। তাফসীরের জ্ঞান তিনি অর্জন করেন মুসলিম উম্মাহর জ্ঞানের সাগর হ্যরত ‘আবদুল্লাহ ইবন ‘আবাসের (রা) নিকট থেকে। পূর্ণ তিরিশ বার তিনি তাঁকে কুরআন শোনান ও তাফসীর শোনেন।^৬ এত মনোযোগ ও অধ্যবসায় সহকারে এ কাজ করতেন যে, প্রত্যেক সূরা পাঠ করে থেমে যেতেন, তারপর সূরা ও বিভিন্ন আয়াতের শানে নৃযুৎসহ নানা বিষয়ে প্রশ্ন করে জেনে নিতেন।^৭ তাঁর এমন মনোযোগ, অধ্যবসায় ও ‘আবদুল্লাহ ইবন ‘আবাসের (রা) মত মহান মুফাস্সিরে কুরআনের (কুরআন ভাষ্যকার) নিকট শিক্ষার কল্যাণে তিনি একজন উচ্চ স্তরের মুফাস্সিরে পরিণত হন। খাসীফ বলেন, মুজাহিদ তাফসীরের সবচেয়ে বড় ‘আলিম ছিলেন।^৮ হ্যরত কাতাদা

-
১. আত-তাবাকাত-৫/৪৬৬
 ২. আল-ইসাবা ফী তামায়ী আস-সাহাবা-৩/৪৮৫-৪৮৬ (জীবনী নং ৮৩৬৩); ‘আসরুত তাবি’ঈন-৪৫৭
 ৩. আত-তাবাকাত-৫/৪৬৬
 ৪. তায়কিরাতুল হফ্ফাজ-১/৯২
 ৫. তাহ্যীব আল-আসমা’-১/৮৩
 ৬. আত-তাবাকাত-৫/৪৬৬
 ৭. তাহ্যীব আত-তাহ্যীব-১০/৪৩; তায়কিরাতুল হফ্ফাজ-১/৯২
 ৮. তাহ্যীব আল-আসমা’-১/৮৩

(রহ) বলতেন, সেই সময়ের জীবিত সত্যনির্ণয় ব্যক্তিদের মধ্যে মুজাহিদ সবচেয়ে বড় ‘আলিম।^{১০} পরিত্র কুরআনের একজন বিখ্যাত কারীও ছিলেন তিনি।^{১১} সুফিয়ান আছ-ছাওরী বলতেন, তোমরা মুজাহিদ, সাঁদ ইবন জুবায়র, ইকরিমা ও আদ-দাহহাক ইবন মুয়াহিম— এই চারজনের নিকট থেকে কুরআনের তাফসীর গ্রহণ করবে।^{১২}

হাদীছ

তিনি হাদীছের একজন অতি প্রসিদ্ধ ‘আলিম ছিলেন। ইমাম যাহাবী (রহ) তাঁকে মুফাস্সির ও হাদীছের হাফিজ, ইবন সা’দ – كثیر الحديث – বল হাদীছের ধারক-বাহক এবং ইমাম নাওবী (রহ) হাদীছের ইমাম বলেছেন। হ্যরত ‘আবদুল্লাহ ইবন ‘উমার (রা) তাঁর স্মৃতি শক্তির দারণে প্রশংসন করতেন। বলতেন, হায়, নাফি’র মুখস্থ শক্তি যদি তোমার মত হতো!^{১৩}

হ্যরত ‘আলী, ‘আবদুল্লাহ ইবন ‘উমার, ‘আবদুল্লাহ ইবন ‘আকবাস, ‘আবদুল্লাহ ইবন যুবায়র, ‘আবদুল্লাহ ইবন ‘আমর ইবন আল-আস, আবু সাঁদ আল-বুদরী, আবু হুরায়রা, সা’দ ইবন আবী ওয়াক্কাস, রাফি’ ইবন খাদীজ, উম্মুল মু’মিনীন ‘আয়িশা সিদ্দীকা, জুওয়ায়রিয়া বিনত আল-হারীছ, উম্মু হানী (রা) প্রমুখের মত শ্রেষ্ঠ সাহাবীদের নিকট থেকে তিনি হাদীছের জ্ঞান অর্জন করেন। তাছাড়া তাবি’ঈদের মধ্যে ‘আবদুর রহমান ইবন আবী লায়লা, তাউস, ‘আবদুল্লাহ ইবন সায়িব, ‘আবদুল্লাহ ইবন সানজারা, ‘আবদুর রহমান ইবন সাফওয়ান, ‘উমার ইবন আসওয়াদ, মুওয়ারিক আল-‘আজলী, আবু ‘আয়্যাশ আয-যারকী, আবু ‘উবায়দা ইবন ‘আবদিল্লাহ ইবন মাসউদ (রহ) প্রমুখের নিকট থেকেও তিনি হাদীছ শোনেন।^{১৪}

তাঁর ছাত্র-শিষ্যের গুণ অনেক প্রশংসন। তাঁদের মধ্যে সর্বাধিক উল্লেখযোগ্য কয়েকজন হলেন : আইউব আস-সিখতিয়ানী, ‘আতা’, ইকরিমা ইবন ‘আওন, ‘আমর ইবন দীনার, আবু ইসহাক সুবায়ঈদ, আবুয যুবায়র মাক্কী, কাতাদা, হাবীব ইবন আবী ছাবিত, হাসান ইবন ‘আমর, সালামা ইবন কাহয়াল, সুলায়মান আল-আহওয়াল, সুলায়মান আল-আশাশ, মুসলিম, আল-বাতীন, তালহা ইবন মুসরিফ, ‘আবদুল্লাহ ইবন কাছীর (রহ) ও আরো অনেকে।^{১৫}

ফিক্হ

ফিক্হ শাস্ত্রেও তিনি একজন ইমাম ও মুজতাহিদ পর্যায়ের ব্যক্তি ছিলেন।^{১৬} ইমাম যাহাবী, ইবন হাজার, ইমাম নাওবী (রহ) সকলে তাঁর ফিক্হ বিষয়ে পারদর্শিতার

১. তায়কিরাতুল হফফাজ-১/১২

২. তাহ্যীব আত-তাহ্যীব-১০/৪৮

৩. ‘আসরুত তাবি’ঈন-৪৫৬, ৪৫৯

৪. শাজারাত আয-যাহাব-১/১২৫

৫. তাহ্যীব আত-তাহ্যীব-১০/৪২

৬. প্রাণকু

৭. তাহ্যীব আল-আসমা’-১/৮৩

ব্যাপারে একমত পোষণ করেছেন। ফিক্হ বিষয়ে তাঁর দক্ষতার জন্য এ সনদই যথেষ্ট যে, সে কালের জ্ঞানের নগরী মঙ্গল শ্রেষ্ঠ মুফতীদের মধ্যে তিনিও একজন।^{১৬}

আল্লাহর সন্তুষ্টির উদ্দেশ্যে জ্ঞান চর্চা

জ্ঞান চর্চার উদ্দেশ্য পার্থিব উপকার প্রাণ্তির আশা থেকে একেবারে মুক্ত থাকে না। কিন্তু হযরত মুজাহিদের জ্ঞান চর্চা সব রকম চাওয়া-পাওয়ার আশা থেকে সম্পূর্ণ মুক্ত ছিল। সালামা ইবন কুহায়ল বলেন, ‘আতা’, তাউস ও মুজাহিদ- এই তিনজন ছাড়া আমি এমন কাউকে পাইনি যার জ্ঞান চর্চা ছিল শুধুমাত্র আল্লাহর সন্তুষ্টির উদ্দেশ্যে।^{১৭}

জ্ঞানের সাথে তাঁর মধ্যে আল্লাহ-ভীতি ও দুনিয়া বিরাগী মনোভাব পূর্ণমাত্রায় ছিল। ইবন হিবান বলেন, মুজাহিদ ছিলেন একজন ফকীহ, আল্লাহ-ভীকু, তাপস ও দুনিয়া বিরাগী মানুষ।^{১৮}

দুনিয়ার সাথে সম্পর্কহীনতা

আজীবন তিনি দুনিয়ার কাছে অপরিচিত ও তার সাথে সম্পর্কহীন থেকে গেছেন। পার্থিব ভোগ-বিলাস বা কোন জিনিসের প্রতি তাঁর মন কখনো আসক্তি বোধ করেনি। সব সময় চিন্তাক্রিট ও বিষণ্ণ থাকতেন। আ’মাশ বলেন, মুজাহিদকে আমরা যখনই দেখতাম, বিষণ্ণ দেখতাম। জনেক ব্যক্তি তাঁকে এই বিষণ্ণতার কারণ জিজ্ঞেস করে। তিনি বলেন, ‘আবদুল্লাহ ইবন ‘আব্বাস (রা) আমার হাত মুট করে ধরে বলেন, রাসূলুল্লাহ (স) আমার হাত ধরে বলেছেন, ‘আবদুল্লাহ! দুনিয়াতে এমনভাবে থাক যেন মনে হয় তুমি কোন মুসাফির অথবা কোন পথিক।^{১৯}

সরল ও সাদাসিধে জীবন

বাহ্যিক চাকচিক্য ও সাজ-শোভার প্রতি এতই বেপরোয়া ছিলেন যে, প্রথম দৃষ্টিতে তাঁর ও একজন অতি সাধারণ মানুষের মধ্যে পার্থক্য করা দুঃসাধ্য ছিল। আ’মাশ বলেন, যখন আমি মুজাহিদকে তাঁর বাহ্যিক অবস্থায় দেখতাম তখন তাঁকে একজন অতি তুচ্ছ মানুষ মনে হতো।

বাহ্যিক বেশভূষায় কোন সহিস বলে ধারণা হতো। মনে হতো তার গাধা হারিয়ে গেছে এবং সে অস্ত্রের ও উদ্ভাস্তের মত তা তালাশ করছে। তবে জ্ঞানের ক্ষেত্রে তাঁর যে সম্মান ও মর্যাদা ছিল তাতে কোন হেরফের হতো না। তিনি যখন কথা বলতেন তখন তাঁর মুখ থেকে যেন মুক্তো ঝরতো।^{২০} অনেক বড় বড় সাহাবী তাঁকে সম্মান ও সম্মের দৃষ্টিতে

১৬. ই’লাম আল-মুওয়াক্কিঁঈন-১/২৬

১৭. তাহ্যীব আত-তাহ্যীব-১/৪২; তারীখু ইবন ‘আসাকির-১৬/১২৯

১৮. প্রাণ্ত

১৯. শাজারাত আয়-যাহাব-১/১২৫

২০. তায়কিরাতুল হফ্ফাজ-১/৯২; সিয়াক আ’লাম আন-নুবালা’-৪/৪৫৩

দেখতেন। হ্যরত ‘আবদুল্লাহ ইবন উমারের (রা) মত মহান ব্যক্তি তাঁর বাহনের জিনের আংটা চেপে ধরে তাঁকে উঠা-নামায় সাহায্য করতেন। তিনি বলতেন, আমি ‘আবদুল্লাহ ইবন উমারের (রা) সাহচর্য পেয়েছি। আমি চাইতাম তাঁর সেবা করতে, কিন্তু উল্টো তিনিই আমার সেবা করতেন।^{২১}

হ্যরত মুজাহিদের (রহ) ভ্রমণ করা ও পৃথিবীর বিস্ময়কর বস্তু ও নির্দর্শনসমূহ দেখার দারুণ শখ ছিল। তিনি বিভিন্ন স্থান ঘুরে ঘুরে সব কিছু দেখতেন। তিনি বাবেলে যান কুরআনে বিখ্যুত হারাত-মারাতের ঘটনাটির স্থান পরিদর্শনের জন্য।^{২২}

ওফাত

মৃত্যুর সন সম্পর্কে একাধিক বর্ণনা আছে। হিজরী ১০২ মতান্তরে ১০৩ সনে তাঁর মৃত্যু হয়। নামাযে সিজদা অবস্থায় শেষ নিঃশ্বাস ত্যাগ করেন। তিনি সন্তান (৭০), মতান্তরে আশি (৮০) বছর জীবন লাভ করেন।^{২৩}

২১. আঙ্কট; তারিখ ইবন ‘আসাকির-১৬/১২৯

২২. সিয়ারু আ’লাম আন-নুবালা’-৪/৮৫৫

২৩. আত-তাবাকাত-৫/৮৬৬; ‘আসরুত তাবি’ঈন-৪৬৫

মুহাম্মাদ ইবন ‘আলী ইবন হসায়ন আল-বাকির (রহ)

হযরত রাসূলে কারীমের (সা) দৌহিত্র হযরত হসায়নের (রা) পৌত্র মুহাম্মাদের ডাকনাম আবু জাফার এবং উপাধি আল-বাকির। তাঁর পিতা ইমাম যায়নুল ‘আবিদীন ‘আলী ইবন হসায়ন (রা) এবং মাতা হযরত ইমাম হাসানের (রা) কন্যা উম্মু ‘আবদিল্লাহ।^১ সুতরাং ইমাম হসায়ন ও ইমাম হাসান (রা) যথাক্রমে তাঁর মহান দাদা ও নানা। পিতৃ ও মাতৃ উভয়কুলের দিক দিয়ে তাঁর ধর্মনীতে হযরত রাসূলে কারীমের (সা) পবিত্র রক্ত বহমান ছিল। হিজৰী ৫৭ সনের সফর মাসে তিনি মদীনায় জন্মগ্রহণ করেন। এই হিসাবে কারবালায় হযরত ইমাম হসায়নের (রা) মর্মান্তিকভাবে শাহাদাত বরণের সময় তিনি তিন/চার বছরের শিশু মাত্র।^২

জ্ঞান ও মনীষা

হযরত বাকির ছিলেন সেই খনির রত্ন ও রাতের বাতি যার কল্যাণে সারা পৃথিবীতে ‘ইল্ম’ ও ‘আমল’ তথা জ্ঞান ও কর্মের আলো ছড়িয়ে পড়েছিল। তারপর তিনি ইমাম যায়নুল ‘আবিদীনের (রহ) মত জ্ঞানের দু’সাগরের মোহনা সমতুল্য পিতার তত্ত্বাবধানে লালিত-পালিত হন। বংশীয় ঐতিহের প্রভাব ছাড়াও তাঁর মধ্যে স্বভাবগতভাবে জ্ঞান অর্জনের প্রবল আগ্রহও ছিল। এ সকল কারণ সম্মিলিতভাবে তাঁকে তাঁর যুগের একজন শীর্ষ স্থানীয় ‘আলিমে পরিণত করে। তিনি স্বীয় অগাধ জ্ঞানের কারণে “বাকির” অভিধায় ভূষিত হন।^৩ আরবী بَاقِر، شدّقَتِ بَقْرَ থেকে উদ্ভৃত, যার অর্থ বিদীর্ণ করা, ফেঁড়ে ফেলা। তিনি ‘ইল্ম’ তথা জ্ঞানকে বিদীর্ণ করে তার মূল ও অভ্যন্তরীণ গোপন রহস্য অবগত হন, তাই তাঁকে بَاقِر (বাকির) বলা হয়।^৪

অনেক ‘আলিম’ মনে করতেন তাঁর মহান পিতার জ্ঞানের চেয়েও তাঁর জ্ঞান অনেক ব্যাপক ছিল। মুহাম্মাদ ইবন আল-মুনকাদির বলেন, যতদিন আমি মুহাম্মাদকে না দেখেছি ততদিন মনে করতাম, এমন কোন ‘আলিম’ নেই যাঁকে ‘আলী ইবন হসায়ন যায়নুল ‘আবিদীনের (রহ) উপর প্রাধান্য দেওয়া যায়।^৫ তিনি তাঁর সময়ে তাঁর পুরো খান্দানের নেতা ছিলেন। ইমাম যাহাবী (রহ) বলেন : كَانَ سَيِّدَ بْنِ هَاشِمٍ فِي زَمَانِهِ - ‘তিনি তাঁর সময়ে বানূ হাশিমের নেতা ছিলেন।’^৬ ইমাম নাওবী (রহ) বলেন, তিনি একজন অতি

১. তাহ্যীব আল-কামাল-১৭/৭৩

২. ওয়াফইয়াত আল-আইয়ান-১/৪৫০

৩. তাহ্যীব আল-আসমা’ ওয়াল লুগাত-১/৮৭

৪. তায়কিরাতুল হফ্ফাজ-১/১২৪

৫. তাহ্যীব আত-তাহ্যীব-৯/৩৫০

৬. তায়কিরাতুল হফ্ফাজ-১/১২৪

সম্মানিত ত বিঙ্গি ও শ্রেষ্ঠ ইমাম ছিলেন। তাঁর শ্রেষ্ঠত্বের ব্যাপারে সকলে একমত। মদীনার ফখুর ও ইমামগণের মধ্যে তিনি পরিগণিত।^১ ইমাম যাহাবী তাঁকে শীর্ষস্থানীয় দৃঢ়পদ ইমাম বলে উল্লেখ করেছেন।^২

হাদীছ

হাদীছ তো তাঁর নিজ গৃহের সম্পদ। এ কারণে এর সবচেয়ে বেশী অধিকার ছিল তাঁর। ইবন সাঈদ বলেছেন :^৩ ‘কান ثقة كثير العلم والحديث’ – ‘তিনি ছিলেন বিশ্বস্ত, বহু জ্ঞান ও হাদীছের ধারক-বাহক।’ এই জ্ঞান তিনি অর্জন করেন পারিবারিক পরিমণ্ডলে নিজ বংশের উর্ধ্বতন পুরুষদের নিকট থেকে। যেমন : পিতা ইমাম যায়নুল ‘আবিদীন, নানা হাসান, দাদা হুসায়ন ইবন ‘আলী, মুহাম্মাদ ইবন আল-হানাফিয়া, দাদার চাচাতো ভাই ‘আবদুল্লাহ ইবন জাফার, ‘আবদুল্লাহ ইবন ‘আবাস ও উমুল মু’মিনীন হ্যরত ‘আয়িশা ও উম্মু সালামা (রা) প্রমুখ মহান ব্যক্তিবর্গের জ্ঞান ভাণ্ডার থেকে পরোক্ষভাবে অর্জন করেন। অর্থাৎ তাঁদের সুত্রে তাঁর সকল বর্ণনা “মুরসাল”। নিজ পরিবারের বাইরে হ্যরত আনাস ইবনে মালিক (রা), সাঈদ ইবন মুসায়িব, ‘আবদুল্লাহ ইবন আবী রাফি’, হারমালা, ‘আতা’ ইবন ইয়াসার, ইয়ায়ীদ ইবন হুরমুয়, আবু মুররা (রহ) প্রমুখের নিকট থেকেও ফায়দা হাসিল করেন।^৪

তাঁর ছাত্রবৃন্দ

সেই সময়ের বড় বড় ইমাম যেমন : আবান ইবন তাগলিব আল-কুফী, জাবির ইবন ইয়ায়ীদ আল-জু’ফী, হাজ্জাজ ইবন আরতাত, ‘আবদুল্লাহ ইবন ‘আতা’, আওয়া’ঈ, আল-আ’মাশ, ইবন জুরাইজ, ইমাম যুহরী, ‘আমর ইবন দীনার, আবু ইসহাক সুবায়ঈ (রহ) প্রমুখের মত শ্রেষ্ঠ তাবিঙ্গি এবং তাবিঙ্গিনের বড় একটি দল তাঁর নিকট থেকে জ্ঞান লাভ করেন।^৫

ফিক্হ শাস্ত্রেও তাঁর বিশেষ পারদর্শিতা ছিল। ইবন আল-বারকী তাঁকে ফকীহ ও শ্রেষ্ঠ জ্ঞানী বলেছেন।^৬ মনীষীগণ তাঁকে মদীনার তাবিঙ্গি ফকীহ ও ইমামদের মধ্যে গণ্য করেছেন।^৭

ইবাদত-বদেগী

তিনি সেই সব মহান ব্যক্তিবর্গের প্রত্যক্ষ তত্ত্বাবধানে লালিত-পালিত হয়ে বেড়ে ওঠেন

৭. তাহ্যীব আল-আসমা’-১/৮৭

৮. তায়কিরাতুল হফ্ফাজ-১/১২৪

৯. আত-তাবাকাত-৫/২২৮; তাহ্যীব আল-কামাল-১৭/৭৪

১০. তাহ্যীব আত-তাহ্যীব-৯/৩৫০; তাহ্যীব আল-কামাল-১৯/৭৩

১১. প্রাণ্তক

১২. প্রাণ্তক

১৩. তাহ্যীব আল-আসমা’-১/৮৭; তায়কিরাতুল হফ্ফাজ-১/১২৪

ঘাঁদের জীবনের প্রধান কাজই ছিল ‘ইবাদত-বন্দেগী’ করা, আর যে পরিবেশে তিনি জন্মের পর চোখ মেলে তাকান সেখানে সর্বক্ষণ আঢ়াহ রাবুল ‘আলামীনের যিক্র’ ও তাসবীহ-তাহমীদের ধ্বনি-প্রতিধ্বনি হতে থাকতো। এ কারণে ‘ইবাদতের সেই প্রাণশক্তি তাঁর মধ্যেও অনুপ্রবেশ করেছিল। রাত-দিন দেড়শো রাক‘আত নফল নামায আদায় করতেন।^{১৪} অতিরিক্ত সিজদার কারণে কপালে স্পষ্ট দাগ পড়ে গিয়েছিল। তবে সেটা তেমন গভীর ছিল না।^{১৫}

হয়রত আবু বকর ও ‘উমারের (রা) প্রতি শ্রদ্ধাবোধ

নিজের পূর্বপুরুষ ও অন্যান্য মহান ব্যক্তির মত হয়রত আবু বকর ও ‘উমারের (রা) প্রতি ও ছিল তাঁর প্রগাঢ় ভক্তি ও শ্রদ্ধাবোধ। জাবির বলেন, একবার আমি মুহাম্মাদ ইবন ‘আলীকে জিজেস করলাম, আপনার বংশের কেউ কি আবু বকর ও ‘উমারকে (রা) গালি দিতেন? বললেন, না। আমি তাঁদেরকে ভালোবাসি এবং তাঁদের মাগফিরাতের দু’আ করি। ঈসা ইবন দীনার আল-মুয়ায্যিনের এক প্রশ্নের জবাবে তিনি তাঁকেও এরপ জবাব দেন এবং তাঁদের দু’জনকে ভালোবাসতে ও তাঁদের জন্য দু’আ করতে বলেন।^{১৬} সালিম ইবন আবী হাফসা বলেন, আমি ইমাম আল-বাকির ও তাঁর পুত্র জাফার আস-সাদিকের নিকট আবু বকর ও ‘উমারের (রা) ব্যাপারে জিজেস করি, তিনি বলেন, সালিম! আমি তাঁদেরকে ভালোবাসি এবং তাঁদের দুশ্মনদের সাথে আমার কোন সম্পর্ক নেই। তাঁরা দু’জন ছিলেন পথপ্রদর্শক ইমাম। আমাদের পরিবারের সকলকে তাঁদের প্রতি সম্মান প্রদর্শন করতে দেখেছি।^{১৭}

বিশ্বাসের বিশুদ্ধতা

কিছু দল-উপদল এমন সব ভ্রান্ত ‘আকীদা-বিশ্বাস ঐ সকল মহান ব্যক্তিবর্ণের প্রতি আরোপ করেছে যার সাথে তাঁদের বিন্দু মাত্র সম্পৃক্ততা ছিল না। দীনী বিষয়ে নির্মল ও পরিচ্ছন্ন ইসলামী আকীদা ছাড়া আর কোন রকম নতুন আকীদা তাঁরা পোষণ করতেন না। জাবির বলেন, আমি মুহাম্মাদ ইবন ‘আলীকে জিজেস করলাম, আপনাদের আহ্লি বায়তের মধ্যে কেউ কি এমন ধারণা পোষণ করতেন যে, কোন পাপ শিরক? বললেন, না। আমি দ্বিতীয় প্রশ্ন করলাম; তাঁদের কেউ কি পুনর্জীবনের প্রবক্তা ছিলেন? বললেন, না।^{১৮}

ওফাত

তিনি হামিয়া নামক স্থানে ইনতিকাল করেন এবং লাশ মদীনায় এনে জামাতুল বাকী’তে দাফন করা হয়। মৃত্যুর সন নিয়ে মত পার্থক্য আছে। হিজরী ১১৪, ১১৫, ১১৭ ও ১১৮

১৪. তায়কিরাতুল হফ্ফাজ-১/১২৪

১৫. আত-তাবাকাত-৫/২৩৬

১৬. প্রাণক্ষেত্র; তাহ্মীর আল-কামাল-১৭/৭৫

১৭. তাহ্মীর আত-তাহ্মীর-৯/৩৫১; তাহ্মীর আল-কামাল-১৭/৭৪

১৮. আত-তাবাকাত-৫/২৩৬

সনের কথা বর্ণিত হয়েছে।^{১৯} কত বছর জীবন লাভ করেন সে সম্পর্কে দু'টি বর্ণনা পাওয়া যায়। একটি বর্ণনা মতে ৫৮ বছর এবং অন্যটি মতে ৭৩ বছর। তবে দ্বিতীয়টি যে সত্য নয় তা নিশ্চিত করে বলা যায়। কারণ হিজরী ৫৭ সনে যে তিনি জন্মগ্রহণ করেন, সে ব্যাপারে সকলে একমত।^{২০}

সেই হিসাবে প্রথম বর্ণনাটি অধিকতর সঠিক বলে মনে হয়। কারণ তখন তাঁর বয়স ৫৮ থেকে ৬১ বছরের মধ্যে হয় এবং কোনভাবেই ৭৩ বছর হয় না।

সন্তানাদি

ইমাম আল-বাকির (রহ) অনেকগুলো সন্তান রেখে যান। জা'ফার ও 'আবদুল্লাহ ছিলেন হযরত আবু বকর সিদ্দীকের (রা) দৌহিত্রী উম্মু ফারওয়ার (রহ) গর্ভজাত; ইবরাহীম ছিলেন উম্মু হাকীম বিনত উসায়দের গর্ভজাত; 'আলী ও যায়নাৰ ছিলেন এক দাসীর গর্ভজাত এবং উম্মু সালামা আরেক দাসীর গর্ভজাত ছিলেন। তাঁদের সকলের মধ্যে জা'ফার, যিনি আস-সাদিক উপাধি প্রাপ্ত, সর্বাধিক প্রসিদ্ধ এবং তিনি তাঁর পিতার স্থলাভিমিক্ত হন।^{২১}

ইমাম আল-বাকির সুন্দর বেশ-ভূষা পছন্দ করতেন। 'খুয' নামক এক প্রকার রেশমের মূল্যবান কাপড় ব্যবহার করতেন। সাদা ও রঙীন দু'ধরনের পোশাকই ব্যবহার করতেন। পশ্চমী বুটিদার কাপড়ও পরতেন। চুল ও দাঢ়িতে খিজাব লাগাতেন।^{২২}

১৯. ওয়াফাইয়াত আল-আইয়ান-১/৪৫০; আত-তাবাকাত-৫/২৩৮; তায়কিরাতুল হফ্ফাজ-১/১২৪

২০. তাহ্যীব আত-তাহ্যীব-৯/৩৫১; তাহ্যীব আল-কামাল-১৭/৭৫

২১. আত-তাবাকাত-৫/২৩৮

২২. প্রাগুক্ত; তাবি'ঈন-৪৫১

মাকহূল আদ-দিমাশকী (রহ)

হ্যরত মাকহূলের (রহ) কুনিয়াত তথা ডাকনাম দুটি : আবু ‘আবদিল্লাহ ও আবু আইউব। তাঁর বংশ ও জন্মভূমি সম্পর্কে মতভেদ আছে। ইবন সাঈদ তাঁকে কাবুলের অধিবাসী বলে উল্লেখ করেছেন।^১ ইবন হাজার কয়েকটি বর্ণনা উল্লেখ করেছেন, যার একাংশের দ্বারা জানা যায় তিনি একজন অনারব বংশোদ্ধৃত এবং তাঁর পিতার নাম সোহরাব। আর ইবন হাজারের বর্ণনার কিছু অংশের দ্বারা প্রমাণিত হয়, তিনি মিসরীয় ছিলেন, আর কিছু বর্ণনা দ্বারা এ সিদ্ধান্তে উপনীত হওয়া যায় যে, তিনি একজন আরব এবং হ্যালী গোত্রের মানুষ।^২

তবে শেষের দুটি বর্ণনা অর্থাৎ হ্যালী ও মিসরীয় হওয়া অবশ্যই সঠিক নয়। কারণ তাঁর অনারব বংশোদ্ধৃত হওয়া সন্দেহাতীতভাবে প্রমাণিত। তাঁর হ্যালী ও মিসরীয় হওয়া এজন্য প্রসিদ্ধ যে, তিনি তাঁর জীবনের কিছু দিন হ্যালী গোত্রের এক ব্যক্তির দাসত্ত্বে ছিলেন এবং কিছুকাল মিসরে অবস্থান করেন।

এ ব্যাপারে ইমাম নাওয়ীর (রহ) বর্ণনাটি অধিক যুক্তিভিত্তিক ও সঠিক বলে প্রতিভাব হয়। তিনি তাঁকে অনারব বংশোদ্ধৃত ও কাবুলের লোক বলেছেন। সুতরাং তাঁর বর্ণনা অন্যায়ী হ্যরত মাকহূলের (রহ) উর্ধ্বতন বংশধারা এ রকম :^৩

مَحْوُلُ بْنُ زِيدٍ يَا ابْنَ ابِي مُسْلِمٍ شَهْرَابَ بْنَ شَازِلَ بْنَ سَنْدَ بْنَ شَرْذَانَ بْنَ يَرْدَكَ بْنَ
يَغْوُثَ بْنَ كَسْرَى كَابْلَى وَدمْشَقَى.

এ বর্ণনা দ্বারা বিভিন্ন বর্ণনার মধ্যে যে সমন্বয়টি পাওয়া যায় তা হলো— তিনি অনারব বংশোদ্ধৃত, জন্মভূমি কাবুল এবং দিমাশকে বসবাসকারী ছিলেন। আল-মিয়্যী বলেন : দিমাশকের ‘আল-আহাদ’ বাজারের পাশে তাঁর বাড়ি ছিল।^৪

তাঁর জীবনের প্রথম পর্বের ইতিহাস হলো, তিনি ‘আমর ইবন সাঈদ ইবন আল-আসের দাস ছিলেন। ‘আমর তাঁকে হ্যালী গোত্রের এক মহিলাকে দান করেন। এই দ্বিতীয়জনের দাসত্ত্বের কারণে তাঁর সম্পর্ক আরোপের ক্ষেত্রে দুটি বর্ণনা হয়ে গেছে। একটি হলো তিনি ‘আমর ইবন সাঈদের দাস ছিলেন, আর দ্বিতীয়টি হলো, তিনি ছিলেন হ্যালী গোত্রের দাস। দুটি বর্ণনাই সঠিক। তিনি নিজেই তাঁর দাসত্ত্ব জীবনের সূচনা সম্পর্কে বলেছেন, ‘আমি ‘আমর ইবন সাঈদ ইবন আল-আসের দাস ছিলাম। পরে তিনি

১. আত-তাবাকাত-৭/১৬১

২. তাহ্যীব আত-তাহ্যীব-১০/২৯০; তাহ্যীব আল-কামাল-১৮/৩৫৬

৩. তাহ্যীব আল-আসমা’ ওয়াল লুগাত-১/১১৩

৪. তাহ্যীব আল-কামাল-১৮/৩৫৬

আমাকে হ্যালী গোত্রের এক ব্যক্তির হাতে তুলে দেন।”^৫ কথাটি যুক্তিভিত্তিক এজন্য যে, ‘আমরের পিতা সাঁদ হযরত ‘উছমানের (রা) খিলাফতকালে কাবুলের সীমান্তবর্তী এলাকায় অভিযান চালিয়ে জয় করেন।’^৬ এটাই যুক্তিসম্মত যে, এই অভিযানের সময় মাকহূল যুদ্ধবন্দী হিসেবে সাঁদের অধিকারে আসেন। আর একথার সমর্থন পাওয়া যায় খোদ মাকহূলের একটি বর্ণনাতে। তিনি বলেন, আমি এক সময় সাঁদের দাস ছিলাম।^৭ পরে উত্তরাধিকার সূত্রে তিনি তাঁর পুত্র ‘আমরের অধিকারে এসে থাকবেন এটাই স্বাভাবিক।

মুহাম্মাদ ইবন আল-মুন্ফির শাক্কার বলেন : মাকহূলের মূল হলো হারাতের। তাঁর পিতার নাম আবু মুসলিম শোহরাব ইবন শাফিল। দাদা শাফিল হারাতের অধিবাসী ছিলেন। তিনি কাবুলের এক রাজার মেয়ে বিয়ে করেন। স্ত্রীকে সন্তান সন্তাবা অবস্থায় রেখে তিনি মারা যান এবং স্ত্রী পিতৃগৃহে চলে যান। সেখানে শোহরাবের জন্ম হয়। শোহরাব কাবুলে বেড়ে ওঠেন এবং সেখানে বিয়ে করেন। অতঃপর সেখানে মাকহূলের জন্ম হয়। একটু বড় হলে তিনি মুসলিম বাহিনীর হাতে বন্দী হন এবং সাঁদ ইবন আল-আসের হাতে অর্পিত হন। এভাবে তিনি দাসত্বের জালে জড়িয়ে পড়েন। সাঁদ ইবন আল-আস আবার তাঁকে হ্যাইল গোত্রের এক মহিলার হাতে উপহার হিসেবে তুলে দেন। পরে এই মহিলা মাকহূলকে দাসত্ব থেকে মুক্তি দেন।^৮

জ্ঞান অর্জনের জন্য ইসলামী বিশ্ব ভ্রমণ

মুসলমানরা যে দাসদের পৃষ্ঠপোষকতা করে, শিক্ষা ও প্রশিক্ষণ দিয়ে দাসত্বের নিকৃষ্ট জীবন থেকে বের করে পূর্ণতা ও উৎকর্ষতার শীর্ষ পর্যায়ে পৌছে দিত, মাকহূল তাঁর একটি উজ্জ্বল দৃষ্টান্ত। তাঁর জীবন শুরু হয়েছে দাসত্বের মাধ্যমে এবং অবশেষে তিনি শামের জ্ঞানের উচ্চাসনে অধিষ্ঠিত হন। জ্ঞান অব্বেষণে তাঁর স্বত্বাবগত আগ্রহ ছিল। এ কারণে দাসত্বের জীবনেই তিনি জ্ঞান অর্জনে মনোযোগী হন। পরে দাসত্ব থেকে মুক্তির পর তৎকালীন গোটা ইসলামী বিশ্বের সকল শ্রেষ্ঠ জ্ঞান কেন্দ্রে উপস্থিত হয়ে জ্ঞান আহরণ করেন। তিনি বলেন, যখন আমি দাসত্ব থেকে মুক্ত হই তখন মিসরের সকল জ্ঞান আত্মস্থ করে ফেলি।^৯ আর যতক্ষণ না আমার মধ্যে এ প্রত্যয় জন্মেছে যে, এখানকার সকল জ্ঞান আমি ধারণ করে ফেলেছি ততক্ষণ সেখান থেকে বের হওয়ার জন্য পা বাঢ়াইনি।^{১০}

মিসরের জ্ঞান ভাণ্ডার শূন্য করার পর তিনি মদীনায় যান এবং সেখান থেকে যান ইরাকে।

৫. আত-তাবাকাত-৭/১৬১
৬. ফুতুহ আল-বুলদান-৩২২
৭. তায়কিরাতুল হফ্ফাজ-১/১০৭
৮. তাহ্যীব আল-কামাল-১৮/৩৫৮
৯. তায়কিরাতুল হফ্ফাজ-১/১০৮
১০. আত-তাবাকাত-৭/১৬০

এ দু'স্থানের জ্ঞানের সকল ঝর্ণাধারা থেকে পরিত্পত্তি হওয়ার পর যান শামে। তথাকার জ্ঞানী-গুণীদের নিকট থেকে শ্রীয় জ্ঞানভাণ্ডার আরো সমৃদ্ধ করেন। মোটকথা, তিনি জ্ঞান অব্বেষণে ইসলামী দুনিয়ার প্রতিটি কোণে উপস্থিত হয়েছেন। তিনি নিজেই বলেন : ‘আমি জ্ঞানের অব্বেষণে গোটা পৃথিবী চৰে বেড়িয়েছি।’^{১১}

জ্ঞান অর্জনে তাঁর প্রবল আগ্রহ ও চেষ্টা-সাধনা তাঁকে জ্ঞানের জগতের এমন শীর্ষ পর্যায়ে পৌঁছে দেয় যেখানে তাঁর সমকালীনদের মধ্যে খুব অল্পসংখ্যক ব্যক্তিই পৌঁছাতে পেরেছিলেন। ইমাম যুহুরী (রহ) বলতেন; ‘আলিম তো মাত্র চারজন। তাঁদের মধ্যে একজন মাকহূল। অন্য তিনজন হলেন : মদীনার সা'ঈদ ইবন আল-মুসায়িব, কুফার আমির আশ-শা'বী এবং বসরার হাসান আল-বাসরী।’^{১২} ইবন ইউনুস বলেন, মাকহূল একজন ফকীহ ও ‘আলিম ছিলেন। তাঁর গ্রহণযোগ্যতা ও বিশ্বস্ততার ব্যাপারে সকলে একমত।’^{১৩} ইবন ‘আমার বলতেন, তিনি শামের অধিবাসীদের ইমাম ছিলেন।’^{১৪} হাদীছ ও ফিক্হ উভয় শাস্ত্রে তিনি ইমাম মর্যাদার অধিকারী ছিলেন।

সুলায়মান ইবন মুসা বলতেন : আমাদের কাছে ইল্ম যখন হিজায়ের যুহুরী থেকে, ইরাকের হাসান আল-বাসরী থেকে, আল-জায়িরার মায়মূন ইবন মিহরান থেকে এবং শামের মাকহূল থেকে আসলো, আমরা তা গ্রহণ করলাম। সা'ঈদ ইবন ‘আবদিল ‘আয়ীয় বলেন, হিশামের খিলাফাতকালে এ চারজনই ছিলেন মানুষের ‘আলিম।’^{১৫}

হাদীছ

তিনি হিজায়, ইরাক, মিসর, শামসহ জ্ঞান চর্চার সকল কেন্দ্রে উপস্থিত হয়ে তথাকার মুহাদিছগণের নিকট থেকে হাদীছ শোনেন। স্মৃতি শক্তি এত প্রখর ছিল যে, যা কিছু শোনেন সবই বক্ষে ধারণ ও সংরক্ষণ করেন।^{১৬} এ কারণে তিনি তাঁর সময়ের একজন বড় হাফিজে হাদীছে পরিণত হন। ইমাম যাহাবী (রহ) তাঁকে তাবি'ঈদের ত্রুটীয় স্তরের একজন অন্যতম শ্রেষ্ঠ হাফিজে হাদীছ বলে উল্লেখ করেছেন।^{১৭}

তাঁর শিক্ষকবৃন্দ

তিনি তাঁর সময়ের প্রায় সকল বড় ‘আলিমের নিকট থেকে জ্ঞান অর্জন করেছেন। এ কারণে তাঁর শিক্ষকদের তালিকা অনেক দীর্ঘ। কোন দেশ তা থেকে বাদ পড়েনি। সেই

১১. তায়কিরাতুল হফ্ফাজ-১/১০৮; তাহ্যীব আল-কামাল-১৮/৩৫৯

১২. প্রাণ্ডু

১৩. তাহ্যীব আল-আসমা’ ওয়াল লুগাত-১/১১৪

১৪. তাহ্যীব আত-তাহ্যীব-১০/২৯১

১৫. তাহ্যীব আল-কামাল-১৮/৩৬০

১৬. তায়কিরাতুল হফ্ফাজ-১/১০৮

১৭. প্রাণ্ডু-১/১০৭

তালিকার মধ্যে বিশাল সংখ্যক সাহাৰায়ে কিৱামের নামও আছে। তাঁদের মধ্যে আনাস ইবন মালিক, আবু হিন্দ দারী, ওয়াছিলা ইবন আসকা', আবু উমামা, 'আবদুৱ রহমান ইবন গানাম, আবু জান্দাল ইবন সুহায়ল (রা) প্রমুখের নিকট থেকে সরাসৰি হাদীছ শুনেছেন।^{১৮} আৱ উবাই ইবন কা'ব, ছাওবান, 'উবাদা ইবন ছাবিত, আবু হুরায়রা, আবু ছালাবা খুশানী, 'আয়িশা সিদ্দীকা (রা) থেকে মুৱাসাল হিসেবে বৰ্ণনা কৱেছেন। অৰ্থাৎ তাঁদের নাম বাদ দিয়ে তিনি নিজেই সরাসৰি রাসূল (সা) থেকে বৰ্ণনা কৱেছেন।^{১৯} বিশিষ্ট তাৰিখদেৱ মধ্যে সাঈদ ইবন আল-মুসায়িব, মাসৱক, জুবায়িল ইবন নাদীর, কুৱায়ব, আবু মুসলিম, আবু ইদৱীস খাওলানী, 'উরওয়া ইবন যুবায়িল, 'আবদুল্লাহ ইবন মুহায়রীয়, 'আম্বাসা ইবন আবী সুফইয়ান, ওয়াৱৱাদ কাতিব, মুগীরা, কুছায়িল মুৱৱা, উম্মুদ দারদা' (রহ) প্রমুখ থেকে হাদীছেৱ জ্ঞান লাভ কৱেন।^{২০}

তাঁৱ ছাত্ৰবৃন্দ

তাঁৱ ছাত্ৰ-শিয়েৱ গতি অত্যন্ত প্ৰশংসন। বিশিষ্ট কয়েকজনেৱ নাম এখানে দেওয়া হলো : ইমাম যুহৰী, হুমায়দ আত-তাৰীল, মুহাম্মাদ ইবন 'আজলান, মুহাম্মাদ ইবন ইসহাক, 'আবদুল্লাহ ইবন 'আলা', সালিম ইবন 'আবদিল্লাহ মুহারিবী, মৃসা ইবন ইয়াসার, ইমাম আওয়াঙ্গি, সাঈদ ইবন 'আবদিল 'আয়ীয়, 'আলা' ইবন আল-হারিছ, ছাওৱ ইবন ইয়ায়ীদ, আইউব ইবন মৃসা, মুহাম্মাদ ইবন রাশিদ মাকহূলী, মুহাম্মাদ ইবন ওয়ালীদ যুবায়দী, বাৰদ ইবন সিনান, 'আবদুল্লাহ ইবন 'আওফ, ইয়াহইয়া ইবন সাঈদ আল-আনসারী, উসামা ইবন যায়দ লায়ছী, নাথীর ইবন সাঈদ, সাফওয়ান ইবন 'আমৱ, ছাবিত ইবন ছাওবান (রহ) ও আৱো অনেকে।^{২১}

ফিকহ ও ফাতওয়া

হাদীছ স্মৃতিতে ধাৰণেৱ সাথে সাথে তিনি ফিকহ শাস্ত্ৰেৱ একজন ইমাম ও মুজতাহিদ ছিলেন। আবু হাতিম বলতেন, আমি শামে মাকহূলেৱ চেয়ে বড় কোন ফকীহ দেখিনি।^{২২} সাঈদ ইবন 'আবদিল 'আয়ীয় তাঁকে ইমাম যুহৰীৱ চেয়েও বড় ফকীহ বলে মনে কৱতেন।^{২৩} ইফতার ক্ষেত্ৰে ছিল তাঁৱ বিশেষ দক্ষতা ও সূক্ষ্ম দৃষ্টি। সাঈদ ইবন 'আবদিল 'আয়ীয় বলেন, তাঁৱ যুগে ইফতার ক্ষেত্ৰে তাঁৱ চেয়ে বেশী সূক্ষ্ম দৃষ্টি আৱ কাৱো ছিল না।^{২৪}

১৮. তাহ্যীব আল-আসমা'-১/১১৩

১৯. তাহ্যীব আত-তাহ্যীব-১০/২৯০

২০. তাহ্যীব আল-আসমা'-১/১১৩; তাহ্যীব আল-কামাল-১৮/৩৫৭

২১. প্রাণকৃত

২২. তাথকিৱাতুল হফফাজ-১/১০৮

২৩. প্রাণকৃত

২৪. তাহ্যীব আত-তাহ্যীব-১০/২৯১; তাহ্যীব আল-কামাল-১৮/৩৬০

সতর্কতা

তিনি ফাতওয়া দানের ক্ষেত্রে ভীষণ সতর্কতা অবলম্বন করতেন। নিজের মতের ভিত্তিতে যদি কোন মাসয়ালার জবাব দিতেন তাহলে স্পষ্টভাবে সে কথা বলে দিতেন যে, এটা আমার মত। সঠিকও হতে পারে, ভুলও হতে পারে।^{২৫}

ফিক্হ বিষয়ে তাঁর মনীষা ও উৎকর্ষতার বড় প্রমাণ এই যে, সেই যুগে যখন এন্ত রচনার সূচনাও হয়নি তখন তিনি ফিক্হ বিষয়ে দু'টি স্বতন্ত্র গ্রন্থ রচনা করেন। গ্রন্থ দু'টির নাম : ১. কিতাবুস সুনান, ২. কিতাবুস মাসায়িল।^{২৬}

আল্লাহর পথে অর্থ ব্যয়

জ্ঞানগত শ্রেষ্ঠত্বের সাথে সাথে নৈতিক উৎকর্ষতায়ও বিভূষিত ছিলেন। আল্লাহর পথে অর্থ-সম্পদ ব্যয় ও আল্লাহর পথে জিহাদ করা- এ দু'টি গুণ তাঁর মধ্যে পূর্ণরূপে বিকাশ লাভ করেছিল। যা কিছু তাঁর হাতে আসতো সবই আল্লাহর পথে ব্যয় করতেন। সাইদ ইবন 'আবদিল 'আযীয় বলেন, মাকহুলের ভাতা নির্ধারিত ছিল। তিনি সেই অর্থ আল্লাহর শক্তিদের বিরুদ্ধে জিহাদে ব্যয় করতেন।^{২৭} একবার দশ হাজার স্বর্ণমুদ্রার বড় অঙ্কের অর্থ তাঁর হাতে আসে। তিনি সেই অর্থও আল্লাহর পথে জিহাদে ব্যয় করেন। তিনি একজন মুজাহিদকে তাঁর একটি ঘোড়ার মূল্য হিসেবে পপ্রশংশ স্বর্ণ মুদ্রা দিতেন।^{২৮}

একটি সন্দেহের নিরসন

হ্যরত মাকহুল (রহ) সম্পর্কে একটা সাধারণ প্রসিদ্ধি ছিল যে, তিনি 'কাদরিয়া' মতবাদে বিশ্বাসী। এর সমর্থনে কিছু বর্ণনাও পাওয়া যায়। কিন্তু সঠিক বর্ণনাসমূহের ভিত্তিতে জানা যায়, এই ভ্রাতৃ আকীদা-বিশ্বাস থেকে তিনি পরিচ্ছন্ন ছিলেন। ইমাম আওয়া'ঈ (রহ) তাঁর একজন বিশিষ্ট ছাত্র বলেন, যতটুকু শোনা যায়, তাবি'ঈদের মধ্যে দুই ব্যক্তি হাসান আল-বাসরী ও মাকহুল (রহ) কাদরিয়া মতবাদে বিশ্বাসী ছিলেন। কিন্তু আমি ব্যাপক অনুসন্ধান ও পর্যালোচনার পর জেনেছি এই প্রসিদ্ধি সম্পূর্ণ ভিত্তিহীন।^{২৯} তাঁর আরেকজন ছাত্র সাইদ ইবন 'আবদিল 'আযীয়ও তাঁর এই ভ্রাতৃ মতবাদের বিশ্বাস থেকে মুক্ত থাকার সাক্ষ্য দিয়েছেন। তাঁর মৃত্যু সন সম্পর্কে মতভেদ আছে। হিজরী ১১২, ১১৩ এবং ১১৮ সনের কথা বর্ণিত হয়েছে।^{৩০}

২৫. শাজারাত আয়-যাহাব-১/১৪৬

২৬. ইবন নাদীম, আল-ফিহরিস্ত (মিসর সংক্রমণ)-৩১৮; তাবি'ঈন-৪৮৯

২৭. আত-তাবাকাত-৭/১৬১

২৮. তায়কিরাতুল হফ্ফাজ-১/১০৮

২৯. তাহ্যীব আত-তাহ্যীব-১০/২৯১; তাহ্যীব আল-কামাল-১৮/৩৬০

৩০. তায়কিরাতুল হফ্ফাজ-১৮/৩৬০; তাহ্যীব আল-কামাল-১৮/৩৬০

মুহাম্মাদ ইবন আল-মুনকাদির (রহ)

কুরআন বৎশের বালু তায়ায় শাখার সত্তান মুহাম্মাদ (রহ)। তাঁর ডাকনাম আবু 'আবদিল্লাহ। পিতা আল-মুনকাদির 'ইবন আল-হয়ায়র।'^১ তাঁর অপর দু'ভাই আবু বাকর ইবন আল-মুনকাদির ও 'উমার ইবন আল-মুনকাদির।

আল-মুনকাদির ছিলেন উচ্চুল মু'মিনীন 'আয়িশার (রা) মাঝা। একদিন তিনি 'আয়িশার (রা) কাছে গিয়ে নিজের প্রয়োজনের কথা বলে কিছু অর্থ সাহায্য চাইলেন। তিনি বললেন, আমার হাতে কিছু অর্থ আসার কথা আছে, আসলে পাঠিয়ে দেব। এরপর দশ হাজার দিরহাম 'আয়িশার (রা) হাতে আসে এবং তিনি সাথে সাথে তা আল-মুনকাদিরের নিকট পাঠিয়ে দেন। মুনকাদির সেই অর্থ দিয়ে একটি দাসী কেনেন। সেই দাসীর গর্জে জন্মহণ করে তাঁর তিন ছেলে : মুহাম্মাদ, আবু বাকর ও 'উমার।^২

জ্ঞান ও মনীষা

জ্ঞান ও আধ্যাত্মিকতা চর্চায় তিনি অতি উচু তরের মানুষ ছিলেন। ইমাম আয়-যাহাবী (রহ) তাঁকে আল-ইমাম ও শায়খুল ইসলাম (ইসলামের জ্ঞান-বৃক্ষ ব্যক্তি) বলে উল্লেখ করেছেন। তিনি আরো বলেছেন :

مجمع على ثقته وتقديمه في العلم والعمل وهو من طبقة عطاء لكنه تأخر موته.
“তাঁর বিশ্বস্ততা এবং ‘ইল্ম ও ‘আমলে অবৰ্বত্তিতার ব্যাপারে সকলের ঐক্যমত আছে। তিনি ‘আতা’র তরেম মানুষ, তবে তাঁর মৃত্যু হয়েছে দেরীতে।”^৩ ইবন হাজার আল-আসকিলানী (রহ) তাঁকে শীর্ষস্থানীয় ইমাম বলে উল্লেখ করেছেন।^৪

কিরাআত

আল-কুরআনের একজন বিশিষ্ট কানী ছিলেন। ইমাম মালিক (রহ) বলেন : “كَانَ سَيِّدًا : إِنَّمَا مُحَمَّدًا مَالِكًا” - তিনি ছিলেন কানীদের নেতা।^৫

হাদীছ

- ابن المقدير حافظا : আল-হয়ায়দী বলেন : আল-হয়ায়দী একজন হাফিজ।^৬ তিনি সাহাবা ও তাবিঁঈন কিরামের বড় একটি

১. তায়কিরাতুল হফ্ফাজ-১/১২৭

২. তাদ্যীব আত-তাদ্যীব-৯/৪৭৩; তাদ্যীব আল-কামাল-১৯/৩৬৫

৩. তায়কিরাতুল হফ্ফাজ-১/১২৭

৪. তাদ্যীব আত-তাদ্যীব-৯/১২৭

৫. তায়কিরাতুল হফ্ফাজ-১/১২৭

দলের নিকট থেকে হাদীছ শোনেন। সাহাবীদের মধ্যে হয়রত আবু আইউব আ-আনসারী, আনাস ইবন মালিক, জাবির, আবু উমামা ইবন সাহল, রাবী'আ ই-‘আবদিল্লাহ, ‘আবদুল্লাহ ইবন ‘উমার, ‘আবদুল্লাহ ইবনুল ‘আবাস, ‘আবদুল্লাহ ই-যুবায়র, আবু কাতাদা, সাফীনা, ‘আয়শা সিদ্দীকা (রা) এবং তাবি'ঈদের মধ্যে সা⁶ ইবন আল-মুসায়িব, ‘উবায়দুল্লাহ ইবন আবী রাফি’, ‘উরওয়া ইবন যুবায়র, মু’আয ই-‘আবদির রহমান আত-তায়মী, সা’ঈদ ইবন ‘আবদির রহমান ইয়ারব’, আবু বাকর ই-সুলায়মান (রহ) প্রমুখের সূত্রে তিনি হাদীছ বর্ণনা করেছেন।⁷ তাঁর কিছু মুরসাল হার্দ আছে। কিন্তু হাদীছের ‘আলিমগণ মনে করেন, তাঁর মুরসাল হাদীছ অন্য অনেক মারফু’ হাদীছের চেয়েও নির্ভরযোগ্য।⁸ ইবন ‘উয়ায়না বলেন :

— “তিনি ছিলেন সত্য ও সতত খনিসদৃশ। সত্যনিষ্ঠ ব্যক্তিগণ তাঁর কাছে সমবেত হতেন।” তিনি আরো বলেন, বে-বাক্য ব্যয়ে মেনে নিয়েছেন, একমাত্র তিনি ছাড়া এমন আর কাউকে আমি দেখিনি ইবরাহীম বলতেন, তিনি মুখস্থ শক্তি, দৃঢ়তা ও দুনিয়া বিরাগী মনোভাবের চূড়ান্ত পর্যাপ্ত মানুষ ছিলেন। তাছাড়া তিনি ছিলেন ইল্মে হাদীছে “হজ্জাত” (দলিল-প্রমা শরের ব্যক্তি)।⁹

ছাত্রবৃন্দ

তাঁর নিকট থেকে যাঁরা হাদীছ শুনেছেন ও তাঁর সূত্রে বর্ণনা করেছেন তাঁদের ম-সর্বাধিক উল্লেখযোগ্য হলেন : তাঁর পুত্র ইউসুফ ও আল-মুনকাদির, তাতিজা ইবরাহীম ‘আবদুর রহমান এবং অন্যদের মধ্যে ‘আবর ইবন দীনার, ইমাম মুহর্রী, আইউব, আন ইবন ‘উবায়দ, সালামা ইবন দীনার, জা’ফার ইবন মুহাম্মাদ সাদিক, মুহাম্মাদ ই-ওয়াসি’, সা’ঈদ ইবন ইবরাহীম, সুহায়ল ইবন আবী সালিহ, ইবন জুরায়জ, ‘আলী ই-যায়দ, মুসা ইবন উকবা, হিশাম ইবন ‘উরওয়া, ইয়াহইয়া ইবন সা’ঈদ আল-আনস (রহ) ও আরো অনেকে।¹⁰

ফিক্হ

তিনি ফিক্হ ও ফাতওয়ায় পারদর্শী ছিলেন। মদীনার তাবি'ঈ মুফতীগণের মধ্যে তা-গণ্য করা হতো।¹¹

৬. প্রাগুক্ত; তাহ্যীব আত-তাহ্যীব-১/৪ ৭৩

৭. তাবি'ঈন-৪৬৩

৮. তায়কিরাতুল হফ্ফাজ-১/১২৭; তাহ্যীব আল-কামাল-১৯/৩৬৫

৯. তাহ্যীব আত-তাহ্যীব-১/৪ ৭৫

১০. প্রাগুক্ত-১/৪ ৭৪; তাহ্যীব আল-কামাল-১৯/২৬৪-২৬৫

১১. ই'লাম আল-মুওয়াক্কিব'ঈন-১/২৬

তাকওয়া-পরহিযগারী

তাঁর মধ্যে তাকওয়া-পরহিযগারী ও দুনিয়া বিরাগী মনোভাব চূড়ান্ত রূপ লাভ করে। নফস বা আত্মার পরিশুদ্ধির জন্য তিনি অত্যন্ত কঠিন অনুশীলন করতেন। একাধারে চল্লিশ বছর নানাভাবে নফসের পরিশুদ্ধির কাজ করেন। তিনি নিজেই বলেন : **كَابِدْتْ نَفْسِي أَرْبِيعَنْ - سَنَةً حَتَّى اسْتَقَامَتْ** “আমি চল্লিশ বছর যাবত আমার নফসকে কষ্ট দিয়েছি, অতঃপর সে সোজা হয়।”^{১২} ইমাম মালিক বলতেন, তিনি উচ্চ স্তরের ‘আবিদ ও যাহিদ (দুনিয়ার প্রতি নির্লিঙ্গ) মানুষ ছিলেন। ইবনুল ইমাদ আল-হাসলী বলেন, তাঁর বাড়িটি ছিল সত্যনিষ্ঠ ও ‘আবিদ (সাধক) ব্যক্তিদের ঠিকানা।^{১৩}

খাওফে খোদা বা আল্লাহর ভয় তাঁর অস্তরের গভীরে শিকড় গেঁড়েছিল। কুরআনের বিশেষ বিশেষ আয়াত যখন তিলাওয়াত করতেন তখন তাঁর চোখ থেকে অঞ্চ ধারা জারি হয়ে যেত। এক রাতে তাহাজুদ নামাযে ব্যাকুল হয়ে কাঁদলেন। সকালে ভাইয়েরা তাঁর এমন কাঁদার কারণ জিজ্ঞেস করলেন। তিনি বললেন : এ আয়াতটি পাঠের পর আমার এমন অবস্থার সৃষ্টি হয় :

وَبِدَاهُمْ مِنَ اللَّهِ مَا لَمْ يَكُونُوا يَحْتَسِبُونَ. (الزمر : ৪৭)

“এবং তাদের জন্য আল্লাহর নিকট হতে এমন কিছু প্রকাশিত হবে যা তারা কল্পনাও করেনি।”

তাঁর মরণ সময় ঘনিয়ে এলে তিনি ভীষণ ভীত-শংকিত হয়ে পড়েন। বলেন, ‘আমি এ আয়াতকে ভয় পাচ্ছি। আমি ভয় পাচ্ছি, আল্লাহর পক্ষ থেকে আমার সামনে এমন কিছু প্রকাশ হয়ে পড়বে যার কল্পনাও আমি কখনো করিনি। হাদীছের ব্যাপারেও তাঁর অবস্থা এমন ছিল। ইমাম মালিক বলেন : যখন কেউ তাঁর কাছে কোন হাদীছ সম্পর্কে জিজ্ঞেস করতো তখন তিনি কেঁদে ফেলতেন।^{১৪}

হজ্জ আদায়ের ব্যাপারে দারুণ উৎসাহী ও আবেগপ্রবণ ছিলেন। ঝগঝস্ত হয়েও হজ্জ করতেন। একবার কেউ একজন প্রতিবাদের সুরে বলে, আপনি ঝগঝস্ত অবস্থায় হজ্জ আদায় করেন কেন? বললেন, হজ্জই ঝগ পরিশোধের সবচেয়ে বড় উপায় ও সহায়ক। হজ্জে একাকী যেতেন না। স্ত্রী ও ছেলে মেয়ে সকলকে নিয়ে যেতেন। বলতেন, তাদেরকে আল্লাহর সামনে উপস্থাপনের জন্য নিয়ে যাই। তাকে দেখলে অন্যের নফসও পরিশুद্ধ হতো। ইমাম মালিক বলেন, আমি যখন আমার অস্তরে কাঠিণ্য অনুভব করতাম তখন গিয়ে মুহাম্মদ ইবন আল-মুনকাদিরকে দেখতাম। এর প্রভাব এই হতো যে, কয়েকদিন পর্যন্ত নফস আমার নিকট শুব অপ্রিয় থাকতো।^{১৫}

১২. তায়কিরাতুল হফ্ফাজ-১/১২৭

১৩. শাজারাত আয়-যাহাব-১/১৭৮

১৪. তায়কিরাতুল হফ্ফাজ-১/১২৭

১৫. শাজারাত আয়-যাহাব-১/১৭৮

জনৈক ব্যক্তি তাঁকে জিজ্ঞেস করে, আপনার নিকট সবচেয়ে ভালো কাজ কি? বললেন
মুসলমানদেরকে সন্তুষ্ট করা। আরো জিজ্ঞেস করে, সবচেয়ে খ্রিয় জগত কোনটি
বললেন : বন্ধুদের সাথে আদান-প্রদান করা। আল-ওয়াকিদী বলেন : তিনি হিজরী ১৩
সনে ইমতিকাল করেন।^{১৬} একথা মুহাম্মাদ ইবন সাদও বলেছেন। তবে হাজন ইব
মুহাম্মাদ আল-ফারবীর সূত্রে ইমাম আল-বুখারী হিজরী ১৩১ সনের কথা বলেছেন
সুফইয়ান ইবন ‘উয়ায়না বলেন, তিনি সভর (৭০) বছরের উপরে জীবন শাঙ্ক করেন
শেষ জীবনে মাথার চুল সাদা হয়ে গিয়েছিল, তাই মেহেদীর খিজাব শাগতেন।^{১৭}

১৬. তারিকাতুল হহ্মাজ-১/১২৮

১৭. তাহ্যীব আল-কামাল-১৯/২৬৬

মুসলিম ইবন ইয়াসার (রহ)

ইসলাম সাম্য ও সমতাৰ ধৰ্ম। এতে উচু-শীচু, দাস-মণিৰেৱ মধ্যে কোন প্ৰতিদ নেই। এখানে সম্মান ও আভিজাত্যেৱ আপকাটি হলো তাকওয়া ও ‘আমল। এৱ মজীৰ ইসলামেৱ ইতিহাসে সৰ্বত্ত্ব পাওয়া যায়। তেমনই একটি দৃষ্টান্ত মুসলিম ইবন ইয়াসার। তাঁৰ ডাকনাম আৰু ‘আবদুল্লাহ। তিনি প্ৰথ্যাত সাহাবী হযৱত তালহা ইবন ‘উবায়দিল্লাহ, মতান্ত্ৰে ‘উহমান ইবন ‘আব্দুল্লাহ নাম হিলেন।^১

জ্ঞান ও মগীৰা

হযৱত তালহা (রা) হিলেন “আশাৰা মুবাশুশারা” অৰ্থাৎ জীবনশায় জান্নাতেৱ সুসংবাদ প্ৰাপ্তি দশজন মানুষেৱ একজন। তাঁৰ বাচ্চি সজাতি হিল ‘ইলম ও ‘আমল তথা জ্ঞান ও কৰ্মেৱ দুই সাগৰেৱ সজম হিলেন যত। তাঁৰ দাসত্বেৱ কল্যাণে এবং মাসুলুল্লাহৰ (সা) শহৰ মদীনায় অবস্থানেৱ সুযোগে মুসলিমও ‘ইলম ও ‘আমলেৱ ঐশ্বৰ্যেৱ অধিকাৰী হন। ইবন সাদ বলেন : - “মুসলিম হিলেন বিশ্বত, জানী, তাপস ও আল্লাহতীকুন্ন।” ইবন আওন বলেন, সেই সময়ে মুসলিমেৱ উপৱে কাউকে প্ৰাথান্য দেওয়া হতো মা।^২

হাদীছ

মদীনায় অবস্থানেৱ কাৰণে হযৱত ‘আবদুল্লাহ ইবন ‘আব্দুল্লাহ ইবন ‘উমারেৱ (রা) যত উচ্চাতেৱ প্ৰেষ্ঠ সজান এবং আবুল আশ ‘আহ সান ‘আনী, হামুদাৰ ইবন আবান (রহ) প্ৰযুক্তেৱ নিকট থেকে হাদীছেৱ জ্ঞান অৰ্জনেৱ সুযোগ লাভ কৱেন। আৱ ছবিত আল-বানানী, ইয়া’লা ইবন হাকীম, মুহাম্মাদ ইবন সীনীন, আইউব সাখতিয়ানী, আৰু নাদুৱা ইবন কাতাদা, সালিহ, আবুল খামল, মুহাম্মাদ ইবন আল-ওয়াসি’, ‘আমল ইবন দীনার, আবান ইবন আবী’ ‘আয়াম (রহ) প্ৰযুক্ত মুহাদিজগণ তাঁৰ সুযোগ্য ছাত্ৰ হিলেন।^৩

ফিক্ৰ শান্তেও তিনি অতি উচু হানেৱ অধিকাৰী হিলেন। খলীফা ইবন খায়জাত বলেন : তিনি বসৱাৰ সেই পৌচজন ফকীহৰ মধ্যে গণ্য হিলেন যাঁদেৱকে তাঁদেৱ যুগেৱ ফকীহ বলে মানা হতো।^৪

১. তাহীব আল-কামাল ফী আসমা’ আৱ-রিজাল-১৮/১০৫; তাৰিখ-৪৭৮

২. আত-তাৰাকাত-৭/১৩৭; তাহীব আল-কামাল-১৮/১০৫

৩. তাহীব আত-তাৰীহ-১০/১৪০

৪. প্ৰাপ্ত; তাহীব আল-কামাল-১৮/১০৪

৫. তাহীব আল-আসমা’ ওয়াল সুগাত-১/৯৩; তাহীব আল-কামাল-১৮/১০৫

ନୈତିକ ଶାଖାବଳୀ

‘ইল্মের তুলনায় তাঁর ‘আমল ছিল বেশী। ইবন সা’দ তো তাঁকে একজন ‘আবিদ ও আল্লাহর ভীরু বলেছেন। ইবন হিকান বলেন, তিনি বসরার ইবাদতকারী মহান ব্যক্তিদের মধ্যে ছিলেন।^৫

তিনি মনে করতেন, আল্লাহর প্রতি ঈমানের জন্য অপরিহার্য হলো তাঁর অপচন্দের সকল কথা-কাজ পরিহার করা। তিনি বলতেন, আমার বুঝে আসে না যে, বান্দা যদি আল্লাহর অপচন্দের সবকিছু ছেড়ে না দেয় তাহলে তাঁর ঈমান কোন কাজে আসবে?*

ନାମାୟେ ଆଶ୍ରହ ଓ ଏକାଶ୍ରତା

তাঁর নামাযে এক বিশেষ অবস্থা ও তন্মুগ্ধভাবের সৃষ্টি হতো। তিনি যখন নামাযে দাঁড়াতেন তখন এমন মনে হতো যে, তাঁর ওপর আলোকধারা নামছে। ইবন ‘আওন বলেন, যখন তিনি নামাযের মধ্যে থাকতেন তখন তাঁকে প্রাণহীন কাঠের মত মনে হতো, শরীর ও কাপড়-চোপড় একটুও নড়াচড়া করতো না। নামায়রত অবস্থায় যত মারাত্মক ও ভয় পাইয়ে দেওয়ার মত অবস্থার সৃষ্টি হোক না কেন সে ব্যাপারে তাঁর কোন প্রতিক্রিয়াই থাকতো না। একবার তিনি নামাযে দাঁড়িয়ে আছেন, এমন সময় পাশেই আঙুম ঢাঁপে এবং অল্পক্ষণ পরে নিডেও যায়; কিন্তু তিনি মোটেও টের পাননি।^৮

অসুস্থতার কারণে মানুষ যখন একেবারেই অপারগ হয়ে যায় সে সময় ছাড়া আর কোন অবস্থায় বসে নামায আদায় করা তিনি মোটেই পছন্দ করতেন না। একবার জনৈক ব্যক্তি নৌকায় বসে বসে নামায আদায়ের ব্যাপারে জিজ্ঞেস করে। তিনি বলেন, এ আমার মোটেই পছন্দ নয় যে, কোন রোগ ছাড়া আল্লাহ আমাকে বসা অবস্থায় নামাযে দেখুক। নামাযের দিকে আহ্বানের এত গুরুত্ব দিতেন যে, যদি বহু দূর থেকেও আয়ানের ধরনি কানে ভেসে আসতো, সেই মসজিদে গিয়ে নামায আদায় করতেন। একবার তিনি কোন এক মসজিদ থেকে ফিরছেন। কিছু দূর যাওয়ার পর আয়ানের ধরনি কানে ভেসে এলো। তিনি আবার সেই মসজিদে ফিরে গেলেন। মুয়ায়িন জিজ্ঞেস করলো, আপনি আবার ফিরে এলেন কেন? বললেন : তামিই তো ফিরিয়ে আনলে ।

মসজিদের খিদমত ছিল তাঁর বিশেষ কাজ। মসজিদে তিনি বাতি জুলাতেন। এ কারণে লোকেরা তাঁকে 'বাতি প্রজ্ঞালনকারী মুসলিম' বলতো।^{১০}

ଶ୍ରୀମାତ୍ର ଅନୁସମ୍ପଦ

সুন্নাহর অনুসরণের ব্যাপারে অত্যন্ত শুরুত্ব দিতেন। অতি মাঝুলি ধরনের সুন্নাতও ছুটে যেতে পারতো না। শুধু একটি সুন্নাতের অনুসরণ হবে এ চিন্তায় জুতাপরা অবস্থায় নামায আদায় করতেন। তিনি বলতেন, জুতা খোলা আমার জন্য খুবই সহজ কাজ, কিন্তু

৬. তাহ্যীব আত-তাহ্যীব-১০/১৪১

৭. আত-তাবাকাত-৭/১৩৬

୮. ପ୍ରାଣ୍ୟ-୨/୧୩୫

ନୀ. ପ୍ରାତିକ୍ରିୟ-୧/୧୩୬

১০. তাহ্যীব আত-তাহ্যীব-১০/১৪০; তাহ্যীব আল-কামাল-১৮/৯৫

শুধুমাত্র সুন্নাতের অনুসরণ হবে এ চিন্তায় জুতো পরা অবস্থায় নামায আদায় করি। হ্যরত রাসূলে কারীম (সা) খোরমা দিয়ে ইফতার করতেন। এ কারণে খোরমা দিয়েই তাঁর ইফতার হতো।^{১১}

কুরআনের প্রতি সম্মান

আল্লাহর কিতাব আল-কুরআনের প্রতি এত বেশী সম্মান প্রদর্শন করতেন যে, যে হাত দিয়ে কুরআন ধরতেন সে হাত দিয়ে নাজাসাতের স্থান স্পর্শ করতেন না। বলতেন, আমি ডান হাত দিয়ে যৌনাঙ্গ স্পর্শ করা খারাপ কাজ মনে করি। কারণ, এই হাত দিয়ে আমি কুরআন ধরি।

রিয়া তথা প্রদর্শনীয়লক মনোভাবকে তিনি মূর্খতা ও শয়তানের মন্ত্র বলে মনে করতেন। বলতেন, তোমরা আত্মপ্রদর্শনী থেকে দূরে থাক। কারণ, তা একজন 'আলিমকে মূর্খের পর্যায়ে নিয়ে যায় এবং তার মাধ্যমেই শয়তান ভুল পথে চালিত করে।^{১২}

তিনি অত্যন্ত ধীর-স্থির ও সহনশীল প্রকৃতির মানুষ ছিলেন। রাগের সময়ও মুখ থেকে অসমীচীন কথা উচ্চারিত হতো না। কখনো কাউকে গালি দেননি। সর্বাধিক উজ্জ্বলিত অবস্থায় তাঁর মুখ থেকে যে কথাটি উচ্চারিত হতো তা হলো : "এখন আমার থেকে সম্পর্ক ছিন্ন করে নাও।" একথা উচ্চারিত হলে মানুষ বুঝে যেত তিনি তাঁর রাগের চূড়ান্ত পর্যায়ে পৌছে গেছেন।

এত ধীর-স্থির ও ধৈর্য-সহনশীল হওয়ার কারণে সকল হৈ-হাস্তামা ও দন্দ-সংঘাতকে তিনি দারণ অপছন্দ করতেন। সে সময় মুহাম্মাদ ইবন আল-আশ'আছের নেতৃত্বে যে বিদ্রোহ ও বিশৃঙ্খলা দেখা দেয় তাতে অনেক উচ্চ স্তরের তাবি'ঈ জড়িয়ে পড়েন। অন্যদের মত মুসলিমও তাতে অংশ গ্রহণ করেন। তবে তিনি কারো উপর তরবারি উঠাননি। শুধু এই অংশ গ্রহণের জন্য পরবর্তীতে অনুশোচনায় জর্জারিত হন। আবু কিলাবা বলেন, একবার মক্কার সফরে আমি ও মুসলিম এক সাথে ছিলাম। তখন একদিন তিনি মুহাম্মাদ ইবন আল-আশ'আছের বিদ্রোহের আলোচনা প্রসঙ্গে বলেন : আলহামদু লিল্লাহ, আমি এই বিশৃঙ্খলায় না একটি তীর ছুঁড়েছি, না তরবারি চালিয়েছি, আর না একটি বর্ণ নিষ্কেপ করেছি। আমি বললাম, কিন্তু আপনি বলুন তো, এই সকল লোকদের পরিণতি কি হবে যারা আপনাকে সারিতে দাঁড়ানো দেখে বলেছিল, মুসলিম ইবন ইয়াসার এই মুদ্দে আছেন এবং তিনি কোন অন্যায় কাজে যুক্ত হতে পারেন না এবং এই বিশ্বাসে তারা যুদ্ধ করে মারা গেছে? আমার একথা শুনে তিনি ব্যাকুলভাবে কাঁদতে থাকেন। তাঁর এ অবস্থা দেখে আমি লজ্জিত হলাম, তাঁকে এমন কথা বলার জন্য।^{১৩}

গুরুত্ব

হ্যরত 'উমার ইবন 'আবদিল 'আবীয়ের (রহ) খিলাফতকালে হিজরী ১০০ অথবা ১০১ সনে তিনি ইনতিকাল করেন।^{১৪}

১১. আত-তাবাকাত-৭/১৩৬

১২. প্রাণক্ষেত্র

১৩. প্রাণক্ষেত্র-৭/১৩৭

১৪. প্রাণক্ষেত্র; তাহ্যীব আল-কামাল-১৮/৯৫

মিস'আর ইবন কিদাম (রহ)

ହୟରତ ମିସ'ଆରେର (ନାହ) ଡାକନାମ ଆବୁ ସାଲାମା । ପିତା କିଦାୟ ଇବନ ଜୁହାଇର । କୁରାଇଶ
ଗୋଡ଼େର ଆଲ-‘ଆଖିନୀ ଶାଖାର ସନ୍ତାନ ଏବଂ କୁଫାର ଅଧିବାସୀ ।³

ଜ୍ଞାନ ଓ ଧର୍ମଶା

তিনি জ্ঞান ও ধর্মচর্চা উভয় দিক দিয়ে শ্রেষ্ঠ তাবিদাদের মধ্যে ছিলেন। ইয়া'লা বলেন :^২
 - كَانَ مُسْرِفًا قَدْ جَمَعَ الْعِلْمَ وَالْوَرْعَ
 যাতিমেছিলেন।” ইরাকে তাঁর সমকক্ষ ‘আলিম খুব কমই ছিলেন। হিশাম ইবন ‘উসাইয়া
 (রহ) বলেন, যিস‘আর ও আইউবের চেয়ে উত্তম কেউ আবাদের এখানে আসেনি।^৩
 ইয়াম নাওবী (রহ) বলেন, তাঁর মাহাত্ম্য ও মর্যাদার ব্যাপারে সকলে একমত।^৪

३८

তিনি অন্যতম শ্রেষ্ঠ হাফিজে হাদীহ ছিলেন। ইয়াম আয়-যাহারী (রহ) তাঁকে একজন হাফিজ এবং অন্যতম শ্রেষ্ঠ আলিম বলেছেন। মুহাম্মদ ইবন বিশর বলেন : “**ক**েন এন্ড : ”
 - مسخر نحو ألف حديث فكتبهما سوي عشرة۔
 “মিস ‘আরের নিকট প্রাপ্ত এক হাজার হাদীহ ছিল। আমি দশটি ছাড়া সবই লিখেছি।” তিনি ‘আমর ইবন সা’ঈদ নাথা’ঈ, আবু ইসহাক আস-সুবায়’ঈ, সা’ঈদ ইবন ইবরাহীম, ছবিত ইবন ‘উবায়দুল্লাহ আল-আনসারী,
 ‘আবদুল মালিক ইবন নুমাইর, হিলাল ইবন জানাব, হাবীব ইবন আবী ছবিত, ‘আলকামা ইবন মারহাদ, কাতাদা, শা’আন ইবন ‘আবদিন রহমান, ঘিকদাম ইবন উরায়হ, আল-আ’মাশ, ‘আদী ইবন ছবিত, আল-হাকাম ইবন ‘উতায়বা (রহ)সহ বিশাল সংখ্যক
 মুহাম্মদিহের নিকট থেকে হাদীহের জ্ঞান অর্জন করেন।”

ठाँग बर्पित हानीहरू यान

ତୀର ବର୍ଣନା ସମ୍ବୂଦ୍ଧ ବିଷୟକାର ଜନ୍ୟ ଏତୋଟିକୁ ଯଥେଷ୍ଟ ଯେ, ହ୍ୟାଲିଟ ଓ ବାର ମତ ବିଧ୍ୟାତ ମୁହାଦିଶ ତାବିଙ୍ଗେ ବାଲେନ : ୧

- كنا نسمى المصحف من اتقانه. “তাঁর দৃঢ়তা ও আজ্ঞাপ্রত্যয়ের কারণে আমরা

১. তায়কিরাতুল হফ্ফাজ-১/১৮৮; তাহুয়ীব আল-কামাল-১৮/৫১
 ২. তায়কিরাতুল হফ্ফাজ-১/১৮৯
 ৩. তাহুয়ীব আত-তাহুয়ীব-১০/১১৮
 ৪. তাহুয়ীব আল-আসমা' ওয়াল লুগাত-১/৮৯
 ৫. তায়কিরাতুল হফ্ফাজ-১/১৮৮
 ৬. তাহুয়ীব আত-তাহুয়ীব-১০/১১৩; তাহুয়ীব আল-কামাল-১৮/৫১
 ৭. তায়কিরাতুল হফ্ফাজ-১/১৮৮

মিস'আরকে মাসহাফ বলতাম।” তাঁর ব্যক্তি সত্ত্বা ছিল হাদীছ যাচাই-বাছাইয়ের মাপকাঠি। এ কারণে তাঁর উপাধি হয়ে যায় “মীয়ান” বা পান্তা।^৮ আল-খুরায়বী বলেন :^৯

ما من أحد إلا وقد أخذ عليه إلا مسرع.

“খুব কম মুহান্দিছ এমন পাওয়া যাবে যাঁদের বর্ণনাসমূহ কোন না কোনভাবে সমালোচিত হয়নি। তবে মিস'আর এর ব্যতিক্রম।” হাদীছের ইমামগণ সন্দেহ ও মত পার্থক্যের স্থানে তাঁরই শরণাপন্ন হতেন। সুফইয়ান আছ-ছাওরী (রহ) বলেন, যখন হাদীছের কোন বিষয়ে আমাদের মধ্যে মত পার্থক্য হতো তখন আমরা মিস'আরকে জিজ্ঞেস করতাম।^{১০} ইবরাহীম ইবন সাদ বলতেন, যখন কারো ব্যাপারে সুফইয়ান ও শু'বার মধ্যে মত পার্থক্য হতো তখন তাঁরা মীয়ান মিস'আরের নিকট যেতেন।

হাদীছ শাস্ত্রে তাঁর এত জ্ঞান, পাণ্ডিত্য ও স্বীকৃতি থাকা সত্ত্বেও তিনি হাদীছ বর্ণনায় খুব বেশী সাবধানতা অবলম্বন করতেন। তিনি এ দায়িত্ব পালনে এত তরয় পেতেন যেন তাঁর মাথার উপর কাঁচের বোঝা রয়েছে। একটু অসতর্ক হলেই তা পড়ে গিয়ে ভেঙ্গে যেতে পারে। ইবন উয়ায়না বলেন, আমি মিস'আরকে একথা বলতে শুনেছি :^{১১}

وَدَدْتُ أَنَّ الْحَدِيثَ كَانَ قَوَابِرَ عَلَى رَأْسِي فَسَقَطْتُ فَتَكَسَّرَتْ.

আমি চেয়েছি, হাদীছ যদি আমার উপর কাঁচের বোঝার মত হতো, যা পড়ে গিয়ে ভেঙ্গে যায়। অর্থাৎ কারো মাথায় কাঁচের বোঝা থাকলে সে যেমন তা পড়ে গিয়ে ভেঙ্গে যাওয়ার আশঙ্কায় থাকে, তাই সব সময় সাবধানতা অবলম্বন করে। তেমনি তিনি হাদীছকে কাঁচ মনে করেছেন এবং সাবধানতা অবলম্বন করেছেন। তাঁর এমন মাত্রাতিরিক্ত সাবধানতা সন্দেহের পর্যায়ে পৌছে গিয়েছিল। আবু নু'আইম বলেন, মিস'আর তাঁর হাদীছসমূহের ব্যাপারে বড় সন্দেহপ্রায়ণ ছিলেন। তবে তিনি কোন ভুল করতেন না। আল-আ'মাশ বলতেন, মিস'আরের শয়তান তাঁকে দুর্বল করে তাঁর মধ্যে সন্দেহ ঢুকিয়ে দিতে থাকে।^{১২}

তাঁর এই সন্দেহ তাঁর হাদীছসমূহের মান এত বাড়িয়ে দেয় যে, হাদীছ বিশারদগণ তাঁর সন্দেহকে দৃঢ় প্রত্যয়ের মর্যাদা দিতেন। লোকেরা আ'মাশকে বললো, মিস'আর তো তাঁর নিজের বর্ণিত হাদীছসমূহে সন্দেহ পোষণ করেন। তিনি তাদেরকে বলেন : শকে كيقيين : - “তার সন্দেহ অন্যদের দৃঢ় প্রত্যয়ের মত।” এমন কথা ইমাম আল-ওয়াকী'ও বলেছেন। তবে ইয়াহইয়া আল-কাতান বলেন : - ما رأيت أثيب من مسرع - “আমি মিস'আরের চেয়ে বেশী বিশ্঵স্ত ও আস্থাশীল আর কাউকে দেখিনি।”^{১৩}

৮. তাহ্যীব আত-তাহ্যীব-১০/১১৪

৯. প্রাণুক্ত; তায়কিরাতুল হফ্ফাজ-১/১৮৮

১০. তাহ্যীব আল-আসমা' ওয়াল লুগাত-১/৮৯

১১. তায়কিরাতুল হফ্ফাজ-১/১৮৯

১২. তাহ্যীব আল-কামাল-১৮/৫১

১৩. তায়কিরাতুল হফ্ফাজ-১/১৮৮

ফিক্হ

ফিক্হ শাস্ত্রে তিনি যদিও কোন উল্লেখযোগ্য ব্যক্তি ছিলেন না, তবুও কৃফার মুফতীগণের মধ্যে গণ্য ছিলেন।^{১৪}

দারসের আসর

মসজিদে তাঁর দারসের আসর ছিল। সালাত আদায়ের পর নিয়ম অনুযায়ী মসজিদে বসে যেতেন এবং হাদীছ শনতে আগ্রহী লোকেরা বৃত্তাকারে তাঁর চার পাশে বসে যেতেন। তাঁর সূত্রে যাঁরা হাদীছ বর্ণনা করেছেন তাঁদের মধ্যে উল্লেখযোগ্য কয়েকজন হলেন সুফিইয়ান ইবন ‘উয়ায়না, ইয়াহইয়া আল-কাভান, মুহাম্মাদ ইবন বিশর, ইয়াহইয়া ইব আদম, আবু নুরাইম, খাল্লাদ ইবন ইয়াহইয়া, সুফিইয়ান আছ-ছাওরী, ‘আবদুল্লাহ ইব আল-মুবারক, ইয়ায়ীদ ইবন হারুন, শু’বা আল-হাজ্জাজ, মালিক ইবন মিগওয়াহ মুহাম্মাদ ইবন ইসহাক, মুহাম্মাদ ইবন বিশর (রহ) ও আরো অনেকে।^{১৫}

ইবাদত-বন্দেগী

তাঁর মা ছিলেন একজন উচ্চস্তরের ‘আবিদা। তাঁর পুণ্যময় তত্ত্বাবধানের গভীর প্রভাব পর্যন্ত ছেলের উপর। মা সব সময় মসজিদে সালাত আদায় করতেন। মা ও ছেলে দু’জন অধিকাংশ সময় এক সাথে মসজিদে যেতেন। একটা পশমী চাদর মিস‘আর হাতে করে নিতেন এবং মসজিদে পৌছে সেটা মা’র বসার জন্য বিছিয়ে দিতেন। তার ওপর দাঁড়িয়ে মা সালাত আদায় করতেন। আর মিস‘আর সামনের সারিতে চলে যেতেন এবং সালাত শেষ করে একটি স্থানে বসে যেতেন। তাঁকে ঘিরে হাদীছের জ্ঞান অর্জনে উৎসাহী ছাত্র বসে যেত। তিনি তাঁদেরকে হাদীছ শোনাতেন। এর মধ্যে তাঁর মা ‘ইবাদত ও যিক্রি আয়কার শেষ করতেন। আর মিস‘আর তাঁর দারস (পাঠদান) শেষ করে মা’র কাটে এসে তাঁর চাদরটি উঠিয়ে মাকে সংগে নিয়ে ঘরে ফিরতেন। তাঁর মাত্র দু’টি ঠিকানা ছিল; ঘর অথবা মসজিদ।^{১৬} অতিরিক্ত ‘ইবাদতের কারণে কপালে দাগ হয়ে গিয়েছিল খালিদ ইবন ‘আমর বলেন :^{১৭}

رأيت مسعاً كأن جبهته ركبة عنز من السجود.

“আমি মিস‘আরকে দেখেছি, অতিরিক্ত সিজদার কারণে তাঁর কপাল ছাগলের হাঁটুর মত হয়ে গেছে।”

১৪. ইলাম আল-মুওয়াক্কি’ঈন-১/২৮

১৫. আত-তাবাকাত-৬/২৫৩

১৬. তায়কিরাতুল হফ্ফাজ-১/১৮৮; তাহ্যীব আল-কামাল-১৮/৫২

১৭. আত-তাবাকাত-৬/২৫৩-২৫৪

১৮. তায়কিরাতুল হফ্ফাজ-১/১৮৮

প্রতিদিন অর্ধেক কুরআন তিলাওয়াত করতেন। তাঁর ছেলে মুহাম্মাদ বলেন :^{১৯}

كَانَ أَبِي لَا يَنْامُ إِلَّا أَنْ يَقْرَأَ نَصْفَ الْقُرْآنِ.

“আমার আবু অর্ধেক কুরআন পাঠ না করে ঘুমোতেন না।”

তিনি কোন একটি স্তরে পৌছে থেমে যেতেন না। তাঁর আধ্যাত্মিক সাধনার ধাপ সর্বদাই উন্নত থেকে উন্নততর হতে থাকতো। মা'আন বলেন :^{২০}

مَا رَأَيْتَ مَسْعِراً إِلَّا يَزِدُّ دَادَ كُلَّ يَوْمٍ خَيْرًا.

“আমি মিস'আরকে প্রতি দিনই শুভ ও কল্যাণে কেবল উন্নতিই করতে দেখেছি।” তিনি ইবাদত-বন্দেগী, আধ্যাত্মিক সাধনা ও নৈতিক গুণাবলীতে এমন উচ্চতর পর্যায়ে পৌছে যান যে, তাঁর জান্নাতী হওয়ার ব্যাপারে মানুষের কোন সন্দেহ ছিল না। যেমন আল-হাসান ইবন 'আম্বারা বলেন :^{২১}

إِنْ لَمْ يَدْخُلِ الْجَنَّةَ مِثْلَ مَسْعِرٍ فَإِنَّ أَهْلَ الْجَنَّةِ لَقَلِيلٌ.

“যদি মিস'আরের মত মানুষ জান্নাতে না যান তাহলে তো জান্নাতবাসীদের সংখ্যা অতি অল্পই হবে।”

প্রথ্যাত মুহাম্মদ হ্যরত 'আবদুল্লাহ ইবন আল-মুবারক (রহ) অথবা তাঁর মত অন্য কেউ হ্যরত মিস'আরের (রহ) আদত-অভ্যাস ও নৈতিক গুণাবলীতে মুক্ষ হয়ে একটি কবিতায় তা তুলে ধরেন। তাঁর দু'টি চরণ নিম্নরূপ :^{২২}

من كان ملتمسا جليسًا صالحًا + فليأت حلقة مسعر بن كدام
فيها السكينة والوقار وأهلها + أهل العفاف وعليه الأقوام.

“কেউ যদি সৎ সঙ্গী সঙ্কান করে, সে যেন মিস'আর ইবন কিদামের আসরে আসে।

সেখানে আছে প্রশান্তি ও গান্ধীর্য এবং এর সদস্যরা হলো পৃতঃপুরিত্ব এবং জাতির উঁচু স্তরের মানুষ।”

পার্থিব ধন-ঐশ্বর্যের প্রতি উদাসীনতা

দুনিয়া ও এর শান-শওকতের প্রতি একেবারেই উদাসীন ও বেপরোয়া ছিলেন। রাষ্ট্রীয় কোন পদের প্রতি কখনো চোখ তুলে তাকাননি। একবার মহা প্রতাপশালী আবাসীয় খলীফা আবু জাফার আল-মানসুর তাঁকে কোন একটি অঞ্চলের ওয়ালীর পদে নিয়োগ দিতে চান। তিনি বলেন, আমার পরিবারের লোকেরা তো আমাকে দুই দিরহামের বাজার করারও যোগ্য মনে করে না। তারা বলে, আমরা তোমার দুই দিরহামের কিছু ক্রয় করাও

১৯. প্রাণ্ডি-১/১৮৯; তাহ্যীব আত-তাহ্যীব-১০/১০৮

২০. তায়কিরাতুল হফ্ফাজ-১/১৮৯

২১. তায়কিরাতুল হফ্ফাজ-১/১৮৮

২২. প্রাণ্ডি-১/১৮৯-১৯০

পছন্দ করিনে। আর আপনি আমাকে ওয়ালীর পদে নিয়োগ দিতে চান? আল্লাহ
আপনাকে ঠিক কাজ করার শক্তি দিন। আপনার সংগে আমার আত্মীয়তার সম্পর্ক আছে,
তাই আমি কিছু বলতে পারছি। খলীফা আবু জাফার তাঁর এই আপত্তি মেনে নিয়ে তাঁর
সিদ্ধান্ত পরিবর্তন করেন।^{২৩}

তিনি অত্যন্ত প্রফুল্ল স্বভাবের মানুষ ছিলেন। অন্যের আবেগ-আগ্রহের প্রতি যথেষ্ট সম্মান
দেখাতেন। কেউ যখন তাঁকে একটি হাদীছ শোনাতো যা তাঁর আগেই জানা থাকতো
তখন কেবল সেই লোকটির সম্মতি ও হাদীছের মর্যাদার খাতিরে চুপ করে শুনে যেতেন,
যেন হাদীছটি তিনি পূর্বে কখনো শোনেননি।^{২৪}

ওফাত

তিনি হিজরী ১৫৫ মতান্তরে ১৫৩ সনে কৃফায় ইন্তিকাল করেন।^{২৫}

মুস'আব ইবন আল-মিকদাম বলেন : আমি রাসূলুল্লাহকে (সা) স্বপ্নে দেখলাম। সুফইয়ান
রাস্লের (সা) একটি হাত ধরে আছেন এবং এ অবস্থায় দু'জন কা'বা তাওয়াফ করছেন।
সুফইয়ান রাস্লকে (সা) বললেন : ইয়া রাসূলুল্লাহ! মিস'আর কি মৃত্যু বরণ করেছেন?
বললেন : হ্যাঁ, তাঁর মৃত্যুতে আসমানবাসীরা সুসংবাদ লাভ করেছে।^{২৬}

২৩. তাহ্যীব আত-তাহ্যীব-১০/১০৪; প্রাগুক্ত-১/১৮৯

২৪. আত-তাবাকাত-৬/২৫৩

২৫. তায়কিরাতুল হফাজ-১/১৯০; তাহ্যীব আল-কামাল-১৮/৫১

২৬. তাহ্যীব আল-কামাল-১৮/৫৪

মুতার্রিফ ইবন ‘আবদিল্লাহ ইবন আশ-শিখীর (রহ)

হযরত আবু ‘আবদিল্লাহ মুতার্রিফের (রহ) বংশধারা একুপ :

مُطَرِّفُ بْنُ عَبْدِ اللَّهِ بْنِ الشَّحِيرِ بْنِ عَوْفٍ بْنِ كَعْبٍ
بْنِ رَبِيعَةَ بْنِ عَامِرٍ بْنِ صَعْصَهِ.

‘আবদুল্লাহ তাঁর পিতা ও আশ-শিখীর দাদা। হযরত রাসূলে কারীমের (সা) জীবন্ধুয় তাঁর জন্ম। কিন্তু অল্প বয়স অথবা দূরে অবস্থানের কারণে মহানবীর সাক্ষাৎ ও সাহচর্যের সৌভাগ্য থেকে বাস্তিত থেকে যান।^১ ইয়ামীদ ইবন ‘আবদিল্লাহ আশ-শিখীর ও হানী ইবন ‘আবদিল্লাহ আশ-শিখীর তাঁর দু’ভাই।^২

জ্ঞান অর্জন

জ্ঞান অর্জনের প্রতি তাঁর ছিল তীব্র আবেগ ও আগ্রহ। জ্ঞানের শৃণ-ফীলতকে ‘ইবাদতের শৃণ-ফীলতের উপর প্রাধান্য দিতেন।^৩ এই প্রবল আগ্রহ ও আবেগ তাঁকে জ্ঞানীদের উচ্চাসনে বসায়। খোদাভীতি, অদ্বৃতা, শিষ্টাচারিতা তথা যাবতীয় নৈতিক শৃণ ও উৎকর্ষে ছিলেন আদর্শ স্থানীয়। ইবন সাদ বলেন, তাঁর ব্যক্তি সভায় খোদাভীতি, মহৎ শৃণ, বর্ণনা ক্ষমতা, প্রজ্ঞা ও সাহিত্য প্রতিভা ইত্যাদি শৃণের সমাবেশ ঘটেছিল। তিনি তাঁকে বসরার মনীষীদের ত্রুটীয় তবকায় স্থান দিয়েছেন।^৪ ইমাম যাহাবী বলেন, তিনি ‘ইলম ও ‘আমল তথা জ্ঞান ও কর্মের চূড়া সমতুল্য ছিলেন। তাঁর বিশাল ব্যক্তিত্বের কারণে মানুষের অস্তরে বিশেষ স্থানে অধিষ্ঠিত ছিলেন।^৫

হাদীছ

তাঁর সময়ে বিশাল সংখ্যক সাহাবায়ে কিরাম (রা) জীবিত ছিলেন। তিনি তাঁদের জ্ঞানের বর্ণাধারা থেকে পরিত্পন্ন হন। হযরত ‘উছমান, ‘আলী, আবু যার, ‘আম্বার ইবন ইয়াসির, ‘আবদুল্লাহ ইবন মুগাফ্ফাল, ‘উছমান ইবন আবিল ‘আস, ‘ইমরান ইবন হ্সাইন, মু’আবিয়া ইবন আবী সুফইয়ান (রা) প্রমুখ উচ্চ মর্যাদার সাহাবায়ে কিরামের সূত্রে হাদীছ বর্ণনা করেছেন। অন্যদিকে তাঁর নিকট থেকে জ্ঞান লাভে যাঁরা ধন্য হয়েছেন তাঁদের মধ্যে বিখ্যাত কয়েকজন হলেন : তাঁর ভাই আবুল ‘আলা’ ইয়ামীদ, ভাতীজা ‘আবদুল্লাহ

১. তাহ্যীব আত-তাহ্যীব-১০/১৭৮

২. তাহ্যীব আল-কামাল-১৮/১৪৩

৩. আত-তাৰাকাত-৭/১০৩

৪. তাহ্যীব আল-কামাল-১৮/১৪৩

৫. তায়কিরাতুল হফ্ফাজ-১/৬৫

ইবন হাসান আল-বসরী, হুমায়দ ইবন হিলাল, আবু নাসর, গায়লান ইবন জারীর, সাঈদ ইবন আবী হিন্দ, মুহাম্মাদ ইবন আল-ওয়াসি', আবুত তায়য়াহ, ছবিত আল-বানানী, 'আবদুল কারীম ইবন রুশাইদ, সাঈদ আল-হারীরী, আবু সালামা, সাঈদ ইবন ইয়ায়ীদ (রহ) ও আরো অনেকে।^৫ ফিক্হ শাস্ত্রেও তাঁর পর্যাপ্ত জ্ঞান ছিল। তিনি ছিলেন বসরার একজন অন্যতম শ্রেষ্ঠ মুফতী।^৬

তাঁর এই জ্ঞান ও মনীষার তুলনায় তাঁর আমল, পার্থিব ভোগ-বিলাসের প্রতি নির্মোহ ভাব এবং খোদাইরুত্তার পাল্লা ভারী ছিল। ইবন সাদ তাঁকে অত্যধিক আল্লাহ ভীরু লোকদের একজন বলে উল্লেখ করেছেন।^৭ 'আজলী তাঁকে অন্যতম শ্রেষ্ঠ তাবি'ঈ এবং সত্যনিষ্ঠ মানুষ বলেছেন। ইবন হিক্বান বলেন, তিনি ছিলেন বসরার একজন 'আবিদ ও যাহিদ (তাপস ও দুনিয়া বিরাগী) মানুষ।^৮

দাঙ্গা-হাঙ্গামা ও বিশৃঙ্খলা পরিহার

তাঁর এমন দুনিয়া বিরাগী মনোভাব ও আল্লাহ ভীরুত্তার কারণে তিনি সব ধরনের হৈ-হাঙ্গামা ও বিপর্যয়-বিশৃঙ্খলাকে দারুণ ভয় করতেন। এ জাতীয় কাজকে তিনি একটা পরীক্ষা বলে মনে করতেন। বলতেন, ফিতনা-ফাসাদ পথ প্রদর্শনের জন্য নয়, বরং ঈমানদার ব্যক্তিকে তাঁর নিজের নফসের সংগে সংঘাত-সংঘর্ষ বাধিয়ে দেয়ার জন্য মাথা তুলে দাঁড়ায়। তাঁর জীবনকালে বড় বড় বিপ্লব ও ঘটনা ঘটেছে, কিন্তু তিনি সবকিছু থেকে নিজেকে স্বত্ত্বে দূরে রেখেছেন। সাধারণতঃ ফিতনা-ফাসাদের সময় তিনি সে স্থান ত্যাগ করে কোন অঙ্গাত স্থানে চলে যেতেন। যদি যাওয়ার সুযোগ না পেতেন তাহলে ঘরে চুপ করে বসে থাকতেন। এমনকি জুম'আ ও জামা'আতের জন্যও বের হতেন না। উকবা বলেন, আমি মুতার্রিফের ভাই ইয়ায়ীদ ইবন 'আবদিল্লাহকে জিজেস করলাম, ফিতনা বা বিদ্রোহ-বিশৃঙ্খলা যখন মাথাচাড়া দিয়ে উঠতো তখন মুতার্রিফ কী করতেন? তিনি বললেন, ঘরের অভ্যন্তরে একেবারে নির্জনবাস অবলম্বন করতেন।

আর যতদিন বিদ্রোহ-বিশৃঙ্খলার অগ্রিমিকা প্রশংসিত না হতো ততদিন তিনি মানুষের জুম'আ ও জামা'আতে শরীক হতেন না। অন্যদেরকেও তিনি এই ফিতনা থেকে দূরে রাখার চেষ্টা করতেন। হ্যরত কাতাদা (রহ) বলেন, যখন কোন ফিতনা-ফাসাদ দেখা দিত তখন মুতার্রিফ মানুষকে তাতে জড়িত হতে বাধা দিতেন এবং নিজে কোথাও পালিয়ে যেতেন। হাসান আল-বাসরীও মানুষকে বাধা দিতেন, তবে তিনি স্থান ত্যাগ করতেন না। এ কারণে মুতার্রিফ তাঁর সম্পর্কে বলতেন, হাসান আল-বাসরী সেই ব্যক্তির মত যে মানুষকে প্লাবন থেকে সতর্ক করে, কিন্তু নিজে তাঁর পাশেই দাঁড়িয়ে থাকে।^৯

৬. তাহ্যীব আত-তাহ্যীব-১০/১৭২; তাহ্যীব আল-কামাল-১৮/১৪৩

৭. ই'লাম আল-মুওয়াক্কিঁসীন-১/৬৭

৮. আত-তাবাকাত-৭/১০৩

৯. তাহ্যীব আত-তাহ্যীব-১০/১৭৩

১০. আত-তাবাকাত-৭/১০৩

চূড়ান্ত পর্যায়ের সতর্কতার কারণে তিনি সেই সব সংঘাত-সংঘর্ষের অবস্থা সম্পর্কেও কোন কিছু জানতে চাইতেন না। ‘আবদুল্লাহ ইবন আয়-যুবায়ির (রা) ও বানু উমাইয়্যাদের মধ্যেকার দম্প-সংঘাত তাঁর সময়ে হয়। তিনি এই বিরোধের কথা কারো কাছে কিছুই জানতে চাইতেন না। মানুষ যেহেতু তাঁর চিন্তাধারা সম্পর্কে অবহিত ছিল এ কারণে তারাও তাঁর সামনে সে বিষয়ে কিছু আলোচনা করতো না।’^{১১}

হাজ্জাজ ইবন ইউসুফ ও ‘আবদুল মালিকের বিরুদ্ধে ‘আবদুর রহমান ইবন আল-আশ‘আছ যে বিদ্রোহের খাণ্ড উত্তোলন করেন তাতে অনেক বড় বড় সাহারী অংশ গ্রহণ করেন। মানুষ মুতার্রিফকেও অংশ গ্রহণের জন্য চাপ দিতে থাকে, কিন্তু তিনি তাদেরকে প্রশ্ন করেন : তোমরা যে জিনিসে অংশ গ্রহণের জন্য আহ্বান জানাচ্ছো তা কি “জিহাদ ফী সাবিলিল্লাহ থেকেও উত্তম হবে?” লোকেরা বললো : না। তিনি বললেন, তাহলে আমি ধ্বংসের মধ্যে পতিত হওয়া এবং সম্মান ও মর্যাদা অর্জনের মধ্যে জুয়া খেলতে চাই না। অর্থাৎ সন্দেহ ও সংশয়পূর্ণ যুদ্ধে জড়াতে চাই না। শান্তি ও নিরাপত্তার জীবন তাঁর পছন্দ ছিল। বলতেন, শান্তি ও নিরাপত্তি জীবন লাভ করে শুকরিয়া আদায় করা বিপদ-মুসীবতে ধৈর্য ধারণের চেয়ে আমার নিকট বেশী পছন্দের।^{১২} আল-‘ইজলী’ বলেন, ইবন আল-আশ‘আছের ফিত্না থেকে বসরার মাত্র দু’ব্যক্তি রক্ষা পেয়েছিলেন। তারা হলেন : মুতার্রিফ ও মুহাম্মাদ ইবন সীরীন।^{১৩}

‘আকীদা-বিশ্বাস

‘আকীদার ব্যাপারে অত্যন্ত কঠোর ছিলেন এবং তা সংরক্ষণের জন্য ভীষণ যত্নবান ছিলেন। একবার খারজীদের একটি উপদল তাঁর নিকট আসে এবং তাদের আকীদাসমূহ গ্রহণ করার জন্য তাঁকে আহ্বান জানায়। তিনি তাদেরকে বলেন, যদি আমার দু’টি অন্তর থাকতো তাহলে একটিতে তোমাদের ‘আকীদাসমূহ স্থান দিতাম এবং অন্যটি সংরক্ষণ করতাম। তোমরা যা বলছো তা যদি সঠিক হতো তাহলে দ্বিতীয়টি দিয়ে তোমাদের অনুসরণ করতাম। আর যদি ভুল হতো তাহলে একটি ধ্বংস হলেও অন্যটি তো রক্ষা পেত। কিন্তু অন্তর তো মাত্র একটি। এ কারণে আমি তাকে ধোঁকা ও প্রতারণার কাজে লাগাতে পারিনে।’^{১৪}

যদিও তিনি একজন বড় দুনিয়া বিরাগী খোদাড়ীর মানুষ ছিলেন, তাই বলে অদৃষ্টবাদী ছিলেন না। তিনি ছিলেন কর্মবাদী মানুষ। এ পৃথিবী কার্যকারণ- বিশ্ব বলে জানতেন। তাই বলতেন, এটা বৈধ নয় যে, কোন ব্যক্তি কোন উচু স্থান থেকে নিজেকে নীচে ফেলে দিয়ে বলে যে, আল্লাহ আমার তাকদীর এভাবেই নির্ধারণ করেছেন। বরং মানুষের উচিত

১১. প্রাণ্ত-৭/১০৮

১২. প্রাণ্ত

১৩. তাহ্যীব আল-কামাল-১৮/১৪৩

১৪. আত-তাবাকাত-৭/১০৮; তাবি’ঈন-৪৮৪

বেঁচে থাকা এবং চেষ্টা করা। যদি সকল সতর্কতা ও চেষ্টা-সাধনা সম্মিলিত হয় তার কোন ক্ষতি হয় অথবা তার উপর কোন বিপদ আপত্তিত হয় তাহলে তাকে আল্লাহর তাকদীর বলে বিশ্বাস করা উচিত। আল্লাহর তাকদীর ছাড়া কোন বিপদ-মুসীবত আপত্তিত হতে পারে না।^{১৫} এ কারণে তিনি “তাউন” (প্লেগ) জাতীয় কোন মহামারী দেখা দিলে জনসমাগমের স্থান থেকে দূরে সরে যেতেন।^{১৬}

তাঁর এমন কিছু কথা আছে যা গভীর ভাব ও তাৎপর্যপূর্ণ। তিনি বলতেন, আল্লাহর পক্ষ থেকে মানুষকে ‘আকল তথা বুদ্ধির চেয়ে ভালো আর কোন জিনিশ দেয়া হয়নি। মানুষের বুদ্ধি তাঁর যুগ ও কাল অনুযায়ী হয়। নিজের খাবার এমন ব্যক্তিকে খাওয়াবে না যাব খাওয়ার রুচি নেই।^{১৭} অর্থাৎ অহেতুক কোন কিছু বিনষ্ট করবে না।

পার্থিব জাঁকজমক

এ প্রথিবীতে আল্লাহ মানুষের খাদ্য-খাবারের জন্য যা কিছু দান করেছেন তা ভোগ করা তিনি দোষের কিছু মনে করতেন না। বিশাল ধন-সম্পদ তিনি লাভ করেছিলেন। তাই তিনি বেশ জাঁকজমক ও সম্মানের জীবন যাপন করতেন। ইমাম যাহাবী (রহ) লিখেছেন, মুতারিফ একজন নেতা ও উচ্চ মর্যাদার মানুষ ছিলেন। অতি উন্নত মানের পোশাক পরতেন, শাসন-কর্তৃত্বের অধিকারী ব্যক্তিদের দরবারে যাতায়াত করতেন।^{১৮} তবে তাঁর এই বাহ্যিক জাঁকজমক তাঁর নৈতিক মানের উপর কোন রকম প্রভাব ফেলতো না। গায়লান ইবন জারীর বলেন, ‘তিনি বারানুস (ব্রান্স) নামক এক প্রকার টুপি ও মাতারিফ (مطّارف) নামক এক বিশেষ ধরনের দামী চাদর পরতেন। ঘোড়ায় চড়তেন এবং শাসন-কর্তৃত্বের অধিকারী আমীর-উমারাদের নিকট যেতেন। তবে তাঁর এই শান-শওকতের জীবনধারা সম্মিলিত তুমি তাঁর নিকট গেলে তোমার অন্তর ও দৃষ্টিতে প্রশংসিত ভাব সৃষ্টি হবে।’^{১৯}

ওফাত

হিজরী ১৫ সনে তিনি ইনতিকাল করেন।^{২০} মৃত্যুর পূর্বে তাঁর প্রস্তাব বক্ষ হয়ে যায় এবং স্বাস্থ্যের দ্রুত অবনতি ঘটতে থাকে। তিনি পুত্রকে ডেকে কুরআনের অসীয়াতের আয়াতটি পাঠ করে শোনান। পুত্র দ্রুত ঘর থেকে বেরিয়ে ডাঙ্কার ডেকে আনে। ডাঙ্কারকে দেখে বলেন : তিনি কে? পুত্র বলে : ডাঙ্কার। তিনি ডাঙ্কারকে লক্ষ্য করে বলেন : আমি কঠোরভাবে নিষেধ করছি, আমাকে যেন ঝাড়-ফুঁক করা না হয়, আমার

১৫. তায়কিরাতুল হফ্ফাজ-১/৬৪

১৬. আত-তাবাকাত-৭/১০৫

১৭. প্রাণ্ত-৭/১০৪

১৮. তায়কিরাতুল হফ্ফাজ-১/৬৫

১৯. আত-তাবাকাত-৭/১০৫

২০. তায়কিরাতুল হফ্ফাজ-১/৬৫; তাহ্যীব আল-কামাল-১৮/১৪৪

গায়ে যেন তাবীজ-কবজ ঝোলানো না হয়। তারপর পুত্রকে কবর তৈরির নির্দেশ দেন। সে নির্দেশমত কবর তৈরি করে। তারপর তিনি বলেন, আমাকে কবরের নিকট নিয়ে চলো। সেখানে নেয়া হয়। তিনি কবরের পাশে কিছুক্ষণ অবস্থান করে, আল্লাহর রাবুল 'আলামীনের দরবারে দু'আ করেন। তারপর ঘরে ফিরে এসে শেষ নিঃশ্বাস ত্যাগ করেন।^{২১}

তিনি বলতেন :^{২২}

إِنْ هَذَا الْمَوْتُ قَدْ أَفْسَدَ عَلَى أَهْلِ النَّعِيمِ نَعِيْمَهُمْ فَاطْلُبُوهُ نَعِيْمًا لَا مَوْتٌ فِيهِ.

'এই মৃত্যু বিন্দ-বৈভবের মালিকদের সুখ-স্বাচ্ছন্দ্য বিনষ্ট করে দিয়েছে। সুতরাং এমন সুখ-স্বাচ্ছন্দ্য তালাশ কর যাতে মৃত্যু নেই।'

গায়লান ইবন জারীর বলেন, একবার কোন একটি ব্যাপার নিয়ে এক ব্যক্তির সাথে মুতার্রিফের কিছু কথা কাটাকাটি হয়। লোকটি মুতার্রিফের প্রতি মিথ্যা আরোপ করে। সাথে সাথে তাঁর মুখ থেকে বের হয়ে যায় এই বদ-দু'আ :

اللَّهُمَّ إِنْ كَانَ كَذَّابًا فَأُمْتَهِنْ - 'হে আল্লাহ! যদি সে মিথ্যাবাদী হয় তাহলে তার অরণ দাও।' লোকটি সেখানেই ঢলে পড়ে এবং মারা যায়। ব্যাপারটি যিয়াদের দরবার পর্যন্ত গড়ালো। যিয়াদ তাঁকে বললেন : আপনি লোকটিকে মেরে ফেললেন? মুতার্রিফ বললেন : না, আমি মারিনি। তবে আমার দু'আ তার নির্ধারিত সময়ের সাথে মিলে গেছে।^{২৩}

২১. আত-তাবাকাত-৭/১০৬; তায়কিরাতুল হফ্ফাজ-১/৬৪

২২. তায়কিরাতুল হফ্ফাজ-১/৬৫

২৩. প্রাণক্ষেত্র-১/৬৪; তাহ্যীব আল-কামাল-১৮/১৪৫-১৪৬

মায়মূন ইবন মিহ্রান (রহ)

হ্যরত মায়মূনের (রহ) ডাকনাম আবু আইউব। পিতা মিহ্রান ছিলেন বানু নাসর ইবন মু'আবিয়ার মুকাতিব দাস। যে দাস নির্দিষ্ট সময়ের মধ্যে নির্ধারিত পরিমাণ অর্থ মনিবকে দিয়ে দাসত্ব থেকে মুক্তি পাবে বলে মনিবের সাথে চৃক্ষিবদ্ধ হয় তাকে মুকাতিব দাস বলে। মায়মূন হিজরী ৪০ সনে জন্ম গ্রহণ করেন। কৃফার আয়দ গোত্রের এক মহিলার দাস হিসেবে তাঁর জীবন শুরু হয়। পরবর্তীতে ঐ মহিলা তাঁকে দাসত্ব থেকে মুক্তি দেন। কৃফায় বেড়ে উঠেন এবং পরবর্তীতে 'রাক্ত' চলে যান। একবার 'উমার ইবন 'আবদিল 'আয়ীয়ের (রহ) এক প্রশ্নের জবাবে মায়মূন বলেন, আমার মা ছিলেন আয়দ গোত্রের দাসী, আর বাবা ছিলেন বানু নাসর ইবন মু'আবিয়ার মুকাতিব। আমার জন্মের সময়ও তিনি মুকাতিব ছিলেন। কাছীর ইবন হিশাম বলেন, সাঈদ ইবন জুবায়রের মেয়ে ছিলেন মায়মূনের স্ত্রী।^১

জায়ীরায় অবস্থান

দাসত্ব থেকে মুক্তি লাভের পর দীর্ঘদিন কৃফাতেই অবস্থান করেন। হিজরী ৮০ সনে যখন 'আবদুর রহমান ইবন আল-আশ'আছের বিদ্রোহের কারণে কৃফায় অশান্তি ও বিশৃঙ্খলা দেখা দেয় তখন তিনি কৃফা ছেড়ে জায়ীরায় চলে যান এবং সেখানেই বসবাস করতে থাকেন।^২

বায়তুল মাল রক্ষকের পদে

মুহাম্মাদ ইবনে মারওয়ান যখন খুরাসানের ওয়ালী তখন তিনি তথাকার বায়তুল মালের রক্ষকের পদে মায়মূনকে নিয়োগ করেন।

খারাজের পদে

বায়তুল মালের রক্ষণাবেক্ষণের ধারাবাহিকতায় অর্থ সংক্রান্ত বিষয়ে তিনি যথেষ্ট বাস্তব অভিজ্ঞতা অর্জন করেন। এ কারণে হ্যরত 'উমার ইবন 'আবদিল 'আয়ীয় (রহ) তাঁকে আল-জায়ীরার খারাজ (খাজনা-ট্যাক্স) বিশয়ক দফতরের দায়িত্ব দেন এবং তাঁর পুত্র 'উমারকে উক্ত দফতরের হিসাব রক্ষকের পদে নিয়োগ করেন। স্বভাবগতভাবেই মায়মূন সব ধরনের রাষ্ট্রীয় পদ, বিশেষতঃ অর্থ বিষয়ক দায়িত্ব দারুণ অপছন্দ করতেন। তবে সে সময় তিনি তা গ্রহণে অস্বীকৃতি জানাতে পারেননি। কিন্তু অল্প কিছুদিনের মধ্যে বিরক্ত হয়ে পদত্যাগ পত্র পেশ করেন। খলীফা 'উমার ইবন 'আবদিল 'আয়ীয় (রহ) তাঁর

১. তাহ্যীব আল-কামাল ফী আসমা' আর-রিজাল-১৮/৫৪৫-৫৪৬

২. প্রাঞ্জলি-১৮/৫৪৬

পদত্যাগ গ্রহণ করেননি। তিনি মায়মূনকে সেখেন, এই পদের দায়িত্ব তো এতটুকুই যে, বৈধ পছ্টায় অর্থ আদায় করবে এবং বৈধ খাতগুলোতে তা ব্যয় করবে। এ কাজে পদ ত্যাগের কি কারণ থাকতে পারে? আর একটু কষ্ট হলেই যদি মানুষ সবকিছু ছেড়ে দেয় তাহলে দীন ও দুনিয়ার ব্যবস্থাপনা টিকিবে কেমন করে? ১° উমার ইবন ‘আবদিল ‘আয়ীয়ের (রহ) এ সেখা পেয়ে তিনি পদত্যাগ পত্র প্রত্যাহার করে নেন এবং তাঁর মৃত্যু পর্যন্ত এ পদে বহাল থেকে দায়িত্ব পালন করেন।

উমার ইবন ‘আবদিল ‘আয়ীয়ের (রহ) পরবর্তী খলীফা ইয়ায়ীদ ইবন ‘আবদিল মালিকের খিলাফতকালের প্রথম কিছুদিন তিনি এ দায়িত্ব পালন করেন। কিন্তু এ কাজ তাঁর স্বভাবগতভাবেই অপছন্দ ছিল। ‘উমার ইবন ‘আবদিল ‘আয়ীয়ের পীড়াপীড়িতে তা এই ভিত্তিতে মেনে নেন যে, তাঁর সময়ের রাষ্ট্রীয় সেবা মূলতঃ ইসলামের সেবা ছিল। তবে তাঁর পরে যখন খিলাফতের সকল বিভাগ পার্থিব রাষ্ট্র ব্যবস্থার রূপ ধারণ করে তখন তিনি বিরক্ত হয়ে পদত্যাগ করেন। ইয়ায়ীদ ইবন ‘আবদিল মালিকের সময়ে যে দিনগুলো এ দায়িত্ব পালন করেন তাঁর জন্য আফসোস করতেন। তিনি বলতেন, আমি অক্ষ হয়ে যেতাম তাও আমার জন্য ভালো ছিল, যদি না আমি ‘উমার ইবন ‘আবদিল ‘আয়ীয় (রহ) ও অন্যদের দেয়া পদ গ্রহণ করতাম।^১

জ্ঞান ও মনীষা

জ্ঞান মনীষায় তিনি শ্রেষ্ঠ তাবিঁই ও আল-জায়ীরার উচ্চ পর্যায়ের ‘আলিমদের মধ্যে ছিলেন। ইমাম যাহাবী (রহ) তাঁকে ইমাম, নেতা ও আল-জায়ীরার ‘আলিম বলেছেন।^২ তাঁর সমকালীন ‘আলিমদের মধ্যে তাঁর জ্ঞানগত মর্যাদা স্বীকৃত ছিল। আবুল মালীহ বলতেন, আমি মায়মূনের চেয়ে উত্তম কাউকে পাইনি।^৩ সুলায়মান ইবন মূসা বলেন, সেই আমলে চারজনকে বড় ‘আলিম বলে মানা হতো। মায়মূন ইবন মিহরান তাঁদের একজন। অন্য তিনজন হলেন : মাকহুল, হাসান আল-বাসরী ও আয়-যুহ্রী।^৪

হাদীছ

তিনি হাদীছের হাফিজ ছিলেন। ইবন সাঈদ বলেন : ‘তিনি
كان شفقة قليل الحديث. – তিনি
ছিলেন বিশ্বস্ত, অল্প সংখ্যক হাদীছের ধারক-বাহক।’ সাহাবায়ে কিরামের মধ্যে তিনি হ্যরত ‘আবু হুরায়রা, ‘আবদুল্লাহ ইবন ‘আব্বাস, ‘আবদুল্লাহ ইবন ‘উমার, ‘আবদুল্লাহ ইবন যুবায়র, সাঈদ ইবন জুবায়র, উম্মুল মু’মিনীন ‘আয়িশা (রা), উম্মুদ দারদা’ (রা) এবং তাবিঁইদের মধ্যে হ্যরত নাফি‘ মাওলা ইবন ‘উমার, মাকসাম মাওলা ইবন

৩. প্রাণ্ত-১৮/৫৪৯-৫৫০; সিয়ারু আ’লাম আন-নুবালা’-৫/৭৪

৪. আত-তাবাকাত-৭/১৭৭-১৭৮; ‘আসরুত তাবিঁইন-৫২৫

৫. তায়কিরাতুল হফ্ফাজ-১/৯৮

৬. প্রাণ্ত

৭. তাহ্যীব আত-তাহ্যীব-১০/৩৯১; ‘আসরুত তাবিঁইন-৫২২

‘আৰুম’ (ৱা), ইয়াযীদ ইবন ‘আসিম (রহ) প্ৰমুখেৰ নিকট থেকে হাদীছেৰ জ্ঞান লাভ কৱেন।^৮

তাৰ ছাত্ৰবৃন্দ

হুমায়দ আত-তাৰীল, আইউব আস-সাখতিয়ানী, জা'ফাৰ ইবন বারকান, জা'ফাৰ ইবন ওয়াহশিয়া, হাৰীব ইবন শাহীদ, ‘আলী ইবন হাকাম আন-নাবানী, হাকাম ইবন ‘উতায়বা, আবু ফারওয়া, ইয়াযীদ ইবন সিনান, হাজ্জাজ ইবন তামীম, সালিম ইবন আবিল মুহাজির, আবুল মালীহ (রহ) প্ৰমুখ তাৰ কীৰ্তিমান ছাত্ৰ। আবু ‘আৱৰা আল-হাৱানী তাঁকে আল-জায়িৱাৰ তাৰিখদেৱ ১ম স্তৱে স্থান দিয়েছেন।^৯

ফিক্হ

ফিক্হ শাস্ত্ৰে তিনি আল-জায়িৱাৰ সকল ‘আলিমেৰ মধ্যে বিশেষ স্থানেৰ অধিকাৱী ছিলেন। ইবন সা'দ তাঁকে আল-জায়িৱাৰ সকল অধিবাসীদেৱ মধ্যে ফিক্হ ও ফাতওয়ায় শীৰ্ষ স্থানেৰ অধিকাৱী বলেছেন।^{১০} ফিক্হ বিষয়ে তাৰ দক্ষতাৰ সবচেয়ে বড় সনদ এই যে, হয়ৱত ‘উমাৱ ইবন ‘আবদিল ‘আয়ীয়েৰ (রহ) মত বিচক্ষণ খলীফা আল-জায়িৱাৰ খাৱাজ বিভাগেৰ দায়িত্বেৰ পাশাপাশি কাজীৰ দায়িত্বও তাৰ উপৰ অৰ্পণ কৱেন।^{১১}

জ্ঞানেৰ পাশাপাশি উন্নত নৈতিকতাৰ অধিকাৱী ছিলেন। শ্ৰী ‘আত নিষিদ্ধ বস্তু ও বিষয় থেকে দূৰে থাকাৰ প্ৰতি দারুণ গুৱৰত্ব দিতেন। তাৰ পুত্ৰ বলেন, আৰু মধ্যপন্থা থেকে বেশি রোধা-নামায কৱতেন না। তবে আল্লাহৰ অবাধ্যতাকে ভীষণ অপছন্দ কৱতেন।^{১২} মাঝে মাঝে রাত-দিনে হাজাৱ রাক ‘আত নফল নামাযও আদায় কৱতেন। একবাৱ সততেৱ দিনে সততেৱ হাজাৱ রাক ‘আত নফল নামায আদায় কৱেন। ১৮তম দিনে পেটে কোন ক্ষতেৱ কাৱণে ইনতিকাল কৱেন।^{১৩}

বিনীত ও বিন্দুভাব

এত বিনয় ও বিন্মে ছিলেন যে, কোন প্ৰকাৱ অহমিকা ও আত্মভূরিতাৰ ভাৱ ফুটে ওঠে এমন আচৰণ মোটেই পছন্দ কৱতেন না। একবাৱ জনেক ব্যক্তি তাঁকে বলে, আবু আইউব! যতদিন আল্লাহ আপনাকে জীবিত রাখবেন ততদিন মানুষ সুখে থাকবে। এৱ জবাৱে তিনি বলেন, এমন কথা উচ্চাৱণ কৱবে না। মানুষ ততদিন পৰ্যন্ত সুখে থাকবে যতদিন তাৱা তাদেৱ প্ৰভুকে (ৱব) ভয় কৱতে থাকবে।^{১৪}

৮. তাৰ্হীব আত-তাৰ্হীব-১০/৩৯০; তায়কিৱাতুল হফ্ফাজ-১/৯৮; তাৰ্হীব আল-কামাল-১৮/৫৪৫

৯. প্রাণক্ষেত্ৰ

১০. আত-তাৰাকাত-৭/১৭৮

১১. তায়কিৱাতুল হফ্ফাজ-১/৯৮

১২. তাৰ্হীব আত-তাৰ্হীব-১০/৩৯১

১৩. তায়কিৱাতুল হফ্ফাজ-১/৯৮; তাৰ্হীব আল-কামাল-১৮/৫৫৪

১৪. প্রাণক্ষেত্ৰ

হ্যরত ‘আলীর (রা) উপর হ্যরত ‘উছমানকে (রা) প্রাধান্য দান

জীবনের প্রথম পর্বে তিনি হ্যরত ‘উছমানের (রা) বিপরীতে হ্যরত ‘আলীকে (রা) প্রাধান্য দিতেন। কিন্তু হ্যরত ‘উমার ইবন ‘আবদিল ‘আয়ীয়ের (রহ) মুখে একটি যুক্তি শোনার পর তিনি হ্যরত ‘উছমানের (রা) শ্রেষ্ঠত্বের প্রবক্ষ হয়ে যান। একবার ‘উমার ইবন ‘আবদিল ‘আয়ীয় (রহ) তাঁকে জিজ্ঞেস করেন, তুমি এমন দু’ব্যক্তির মধ্যে কাকে বেশি পছন্দ কর, যাদের একজন অর্থ ব্যয়ের ব্যাপারে তাড়াহড়ো করেছেন এবং অন্যজন দ্রুততা করেছেন রক্ষণাত্মের ব্যাপারে? প্রশ্নাকারে এ যুক্তি শোনার পর তিনি তাঁর পূর্বের বিশ্বাস থেকে সরে আসেন।^{১৫} হ্যরত ‘উছমানের (রা) বিরহক্ষে সবচেয়ে বড় অভিযোগ ছিল, তাঁর খিলাফতকালে বায়তুল মালের অর্থ যথাযথভাবে ব্যয় হয়নি, আর হ্যরত ‘আলীর (রা) সময়ে গৃহ যুদ্ধের সূচনা হয়।

মেয়ের বিয়ে

মায়মূন ইবন মিহ্রান প্রথম যৌবনেই বিয়ে করেন এবং বিয়ের পরেই প্রথমে এক কন্যার পিতা হন। পিতা-মাতা অতি আদরে মেয়েকে গড়ে তোলেন। জ্ঞান, বিচক্ষণতা ও দীনী পরিবেশে বেড়ে ওঠায় তার মধ্যেও সৎ গুণাবলীর বিকাশ ঘটে। মেয়েটির বিয়ের বয়স হলো। বহু অভিজাত ঘরের বিস্তারণী যুবক বিয়ের পয়গাম পাঠাতে লাগলো। মায়মূন মেয়ের বর হিসেবে আভিজাত্য ও বিভু-বৈভবকে মোটেও গুরুত্ব দিলেন না। তিনি গুরুত্ব দিলেন পাত্রের সত্যনির্ণিততা ও আল্লাহ ভাঁতিকে। এমন একজন দরিদ্র পাত্রকেই তিনি মেয়ের জন্য নির্বাচন করেন। একজন বিস্তারণী অভিজাত যুবক বিয়ের প্রস্তাব দিলে তিনি তাকে পরীক্ষার জন্য বলেন : আমার মেয়ে তো প্রচুর সোনা-রূপো পছন্দ করে। সাথে সাথে সে জবাব দেয়, আমার তা আছে। মায়মূন একটু হেসে বলেন : আমি আমার মেয়ের জন্য এমন পাত্র নির্বাচন করতে পারিনে।^{১৬}

তাঁর একটি তৎক্ষণিক মন্তব্য

তিনি ছিলেন অত্যন্ত স্পষ্টবাদী মানুষ। সত্য কথা বলতে কোন রকম ইতস্ততা করতেন না। একদিন তিনি মসজিদে নফল নামায আদায় করছেন। নামায শেষ করতেই এক ব্যক্তি এগিয়ে এসে বললো : হিশাম ইবন ‘আবদিল মালিকের স্ত্রী ইন্তিকাল করেছেন। মায়মূন ‘ইন্না লিল্লাহি ওয়া ইন্না ইলাইহি রাজিউন’ পাঠ করলেন। লোকটি কিছুক্ষণ চুপ থেকে মাথা একটু উঁচু করে আবার বললো : আপনি কি জানেন মৃত্যুর আগে অসুস্থ অবস্থায় হিশামের স্ত্রী কী করেছেন? মায়মূন বললেন : না। কী করেছেন? লোকটি বললো : তার মালিকানার সকল দাস-দাসী মুক্ত করে দিয়েছেন। মায়মূন বিস্ময়ের সুরে বললেন : সুবহানাল্লাহ! দুইবার আল্লাহর অবাধ্যতা করেছেন। আল্লাহ অর্থ-সম্পদ খরচ

১৫. তাহ্যীব আত-তাহ্যীব-১০/৩৯১; তাহ্যীব আল-কামাল-১৮/৫৪৭

১৬. ‘আসরুত তাবি’ইন-৫২৫-৫২৬; তাবি’ইন-৪৯৫

করার নির্দেশ দিয়েছেন, অথচ তিনি সে ব্যাপারে জীবিত অবস্থায় কার্গণ্য করেছেন, আর যখন সে সম্পদ অন্যের হয়ে যাচ্ছে তখন তা খরচের ব্যাপারে মাত্রা ছাড়িয়ে গেছেন।^{১৭}

হাসান আল-বাসরীর (রহ) সাথে একটি সাক্ষাৎকার

মায়মূন ইবন মিহ্রান বার্ধকে উপনীত হয়েছেন। চোখ-কানও দুর্বল হয়ে গেছে। এখন আর একাকী চলতে-ফিরতে পারেন না। যেখানেই যান ছেলে ‘আমর ইবন মায়মূনকে সংগে নিয়ে যান। একদিন ‘আমর পিতাকে নিয়ে বসরার একটি পথে বের হয়েছেন। পথে সরু একটি নালা। বৃক্ষ পিতা তা ডিঙিয়ে পার হতে পারলেন না। ‘আমর আড়াআড়িভাবে নালার উপর উপুড় হয়ে শুয়ে পড়লো, আর পিতা মায়মূন ছেলের পিঠের উপর দিয়ে নালা পার হলেন। তারপর ‘আমর উঠে দাঁড়িয়ে আবার পিতার হাত ধরে চলতে লাগলেন।

মায়মূন ছেলেকে হাসান আল-বাসরীর বাড়িতে যাওয়ার জন্য বললেন। তাঁরা হাসানের দরজায় পৌছে তাঁদের উপস্থিতি জানালেন। হাসানের এক দাসী এসে জিজ্ঞেস করলো : এ বৃক্ষ কে? ‘আমর বললো : মায়মূন ইবন মিহ্রান এসেছেন হাসান আল-বাসরীর সাথে সাক্ষাৎ করতে। দাসী বললো : কেন মায়মূন, ‘উমার ইবন ‘আবদিল ‘আয়ীয়ের কাতিব (সেক্রেটারী)? ‘আমর বললো : হাঁ, ‘উমার ইবন ‘আবদিল ‘আয়ীয়ের সেক্রেটারী। দাসী সাথে সাথে বলে উঠলো : হায় আমার দুর্ভাগ্য! এমন মন্দ সময়েও আপনি বেঁচে আছেন? দাসীর কথা শুনে মায়মূন কেঁদে দিলেন এবং এত বেশি কাঁদলেন যে তাঁর সারা দেহ কাঁপতে থাকলো। দাসী চলে যাওয়ার পর হাসান আল-বাসরী ভিতর থেকে বেরিয়ে আসেন এবং মায়মূনকে জড়িয়ে ধরে কোলাকুলি করেন। তারপর তাঁরা সকলে ভিতরে প্রবেশ করেন। বসার পর একটু স্থির হয়ে মায়মূন হাসান আল-বাসরীকে লক্ষ্য করে বলেন : আবু সাঈদ! আমি আমার অন্তরে কঠোরতা অনুভব করছি, এর প্রতিকার কিসে হয় তা বলে দিন। মায়মূনের কথা শুনে হাসান সোজা হয়ে বসলেন, তারপর পাঠ করলেন :^{১৮}

بِسْمِ اللَّهِ الرَّحْمَنِ الرَّحِيمِ - أَفْرَءَيْتَ إِنْ مُنْعَنَاهُمْ سِبْئِينَ. ثُمَّ جَاءُهُمْ مُّكَانُوا يُوعْدُونَ. مَا
أَغْنِى عَنْهُمْ مَا كَانُوا يُمْتَهِنُونَ.

‘তুমি ভেবে দেখ যদি আমি তাদেরকে দীর্ঘকাল ভোগ-বিলাস করতে দেই এবং পরে তাদেরকে যে বিষয়ে সতর্ক করা হয়েছিল তা তাদের নিকট এসে পড়ে, তখন তাঁদের ভোগ-বিলাসের উপকরণ তাদের কোন কাজে আসবে কি?’ তিলাওয়াত শেষ করে হাসান দীর্ঘক্ষণ অবচেতন অবস্থায় থাকলেন, তারপর সমিত ফিরে পেলেন। তখন দাসীটি এসে বললো : আপনারা এই বৃক্ষকে কষ্ট দিচ্ছেন, এবার উর্দ্ধন, যান!

১৭. সিয়াকুর আলাম আন-নুবালা-৫/৭৬

১৮. সূরা আশ-শু’আরা’-২০৫-২০৭

‘আমর পিতার হাত ধরে রাস্তায় বেরিয়ে আসে। চলতে চলতে ‘আমর বলে : ‘আবু! আমর ধারণা ছিল হাসান এর চেয়ে বেশি সবল আছেন। মায়মূন ছেলের বুকে হাত দিয়ে গুঁতো মেরে বলেন : বেটো! তিনি এমন একটি আয়াত আমাদের সামনে পাঠ করেছেন, তুমি যদি তার অর্থ বুঝতে তাহলে তোমার জন্য তার মধ্যে খুব বড় উপদেশ রয়েছে।^{১৯}

তারপর তিনি ছেলেকে শক্ষ করে বললেন, এই কুরআন বহু মানুষের অন্তরে অনেক কিছু সৃষ্টি করেছে এবং তারা এর বাইরে হাদীছ তালাশ করেছে। তাদের অনেকে তাদের অর্জিত এই জ্ঞানকে পণ্য বানিয়ে তার বিনিময়ে দুনিয়ার প্রত্যাশী যেমন হয়েছে তেমনি অনেকে চেয়েছে মানুষ তার দিকে আংগুল দিয়ে ইশারা করুক, আবার অনেকে চেয়েছে তর্ক-বিতর্ক ও ঝগড়া-বিবাদ করে প্রতিপক্ষের উপর বিজয়ী হতে। তবে সেই ব্যক্তিই ভালো যে জ্ঞান অর্জন করে এবং সেই জ্ঞানের দ্বারা আল্লাহর আনুগত্য করে। যে কুরআনের অনুসরণ করবে, কুরআন তাকে পথ দেখিয়ে জাল্লাত পর্যন্ত নিয়ে যাবে। আর যে কুরআন ত্যাগ করবে, কুরআন তাকে ত্যাগ না করে তার পিছে পিছে চলতে থাকবে এবং তাকে জাহান্নামে নিষ্কেপ করবে। তারপর তিনি ছেলেকে বলেন : আল্লাহকে ভয় কর। কোন লোভ ও ক্রোধ যেন তোমাকে বিকৃত না করে।^{২০}

তাঁর কিছু গুয়াজ-নসীহত

একদিন ‘আমর তার পিতাকে মসজিদে নিয়ে গেল। এক কোণে তাঁর নির্দিষ্ট স্থানটিতে তিনি বসলেন। মানুষের ডীড় জমে গেল এবং তাঁর চারপাশে বৃক্ষাকারে বসে গেল। মায়মূন তাঁর অভ্যাস যত আল্লাহর হামদ ও রাসূলের (সা) প্রতি দর্জন ও সালাম পেশের মাধ্যমে বলতে আরম্ভ করলেন : ওহে যুব সম্প্রদায়, তোমাদের শক্তিকে তোমরা তোমাদের যুবকদের মধ্যে পুঁজিভূত কর এবং আল্লাহর আনুগত্যের জন্য তোমাদের কর্ম তৎপরতা পরিচালিত কর। ওহে বয়োবৃক্ষ ব্যক্তিবর্গ! আর কত দিন মরীচিকার পিছনে ছুটবে?২১

আল্লাহর যিক্র বা স্মরণ দু’প্রকার। মুখে আল্লাহকে স্মরণ করা, আর এক প্রকার স্মরণ হলো, যখন তুমি কোন পাপ কাজের কাছাকাছি যাবে তখন আল্লাহকে স্মরণ করে বিরত থাকা। আর এটাই আল্লাহর সর্বোত্তম যিক্র বা স্মরণ।

তিনটি জিনিসের ব্যাপারে মু’মিন ও কাফির উভয়ে সমান :

ক. কেউ কোন কিছু আমানত (গচ্ছিত) রাখলে তা ফেরত দেয়া।

খ. মাতা-পিতার সাথে সদ্যবহার করা। আল্লাহ বলেন :^{২২}

১৯. হিলয়াতুল আওলিয়া-৪/৮২-৮৩

২০. ‘আসরুল তাবিঈন-৫২৯-৫৩১

২১. তাহ্যীব আল-কামাল-১৮/৫৫০

২২. সূরা লুকমান-১৫

وَإِنْ جَاهَدَاكَ عَلَى أَنْ تُشْرِكَ بِيْ مَا لَيْسَ لَكَ بِهِ عِلْمٌ فَلَا تُطْعِنُهُمَا وَصَاحِبُهُمَا فِي الدِّينِ
مَعْرُوفًا.

“তোমার পিতা-মাতা যদি তোমাকে পীড়াপীড়ি করে আমার সমকক্ষ দাঁড় করাতে যে বিষয়ে তোমার কোন জ্ঞান নেই, তুমি তাদের কথা মানবে না, তবে পৃথিবীতে তাদের সাথে বসবাস করবে সঙ্গেই।”

গ. অঙ্গীকার করলে তা পূরণ করা।

অধীনস্থ দাস-দাসীকে শাস্তি দিবে না, মারপিট করবে না। তবে তার অপরাধ মনে রাখবে। যদি সে কখনো আল্লাহর অবাধ্যতা করে তখন তার এই পাপের জন্য শাস্তি দিবে। তখন তাকে তোমার সাথে করা তার অপরাধের কথা স্মরণ করিয়ে দিবে।

মজলিসের ভিতর থেকে এক যুবক দাঁড়িয়ে বললো : ওহে শায়খ, আল্লাহর আপনাকে সহীহ-সালামাতে রাখুন! আপনি একজন বান্দাহ ও তার পাপ সম্পর্কে কিছু বলুন। মায়মূন মাথা নেড়ে যুবকের কথায় সায় দিলে সে বসে পড়ে। তারপর তিনি বলেন : একজন বান্দাহ যখন কোন পাপ করে তখন তার অন্তরে একটি কালো দাগ পড়ে। যদি তাওবা করে তাহলে দাগটি উঠে যায়। মুঁমিন ব্যক্তি তা আয়নায় দেখার মত পরিষ্কার দেখতে পায়। শয়তান যে পাশ দিয়েই আসুক না কেন সে তাকে দেখতে পায়। আর যে ক্রমাগত পাপ করতে থাকে, তার প্রতিটি পাপের জন্য তার অন্তরে একটি করে কালো দাগ পড়তে পড়তে তার গোটা অন্তরটিই কালো হয়ে যায়। তখন সে আর কোন দিক দিয়েই শয়তানকে দেখতে পায় না।

আরেকজন শ্রোতা দাঁড়িয়ে বললো : শায়খ! আমাদেরকে ধন-সম্পদ সম্পর্কে কিছু কথা শেনান। তিনি বলেন : ধন-সম্পদের তিনটি বৈশিষ্ট্য আছে। যদি কোন ব্যক্তি তিনটির একটি বৈশিষ্ট্য থেকে মুক্তি পায়, তাহলে তৃতীয়টি থেকে খুব কমই মুক্তি পাবে। অর্থ-সম্পদের জন্য অপরিহার্য হলো পরিত্র হওয়া। আর তা হবে বৈধভাবে উপার্জনের মাধ্যমে। এ ক্ষেত্রে সে যদি পরিচ্ছন্ন হয় তাহলে তার উচিত হবে অর্থ-সম্পদের হক বা অধিকারসমূহ আদায় করা। এ ক্ষেত্রেও সে যদি পরিচ্ছন্ন হয় তাহলে তার উচিত হবে তা ব্যয়ের ব্যাপারে মধ্যপদ্ধা অবলম্বন করা। বেশি করবে না, আবার কৃপণতাও করবে না।

নিম্নের কথাগুলো বলার মাধ্যমে মায়মূন তাঁর মজলিস শেষ করেন :

এই পৃথিবী অত্যন্ত মিষ্টি-মধুর ও প্রাণবন্ত যা কামনা-বাসনার চাদর দ্বারা আবৃত। আর শয়তানও সর্বক্ষণ উপস্থিত অতি চালাক শক্তি। আখিরাতের বিষয়টি বিলম্বিত এবং দুনিয়ার বিষয়টি তাৎক্ষণিক। কেউ যদি তার পরকালের স্থানটি জানতে চায় সে যেন দুনিয়াতে তার আমলের দিকে দৃষ্টিপাত করে।^{১০}

ফুরাত ইবন সালমান বলেন, একবার আমরা মায়মূন ইবন মিহ্রানের সংগে চলতে চলতে

২৩. হিলয়াতুল আওলিয়া-৮৮-৮৯; আসরুত তাবিউন-৫৩১-৫৩৩

একটি গীর্জার কাছে গিয়ে থামলাম। তিনি একজন পাদ্রীর দিকে তাকিয়ে বললেন : আচ্ছা বলতো, তোমাদের মধ্যে এমন কেউ কি আছে যে এই পাদ্রীর সমান ইবাদত-বন্দেগী করে? সবাই বললাম : না। তিনি বললেন : মুহাম্মাদের (সা) প্রতি ঈমান না এনে তার এই ইবাদতে কি কোন ফল হবে? বললাম : কোন ফল হবে না। তিনি বললেন : তেমনিভাবে 'আমল ব্যতিরেকে শুধু কথায় কোন উপকার হবে না।^{২৪}

আবুল মালীহ আর-রাকী থেকে বর্ণিত হয়েছে, মায়মূন ইবন মিহ্রান বলতেন :^{২৫} 'الظَّالِمُ وَالْمُعْنِيْعُ عَلَى الظُّلْمِ وَالْمُحِبُّ لَهُ سَوَاءٌ' - 'অত্যাচারী, অত্যাচারের সহযোগী এবং অত্যাচারকে যে ভালো মনে করে সকলে সমান।' তিনি আল কুরআনের ধারক-বাহকদের লক্ষ্য করে বলতেন, তোমরা তো দুনিয়াতে কিছু লাভের আশায় কুরআনকে পণ্য বানিয়ে নিয়েছো। তোমরা দুনিয়াকে দুনিয়ার দ্বারা এবং আধিরাতকে আধিরাতের দ্বারা সঞ্চান কর। একবার তিনি ছেলেকে লিখলেন : তুমি তোমার অর্থ থেকে অমুককে ভালোমত সাহায্য করবে এবং মানুষের কাছে কিছু চাইবে না। কারণ তা লজ্জা দ্র করে দেয়। তিনি সকলকে বলতেন : তোমার গৃহে কোন অতিথি আসলে তোমার সাধ্যের বাইরে তার জন্য কোন কৃতিম তোড়জোড় করবে না। পরিবারের লোকেরা যা খাবে তাই খেতে দেবে এবং হাসিমুখে তার সাথে কথা বলবে। আর যদি তোমার সাধ্যের অতিরিক্ত তার জন্য কিছু করতে যাও তাহলে তোমার চেহারায় এমন বিরক্তির ছাপ ফুটে উঠবে যা দেখে সে কষ্ট পাবে। তিনি বলতেন :^{২৬}

من أساء سرًا فليتب سرًا، ومن أساء علانيةً فليتب علانيةً، فإن الناس يُعَيِّرون ولا يغفرون، والله يغفر ولا يعَيِّر.

'কেউ গোপনে কোন পাপ করলে গোপনেই তার তাওবা করা উচিত, আর কেউ প্রকাশে কোন পাপ করলে প্রকাশ্যে তার তাওবা করা উচিত। কারণ, মানুষ হেয় ও অপমান করে, ক্ষমা করে না। আর আল্লাহ ক্ষমা করেন, হেয় ও অপমান করেন না।'

তিনি বলতেন : কেউ যদি কোন প্রয়োজন পূরণের আশায় কোন ক্ষমতাশালী ব্যক্তির দরজায় যায় এবং দ্বার রক্ষী তার সাথে সাক্ষাতে বাধা দেয়, তাহলে তার উচিত আল্লাহর ঘর মসজিদে ফিরে আসা। কারণ আল্লাহর ঘরের দরজা সবার জন্য সর্বক্ষণ খোলা। সেখানে দু'রাক'আত নামায আদায় করে নিজের প্রয়োজনের কথা আল্লাহকে বলবে।

ইউনুস ইবন উবায়দ বলেন, একবার মায়মূনের আবাসভূমিতে মহামারি আকারে 'তাউন' (প্রেগ) দেখা দিল। আমি তাঁর নিজের ও পরিবারের অবস্থা জানতে চেয়ে তাঁকে একটি চিঠি দিলাম। জবাবে তিনি লিখলেন : তোমার চিঠি পৌছেছে। তুমি আমার পরিবারের লোকদের সম্পর্কে জানতে চেয়েছো। হাঁ, আমার পরিবার ও ঘনিষ্ঠজনদের

২৪. তাহ্যীর আল-কামাল-১৮/৫৪৯

২৫. প্রাঞ্জলি-১৮/৫৫০

২৬. প্রাঞ্জলি-১৮/৫৫২

মধ্য থেকে সতের (১৭) জন মারা গেছে। এই বালা-মুসীবত যখন আসে তখন আমার খুব খারাপ লেগেছিল, কিন্তু এখন তা নেই সে জন্য আমি উৎসুক্ষণও নই। তোমরা আল্লাহর কিতাব শক্তভাবে আঁকড়ে থাকবে। মানুষ এখন আল্লাহর কিতাব ভুলে মানুষের কথা মানতে শুরু করেছে। দীনের ব্যাপারে তর্ক-বিতর্ক ও ঝগড়া-বিবাদ পরিহার করবে। না কোন 'আলিমের সংগে ঝগড়া করবে, আর না কোন জাহিলের সংগে। যদি কোন জাহিলের সংগে ঝগড়ায় লিঙ্গ হও তাহলে তোমার অস্তর কঠিন হয়ে যাবে, আর সেও তোমার কথা শুনবে না। অন্যদিকে কোন 'আলিমের সংগে ঝগড়া করলে তিনি তাঁর 'ইল্ম' (জ্ঞান) তোমাকে দান করবেন না এবং তোমার কোন কাজে তিনি মনোযোগী হবেন না।^{২৭}

সাওয়ার ইবন 'আবদিল্লাহ আল-আনবারী বলেন, একদিন মায়মূন ইবন মিহ্রান বসে আছেন। তখন তাঁর পাশে বসা ছিলেন শামের একজন কারী (কুরআন পাঠ বিশেষজ্ঞ)। মায়মূন তাঁকে লক্ষ্য করে বললেন : কিছু ক্ষেত্রে সত্য বলার চেয়ে মিথ্যা বলা উত্তম। শামী লোকটি প্রতিবাদের সুরে বললেন : না, সকল ক্ষেত্রে সত্য বলা উত্তম। মায়মূন বললেন : মনে কর কোন ব্যক্তি তরবারি হাতে নিয়ে হত্যার উদ্দেশ্যে কাউকে তাড়া করলো এবং তাড়িত ব্যক্তি প্রাণ বাঁচাতে তোমার ঘরে এসে আশ্রয় নিল। অতঃপর তাড়াকারী এসে যদি তোমাকে জিজ্ঞেস করে : লোকটিকে কি আপনি দেখেছেন? তখন তুমি কী বলবে? শামী লোকটি বললেন : আমি বলবো : না, আমি দেখিনি। মায়মূন বললেন : দেখ, এ ক্ষেত্রে তুমি মিথ্যা বলা উত্তম মনে করছো।^{২৮}

ইসলামের ইতিহাসে সর্বপ্রথম দিওয়ান বা বিভিন্ন দফতর প্রতিষ্ঠা করেন দ্বিতীয় খলীফা উমার ইবন আল-খাত্বাব (রা)। এ দিওয়ান ব্যবস্থাপনা ইসলামী খিলাফতে দারুণ সুফল বয়ে আনে। একটি দিওয়ানে মুসলিম নাগরিকদের নাম ও পরিচয় লেখা থাকতো। এই দিওয়ানে যাদের নাম থাকতো কেবল তারাই রাষ্ট্রের ভাতা ও অন্যান্য সুযোগ-সুবিধা লাভ করতো। মায়মূনের সময়ও এ নিয়ম প্রচলিত ছিল। তখন এই দিওয়ানের প্রধান ছিলেন মুহাম্মাদ ইবন মারওয়ান ইবন আল-হাকাম। তিনি একদিন লক্ষ্য করলেন মায়মূনের মত একজন বিশিষ্ট 'আলিমের নাম দিওয়ানে ওঠেনি। ফলে তিনি ইসলামী ভাতা থেকে বঞ্চিত হচ্ছেন। একদিন মায়মূনকে ডেকে বললেন : আপনি দিওয়ানে নাম লেখাচ্ছেন না কেন? নাম লেখালে ইসলামে আপনার যে অংশ রয়েছে তা লাভ করতেন।

মায়মূন বললেন : আমিও চাই ইসলামে আমার অংশ থাকুক। মুহাম্মাদ বললেন : তা কীভাবে সম্ভব, দিওয়ানে তো আপনার নাম নেই? মায়মূন বললেন : ইসলামে আমার অংশ হলো এ রকম : আল্লাহ ছাড়া আর কোন ইলাহ নেই- একথার সাক্ষ্য দেয়া একটি অংশ, সালাত একটি অংশ, যাকাত একটি অংশ, রমাদান মাসে সিয়াম পালন একটি

২৭. প্রাণ্ডু-১৮/৫৫২, ৫৫৩

২৮. প্রাণ্ডু

অংশ এবং বায়তুল্লাহতে হজ্জ আদায় একটি অংশ।^{২৯} মুহাম্মাদ বললেন : আমি ধারণা করতাম, দিওয়ানে যাঁদের নাম আছে ইসলামে কেবল তাঁদের অংশ আছে। মায়মূন বললেন : এই যে আপনার পূর্ব পুরুষ হাকীম ইবন হিয়াম (রা) দিওয়ান থেকে কোন দিন কোন কিছুই গ্রহণ করেননি। কারণ, তিনি একবার রাসূলুল্লাহর (সা) নিকট কোন কিছু সাহায্য চান, রাসূল (সা) তাঁকে বলেন : ওহে হাকীম, এই চাওয়া থেকে বিরত থাকা তোমার জন্য ভালো। হাকীম (রা) বললেন : ইয়া রাসূলুল্লাহ! আপনার নিকট চাওয়া থেকেও বিরত থাকবো? বললেন : হ্যাঁ, আমার নিকট চাওয়া থেকেও। হাকীম (রা) বললেন : কোন পরোয়া নেই। আপনার ও অন্য কারো নিকট কখনো কিছু চাইবো না। তবে আপনি আল্লাহর নিকট আমার ব্যবসায় উন্নতির জন্য একটু দু'আ করুন। রাসূল (সা) তাঁর জন্য দু'আ করেন।^{৩০}

এক আল্লাহ ছাড়া অন্য কারো কাছে কোন কিছু না চাওয়া— এই ছিল মায়মূনের নীতি। আর এ ক্ষেত্রে তাঁর আদর্শ ছিলেন হাকীম ইবন হিয়াম (রা)। মায়মূনের মৃত্যু সন নিয়ে মত পার্থক্য আছে। হিজরী ১০৬ থেকে ১১২ সনের মধ্যে তিনি মৃত্যু বরণ করেন।^{৩১}

২৯. 'আসরুক্ত তাবি'ঈন-৫২৭-৫২৮

৩০. সাহীহ আল-বুখারী, কিতাব আল-ওয়াসাইয়া, হাদীছ নং-২৭৫০; মুসনাদে আহমাদ, খও-৫, হাদীছ নং- ১৫৫৭৪; তাহ্যীব আল-কামাল-১৮/৫৫৩

৩১. তায়কিরাতুল হুক্ফাজ-১/৯৯; তাহ্যীব আল-কামাল-১৮/৫৫৫

খারিজা ইবন যায়দ (রহ)

হযরত খারিজার (রহ) ডাকনাম আবু যায়দ। বিখ্যাত সাহাবী হযরত যায়দ ইবন ছাবিতের (রা) পুত্র। মদীনার প্রসিদ্ধ খায়রাজ গোত্রের বানু নাজার শাখার সন্তান। তাঁর মা উম্মু সা'দ 'আকাবার দ্বিতীয় শপথে উপস্থিত ও রাসূলগ্লাহ (সা) কর্তৃক নিয়োগকৃত 'নাকীব' মহান সাহাবী সা'দ ইবন রাবী'র কন্যা।^১

জ্ঞান ও মনীষা

হযরত খারিজার মহান পিতা হযরত যায়দ ইবন ছাবিত (রা) একজন 'আলিম সাহাবী ছিলেন। যে সকল সাহাবী কুরআনের হাফিজ ছিলেন তিনি তাঁদের মধ্যে বিশেষ স্থানের অধিকারী। হযরত রাসূলে কারীমের (সা) ইনতিকালের পর কুরআনের সংগ্রহ ও সংকলন তাঁরই তত্ত্বাবধানে সম্পন্ন হয়। এমন একটা জ্ঞান চর্চার পরিবেশে হযরত খারিজা প্রতিপালিত হন। পিতার নিকট থেকে শিক্ষা প্রাপ্ত হয়ে তিনি তাঁর সমকালের শ্রেষ্ঠ 'আলিমদের মধ্যে পরিগণিত হন। ইমাম যাহাবী (রহ) বলেন, জ্ঞানে তিনি একজন দক্ষ ইমাম ছিলেন এবং তাঁর বিশ্বস্ততা ও শ্রেষ্ঠতার ব্যাপারে সকলে একমত।^২ ইবন সা'দ মদীনার মনীষীদের দ্বিতীয় ত্তরে বা তবকায় তাঁর নাম সন্নিবেশ করেছেন।^৩

হাদীছ

পিতা যায়দ, মা উম্মু সা'দ ইবন সা'দ, চাচা ইয়াযীদ, উসামা ইবন যায়দ, সাহ্ল ইবন সা'দ, 'আবদুর রহমান ইবন আবী 'উমারা উম্মুল 'আলা' (রা) প্রযুক্তের নিকট থেকে তিনি হাদীছের জ্ঞান অর্জন করেন। আর তাঁর নিকট থেকে যাঁরা হাদীছ শোনেন তাঁদের মধ্যে তাঁর পুত্র সুলায়মান, ভাতিজা সা'ঈদ ইবন সুলায়মান ও কায়স ইবন সা'দ এবং অন্য সাধারণ মানুষের মধ্যে 'আবদুগ্লাহ ইবন 'আমর ইবন 'উছমান, মুত্তালিব ইবন 'আবদিল্লাহ, ইয়াযীদ ইবন কাসীত (রহ) বিশেষ উল্লেখযোগ্য।^৪

ফিক্হ

ফিক্হ ছিল তাঁর বিশেষ অধীত বিষয়। এ শাস্ত্রে তিনি ইমাম ও মুজতাহিদের মর্যাদাসম্পন্ন ছিলেন। মদীনার বিখ্যাত সাতজন ফকীহৰ মধ্যে তাঁর নামটিও আছে।^৫ আবুয় যানাদ বলেন :^৬

১. তাহ্যীব আল-কামাল ফী আসমা' আর-রিজাল-৫/৩১৮
২. তায়কিরাতুল হফ্ফাজ-১/৯১
৩. তাহ্যীব আল-আসমা' ওয়াল লুগাত-১/১৪২
৪. তাহ্যীব আল-কামাল-৫/৩১৮
৫. প্রাণ্ডু; তাহ্যীব আত-তাহ্যীব-৩/৭৫
৬. প্রাণ্ডু
৭. তাহ্যীব আল-কামাল-৫/৩১৮

كان السُّبْعَةُ الَّذِينَ يَسْأَلُونَ بِالْمَدِينَةِ وَيُنْتَهِي إِلَى قَوْلِهِمْ : سَعِيدُ بْنُ الْمُسِيبِ وَأَبْوَهُ
بَكْرٌ بْنُ عَبْدِ الرَّحْمَنِ بْنِ الْحَارِثِ وَعُرْوَةُ بْنُ الْزَّبِيرِ وَعَبْدِ اللَّهِ بْنُ عَبْدِ اللَّهِ بْنُ عَتْبَةِ
وَالْقَاسِمُ بْنُ مُحَمَّدٍ وَخَارِجَةُ بْنُ زَيْدٍ بْنُ ثَابِتٍ وَسَلِيمَانُ بْنُ يَسَارٍ .

‘মদীনার যে সাত ব্যক্তির নিকট ফাতওয়া জিজ্ঞেস করা হতো এবং যাঁদের কথা চূড়ান্ত
বলে গণ্য হতো তাঁরা হলেন :

সাঈদ ইবন আল-মুসায়াব, আবু বাকর ইবন ‘আবদির রহমান ইবন আল-হারিছ,
উরওয়া ইবন আয-যুবায়ির, ‘উবায়দুল্লাহ ইবন ‘আবদিল্লাহ ইবন ‘উতবা, আল-কাসিম
ইবন মুহাম্মাদ, খারিজা ইবন যায়দ ও সুলায়মান ইবন ইয়াসার (রহ)।’

ইসলামী জ্ঞানের একটি বিশেষ শাখা ফারায়েজ (দায় ভাগ) শান্ত্র। এ বিষয়ে তাঁর পিতা
যায়দ ইবন ছাবিত একজন বড় ‘আলিম ছিলেন। এ কারণে উত্তরাধিকার সূত্রে খারিজা এ
জ্ঞানের অধিকারী হন। মদীনার ‘আলিমদের মধ্যে তিনি এবং তালহা ইবন ‘আবদিল্লাহ
ইবন ‘আওফ উত্তরাধিকার (মীরাছ) বণ্টন করতেন এবং বণ্টনের লিখিত সনদ দিতেন।
এ বিষয়ে তাঁর কথা প্রশান্ত হিসেবে গ্রহণ করা হতো।^৮ ‘উবায়দুল্লাহ ইবন ‘উমার বলেন,
মদীনায় রাসূলুল্লাহর (সা) সাহাবীদের পরে ফিক্হ বিষয়টি যাঁদের মধ্যে সীমাবদ্ধ ছিল
তাঁদের একজন হলেন খারিজা ইবন যায়দ।^৯

ওকাত

হ্যারত ‘উমার ইবন ‘আবদিল ‘আয়ীয়ের (রহ) খিলাফতকালে হিজরী ১০০ সনে তিনি
ইন্তিকাল করেন। মৃত্যুর কিছুদিন পূর্বে স্বপ্নে দেখেন যে, তিনি সতরটি সিঁড়ি বানানোর
পর তাঁর থেকে পড়ে গেছেন। সেই বছর মৃত্যু হয় এবং তখন তাঁর বয়স পূর্ণ সতর
বছর। তৎকালীন মদীনার ওয়ালী আবু বাকর ইবন মুহাম্মাদ ইবন হায়ম তাঁর জানায়ার
নামায়ের ইমামতি করেন। ‘উমার ইবন ‘আবদিল ‘আয়ীয় তাঁর মৃত্যুর খবর শনে ‘ইন্না
লিল্লাহি ওয়া ইন্না ইলাইহি রাজি ‘উন’ পাঠ করেন।^{১০}

তাঁর দৈহিক অবস্থার সুগঠিত ও সুন্দর ছিল। “খুয়” (রেশম ও পশম মিশ্রিত এক প্রকার
সূতা)-এর চাদর গায়ে জড়াতেন। মাথায় কালো পাগড়ী এবং বাঁ হাতে আঁটি পরতেন।^{১১}
মৃত্যুর সময় অনেকগুলো পুত্র-কন্যা রেখে যান। পুত্ররা হলেন : যায়দ, ‘উমার,
‘আবদুল্লাহ ও মুহাম্মাদ এবং কন্যারা হলেন : হাবীবা, হামীদা, উম্মু ইয়াহইয়া ও উম্মু
সুলায়মান। উল্লেখিত সন্তানদের সকলের মা ছিলেন উম্মু ‘আমর বিনত হায়ম।^{১২}

৮. প্রাগৃক-৫/৩১৯; তাহ্যীব আত-তাহ্যীব-৩/৭৫

৯. তাহ্যীব আল-কামাল-৫/৩১৯

১০. প্রাগৃক-৫/৩২০; আত-তাবাকাত-৫/১৯৪; সিয়ারু আ’লাম আন-নুবালা’-৪/৮৮০

১১. আত-তাবাকাত-৫/১৯৪

১২. প্রাগৃক

খালিদ ইবন মা'দান (রহ)

হ্যরত খালিদের (রহ) ডাকনাম আবু 'আবদিল্লাহ। তাঁর বংশধারা এরূপ : খালিদ ইবন মা'দান ইবন আবী কাব্ব আল-কিলাঙ্গি। শামের হিমসের অধিবাসী ছিলেন। ইবন সা'দ তাঁকে শামের তাবিঁইদের তৃতীয় তবকায় (ন্তর) স্থান দিয়েছেন।^১

জ্ঞান ও মনীষা

জ্ঞান অর্জন ও চর্চার প্রতি তাঁর ছিল প্রেরণ আগ্রহ। জ্ঞান চর্চাই তাঁর জীবনের একমাত্র ধ্যান ও কর্মে পরিণত হয়। বুহাইর বলেন, আমি তাঁর চেয়ে বেশি কাউকে জ্ঞান চর্চায় নিমগ্ন থাকতে দেখিনি। তাঁর এই আগ্রহ-উদ্দীপনা তাঁকে হিমসের বিশিষ্ট 'আলিমে পরিণত করে।^২

হাদীছ

তিনি হাদীছের একজন বড় হাফিজ ছিলেন। সন্তর (৭০) জন মহান সাহাবীর সাক্ষাৎ লাভের গৌরব অর্জন করেন।^৩ তাঁদের মধ্যে হ্যরত ছাওবান, 'আবদুল্লাহ ইবন 'উমার, 'আবদুল্লাহ ইবন 'আমর ইবন আল-'আস, 'উতবা ইবন 'আবদুস সালমী, মু'আবিয়া ইবন আবী সুফইয়ান, মিকদাম ইবন মা'দিকারিব ও আবু উমারের (রা) নিকট থেকে হাদীছ শোনেন। হ্যরত 'উবাদা ইবন আস-সামিত, আবুদ দারদা', মু'আয ইবন জাবাল, আবু 'উবায়দা, আবু যার আল-গিফারী ও 'আয়শা সিন্দীকার (রা) নিকট থেকে শোনা হাদীছ "মুরসাল"^৪ হিসেবে বর্ণনা করেছেন।^৫

ফিক্হ শাস্ত্রেও তাঁর পারদর্শিতা ছিল। ফকীহ সাহাবায়ে কিরামের পরে শামের ফকীহদের তৃতীয় স্তরে তাঁকে গণ্য করা হতো। তাঁর একটি নিজস্ব দারসের আসর ছিল। কিন্তু খ্যাতিকে এত পরিমাণ ভয় করতেন যে, আসরে উপস্থিতির সংখ্যা বেড়ে গেলে নাম-কামের ভয়ে পর্থন-পাঠনের এই আসরটি ভেঙ্গে দেন।^৬

১. তাহ্যীব আল-কামাল-৫/৪০৯, ৪১১

২. তাফকিরাতুল হফ্ফাজ-১/৮১; তাবিঁইন-১০২

৩. তাহ্যীব আল-কামাল-৫/৪১১

৪. হাদীছের সনদের শেষাংশ থেকে তাবিঁইন পরে সাহাবী বাদ পড়াকে 'আল-মুরসাল' বলে। যেমন, কোন তাবিঁইন উক্তি : 'রাসূল (সা) এরূপ বলেছেন, বা এরূপ করেছেন অথবা তাঁর সামনে এরূপ করা হয়েছে' ইত্যাদি। এখানে তাবিঁই যে সাহাবীর নিকট থেকে হাদীছটি শুনেছেন তাঁর নাম বাদ দিয়েছেন, তাই হাদীছটি 'আল-মুরসাল' হবে। শব্দটির অভিধানিক অর্থ ছেড়ে দেয়া, বাদ দেয়া।

৫. তাহ্যীব আত-তাহ্যীব-৩/১১৯

৬. তাফকিরাতুল হফ্ফাজ-১/৮১; তাহ্যীব আল-কামাল-৫/৪১১

ছাত্র

তাঁর কয়েকজন খ্যাতিমান ছাত্র হলেন : বুহায়রা ইবন সাঈদ, মুহাম্মাদ ইবন ইবরাহীম তায়মী, ছাওর ইবন ইয়ায়ীদ, হুরায়য ইবন উছমান, ‘আমির ইবন হাশীব, হাসসান ইবন ‘আতিয়া, ফুদায়ল ইবন ফুদালা (রহ) ও আরো অনেকে।^৭

তিনি তাঁর অর্জিত জ্ঞান সবই লিখে নিতেন। তাঁর ছাত্র বুহায়র বলেন, তাঁর অর্জিত সকল জ্ঞান একটি গভীর লিপিবদ্ধ করেন।^৮ তাঁর সমকালীন সকল বড় বড় ইমাম তাঁর পাণ্ডিত্য স্বীকার করেছেন। সুফইয়ান ছাওরী বলতেন, আমি খালিদ ইবন মাদানের উপর দ্বিতীয় কাউকে প্রাধান্য দিই না।^৯ ইমাম আওয়াঙ্গি (রহ) তাঁর প্রতি ভীষণ শ্রদ্ধাশীল ছিলেন এবং মানুষকে খালিদের কন্যা “আবাদা”র নিকট পাঠিয়ে তাঁর রীতি-পদ্ধতি অবগত হতেন।^{১০}

ইবাদত

ইলমের সাথে সাথে তিনি ‘আমলেও ঝদ্দ ছিলেন। ইবন হিবান তাঁকে আল্লাহর উত্তম বান্দাদের একজন বলে উল্লেখ করেছেন।^{১১} রাত-দিনে সন্তুর হাজার বার তাসবীহ পাঠ করতেন। এছাড়া কুরআন তিলাওয়াত করতেন।^{১২} অত্যধিক ইবাদত-বন্দেগীর চিহ্ন তাঁর কপালে দীপ্তিমান ছিল।^{১৩} তাঁর মৃত্যুর পর গোসলের জন্য লাশ থাটিয়ায় রাখা হলে দেখা গেল ডান হাতের আংশ তাসবীহ পাঠরত ভঙ্গিতে রয়েছে।^{১৪}

মরণের প্রতি তৈরি আকাঙ্ক্ষা

সাধারণ মানুষ মৃত্যুকে ভয় পায়। কিন্তু আল্লাহ প্রেমিক বান্দারা মৃত্যুকে মিলনের বার্তা বলে মনে করে। আর এ কারণে হ্যারত খালিদ (রহ) ভীত হওয়ার পরিবর্তে মৃত্যুর অধীর আগ্রহে থাকতেন। তিনি বলতেন, যদি মৃত্যু এমন কোন জ্ঞান হতো যা অর্জনের জন্য দৌড় প্রতিযোগিতা হতো তাহলে সবার আগে তার কাছে পৌঁছে যেতাম। শক্তির জোরে আমাকে অতিক্রম করতে পারতো এমন ব্যক্তি ছাড়া কেউ আমাকে হারাতে পারতো না। ইয়ায়ীদ ইবন ‘আবদিল মালিকের খিলাফতকালে তাঁর ইচ্ছা পূর্ণ হয়। ১০৩ অথবা ১০৪ হিজরীতে তাঁর মৃত্যু হয়। মৃত্যুর সময় তিনি রোয়া ছিলেন।^{১৫}

৭. তাহ্যীব আত-তাহ্যীব-৩/১১৮

৮. তায়কিরাতুল হফ্ফাজ-১/৮১

৯. প্রাণক্ষণ

১০. তাহ্যীব আত-তাহ্যীব-৩/১১৯

১১. প্রাণক্ষণ

১২. তায়কিরাতুল হফ্ফাজ-১/৮১; তাহ্যীব আল-কামাল-৫/৮১৩

১৩. আত-তাবাকাত-৭/১৬২

১৪. তাহ্যীব আল-কামাল-৫/৮১৩

১৫. প্রাণক্ষণ-৫/৮১২, ৮১৩; আত-তাবাকাত-৭/১৬২

ଆବୁ ବୁରଦା ଇବନ ଆବି ମୂସା ଆଲ-ଆଶ'ଆରୀ (ରା)

ଆବୁ ବୁରଦା ଡାକନାମ, ଆସଲ ନାମ 'ଆମିର ମତାନ୍ତରେ ଆଲ-ହାରିଛ । ଡାକ ନାମେଇ ତିନି ପ୍ରସିଦ୍ଧ । ବିଖ୍ୟାତ ସାହାବୀ ହ୍ୟରତ ଆବୁ ମୂସା ଆଲ-ଆଶ'ଆରୀର (ରା) ପୁତ୍ର । କୃଫାର ଏକଜନ ବିଖ୍ୟାତ ଫକିହ ତାବି'ଈ । ତଥାକାର କାଜୀଓ ଛିଲେନ ।¹ ଆଲ-ମାଦାୟିନୀ ବଲେନ, ତା'ର ପିତା ଆବୁ ମୂସା ଆଲ-ଆଶ'ଆରୀ (ରା) 'ଉମାର ଅଥବା 'ଉଚ୍ଚମାନେର (ରା) ଖିଲାଫତକାଳେ ଯଥିନ ବସରାର ଆମୀର ଛିଲେନ ତଥିନ ଆବୁ ବୁରଦାର ଜନ୍ମ ହେଁ ।²

ତା'ର ମହାନ ପିତା ହ୍ୟରତ ଆବୁ ମୂସା ଆଲ-ଆଶ'ଆରୀ (ରା) ଛିଲେନ ଏକଜନ ଉଚ୍ଚମାନେର ସାହାବୀ । ତିନି ତା'ର ଏହି ପୁତ୍ରକେ ଶିକ୍ଷା ଲାଭେର ଉଦ୍ଦେଶ୍ୟ ବିଖ୍ୟାତ ସାହାବୀ ହ୍ୟରତ 'ଆବଦୁଲ୍‌ଲାହ ଇବନ ସାଲାମେର (ରା) ନିକଟ ପାଠିଯେ ଦେନ । ଉଦ୍ଦେଶ୍ୟ ଯେ, ଇସଲାମ ପୂର୍ବ ଜୀବନେ ଏହି 'ଆବଦୁଲ୍‌ଲାହ ଇବନ ସାଲାମ ଛିଲେନ ମଦୀନାଯ ଇହ୍�ଦୀଦେର ଏକଜନ ବଡ଼ 'ଆଲିମ । ତା'ର ନିକଟ ଯାଓଯାଇ ଘଟନାଟି ଆବୁ ବୁରଦା ବର୍ଣନା କରେନ ଏଭାବେ : ଆମାର ମୁହତାରାମ ପିତା ଆମାକେ ଜ୍ଞାନ ଅର୍ଜନେର ଜନ୍ୟ 'ଆବଦୁଲ୍‌ଲାହ ଇବନ ସାଲାମେର (ରା) ନିକଟ ପାଠାନ । ଆମି ଯଥିନ ତା'ର କାଛେ ଗେଲାମ, ତିନି ଆମାକେ ଲକ୍ଷ୍ୟ କରେ ବଲଲେନ, ଭାତିଜା ! ତୋମରା ଏକ ବ୍ୟବସା କ୍ଲେନ୍ଡ୍ରେ ବସବାସ କର । ଏ କାରଣେ ଏଦିକେ ଦୃଷ୍ଟି ରାଖିବେ ଯେ, ଯଥିନ କାରୋ ଉପର ତୋମାଦେର କିଛୁ ଅର୍ଥ-ସମ୍ପଦ ପରିଶୋଧ କରା ଓ ଯାଜିବ ହେଁ ତଥିନ ଯଦି ସେ ତୋମାଦେରକେ ଖୁଶୀ କରାର ଜନ୍ୟ ଅଭିରିକ୍ଷ ଏକ ଆଟି ଘାସଓ ଦେଇ ତାହଲେ ତା ଗ୍ରହଣ କରିବେ ନା । କାରଣ ତା ସୁଦ ହବେ ।³

ଅନ୍ୟ ଏକଟି ବର୍ଣନାଯ ଏସେଛେ, ତିନି ବଲେନ, ଆମି ଯଥିନ ମଦୀନାଯ ଗେଲାମ ଏବଂ 'ଆବଦୁଲ୍‌ଲାହ ଇବନ ସାଲାମେର (ରା) ସାଥେ ସାକ୍ଷାତ କରିଲାମ ତଥିନ ତିନି ବଲଲେନ, ଚଲୋ, ଯେ ଘରେ ରାସୂଳ (ସା) ପ୍ରବେଶ କରେ ସାଲାତ ଆଦାୟ କରେନ ତୁମିଓ ସେବାନେ ଗିଯେ ସାଲାତ ଆଦାୟ କରିବେ । ତୋମାକେ ଖେଜୁର ଓ ଛାତ୍ର ଖାଓଯାବୋ । ତାରପର ବଲେନ : ଭାତିଜା ! ତୋମରା ଏମନ ଏକ ହାନେ ବସବାସ କର ଯେଥାନେ ସୁଦ ବ୍ୟାପକଭାବେ ପ୍ରଚଲିତ । ତୋମରା ଏମନ ମାନୁଷ ଯେ, ଯଥିନ ତୋମାଦେର ଓଥାନେ କେଉଁ କୋନ ବ୍ୟକ୍ତିକେ କରଇ (ଝଣ) ଦେଇ ଏବଂ ତା ପରିଶୋଧର ନିର୍ଧାରିତ ସମୟ ଶେଷ ହେଁ ଯାଇ ତଥିନ ମାକରଙ୍ଗ (ଝଣ ଗ୍ରହିତା) ଖାଦ୍ୟ-ଖାବାରେର ଏକଟି ପୁଟଲି ଏବଂ ଘାସେର ଏକଟି ବୋଝା ସଂଗେ ନିଯେ ହାଜିର ହେଁ । ଏଟା ସୁଦ ହବେ ।⁴

ଜ୍ଞାନ ଓ ମନୀଷା

ହ୍ୟରତ ଆବୁ ମୂସା ଆଲ-ଆଶ'ଆରୀ (ରା) ଓ 'ଆବଦୁଲ୍‌ଲାହ ଇବନ ସାଲାମେର (ରା) ଶିକ୍ଷା ଓ

1. ତାହ୍ୟୀବ ଆଲ-କାମାଲ-୧୯/୪୮

2. ତାହ୍ୟୀବ ଆତ-ତାହ୍ୟୀବ-୧୧/୨୨

3. ଆତ-ତାବାକାତ-୫/୧୮୭

4. ପ୍ରାଣ୍ତକ

প্রশিক্ষণে এবং অন্য সব মহান ব্যক্তির সাহচর্যের কল্যাণে আবৃ বুরদা অগাধ জ্ঞানের অধিকারী হন। ইমাম যাহাবী (রহ) বলেন :^৫

أبو بربة بن أبي موسى الأشعري الفقيه أحد أئمة الأئمّات.

“আবৃ মূসা আল-আশ’আরীর (রা) পুত্র আবৃ বুরদা একজন ফকীহ ও দৃঢ়পদ ইমামদের একজন।”

ইমাম নাওবী (রহ) বলেন, তাঁর বিশ্বস্ততা ও মহত্বের ব্যাপারে সকলে একমত।^৬

হাদীছ

তিনি ছিলেন হাদীছের বিশিষ্ট হাফিজদের মধ্যে একজন। ইবন সাদ বলেন : কান তেবে : ‘তিনি ছিলেন বিশ্বস্ত, বহু হাদীছের ধারক-বাহক।’^৭ এ বিষয়ে তিনি আবৃ মূসা আল-আশ’আরী, ‘আলী ইবন আবী তালিব, হ্যায়ফা ইবন আল-ইয়ামান, ‘আবদুল্লাহ ইবন সালাহ, আ’য়ায আল-মুযানী, মুগীরা ইবন শু’বা, ‘আবদুল্লাহ ইবন উমার, ‘আবদুল্লাহ ইবন ‘আমর ইবন আল-‘আস, ‘উরওয়া ইবন যুবায়র, আসওয়াদ ইবন ইয়ায়ীদ আত-তায়মী (রা) প্রমুখ সাহাবী ও তাবি’ঈর নিকট থেকে ফায়দা হাসিল করেন।^৮

তাঁর নিকট থেকে যাঁরা হাদীছ শুনেছেন ও বর্ণনা করেছেন তাঁদের মধ্যে উল্লেখযোগ্য কয়েকজন হলেন : তাঁর পুত্র সাদেদ ও বিলাল, পৌত্র ইয়ায়ীদ এবং অন্যদের মধ্যে ইমাম শা’বী, ছাবিত আন-নাবানী, হ্যায়দ ইবন হিলাল, ‘আবদুল মালিক ইবন নুমায়র, কাতাদা, আবৃ ইসহাক সুবায়ঈ (রহ) প্রমুখ।^৯

ফিকহ শাস্ত্রে তিনি বিশেষ স্থানের অধিকারী ছিলেন। ইমাম যাহাবী (রহ) তাঁকে ইমাম ও ফকীহ বলেছেন। ফিকহ বিষয়ে তাঁর গভীর জ্ঞানের কারণে কাজী শুরায়হ-এর পরে তিনি কৃফার কাজীর পদে অধিষ্ঠিত হতে সক্ষম হন। পরে তাঁর পুত্র বিলাল তাঁর স্থলাভিষিক্ত হন।^{১০}

নৈতিক শুণাবলী

নৈতিক শুণাবলীর তিনি বাস্তব রূপ ছিলেন। তাঁর ব্যক্তি সত্ত্ব সকল নৈতিক শুণ ও সৌন্দর্যের সমাবেশ ঘটেছিল। ইয়ায়ীদ ইবন মুহাম্মাদ যখন খুরাসানের ওয়ালী ছিলেন তখন তাঁর বহু শুণ বিশিষ্ট একজন লোকের প্রয়োজন পড়ে। তিনি লোকদের বললেন,

৫. তায়কিরাতুল হফ্ফাজ-১/৯৫

৬. তাহ্যীব আল-আসমা’ ওয়াল লুগাত-১/১৭৯

৭. প্রাণজ্ঞ; আত-তাবাকাত-৫/১৮৭; তাহ্যীব আল-কামাল-১৯/৫০

৮. তাহ্যীব আত-তাহ্যীব-১২/১৮

৯. প্রাণজ্ঞ; তাহ্যীব আল-কামাল-১৯/৫০

১০. আত-তাবাকাত-৫/১৮৭; শাজারাত আয়-যাহাব-১/১২৬

আমাকে এমন একজন লোক দাও যার মধ্যে উভয় বৈশিষ্ট্য ও গুণাবলীর পূর্ণ বিকাশ ঘটেছে। লোকেরা আবৃ বুরদার নাম বলে। ইয়ায়ীদ তাঁকে ডেকে এনে কথা বলেন এবং তাঁকে উভয় ব্যক্তি রূপে দেখতে পান। আবৃ বুরদার কথায় তিনি দারুণ মুঝ হন। পরীক্ষার পর তিনি তাঁকে বলেন, আমি আপনাকে অমুক অমুক পদে নিয়োগ করলাম। আবৃ বুরদা তা গ্রহণ করতে অক্ষমতা প্রকাশ করেন। ইয়ায়ীদ তাঁর কথা মানলেন না। তখন আবৃ বুরদা নিজের অক্ষমতার সপক্ষে এ দলীল উপস্থাপন করেন যে, আমার মহান পিতা আমার কাছে বর্ণনা করেছেন যে, রাসূলুল্লাহ (সা) বলতেন, যে ব্যক্তি এমন কোন পদ গ্রহণ করে যে সম্পর্কে নিজেই জানে যে সে তার উপযুক্ত নয়, তাহলে জাহানামকে নিজের ঠিকানা বানানোর জন্য তার প্রস্তুত থাকা উচিত হবে। হিজরী ১০৩ অথবা ১০৪ সনে কৃফায় তাঁর ইনতিকাল হয়। মৃত্যুকালে বয়স হয়েছিল ৮০ বছরের উপরে।^{১১}

১১. আত-তাবাকাত-৫/১৮৭; তাহ্যীব আল-কামাল-১৯/৫২; তায়কিরাতুল হফ্ফাজ-১/৯৫

কা'ব আল-আহবার (রহ)

হ্যরত কা'ব-এর (রহ) ডাকনাম আবু ইসহাক, পিতার নাম মাতি' ইবন হানয়'। তিনি ছিলেন ইয়ামনের বিখ্যাত হিময়ার গোত্রের শাখা গোত্র “আলে ফী রু'আইন”-এর সন্তান।^১

ইসলাম গ্রহণ ও মদীনায় আগমন

হ্যরত কা'ব (রহ) একজন বিখ্যাত তাবিঁই। ইসলাম গ্রহণের পূর্বে তিনি একজন ইহুদী ‘আলিম ছিলেন।^২ হ্যরত রাসূলে কারীমের (সা) জীবদ্ধায়ও তিনি বিদ্যমান ছিলেন, কিন্তু সঠিক বর্ণনা মতে সে সময় ইসলাম গ্রহণের সৌভাগ্য থেকে বঞ্চিত হন। একটি বর্ণনা দ্বারা জানা যায় যে, সে সময়ে তিনি ইসলাম গ্রহণ করেন।

ইমাম আশ-শাতিবী বর্ণনা করেছেন, কা'ব বলেন : হ্যরত 'আলী (রা) যখন ইয়ামন আসেন তখন আমি তাঁর নিকট যেয়ে হ্যরত রাসূলে কারীমের (সা) পরিচয় ও গুণ-বৈশিষ্ট্য জিজ্ঞেস করি। তিনি বলেন। আমি তা শুনে একটু মন্দু হাসি। 'আলী (রা) আমার এ মন্দু হাসির কারণ জিজ্ঞেস করেন। আমি বলি : আমাদের ধর্মে শেষ যামানার নবীর যে সব আলামত বলা হয়েছে হ্যরত রাসূলে কারীমের (সা) সাথে তার মিল থাকায় হেসেছি। এরপর আমি মুসলমান হয়ে যাই এবং মানুষকে ইসলামের দিকে আহ্বান জানাতে থাকি। তবে ইয়ামনেই থেকে যাই। 'উমারের (রা) খিলাফতকালে হিজরাত করে মদীনায় যাই। আফসোস! আমি যদি সেই পূর্বেই হিজরাত করতাম। আরেকটি বর্ণনা এ রূকম এসেছে যে, তিনি হ্যরত আবু বাকরের (রা) খিলাফতকালে ইসলাম গ্রহণ করেন।^৩

উপরের দুটি বর্ণনাই দুর্বল বলে মুহাদিছগণ সিদ্ধান্ত দিয়েছেন। এ ক্ষেত্রে সঠিক বর্ণনা সেটাই যা ইবন সাদ কা'বের হালীফ তথা চুক্তিবদ্ধ আশ্রয়দাতা হ্যরত 'আক্বাস (রা) থেকে বর্ণনা করেছেন। এ বর্ণনা দ্বারা খোদ কা'বের বক্তব্যেই হ্যরত 'উমার ইবন আল-খাভাবের (রা) খিলাফতকালে তাঁর ইসলাম গ্রহণ প্রমাণিত হয়। সাঈদ ইবন আল-মুসায়িব (রহ) বর্ণনা করেছেন। হ্যরত 'আক্বাস (রা) কা'ব ইসলাম গ্রহণের পর তাঁকি জিজ্ঞেস করেন, আবু বাকরের (রা) সময়ে ইসলাম গ্রহণ থেকে বিরত থাকার এমনকি কারণ ছিল যে, এখন 'উমারের (রা) সময় ইসলাম গ্রহণ করছেন? জবাবে তিনি বলেন : আমার পিতা তাওরাত থেকে কিছু অংশ লিখে আমাকে দেন এবং উপদেশ দেন আমি যেন তার উপর 'আমল করি। তারপর ধর্মীয় সকল প্রত্নের উপর সীল-মোহর লাগিয়ে

১. তাহ্যীব আল-কামাল ফী আসমা' আর-রিজাল-১৫/৩৯৯, ৪০০

২. তায়কিরাতুল হফ্ফাজ-১/৫২

৩. আল-ইসাবা ফী তামরীম আস-সাহাবা-৩/৩১৫-৩১৬; তাহ্যীব আল-কামাল-১৫/৩৯৯

আমাকে পিতৃত্বের অধিকারের কসম করিয়ে অঙ্গীকার নেন, আমি যেন এই সীল-মোহর না খুলি। এজন্য আমি তা খুলিনি এবং পিতার দেয়া লেখার উপর ‘আমল করতে থাকি। যখন ইসলামের প্রচার-প্রসার ও তার প্রাধান্য পেতে থাকে এবং কোন ভয়-ভীতির অবকাশ থাকলো না তখন আমার মনে হলো, আমার পিতা আমার নিকট কিছু ‘ইল্ম গোপন করে গেছেন। এখন আমার এই সীল-মোহরকৃত গ্রন্থগুলো খুলে দেখা উচিত। অতঃপর আমি সীল-মোহর ভেঙ্গে গ্রন্থগুলো পাঠ করি। তাতে আমি মুহাম্মদ (সা) ও তাঁর উম্মাতের পরিচয় ও গুণ-বৈশিষ্ট্য দেখতে পাই। সেই সময় আমার নিকট প্রকৃত সত্য প্রকাশ পায়। এজন্য আমি এখন এসে ইসলাম গ্রহণ করেছি।^৪ ইসলাম গ্রহণের পর তিনি মদীনায় এসে রাসূলুল্লাহর (সা) চাচা হ্যরত ‘আব্রাসের (রা) সাথে চুক্তিবদ্ধ হয়ে বসবাস করতে থাকেন।

তাঁর জ্ঞান ও মনীষা

হ্যরত কা'ব (রহ) ছিলেন ইহুদীদের একজন বিশিষ্ট ও বিখ্যাত ‘আলিম। ইহুদী ধর্ম সম্পর্কে তাঁর জ্ঞানের পরিধি ছিল অতি ব্যাপক। ইমাম যাহাবী লিখেছেন, তিনি ছিলেন জ্ঞানের ভাণ্ডার এবং আহলি কিতাবদের অন্যতম শ্রেষ্ঠ ‘আলিম।^৫ ইমাম নাওবী লিখেছেন, তাঁর ব্যাপক জ্ঞান ও বিশৃঙ্খলার ব্যাপারে সকলে একমত। অগাধ জ্ঞানের অধিকারী হওয়ার কারণে তাঁকে “কা'ব আল-আহবার” এবং “কা'ব আল-হাবর” বলা হতো। তাঁর গুণ-বৈশিষ্ট্য অনেক। তাঁর জ্ঞানগত অনেক কথা ও মন্তব্য অতি প্রসিদ্ধ।^৬ অনেক বড় বড় সাহাবী তাঁর গভীর জ্ঞানের কথা স্মীকার করতেন। হ্যরত আবু দারদা’ আল-আনসারী (রা) কা'বের সাথে হিমসে এক সাথে ছিলেন। তিনি বলতেন, ইবন হিময়ারের নিকট বহু জ্ঞান আছে। আমীর মু'আবিয়া (রা) বলতেন, আবুদ দারদা’ (রা) হাকীম তথ্য মহাজ্ঞানীদের অন্তর্গত, আর কা'ব ‘আলিমদের অন্তর্গত। তার নিকট সাগরের মত সীমাহীন জ্ঞান ছিল।^৭

যেহেতু তিনি একটি ধর্মের একজন বড় ‘আলিম ছিলেন, এ কারণে ইসলামী জ্ঞানের সাথেও তাঁর বিশেষ সম্পর্ক ছিল। তিনি কুরআন ও সুন্নাহর জ্ঞান লাভ করেন মদীনায় সাহাবায়ে কিরামের (রা) নিকট থেকে এবং অন্যদিকে সাহাবায়ে কিরামও তাঁর নিকট আহ্লি কিতাবের বিভিন্ন বিষয়ে জ্ঞান লাভ করেন। কুরআন ও সুন্নাহর জ্ঞান তিনি লাভ করেন হ্যরত ‘উমার, সুহায়ব ও উম্মুল মু'মিনীন ‘আয়িশার (রা) নিকট থেকে। অন্যদিকে তাঁর নিকট ইসরাইলিয়াত বা বনী ইসরাইলের জ্ঞান লাভ করেন সাহাবীদের মধ্যে আবু হুরায়রা, মু'আবিয়া, ইবন ‘আব্রাস (রা) এবং তাবি'ঈদের মধ্যে মালিক ইবন

৪. আত-তাবাকাত-৭/১৫৬; তাহ্যীব আল-কামাল-১৫/৪০০

৫. তায়কিরাতুল হফজাজ-১/৫২

৬. তাহ্যীব আল-আসমা' ওয়াল লুগাত-১/৯

৭. আল-ইসাবা-৩/৩১৫

আবী 'আমির আসবাহী, 'আতা ইবন আবী রাবাহ, আবদুল্লাহ ইবন রিয়াহ আনসারী, 'আবদুল্লাহ ইবন হাম্যা সুলুলী, আবু রাফে' সায়িগ, 'আবদুর রহমান ইবন শু'আয়ব (রহ)সহ বিরাট একটি দল।^৮

ইল্ম, 'উলামা ও ইল্মের ক্ষয় ও পতন সম্পর্কে তাঁর মতব্য

একবার প্রখ্যাত সাহাবী হযরত 'আবদুল্লাহ ইবন সালাম (রা) তাঁকে জিজ্ঞেস করেন : কা'ব! প্রকৃত 'আলিম কারা? জবাব দেন : যারা 'ইল্ম অনুযায়ী 'আমল করে। ইবন সালাম আবার জিজ্ঞেস করেন : 'আলিমদের অন্তর থেকে 'ইল্ম দূর করে দেবে কোন জিনিস? বলেন : লোভ এবং মানুষের সামনে নিজের অভাব ও প্রয়োজনের কথা বলা ও প্রত্যাশা করা। 'আবদুল্লাহ ইবন সালাম বলেন : আপনি সত্য বলেছেন।^৯

শামে অবস্থান

কা'বের পৈত্রিক ধর্ম ছিল ইহুদী। এ কারণে প্রথম থেকেই শামের সাথে তাঁর হৃদয়ের সম্পর্ক ছিল। ইসলামের দৃষ্টিতেও এ ভূমি অতি পবিত্র ও সমানিত। এ কারণে কিছুকাল মদীনায় থাকার পর তিনি শামে চলে ঘান এবং হিমসে আবাসন গড়ে তোলেন।^{১০}

জনগণকে উপদেশ দান

শামে অবস্থানকালে তাঁর প্রধান কাজ ছিল ইসরাইলী কিস্মা-কাহিনী ভিত্তিক মানুষকে উপদেশ দান করা। একবার 'আওফ ইবন মালিক (রা) উপদেশ দানরত অবস্থায় তাঁকে বললেন : আমি রাসুলুল্লাহর (সা) নিকট থেকে শুনেছি, আমীর, দায়িত্ব প্রাপ্ত ব্যক্তি ও বয়স্কদের সামনে ছাড়া আর কাউকে কিস্মা-কাহিনী শোনানো উচিত নয়। এরপর তিনি ওয়াজ ছেড়ে দেন। অবশ্য পরে স্থানীয় আমীরের নির্দেশে আবার একাজ আরম্ভ করেন।^{১১}

ইসলামী বর্ণনার মধ্যে ইসরাইলী বর্ণনার প্রবেশ

হযরত কা'বের গভীর জ্ঞান ও মনীষার ব্যাপারে কারো কোন সন্দেহ নেই। তিনি ইহুদী ধর্মের একজন খ্যাতিমান 'আলিম ছিলেন। তবে ইহুদীদের জ্ঞানের বেশির ভাগ উৎস ছিল কিস্মা-কাহিনী। হযরত কা'বের জ্ঞানের উৎসও ছিল তাই। এ কারণে একটি বড় ক্ষতি এই হয়েছে যে, অনেক ভিত্তিহীন ইসরাইলী কাহিনী ইসলামী গ্রন্থাবলীতে ঢুকে গেছে। তাই কোন কোন ইমাম কা'বের বর্ণনাসমূহকে অগ্রহণযোগ্য মনে করেছেন। অবশ্য এ ব্যাপারে আমাদের শক্তি হওয়ার কিছু নেই। কারণ, আমাদের পূর্ববর্তীকালের পাণ্ডি-

৮. তাহ্যীব আত-তাহ্যীব-৫/৪৩৮; তাহ্যীব আল-কামাল-১৫/৩৯৯

৯. আল-ইসাবা-৩/৩১৬; তাহ্যীব আল-কামাল-১৫/৮০১

১০. প্রাণ্ডজ; আত-তাবাকাত-৭/১৫৬

১১. আল-ইসাবা-৩/৩১৬; তাবির্দিন-৩৯২

মনীষীগণ বিষয়টি সম্পর্কে সতর্ক ছিলেন এবং তাঁরা যথাসময়ে এবং যথাস্থানে তা চিহ্নিতও করে গেছেন।

ওফাত

হ্যারত ‘উচ্চমানের (রা) খিলাফাতকালে হিজরী ৩২ সনে তিনি হিমসে ইনতিকাল করেন। অপর একটি বর্ণনায় হিজরী ৩৪ সনের কথা এসেছে। মৃত্যুকালে তাঁর বয়স হয়েছিল ১০৮ বছর।^{১২}

কা'ব বলতেন, আমার ওজনের সমপরিমাণ সোনা আমি সাদাকা হিসেবে দান করি- তার চেয়ে আল্লাহর ভয়ে আমি কাঁদি- এ আমার অধিকতর প্রিয়। পার্থিব জীবনে যে দু'টি চোখ আল্লাহর ভয়ে কেঁদে পানি ঝরায় পরকালীন জীবনে সেই দু'টি চোখকে উৎফুল্ল রাখা আল্লাহর দায়িত্ব।^{১৩}

১২. আত-তাবাকাত-৭/১৫৬; তাহ্যীব আল-কামাল-১৫/৮০০

১৩. তাহ্যীব আল-কামাল-১৫/৮০১

আবৃ ‘উছমান আন-নাহদী (রহ)

হ্যরত ‘আবদুর রহমানের (রহ) ডাকনাম আবৃ ‘উছমান এবং এ নামেই তিনি ইতিহাসে প্রসিদ্ধ। তিনি ছিলেন একজন “মুখাদরাম” ব্যক্তি অর্থাৎ জাহিলী ও ইসলামী উভয় যুগ লাভ করেন।^১ জাহিলী যুগে সাধারণ আরববাসীর মত মূর্তিপূজক ছিলেন। ইসলামের অভ্যন্দয়ের পর ইসলাম গ্রহণ করেন। তবে হ্যরত রাসূলে কারীমের (সা) দর্শন ও সাক্ষাৎ থেকে বঞ্চিত থেকে যান। কিন্তু যাকাত-সাদাকা সব সময় রাসূলপ্রাহর (সা) তাহসীলদারের হাতে তুলে দিতেন।^২ আবৃ ‘উছমানের পিতার নাম মাল্লু ইবন ‘আমর। আবৃ ‘উছমান কূফার অধিবাসী ছিলেন।

হ্যরত রাসূলে কারীমের (সা) আবির্ভাবের খ্বর প্রথম যে ভাবে লাভ করেন সে সম্পর্কে তিনি পরবর্তীকালে বলতেন : আমি তখন ১৭ বছরের এক তরুণ। একদিন আমি একটি উপত্যকায় আমাদের উট চরাচিলাম, তখন সেই পথে আমার পাশ দিয়ে তিহামার একজন লোক যাচ্ছিলেন। আমি তাকে বললাম, শুনেছি আপনাদের মাঝে নাকি একজন ‘সাবী’ বা ধর্মত্যাগীর আবির্ভাব হয়েছে? ব্যাপারটা কী একটু বলুন তো? তিনি বললেন : আল্লাহর ক্ষম! একজন লোকের আবির্ভাব হয়েছে, যে মানুষকে এক আল্লাহর দিকে আস্থান জানায়। সে নিজেদের পারম্পারিক সম্পর্ক বিনষ্ট করে ফেলেছে।^৩

প্রথম খলীফা হ্যরত আবৃ বকর সিদ্দীকের (রা) খিলাফতকালে তাঁর অবস্থান ও কর্মকাণ্ড সম্পর্কে কোন তথ্য পাওয়া যায় না। হ্যরত ‘উমার ইবন আল-খাত্বাবের (রা) খিলাফতকালে প্রথম মদীনায় আসেন^৪ এবং ইরাকের অধিকাংশ অভিযান যথা : কাদেসিয়া, জালূলা, তুসতার, নিহাওয়ান্দ, সারওয়ান্দ, ইয়ারমূক প্রভৃতিতে অংশগ্রহণের গৌরব অর্জন করেন।^৫

জ্ঞান ও মনীষা

জ্ঞানের জগতে তেমন বিশিষ্ট ব্যক্তি ছিলেন না। তবে প্রখ্যাত সাহাবী হ্যরত সালমান আল-ফারেসীর (রা) সাহচর্যে বারো বছর ছিলেন।^৬ এই মোবারক সাহচর্যের কল্যাণে তিনি এত পর্যাপ্ত জ্ঞানের অধিকারী হন যে, তাঁকে বড় বড় ‘আলিমদের মধ্যে গণ্য করা হতে থাকে।

১. তাহ্যীব আত-তাহ্যীব-৬/২৭৭

২. খাতীব আল-বাগদাদী, তারীখু বাগদাদ-১০/২০৪; তাফকিরাতুল হফ্ফাজ-১/৬৫

৩. তাহ্যীব আল-কামাল-১১/৩৮৪

৪. তাহ্যীব আত-তাহ্যীব-৬/২৭৮

৫. তারীখু বাগদাদ-১০/২০৪

৬. শাজারাত আয়-যাহাব-১/১১৮; তাফকিরাতুল হফ্ফাজ-১/৬৬

হাদীছ

হয়রত ‘উমার, ‘আলী, সাঈদ ইবন আবী ওয়াক্তাস, তালহা, সালমান আল-ফারেসী, আবদুল্লাহ ইবন মাস’উদ, হ্যায়ফা, আবু যার আল-গিফারী, উবায় ইবন কা’ব, উসামা ইবন যায়দ, বিলাল, হানজালা আল-কাতিব, আবু সাঈদ আল-খুদরী, আবু মূসা আল-আশ’আরী (রা) প্রমুখের মত শ্রেষ্ঠ সাহাবায়ে কিরামের সূত্রে বর্ণিত তাঁর হাদীছ পাওয়া যায়।

ছবিত আল-বানানী, কাতাদা, আসিম আল-আহওয়াল, সুলায়মান আত-তায়মী, খালিদ আল-হায়য়া’, আইউব আস-সাখতিয়ানী, হ্যায়দ আত-তাবীল (রহ) প্রমুখের মত বিশিষ্ট ‘আলিম তাবি’ঈগণ তাঁর নিকট থেকে হাদীছের জ্ঞান অর্জন করেন।^১

ইবাদত-বন্দেগী

ইবাদত-বন্দেগী ও তাকওয়া-পরহেয়গারী ছিল হয়রত আবু ‘উছমানের বিশেষ গুণ। এ ক্ষেত্রে তিনি সমকালীনদের মধ্যে বিশিষ্ট বলে গণ্য হতেন। ইমাম যাহাবী (রহ) বলেন, তিনি ছিলেন একজন ‘আলিম, কায়মুল লায়ল ও সায়মুন নাহার- অর্থাৎ জ্ঞানী, রাতে সালাত আদায়কারী ও দিনে সাওয় পালনকারী। এত বেশি সালাত আদায় করতেন যে, মাঝে মাঝে অচেতন হয়ে পড়তেন।^২

সকল প্রকার পাপ থেকে সব সময় দূরে থাকতেন। তাঁর ছাত্র সুলায়মান আত-তায়মী বলেন, তাঁর এমন অবস্থা দেখে আমার ধারণা হয়, তাঁর ঘারা কখনো কোন পাপ কাজ সংঘটিত হয়নি।^৩

আল্লাহর যিক্র

তিনি বলতেন, আমি জানি, আল্লাহ আমাকে কখন স্মরণ করেন। জনৈক ব্যক্তি প্রশ্ন করেন : কিভাবে? বললেন : আল্লাহ বলেছেন :^৪ ‘তোমরা আমাকে স্মরণ কর, আমি তোমাদেরকে স্মরণ করবো।’ এ কারণে আমি যখন তাকে স্মরণ করি তিনিও আমাকে স্মরণ করেন এবং যখন আমরা তাঁর নিকট দৃঢ়া করি তখন তিনি তা কবুল করেন। কারণ, তিনি বলেছেন :^৫

أَدْعُونِيْ أَسْتَجِبْ لَكُمْ.

“তোমরা আমাকে ডাক, আমি তোমাদের ডাকে সাড়া দিব।”^৬

৭. তাহ্যীব আত-তাহ্যীব-৬/২৭৮; তাহ্যীব আল-কামাল-১১/৩৮৩-৩৮৪

৮. তাফ্কিরাতুল হফ্ফাজ-১/৬৬; তাহ্যীব আল-কামাল-১১/৩৮৪

৯. প্রাণক্ষুণ

১০. সূরা আল-বাকারা-১৫২

১১. সূরা গাফির-৬০

১২. আত-তাবাকাত-৭/৬৯; তাহ্যীব আল-কামাল-১১/৩৮৫

ଆହଳି ବାୟତ ବା ନବୀ-ବଂଶେର ସାଥେ ସମ୍ପର୍କ

ଆହଳି ବାୟତେର ପ୍ରତି ଛିଲ ତା'ର ପ୍ରଚାନ୍ଦ ଭକ୍ତି ଓ ଭାଲୋବାସା । ତିନି କୃଫାୟ ବସବାସ କରନେନ । କିନ୍ତୁ କାରବାଲାଯ ଇମାମ ହସାଯନେର (ରା) ଶାହଦାତେର ଦୁଃଖଜନକ ଘଟନା ସଂଘଟିତ ହେଲାର ପର ତିନି ଚିରଦିନେର ଜନ୍ୟ କୃଫା ଛେଡ଼େ ବସରାୟ ଆବାସନ ଗଡ଼େ ତୋଲେନ । କାରଣ ହିସେବେ ବଲନେନ, ଆମି ଏମନ ଶହରେ ଅବସ୍ଥାନ କରତେ ପାରିଲେ ଯେଥାନେ ହୟରତ ରାସୂଲ କାରିମେର (ସା) ଦୌହିତ୍ର ଶାହଦାତ ବରଣ କରେହେନ ।^{୧୦}

ଓଫାତ

ମୃତ୍ୟୁ ସନ ନିଯେ ଘତପାର୍ଥକ୍ୟ ଆଛେ । ସଠିକ ବର୍ଣନା ଘତେ ହିଜରୀ ୧୦୦ ସନ ଅଥବା ଏର କାହାକାହି ସମୟେ ଇନତିକାଳ କରେନ । ପ୍ରାୟ ଏକ ଶୋ ତିରିଶ ବରଷ ଜୀବନ ଲାଭ କରେନ । ହିଜରୀ ୯୫ ସନେର କଥାଓ ବର୍ଣିତ ହେଲେ ।^{୧୧}

୧୩. ପ୍ରାଣ୍ତକ

୧୪. ତାରୀଖୁ ବାଗଦାଦ-୧୦/୨୦୫; ତାତ୍ତ୍ୟୀବ ଆଲ-କାମାଲ-୧୧/୩୮୫

ইউনুস ইবন ‘উবায়দ (রহ)

হ্যরত ইউনুসের (রহ) ডাকনাম আবু উবায়দ মতান্তরে আবু ‘আবদিল্লাহ। তিনি বান্ধু ‘আবদিল কায়সের দাস ও বসরার অধিবাসী ছিলেন।^১

জ্ঞান ও মনীষা

যদিও দাসত্বের বেঢ়ী তাঁর কষ্টে বোলানো ছিল, কিন্তু তা জ্ঞানের আলো থেকে তাঁকে দূরে রাখতে পারেনি। তিনি তাবিঈকুল শিরোমণি হ্যরত হাসান আল-বাসরীর (রহ) খাস সঙ্গী-সাথীদের মধ্যে ছিলেন। আর এই সাহচর্য ও এক সাথে উঠাবসা তাঁকে জ্ঞান ও কর্মে ঐশ্বর্যবান করে তোলে। ইমাম যাহাবী (রহ) তাঁকে ইমাম, হজ্জাত (প্রমাণ) ও অনুসরণীয় নেতা বলেছেন।^২ ইমাম নাওবী (রহ) তাঁর বিশ্বস্ততা, দৃঢ়তা ও মহৎস্তরে ব্যাপারে সকলের ঐকমত্যের কথা বলেছেন। তিনি একথাও বলেছেন যে, ইউনুস ছিলেন একজন উচ্চ মর্যাদাসম্পন্ন তাবিঈ।^৩ ইবন হিবান বলেছেন, তিনি জ্ঞান, মনীষা, স্মৃতিতে ধারণশক্তি, দৃঢ়তা, সুন্নাহর অনুসরণ, বিদ্যাতীরের প্রতি তীব্র ঘৃণা পোষণ, দিব্যদৃষ্টি, দীনী বিষয়ে গভীর অনুধাবন শক্তি এবং বহু হাদীছ স্মৃতিতে ধারণের ক্ষেত্রে তাঁর যুগের নেতৃস্থানীয়দের অন্যতম ছিলেন।^৪

হাদীছ

তিনি তাঁর যুগের হাদীছের বিশিষ্ট হাফিজদের মধ্যে ছিলেন। ইবন সাদ বলেন : ﴿كَانَ تَّأْرِيفُهُ مُتَّفِقًا بِعَدَّةِ حَدِيثٍ﴾ - তিনি ছিলেন বিশ্বস্ত, বহু হাদীছের ধারক-বাহক। তিনি তাঁকে বসরাবাসী মুহাদিছগণের চতুর্থ তবকায় স্থান দিয়েছেন।^৫

সাহাবায়ে কিরামের মধ্যে তিনি হ্যরত আনাস ইবন মালিকের দর্শন ও সাক্ষাৎ লাভ করেন, তবে তাঁর থেকে কোন হাদীছ শোনার সৌভাগ্য হয়নি। তিনি হ্যরত হাসান আল-বাসরীর (রহ) জ্ঞান ভাণ্ডার থেকে সবচেয়ে বেশি অর্জন করেছেন। তারপর মুহাম্মাদ ইবন সীরীন, ছাবিত আন-নাবানী, ‘আবদুর রহমান ইবন আবী বাকরা, হাকীম ইবন ‘আন-আ’রাজ, নাফি’ মাওলা ইবন ‘উমার (রা), হুমায়দ ইবন বিলাল, ‘আতা’ ইবন আবী রাবাহ (রহ) প্রমুখের নিকট থেকেও হাদীছ শোনেন।^৬

১. তাহ্যীব আল-কামাল-২০/৫৪২

২. তায়কিরাতুল হফফাজ-১/১৪৫

৩. তাহ্যীব আল-আসমা’ ওয়াল লুগাত-১/১৬৮

৪. তাহ্যীব আত-তাহ্যীব-১/৪৪৫

৫. আত-তাবাকাত-৭/২৩; তাহ্যীব আল-কামাল-২০/৫৪৩

৬. তায়কিরাতুল হফফাজ-১/১৪৫; তাহ্যীব আত-তাহ্যীব-১/৪৪২

হাদীছ চর্চার ক্ষেত্রে তিনি তাঁর অধিকাংশ সমকালীনের শীর্ষে ছিলেন। সাঁইদ ইবন আমির বলেন, আমি ইউনুস ইবন ‘উবায়দের চেয়ে উত্তম কাউকে পাইনি। সকল বসরাবাসীর এই মত। আবৃ হাতিম বলতেন, তিনি সুলায়মান আত-তায়মীর চেয়েও উচ্চতর মর্যাদার অধিকারী ছিলেন। তায়মী তাঁর স্থানে পৌছাতে পারতেন না। সালামা ইবন ‘আলকামা বলেন, ‘আমি ইউনুসের মজলিসে বসেছি, কিন্তু তাঁর একটি কথাও ভুল ধরতে পারিনি।’^৭

এত জ্ঞান ও যোগ্যতা সত্ত্বেও তিনি হাদীছ বর্ণনায় দারুণ সতর্ক ছিলেন। হাদীছ বর্ণনার পর সব সময় তিনবার “আস্তাগফির়ল্লাহ” পাঠ করতেন। আর এই সতর্কতার কারণেই হাদীছ লিখতেন না। তিনি বলতেন, আমি কখনো কিছু লিখিনি।^৮

ছাত্রবৃন্দ

তাঁর উল্লেখযোগ্য কয়েকজন ছাত্র হলেন : তাঁর পুত্র ‘আবদুল্লাহ, শু’বা, ছাওরী, উহাইর, হাম্মাদ, ‘আবদুল্লাহ ইবন ‘ঈসা, খায়্যায়, খারিজা ইবন মুস’আব ও আরো অনেকে।^৯

জ্ঞান অর্জনে তাঁর অক্ষেত্রতা ও নিষ্ঠা

তাঁর জ্ঞান অর্জন ও চর্চা খ্যাতি ও নাম-কামের জন্য ছিল না; বরং কেবল মাত্র আল্লাহর সন্তুষ্টির জন্যই ছিল। হিশাম ইবন হুসাম বলেন, আমি ইউনুস ইবন ‘উবায়দ ছাড়া এমন কাউকে পাইনি যার জ্ঞান চর্চা ছিল শুধুমাত্র আল্লাহর সন্তুষ্টির জন্য।^{১০}

নৈতিক শুণাবলী

অগাধ জ্ঞানের সাথে ‘আমলও (কর্ম) সেই পর্যায় ও মানের ছিল। ‘আকীদা-বিশ্বাসের ব্যাপারে ছিলেন ভীষণ কঠোর এবং মত পথের ব্যাপারে ছিলেন দিব্যদৃষ্টিসম্পন্ন। ইবন হিবান বলেন, তিনি ছিলেন সুলাহর বড় পাবন্দ, বিদ‘আতের প্রতি দারুণ ঘৃণা-বিদ্যে পোষণকারী এবং দিব্য জ্ঞানের অধিকারী একজন মানুষ। ‘আকীদার ব্যাপারে এত কঠোর ছিলেন যে, নতুন কোন চিন্তা-বিশ্বাসকে কাবীরা শুনাহর চেয়েও মারাত্মক মনে করতেন। একবার তিনি তাঁর পুত্রকে বলেন, আমি তোমাকে সুদ, চুরি, মদপান ইত্যাদি কাজ থেকে বিরত থাকতে বলি। কিন্তু ‘আমর ইবন ‘উবায়দ ও তার সাথীদের চিন্তা-বিশ্বাসকে গ্রহণ করে তাঁদের সাথে মিলিত হওয়ার চেয়ে উপরোক্ত পাপে লিঙ্গ হয়ে আল্লাহর সাথে মিলিত হওয়াকে আমি বেশি পছন্দ করি।’^{১১} উল্লেখ্য যে, ‘আমর ইবন ‘উবায়দ ছিলেন ‘একজন বুদ্ধিবাদী মু’তাফিলা।’

৭. তায়কিরাতুল হফফাজ-১/১৪৫; তাহ্যীব আল-কামাল-২০/৫৪৮

৮. প্রাণক্ষেত্র; আত-তাবাকাত-৭/২৩

৯. তাহ্যীব আত-তাহ্যীব-১১/২৪২

১০. তায়কিরাতুল হফফাজ-১/১৪৬

১১. তাহ্যীব আত-তাহ্যীব-১১/৮৪৮

বিদ'আতীদের 'ইবাদত-বন্দেগীকেও তিনি কোন ছাওয়াবের কাজ বলে মনে করতেন না। একবার জনেক ব্যক্তি তাঁকে জিজ্ঞেস করে, আমার একজন মু'তায়িলা প্রতিবেশী অসুস্থ আছে, আমি তাঁকে দেখতে যেতে চাই। বললেন, ছাওয়াবের নিয়্যাতে যাবে না।^{১২} ফরয ব্যতীত খুব বেশি নফল নামায-রোয়া করতেন না। তবে আল্লাহর রাবুল 'আলামীনের অধিকার ও ফরয আদায়ের ব্যাপারে সর্বক্ষণ প্রস্তুত থাকতেন। সাল্লাম ইবন মু'তী' বলেন, ইউনুস খুব বেশি নামায-রোয়া করতেন না। তবে আল্লাহর কসম! যখন আল্লাহর অধিকারের সময় হতো তখন তিনি তা প্রতিপালনের জন্য বিলম্ব করতেন না।^{১৩} জিহাদকে সর্বোত্তম 'ইবাদত বলে বিশ্বাস করতেন। কোন কারণে জিহাদে যোগদান করতে না পারলে ভীষণ অস্ত্র হয়ে পড়তেন এবং জীবনের শেষ দিন পর্যন্ত সে অস্ত্রিতা বিদ্যমান থাকতো। ইসহাক ইবন ইবরাহিম বলেন, ইউনুস অভিম রোগ শয়ায় শয়ে তাঁর পায়ের দিকে তাকিয়ে কাঁদতেন। লোকেরা এর কারণ জিজ্ঞেস করলে বলতেন, এ পা আল্লাহর রাস্তায় ধুলিমলিন হয়েন।^{১৪} মুখ থেকে সব সময় কালিমায়ে ইস্তিগ্ফার অর্থাৎ আস্তাগফিরুল্লাহ উচ্চারিত হতো। 'আবদুল মালিক ইবন মূসা বলেন, আমি তাঁর চেয়ে বেশি আল্লাহর কাছে মাগফিরাত কামনাকারী আর দেখিনি।^{১৫}

সততা ও সাধুতা

ব্যবসা ছিল তাঁর পেশা। এর মাধ্যমে তিনি জীবিকা উপার্জন করতেন। রেশমী বস্ত্রের ব্যবসা করতেন। ব্যবসায়িক সততায় এত বাঢ়াবাঢ়ি করতেন যে, তাতে ব্যবসা করাই দৃঢ়সাধ্য ছিল। তাঁর ব্যবসায়িক সততা ও সাধুতার বহু ঘটনা বিভিন্ন গ্রন্থে বর্ণিত হয়েছে। এখানে কয়েকটি ঘটনা সংক্ষেপে উপস্থাপন করা হলো।

একবার এক বিশেষ স্থানে রেশমের মূল্য বৃদ্ধি পায়। তিনি তা জানতে পেরে অন্য এক স্থানের রেশম বিক্রেতার নিকট থেকে তিরিশ হাজার দিরহামের রেশম ক্রয় করেন। পরে কি যেন চিন্তা করে বিক্রেতাকে জিজ্ঞেস করেন, অমুক স্থানে রেশমের মূল্য বৃদ্ধির কথা কি তুমি জান? লোকটি বললো, সে কথা যদি জানতাম তাহলে আমার এ মাল কি বিক্রি করতাম? তাঁর এ জবাব শুনে তিনি প্রদত্ত মূল্য নিয়ে মাল ফেরত দেন।^{১৬}

একবার এক মহিলা তাঁর নিকট আসে "খুয়ের" চাদর বিক্রির জন্য। তিনি জিনিস দেখে দাম জিজ্ঞেস করেন। সে বললো : ষাট দিরহাম। তিনি তাঁর এক প্রতিবেশীকে চাদর দেখিয়ে জিজ্ঞেস করেন, এর দাম কত হতে পারে? সে বললো : এক শো বিশ পর্যন্ত হতে পারে। দাম যাঁচারের পর তিনি মহিলাকে বলেন, বাড়ীর লোকদের কাছে জিজ্ঞেস করেছি, তারা এর দাম এক শো পঁচিশ বলছে।^{১৭}

১২. প্রাণ্তক

১৩. প্রাণ্তক

১৪. প্রাণ্তক

১৫. তাহ্যীব আল-কামাল-২০/৫৪৭

১৬. প্রাণ্তক-২০/৫৪৯; তাহ্যীব আত-তাহ্যীব-১১/৪৪৩

১৭. প্রাণ্তক

আরেকবার এক মহিলা রেশমের একটি ভুক্তা বিক্রির জন্য নিয়ে এলো। তিনি দাম জিঙ্গেস করলেন এবং সে পাঁচশো চাইলো। ইউনুসের দৃষ্টিতে জিনিসটির দাম অনেক বেশি ছিল। এ কারণে তিনি এক হাজার বলেন।^{১৮}

এত সতর্কতা সত্ত্বেও তিনি এ ব্যাপারে নিশ্চিন্ত হতে পারতেন না। ইবন শাওয়াব বলেন, একবার ইউনুস ও ইবন ‘আওন হালাল-হারামের ব্যাপারে আলোচনা করছিলেন। এক পর্যায়ে উভয়ে বললেন : আমাদের সম্পদে এক দিরহামও হালাল অর্থ নেই।^{১৯}

ওফাত

হিজরী ১৩৯ সনে ইন্তিকাল করেন। হয়রত ‘আবদুল্লাহ ইবন ‘আবাসের (বা) পৌত্র সুলায়মান ও ‘আবদুল্লাহ ইবন ‘আলী এবং প্রগৌত্র জা’ফার ও মুহাম্মাদ (রহ) তাঁর লাশের খাটিয়া বহন করেন। তখন তাঁরা বলছিলেন : “আগ্নাহর কসম! এ একটি সমান ও মর্যাদা।”^{২০}

১৮. তাখকিরাতুল হফফাজ-১/১৪৫

১৯. তাহ্যীব আত-তাহ্যীব-১১/৮৮৮

২০. আত-তাবাকাত-৭/২৪; তাহ্যীব আল-কামাল-২০/৫৫৩

সুলায়মান ইবন ইয়াসার আল-হিলালী (রহ)

হ্যরত সুলায়মানের (রহ) ডাকনাম আবু আইউব, মতান্তরে আবু আবদির রহমান। উম্মুল মু'মিনীন হ্যরত মায়মূনার (রা) দাসত্বের সৌভাগ্য অর্জন করেন। হ্যরত মায়মূনা (রা) তাঁকে মুক্তির করেন। অর্থাৎ তাঁকে এই শর্তে মুক্তি দানের চুক্তি করেন যে, নির্দিষ্ট সময়ের মধ্যে নির্ধারিত পরিযাণ অর্থ পরিশোধের বিনিয়য়ে তিনি দাসত্ব থেকে মুক্তি লাভ করবেন। এই দাসত্ব সুলায়মানকে 'ইল্ম ও 'আমলের (জ্ঞান ও কর্ম) ঐশ্বর্যে পূর্ণ করে তোলে। 'আতা', 'আবদুল মালিক ও 'আবদুল্লাহ ইবন ইয়াসার- এ তিনজন ছিলেন তাঁর ভাই।'

হ্যরত রাসূলে কারীমের (সা) অন্দর মহলে যাতায়াত

উম্মুল মু'মিনীন হ্যরত মায়মূনার (রা) দাসত্বের সুবাদে সুলায়মান হ্যরত 'আয়িশা (রা)সহ অন্যদের কাছে যাতায়াত করতেন। তিনি তাঁর দাসত্বকালে তাঁদের থেকে পর্দা করতেন না। সুলায়মান নিজেই বলেন, একবার আমি হ্যরত 'আয়িশার (রা) দরজায় উপস্থিত হয়ে সাক্ষাতের অনুমতি চাইলাম। তিনি আওয়ায় শুনে বললেন, তুমি দাসত্ব থেকে মুক্তির ব্যাপারে যে চুক্তি করেছিলে তাকি পূরণ করেছো? আমি বললাম : হাঁ, তবে সামান্য কিছু বাকী আছে। বললেন : তাহলে ভিতরে এসো। তুমি ততক্ষণ পর্যন্ত দাস যতক্ষণ তোমার চুক্তির শর্ত পূরণে কিছু বাকী থাকবে।^১

জ্ঞান ও মনীষা

সুলায়মান প্রথমতঃ ব্যক্তিগত যোগ্যতার দিক দিয়ে অত্যন্ত মেধাবী ও বুদ্ধিমান ছিলেন।^২ দ্বিতীয়তঃ উম্মুল মু'মিনীনের দাস হওয়ার সুবাদে মদীনায় বসবাসকারী সাহাবায়ে কিরামের (রা) সাহচর্যের বাড়তি সুবিধাও লাভ করেন। এতদুভয় কারণে তিনি মদীনার একজন বিশিষ্ট 'আলিমে পরিণত হন। ইমাম নাওবী (রহ) বলেন, তাঁর মহত্ব ও জ্ঞানগত উৎকর্ষের ব্যাপারে সকলে একমত।^৩

কুরআন ও হাদীছ

কুরআন মাজীদ, হাদীছ, ফিক্হ তথা সকল ইসলামী জ্ঞানে তাঁর পাণ্ডিত্য ছিল। কুরআনের বিশিষ্ট কারী ছিলেন।^৪ আর যে গৃহের তিনি সেবক ছিলেন সেটাই তো ছিল হাদীছে

১. তাহ্যীব আল-কামাল ফী আসমা' আর-রিজাল-৮/১১৯

২. আত-তাবাকাত-৫/১৩০

৩. তায়কিরাতুল হফ্ফাজ-১/৯১

৪. তাহ্যীব আল-আসমা' ওয়াল লুগাত-১/২৩৪

৫. তাহ্যীব আত-তাহ্যীব-৪/২২৯

নববীর উৎসধারা। এ কারণে স্বাভাবিকভাবে হাদীছের একটা নির্ভরযোগ্য ভাষার তাঁর অধিকারে চলে আসে। ইবন সাদ বলেন, তিনি উচ্চ মর্যাদার অধিকারী, ফকীহ ও বহু হাদীছের ধারক-বাহক ছিলেন।^৬

তাঁর অর্জিত হাদীছ ভাষারের মূল উৎস উম্মুল মু'মিনীন হ্যরত 'আয়শা (রা) ও মায়মূনা (রা)। তাছাড়া আরো অনেক বড় সাহাবীর (রা) নিকট থেকেও তাঁর হাদীছের ভাষারকে সমৃদ্ধ করেন। যেমন : যায়দ ইবন ছাবিত, 'আবদুল্লাহ ইবন উমার, 'আবদুল্লাহ ইবন 'আব্রাস, ফাদল ইবন 'আব্রাস, আবু হুরায়রা, আবু সাঈদ আল-খুদরী, মিকদাদ ইবন আওস, 'আবদুল্লাহ ইবন হ্যাফা (রা) ও আরো অনেকে। তাঁর সমকালীন মুহান্দিছগণের নিকট থেকেও তিনি হাদীছ শোনেন। যেমন : জা'ফার ইবন 'আমর ইবন উমাইয়া আদ-দামী, 'আবদুল্লাহ ইবন আল-হারিছ ইবন নাওফাল, 'আবদুর রহমান ইবন জাবির, 'আররাক ইবন মালিক, মালিক ইবন আবী 'আমির আসবাহী (রহ) প্রমুখ।^৭

ছাত্রবন্দ

তাঁর ছাত্র-শিষ্যের পরিধি অনেক ব্যাপক। কয়েকজনের নাম এখানে উপস্থাপন করা হলো : 'আমর ইবন দীনার, 'আবদুল্লাহ ইবন দীনার, 'আবদুল্লাহ ইবন ফাদল আল-হাশিমী, আবুয যানাদ, বুকায়র ইবন আল-আশাঞ্জ, জা'ফার ইবন 'আবদিল্লাহ, ইবন হাকাম, সালিম, আবুন নাসর, সালিহ ইবন কায়সান, 'আমর ইবন মায়মূন, মুহাম্মাদ ইবন আবী হারমালা, যুহুরী, মাকহূল, নাফি', ইয়াহইয়া ইবন সাঈদ আল-আনসারী, ইয়া'লা ইবন হাকীম, ইউনুস ইবন সায়ফ (রহ) প্রমুখ।^৮

ফিক্হ

ফিক্হ ছিল তাঁর একান্ত ও বিশেষভাবে অধীত বিষয়। এতে তিনি একজন ইমাম ও মুজতাহিদের মর্যাদার অধিকারী ছিলেন। ইমাম যাহাবী বলেন, তিনি ফকীহ 'আলিম ও ইজতিহাদের যোগ্যতাসম্পন্ন ইমাম ছিলেন।^৯ তিনি ছিলেন মদীনার সেই বিখ্যাত সাত ফকীহ্র অন্যতম যাঁদেরকে সে সময় ফিক্হের ইমাম বলে মানা হতো।^{১০} বিশেষ করে তালাকের মাসয়ালার তিনি একজন বড় 'আলিম ছিলেন। কাতাদা বলেন, আমি একবার মদীনায় গিয়ে মানুষের নিকট জিজেস করলাম, এখানে তালাকের মাসয়ালার সবচেয়ে বড় 'আলিম কে? তারা সুলায়মান ইবন ইয়াসারের নাম বললো।^{১১}

কিছু 'আলিম ফিক্হ বিষয়ে তাঁকে ঐ সকল ইমামদের উপরে, জ্ঞানের জগতে যাঁদের

৬. আত-তাবাকাত-৫/১৩০

৭. তাহ্যীব আত-তাহ্যীব-৪/২২৮; তাহ্যীব আল-কামাল-৮/১১৯

৮. প্রাণক্ষু

৯. তায়কিরাতুল হফফাজ-১/৯১

১০. প্রাণক্ষু; তাহ্যীব আল-আসমা'-১/২৩৫

১১. ওয়াকাইয়াত আল-আইয়ান-১/২১৩

শ্রেষ্ঠত্ব স্থিরূপ ছিল, প্রাধান্য দিতেন। মুহাম্মাদ ইবন আল-হানাফিয়ার (রহ) সুযোগ্য পুত্র হাসান (রহ) তাঁকে সাঈদ ইবন আল-মুসায়িবের (রহ) চেয়েও বেশি বৃদ্ধিদীপ্ত মনে করতেন। খোদ সাঈদ ইবন আল-মুসায়িব (রহ) তাঁর প্রতি এত শ্রদ্ধাশীল ছিলেন যে, অনেক সময় কেউ তাঁর কাছে কোন মাসয়ালার সমাধান জানতে চাইলে তিনি তাকে সুলায়মানের কাছে পাঠিয়ে দিতেন।^{১২} বলতেন, জীবিত লোকদের মধ্যে তিনিই সবচেয়ে বড় ‘আলিম’।^{১৩}

তাকওয়া-পরহেয়গারী

দুনিয়া বিরাগী মনোভাব এবং ‘ইবাদত-বন্দেগী’র দিক দিয়ে তিনি ছিলেন একজন বিশিষ্ট ব্যক্তিত্ব। আবু যার‘আ বলেন, সুলায়মান ইবন ইয়াসার ছিলেন মদীনার একজন জ্ঞানী-গুণী ও তাপস মানুষ।^{১৪} আল-ইজলী তাঁর জ্ঞান-মনীষার সাথে সাথে ‘ইবাদত-বন্দেগী’রও সাক্ষ্য দিয়েছেন।^{১৫}

তিনি অত্যন্ত পবিত্র ও পরিচ্ছন্ন স্বত্বাবের ছিলেন। যদিও তাবি‘ঈদের সেই পৃথঃপবিত্র দলটির জন্য এ কোন বড় বৈশিষ্ট্য নয়। কারণ, তাঁরা সকলেই ছিলেন নিষ্কলুম চরিত্রের অধিকারী, কিন্তু কেউ যদি জীবনের কোন পর্যায়ে কোন কঠিন পরীক্ষার মুখোয়ায়ি হয় এবং সফলভাবে উত্তরে যায় তাহলে সেটা তার জন্য বিশেষ সাফল্য হিসেবে ধরা হয়। সুলায়মান ছিলেন খুবই সুদর্শন ও আকর্ষণীয় ব্যক্তিত্বসম্পন্ন মানুষ। একবার এক সুন্দরী মহিলা সুযোগ মত তাঁর ঘরে ঢুকে যায় এবং তাঁকে সন্তোগের আহ্বান জানায়। তিনি ঘর থেকে বেরিয়ে পালিয়ে যান। এরপর একদিন তিনি ইউসুফকে (আ) স্বপ্নে দেখেন।^{১৬}

ওফাত

তাঁর মৃত্যু সন সম্পর্কে একাধিক মত আছে। সর্বাধিক নির্ভরযোগ্য মতে হিজরী ১০৭ সনে তিনি ইনতিকাল করেন। মোট ৭৩ বছর জীবন লাভ করেন। ইমাম আল-বুখারী, বলেন : সুলায়মান ইবন ইয়াসার, সাঈদ ইবন আল-মুসায়িব, ‘আলী ইবন আল-হসায়ন ও আবু বাকর ইবন ‘আবদির রহমান একই বছর মৃত্যুবরণ করেন। সেই বছরটি হলো হিজরী ৯৪ সন। এ কারণে এ বছরটিকে বলা হয় – سنن الفتن، ফকীহদের বছর।^{১৭}

১২. তায়কিরাতুল হফ্ফাজ-১/৯১

১৩. শায়ারাত আয-যাহাব-১/১৩৪

১৪. তাহ্যীব আল-আসমা'-১/২৩৫

১৫. তাহ্যীব আত-তাহ্যীব-৪/২৩০

১৬. তায়কিরাতুল হফ্ফাজ-১/৯১; তাহ্যীব আল-কামাল-৮/১২১

১৭. প্রাণক্ষেত্র; আত-তাবাকাত-৫/১৩০

আবুল 'আলিয়া রিয়াহী (রহ)

হ্যারত আবুল 'আলিয়ার (রহ) আসল নাম রাফী' এবং ডাকনাম আবুল 'আলিয়া। এ নামেই তিনি ইতিহাসে প্রসিদ্ধ। পিতার নাম মাহরান। আবুল 'আলিয়া বানু রিয়াহ ইবন ইয়ারবু' গোত্রের এক মহিলার দাস ছিলেন। এ কারণে তাদের সাথে সম্পৃক্ত করে তাঁকে রিয়াহী বলা হয়। বানু রিয়াহ হলো বানু তামীমের একটি শাখা গোত্র।^১ আসলে পারস্যে তাঁর জন্ম। মুসলিম মুজাহিদদের হাতে বন্দী হয়ে বসরায় আসেন এবং দাসত্বের শৃঙ্খলে জড়িয়ে পড়েন।^২

ইসলাম গ্রহণ

তিনি জাহিলী ও ইসলামী উভয় যুগ লাভ করেন, তাই তিনি একজন 'মুখ্যদরাম' মানুষ। তবে রাসূলুল্লাহর (সা) জীবন্দশায় ইসলাম গ্রহণের গৌরব থেকে বঞ্চিত থেকে যান। হ্যারত রাসূলে কারীমের (সা) ইন্তিকালের দু'বছর পর ইসলাম গ্রহণ করেন।^৩ আবু খালদা বলেন, একবার আমি তাঁকে জিজেস করলাম আপনি কি রাসূলকে (সা) দেখেছেন? বললেন : আমি তাঁর ওফাতের দু'বছরের মধ্যে ইসলাম গ্রহণ করেছি।^৪

দাসত্ব থেকে মুক্তি

বিভিন্ন বর্ণনা থেকে জানা যায় যে, ইসলাম গ্রহণের পর বেশ কিছুকাল দাসত্বের বন্ধনে আবদ্ধ ছিলেন। অতঃপর তাঁর মনিবা তাঁকে মুক্ত করে দেয়। দাসত্ব থেকে মুক্তি লাভের ঘটনাটি তিনি নিজে বর্ণনা করেছেন এভাবে : আমি এক মহিলার দাস ছিলাম। তিনি যখন আমাকে মুক্তি দানের সিদ্ধান্ত নিলেন তখন তাঁর চাচাতো ভাইয়েরা তাঁকে এই বলে বিরত রাখার চেষ্টা করে যে, যদি তুমি তাকে মুক্তি দাও তাহলে সে কৃফায় গিয়ে যোগাযোগ ছিন্ন করে দেবে। কিন্তু তিনি মুক্তি দানের সিদ্ধান্ত নিয়ে ফেলেছিলেন, এ কারণে এক জুম'আর দিন আমার কাছে আসেন এবং আমার কাছে জিজেস করে জামি' মসজিদের দিকে চলা শুরু করেন। আমিও তাঁর সাথে চললাম। মসজিদের পৌছার পর ইমাম সাহেব আমাকে মিশরের উপর দাঁড় করিয়ে দিলেন। মহিলাটি আমার একটি হাত ধরে এই বাক্যগুলো উচ্চারণের মাধ্যমে আমার মুক্তি ঘোষণা করেন : "হে আল্লাহ! আমি আমার আখিরাতের জন্য তাকে তোমার কাছে জয়া রাখলাম। মসজিদে উপস্থিত

১. তায়কিরাতুল হফ্ফাজ-১/৬১; তাহ্যীব আল-কামাল-৬/২২০

২. 'আসরত তাবি'ইন-৩৯২

৩. তাহ্যীব আল-আসমা' ওয়াল লুগাত-১/২২৫

৪. তাহ্যীব আল-কামাল-৬/২২১

লোকেরা! সাক্ষী থাকুন। এই দাসকে আল্লাহর সন্তুষ্টির জন্য মুক্ত করলাম। ভবিষ্যতে তার উপর কারো কোন অধিকার নেই।” এরপর তিনি আমাকে মসজিদে রেখে চলে যান এবং আর কখনো আমাকে দেখা দেননি।^৫

জ্ঞান ও মর্মীয়া

জ্ঞানের দিক দিয়ে তিনি বিশিষ্ট তাবিঁইদের অন্তর্ভুক্ত ছিলেন। ইমাম নাওবী (রহ) বলেন, তিনি শ্রেষ্ঠ তাবিঁইদের মধ্যে ছিলেন।^৬ আবুল কাসিম আত-তাবারী বলেন, তাঁর বিশ্বস্ততা ও দৃঢ়তার ব্যাপারে সকলে একমত।

কুরআন

তাঁর অতি প্রিয় ও বিশেষ অধীত বিষয়টি ছিল কিতাবুল্লাহ। আল-কুরআনের শিক্ষা তিনি লাভ করেন কুরআনের বিখ্যাত ‘আলিম রাসূলুল্লাহর (সা) বিশিষ্ট সাহাবী হযরত উবায় ইবন কাব’বের (রা) নিকট থেকে। এ শিক্ষার শুরু হয় তাঁর দাসত্বের জীবন থেকেই। তিনি নিজেই বর্ণনা করেছেন, আমি একজন দাস ছিলাম, মনিব পরিবারের সেবা করতাম। আর সেই সাথে কুরআন ও আরবী বই-পুস্তক পড়া শিখতাম।^৭ তবে নিয়মতাত্ত্বিক শিক্ষার শুরু হয় বেশ বয়স হলে, ইসলাম গ্রহণের সাত-আট বছর পরে। তিনি বলতেন, আমি তোমাদের নবীর ওফাতের দশ বছর পরে কুরআন পড়েছি।^৮

এত বেশি আগত, উদ্দীপনা ও অধ্যয়নায়ের মাধ্যমে তিনি জ্ঞান অর্জন করেন যে, তাবিঁইদের মধ্যে কুরআনের অন্যতম শ্রেষ্ঠ ‘আলিমে পরিণত হন। আবু বাকর ইবন আবী দাউদ বলেন, সাহাবায়ে কিরামের পরে আবুল ‘আলিয়ার চেয়ে বড় কুরআনের কোন ‘আলিম ছিলেন না।^৯ ইবনুল ‘ইমাদ আল-হামলী (রহ) তাঁকে মুফাস্সির বলে উল্লেখ করেছেন।^{১০}

হাদীছ

ইবন সাদ তাঁকে *كثير الحديث* অর্থাৎ বহু হাদীছের ধারক-বাহক বলেছেন।^{১১} হযরত ‘আলী, ‘আবদুল্লাহ ইবন মাস’উদ, আবু মুসা আল-আশ’আরী, আবু আইটব আল-আনসারী, উবায় ইবন কাব, উম্মুল মু’মিনীন ‘আয়িশা, ছাওবান, হয়ায়ফা, ‘আবদুল্লাহ ইবন ‘আবাস, ‘আবদুল্লাহ ইবন ‘উমার, রাফি’ ইবন খাদীজ, আবু সা’ঈদ আল-খুদরী,

৫. আত-তাবাকাত-৭/৮১; ‘আসরুত তাবিঁইন-৩৯৩

৬. তাহ্যীব আল-আসমা’-১/২২৫

৭. আত-তাবাকাত-৭/৮২

৮. তাহ্যীব আল-কামাল-৬/২২১

৯. প্রাণ্ড-৬/২২২; তায়কিরাতুল হফ্ফাজ-১/৬১

১০. শায়ারাত আয়-যাহা-১/১০২

১১. আত-তাবাকাত-৭/৮৫

আবৃ হুরায়রা, আনাস ইবন মালিক, আবৃ যার আল-গিফারী (রা) প্রমুখের মত শ্রেষ্ঠ সাহাবায়ে কিরামের নিকট থেকে হাদীছের জ্ঞান অর্জন করেন।^{১২}

হাদীছ গ্রহণে তাঁর সতর্কতা

হাদীছ গ্রহণের ব্যাপারে তিনি দারুণ সতর্ক ছিলেন। যতক্ষণ প্রথম মূল রাবীর (বর্ণনাকারী) মুখ দিয়ে না শুনতেন, ততক্ষণ মধ্যবর্তী রাবীর বর্ণনা গ্রহণ করতেন না। তিনি বলতেন, বসরায় আমরা রাসূলুল্লাহর (সা) সাহাবীদের বর্ণনা শুনতাম, কিন্তু ততক্ষণ তাঁর উপর নির্ভর করতাম না যতক্ষণ না নিজে মদীনায় গিয়ে বর্ণনাটির প্রথম স্তরের মুখ থেকে শুনতাম।^{১৩}

ছাত্র-শিষ্য

তাঁর থেকে যাঁরা জ্ঞানগত ফায়দা হাসিল করেন তাঁদের মধ্যে সর্বাধিক উল্লেখযোগ্য হলেন : খালিদ আল-হায়য়া', দাউদ ইবন আবী হিন্দ, মুহাম্মাদ ইবন সীরীন, ইউসুফ ইবন 'আবদিল্লাহ, রুবায়' ইবন আনাস, বাকর আল-মুয়ানী, ছাবিত আন-নাবানী, হুমায়দ ইবন হিলাল, কাতাদা, মানসুর, 'আওফ আল-আ'রাবী, আবৃ 'আমর ইবন আল-আলা' (রহ) ও আরো অনেকে।^{১৪}

ফিক্হতেও তাঁর বিশেষ পারদর্শিতা ছিল। বসরার ফকীহদের মধ্যে তাঁকেও গণ্য করা হতো। ইমাম যাহাবী (রহ) তাঁকে ফকীহ বলে উল্লেখ করেছেন।^{১৫}

সাহাবায়ে কিরামের মধ্যে তাঁর মর্যাদা

হয়রত আবুল 'আলিয়া যদিও একজন দাস ছিলেন, তবে তাঁর অগাধ জ্ঞান ও ব্যাপক মনীষার কারণে অনেক বড় বড় সাহাবী তাঁকে অত্যন্ত সম্মান করতেন। হয়রত 'আবদুল্লাহ ইবন 'আবাস (রা) এতখানি সম্মান করতেন যে, আবুল 'আলিয়া যখন তাঁর কাছে যেতেন তখন তিনি তাঁকে একটি উচু স্থানে নিয়ে বসাতেন। তখন কুরায়শ বংশের অতি সম্মানিত ব্যক্তিবর্গ তাঁর নীচে বসা থাকতেন। সম্মানের সাথে উচ্চ আসনে বসানোর পর বলতেন, জ্ঞান এভাবে মর্যাদাবান ব্যক্তির মর্যাদা বৃদ্ধি করে দেয় এবং দাসকে সিংহাসনে বসায়।^{১৬}

হয়রত 'আবদুল্লাহ ইবন 'আবাস (রা) যখন বসরার ওয়ালী তখন একবার আবুল 'আলিয়া তাঁর নিকট যান। ইবন 'আবাস তাঁর হাত ধরে নিজের পাশে বসান। তাঁর প্রতি এমন সম্মান প্রদর্শন দেখে তামীম গোত্রের জনৈক ব্যক্তি দৈর্ঘ্যহারা হয়ে বলে ওঠে : এতো একজন দাস।^{১৭}

১২. তাহ্যীব আত-তাহ্যীব-৩/৩৮৪; তায়কিরাতুল হফ্ফাজ-১/৬১

১৩. আত-তাবাকাত-৭/৮২; তাবি'ঈন-৫৩৮

১৪. তাহ্যীব আত-তাহ্যীব-৩/৩৮৪

১৫. তায়কিরাতুল হফ্ফাজ-১/৬১

১৬. প্রাণক্ষেত্র; তাহ্যীব আল-কামাল-৬/২২২

১৭. আত-তাবাকাত-৭/৮২; তাহ্যীব আল-কামাল-৬/২২২

ইবাদত-বন্দেগী

হ্যরত আবুল 'আলিয়ার যে পরিমাণ জ্ঞান ছিল তাঁর মধ্যে সেই পরিমাণ 'আমলও ছিল। তিনি একজন 'আবিদ ব্যক্তি ছিলেন। রাত জেগে ইবাদত-বন্দেগী ও কুরআন তিলাওয়াত করার প্রতি ছিল তাঁর বিশেষ আগ্রহ ও রূপটি। জীবনের একটি সময়ে তিনি সারা রাত নামায পড়তেন এবং এক রাতে কুরআন খতম করতেন। কিন্তু এত কঠোর ইবাদত সারা জীবন চালিয়ে যেতে পারেননি। তিনি নিজেই বলেন, আমরা কয়েকজন দাস ছিলাম। তাদের কয়েকজন তাদের উপর ধার্যকৃত ট্যাক্স আদায় করতো, আর কয়েকজন করতো মনিবের সেবা। তবে আমরা সকলে সারা রাত জেগে এক রাতে পুরো কুরআন খতম করতাম। কিন্তু একাজ যখন ভীষণ কষ্টকর হয়ে দাঁড়ালো তখন দু'রাতে খতম করতে লাগলাম। কিন্তু এটাও যখন সম্ভব হলো না তখন তিনি রাতে করতে লাগলাম। কিন্তু তাও সম্ভব না হওয়ায় আমরা একে অপরকে দোষারোপ করতে আরম্ভ করলাম। অতঃপর আমরা হ্যরত রাসূলে কারীমের (সা) সাহাবীদের কাছে গেলাম। তাঁরা বললেন, এক সংশ্লিষ্ট খতম কর। তাঁদের দিক নির্দেশনার পর আমরা রাতে নামায পড়ার সাথে সাথে ঘুমাতেও লাগলাম। তখন এই ঝান্তিকর বোৰা হালকা হতে থাকে।^{১৮} তিনি কুরআন হিফজ (মুখস্থ) করা সম্পর্কে বলতেন : তোমরা পঁচাটি করে আয়াত মুখস্থ করবে। তাতে তোমাদের মাথায় চাপ কর পড়বে এবং বুৰাতেও সহজ হবে। জিবরীল (আ) নবীর (সা) নিকট পঁচাটি করে আয়াত নিয়ে আসতেন।^{১৯}

বৈরাগ্যবাদ পরিহার

প্রচুর ইবাদত-বন্দেগী করতেন সত্য, তবে রহবানিয়াত বা বৈরাগ্যবাদের সাথে তাঁর কোন সম্পর্ক ছিল না। এমনকি রাহিব তথা বৈরাগীদের লেবাস-পোশাক পর্যন্ত পছন্দ করতেন না। একবার আবু উমাইয়া আবদুল কারীম মোটা পশমী কাপড়ের পোশাক পরে তাঁর সাথে সাক্ষাতের জন্য আসেন। তাঁকে দেখে আবুল 'আলিয়া বলেন, এতো রাহিব তথা বৈরাগীদের পোশাক ও পদ্ধতি। মুসলিমগণ যখন পরস্পর পরস্পরের সাথে সাক্ষাতের জন্য যায় তখন ভালো পোশাক পরে যায়। তারপর তিনি আবদুল কারীমকে লক্ষ্য করে বলেন : তুমি নিজে আল্লাহর আনুগত্যমূলক কাজ কর এবং যে এমন কাজ করে তাকে ভালোবাস। আর পাপ কাজ থেকে দূরে থাক। আল্লাহ ইচ্ছা করলে পাপীকে শান্তি দিতে পারেন, ইচ্ছা করলে মাফও করতে পারেন।^{২০}

রিয়া তথা আত্মপ্রদর্শনী ভাব থেকে দূরে থাকা

ভালো কাজের প্রকাশকে তিনি দারুণ খারাপ মনে করতেন, কেউ এমন করলে তাকে রিয়াকার বলতেন। আবু মাখলাদ বলেন, আবুল 'আলিয়া বলতেন, যখন তোমরা কোন

১৮. 'আসরূত তাবি'ঈন-৩৯৩

১৯. প্রাণ্ড-৩৯৭; হিলয়াতুল আওলিয়া-২/২১৯

২০. আত-তাবাকাত-৭/৮৩; 'আসরূত তাবি'ঈন-৩৯৬

ব্যক্তিকে একথা বলতে শুনবে যে, আমি আল্লাহর জন্য বদ্ধুত্ব এবং আল্লাহর জন্য শক্তি করি, তখন তোমরা তার অনুসরণ করবে না।^{১১} সুফিইয়ান ইবন উয়ায়না বলেন, আবুল ‘আলিয়ার নিকট চারজনের বেশি মানুষ সমবেত হলে তিনি তাদেরকে রেখে উঠে চলে যেতেন।^{১২}

আল্লাহর পথে ব্যয় করা

আল্লাহর পথে ব্যয় করার ব্যাপারে উদার ছিলেন। তিনি নিজের সকল সম্পদ অথবা তার বড় একটা অংশ ভালো কাজের জন্য আল্লাহর পথে ব্যয় করেন। ইবন সা’দের একটি বর্ণনার একটি বাক্য এ রকম : **فَأُوصِي أَبُو الْعَالِيَةَ بِمَا لِهِ**

- ‘আবুল ‘আলিয়া তাঁর সকল সম্পদ (আল্লাহর রাস্তায় খরচের জন্য) অসীয়াত করে যান।’

অপর একটি বর্ণনায় এসেছে, আবুল ‘আলিয়া বলেন, আমি সোনা-রূপো যা কিছু রেখে যাচ্ছি তার এক-তৃতীয়াংশ আল্লাহর পথে ব্যয়ের জন্য, এক-তৃতীয়াংশ রাসূলুল্লাহর (সা) পরিবার-পরিজনদের জন্য, এক-তৃতীয়াংশ মুসলমান ফকীর-মিসকানদের জন্য। অবশ্য এর মধ্য থেকে আমার বেগম সাহেবার অংশ তোমরা দেবে।^{১৩}

রাসূলুল্লাহর (সা) প্রতি ভালোবাসা

হ্যরত রাসূলে কারীম (সা) ছিলেন পৃথিবীর সবকিছু থেকে তাঁর সর্বাধিক প্রিয় ব্যক্তি। এই প্রিয়তম ব্যক্তির সাক্ষাৎ থেকে বঞ্চিত থাকার দুঃখ আজীবন বয়ে নিয়ে বেড়িয়েছেন। রাসূলে কারীমের (সা) প্রতি শ্রদ্ধা ও ভালোবাসার পরিমাণ অনুমান করা যায় একটি ঘটনা দ্বারা। একদিন রাসূলে কারীমের (সা) খাদিম প্রথাত সাহাবী হ্যরত আনাস ইবন মালিক (রা) একটি আপেল হাতে নিয়ে আবুল ‘আলিয়ার হাতে তুলে দেন। তিনি আপেলটি হাতে নিয়ে ক্রমাগত চুম্ব দিতে লাগলেন, আর বলতে থাকলেন : যে বরকতময় হাত রাসূলুল্লাহর (সা) হাত স্পর্শ করেছে, সেই হাত এই আপেলটি স্পর্শ করেছে; এই আপেল সেই হাত স্পর্শ করেছে যে হাত রাসূলুল্লাহর (সা) হাত স্পর্শ করার সৌভাগ্য অর্জন করেছে।^{১৪}

জিহাদ

জিহাদের ময়দানেও আবুল ‘আলিয়াকে দেখা যায়। তাঁর একজন সঙ্গী বলেন :^{১৫}

২১. আত-তাবাকাত-৭/৮১

২২. তাহ্যীব আল-কামাল-৬/২২২

২৩. আত-তাবাকাত-৭/৮১

২৪. ‘আসরুত তাবি’ঈন-৩৯৮

২৫. প্রাণকৃত

كان أبو العالية أول من أَدَّن وراء النهر، وحارب في بلاد الفرس والروم، وكان أول من رفع الأذان في تلك الديار.

‘আবুল ‘আলিয়া হলেন প্রথম ব্যক্তি যিনি ‘মা ওয়ারা’ আন-নাহর’ অঞ্চলে আবান দেন। তিনি পারসিক ও রোমানদের ভূমিতে যুক্তে অংশ গ্রহণ করেন এবং সেই সকল স্থানে সর্বপ্রথম আবান দেন।’ উল্লেখ্য যে, মধ্য এশিয়ার জায়হুন ও সায়হুন নদীর অপর তীরের অঞ্চলসমূহকে ‘মাওয়ারা’ ‘আন-নাহর’ বলে।

শিক্ষাদানের বিনিময়ে কোন প্রতিদান গ্রহণ না করা

তিনি ছাত্রদের যে জ্ঞানদান করতেন তার বিনিময়ে কোন কিছু গ্রহণ করা সঙ্গত মনে করতেন না। একবার একটি মজলিসে তিনি ছাত্রদেরকে হানীচ ও উপদেশ শোনালেন। মজলিস শেষে একজন ছাত্র বিনিময়ে কিছু অর্থ দিতে চাইলেন। আবুল ‘আলিয়া তাকে আল্লাহর এই বাণীটি শোনালেন :

‘- وَلَا تُشْتِرُوا يَابِيَاتٍ ثُمَّاً قَبِيلًا۔’^{২৬} এবং আমার আয়াতের বিনিময়ে তুচ্ছ মূল্য গ্রহণ করো না।^{২৭} তারপর ছাত্রটির দিকে তাঁকিয়ে বললেন : ছেলে! আমি তোমাকে যা কিছু শিখিয়েছি তার বিনিময়ে তুমি কোন কিছু কখনো গ্রহণ করবে না। কারণ, জানী ও বিজ্ঞ মানুষদের প্রতিদান তো আল্লাহর কাছে রয়েছে। তাওরাতে লিখিত আছে : ওহে আদমের সন্তান! যেভাবে তোমাকে মুফ্ত জ্ঞান দান করা হয়েছে সেভাবে তুমিও মানুষকে মুফ্ত জ্ঞান দান কর।

ছাত্রটি তার এমন প্রস্তাব ও শিক্ষকের এমন জবাবে ভীষণ লজ্জা পেল। লজ্জায় সে ঘেমে গেল এবং কপালের ঘাম মুছতে লাগলো। আবুল ‘আলিয়া ছাত্রের এমন বিব্রতকর অবস্থা লক্ষ্য করে মুখে হাসি ফুটিয়ে বললেন : ছেলে! লাজুক ও অহঙ্কারী এই দু’শ্রেণীর মানুষ জ্ঞান লাভ করতে পারে না।^{২৮} আমাকে মুহাম্মাদ (সা) এর সাহাবীরা বলেছেন : আল্লাহ ছাড়া অন্য কারো উদ্দেশ্যে কোন কিছু করবে না। তাহলে যার উদ্দেশ্যে তুমি কাজটি করলে তার কাছেই তোমাকে সোপন্দ করা হবে।^{২৯}

তারপর তিনি বলেন, আমরা পঞ্চাশ বছর ধরে একথা বলছি যে, মানুষ অসুস্থ হয়ে পড়লে আল্লাহ নির্দেশ দেন : তোমরা আমার এই অসুস্থ বান্দার আমলনামায় সেসব কাজ লিখতে থাক যা সে সুস্থ অবস্থায় করতো, যতক্ষণ না আমি তার জ্ঞান কবজ করি অথবা তার পথ ছেড়ে দিই। আমরা একথাও পঞ্চাশ বছর ধরে বলে আসছি যে, মানুষের সব কর্মই আল্লাহর সামনে উপস্থাপন করা হয়। যেসব কর্ম কেবল আল্লাহর জন্য করা হয়, সেগুলো দেখে তিনি বলেন : এগুলো আমার এবং আমিই এর প্রতিদান দিব। আর যেগুলো গায়রূপ্লাহর জন্য করা হয়, সেগুলো দেখে বলেন : এগুলোর প্রতিদান তার কাছেই চাওয়ার জন্য তোমরা তা করেছো।^{৩০}

২৬. সুরা আল-বাকারা-৪১

২৭. হিলইয়াতুল আওলিয়া-২২০

২৮. ‘আসরুত তাবিঈন-৩৯৬

২৯. প্রাণক্ষেত্র-৩৯৭; হিলইয়াতুল আওলিয়া-১/২১৯

তারপর অত্যন্ত আবেগভরা কষ্টে নিম্নের কথাগুলো বলে তিনি মজলিস শেষ করেন :

‘তোমরা ইসলাম শেখ ও শেখার পর তা আর প্রত্যাখ্যান করো না । সরল-সোজা পথে চলো । আর সেই পথ হলো ইসলাম । এই সরল-সোজা পথ ছেড়ে ডানে-বাঁয়ে যেয়ো না । তোমরা তোমাদের নবী (সা) ও তাঁর সাহাবীদের সুন্নাহ আঁকড়ে ধরে থাক এবং বিভিন্ন ধরনের মত-পথ থেকে দূরে থাক । বিভিন্ন ধরনের মত-পথ তোমাদের মধ্যে শক্রতা ও ঘৃণা-বিদ্বেষ সৃষ্টি করে । আল্লাহ রাবুল ‘আলামীন যে আমাকে ইসলামের হিদায়াত দান করেছেন অথবা প্রবৃত্তির অনুসারী মত-পথ থেকে রক্ষা করেছেন- এ দু’টি অনুগ্রহের মধ্যে কোন্টি যে উভয় তা আমার জানা নেই ।’^{৩০}

দাসমুক্তি

একমাত্র আল্লাহর সন্তুষ্টির জন্য তিনি দাসদের মুক্তি দিতেন । একবার একটি দাসকে তিনি মুক্তি দেন । তার সেই মুক্তির সনদে নিম্নের কথাটি লেখা ছিল : ‘একজন মুসলিম একজন নওজোয়ান দাসকে মুক্ত-স্বাধীনভাবে চরে বেড়ানো পশুর মত আল্লাহর সন্তুষ্টির জন্য মুক্তি দিচ্ছে । তার থেকে ভালো কাজ করিয়ে নেয়া ছাড়া তার উপর কারো কোন অধিকার নেই ।’^{৩১}

যাকাত-সাদাকা

অত্যন্ত নিয়মানুবর্তিতার সাথে যাকাত আদায় করতেন এবং তা বণ্টনের জন্য মদীনায় পাঠিয়ে দিতেন । আবু খালদা বলেন, আবুল ‘আলিয়া তাঁর সম্পদের যাকাত নির্দিষ্ট খাতে ব্যয় করার জন্য মদীনায় আহলি-বায়ত তথা নবী-পরিবারের নিকট পাঠিয়ে দিতেন ।’^{৩২}

গৃহ-যুদ্ধ থেকে দূরে অবস্থান

আবুল ‘আলিয়া একজন বীর এবং যুদ্ধে পারদর্শী ব্যক্তি ছিলেন । কিন্তু তাঁর সেই বীরত্ব মুসলমানদের বিরুদ্ধে প্রদর্শিত হয়নি । তাঁর সময়ে সিফ্ফীনসহ আরো কতগুলো গৃহ-যুদ্ধ হয় এবং তা থেকে বুব অল্লসংখ্যক মুসলমান নিজেদেরকে দূরে রাখতে সক্ষম হয় । তিনিও বুব আবেগ-উদ্দীপনার সাথে ঘর থেকে বের হন, কিন্তু পরে রণক্ষেত্র থেকে সিদ্ধান্ত পরিবর্তন করে ফিরে আসেন । আবু খালদা বলেন, আবুল ‘আলিয়া বলতেন, ‘আলী ও মু’আবিয়ার (রা) মধ্যে যে যুদ্ধ হয়, আমি তখন যুবক । যুদ্ধ তো আমার কাছে উপাদেয় খাবারের চেয়েও বেশি প্রিয় ছিল । এ কারণে আমি পূর্ণ প্রস্তুতি সহকারে রণঙ্গনে উপস্থিত হই । এমন বিশাল বাহিনী দেখলাম যার প্রান্তসীমা কোথায় তা দেখা যাচ্ছিল না । একদল তাকবীর ধ্বনি দিলে অন্য দলও তাকবীর দিচ্ছিল । আমি মনে মনে

৩০. প্রাণক

৩১. আত-তাবাকাত-৭/৮৪

৩২. প্রাণক

চিন্তা করলাম, কোন দলকে আমি মুঁমিন বলবো এবং কোন দলকে বলবো কাফির এবং কোন দলের সঙ্গেই বা থাকবো। কেউ তো আমাকে যুদ্ধ করতে চাপ প্রয়োগ করেনি। এসব কথা চিন্তার পর সন্ধ্যা হওয়ার পূর্বেই আমি ফিরে আসি।^{৩৩}

সন্দেহ-সংশয় থেকে দূরে অবস্থান

সন্দেহ-সংশয়পূর্ণ জিনিস থেকে এতখানি সতর্কতা অবলম্বন করতেন যে, যাদের আয়-উপার্জনের মধ্যে সামান্যতম সন্দেহের অবকাশ থাকতো তাদের দেয়া পানিও পান করতেন না। এ কারণে মুদ্রা ব্যবসায়ী এবং ভূমিতে উৎপাদিত ফসলের উপর আদায়কারীর দেয়া কোন খাবার খাওয়া তো দূরের কথা তাদের পানিও পান করতেন না। আবৃ খালদা বলেন, একবার আমি আবুল ‘আলিয়ার নিকট গোলাম। তিনি খাবার আনলেন। কিছু সবজির তরকারিও ছিল। সেদিকে ইঙ্গিত করে তিনি বলেন, এ তেমন তরকারি নয় যাতে হারামের বিন্দুমাত্র সংষ্ঠাবনা আছে। এ তরকারি আমার ভাই আনাস ইবন মালিক (রা) তাঁর খামার থেকে পাঠিয়েছেন। বললাম, তরকারিতে এমন কি থাকে যে খাওয়া যায় না। বললেন, সবজি সব সময় নোংরা ও ময়লা আবর্জনার স্থানে ভালো জন্মায়, যেখানে পেশা-পায়খানা করা হয়।^{৩৪}

তিনি অত্যন্ত সরল-সাদাসিধে ও অনাড়বর প্রকৃতির মানুষ ছিলেন। কোন লোক-লোকিকতা ও আচার-অনুষ্ঠানের পরোয়া করতেন না। এ কারণে তাঁকে কেন্দ্র করে কোন রকম তোড়জোড় ও বিশেষ ব্যবস্থাপনা মোটেই পছন্দ করতেন না। কোথাও গেলে গৃহকর্তাকে আগেই বলে দিতেন, ঘরে যা কিছু আছে তাই খাওয়াবে, বাজার থেকে কোন কিছু কেনাকাটা যেন তার জন্য করা না হয়।^{৩৫}

ওফাত

সঠিক বর্ণনা মতে হিজরী ৯৩ সনে তিনি ইন্তিকাল করেন। তবে ভিন্ন একটি বর্ণনা মতে হিজরী ৯০ সনের শাওয়াল মাসে মঙ্গলবার তাঁর মৃত্যু হয়।^{৩৬} হিজরী ১০৬ ও ১১১ সনেও তাঁর মৃত্যুর কথা বর্ণিত হয়েছে।^{৩৭} তবে ইবন হিবান ও বুখারী হিজরী ৯৩ সনের উপর জোর দিয়েছেন।^{৩৮} মৃত্যুর কয়েক বছর পূর্ব থেকে তিনি প্রতি মাসে একবার করে নিজের জন্য প্রস্তুতকৃত কাফনের কাপড় পরে আল্লাহ রাকুন ‘আলামীনের সাথে সাক্ষাতের অনুশীলন করতেন।^{৩৯}

৩৩. প্রাণক

৩৪. প্রাণক

৩৫. প্রাণক

৩৬. শায়ারাত আয-যাহাব-১/১০২; তাবি'ইন-৫৪১

৩৭. তায়কিরাতুল হফ্ফাজ-১/৬২; তাহ্যীব আল-কামাল-৬/২২৩

৩৮. তাহ্যীব আত-তাহ্যীব-৩/২৪৭

৩৯. 'আসরুত তাবি'ইন-৩৯৮

আবু ইদরীস আল-খাওলানী (রহ)

হ্যরত আবু ইদরীসের (রহ) আসল নাম ‘আয়িযুল্লাহ, আবু ইদরীস তাঁর ডাকনাম এবং এ নামেই তিনি প্রসিদ্ধ। পিতার নাম ‘আবদুল্লাহ। তাঁর বৎসরা সম্পর্কে দু’রকম বর্ণনা পাওয়া যায়। একটি এ রকম : ‘আয়িযুল্লাহ ইবন ‘আবদিল্লাহ ইবন ‘আমর এবং অন্যটিতে নাম ‘আবদুল্লাহ বলা হয়েছে। সেটা হলো : ‘আবদুল্লাহ ইবন ইদরীস ইবন ‘আয়িয ইবন ‘আবদিল্লাহ ইবন গায়লান আল-খাওলানী। হ্যরত রাসূলে কারীমের (সা) জীবন্দশায় হিজরী অষ্টম সনে হ্যায়ন যুদ্ধের বছর তিনি জন্ম গ্রহণ করেন।^১

জ্ঞান ও মনীষা

তিনি একজন ইলম ও ‘আমলের অধিকারী তাবিঁঈ ছিলেন। শামের বিশিষ্ট ‘আলিমদের মধ্যে গণ্য ছিলেন। ইমাম সাহাবী (রহ) বলেন :^২

أبو ادريس الخولاني الدمشقي عالم أهل الشام الفقيه أحد من جمع بين
العلم والعمل.

‘আবু ইদরীস আল-খাওলানী আদ-দিমাশ্কী ছিলেন শামের একজন ‘আলিম, ফকীহ এবং যাদের মধ্যে ইলম ও ‘আমলের সমন্বয় ঘটেছিল তাঁদের একজন।’

বিখ্যাত সাহাবী হ্যরত আবুদ দারদা’ (রা) যিনি শামে স্থায়ী বসতি গড়ে তুলেছিলেন, তাঁর মৃত্যুর পর আবু ইদরীস (রহ) তাঁর স্থলাভিষিক্ত হন।^৩ ইউসুফ আল-মিয়্যী তাঁর পরিচয় দিতে গিয়ে বলেছেন :^৪

كان من علماء أهل الشام وعُبادهم وقرائهم.

তিনি ছিলেন শামের ‘আলিম, ‘আবিদ ও কারীদের একজন।’

হাদীছ

হ্যরত আবু ইদরীস (রহ) উচ্চ স্তরের বহু সাহাবীর (রা) নিকট থেকে হাদীছ শোনেন এবং তাঁদের সূত্রে বর্ণনা করেন। যেমন : হ্যরত ‘উমার, আবুদ দারদা’, মু’আয ইবন জাবাল, আবু যার আল-গিফারী, বিলাল, ছাওবান, হ্যায়ফা ইবন আল-ইয়ামান, ‘উবাদা ইবন আস-সামিত, ‘আওফ ইবন মালিক, মুগীরা ইবন শু’বা, মু’আবিয়া ইবন আবী

১. তাহ্যীব আত-তাহ্যীব-৫/৭৫; আত-তাবাকাত-৭/১৫৮

২. তায়কিরাতুল হফ্ফাজ-১/৫৬

৩. প্রাগুক্ত-১/৫৭

৪. তাহ্যীব আল-কামাল-৯/৩৮৪

সুফইয়ান, আবু হুরায়রা, আবু সাঈদ আল-খুদরী (রা) ও আরো অনেকে। ইমাম যাহাবী (রহ) হাদীছের শ্রেষ্ঠ হাফিজদের জীবনীর মধ্যে তাঁর জীবনী সন্নিবেশ করেছেন।^৪

তাঁর থেকে যাঁরা হাদীছ শুনেছেন এবং তাঁর সূত্রে বর্ণনাও করেছেন তাঁদের তালিকা অনেক দীর্ঘ। এখানে সর্বাধিক উল্লেখযোগ্য কয়েকজনের নাম উপস্থাপন করা হলো : ইমাম যুহুরী, রাবী'আ ইবন ইয়ায়ীদ, বুস্র ইবন 'উবায়দিল্লাহ, 'আবদুল্লাহ ইবন রাবী'আ ইবন ইয়ায়ীদ, কাসিম ইবন মুহাম্মাদ, ওয়ালীদ ইবন 'আবদির রহমান, ইউনুস ইবন মায়সারা, আবু 'আওন আল-আনসারী, ইউনুস ইবন সায়ফ, মাকহূল, শাহ্র ইবন হাওশাব, সালামা ইবন দীনার (রহ) ও আরো অনেকে।^৫

তিনি ছিলেন শামের বিখ্যাত ফকীহ। ইমাম যুহুরী (রহ) বলেন :^৬

كان أبو ادريس من فقهاء الشام.

- 'আবু ইদরীস ছিলেন শামের ফকীহদের মধ্যে অন্যতম।' ইমাম আত-তাবারী (রহ) শামের ঐ সকল 'আলিমের সাথে আবু ইদরীসের জীবনী আলোচনা করেছেন যাঁরা কিস্সা-কাহিনী ও হালাল-হারামের বিধান সম্পর্কে জ্ঞানী ছিলেন।^৭

কাজী ও উপদেশ দানের দায়িত্ব পালন

ফিক্হ বিষয়ে তাঁর যোগ্যতার বড় সনদ এই যে, খলীফা 'আবদুল মালিকের সময়ে তিনি দিমাশকের কাজীর পদে অধিষ্ঠিত ছিলেন।^৮ বিচার-ফায়সালার পাশাপাশি মানুষকে ওয়াজ-নসীহতের মহান দায়িত্বও পালন করতেন। পরে 'আবদুল মালিক ওয়াজ-নসীহতের দায়িত্ব থেকে তাঁকে অব্যাহতি দেন। তবে কাজীর পদে বহাল রাখেন। বিচার কাজের চেয়ে ওয়াজ-নসীহতের কাজটি তাঁর বেশি প্রিয় ছিল। এ কারণে তিনি বলতেন :^৯

عزلونى عن رغبى وتركتنى فى رهبتى.

"তারা আমার প্রিয় কাজটি থেকে আমাকে অব্যাহতি দিয়েছে এবং যে কাজ করতে আমি ভয় করি সেই কাজে আমাকে বহাল রেখেছে।"

তাঁর সমকালীন 'আলিমগণ তাঁর যোগ্যতার স্বীকৃতি দিয়ে ভূয়সী প্রশংসা করেছেন। শামের সবচেয়ে বড় 'আলিম মাকহূল (রহ) বলতেন :^{১০}

৫. তায়কিরাতুল হফ্ফাজ-১/৫৭

৬. তাহ্যীব আত-তাহ্যীব-৫/৮৫; তাহ্যীব আল-কামাল-৯/৩৮৩

৭. তায়কিরাতুল হফ্ফাজ-১/৫৭

৮. তাহ্যীব আত-তাহ্যীব-৫/৮৭

৯. তাহ্যীব আল-কামাল-৯/৩৮৫

১০. তায়কিরাতুল হফ্ফাজ-১/৫৭

১১. প্রাণক্ষণ

- ما علمت أعلم من أبي ادريس.
আছে বলে জানিনে।' আবু মুর'আ দিমাশকী তাঁকে শামের 'আলিম জুবায়র ইবন নুফাইরের উপর প্রাধান্য দিতেন। তিনি বলতেন :

أحسن أهل الشام لقيا لأجلة أصحاب رسول الله صلى الله عليه وسلم جبیر بن نفیر
وأبو ادريس وكثیر بن مرة.

'রাসূলুল্লাহর (সা) শ্রেষ্ঠ সাহাবীদের সাথে সাক্ষাতের দিক দিয়ে শামবাসীদের মধ্যে উত্তম
হলেন জুবায়র ইবন নুফাইর, আবু ইদরীস ও কাছীর ইবন মুররা।' একবার তাঁকে প্রশ্ন
করা হলো, এই তিনজনের মধ্যে অর্থাধিকার পাওয়ার যোগ্য কে? বললেন : আবু ইদরীস
আল-খাওলানী।^{১২}

ইয়াম আন-নাসাই তাঁকে বিশ্বস্ত ও নির্ভরযোগ্য বলেছেন।^{১৩} ইয়াহইয়া মাঝেন,
আল-কাসিম ইবন সালাম ও খলীফা ইবন খায়্যাত বলেছেন : হিজরী ৮০ সনে তিনি
ইনতিকাল করেন।^{১৪}

১২. তাহ্যীব আত-তাহ্যীব-৫/৮৫; তাহ্যীব আল-কামাল-৯/৩৮৫

১৩. তায়কিরাতুল হফ্ফাজ-১/৫৭

১৪. তাহ্যীব আল-কামাল-৯/৩৮৭

ଆବୁ କିଲାବା ଜାରମୀ (ରହ)

ହ୍ୟରତ ‘ଆବଦୁଲ୍ଲାହର (ରହ) ଡାକନାମ ଆବୁ କିଲାବା ଏବଂ ଏ ନାମେଇ ତିନି ଇତିହାସେ ପ୍ରସିଦ୍ଧ । ବସରାର ଅଧିବାସୀ ଛିଲେନ । ତା'ର ବଂଶଧାରା ଏ ରକମ : ‘ଆବଦୁଲ୍ଲାହ ଇବନ ଯାୟଦ ଇବନ ‘ଉମାର ଇବନ ନାତିଲ ଇବନ ମାଲିକ ଇବନ ‘ଉଦ୍‌ବାୟଦ ଇବନ ‘ଆଲକାମା ଇବନ ସା’ଦ ଆଲ-ଜାରମୀ ।’

ଜ୍ଞାନ ଓ ମନୀଷା

ଜାନେର ଦିକ ଦିଯେ ତିନି ବସରାର ବିଶିଷ୍ଟ ତାବି‘ଈଦେର ମଧ୍ୟେ ଛିଲେନ । ଇବନ ହାଜାର ଓ ଇମାମ ଯାହାବୀ (ରହ) ଉଭୟେ ତା'କେ ଶୀର୍ଷସ୍ଥାନୀୟ ‘ଆଲିମଦେର ମଧ୍ୟେ ଗଣ୍ୟ କରେଛେ ।² ଇବନୁଲ ‘ଇମାଦ ଆଲ-ହାସଲୀ ତା'କେ ଇମାମ ଏବଂ ‘ଇଲ୍‌ମ ଓ ‘ଆମଲେ ନେତୃତ୍ୱାନୀୟ ‘ଆଲିମ ବଲେଛେ ।³ ଆଲ-ମିୟମୀ ତା'କେ ଶୀର୍ଷସ୍ଥାନୀୟ ଇମାମଦେର ଏକଜନ ବଲେ ଉତ୍ୱେଖ କରେଛେ ।⁴

ହାଦୀଛ

ହାଦୀଛ ବିଷୟେ ତା'ର ବିଶେଷ ଆଘର ଓ ରୁଚି ଛିଲ । ଏ କାରଣେ ସବ ସମୟ ତା'ର ଅନ୍ଧେଷ୍ଠଣେ ସମୟ ଅତିବାହିତ କରତେନ । ମାତ୍ର ଏକଟି ହାଦୀଛେର ଜନ୍ୟ କ୍ୟେକ ଦିନ ଏକଇ ସ୍ଥାନେ ଅବସ୍ଥାନ କରତେନ । ଏକବାର ଏକଟି ହାଦୀଛେର ଯାଚାଇ ବାଚାଇୟେର ଜନ୍ୟ ତିନି ଦିନ ପର୍ଯ୍ୟନ୍ତ ମଦୀନାଯ ଅବଶ୍ଥାନ କରେନ । ଶୁଦ୍ଧ ଏ ବ୍ୟକ୍ତତା ଛାଡ଼ି ତଥନ ସେଥାନେ ଆର କୋନ କାଜ ଛିଲ ନା ।⁵ ତା'ର ଏମନ ପ୍ରବଳ ଆଘର ଓ ଅନୁସଙ୍ଗିତସୁ ମନୋଭାବ ତା'କେ ହାଦୀଛେର ଏକଜନ ବିଶିଷ୍ଟ ହାଫିଜେ ପରିଣିତ କରେ । ଇବନ ସା’ଦ ତା'କେ ଏକଜନ ବିଶ୍ଵତ୍, ନିର୍ଭର୍ଯୋଗ୍ୟ ଓ ବହୁ ହାଦୀଛେର ଧାରକ-ବାହକ ବଲେଛେ ।⁶ ତିନି ତା'କେ ବସରାବାସୀ ମୁହାଦିଛଦେର ଦ୍ୱିତୀୟ ତବକା ବା ସ୍ତରେ ସ୍ଥାନ ଦିଯେଛେ ।⁷

ସାହାବାୟେ କିରାମେର ମଧ୍ୟେ ହ୍ୟରତ ଛାବିତ ଇବନ ଦାହକ ଆଲ-ଆନସାରୀ, ସାମୁରା ଇବନ ଜୁନଦୁବ, ‘ଆମର ଇବନ ସାଲାମା ଜାରମୀ, ମାଲିକ ଇବନ ହୁୟାୟରିଛ, ଆନାସ ଇବନ ମାଲିକ ଆଲ-ଆନସାରୀ, ହ୍ୟାଯଫା ଇବନ ଆଲ-ଇଯାମାନ, ଉମ୍ମଲ ‘ମୁ’ମିନୀନ ‘ଆୟିଶା, ଆନାସ ଇବନ ମାଲିକ କା’ବୀ, ‘ଆବଦୁଲ୍ଲାହ ଇବନ ‘ଆକାସ, ‘ଆବଦୁଲ୍ଲାହ ଇବନ ‘ଉମାର, ‘ମୁ’ଆବିଯା, ଆବୁ ହ୍ୟାଯରା, ‘ମୁ’ମାନ ଇବନ ବାଶିର, ଆବୁ ଛା’ଲାବା ଖୁଶାନୀ (ରା) ପ୍ରମୁଖେର ସୂତ୍ରେ ବର୍ଣ୍ଣିତ ତା'ର ହାଦୀଛ

1. ତାହ୍ୟୀବ ଆଲ-କାମାଲ ଫୀ ‘ଆସମା’ ଆର-ରିଜାଲ-୧୦/୧୫୫

2. ତାହ୍ୟୀବ ଆତ-ତାହ୍ୟୀବ-୫/୨୨୪; ତାମକିରାତୁଲ ହଫକାଜ-୧/୯୮

3. ଶାଜାରାତ ଆୟ-ଯାହାବ-୧/୧୨୬

4. ତାହ୍ୟୀବ ଆଲ-କାମାଲ-୧୦/୧୫୫

5. ଆତ-ତାବାକାତ-୭/୧୩୪

6. ପ୍ରାତ୍ତକ

7. ତାହ୍ୟୀବ ଆଲ-କାମାଲ-୧୦/୧୫୭

পাওয়া যায়। বহু বিশিষ্ট মুহাদিছ তাবিউর নিকট থেকেও তিনি হাদীছের জ্ঞান অর্জন করেন।^৮

ছাত্রবৃন্দ

তাঁর থেকে যাঁরা হাদীছ বর্ণনা করেছেন তাঁদের মধ্যে আইউব আস-সাখতিয়ানী, আবু রাজা', ইয়াহইয়া ইবন আবী কাষীর, আশ'আছ ইবন 'আবদির রহমান জারঘী (রহ) প্রমুখ বিশেষ উল্লেখযোগ্য।^৯

হাদীছ বর্ণনায় সংযুক্ত

তাঁর মুখ থেকে হাদীছ শোনার জন্য অনেক বড় বড় 'আলিম আগ্রহ প্রকাশ করতেন। কিন্তু অত্যধিক সতর্কতার কারণে অতি অল্পই বর্ণনা করতেন। আবু খালিদ বলেন, আমরা হাদীছ শোনার জন্য আবু কিলাবার নিকট যেতাম। তিনি তিনটি হাদীছ শোনানোর পর বলতেন, যথেষ্ট হয়েছে, আর না। হ্যরত 'উমার ইবন 'আবদিল 'আয়ীয়ের (রহ) মত বিশাল ব্যক্তিত্বের অধিকারীও তাঁকে অনুরোধ করে হাদীছ শুনতেন। 'উমার ইবন মায়মূন বলেন, একবার আবু কিলাবা গেলেন 'উমার ইবন 'আবদিল 'আয়ীয়ের (রহ) নিকট। তিনি কিছু হাদীছ শোনানোর জন্য অনুরোধ করলেন। জবাবে তিনি বললেন, আমীরুল মু'মিনীন! আমি বেশি হাদীছ বলা এবং একেবারে চুপ থাকা, দু'টোকেই খারাপ মনে করি।^{১০}

ফিক্হ শাস্ত্রেও তাঁর স্থান ছিল অতি উচুতে। আইউব আস-সাখতিয়ানী বলেন, আল্লাহর কসম! আবু কিলাবা ছিলেন প্রজ্ঞাবান ফকীহদের একজন।^{১১}

বিচার ক্ষমতা

ফিক্হ বিষয়ে দক্ষতার কারণে তাঁর মধ্যে বিচার ক্ষমতাও ছিল। আইউব বলেন, আমি বসরায় আবু কিলাবার চেয়ে বেশি বিচার ক্ষমতাসম্পন্ন আর কাউকে দেখিনি। মুসলিম ইবন ইয়াসার বলতেন, আবু কিলাবা অনারবদের মধ্যে জন্ম গ্রহণ করলে 'কাজী আল-কুজাত' বা প্রধান বিচারপতি হতেন।^{১২}

কাজীর পদ গ্রহণে অস্বীকৃতি

বিচারের যোগ্যতা ও ক্ষমতা থাকা সত্ত্বেও তিনি কাজীর পদ গ্রহণ করতে ভীষণ ভয় পেতেন। আইউব বলতেন, আমি তাঁকে বিচার বিষয়ে যত বড় 'আলিম পেয়েছি, তেমনি পেয়েছি তার থেকে কঠোরভাবে পলায়ণকারীরূপে। তিনি এ কাজকে ভীষণ খারাপ মনে

৮. প্রাণক্র-১০/১৫৬; তাহ্যীব আত-তাহ্যীব-৫/২২৫

৯. প্রাণক্র

১০. আত-তাবাকাত-৭/১৩৪

১১. প্রাণক্র-৭/১৩৩; তাহ্যীব আল-কামাল-১০/১৫৭

১২. প্রাণক্র

করতেন। কাজীর পদ গ্রহণের জন্য তাঁকে আহ্বান করা হয়। কিন্তু তিনি ভয়ে শামে পালিয়ে যান। দীর্ঘ দিন পর যখন ফিরে আসেন তখন আমি তাঁকে বললাম, যদি আপনি কাজীর পদ গ্রহণ করতেন এবং মানুষের মধ্যে ইনসাফ প্রতিষ্ঠা করতেন তাহলে তাতে ছাওয়ার পেতেন। তিনি জবাব দেন, আইউব! মানলাম, এক ব্যক্তি সাঁতার কাটতে পারে; কিন্তু যদি সে সাগরে পড়ে যায় তাহলে কতটুকু সাঁতরাতে পারবে!^{১৩}

ঋষাগার

সেই যুগে ঋষাগারের প্রচলন খুব কম ছিল, বরং ছিল না বলা চলে। তবে আবৃ কিলাবা জ্ঞানের প্রতি তীব্র আগ্রহের কারণে একটি সংগ্রহশালা গড়ে তোলেন। অন্তিম রোগ শয্যায় সে সম্পর্কে অসীমাত করে যান যে, সংগৃহীত গ্রন্থগুলো আইউব সাখতিয়ানীকে দিবে। তিনি জীবিত না থাকলে জ্ঞালিয়ে দিতে হবে।^{১৪}

মালিক বলেন :^{১৫}

مات ابن المسيب والقاسم ولم يترك كتابا، ومات أبو قلابة فبلغنى أنه ترك حمل
بلغ كتابا.

সাঈদ ইবন আল-মুসায়িব ও আল-কাসিম ইবন মুহাম্মাদ মৃত্যু বরণের সময় কোন গ্রন্থ রেখে যাননি। তবে আমি জেনেছি, আবৃ কিলাবা মৃত্যু বরণের সময় এক খচরের বোকা পরিমাণ গ্রন্থ রেখে যান।'

বিদ'আত তথা দীনের মধ্যে নতুন কিছু প্রচলন করার প্রতি ঘৃণা

তিনি 'আকীদা ও 'আমল তথা বিশ্বাস ও কর্মে সালফে সালিহীন বা পূর্ববর্তী সত্যনির্ণয় ব্যক্তিদেরকে আদর্শ মানতেন এবং এ ব্যাপারে এত কঠোর ছিলেন যে, বিদ'আতীদের বিরুদ্ধে অসি উত্তোলন করাও বৈধ মনে করতেন। বলতেন, যে ব্যক্তি কোন নতুন কথা বা কাজ চালু করে সে অসি উত্তোলনকে বৈধ করে দেয়। এমন লোকদের সাথে মেলা-মেশা ও তর্ক-বিতর্ক করাও তাঁর পছন্দ ছিল না। তাই তিনি নিয়েধ করতেন, কেউ যেন বিদ'আতীদের নিকট না বসে, তাদের সাথে বাহাছ-মুনাজিরা না করে। আমার ভয় হয়, না জানি তারা তোমাদেরকে তাদের পথভ্রষ্টতার মধ্যে নিয়ে যায় এবং যে জিনিসকে তোমরা পরিষ্কারভাবে জান তাতে সন্দেহ সৃষ্টি করে দেয়। তিনি মনে করতেন এর প্রতিবিধান শুধুমাত্র তরবারি। আইউব বলেন, আবৃ কিলাবা বলতেন, প্রবৃত্তির অনুসরণকারীরা অর্থাৎ বিদ'আতীরা পথভ্রষ্ট। আমার মতে তাদের ঠিকানা নিশ্চিত জাহানাম। আমি তাদেরকে ভালো করে পরীক্ষা ও পর্যবেক্ষণ করেছি, তাদের মধ্যে যারা নতুন মত অথবা নতুন কথা প্রকাশ ও প্রচার করে তারা তরবারি ছাড়া তা থেকে বিরত

১৩. তাহ্যীব আল-কামাল-১০/১৫৮

১৪. আত-তাবাকাত-৭/১৩৫; তায়কিরাতুল হুক্ফাজ-১/৯৪

১৫. তাহ্যীব আল-কামাল-১০/১৫৭

হয় না। নিফাক তথা কপটতার অনেক প্রকার আছে, এটা ও তার মধ্যে একটি। অতঃপর নিম্নের এ আয়াতগুলো পাঠ করেন :

۱. مِنْهُمْ مَنْ عَاهَدَ اللَّهَۚ ۲. وَمِنْهُمْ الَّذِينَ يُؤْذِنُونَ النَّبِيِّۚ ۳. وَمِنْهُمْ مَنْ يَلْزِمُكَ فِي الصُّدَقَاتِ۔

১. তাদের মধ্যে সেই সকল লোকও আছে যারা আল্লাহর সাথে অঙ্গীকার করেছে।^{১৬}
২. তাদের মধ্যে সেই সকল লোক আছে যারা নবীকে কষ্ট দেয়।^{১৭} ৩. এবং তাদের মধ্যে সেই সকল লোক আছে যারা সাদাকা বন্টনের ব্যাপারে আপনার প্রতি দোষারোপ করে।^{১৮}

তারপর তিনি বলেন, যদিও তাদের কথা বিভিন্ন ধরনের হয়ে থাকে, তবে সন্দেহ সৃষ্টি ও মিথ্যা প্রতিপন্ন করার ব্যাপারে সকলে ঐক্যবন্ধ। এদের সকলে তরবারির উপযুক্ত এবং তাদের সকলের ঠিকানা হবে জাহানাম।^{১৯}

বিদ'আতীদেরকে তিনি নিজের কাছে ঘেঁষতে দিতেন না। কেউ তাঁর সাথে সাক্ষাৎ করতে এলে নিশ্চিত না হয়ে তাঁকে ভিতরে ঢোকার অনুমতি দিতেন না। গায়লান ইবন জারীর বলেন, একবার আমি তাঁর সাথে মক্কায় যাওয়ার ইচ্ছা করলাম। এ জন্য তাঁর বাড়ীতে গিয়ে সাক্ষাতের অনুমতি চাইলাম। তিনি বললেন, হাররী (খারিজী) না হলে আসতে পার।^{২০}

একটি মারাত্মক বিদ'আত

আজকাল ইসলাম চর্চার নামে একটা নতুন প্রবণতা লক্ষ্য করা যায়। তা হলো কিছু লোক হাদীছের বিপরীতে সব সময় কুরআন উপস্থাপনের দাবী করে। মূলতঃ এ এক মারাত্মক বিদ'আত। হ্যরত আবু কিলাবার যুগেও এ জাতীয় কিছু লোকের উদ্ধৃত হয়। তিনি তাদেরকে পথভ্রষ্ট মনে করতেন। তিনি বলতেন, যখন তোমরা কারো নিকট কোন সুন্নাহ বর্ণনা করবে এবং সে তার জবাবে যদি বলে এটা বাদ দিয়ে আল্লাহর কিতাব উপস্থাপন কর তাহলে তাকে পথভ্রষ্ট বলে জানবে।^{২১}

নিজেকে চেনা

নিজের প্রকৃতি ও রহস্যকে যে চেনে সে মুক্ত এবং যে নিজেকে ভুলে যায় সে ধর্মসের উপযুক্ত বলে তিনি মনে করতেন। তিনি বলতেন, যে ব্যক্তিকে অন্যরা তার চেয়ে বেশি

১৬. সূরা আত-তাওবা-৭৯

১৭. প্রাণক্ষেত্র-৬১

১৮. প্রাণক্ষেত্র-৫৮

১৯. আত-তাবাকাত-৭/১৩৫

২০. প্রাণক্ষেত্র-৭/১৩৪

২১. প্রাণক্ষেত্র

জানে সে ধর্ষস এবং সে অন্যদের চেয়ে নিজেকে বেশি জানে সে মুক্তি লাভের উপযুক্ত।^{২২}

প্রকৃত বিস্তোবান ও প্রকৃত ‘আলিম

আল্লাহ রাকুল ‘আলামীনের দান-অনুগ্রহের উপর যে তুষ্ট থাকে সেই প্রকৃত বিস্তোবান, আর যে অন্যের জ্ঞান দ্বারা উপকৃত হয় সেই প্রকৃত ‘আলিম বলে তিনি মনে করতেন। এক ব্যক্তি তাঁকে জিজ্ঞেস করে, সবচেয়ে বেশি বিস্তোবান কে? বললেন, যে ব্যক্তি আল্লাহ তাকে যা দিয়েছেন তাতে সন্তুষ্ট থাকে। লোকটি আবার জিজ্ঞেস করে, সবচেয়ে বড় ‘আলিম কে? বললেন, যে অন্যের জ্ঞান থেকে নিজের জ্ঞানের সমৃদ্ধি ঘটায়।^{২৩}

বিপদ-মুসীবতে ধৈর্যধারণ

ধৈর্যধারণ, কৃতজ্ঞতা প্রকাশ, আল্লাহর নিকট আত্মসমর্পণ এবং সম্মতির ক্ষেত্রে তাঁর স্থান ছিল অনেকে উচ্চতে। অনেক বড় বড় বিপদ-মুসীবতে তিনি মোটেও ধৈর্যহারা হননি। ‘আবদুল মু’মিন খালিদ বলেন, শেষ জীবনে আবু কিলাবার হাত, পা ও চোখ অকেজো হয়ে যায়। এমন মারাত্মক অবস্থায়ও আল্লাহর প্রশংসা ও আল্লাহর প্রতি কৃতজ্ঞতা প্রকাশমূলক কথা ছাড়া অন্য কিছু তাঁর মুখ থেকে উচ্চারিত হতো না।^{২৪}

তাঁর ব্যক্তি সভাকে অন্যদের কল্যাণ ও সমৃদ্ধির উপায় ভাবা হতো। হয়রত ‘উমার ইবন ‘আবদিল ‘আয়ীয় (রহ) শামের অধিবাসীদেরকে লক্ষ্য করে বলতেন : যতদিন তোমাদের মাঝে আবু কিলাবা অথবা তাঁর মত মানুষ বিদ্যমান আছেন ততদিন তোমরা কল্যাণের মধ্যে থাকবে :^{২৫}

لَنْ تَرَالَوْا بَخِيرٌ يَا أَهْلَ الشَّامِ، مَادَمْ فِيْكُمْ هَذَا، أَوْ مِثْلُ هَذَا.

ওফাত

তিনি যখন অস্তিম রোগ শয্যায় তখন একদিন হয়রত ‘উমার ইবন ‘আবদিল ‘আয়ীয় (রহ) তাঁকে দেখতে আসেন এবং তাঁকে দৃঢ় ও অটল থাকার উপদেশ দেন। এ রোগেই তিনি হিজরী ১০৪, যতাত্ত্বে ১০৫ সনে ইনতিকাল করেন। হিজরী ১০৬ অথবা ১০৭ সনের কথাও বর্ণিত হয়েছে।^{২৬}

২২. প্রাগুক্ত-৭/১৩৩

২৩. প্রাগুক্ত

২৪. তায়কিরাতুল হফ্ফাজ-১/৯৪

২৫. তাহ্যীব আত-তাহ্যীব-৫/২২৫; তাহ্যীব আল-কামাল-১০/১৫৮

২৬. তায়কিরাতুল হফ্ফাজ-১/৯৪; তাহ্যীব আল-কামাল-১০/১৫৯; আত-তাবাকাত-৭/১৩৫

ইয়াযীদ ইবন আবী হাবীব (রহ)

হ্যরত ইয়াযীদের (রহ) ডাকনাম ‘আবু রাজা’। কুরায়শ গোত্রের বানূ ‘আমির ইবন লুওয়াই শাখার দাস ছিলেন।^১ ইবন লাহী ‘আ বলেন, তাঁর পিতা আবু হাবীব আসওয়াদ ছিলেন ‘নাওবী’ সম্প্রদায়ের লোক। ইয়াযীদ বলতেন।^২

কান أبى من أهل دمقلة ونشأت بعصر وهم علوية يعنى شيعة فقلبتهم عثمانية.
‘আমার পিতা ছিলেন “দামকালা”র অধিবাসী এবং আমি মিসরে বেড়ে উঠি। দামকালাবাসীরা ‘আলাবী তথা শী’আ। আমি তাদেরকে ‘উছমানিয়া বা ‘উছমানের (রা) অনুসারীতে পরিবর্তন করি।’

একটি ভিন্ন মতে তাঁর পিতা ছিলেন বানূ হিসল-এর এক মহিলার দাস এবং মাও ছিলেন দাসী।^৩ ইয়াযীদ হিজরী ৫৩ সনে জন্ম প্রাপ্ত করেন।^৪

জ্ঞান ও মনীষায়

জ্ঞান ও মনীষায় তিনি তাবিঁঈ ইয়ামদের মধ্যে ছিলেন। ইয়াম আয়-যাহাবী (রহ) তাঁকে ‘আল-ইয়াম আল-কাবীর’ বা শ্রেষ্ঠ ইয়াম বলে উল্লেখ করেছেন।^৫ মিসরে তাঁর মাধ্যমেই সঠিক ধর্মীয় জ্ঞান চর্চা শুরু হয়। আবু সাইদ ইবন ইউনুস বলেন :^৬

كَانَ مِنْ أَهْلِ مَصْرُوفَى أَيَامِهِ وَكَانَ حَلِيمًا عَاقِلًا وَكَانَ أَوَّلَ مَنْ أَظْهَرَ الْعِلْمَ بِمَصْرِ
وَالْكَلَامُ فِي الْحَلَالِ وَالْحَرَامِ وَمَسَائِلُ وَقِيلٍ : إِنَّهُمْ كَانُوا قَبْلَ ذَلِكَ يَتَحَدَّثُونَ فِي
بِالْفَتْنَ وَالْمَلَاحِمِ وَالْتَّرْغِيبِ فِي الْخَيْرِ .

‘তিনি ছিলেন মিসরবাসীদের মুফতী। অত্যন্ত বিচক্ষণ ও বুদ্ধিমান ছিলেন। তিনিই সর্বপ্রথম মিসরে জ্ঞান, বিভিন্ন মাসয়ালা ও হালাল-হারাম চর্চার সূচনা করেন। তাঁর পূর্বে মিসরবাসীদের জ্ঞান চর্চা মূলতঃ উৎসাহ-উদ্দীপনা প্রদান, যুক্ত-বিগ্রহ ও বিদ্রোহ-বিশৃঙ্খলা বিষয়ে আলোচনার মধ্যে সীমাবদ্ধ ছিল।’

-
১. তাহ্যীব আল-কামাল ফী আসমা’ আর রিজাল-২০/২৯৭
 ২. তায়কিরাতুল হফ্ফাজ-১/১২৯
 ৩. তাহ্যীব আল-কামাল-২০/২৯৫
 ৪. তাহ্যীব আত-তাহ্যীব-১/২৭৯
 ৫. তায়কিরাতুল হফ্ফাজ-১/১২৯
 ৬. প্রাঞ্জল; তাহ্যীব আল-কামাল-২০/২৯৭

হাদীছ

তিনি মিসরের একজন বিশিষ্ট হাফিজে হাদীছ ছিলেন। ইবন সা'দ তাঁকে একজন নির্ভরযোগ্য ও বহু হাদীছের বর্ণনাকারী বলেছেন।^১ ইমাম আয়-যাহাবী (রহ) বলেন :^২ “তিনি ছিলেন হাদীছের লজ্জাত (প্রমাণ) ও হাফিজ।”

তিনি ‘আবদুল্লাহ ইবন আল-হারিছ আয়-যুবায়দী, আবুত তুফায়ল, আসলাম ইবন ইয়ায়ীদ, আবু ‘ইমরান, ইবরাহীম ইবন ‘আবদিল্লাহ ইবন হনায়ন, খায়র ইবন নু’আইম, হাদরামী, সুওয়াইদ ইবন কায়স, ‘আবদুর রহমান ইবন শাম্মাস মিহ্রী, ‘আবদুল ‘আয়ীয ইবন আবিস সা’বা, ‘আতা’ ইবন আবী রাবাহ, ‘আররাক ইবন মালিক, ইমাম আয়-যুহুরী (রহ) এবং আরো বহু মনীষীর নিকট থেকে হাদীছের জ্ঞান অর্জন করেন এবং তাঁদের সূত্রে হাদীছ বর্ণনা করেন। আর তাঁর নিকট থেকে যাঁরা হাদীছ শোনেন তাঁদের মধ্যে সুলায়মান আত-তায়মী, মুহাম্মাদ ইবন ইসহাক, যায়দ ইবন আবী উনায়সা, ‘আমর ইবন আল-হারিছ, ‘আবদুল হামিদ ইবন জা’ফার, ইবন লাহী‘আ, লায়ছ ইবন সা’দ (রহ) প্রমুখ বিশেষ উল্লেখযোগ্য।^৩

ফিকহ

ফিকহ বিষয়েও তিনি ভীষণ পারদর্শী ছিলেন। ইমাম আয়-যাহাবী (রহ) তাঁকে ফকীহ বলে উল্লেখ করেছেন। খলীফা হ্যরত উমার ইবন ‘আবদিল ‘আয়ীয (রহ) মিসরে যে তিনি ব্যক্তিকে ইফতার পদে নিয়োগ দেন, তাঁদের একজন হলেন এই ইয়ায়ীদ ইবন আবী হাবীব।^৪ বলা চলে তাঁরই চেষ্টায় সেখানে ফিকহ চর্চার সূচনা হয়।

সমকালীন ‘আলিমদের মূল্যায়ন

লায়ছ ইবন সা’দ বলতেন :^৫ بِرِيد عَالْمُنَا وَسَيِّدُنَا.

“ইয়ায়ীদ আমাদের ‘আলিম ও আমাদের নেতা।” তিনি আরো বলতেন, ইয়ায়ীদ ইবন আবী হাবীব ও ‘আবদুল্লাহ ইবন আবী জা’ফার উভয়ে দেশের দু’টি রত্ন। জনৈক ব্যক্তি ‘আমর ইবন আল-হারিছকে প্রশ্ন করে : ইয়ায়ীদ ও ‘আবদুল্লাহ-এ দু’জনের মধ্যে উত্তম কে? জবাবে তিনি বলেন : যদি দু’জনকে দু’পাল্লায় বসানো হয় তাহলে কোন পাল্লাই ঝুঁকবে না।^৬

৭. তায়কিরাতুল হফ্ফাজ-১/১৩০

৮. তাহ্যীব আল-কামাল-২০/২৯৮

৯. প্রাণ্ডু-২০/২৯৫, ২৯৭; তাহ্যীব আত-তাহ্যীব-১১/৩১৮

১০. তায়কিরাতুল হফ্ফাজ-১/১২৯

১১. প্রাণ্ডু

১২. তাহ্যীব আত-তাহ্যীব-১১/২৭৯; তাহ্যীব আল-কামাল-২০/২৯৮; টীকা-১

সাবধানতা

হাদীছ বর্ণনায় সতর্ক তাবিঁস্টদের মত তিনিও সতর্কতা অবলম্বন করতেন। যখন তাঁর নিকট প্রশ্নকারীদের সংখ্যা বেড়ে যায় তখন তিনি গৃহ অভ্যন্তরে নির্জনতা অবলম্বন করেন।^{১৩}

জ্ঞানের প্রতি শ্রদ্ধা

তাঁর মধ্যে জ্ঞানের প্রতি প্রবল সম্মান ও শ্রদ্ধাবোধ ছিল। এ কারণে কোন শাসন কর্তৃত্বের অধিকারী ব্যক্তির নিকট যাওয়া মোটেই পছন্দ করতেন না। কারো প্রয়োজন হলে তাঁকে নিজের কাছে ডেকে আনতেন। একবার যাব্বান ইবন ‘আবদিল ‘আয়ীব লোক মারফত তাঁকে বলে পাঠালেন যে, আপনি একটু আমার নিকট আসুন, আপনার নিকট কিছু বিষয় আমার জানার আছে। তিনি জবাবে বলে পাঠালেন, আপনিই আমার এখানে আসুন। আমার নিকট আসা আপনার জন্য শোভন হবে, পক্ষান্তরে আপনার নিকট আমার যাওয়া হবে আপনার জন্য অশোভন।^{১৪}

স্পষ্টবাদিতা

সত্য উচ্চারণে ছিলেন নির্ভীক। যত ক্ষমতাশালীই হোন না কেন কাউকে পরোয়া করতেন না। মুখের উপর তাদের দোষ-ক্রটি বলে দিতেন। একবার তিনি রোগাক্রান্ত হয়ে শয্যা নিলেন। মিসরের তৎকালীন আমীর আল-হাওছারা ইবন সুহায়ল সাক্ষাৎ করতে আসলেন। তিনি ইয়ায়ীদের নিকট জানতে চাইলেন : যে কাপড়ে মশার রক্ত লেগেছে, সেই কাপড়ে নামায আদায় হবে কি? প্রশ্ন শুনে তিনি আল-হাওছারার দিক থেকে মুখ ফিরিয়ে নেন, তাঁর সাথে কোন কথাই বললেন না। আল-হাওছারা উঠতে যাবেন তখন তিনি তাঁর দিকে তাকিয়ে বলেন, প্রতিদিন মানুষের রক্ত ঝরাচ্ছেন, আর আমার নিকট মশার রক্তের কথা জিজ্ঞেস করছেন?^{১৫}

ওফাত

হিজরী ১২৮ সনে তিনি ইনতিকাল করেন, একথা ইবন সাদ বলেছেন। ৭৫ বছরের অধিক জীবন লাভ করেন।^{১৬}

১৩. তায়কিরাতুল হফ্ফাজ-১/১২৯

১৪. প্রাণক্ষণ

১৫. প্রাণক্ষণ-১/১৩০

১৬. তাহ্যীব আল-কামাল-২০/২৯৭

আবৃ ওয়াইল শাকীক ইবন সালামা (রহ)

হ্যরত শাকীকের (রহ) ডাকনাম আবৃ ওয়াইল এবং এ নামেই তিনি বেশি প্রসিদ্ধ। পিতার নাম সালামা। তিনি আরবের আসাদ ইবন খুয়ায়মা গোত্রের সন্তান।^১ ইবন হিব্রান তাঁকে কৃফায় বসবাসকারী, তথাকার একজন ‘আবিদ এবং হিজরী ০১ সনে তাঁর জন্ম বলে উল্লেখ করেছেন।^২

রিসালাত যুগে

হ্যরত আবৃ ওয়াইল (রহ) হ্যরত রাসূলে কারীমের (সা) জীবনকালের কিছু অংশ লাভ করেন। তবে খুবই অল্প বয়স্ক ছিলেন। ‘উমার ইবন মারওয়ান বলেন, একবার আমি আবৃ ওয়াইলকে জিজেস করলাম, আপনি কি হ্যরত রাসূলে কারীমের (সা) সময়কাল পেয়েছিলেন?’ বললেন, হঁ, তাঁকে দেখেছিলাম। তবে তখন আমি একজন অল্প বয়স্ক বালক।^৩ সঠিক বর্ণনা মতে তিনি একজন তাবিঁই ছিলেন। রাসূলে কারীমের (সা) দর্শন ও সাক্ষাতের সৌভাগ্য লাভ করতে পারেননি।^৪

একটি বর্ণনায় এসেছে, আবৃ ওয়াইল বলতেন, আমি জাহিলী যুগের দশ মতাভ্যরে সাত বছর পেয়েছি। রাসূল (সা) যখন নবুওয়াত লাভ করেন তখন আমি মরুদ্যানে আমার পরিবারের উট-ছাগল চরাতাম।^৫ ইমাম আয়-যাহাবী তাঁকে **مُخْضَرْ جَلِيل**—অতি সম্মানিত মুখাদরাম ব্যক্তি বলে উল্লেখ করেছেন।^৬ উল্লেখ্য যে, যারা জাহিলী ও ইসলামী যুগ লাভ করেছেন তাঁদেরকে বলা হয় ‘মুখাদরাম’। তবে এ বর্ণনা তেমন নির্ভরযোগ্য বিবেচিত হয়নি।

ইসলাম গ্রহণ

একটি বর্ণনা মতে তিনি রাসূলুল্লাহ ইসলাম গ্রহণ করেন। মুগীরা বলেন, আবৃ ওয়াইল বলতেন, আমাদের গোত্রে রাসূলুল্লাহ (সা) পক্ষ থেকে যাকাত-সাদাকা আদায়কারী আসেন।^৭ তিনি আমাদের থেকে পঞ্চাশটি উটের একটি উট নিলেন। আমার একটি ভেড়া ছিল। আমি সেটা তাঁর সামনে উপস্থিত করে বললাম, এর সাদাকা নিন। তিনি বললেন, এতে সাদাকা নেই।^৮

-
১. তায়কিরাতুল হফ্ফাজ-১/৬০
 ২. তাহ্যীব আত-তাহ্যীব-৪/৩১৮
 ৩. আত-তাবাকাত-৬/৬৪
 ৪. তাহ্যীব আল-কামাল-৮/৩৮৭
 ৫. প্রাণ্ডক-৮/৩৮
 ৬. তায়কিরাতুল হফ্ফাজ-১/৬০
 ৭. প্রাণ্ডক
 ৮. তাহ্যীব আল-কামাল-৮/৩৮৮

হ্যরত আবু বাকরের খিলাফতকালে

হ্যরত আবু বাকর সিদ্দীকের (রা) খিলাফতকালে আরবের যে সকল গোত্র যাকাত আদায় করতে অস্বীকৃতি জানিয়েছিল আবু ওয়াইলের গোত্রও তাদের অন্তর্ভুক্ত ছিল। আবু ওয়াইলও সেই দলে ছিলেন। সুলায়মান আল-আ'মাশ বলেন, শাকীক আমাকে বলতেন, আহা, যদি এমন হতো! তোমরা বুয়াখার রণক্ষেত্রে আমাদেরকে খালিদ ইবন আল-ওয়ালীদের বিরুদ্ধে যুদ্ধ করতে এবং সেখান থেকে পালাতে দেখতে! সেদিন আমি উটের পিঠ থেকে ছিটকে পড়ি এবং আমার ঘাড় ভাংতে ভাংতে বেঁচে যায়। সেদিন যদি আমি মারা যেতাম তাহলে আমার জন্য জাহান্নাম নিশ্চিত ছিল। সে সময় আমি ছিলাম দশ বছরের বালক।^১ উল্লেখ্য যে, বুয়াখার এ যুদ্ধটি হয় হ্যরত আবু বাকর সিদ্দীকের (রা) খিলাফতকালে বানু আসাদ ও খালিদ ইবন আল-ওয়ালীদের মধ্যে। এ যুদ্ধের পর তাঁর গোত্র যাকাত আদায় করে আত্মসমর্পণ করে।

হ্যরত 'উমারের (রা) খিলাফতকালে

খলীফা হ্যরত 'উমার ইবন আল-খাভাবের (রা) খিলাফতকালে তিনি তাঁর পূর্ববর্তী ভূলের পূর্ণ কাফ্ফারা আদায় করেন। ইরাক অভিযানে তিনি একজন মুজাহিদ হিসেবে যোগ দেন। কাদেসিয়ার সেই বিখ্যাত যুদ্ধে তিনি অংশ গ্রহণ করেন। শাম অভিযানেও তাঁর অংশ গ্রহণের তথ্য পাওয়া যায়। তাঁর নিজের একটি বর্ণনা এ রকমঃ আমি উমার ইবন আল-খাভাবের (রা) সাথে শাম অভিযানে অংশ গ্রহণ করি।^২ সম্ভবতঃ এ দ্বারা তিনি হ্যরত 'উমারের (রা) শাম সফরের সময় তাঁর সঙ্গে থাকার কথা বলতে চেয়েছেন।

ইসলাম ও মুসলমানদের বড় রকমের সেবার কারণে হ্যরত 'উমার (রা) তাঁকে যথেষ্ট সমাদর করতেন। তিনি বলেন, 'উমার (রা) নিজ হাতে আমাকে চারটি উপহার দান করেন এবং বলেন, একবার 'আল্লাহ আকবর' বলা দুনিয়া ও দুনিয়ার মধ্যে যা কিছু আছে তার থেকে উত্তম।'^৩

সিফ্ফীন যুদ্ধ

এ ছিল মুসলমানদের একটি রক্তক্ষয়ী গৃহ-যুদ্ধ। হ্যরত 'আলীর (রা) খিলাফতকালে আমীরুল মুমিনীন 'আলী (রা) ও হ্যরত মু'আবিয়ার (রা) মধ্যে সিফ্ফীনে এ যুদ্ধটি হয়। এ যুদ্ধে আবু ওয়াইল হ্যরত 'আলীর (রা) পক্ষে যোগ দেন; কিন্তু পরে এ জন্য ভীষণ অনুত্তম হন। আ'মাশ বলেন, জনেক ব্যক্তি আবু ওয়াইলকে জিজ্ঞেস করে, আপনি সিফ্ফীন যুদ্ধে অংশ গ্রহণ করেছিলেন? জবাব দেন, হাঁ, অংশ গ্রহণ করেছিলাম।^৪ 'আসিম ইবন বাহ্দালা বলেন, শাকীক বলতেন, 'আলীর চেয়ে 'উহমান আমার বেশি প্রিয়।'^৫

১. প্রাপ্তক

২. আত-তাবাকাত-৬/৬৫

৩. প্রাপ্তক-৬/৬৪

৪. প্রাপ্তক

৫. তায়কিরাতুল হফ্ফাজ-১/৬০; তাহ্যীব আল-কামাল-৮/৩৮৯

হাজ্জাজ ইবন ইউসুফ ও আবু ওয়াইল

উমাইয়্যা শাসনামলে আবু ওয়াইল ছিলেন অতি সম্মান ও প্রতিপত্তির অধিকারী মানুষ। হাজ্জাজ ইবন ইউসুফ ছিলেন তাঁর ভীষণ গুণমুক্তি ব্যক্তি। তিনি আবু ওয়াইলের সামনে কয়েকটি বড় বড় পদ উপস্থাপন করে তা গ্রহণের জন্য অনুরোধ করেন। কিন্তু তিনি তা গ্রহণে অবীকৃতি জানান। এ বিষয়ে তিনি নিজেই বলেন, হাজ্জাজ যখন কৃষ্ণ আসেন তখন আমাকে ডেকে পাঠান। আমি তাঁর ডাকে সাড়া দিয়ে সাক্ষাৎ করতে গেলাম। তিনি আমাকে জিজ্ঞেস করেন : আপনার নাম কি? বললাম : নাম আপনার জানাই আছে, নইলে আমাকে ডেকে পাঠালেন কিভাবে? জিজ্ঞেস করলেন : এ শহরে এসেছেন কবে? বললাম : সেই সময় যখন এই শহরের সকল অধিবাসী এসেছে। জিজ্ঞেস করলেন : আপনার কতটুকু কুরআন মুখস্থ আছে? বললাম : এতটুকু যে, যদি আমি তা অনুসরণ করি তাহলে তা যথেষ্ট বলে বিবেচিত হবে। উপরোক্ত প্রশ্নগুলো করার পর বললেন, আপনাকে এ জন্য ডেকেছি যে, আমি আপনাকে একটি পদ দিতে চাই। জানতে চাইলাম : কোন ধরনের পদ। বললেন : সিলসিলা অর্থাৎ বেড়ী পরিয়ে শান্তি দানের পদ। বললাম : এ পদ তো সেই সকল লোকদের জন্য উপযুক্ত যারা অত্যন্ত দায়িত্ব ও দক্ষতার সাথে এ কাজ করতে পারবে। যদি আপনি আমার সাহায্য নিতে চান তাহলে সেটা হবে একজন নির্বোধ ব্যক্তির কাছ থেকে সাহায্য নেয়া। এ কারণে, যদি আপনি আমাকে এ পদ গ্রহণ থেকে রেখাই দেন তাহলে তা আমার জন্য উন্নত হবে। আপনি চাপাচাপি করলে এই বিপজ্জনক পদটি গ্রহণের জন্য প্রস্তুত আছি। তবে একথাও বলতে চাই যে, যখন আমি আপনার কর্মচারী নই তখন রাতের বেলা আপনার কথা স্মরণ করতে করতে ঘুম এসে যায়। তাহলে যখন আপনার কর্মচারী হবো তখন আমার অবস্থা কেমন হবে? মানুষ আপনার ভয়ে এত ভীত যে, অতীতের কোন আমীরের ভয়ে ততটা হয়নি। আমার এ বক্তব্য তাঁর পছন্দ হয় এবং তিনি বলেন, এর কারণ হলো, কোন ব্যক্তি রক্তপাতের ব্যাপারে আমার মত এত দুঃসাহসী নয়। আমি এসব গুরুত্বপূর্ণ কাজ সম্পন্ন করেছি যার ধারে কাছে যেতেও মানুষ ভয় পায়। আমার এমন কঠোরতার কারণে আমার সকল সঙ্কট সহজ হয়ে গেছে। আল্লাহ আপনার প্রতি দয়া করুন! আপনি এখন যান। যদি অন্য কোন উপযুক্ত মানুষ পেয়ে যাই তাহলে আপনাকে কষ্ট দেব না। অন্যথায় আপনাকেই এ দায়িত্ব নিতে হবে। এভাবে মুক্তি পাওয়ার পর আবু ওয়াইল ফিরে আসেন এবং আর কখনো হাজ্জাজের ধারে কাছে যাননি।^{১৪} উমাইয়্যা মুগের শাসন কর্তৃত্বের অধিকারী ব্যক্তিদের সম্পর্কে তাঁর মোটেই সুধারণা ছিল না। একবার তিনি তাঁর ছাত্র আল-আ'মাশকে বলেন :^{১৫}

يَا سَلِيمَانْ مَافِيْ أَمْرَائِنَا هُؤْلَاءِ وَاحِدَةٌ مِّنْ اثْنَتَيْنِ، مَا فِيهِمْ تَقْوَى أَهْلُ الْإِسْلَامِ وَلَا
عُقُولُ أَهْلِ الْجَاهْلِيَّةِ.

১৪. আত-তাবাকাত-৬/৬৬

১৫. তাহ্যীব আল-কামাল-৮/৩৮৯

‘সুলায়মান! আমাদের এ সময়ের আয়ীর-উমারাদের দু’টি বৈশিষ্ট্যের একটিও নেই। তাদের না আছে ইসলামী যুগের মানুষের তাকওয়া, আর না আছে জাহিলী যুগের মানুষের বুদ্ধিমত্তা।’

তাহসীলদারের পদ

কিছু বর্ণনার মাধ্যমে জানা যায় যে, তিনি উমাইয়া যুগে সাদাকা-যাকাতের তাহসীলদার পদে কাজ করেছেন। মুহাজির আবুল হাসান বলেন, একবার আমি আবু বুরদা ও শাকীকের নিকট যাকাতের অর্থ নিয়ে যাই। তাঁরা তখন বায়তুল মালে কাজ করতেন। তাঁরা আমার সে অর্থ বায়তুল মালে ঢুকিয়ে নেন। এই বর্ণনার একজন রাবী সাঁদ বলেন, আমি দ্বিতীয়বার যাকাতের অর্থ নিয়ে গেলে শুধু আবু ওয়াইলকে পাই। তিনি বলেন, এ অর্থ ফিরিয়ে নিয়ে যাও এবং নির্ধারিত খাতসমূহে তা ব্যয় কর। বললাম **مُؤْلِفُهُ الْقُلُوب** (অন্তরসমূহকে ইসলামের প্রতি আকৃষ্টকরণ)-এর অংশটির কি হবে? বললেন : সেটি অন্যদেরকে দিয়ে দাও।^{১৬}

জ্ঞান ও মনীষা

জ্ঞানের জগতে হ্যরত আবু ওয়াইল (রহ) কৃফার একজন বিশিষ্ট ‘আলিম ছিলেন। ইমাম যাহাবী (রহ) তাঁকে কৃফার শায়খ ও ‘আলিম বলে উল্লেখ করেছেন।^{১৭} ইমাম নাওবী (রহ) বলেন, তাঁর বিশ্বস্ততা, নির্ভরযোগ্যতা এবং মহদ্দের ব্যাপারে সকলের ঐকমত্য আছে।^{১৮} ইবন সাঁদ বলেছেন : **كَانَ نَفْعَهُ كَثِيرٌ** (তিনি ছিলেন অতিবিশ্বস্ত বহু হাদীছের ধারক ও বর্ণনাকারী।)^{১৯}

কুরআন

তিনি কুরআনের হাফিজ ছিলেন। এত তীক্ষ্ণ মেধাবী ছিলেন যে, মাত্র দু’মাসে কুরআনের শিক্ষা শেষ করেন। তবে কুরআনের তাফসীর ক্ষেত্রে দারুণ সতর্ক ছিলেন।^{২০}

হাদীছ

ইল্মে হাদীছের ক্ষেত্রে ইবন সাঁদ তাঁকে দৃঢ়পদ, বিশ্বস্ত ও বহু হাদীছের ধারক-বাহক বলেছেন। সাহাবায়ে কিরামের মধ্যে হ্যরত আবু বাকর, ‘উমার, ‘উচ্চমান, ‘আলী, মু’আয ইবন জাবাল, সাঁদ ইবন আবী ওয়াকুকাস, ‘আবদুল্লাহ ইবন মাস’উদ, হ্যায়ফা ইবন আল-ইয়ামান, খাকাব ইবন আরাত, কা’ব ইবন ‘আজরা, আবু মাস’উদ আল-আনসারী, আবু মূসা আল-আশ’আরী, আবু হুরায়রা, ‘আয়িশা, উম্মু সালামা (রা) প্রমুখের মত শ্রেষ্ঠ

১৬. আত-তাবাকাত-৬/৬৫

১৭. তায়কিরাতুল হফ্ফাজ-১/৬০

১৮. তাহ্যীব আল-আসমা-১/২৪৭

১৯. তাহ্যীব আল-কামাল-৮/৩৮৯; আত-তাবাকাত-৬/৬৫

২০. প্রাণক্ষেত্র; তায়কিরাতুল হফ্ফাজ-১/৬০

ব্যক্তিবর্গের সূত্রে হাদীছ বর্ণনা করেছেন।^{১৩} বিশেষতঃ হযরত ‘আবদুল্লাহ ইবন মাস’উদের (রা) হাদীছসমূহ তাঁর স্মৃতিতে বেশি সংরক্ষিত ছিল। কৃফায় ইবন মাস’উদের হাদীছের তাঁর চেয়ে বড় কোন হাফিজ ছিলেন না।^{১৪} একবার আবু উবায়দাকে জিজেস করা হয়, কৃফায় ইবন মাস’উদের হাদীছের সবচেয়ে বড় ‘আলিম কে? তিনি জবাব দেন : আবু ওয়াইল।^{১৫}

ছাত্রবৃন্দ

অনেক বড় বড় তাবিঁছি তাঁর ছাত্র হওয়ার গৌরব অর্জন করেন। যেমন : শা’বী, ‘আসিম, আ’মাশ এবং সাধারণ মুহাদিছগণের মধ্যে মানসূর, যুবায়দ-আল ইয়ামামী, হাবীব ইবন আবী ছবিত, ‘আসিম ইবন বাহদালা, ‘আবদুল ইবন লুবাবা, ‘আমর ইবন মুররা, জামি’ ইবন রাশিদ, আল-হাকাম ইবন ‘উতবা, হাম্মাদ ইবন আবী সুলায়মান, যুবায়র ইবন ‘আদী, সাঁঈদ ইবন মাসরুক আছ-ছাঁওয়ী, ‘আতা’ ইবন আস-সায়িব, মুসলিম আল-বাতীন, মুহাজির আবুল হাসান (রহ) প্রমুখ বিশেষ উল্লেখযোগ্য।^{১৬}

‘আলিমদের মধ্যে আবু ওয়াইলের স্থান

সেই যুগের শ্রেষ্ঠ জ্ঞানী ব্যক্তিবর্গ তাঁকে শ্রেষ্ঠ তাবিঁছদের মধ্যে গণ্য করতেন। আ’মাশ বলেন, ইবরাহীম আমাকে উপদেশ দেন যে, তুমি শাকীকের (আবু ওয়াইল) নিকট থেকে জ্ঞান অর্জন কর। ‘আবদুল্লাহ ইবন মাস’উদের (রা) সাথী ও ছাত্ররা সকলে তাঁকে তাঁদের দলের সেরা বলে গণ্য করতেন।^{১৭}

আল্লাহর ভয়

তাঁর অভরে আল্লাহর ভয় এত প্রবল ছিল যে, যখন তাঁর সামনে কোন উপদেশ দেয়া হতো অথবা ভীতিমূলক আলোচনা হতো তখন তার দু’চোখ থেকে অঞ্চলারা প্রবাহিত হতো।^{১৮} তিনি বসরার ‘আবিদ তাবিঁছদের মধ্যে পরিগণিত ছিলেন। ‘ইবাদত-বন্দেগী ছিল তাঁর একান্ত কাজ। ইবন হিবান বলেন, তিনি দৃঢ়পদ বিশ্বস্ত ব্যক্তিদের মধ্যে ছিলেন। কৃফায় স্থায়ী আবাসন গড়ে তোলেন এবং সেখানকার তাপস ও দুনিয়া বিরাগী মানুষের একজন ছিলেন।^{১৯} তাঁর ‘ইবাদত-বন্দেগী’র বিশেষ সময় ছিল রাতের অন্ধকার। সিজদায় গিয়ে দীর্ঘক্ষণ ধরে অত্যন্ত বিনীতভাবে দু’আ করতেন : হে আল্লাহ! আমাকে ক্ষমা করে দিন, আমাকে মাফ করে দিন। যদি আপনি আমাকে ক্ষমা করেন তাহলে

২১. তাহ্যীব আত-তাহ্যীব-৪/৩৬১; তায়কিরাতুল হফ্ফাজ-১/৬০; তাহ্যীব আল-কামাল-৮/৩৮৭

২২. তাহ্যীব আল-আসমা’-১/২৪৭

২৩. তাহ্যীব আল-কামাল-৮/৩৮৮

২৪. প্রাতুক্ত; তাহ্যীব আত-তাহ্যীব-৪/৩৬২

২৫. আত-তাবাকাত-৬/৬৭

২৬. প্রাতুক্ত

২৭. তাহ্যীব আত-তাহ্যীব-৪/৩৬৩

ধরাবাহিক পাপসমূহকেও ক্ষমা করে দিবেন। আর যদি শান্তি দেন, তাহলে শান্তি দানের ক্ষেত্রে আপনি জালিম হবেন না।^{১৮}

জিহাদ ফী সাবীলিল্লাহ এবং দুনিয়ার সাথে সম্পর্কহীনতা

দুনিয়ার সাথে নামকা ওয়াস্তে একটা সম্পর্ক ছিল। থাকার জন্য মামুলি ধরনের একটা খড়ের ঝুপড়ি ঘর ছিল, সেখানে তিনি জিহাদের সঙ্গী ঘোড়াচিসহ থাকতেন। যখন জিহাদে বের হতেন তখন ঝুপড়ি ঘরটি উঠিয়ে ফেলতেন। ফিরে এসে আবার বানিয়ে নিতেন।^{১৯}

হালাল উপার্জন

হালাল উপার্জনের ব্যাপারে দারুণ সতর্ক ছিলেন। বিনাশ্রমে অচেল সম্পদ প্রাপ্তির বিপরীতে হালাল উপায়ে অর্জিত একটি দিরহামকে বেশি পছন্দ করতেন। তিনি বলতেন, ব্যবসার এক দিরহাম আমার বেতনের দশ দিরহাম থেকে বেশি প্রিয়।^{২০}

তাঁর সন্তানি ছিল শুভ ও কল্যাণের নিমিত্ত

তাঁর নৈতিক ও আধ্যাত্মিক উৎকর্ষের কারণে মানুষ তাঁকে রহমত ও বরকতের (দয়া-অনুগ্রহ) উপলক্ষ্য মনে করতো। ইবরাহীম বলতেন, প্রত্যেক স্থানে এমন এক সন্তা অবশ্যই বিদ্যমান থাকেন যার কল্যাণে সেই জনপদ বিভিন্ন ধরনের আপদ-বিপদ থেকে নিরাপদ থাকে। আমার বিশ্বাস, শাকীকও সেই সকল লোকের মধ্যে অন্যতম।^{২১} সাহাবায়ে কিরামও তাঁর নৈতিক উৎকর্ষের কথা স্মীকার করতেন। প্রখ্যাত সাহাবী হযরত ‘আবদুল্লাহ ইবন মাস’উদ্দের উপর তাঁর নৈতিক প্রভাব এতখানি ছিল যে, তাঁকে দেখা মাত্র বলতেন, এ হলো তায়িব (তাওবাকারী)।^{২২}

ওফাত

হিজরী ৮২ সনে ইন্তিকাল করেন। আল-ওয়াকিদীর বর্ণনা মতে ‘উমার ইবন ‘আবদিল ‘আয়ীয়ের (রহ) খিলাফতকালে তাঁর ইন্তিকাল হয়। কিন্তু এ বর্ণনা সঠিক মনে হয় না। কারণ, সে হিসাবে তাঁর বয়স অনেক বেড়ে যায়।^{২৩}

১৮. আত-তাবাকাত-৬/৬৭

১৯. প্রাঞ্জল-৬/৬৮

২০. প্রাঞ্জল

২১. তাহ্যীব আত-তাহ্যীব-১/২৪৭

২২. আত-তাবাকাত-৬/৬৮

২৩. তায়কিরাতুল হফ্ফাজ-১/৬০; তাহ্যীব আল-কামাল-৮/৩৮৮

জা'ফর ইবন মুহাম্মাদ আস-সাদিক (রহ)

তাঁর পূর্ণ নাম আবু আবদিল্লাহ জা'ফার, আস-সাদিক তাঁর উপাধি। ইতিহাসে তিনি ইমাম জা'ফার আস-সাদিক নামে প্রসিদ্ধ। তাঁর পিতা ইমাম মুহাম্মাদ আল-বাকির (রহ), যিনি শী'য়াদের ইমামিয়া সম্প্রদায়ের ৫ম ইমাম। তাঁর বংশ তালিকা এমন : জা'ফার ইবন মুহাম্মাদ ইবন 'আলী ইবন হুসায়ন ইবন 'আলী ইবন আবী তালিব (রা)। তাঁর মা ফারওয়া ছিলেন হ্যরত আবু বাকর সিদ্দীকের (রা) প্রপৌত্র কাসিম ইবন মুহাম্মাদের কন্যা। তাঁর মাতৃকুলের বংশ তালিকা এমন : ফারওয়া বিন্ত কাসিম ইবন মুহাম্মাদ ইবন আবদির রহমান ইবন আবু বাকর (রা)। এভাবে হ্যরত জা'ফার আস-সাদিক-এর শিরা-উপ-শিরায় সিদ্দীকী রক্ত বহমান হয়। হিজরী ৮০ (আশি) সনে তিনি মদীনায় জন্ম গ্রহণ করেন।^১

জ্ঞান ও মনীষা

তিনি 'ইল্ম' ও 'আগমের এমন এক খানানের বংশধর যাদের অতি নগণ্য একজন খাদিমও জ্ঞানের উচ্চ আসন অলঙ্কৃত করেছেন। তাঁর মহান পিতা ইমাম মুহাম্মাদ আল-বাকির (রহ) এমন উচ্চ পর্যায়ের আলিম ছিলেন যে, ইমাম আ'জাম আবু হানীফার (রহ) মত উম্মাতের শ্রেষ্ঠ সন্তান তাঁর ছাত্র ছিলেন। এ কারণে জা'ফার আস-সাদিক উত্তরাধিকার সূত্রে জ্ঞান লাভ করেন। জ্ঞান ও মনীষার দিক দিয়ে তিনি তাঁর সময়ের একজন ইমাম ছিলেন। ইমাম যাহাবী তাঁকে ইমাম ও শীর্ষ পর্যায়ের একজন নেতা বলে উল্লেখ করেছেন।^২ আহলি বায়তের (নবী-বংশ) মধ্যে জ্ঞানে তাঁর সমকক্ষ কেউ ছিলেন না। ইবন হিবান বলেন, ফিক্হ শাস্ত্র, অন্যান্য জ্ঞান এবং কৃতিত্ব ও মর্যাদায় তিনি আহলি বায়তের অন্যতম নেতৃত্বান্বীয় ব্যক্তি ছিলেন।^৩ ইমাম নাওবী লিখেছেন, তাঁর ইমামতি, জালালত ও সিয়াদাত তথা অগ্রগামিতা, মহত্ব ও নেতৃত্বের ব্যাপারে সকলে একমত।^৪

হাদীছ

হাদীছ তো হলো তাঁরই এক উর্ধ্বতন মহান পুরুষেরই কথা, কাজ ও সমর্থন। সুতরাং তাঁর চেয়ে আর কে এর অধিক হকদার হতে পারে? সুতরাং তিনি বিখ্যাত হাফিজে হাদীছের একজন ছিলেন। ইবন সাদ লিখেছেন;^৫ - كَانَ كَثِيرُ الْحَدِيث - তিনি ছিলেন

১. তায়কিরাতুল হফ্ফাজ-১/১৬৬

২. প্রাগুক

৩. তাহ্যীব আত-তাহ্যীব-২/১০৪

৪. তাহ্যীব আল-আসমা' ওয়াল লুগাত-১/১৫০

৫. তাহ্যীব আত-তাহ্যীব-২/১০৪

বহু হাদীছের ধারক-বাহক। হাফিজ যাহাবী তাঁকে অন্যতম নেতা ও শীর্ষস্থানীয় হাফিজ বলে উল্লেখ করেছেন।^৫ হাদীছের জ্ঞান তিনি লাভ করেন তাঁর মহান পিতা হ্যরত ইমাম বাকির, মুহাম্মাদ ইবন মুনকাদির, ‘উবায়দুল্লাহ ইবন আবী রাফি’, যুহরী (রহ) ও আরো অনেকের নিকট থেকে। তাঁর খ্যাতিমান ছাত্র শিষ্যদের মধ্যে সর্বাধিক উল্লেখযোগ্য হলেন : শু’বা, সুফইয়ান ইবন ‘উয়ায়না, সুফইয়ান আছ-ছাওরী, ইবন জুরায়জ, আবু ‘আসিম, ইমাম মালিক, ইমাম আবু হানীফা, ইয়াহিয়া আল-কাসাল, হাতিম-ইবন ইসমা’ঈল (রহ)সহ আরো অনেক ইমাম। তিনি তাঁর ছাত্রদের বলতেন, তোমরা আমার নিকট জিজ্ঞেস কর। কারণ, আমার পরে তোমাদেরকে আর কেউ আমার মত হাদীছ শোনাতে পারবে না।^৬

হাদীছের প্রতি সম্মান

হ্যরত রাসূলে কারীমের (সা) হাদীছের প্রতি এত শ্রদ্ধা ও ভক্তি ছিল যে, সর্বদা পাক-পবিত্র অবস্থায় হাদীছ বয়ান করতেন।^৭ ফিক্হ শাস্ত্রে এতখানি দক্ষতা অর্জন করেন যে, সর্বশ্রেষ্ঠ ফকীহ ও ইমামুল আয়িত্তা হ্যরত ইমাম আবু হানীফা (রহ) বলতেন, আমি জা’ফার ইবন মুহাম্মাদের চেয়ে বড় ফকীহ আর দেখিনি।^৮ তিনি ‘আলিমগণকে অভ্যাধিক সমীহ ও সম্মান করতেন। বলতেন, ‘আলিমগণ হচ্ছেন নবীগণের আমানতদার, যতক্ষণ তাঁরা শাসকবর্গের তোষামোদকারী না হয়।

তাঁর কিছু গভীর তাৎপর্যপূর্ণ বাণী

তাঁর মূল্যবান কথা ও বাণীসমূহ নীতি-নৈতিকতার ভিত্তি; জ্ঞান, মনন, চিন্তা এবং উপদেশ-অভিজ্ঞতার ভাগার স্বরূপ। সুফইয়ান আছ-ছাওরীকে (রহ) একবার তিনি বলেন : সুফইয়ান! আল্লাহ যখন তোমাকে কোন কিছু দান করেন এবং যদি তুমি তা সর্বদা বহাল রাখতে চাও তাহলে বেশি বেশি আল্লাহর শুকরিয়া আদায় করবে। কারণ, আল্লাহ রাকুল ‘আলামীন তাঁর কিতাবে বলেছেন :^৯

لَئِنْ شَكَرْتُمْ لِأَزِيدْنَكُمْ وَلَئِنْ كَفَرْتُمْ إِنْ عَذَابِي لَشَدِيدٌ.

“যদি তোমরা কৃতজ্ঞতা প্রকাশ কর তাহলে আমি তোমাদেরকে অবশ্যই আরো বেশি করে দেব। আর যদি অকৃতজ্ঞ হও তাহলে অবশ্যই আমার শাস্তি হবে কঠোর।” যখন আল্লাহর কোন অনুগ্রহ অথবা কল্যাণ লাভ করবে তখন বেশি করে আল্লাহর নিকট ইস্তিগ্ফার করবে। মহান আল্লাহ তাঁর কিতাবে বলেছেন :^{১০}

৬. তায়কিরাতুল হফ্ফাজ-১/১৬৬

৭. প্রাণক্ষেত্র; তাহ্যীব আত-তাহ্যীব-২/১০৩

৮. তাহ্যীব আত-তাহ্যীব-২/১০৫

৯. তায়কিরাতুল হফ্ফাজ-১/১৬৬

১০. সূরা ইবরাহীম-৭

১১. সূরা নৃহ-১০-১২

فَقُلْتُ اسْتَغْفِرُوكُمْ إِنَّهُ كَانَ غَفَارًا، يُرْسِلُ السَّمَاءَ عَلَيْكُمْ وِدْرَارًا وَيُمْدِدُكُمْ بِإِمَوَالٍ
وَبَيْنِنَّ وَيَجْعَلُ لَكُمْ جَنَّاتٍ وَيَجْعَلُ لَكُمْ نَهَارًا.

“অতঃপর আমি বলেছি, ‘তোমাদের প্রতিপালকের ক্ষমা প্রার্থনা কর, তিনি তোমা মহা ক্ষমাশীল। তিনি তোমাদের জন্য প্রচুর বৃষ্টিপাত করবেন। তিনি তোমাদেরকে সম্মত করবেন ধন-সম্পদ ও সন্তান-সন্ততিতে এবং তোমাদের জন্য স্থাপন করবেন উদ্যান ও প্রবাহিত করবেন নদী-নালা।’”

যখন তোমাদের নিকট শাসক অথবা কারো কোন আদেশ পৌছে তখন বেশি করে لا - حَوْلَ وَلَا قُوَّةَ إِلَّا بِاللهِ পাঠ করবে। তিনিই প্রশংসিতার চাবিকাঠি। যে ব্যক্তি নিজের ভাগ্যের অংশটুকুর উপর তুষ্ট থাকে সেই ঐশ্বর্যবান। আর যে অন্যের অর্থ সম্পদের দিকে তাকিয়ে থাকে সেই বিভূতিহীন। যে ব্যক্তি আল্লাহর বস্তুনে খুশী হয় না, প্রকৃতপক্ষে সে আল্লাহর ফয়সালার বিরুদ্ধে অভিযোগ উৎপান করে। যে ব্যক্তি অন্যের গোপন কথা ফাঁস করে দেয়, আল্লাহ তার ঘরের গোপন অবস্থা প্রকাশ করে দেন। যে বিদ্রোহের জন্য তরবারি কোষমুক্ত করে সে তাতেই নিহত হয়। যে নিজের ভাইয়ের জন্য গর্ত ঝোঁড়ে সে তাতেই পতিত হয়। যে নির্বোধদের সঙ্গে উঠাবসা করে সে হেয়ে ও তুচ্ছ হয়ে যায়। যে জ্ঞানী ব্যক্তিদের সাথে মেলামেশা করে সে সম্মানিত হয়। যে খারাপ স্থানে যায় তার দুর্নীয় হয়ে যায়। সর্বদা সত্যকথা বল, তা তোমার পক্ষে হোক বা বিপক্ষে। মানুষের মূল বস্তু হলো তাঁর বুদ্ধি, আর দীন হল তার আভিজ্ঞাত্য। তার মহানুভবতা হল তার তাকওয়া (আল্লাহ ভীতি)। আদমের সাথে সম্পর্কের দিক দিয়ে সব মানুষ সমান। শান্তি ও নিরাপত্তা খুব দুর্লভ জিনিস, এমনকি তা তালাশ করার স্থানও গোপনীয়। যদি কোথাও পাওয়া যায় তাহলে সম্ভবতঃ তা নাম-নিশানাশূন্য বিজনতার এক কোণে পাওয়া যাবে। যদি তুমি সেখানে তালাশ কর এবং না পাও, তাহলে একাকীভূত মধ্যে পাবে। এ দুটির মধ্যে পার্থক্য আছে। যদি একাকী নির্জনবাসের মধ্যে না পাও তা পাবে সালফে সালেহীন তথা পূর্ববর্তী সত্যনিষ্ঠ মানুষদের কথার মধ্যে।

ইসতিগফার

তিনি বলতেন, তুমি কোন পাপ করে বসলে সঙ্গে সঙ্গে তাঁর মাগফিরাত কামনা করবে। মানুষের সৃষ্টির পূর্বেই তার ঘাড়ে ভুলের বেঢ়ী লেগে গেছে। পাপের উপর জেন ধরা হলো ধৰ্মস হওয়া। তিনি বলতেন, আল্লাহ দুনিয়ার প্রতি প্রত্যাদেশ (وَحْيٌ) পাঠিয়েছেন, যে ব্যক্তি আমার সেবা করবে তুমি তার সেবা কর, আর যে তোমার সেবা করবে, তুমি তাকে অক্ষম করে দেবে।

ভালো কাজের শর্তাবলী

তিনি বলতেন, তিনটি জিনিস ছাড়া কোন ভালো কাজ পূর্ণতা লাভ করে না। যখন তুমি কোন কাজ করবে তখন সে কাজকে নগণ্য মনে করবে, গোপনে করবে ও তাড়াতাড়ি

করবে। যখন তুমি তা নগণ্য মনে করবে তখন তার মর্যাদা বেড়ে যাবে। তুমি তা গোপন রাখলে তা পূর্ণতা পাবে। আর তা ভাড়াতাড়ি করলে তুমি মাধুর্য অনুভব করবে।

সুধারণা

তিনি বলতেন, যখন তোমার ভাইয়ের কাছ থেকে তোমার ব্যাপারে কোন অপ্রিয় কথা প্রকাশ পায় তখন তার যথার্থতার জন্য এক থেকে সন্তুষ্টি ব্যাখ্যা তালাশ কর। যদি তাতেও যথার্থতা না পাও, তাহলে ধরে নেবে অবশ্যই কোন কারণ এবং কোন ব্যাখ্যা আছে যা তোমার জানা নেই। যদি তুমি কোন মুসলিমের মুখ থেকে কোন কথা শোন তাহলে, তা থেকে ভালো থেকে আরো ভালো অর্থ বের করার চেষ্টা করবে। যদি তা সম্ভব না হয় তাহলে নিজেকে তিরক্ষার করবে।

শিষ্টাচার ও নৈতিকতা

তিনি বলতেন, চারটি জিনিসে কোন অনুজ্ঞনের লজ্জা করা উচিত নয়। ১. পিতার সম্মানে নিজ আসন থেকে উঠা, ২. অতিথির সেবা, ৩. নিজের গৃহে একশো চাকর-বাকর থাকলেও নিজে অতিথির বাহন পশ্চর দেখা-শোনা করা, ৪. নিজ শিক্ষকের সেবা করা।

একটি সূচক কথা

যখন দুনিয়া কারো অনুকূলে যায় তখন অন্যের ভালো কিছুও তাকে দিয়ে দেয়, আর যখন মুখ ফিরিয়ে নেয় তখন তারই ভালো কিছু ছিনিয়ে নেয়।

নৈতিক উৎকর্ষতা

তাঁর ব্যক্তি সত্ত্বাটি ছিল নৈতিক উৎকর্ষতার বাস্তব প্রতীক। তাঁকে এক নজর দেখাই তাঁর খান্দানী শ্রেষ্ঠত্বের সাক্ষ্যদানের জন্য যথেষ্ট ছিল। আমর ইবন আল-মিকদাম বলেন, যখন আমি জাঁফার ইবন মুহাম্মাদকে দেখতাম তখন তাঁর প্রতি দৃষ্টি পড়াযাত্র আমি জেনে যেতাম যে, তিনি নবী-খান্দানেরই মানুষ।^{১২}

ইবাদত-বদেগী

ইবাদত ছিল তাঁর রাত-দিনের বৃত্তি। তাঁর কোন দিন এবং কোন সময় ইবাদত থেকে শূন্য ছিল না। ইমাম মালিক বলেন, আমি একটা দীর্ঘ সময় পর্যন্ত তাঁর নিকট আসায়ওয়া করতাম। সব সময় আমি তাঁকে পেয়েছি হয় নামাযে না হয় রোয়া রাখা অবস্থায় অথবা কুরআন তিলাওয়াতের মধ্যে।^{১৩}

আল্লাহর রাস্তায় অর্থ ব্যয়

আল্লাহর রাস্তায় অর্থব্যয়, দানশীলতা এবং অন্যের দোষ উপেক্ষা করা- এ তিনটি

১২. তাহ্যীব আল-আসমা'-১/১৫০

১৩. তাহ্যীব আত-তাহ্যীব-২/১০৪

বিশেষগুণ আহলি বায়তের সকল সদস্যের মধ্যে বিদ্যমান ছিল। তবে জাফার আস-সাদিক-এর সন্তা ছিল এই গুণগুলোর পরিপূর্ণ নমুনা। হায়াজ ইবন বুসতাম বলেন, জাফার আস-সাদিক (রহ) অনেক সময় বাড়ির সব খাবার অন্যদেরকে থাইয়ে দিতেন এবং নিজের পরিবার-পরিজনের জন্য কিছুই অবশিষ্ট থাকতো না।^{১৪}

পোশাক-পরিচ্ছদ

প্রকাশ্যে তিনি দুনিয়াদার লোকদের পোশাকে থাকতেন। কিন্তু অভ্যন্তরে থাকতো দুনিয়ার ভোগ-বিলাস বিমুখ মানুষের পোশাক। সুফইয়ান ছাওরী (রহ) বলেন, আমি একবার জাফার ইবন মুহাম্মাদের নিকট গেলাম। তখন তাঁর গায়ে ছিল খুয়ের^{১৫} জুব্রা এবং দাখানী খুয়ের চাদর। আমি বললাম, আপনার মহান পূর্ব-পুরুষের পোশাক তো এ ছিল না। বললেন, তাঁরা ছিলেন দরিদ্র ও অভাবের সময়ের মানুষ। আর এ যুগে সম্পদের প্রবাহ সৃষ্টি হয়েছে। এ কথা বলে তিনি তাঁর দেহের উপরের কাপড় উঠিয়ে দেখান। তখন দেখা গেল খুয়ের জুব্রার নীচে রয়েছে পশমী মোটা জোব্রা। বললেন, ছাওরী, এটা আমরা পরেছি আল্লাহর সন্তুষ্টির জন্য, আর ওটা তোমাদের জন্য। যা আমি আল্লাহর সন্তুষ্টির জন্য পরেছি তা নীচে গোপন রেখেছি। আর তোমাদের জন্য যা পরেছি তা উপরে রেখেছি।^{১৬}

দীনী বিষয়ে মতপার্থক্য করা থেকে দূরে থাকার উপদেশ

দীনী বিষয় নিয়ে মতপার্থক্য ও বিবাদ করা মোটেই পছন্দ করতেন না। বলতেন, তোমরা দীনী বিষয়ে বিতঙ্গ করবে না। কারণ, তা অভরকে ব্যস্ত রাখে এবং তার মধ্যে নিফাক বা কপটতা সৃষ্টি করে।^{১৭}

তিনি অত্যন্ত সাহসী, নির্ভিক ও নিঃশক্তিশালী মানুষ ছিলেন। সৈরাচারী শাসকদের সামনেও দৃঃসাহসের পরিচয় দিয়েছেন, কোন রকম তয়-ভীতি তাঁর মধ্যে প্রভাব ফেলতে পারেনি। একবার প্রতাপশালী ‘আবাসীয় খলীফা মানসূরের গায়ে একটি মাছি এসে বসে। তিনি তাড়িয়ে দেন, কিন্তু আবার এসে বসে। এভাবে তিনি বার বার তাড়াচ্ছেন, আর মাছিটি বার বার উড়ে এসে বসছে। এর মধ্যে জাফার ইবন মুহাম্মাদ (রহ) এসে হাজির হলেন। মানসূর তাঁকে লক্ষ্য করে বললেন, আবু ‘আবদিল্লাহ! মাছি কি জন্য সৃষ্টি করা হয়েছে? তিনি জবাব দিলেন, সৈরাচারীদেরকে অপমান করার জন্য।^{১৮}

১৪. তায়কিরাতুল হফ্ফাজ-১/১৬৬

১৫. ‘খুয়’ হলো পশম ও রেশম সূতোর তৈরি কাপড়

১৬. তায়কিরাতুল হফ্ফাজ-১/১৬৭

১৭. প্রাণক্ষেত্র

১৮. সাফওয়াতুল সাফওয়া-১৩১

হয়রত আবু বাকর (রা) সম্পর্কে বিশ্বাস

যদিও সকল সত্যপন্থী আহলি বাযত চার খলীফার প্রতি সমান সুধারণা পোষণ করতেন, তবে যেহেতু জা'ফার আস-সাদিকের (রহ) শিরা-উপশিরায় হযরত আবু বাকরের (রা) রঞ্জ প্রবাহিত ছিল, এ কারণে তাঁর সাথে তিনি এক বিশেষ সম্পর্ক আছে বলে বিশ্বাস করতেন। তিনি নিজের উর্ধ্বতন পুরুষ 'আলীর (রা) মত তাঁর উপরও নিজের অধিকার আছে বলে মনে করতেন। তিনি বলতেন, আমার 'আলীর (রা) নিকট থেকে যে পরিমাণ শাফা'আতের আশা আছে, ঠিক ততটুকু আবু বাকরের (রা) থেকেও আছে।^{১৯} হিজরী ১৪৮ সনে তাঁর ওফাত হয়।^{২০}

১৯. তাহ্যীব আত-তাহ্যীব-২/১০৪

২০. তায়কিরাতুল হফ্ফাজ-১/১৬৭

মুহাম্মাদ ইবন ওয়াসি' আল-আয়দী (রহ)

মুহাম্মাদ ইবন ওয়াসি' আল-আয়দী (রহ) একজন মহান তাবিঁই। ডাকনাম আবু বাকর, মতান্তরে আবু আবদিল্লাহ। তিনি ছিলেন হ্যরত রাসূলে কারীমের (সা) মহান খাদিম ও সাহাবী হ্যরত আনাস ইবন মালিক আল-আনসারীর (রা) ছাত্র। এ কারণে তিনি “যায়নুল ফুকাহা” (ফকীহদের শোভা) উপাধি লাভ করেন। তবে তিনি “আবিদুল বাসরা” বা বসরার তাপস উপাধিতে প্রসিদ্ধি লাভ করেন।^১

বসরায় তাঁর জন্ম এবং স্থানেই বেড়ে উঠেন। যদীনায় জ্ঞান অর্জন করেন। বিশেষতঃ ফিক্হ বিষয়ে পারদর্শিতা লাভ করেন। জানের জগতে সুউচ্চ আসনের অধিকারী হন। মালিক ইবন দীনার (রহ) তাঁর সম্পর্কে বলেন :

القراء ثلاثة : فقارئ للرحمٰن، وقارئ للدينار، وقارئ للملكوك، ويهاهؤلاء، محمد بن واسع الأزدي عندى من قراء الرحمن.

কারী বা আল-কুরআনের পাঠক তিনি প্রকার : দয়াময় (আল্লাহর) কারী, দীনার-দিরহামের কারী এবং রাজা-বাদশাদের কারী। ওহে তোমরা শুনে রাখ, আমার জানা মতে মুহাম্মাদ ইবন ওয়াসি' আল-আয়দী হলেন দয়াময় আল্লাহর কারী।^২

যুদ্ধ ও তাকওয়া

তিনি একজন অতি সম্মানীত 'আলিম ও একজন উঁচু পর্যায়ের উপদেশ দানকারী ব্যক্তি ছিলেন। তাঁর মজলিস সব সময় আল্লাহর ভীতি (তাকওয়া) ও সত্যের আলোচনায় মুখ্য থাকতো। এমন একটি তাৎপর্যপূর্ণ মজলিসে একদিন তিনি তাঁর এক ছাত্রকে বলেন :^৩

إذا أقبل العبد بقلبه إلى الله أقبل بقلوب المؤمنين إليه
‘বান্দা যখন সর্বান্তকরণে আল্লাহর দিকে এগিয়ে যায় তখন আল্লাহ মুমিনদের অন্তকরণসহ তার দিকে এগিয়ে যান।’

একদিন বসরার মসজিদে ছাত্রদের দ্বারা পরিবেষ্টিত অবস্থায় তিনি বসে আছেন, এমন সময় একজন ছাত্র উঠে দাঁড়িয়ে তাঁকে বললো : আবু 'আবদিল্লাহ, আল্লাহ আপনার প্রতি অনুগ্রহ করুন! আমাকে কিছু উপদেশ দিন। বললেন : আমি তোমাকে উপদেশ দিই, তুমি দুনিয়া ও আবিরাতের বাদশাহ হও।

বিশ্বয়ের সাথে ছাত্র বললো : আল্লাহ আপনার প্রতি দয়া করুন। এটা আমার জন্য কেমন

১. তাহ্যীব আল-কামাল-১৭/৩০১

২. আবু নু'আইম, হিলয়াতুল আওলিয়া-২/৩৪৫; তাহ্যীব আল-কামাল-১৭/৩০২

৩. 'আসরুন্ত তাবিঁইন-৩৫৪

করে সম্ভব? বললেন : দুনিয়ার বিন্দ-বৈভব পরিহার কর, তাহলে মানুষের কর্তৃত্বে যা কিছু আছে তার প্রতি অভাববোধ না করে এখানে বাদশাহ হতে পারবে। আর আখিরাতেও আল্লাহর নিকট সর্বোত্তম প্রতিদান লাভের মাধ্যমে বাদশাহ হতে পারবে।^৪

ছাত্র বললো : আবু আবদিল্লাহ! আমি আপনাকে আল্লাহর সন্তুষ্টির জন্য ভালোবাসবো। তিনি বললেন : যে উদ্দেশ্যে তুমি আমাকে ভালোবাসছো, আল্লাহ তোমার সে উদ্দেশ্য পূরণ করুন। তারপর বহু দূরে দৃষ্টি নিক্ষেপ করে অঙ্কুট স্বরে বললেন :

اللهم إني أعوذ بك أن أحب فيك وأنت لـ كاره.

‘হে আল্লাহ! তোমার সন্তুষ্টির জন্য মানুষ আমাকে ভালোবাসুক, আর তুমি আমার প্রতি অসন্তুষ্ট থাক- এ থেকে আমি তোমার পানাহ চাই।’

একদিন এক ছাত্র ভরা মজলিসে উঠে দাঁড়ালো এবং তাঁর নীতি-নৈতিকতা ও আল্লাহ-ভীতি সম্পর্কে কয়েকটি প্রশংসামূলক বাক্য উচ্চারণ করলো। তিনি তাঁকে থামিয়ে দিয়ে এমনটি আর কথনো না করার কথা সাফ জানিয়ে দিয়ে বললেন :

يَا بْنِي، لَوْ كَانَ لِلذُّنُوبِ رَائِحَةً تَفْوحُ مَا اسْتَطَاعَ أَحَدٌ مِنْكُمْ أَنْ يَدْنُو مِنِي.

‘ওরে বেটা, পাপের যদি ছড়িয়ে পড়ার মত কোন দুর্গন্ধ থাকতো, তাহলে তোমাদের কেউই আমার কাছে আসতে পারত না।’ তিনি আরো বলেন : ‘বেটা, আল-কুরআন হলো মু’মিনের উদ্যানস্বরূপ। এর যেখানেই সে অবতরণ করবে, ত্রৃণভূমি পাবে।’^৫

একবার তিনি তাঁর এক অতি স্তুলকায় ছাত্রের দিকে তাকিয়ে দেখলেন, সে নামাযে দাঁড়িয়ে; কিন্তু এমন শব্দ করছে যেন শ্বাস-প্রশ্বাস বন্ধ হয়ে যাচ্ছে। তাকে লক্ষ্য করে বললেন : বেটা, যার আহার কমে গেছে সে নিজে বুঝেছে ও অপরকে বুঝাতে পেরেছে। তার অস্তকরণ পরিশুল্ক ও কোমল হয়েছে। আর বেশি আহার মানুষের অনেক ইচ্ছা-আকাঙ্ক্ষাকে কঠিন করে দেয়।^৬

একদিন এক ব্যক্তি একটু দেরিতে মজলিস ভেঙ্গে যাবার পর এসে সালাম করে জিজ্ঞেস করলো : আবু আবদিল্লাহ, কেমন আছেন? তিনি জবাব দিলেন : আমি আমার মৃত্যুর কাছাকাছি, আশা-আকাঙ্ক্ষা থেকে বহু দূরে এবং কর্মের খুব খারাপ অবস্থায় আছি। সেই ব্যক্তি সম্পর্কে তোমাদের কী ধারণা যে প্রতিদিন আখিরাতের দিকে একটি পর্যায় অতিক্রম করে?^৭

তিনি ছিলেন তাঁর ছাত্র-শিষ্য, সঙ্গী-সাথী ও ভক্ত-অনুসারীদের জন্য একটি উত্তম আদর্শ। তাঁর জনৈক সঙ্গী তাঁর সম্পর্কে বলেন : একবার আমি মুক্তি থেকে বসরা পর্যন্ত মুহাম্মাদ ইবন ওয়াসি’র সফর সঙ্গী ছিলাম। তিনি সারা রাত নামায পড়তেন। বাহনের পিঠে মাথা

৪. সিয়ারু আলাম আন-নুবালা’-৬/১২০

৫. ‘আসরুলত তাবি’ঈন-৩৫৪

৬. প্রাণ্ডু-৩৫৫

৭. হিলয়াতুল আওলিয়া-২/৩৪৬

ঝুঁকিয়ে ইশারায় বসে বসে রূক্তি-সিজদা করতেন। পিছনে বসা চালককে উচ্চস্থরে উট চলাতে বলতেন। মাঝে মাঝে নামায়ের মধ্যে তাঁর রাত কেটে যেত। প্রত্যয়ে একজন একজন করে সঙ্গীদের জাগাতেন। তাদের কাছে গিয়ে বলতেন : আস-সালাত, আস-সালাত : নামায! নামায! তারা সবাই জেগে গেলে বলতেন : নিকটেই পানি আছে, তোমরা ওয়ু করে নাও। যদি পানি বেশি দূরে হয় এবং সঙ্গে থাকা পানি যদি অল্প হয় তাহলে পাক মাটি দিয়ে তায়াস্মুম করে নাও। সঙ্গের পানিটুকু পান করার জন্য রেখে দাও।^৮

বসরার ওয়ালী বিলাল ইবন আবু বুরদা তাঁর সাথে সাক্ষাৎ করতে গিয়ে দেখেন, তিনি মোটা পশমী কাপড়ের জুকো পরে আছেন। বিলাল তাঁকে বললেন : আবু 'আবদিল্লাহ! আপনি এমন মোটা খস্খসে কাপড় পরেন কেন? তিনি কোন উত্তর দিলেন না। বিলাল বললেন : আবু 'আবদিল্লাহ! আপনি আমার প্রশ্নের উত্তর দিচ্ছেন না কেন?

এবার তিনি বললেন : আমি এটাকে যুহুদ তথা দুনিয়ার ভোগ-বিলাসের প্রতি নির্লিপ্ততা বলতে চাই না। কারণ, তাতে নিজেকে পবিত্র মনে করা হবে। আবার অভাব ও দারিদ্র্যও বলতে চাই না। কারণ, তাতে আল্লাহর বিরক্তে অভিযোগ করা হবে। আমি এ দু'টোর কোনটাই বলতে চাই না।

বিলাল বললেন : আপনার কোন কিছুর প্রয়োজন আছে কি যা আমি পূরণ করতে পারি? মুহাম্মাদ ইবন ওয়াসি' বললেন : মানুষের নিকট চাইতে হবে আমার নিজের তো এমন কোন প্রয়োজন নেই। তবে একজন মুসলিম ব্যক্তির একটি প্রয়োজনের কথা আপনাকে বলছি। বিলাল বললেন : বলুন, ইনশাআল্লাহ আমি পূরণ করবো।

সব শেষে বিলাল বললেন : আবু 'আবদিল্লাহ! তাকদীর বিষয়ে আপনার বক্তব্য কি?

জবাবে তিনি বললেন : ওহে আমীর! আল্লাহ রাবুল 'আলামীন কিয়ামাতের দিন তাঁর বাস্তাদেরকে তাকদীর বিষয়ে জিজ্ঞেস করবেন না। তিনি জানতে চাইবেন তাদের অবস্থা ও আমল সম্পর্কে।

এমন জবাব শুনে ওয়ালী চুপ হয়ে যান এবং ভীষণ লজ্জিত হন। কিছুক্ষণ চুপ করে বসে থেকে নীরবে মজলিস ত্যাগ করেন।^৯

মালিক ইবন দীনার বলতেন : আমি মুহাম্মাদ ইবন সীরীনকে জান্নাতে দেখেছি এবং মুহাম্মাদ ইবন ওয়াসি'কেও জান্নাতে দেখেছি। আল-হারিছ ইবন ওয়াজীহ একবার তাঁকে জিজ্ঞেস করলেন : হাসান আল-বাসরী কোথায়? বললেন : হাসান সিদরাতুল মুনতাহা'র নিকটে আছেন।^{১০}

৮. 'আসরুত তাবি'ইন-২/৩৪৬, ৩৫৫

৯. প্রাতৃক-৩৫৬

১০. তাহ্যীর আল-কামাল-১৭/৩০৩

মনীষা ও জ্ঞান

মুহাম্মাদ ইবন ওয়াসি' (রহ) মাত্র ১৫ (পনেরো)টি হাদীছ বর্ণনা করেছেন।^{১১} তিনি একজন বিশ্বস্ত, সৎ ও তাপস ব্যক্তি ছিলেন। অন্যতম শ্রেষ্ঠ হাদীছ বিশারদ দারকুতনী বলেন :

إِنْ مُحَمَّدَ بْنَ الْوَاسِعِ الْأَزْدِيِّ رَجُلٌ ثَقِيلٌ بِرُوَاةِ ضَعْفَاءِ.

‘মুহাম্মাদ ইবন আল-ওয়াসি’ একজন বিশ্বস্ত ব্যক্তি যিনি দুর্বল রাবীদের দ্বারা পরীক্ষিত বা বিআন্ত হয়েছেন।^{১২}

তাঁর সমকালীন আরেকজন মনীষী দামরা ইবন শাওয়াব বলেন : মুহাম্মাদ ইবন আল-ওয়াসি' প্রকাশ্য ইবাদতে খুব বেশি নিমগ্ন থাকতেন না। ফাতওয়ার দায়িত্বও অন্যরা পালন করতেন। কিন্তু যখন প্রশ্ন করা হতো : বসরার সর্বোত্তম ব্যক্তিটি কে? বলা হতো : মুহাম্মাদ ইবন আল-ওয়াসি' আল-আয়দী। আমি তাঁর চেয়ে বেশি বিনয়ী লোক কথনো কাউকে দেখিনি।^{১৩} বসরার অধিবাসী অপর এক ব্যক্তি বলেন : আমি যখন আমার অন্তরে কিছুটা কঠোরতার ভাব উপলব্ধি করতাম তখন মুহাম্মাদ ইবন আল-ওয়াসি'র নিকট গিয়ে তাঁর মুখের দিকে তাকিয়ে তাকতাম। প্রথ্যাত মুহাদিছ তাবিঁই মালিক ইবন দীনার ছিলেন মুহাম্মাদের অন্তরঙ্গ বন্ধু ও সহচর। একদিন মুহাম্মাদ তাঁর বাড়িতে অবস্থানকালে বসরার আমীর মালিকের নিকট কিছু অর্থ পাঠালেন এবং তিনি তা গ্রহণ করলেন। শায়খুল বসরা মুহাম্মাদ তাঁকে বললেন : আপনি তাঁদের অনুদান গ্রহণ করলেন? মালিক বললেন : দু'দিন অপেক্ষা করুন এবং আমার সহচরদের নিকট জিজ্ঞেস করুন। তাঁর কথা মত তিনি তাঁর বন্ধুদের নিকট জিজ্ঞেস করলেন। তাঁরা বললেন : মালিক ইবন দীনার সেই অর্থ দিয়ে কিছু দাস দ্রব্য করে আল্লাহর সন্তুষ্টির উদ্দেশ্যে তাদের মুক্ত করে দেন। এ কথা শোনার পর মুহাম্মাদ তাঁর প্রতি সন্তুষ্ট হলেন। অতঃপর তিনি যখন মালিকের সাথে মিলিত হলেন তখন মালিক বললেন : আবু 'আবদিল্লাহ, আমি আপনাকে আল্লাহর কসম দিয়ে জানতে চাচ্ছি, আপনি কি আমার প্রতি সন্তুষ্ট আছেন? মুহাম্মাদ বললেন : আল্লাহর কসম! না। মালিক বললেন : আমি ভুল করে চলেছি। মুহাম্মাদ ইবন আল-ওয়াসি'র মত লোকেরাই আল্লাহর ইবাদত করে থাকে। মালিক তাঁর দিকে তাকিয়ে আরো বলেন : আমি অবশ্য এমন মানুষকে ঈর্ষা করি যার মধ্যে দীনদারী আছে এবং দুনিয়ার কোন কিছু নেই; অথচ তিনি সন্তুষ্ট।^{১৪}

তাঁর ছেলে 'আবদুল্লাহ। একবার জনৈক ব্যক্তির সাথে তার একটু ঝগড়া হয়। লোকটি ছেলের বিরুদ্ধে পিতার নিকট নালিশ করে। তিনি অত্যন্ত শুরু কঢ়ে ছেলেকে লক্ষ্য করে

১১. প্রাঞ্জক-১৭/৩০২; 'আসরূত তাবিঁইন-৩৫৬

১২. তাহ্যীর আল-কামাল-১৭/৩০২

১৩. প্রাঞ্জক; 'আসরূত তাবিঁইন-৩৫৬

১৪. সিয়াকু আ'লাম আন-নুবালা'-৬/১২০

বলেন : তুমি মানুষের সাথে বাড়াবাঢ়ি কর, অথচ আমি তোমার পিতা? আল্লাহ যেন মুসলিম সমাজে তোমার মত মানুষের সংখ্যা না বাড়ান।^{১৫}

তিনি সত্য উচ্চারণে তিরক্ষার ও অপমান-লাঞ্ছনিকে মোটেও পরোয়া করতেন না। বসরার শাসনকর্তা মালিক ইবন আল-মুনফির মুহাম্মাদকে বসরার কাজী নিয়োগ করার ইচ্ছা প্রকাশ করলেন। তিনি এই নিয়োগ গ্রহণে অস্বীকৃতি জানালেন এই বলে : এই বিচারের সাথে আমার সম্পর্ক কি? মালিক দৃত পাঠালেন এই নিয়োগ গ্রহণে তাঁকে রাজী করানোর জন্য। তিনিও একই কথা বলে তাকে ফিরিয়ে দিলেন। মালিক যে ব্যক্তিকে পাঠালেন সে তাঁকে বললো : হয় আপনি কাজীর আসনে বসবেন নয়তো আমি আপনাকে তিন শো চাবুক মারবো। জবাবে তিনি দৃতকে বললেন : তুমি মালিককে বল, যদি তিনি এয়নটি করেন তাহলে তিনি হবেন একজন অত্যাচারী শাসক। আর দুনিয়ার লাঞ্ছনা আখিরাতের লাঞ্ছনার চেয়ে ভালো।^{১৬}

সে যুগে বসরার নিয়ম ছিল, মানুষ কোন একজন বিশিষ্ট ব্যক্তিকে ঘিরে বসতো এবং তিনি তাদেরকে দীন, ফিক্হ ও মাগারী তথা রাসূলুল্লাহর (সা) যুদ্ধ-বিহুরের কথা শোনাতেন। একবার এমন একটি মজলিসে তিনিও বসা ছিলেন। তিনি উপদেশ দানকারী বক্তাকে বলতে শুনলেন : আমার উপদেশ শুনে কারো অন্তর নরম হচ্ছে না, চোখ থেকে অঞ্চ ঝরছে না এবং গায়ের চামড়া ভয়ে কাঁপছে না- আমি এমন দেখছি কেন?

তিনি সাথে সাথে বলে উঠলেন : ওহে, আমার মনে হয় আপনার জন্যই মানুষের এমন অবস্থা হয়েছে। কারণ, উপদেশাবলী যখন অন্তর থেকে বের হয় তখন তা অন্তরের উপরেই পড়ে।^{১৭}

এরকম ঘটনা অন্য একজন আমীরের সাথে তাঁর ঘটে। সেই আমীরের নাম বিলাল ইবন আবী বুরদা। তিনি একবার মুহাম্মাদকে তাঁর গৃহে খাবারের দাওয়াত দিলেন। মুহাম্মাদ সে দাওয়াত প্রত্যাখ্যান করলেন। আমীর ভীষণ ক্ষুঁক হলেন। মুহাম্মাদকে লক্ষ্য করে বললেন : আমি সব সময় দেখি, আপনি আমাদের খাবার ঘৃণা করছেন। মুহাম্মাদ বললেন : মহামান্য আমীর! আপনি এমন কথা বলবেন না। আল্লাহর কসম! আপনাদের মধ্যে যারা ভালো মানুষ তারা আমার সন্তানদের চাইতেও আমার বেশি প্রিয়।^{১৮}

তাঁর বীরত্ব ও সাহসিকতা

পারস্যে তখন মুসলিম বাহিনীর সাথে যে যুদ্ধ চলছিল মুহাম্মাদ ইবন আল-ওয়াসি' তাতে অংশ গ্রহণের জন্য সেনাবাহিনীতে যোগ দেন। বিশেষত : জুরজান ও তাবারিন্তানের যুদ্ধে। এ বাহিনীর কমান্ডার ছিলেন ইয়ায়ীদ ইবন আল-মুহাম্মাদ ইবন আবী সুফরা। তিনি তখন খুরাসানের ওয়ালী।

১৫. প্রাণক্ষণ

১৬. প্রাণক্ষণ-৬/১২২; তাহ্যীব আত-তাহ্যীব-৯/৪৪২

১৭. সিয়ারু আ'লাম আন-নুবালা'-৬/১২২

১৮. প্রাণক্ষণ; সুওয়ারুন মিনহায়াত আত-তাবি'উন-২৪৯

মুসলিম বাহিনী দাহিত্তান নামক একটি অঞ্চলে প্রবেশ করলো। যেখানে তুর্কী সম্প্রদায়ের লোকেরা বসবাস করতো। তারা ছিল দারুণ শক্তিশালী, দু:সাহসী এবং দুর্ভেদ্য দুর্গসমূহের অধিকারী। তাদের এ অবস্থা দেখে মুসলিম বাহিনী অনেকটা ভীত হয়ে পড়লো। তারা মনে করলো তাদেরকে পরাভূত করা অভ্যন্ত কঠিন ব্যাপার।

মুসলিম বাহিনীর এমন সংকটজনক পরিস্থিতিতে মুহাম্মাদ ইবন আল-ওয়াসি' এমনি দু:সাহসিক ভূমিকা পালন করেন যা মুসলিম মুজাহিদদের ভগ্ন মনোবলকে আবারো চাঙ্গা ও সতেজ করে তোলে। তিনি গলা ফাটিয়ে চিৎকার করে আহ্বান জানান : ওহে আল্লাহর অস্তারোইগণ! তোমরা নিজ নিজ অঙ্গের পিঠে আরোহণ কর!

এ আহ্বানের সাথে সাথে মুসলিম মুজাহিদগণ সমুদ্রের তরঙ্গের গতিতে এমনভাবে ধাবিত হতে থাকে যে, তাদের সামনে দাঁড়াতে কেউ দু:সাহস করেনি। তাদের হৃষ্কার ও আস্ফালন দেখে প্রতিপক্ষ বাহিনী ভীত-কম্পিত হয়ে পড়ে।

বসরার 'আবিদ-মুহাম্মাদ ইবন আল-ওয়াসি' কেবল সৈনিকদের মনোবল চাঙ্গা করেই ক্ষমত হলেন না, বরং তরবারি কোষমুক্ত করে সজোরে এদিক ওদিক চালাতে থাকেন। এর মধ্যে শক্রবাহিনীর মধ্য থেকে বিশাল দেহের অধিকারী শক্তিমান ও ক্ষিপ্রগতি সম্পন্ন একজন যোদ্ধা বেরিয়ে আসে এবং মুসলিম বুহের মধ্যে চুকে যত্নত আঘাত হানতে থাকে। তার প্রচণ্ড আক্রমণে মুসলিম বাহিনীর যোদ্ধারা পিছু হট্টে থাকে। তাদের অস্তরে ভীতির সঞ্চার হয়। সে ওজ্জ্বলের সাথে মুসলিম যোদ্ধাদের উদ্দেশ্যে আহ্বান জানায় : কে আমার সঙ্গে দ্বন্দ্ব যুদ্ধে অংশগ্রহণ করবে? কে আমার সাথে দ্বন্দ্ব যুদ্ধে লিঙ্গ হবে?

মুসলিম বাহিনীর মধ্য থেকে বসরার এই 'আবিদ চিৎকার করে বলে উঠলেন : আমিই এই বলদপী, অহংকারীর আহ্বানে সাড়া দিতে ইচ্ছুক?

মুসলিম বাহিনীর মধ্যে শোরগোল পড়ে গেল, তারা সমস্তেরে বলে উঠলো, না তিনি একজন বয়োবৃদ্ধ মানুষ, তাঁকে এই চ্যালেঞ্জের মোকাবিলায় পাঠানো যাবে না। সবার অনুরোধে তিনি সিদ্ধান্ত পরিবর্তন করলেন। তবে এক তরুণ মুসলিম সৈনিকের তরবারির খাপ স্পর্শ করে তার সাফল্যের জন্য দু'আ করলেন। এই মহান তাবিঁইর দু'আর বরকতে সৈনিকটি দু:সাহসী হয়ে ওঠেন এবং অত্যন্ত সতর্কতার সাথে সামনে এগিয়ে যান। তিনি তাঁর প্রতিপক্ষের মাথায় তরবারির এমন আঘাত হানেন যে, তা দু'খণ্ডে বিভক্ত হয়ে যায়। শক্র-সৈনিকও তাঁর মাথা তাক করে আঘাত হানে, কিন্তু তাঁর লোহার বর্ম তা ঢেকিয়ে দেয়। বর্মটি দু'খণ্ড হয়ে গেলেও মাথা স্পর্শ করেনি। তিনি যখন ফিরে আসলেন তখন তাঁর তরবারি থেকে ফোঁটা ফোঁটা রক্ত পড়ছিল।

এ দৃশ্য দেখে মুসলিম বাহিনী তাকবীর ধ্বনি দিয়ে দিক-দিগন্ত মুখরিত করে তোলে। তাঁরা এই মহান 'আবিদ-তাবিঁ'কে শুন্দাভরে তাকিয়ে দেখতে থাকে এবং তাঁর হাতে চুম্ব খাওয়ার জন্য হৃমড়ি খেয়ে পড়ে। অতঃপর মুসলিম বাহিনী একমোগে আক্রমণ চালিয়ে শক্রবাহিনীকে আত্মসমর্পণে বাধ্য করে। তারা সক্ষি করে এবং জিয়িয়া দানে সম্মত হয়। মুসলিম বাহিনী যুদ্ধে অগণিত ধন-সম্পদ গণিত হিসেবে লাভ করে। তার মধ্যে ছিল

লক্ষ লক্ষ দিরহাম, অসংখ্য রূপোর পানপাত্র এবং বিশুদ্ধ স্বর্ণের বহু মুকুট। এ যুক্তে
মুসলিম বাহিনীর অধিনায়ক ছিলেন ইয়ায়ীদ ইবন আল মুহাম্মাদ। তিনি সবচেয়ে বড়
মুকুটটি হাতে নিয়ে সৈনিকদের উদ্দেশ্যে বললেন : আমার ধারণা, আমাদের মধ্যে এমন
কেউ নেই যে, এটা গ্রহণ করতে ইচ্ছুক নয়। সবাই বললো : হঁ, আপনি ঠিক বলেছেন।
ইয়ায়ীদ বললেন : আজ আমি তোমাদেরকে দেখাবো, মুহাম্মাদ (সা)-এর উম্মাতের মধ্যে
এখনো এমন ব্যক্তিও আছেন যিনি এটা গ্রহণ করতে ইচ্ছুক নন। তারপর তিনি মুহাম্মাদ
ইবন আল-ওয়াসিঁকে হাজির করার নির্দেশ দিলেন। বহু খৌজাখুজির পর তাঁকে হাজির
করা হলো। ইয়ায়ীদ সোনার মুকুটটি হাতে নিয়ে বললেন : ওহে আবু 'আবদিল্লাহ,
মুসলিম সৈনিকরা এই মুকুটটির দাবী ত্যাগ করেছে। এটি আমি আপনাকে দিলাম।
মুহাম্মাদ সাথে সাথে বলে উঠলেন : মাননীয় আমীর! আমার এর প্রয়োজন নেই। আল্লাহ
আপনাকে উত্তম প্রতিদান দিন। ইয়ায়ীদ আল্লাহর কসম দিয়ে মুকুটটি গ্রহণের জন্য তাঁকে
পীড়াপীড়ি করলেন। অবশ্যে তিনি হাত বাড়িয়ে মুকুটটি নিয়ে দ্রুত স্থান ত্যাগ
করলেন। সৈনিকরা একটু বিদ্রূপের সুরে বললেন, এই কি ইছার তথা আত্মত্যাগের
নমুনা? তিনি তো মুকুটটি নিয়ে চলে গেলেন।

অধিনায়ক ইয়ায়ীদ একজন তরুণকে নির্দেশ দিলেন গোপনে তাঁকে অনুসরণ করে
মুকুটটি তিনি কি করেন তা দেখার জন্য। ছেলেটি তাঁকে অনুসরণ করে পিছে পিছে
গেল। বসরার এই 'আবিদ কিংকর্তব্য বিমৃঢ় অবস্থায় পথ চলছেন। ভাবছেন, এই মুকুটটি
তিনি কী করবেন? এমন সময় দেখা পেলেন ছেঁড়া-ময়লা পোশাক পরা উসকো-কুসকো
চুল ও ধূলি-মলিন চেহারার একজন লোকের। লোকটি তাঁকে বললো : আল্লাহর মাল
থেকে আমাকে কিছু দান করুন! তিনি তাঁকে সোনার মুকুটটি দান করলেন। তারপর
এমন উৎফুর্ল অবস্থায় দ্রুত চলতে লাগলেন, যেন কোন মারাত্মক বিপদ থেকে মুক্ত
হয়েছেন। অনুসরণকারী সৈনিকটি ধূলি-মলিন লোকটিকে মুকুটসহ ধরে সেনা-কমাণ্ডার
ইয়ায়ীদ ইবন মুহাম্মাদের নিকট নিয়ে গেল। তিনি তাঁর বাহিনীর সদস্যদের সমবেত করে
তাদের সামনে দাঁড়িয়ে বললেন : আমি কি তোমাদের বলেছিলাম না যে, এই উম্মাতের
মধ্যে এখনো এমন একজন মানুষ আছেন যিনি এই সোনার মুকুট তুচ্ছ মনে করেন?
মুকুটের প্রতি তাঁর কোন লোভ নেই?

যুক্তে মুসলিম বাহিনীর বিজয় হলো। বসরার এই 'আবিদ তাঁর উপর অর্পিত সকল দায়িত্ব
শেষ করে হজ্জের উদ্দেশ্যে মুক্তির পথে রওয়ানা হওয়ার সিদ্ধান্ত নিয়ে সেনা-কমাণ্ডারের
অনুমতি চাইলেন। তিনি বললেন : আপনি আপনার খুশীমত যা ইচ্ছা করতে পারেন।
বায়তুল্লাহ পর্যন্ত অগ্রণের জন্য আমি আপনাকে কিছু নগদ অর্থ দিচ্ছি। বসরার 'আবিদ
বললেন : সমপরিমাণ অর্থ কি বাহিনীর সকল সৈনিককে দিচ্ছেন? কমাণ্ডার ইয়ায়ীদ
বললেন : না, সকলকে দিচ্ছি না। বসরার 'আবিদ বললেন : যে অর্থ দ্বারা আমাকে
অন্যদের থেকে বিশেষভাবে সম্মানিত করা হচ্ছে এমন অর্থের আমার প্রয়োজন নেই।
তারপর তিনি 'আস-সালামু 'আলাইকা, ইয়া-আমীরুল জায়শ' (সালাম, ওহে সেনা
অধিনায়ক) বলে যাত্রা শুরু করেন।

ইয়াবীদের চোখে-মুখে বিশ্ময়ের ছাপ ফুটে উঠলো। তিনি মুখে হাসি ফুটিয়ে জোরে বলে উঠলেন : ওয়া ‘আলাইকাস সালাম! ওহে ‘আবদুল্লাহ, কা’বার চতুরে বসে আমাদের জন্য দু’আ করবেন।^{১৯}

দুনিয়ার সকল সুখ-সম্পদের প্রতি তিনি সম্পূর্ণ নির্মোহ ব্যভাবের ছিলেন। ভোগ-বিলাসিতা তাঁকে মোটেও আকর্ষণ করতে পারেনি। তাই আল্লাহর পথে জিহাদের দায়িত্ব পালন শেষে আল্লাহর আরেকটি ইবাদত সম্পাদনের উদ্দেশ্যে বাযতুল্লাহর দিকে যাত্রার সিদ্ধান্ত নেন। সম্ভবত এটা তাঁর ৪ৰ্থ অথবা ৫ম বারের হজ্জ ছিল।

ওফাত

হিজরী ১২৩ সনে তিনি অন্তিম রোগ শয্যায় আশ্রয় নেন।^{২০} ভঙ্গ-অনুরাগীদের উপর উদ্বেগ-উৎকর্ষ ভর করে। দর্শনার্থীদের ভীড়ে বাড়ি লোকে লোকারণ্য হয়ে যায়।^{২১} তিনি তাঁর জীবনের সর্বশেষ যে দু’আটি করেন তা নিম্নরূপ :

اللَّهُمَّ إِنِّي أَسْتَغْفِرُكَ مِنْ كُلِّ مَقَامٍ سُوءٍ قُمْتُهُ، وَمِنْ كُلِّ
مَدْخَلٍ سُوءٍ دَخَلْتُهُ، وَمِنْ كُلِّ مَخْرَجٍ سُوءٍ خَرَجْتُهُ، وَمِنْ كُلِّ عَمَلٍ سُوءٍ عَمِلْتُهُ، وَمِنْ
كُلِّ قَوْلٍ سُوءٍ قُلْتُهُ. اللَّهُمَّ إِنِّي أَسْتَغْفِرُكَ مِنْ ذَلِكَ كُلَّهُ فَاغْفِرْهُ لِيْ، وَأَتُوبُ لَكَ مِنْهُ
فَتَبِعْ عَلَىْ.

“হে আল্লাহ! আমি তোমার নিকট মাগফিরাত কামনা করছি, এমন প্রতিটি খারাপ দাঁড়ানোর জায়গা থেকে যেখানে আমি দাঁড়িয়েছি, এমন প্রতিটি খারাপ বসার স্থান থেকে যেখানে আমি বসেছি, এমন প্রতিটি খারাপ প্রবেশ পথ থেকে যে পথে আমি প্রবেশ করেছি, এমন প্রতিটি বের হওয়ার খারাপ পথ থেকে যে পথে আমি বের হয়েছি, এমন প্রতিটি খারাপ কাজ থেকে যা আমি করেছি এবং এমন প্রতিটি খারাপ কথা থেকে যা আমি বলেছি। হে আল্লাহ! আমি এর সবকিছু থেকে তোমার মাগফিরাত কামনা করছি, তুমি আমাকে ক্ষমা কর। আমি সবকিছু থেকে তাওবা করছি, তুমি আমার তাওবা করুন কর!”

তারপর তিনি পাশে বসা তাঁর এক বন্ধুর দিকে তাকিয়ে বললেন :^{২২}

أَخْبَرْنِي بِاللَّهِ عَلَيْكَ مَا يَغْنِي هُؤُلَاءِ عَنِّي إِذَا أَخْذَبْنَا صِيتِي وَقَدْمِي غَدَا وَأَلْقِيتَ فِي النَّارِ؟

১৯. ‘আসকৃত তাবিঁইন-৩৬০-৩৬১; সুওয়ারুন মিন হায়াত আত-তাবিঁইন-২৩১-২৩৮

২০. সিয়ারু আ’লাম আন-নুবালা’-৬/১২৩

২১. ‘আসকৃত তাবিঁইন-৩৬১

২২. প্রাঞ্জলি-৩৬১

“আল্লাহর নামে কসম দিয়ে বলছি, তুমি আমাকে বল আগামী কাল যখন আমাকে আমার মাথার সামনের দিকের চুল ও পায়ের গোড়ালী ধরে জাহানামে নিষ্কেপ করা হবে তখন উপস্থিত এসকল লোক কি আমার কোন কাজে আসবে?”

তারপর তিনি নিম্নের আয়াতটি অনুচ্ছ কর্তে পাঠ করতে করতে অনন্তের পথে যাত্রা করেন :^{২৩}

يُعْرَفُ الْمُجْرِمُونَ بِسَيِّئِهِمْ فَيُؤْخَذُ بِالنَّوَاصِيِّ وَالْأَقْدَامِ.

“অপরাধীদের পরিচয় পাওয়া যাবে তাদের লক্ষণ হতে, তাদেরকে পাকড়াও করা হবে মাথার ঝুঁটি ও পা ধরে।”

জা'ফার ইবন সুলায়মান বলেন, এই হিজরী ১২৩ সনে ছাবিত, মালিক ইবন দীনার ও মুহাম্মাদ ইবন ওয়াসি‘ মৃত্যুবরণ করেন।^{২৪}

তিনি যে সকল মনীষীর নিকট থেকে হাদীছ শোনেন এবং যাঁদের সূত্রে বর্ণনা করেন তাঁদের মধ্যে প্রখ্যাত সাহাবী আনাস ইবন মালিক (রা) অন্যতম। তাহাড়া খ্যাতিমান তাবি'ঈদের মধ্যে হাসান আল-বাসরী, যাকওয়ান আবী সালিহ আস-সাম্মান, সালিম ইবন আবদিল্লাহ ইবন 'উমার, সাঈদ ইবন জুবায়র, সুলায়মান আল-আশ'ভাউস ইবন কায়সান, 'আবদুল্লাহ ইবন আস-সামিত, 'আতা' ইবন আবী রাবাহ, মুহাম্মাদ ইবন সীরীন, মুহাম্মাদ ইবন আল মুনকাদির, মুতাররিফ ইবন 'আবদিল্লাহ আশ-শিখখীর, মু'আবিয়া ইবন কুররা আল-মুয়ানী, আবু বুরদা ইবন আবী মূসা আল-আশ'আরী, আবু সালিহ আল হানাফী, আবু নাদরা আল-'আবদী (রহ) প্রমুখ বিশেষ উল্লেখযোগ্য।

তাঁর সুযোগ্য ছাত্রদের নামের তালিকা অনেক দীর্ঘ। এখানে কয়েকজনের নাম উল্লেখ করা হলো : আয়হার ইবন সি'নান আল-কুরাশী, ইসমা'ঈল ইবন মুসলিম আল-'আবদী, হাসান ইবন দীনার, হাম্মাদ ইবন যায়দ, 'উছমান ইবন 'আমর (রহ) ও আরো অনেকে।^{২৫}

২৩. 'আসরুত তাবি'ঈন-৩৬২

২৪. তাহ্যীব আল-কামাল-১৭/৩০৩

২৫. প্রাঞ্জলি-১৭/৩০১-৩০২

হিশাম ইবন উরওয়া (রহ)

হযরত আবু 'আবদিল্লাহ হিশাম ছিলেন প্রখ্যাত সাহাবী হযরত খুবায়র ইবন আল-আওয়ামের (রা) পৌত্র। তাঁর পিতা হযরত উরওয়া (রহ) একজন অতি উচ্চ স্তরের তাবিঁই এবং মদীনার বিখ্যাত সাতজন ফকীহর অন্যতম। তাঁর ডাকনাম ছিল আবু 'আবদিল্লাহ, মতান্তরে আবু আল-মুনফির।

'আবদুল্লাহ ইবন দাউদ আল-খুরায়বী বলেন : তালহা ইবন ইয়াহইয়া, আল-আ'মাশ, হিশাম ইবন উরওয়া ও 'উমার ইবন 'আবদিল 'আবীয়- তাঁরা সকলে হসাইন ইবন 'আলীর (রা) শাহাদাতের বছরে জন্মগ্রহণ করেন। আবু হাফ্স বলেন : হসাইন (রা) শহীদ হন হিজরী ৬১ সনে।'^১

হযরত হিশাম (রহ) শ্রেষ্ঠ সাহাবীদের মধ্যে হযরত 'আবদুল্লাহ ইবন উমারকে (রা) দেখেছিলেন। তিনি বলেছেন, একবার আমার ভাই মুহাম্মদ ও আমাকে 'আবদুল্লাহ ইবন 'উমারের (রা) নিকট পাঠানো হয়। তিনি আমাদেরকে কোলে বসিয়ে চুম্ব দিয়েছিলেন।^২ সম্ভবতঃ এই সাক্ষাতে অথবা অন্য কোন সাক্ষাতে ইবন 'উমার (রা) তাঁর মাথার উপর হাত বুলিয়ে দু'আ করেছিলেন।^৩ তাছাড়া তিনি আনাস ইবন মালিক, জাবির ইবন 'আবদিল্লাহ ও সাহুল ইবন সাঁদের (রা) দর্শনও লাভ করেন^৪

জ্ঞান ও মনীষা

হিশাম (রহ) যেমন একজন অতি উচ্চ স্তরের তাবিঁইর পুত্র, তেমনি একজন অতি উচ্চ স্তরের মহান সাহাবীর পৌত্রও ছিলেন। এজন্য বলা চলে উত্তরাধিকার সূত্রে তাঁর মধ্যে ইল্ম ও 'আমল তথা জ্ঞান ও কর্মের সমাবেশ ঘটেছিল। তাঁকে তাঁর সময়ের 'আলিম তাবিঁইদের মধ্যে গণ্য করা হতো। ইমাম নাওবী (রহ) লিখেছেন, তাঁর বিশ্বস্ততা, মহত্ত্ব ও ইমামত বা ইমাম হওয়ার ব্যাপারে সকলের ঐকমত্য আছে।^৫

হাদীছ

হাদীছের একজন বিশিষ্ট হাফিজ ছিলেন। ইবন সাঁদ তাঁকে -
- ثقة ثبت كثير الحديث -
বলেছেন। অর্থাৎ নির্ভরযোগ্য, সুদৃঢ় ও বহু হাদীছের ধারক-বাহক। তিনি হজ্জাত
(গ্রামাণ)ও ছিলেন।^৬

-
১. তাহ্যীব আল-কামাল ফী 'আসমা' আর-রিজাল-১১/২৬৬, ২৭০
 ২. খাতীব আল-বাগদাদী, তারিখু বাগদাদ-১৪/৩৮
 ৩. তাহ্যীব আত-তাহ্যীব-১১/৪৮
 ৪. তাহ্যীব আল-কামাল-১১/২৬৬
 ৫. তাহ্যীব আল-আসমা' ওয়াল লুগাত-১/১৩৮
 ৬. আত-তাবাকাত-৭/৬৭

ইমাম যাহাবী (রহ) তাঁকে ইমাম, হাফিজ ও লজ্জাত বলেছেন। শ্রেষ্ঠ হাদীছ বিশারদগণ তাঁর ব্যাপক জ্ঞানের কথা স্বীকার করেছেন। আবু হাতিম আর-রায়ী তাঁকে হাদীছের ইমাম বলতেন এবং উহায়ব, হাসান আল-বসরী ও ইবন সৈরীনের (রহ) সমর্যাদা দান করতেন। উচ্মান আদ-দারিমী একবার ইবন মা'ঈনকে জিজেস করেন : হিশাম আপনার বেশি প্রিয় না যুহুরী? তিনি বলেন : তাঁরা দু'জনই আমার প্রিয়। তিনি কাউকে প্রাধান্য দেননি।^৭

তাঁর শাস্ত্র বা শিক্ষকগণ

সাহাবীদের মধ্যে তিনি কেবল স্থীয় চাচা হয়েরত 'আবদুল্লাহ ইবন যুবায়রের (রা) নিকট থেকে জ্ঞান অর্জন করেন। তাহাড়া তৎকালীন অন্য 'আলিমদের মধ্যে 'আবদুল্লাহ ইবন উরওয়া, 'আব্বাদ ইবন 'আবদিল্লাহ, 'আমর ইবন খুয়ায়মা, 'আওফ ইবন হারিছ ইবন তুফায়ল, আবু সালামা ইবন 'আবদির রহমান, ইবন মুনকাদির, ওয়াহাব ইবন কায়সান, সালিহ ইবন আবিস সালিহ আস-সাম্যান, 'আবদুল্লাহ ইবন আবী বাকর, 'আবদুর রহমান ইবন সা'দ, মুহাম্মদ ইবন ইবরাহীম (রহ) প্রমুখের নিকট থেকেও হাদীছ শোনেন ও তাঁদের সূত্রে বর্ণনা করেন।^৮

তাঁর ছাত্রবৃন্দ

তাঁর ছাত্রদের মধ্যে সর্বাধিক খ্যাতিমান কয়েকজন হলেন : ইয়াহইয়া ইবন সা'ঈদ আল-আনসারী, আইউব আস-সাখতিয়ানী, মালিক ইবন আনাস, 'উবায়দুল্লাহ ইবন 'উমার, ইবন জুরায়জ, সুফইয়ান আছ-ছাওরী, লায়ছ ইবন সা'দ, সুফইয়ান ইবন 'উবায়না, ইয়াহইয়া ইবন সা'ঈদ আল-কাত্তান, ওয়াকী' ইবন আল-জাররাহ, আবান ইবন ইয়ায়ীদ আল-'আওর, মুহাম্মাদ ইবন ইসহাক, ইউনুস ইবন বুকাইর (রহ) প্রমুখ।^৯

তাঁর মুহতারাম পিতা হয়েরত 'উরওয়া (রহ) ছিলেন যদীনার বিখ্যাত সাত ফকীহর অন্যতম। পিতার এ শাস্ত্রের জ্ঞানের একটা বিরাট অংশ তিনি লাভ করেন। ইমাম যাহাবী (রহ) তাঁকে ফকীহ বলে উল্লেখ করেছেন।^{১০}

তিনি যেমন ছিলেন অগাধ জ্ঞানের অধিকারী তেমনি ছিলেন 'আমল-আখলাকে উৎকর্ষমণ্ডিত। ইবন হিবান তাঁকে একজন বিদ্঵ান ও খোদাভীরু বলে উল্লেখ করেছেন।^{১১}

তিনি অত্যন্ত অমায়িক ও ভদ্র মানুষ ছিলেন। মুখ থেকে কখনো কোন অহেতুক কথা বের হতো না। মুন্যির ইবন 'আবদিল্লাহ বলেন, আমি হিশামের মুখ থেকে মাত্র একবার ছাড়া

৭. তায়কিরাতুল হফ্ফাজ-১/১৪৪

৮. তাহ্যীব আত-তাহ্যীব-১১/৪৮; তাহ্যীব আল-কামাল-১৯/২৬৬

৯. প্রাপ্তক

১০. তায়কিরাতুল হফ্ফাজ-১/১৪৪

১১. তাহ্যীব আত-তাহ্যীব-১১/৪৯

আর কখনো কোন খারাপ কথা শুনিনি।^{১২} অত্যন্ত উদার ও দানশীল ছিলেন। দানশীলতা এত সীমা ছেড়ে যায় যে, এক লাখ দিরহাম ঝণ্টস্ত হয়ে পড়েন।

বাগদাদ সফর

বিরাট অংকের ঝণ পরিশোধের দুঃচিন্তায় ছিলেন। তাই তিনি এর একটা উপায় বের করার জন্য বাগদাদে আবাসীয় খলীফা আবু জাফার আল-মানসুরের নিকট যান। তিনি স্বাস্থ্যে স্বাগতম জানান। আলাপ-আলোচনার এক পর্যায়ে তিনি তাঁর ঝণের বিষয়টি উত্থাপন করেন। খলীফা জানতে চান : ঝণের পরিমাণ কত? বললেন : এক লাখ দিরহাম। মানসূর বললেন, আপনি এত বড় বিদ্বান, সম্মান ও মর্যাদার অধিকারী ব্যক্তি হয়ে এত মোটা অংকের ঝণ গ্রহণ করেন কেন, যা পরিশোধ করা আগন্তুর সাধের বাইরে? তিনি বললেন : আমার বংশের অনেক ছেলে যুবক হয়েছে। শক্তি হলাম এই ভেবে যে, যদি তাদের বিয়ে না দেয়া হয় তাহলে খারাপ পথে চলে যেতে পারে। তাই আমি আল্লাহ ও আমীরুল মু'মিনীনের উপর ভরসা করে তাদের বিয়ে দিলাম এবং তাদের পক্ষ থেকে ওল্লিমাও করলাম। এসব ঝণ সেই কারণে। আবু জাফার মানসূর বিশ্বয়ের সুরে দু'বার উচ্চারণ করেন : এক লাখ! এক লাখ! তারপর তিনি হিশামকে দশ হাজার দিরহাম দানের নির্দেশ দেন। হিশাম বললেন : আমীরুল মু'মিনীন যা কিছু দিচ্ছেন তা কি সম্ভব্য নাকি একান্ত বাধ্য হয়ে? আমি শুনেছি, রাসূলুল্লাহ (সা) বলতেন : যে ব্যক্তি সম্ভৱ্যভাবে যা কিছু দেয়, তাহলে তাতে দানকারী ও গ্রহণকারী উভয়ের কল্যাণ ও সমৃদ্ধি হয়। আল-মানসূর বললেন : সম্ভৱ্যভাবে দিচ্ছি।^{১৩}

ওফাত

হিজরী ১৪৬ অথবা ১৪৭ সনে বাগদাদে মৃত্যুবরণ করেন। ঘটনাক্রমে সেই দিন 'আবাসীয় খলীফা আল-মানসুরের একজন অতি সম্মানিত ও খ্যাতিমান দাসের মৃত্যু হয়। এ কারণে দু'জনের জানায় একই সাথে হয়। তবে মানসূর হিশামের মর্যাদার কারণে তাঁর জানায়ার নামায প্রথমে পড়ান। তারপর সেই দাসের নামায পড়ান। হিশামের জানায়ায চার তাকবীর এবং দাসের জানায়ায পাঁচ তাকবীর উচ্চারণ করেন। তারপর বলেন, তাঁদের প্রত্যেকে তাকবীরের ব্যাপারে যে যে মত পোষণ করতেন সেই মত অনুযায়ী তাদের জানায়ার নামায আদায় করেছি। খলীফা হারুন আর-রশীদের যা খায়মুবানের নামে প্রতিষ্ঠিত কবরস্তানে তাঁকে দাফন করা হয়।^{১৪} মৃত্যুকালে তাঁর বয়স হয়েছিল ৮৭ বছর।^{১৫} তবে ইমাম যাহাবী ৮০ বছরের কথা বলেছেন।

১২. তারীখু বাগদাদ-১৪/৩৮

১৩. প্রাঞ্জল-১৪/৩৯

১৪. প্রাঞ্জল-১৪/৮১; আত-তাবাকাত-৭/২৭; তাবিঈন-৫০৭-৫০৯

১৫. তাহ্যীব আল-কামাল-১৯/২৭০

আবৃ বাকর ইবন ‘আবদির রহমান (রা)

ডাকনাম আবৃ বাকর- এ নামে তিনি এত প্রসিদ্ধি অর্জন করেন যে, আসল নামটি ঢেকে যায়। তাই অনেকে ধারণা করেছেন তাঁর আসল নাম আবৃ বাকর। তবে তাঁর আসল নাম সুহাম্মাদ। ইমাম যাহাবী (রহ) তাঁর ডাকনামটি আসল নাম হওয়ার ব্যাপারে যে কথাটি আছে তাই সর্বাধিক সঠিক বলেছেন। তিনি কুরায়শ বৎশের মাখ্যূমী শাখার সন্তান। তাঁর উর্ধ্বতন বংশধারা এ রকম : আবৃ বাকর ইবন ‘আবদির রহমান ইবন আল-হারিছ ইবন হিশাম ইবন আল-মুগীরা আল-কুরাশী আল-মাখ্যূমী।^১ তাঁর মায়ের নাম ফাখ্তা। মাতৃকূলের উর্ধ্বতন বংশধারা নিম্নরূপ : ফাখ্তা বিন্ত ‘উত্বা ইবন সুহায়ল ইবন ‘আমর ইবন ‘আবদি শাম্স। হ্যরত ‘উমার ইবন আল-খাতাবের (রা) খিলাফতের শেষ দিকে জন্মগ্রহণ করেন।^২ উটের যুদ্ধের সময় বয়স কম হওয়ায় তাঁর তালহা ও যুবায়রের (রা) বাহিনী থেকে তাঁকে ও ‘উরওয়াকে বাদ দেয়া হয়।^৩

জ্ঞান ও ঘনীষ্ঠা

তিনি মদীনা মুনাওয়ারায় জন্মগ্রহণ করেন। মদীনা ছিল তখন জ্ঞান চর্চা ও ‘আলিম-উলামার নগরী। তাঁর মধ্যে জ্ঞান অর্জনের প্রতি দারুণ উৎসাহ-উদ্বীপনা ছিল। এ কারণে অক্লান্ত পরিশ্রম ও ধৈর্যের সাথে জ্ঞান অর্জন করেন এবং মদীনার বিখ্যাত ‘আলিমগণের মধ্যে পরিগণিত হন। ইবন সাদ বলেন :

كَانَ ثَقَةً فِيهَا كَثِيرٌ الْحَدِيثُ عَالِيًا عَاقِلًا عَالِيَا سَخِيَا.

“তিনি ছিলেন বিশ্বস্ত, নির্ভরযোগ্য, ফকীহ, বছ হাদীছের ধারক-বাহক ‘আলিম, বুদ্ধিদীপ্ত, উচ্চ মর্যাদার অধিকারী ও দানশীল মানুষ।”

ইবন খিরাশ তাঁকে ‘আলিমদের ইমাম বলে গণ্য করতেন।^৪

হাদীছ

তিনি হাদীছের একজন বড় হাফিজ ছিলেন। ইমাম যাহাবী (রহ) বলেন :

كَانَ ثَقَةً حَجَةً فِيهَا إِمَامًا كَثِيرًا الرَّوَايَةِ سَخِيَا.

১. তায়কিরাতুল হফ্ফাজ-১/৬৩

২. প্রাণ্ত

৩. আত-আবাকাত-৬/১৫৩

৪. প্রাণ্ত

৫. তাহ্মীর আল-আসমা’ ওয়াল লুগাত-১/১৯৫

“তিনি ছিলেন বিশ্বস্ত, নির্ভরযোগ্য, ভজ্জাত (প্রমাণ), ফকীহ, ইমাম, বহু হাদীছ বর্ণনাকারী ও দানশীল ব্যক্তি।”

একথা আল-ওয়াকিদীও বলেছেন। সাহাবীদের মধ্যে তাঁর পিতা ‘আবদুর রহমান, আবু হুরায়রা, ‘আম্মার ইবন ইয়াসির, আবু মাস’উদ আল-বাদরী, ‘আবদুর রহমান ইবন মুত্তী’, উম্মুল মু’ফিনীন হ্যরত ‘আয়িশা সিদ্দীকা, ‘উম্মু সালামা (রা) প্রমুখের নিকট থেকে হাদীছ শোনেন এবং তাঁদের সূত্রে বর্ণনা করেন।^৬

তাঁর নিকট থেকে যাঁরা হাদীছের জ্ঞান লাভ করেছেন এবং তাঁর সূত্রে বর্ণনাও করেছেন তাঁদের মধ্যে তাঁর পুত্রগণ যথা : ‘আবদুল মালিক, ‘উমার, আবদুল্লাহ, সালাম; ভাতিজা আল-কাসিম ইবন মুহাম্মাদ এবং অন্যদের মধ্যে ইমাম যুহরী, ‘উমার ইবন ‘আবদিল ‘আয়ীয়, হাকাম ইবন উত্বা, ‘আবদুল ওয়াহিদ ইবন আয়মান (রহ) প্রমুখ বিশেষ উল্লেখযোগ্য।^৭

ফিক্হ

ফিক্হ বিষয়েও তাঁর স্থান ছিল অতি উচ্চতে। তিনি মদীনার বিখ্যাত সাতজন ফকীহের মধ্যে ছিলেন।^৮ আবুয় যানাদ বলতেন, মদীনার যে সকল ফকীহ ও ‘আলিমের মতের ভিত্তিতে বিভিন্ন মাসয়ালার সমাধান দেয়া হতো তাঁরা ছিলেন ছয়জন। তাঁদের একজন আবু বাকর ইবন ‘আবদির রহমান।^৯

ইবাদত-বন্দেগী

তাঁর মধ্যে তাকওয়া-পরহেয়গারী এবং পার্থিব সুখ-ঐশ্বর্যের প্রতি একটা নির্লিপ্ত ভাব অত্যন্ত গভীরভাবে ছিল। মদীনার অন্যতম শ্রেষ্ঠ ‘আবিদ ব্যক্তিগণের অন্যতম ছিলেন। দুনিয়া বিরাগী মনোভাব এবং অতিরিক্ত সালাতে নিমগ্ন থাকার কারণে মানুষ তাঁকে “রাহিবু কুরায়শ” (কুরায়শ বৎশের সাধু ব্যক্তি) উপাধি দেয়।^{১০} ইমাম যাহাবী বলেন :^{১১}

— كَانَ صَالِحًا عَابِدًا مَتَّلِهَا— “তিনি ছিলেন একজন সত্যনিষ্ঠ, ‘আবিদ ও আল্লাহওয়ালা মানুষ।” তিনি একাধারে কয়েক দিন সাওম পালন করতেন। তাঁর ভাই ‘আমর ইবন ‘আবদির রহমান বলেন, তিনি সাওমের পর সাওম অর্থাৎ ক্রমাগত পালন করতেন। মাঝে রোয়া ভাংতেন না।^{১২}

৬. তায়কিরাতুল হফ্ফাজ-১/৬৩

৭. প্রাণকৃত; তাহ্যীব আত-তাহ্যীব-১২/৩০

৮. ই'লাম আল-মুওয়াক্কি'ঈন-১/২৪; তাবি'ঈন-৫২৮

৯. তাহ্যীব আত-তাহ্যীব-১২/৩১

১০. আত-তাবাকাত-৬/১৫৩

১১. তায়কিরাতুল হফ্ফাজ-১/৬৪

১২. তাহ্যীব আত-তাহ্যীব-১২/৩১

বিশ্বস্ততা বা আমানতদারী

আমানতদারী ছিল তাঁর চরিত্রের বিশেষ বৈশিষ্ট্য। এ বিষয়ের প্রতি তিনি এত শুরুজ্ঞ দিতেন যে, কেউ তাঁর নিকট কোন কিছু গচ্ছিত রাখলে এবং তাঁর কিছু অংশ নষ্ট হয়ে গেলে মালিক তা মাফ করে দিলেও তিনি ক্ষতিপূরণসহ পুরো আমানত ফেরত দিতেন। উহমান ইবন মুহাম্মাদ বলেন, হ্যরত ‘উরওয়া (রহ) আবু বাকরের নিকট কিছু সম্পদ আমানত রাখেন। সেই সম্পদের কিছু অংশ নষ্ট হয়ে যায়। ‘উরওয়া বলে পাঠলেন, এ ব্যাপারে তোমার কোন দায়িত্ব নেই, তুমি তো একজন আমানতদার মাত্র। আবু বাকর জবাব দিলেন, আমি জানি যে, আমার উপর কোন ক্ষতিপূরণের দায়িত্ব নেই। তবে এ আমার মনোপৃষ্ঠাঃ নয় যে কুরায়শদের মধ্যে তোমার মুখ থেকে একথা বের হোক যে, আমার আমানত নষ্ট হয়ে গেছে। মোটকথা ‘উরওয়ার কথা তিনি মানেননি এবং নিজের সম্পদ বিক্রি করে তাঁর আমানত প্রত্যাপণ করেন।^{১৩}

তাঁর চরিত্রের আরেকটি বৈশিষ্ট্য ছিল দানশীলতা। অল্পতে তুষ্ট থাকতেন। ইবন সাদ বলেন – ন্যূনতম প্রয়োজন পূরণ হলে তুষ্ট হয়ে যেতেন।^{১৪}

বানু উমাইয়্যাদের নিকট তাঁর হ্যান ও মর্যাদা

বানু উমাইয়্যার খলীফাগণ তাঁকে এত সম্মানের দৃষ্টিতে দেখতেন যে, তাঁর কারণে মদীনার অধিবাসীগণ উমাইয়্যাদের বাড়াবাড়ির হাত থেকে নিরাপদ হয়ে যায়। খলীফা ‘আবদুল মালিক বিশেষভাবে তাঁকে অত্যন্ত সম্মান করতেন। তিনি বলতেন, বানু উমাইয়্যাদের সাথে মদীনাবাসীদের আচরণের কারণে তাদের প্রতি কঠোর হওয়ার ইচ্ছা করি, কিন্তু যখন আবু বাকর ইবন ‘আবদির রহমানের কথা স্মরণ হয় তখন লজ্জিত হই এবং আমার ইচ্ছা ত্যাগ করি। ‘আবদুল মালিক তাঁর উত্তরাধিকারী ওয়ালীদ ও সুলায়মানকেও আবু বাকরের প্রতি সম্মান প্রদর্শনের জন্য অসীয়াত করে যান।^{১৫}

গুরুত্ব

একদিন ‘আসর নামায আদায়ের পর গোসলখানায যান এবং সেখানে পড়ে যান। সাথে সাথে তাঁর মুখ থেকে উচ্চারিত হয় : ‘আল্লাহর কসম! আমি আজ দিনের শুরুতে কোন নতুন কথা বলিনি।’ সেই দিন সূর্যাস্তের পূর্বে ইন্তিকাল করেন। ইবন সাদ বলেন :

مات بالمدينة في سنة الفقهاء، وهي سنة أربع وسبعين.

‘তিনি হিজরী ১৪ সনে, যেটাকে ফকীহদের বছর বলা হয়, মদীনায মারা যান।^{১৬}

১৩. আত-তাবাকাত-৬/১৫৪

১৪. প্রাণক্ষেত্র; তায়কিরাতুল হফ্ফাজ-১/৬৪

১৫. আত-তাবাকাত-৬/১৫৪

১৬. প্রাণক্ষেত্র; তায়কিরাতুল হফ্ফাজ-১/৬৪

প্রস্তুপজ্ঞী

১. আল-কুরআনুল কারীম (ঢাকা : ইসলামিক ফাউন্ডেশন)
২. আল-ইমাম আয়-যাহাবী
 - (ক) সিয়ারু আ'লাম আল-নুবালা' (বৈজ্ঞানিক : আল-মুওয়াস্ সাসাতুর রিসালা, সংক্রণ-৭, ১৯৯০)
 - (খ) তায়কিরাতুল হফ্ফাজ (বৈজ্ঞানিক : দারু ইয়াহইয়া আত-তুরাছ আল-ইসলামী)
 - (গ) তারীখ আল-ইসলাম ওয়া তাৰাকাত আল-মাশাহীর ওয়াল আ'লাম (কায়রো : মাকতাবা আল-কুদসী, ১৩৬৭ খ্র.)
৩. ইবনুল ইমাদ আল-হামলী, শায়ারাত আয়-যাহাব (বৈজ্ঞানিক : আল-মাকতাব আত-তিজ্ঞাবী)
৪. ইবনুল জাওয়ী, সিফাতুল সাফওয়া (হায়দ্রাবাদ : দারিয়াতুল মা'আরিফ, ১৩৫৭ খ্র.)
৫. ইবন সাদ, আত-তাৰাকাত আল-কুবৰা (বৈজ্ঞানিক : দারু সাদির)
৬. ইবন 'আসাকির, আত-তারীখ অল-কাৰীৰ, (শাম : মাতবা'আতুশ শাম, ১৩২৯ খ্র.)
৭. ইয়াকৃত আল-হামবী, মু'জায় আল-বুলদান (বৈজ্ঞানিক : দারু ইয়াহইয়া আত-তুরাছ আল-'আরাবী)
৮. ইবন হাযাম, জামহারাতু আনসাব আল-'আরাব (মুক্তি : দারু আল-মা'আরিফ, ১৯৬২)
৯. ইবন বাল্পিকান, ওয়াফায়াতুল আ'য়ান (মিসর : মাকতাবা আন-নাহদা আল-মিসরিয়া, ১৯৪৮)
১০. আল-বালায়ুরী :
 - (ক) আনসাব আল-আশৱাফ (মিসর : দার আল-মা'আরিফ)
 - (খ) ফুতুহ আল-বুলদান (মিসর : মাতবা'আ আল-মাওসু'আত, ১৯০১)
১১. আয়-যিরিকজী, আল-আ'লাম (বৈজ্ঞানিক : দারুল ইলম লিল মালাইন, সংক্রণ-৪, ১৯৭৯)
১২. ইবন হিশাম, আস-সীরাহ আন-নাবাবিয়া (বৈজ্ঞানিক)
১৩. ইবন সালাম আল-জাহমী, তাৰাকাত ফুহূল আশ-শু'আরা' (বৈজ্ঞানিক : দারুল কুতুব আল-ইলমিয়া, ১৯৮০)
১৪. ইবন কৃতায়বা, আশ-শি'র ওয়াশ শু'আরাউ (বৈজ্ঞানিক : দারুল কুতুব আল-ইলমিয়া, সংক্রণ-১, ১৯৮১)
১৫. আল-জাহিজ :
 - (ক) আল-বায়ান ওয়াত তাৰবীন (বৈজ্ঞানিক : দারুল ফিক্ৰ)
 - (খ) কিতাব আল-হামওয়ান
১৬. ইবন কায়িয়ে আল-জাওয়ীয়া, আত-তুরুক আল-হিকায়িয়া ফী আস-সিয়াসা (কায়রো : দারুল হাদীছ, সংক্রণ-১, ২০০৩)
১৭. ইয়াম আন-নাওয়াবী, তাহ্যীব আল-আসমা' ওয়াল লুগাত (বৈজ্ঞানিক : দারুল কুতুব আল-ইলমিয়া)
১৮. ইবন হাজার, তাকৰীব আত-তাহ্যীব (বৈজ্ঞানিক : দারুল মা'রিফা)
১৯. ইবন 'আবদি রাকিহি আল-আন্দালুসী, আল-ইকদ আল-ফারীদ (কায়রো : মাতবা'আতু লুজনা আত-তালীফ ওয়াত তাৰজমা, সংক্রণ-৩, ১৯৬৯)
২০. আল-মাস'উদী, মুকৰজ আয়-যাহাব (বৈজ্ঞানিক : দারুল মা'রিফা)
২১. ইবনুল আছীৰ, আল-কামিল ফিত তাৰীখ (বৈজ্ঞানিক : দারু সাদির, ১৯৮৬)
২২. ইবন কাছীৰ, আল-বিদায়া ওয়ান নিহায়া (বৈজ্ঞানিক : মাকতাবাহ আল-মা'আরিফ; দারুল কুতুব আল-ইলমিয়া, ১৯৮৩)

২৩. জামাল উদ্দীন ইউসুফ আল-মিয়্যী, তাহ্যীব আল-কামাল ফী আসমা' আর-রিজাল (বৈকলত : দারুল ফিক্র, ১৯৯৪)
২৪. ড. 'আবদুর রহমান আল-বাশা, সাওয়ারুন মিন হায়াত আত-তাবি'ঈন (কায়রো : দারুল আদাব আল-ইসলামী)
২৫. মুহাম্মদ আল-খাদরী বেক, তারীখ আল-উমাম আল-ইসলামিয়া (মিসর : আল-মাকতাবা আত-তিজারিয়া আল কুবরা, ১৯৬৯)
২৬. মু'ঈন উদ্দীন নাদৰী, তাবি'ঈন (তারত : মাতবা'আ মা'আরিফ, ১৯৬৫)
২৭. 'আবদুল মূন'ইম আল-হশিমী, 'আসরুত তাবি'ঈন (বৈকলত : দারু ইবন কাছীর, সংক্রণ-৩, ২০০০)
২৮. ড. 'উমার ফারুক্স, তারীখ আল-আদাব আল-'আরাবী (বৈকলত : দারুল 'ইলম লিল মালাঙ্গিন, ১৯৮৫)
২৯. আন-নাওবাখ্তৌ, আবু মুহাম্মদ আল-হাসান, কিতাবু ফিরাক আশ-শী'আ (ইত্তামুল, ১৯৩১)
৩০. আল-বুখারী, আত-তারীখ আল-কাবীর (আল-মাকতাবা আশ-শামিলা)
৩১. ড. জাওয়াদ 'আলী, আল-মুফাস্সাল ফী তারীখ আল-'আরাব কাবলাল ইসলাম (বৈকলত : দারুল 'ইলম লিল মালায়ান)
৩২. ইবন নাদীম, আল-ফিহ্রিস্ত (তাব'আ মিসর)
৩৩. ইবনুল কায়িম আল-জাওয়িয়া, ই'লাম আল-মুওয়াক্তি'ঈন, (কায়রো : দারুল হাদীছ, ২০০৪)
৩৪. আদ-দায়নাওয়ারী, আল-আখবার আত-তিওয়াল
৩৫. ইবন কাছীর, আস-সৌরাহ আন-নাবাবিয়াহ (বৈকলত : দারুল কুতুব আল-'ইলমিয়া)
৩৬. ড. হাসান ইবরাহীম, তারীখ আল-ইসলাম (বৈকলত : দারুল আন্দালুস, সংক্রণ-৭, ১৯৬৪)
৩৭. শাহ্রাতানী, কিতাব আল-মিলাল ওয়ান নিহাল (১৩১৭ ই.)
৩৮. ইবন হাজার :
 - (ক) তাহ্যীব আত-তাহ্যীব (হায়দ্রাবাদ : দায়িরাতুল মা'আরিফ, ১৩২৫ ই.)
 - (খ) মীয়ান আল-ই'তিদাল (হায়দ্রাবাদ : ১৩৩১ ই.)
৩৯. খর্তীব আল-বাগদাদী, তারীখু বাগদাদ (বৈকলত)
৪০. জুরজী যায়দান, তারীখ আত-তামাদুন আল-ইসলামী, (বৈকলত : দারু মাকতাবাতিল হায়াত, ১৯৬৭)
৪১. ড. মাহমুদ আল-হাসান, আরবু মেঁ তারীখ নিগারী কি নাশু ও নামা (জার্নাল : ইসলাম আওর 'আসরে জাদীদ, খণ্ড-১, ১৯৬৯)
৪২. আবু নু'আইম আল-ইসফাহানী, হিলয়াতুল আওলিয়া (বৈকলত : দার আল-কিতাব আল-'আরাবী, সংক্রণ-২, ১৯৬৭)
৪৩. আল-ওয়াকিদী, আল-মাগায়ী (বৈকলত : 'আলাম আল-কুতুব)
৪৪. ড. মুহাম্মদ আবদুল মাবুদ, তাবি'ঈদের জীবনকথা (ঢাকা : বাংলাদেশ ইসলামিক সেন্টার, সংক্রণ-১, খণ্ড-১, ২০০২)
৪৫. দায়িরা-ই মা'আরিফ-ই-ইসলামিয়া (লাহোর)
৪৬. ইসলামী বিশ্বকোষ (ঢাকা : ইসলামিক ফাউন্ডেশন)
৪৭. ইবন কাছীর, মুখতাসার তাফসীর ইবন কাছীর (বৈকলত : দারুল কুরআন আল-কাবীয়, ১৯৮১)
৪৮. ইবন মানজুর, লিসান আল-'আরাব বৈকলত : দারু লিসান আল-'আরাব, ১৯৭০)

